



vigera agrorum inspicula tam pacis terra quam
frugum proventus ac commoditatibus aliis: folio: 175.



CIMELIA 8169

3281 Praeco.

Ph
16

Vl. d. 14.

ANDREAE FRICII
Modreuij Commentariorum
de Republica emendan-
da Libri quinque:
Quorum

PRIMVS, DE MORIBVS.
SECVNDVS, DE LEGIBVS.
TERTIVS, DE BELLO.
QVARTVS, DE ECCLESIA.
QVINTVS, DE SCHOLA.

AD REGEM, SENATVM, PONTIFICES,
Presbyteros, Equites, populumq; Poloniae,
ac reliquæ Sarmatiae.



*Bibliotheca Collegii
Majoris Universitatis*



Cum gratia & priuilegio ad quin-
quennium.

BASILEAE, PER IOAN-
nem Oporinum.

A. M. O. R. A. L. I. A. N. A.
N. O. T. I. C. I. A. S.
D. E. L. R. E. P. U. B. L. I. C. A. S.
D. E. L. L. I. B. R. A. R. I. O.
D. E. L. A. C. A. D. E. M. I. A. D. E. L. A. R. T. E. S.
D. E. L. A. C. A. D. E. M. I. A. D. E. L. A. R. T. E. S.

LIBRARY OF THE
ACADEMY OF ARTS
AND LETTERS
OF THE CITY OF
PARIS

PROPRIETARY OF THE
LIBRARY OF THE
ACADEMY OF ARTS
AND LETTERS
OF THE CITY OF
PARIS

Cim. 8169.



(188)

LIBRARY OF THE
ACADEMY OF ARTS
AND LETTERS
OF THE CITY OF
PARIS

ANDREAS FRICIVS MODREVIVS
 SIGISMUNDO AVGVSTO REGI POLONIAE, MA-
 GNO DVCI LITHVANIAE, RVSSIAE, PRVSSIAE,
 MAZOVIAE QVE DOMINO, ET HAE-
 RED. S. D.



OSTEA QVAM patri tuo, Regi uir-
 tute & imperij gloria clarissimo, ac in o-
 mni dignitate principi, in magnum hoc
 & amplum imperium successisti, SIGIS-
 MUNDE Auguste rex: sanè quàm, pro
 eo ac debui (dicendum enim quod res
 est) sollicitus esse cœpi, quò nam modo
 tantam rerum molem ferre ac sustinere
 posses. Etenim si rē uerè existimes, dif-
 ficillimum est rectè imperare. In hac uerò temporum perturbatio-
 ne, tot tātisq; nationibus & sermone, & lege, & more, et ordinibus,
 & religione discrepantibus, rectè & ordine imperare, longè diffici-
 lius. Augebant solitudinem nostram stridentes undiq; malorum
 procellæ, turbines, ac tempestates. Nam & Eous nobis minitaba-
 tur bellum, & Occidua undæ æstibus suis feruebant: & quocunq;
 aspexisses, tuti nihil, formidanda omnia nunciabantur. Ad hæc un-
 dæ malorum domesticorum adeò immoderatione impunitatis &
 licentiæ exundarant, ut, nisi Deus nos respexisset, uix quicquam fir-
 mum fuisset ad illas in alueum reducendas, ac continendas. Sed fa-
 ctum est Dei beneficio, ut externa iam letiora habeamus. Nam om-
 nes qui metum nobis incutere uelle uidebantur, partim sponte sua,
 partim tua opera, ad amicitiam tuam se aggregarunt. Domesticis
 etiam malis medicina adhiberi cœpta est. Sed nisi ei summa manus
 imponatur, ipsaq; malorum semina nisi extirpentur, incassum abi-
 bit labor omnis. Facile enim renascuntur, & uires sumunt pristinas,
 quæ radicitus non fuerint euulsa. Et quoniam oratio hæc hominis
 est nonnihil in schola uersati, fas mihi sit quæso, ex studijs nostris ea
 afferre, quæ seruiāt proposito: in primisq; uerba illa usurpare, qui-
 bus Agamemnonem regem Iupiter, Somno interpuncio, affatur,
 sic inquit:

Tota nocte uirum regem dormire pudendum est,

Cui populi, cuius commissa negotia cura Maxima sint. —

Quamobrem & tibi uigilandum est, ut facis, Rex: ac pro repub.
 consilio & labore excubandum: studiaq; omnia, cogitationes & cu-
 ræ in ijs rebus ponendæ, quibus clauum tanti imperij in maximis
 fluctibus tenere, & amplissimas ditiones in summis rerum difficul-
 tatibus tueri ac gubernare possis. Ad quam rem multa sunt quæ te

hortentur, Rex: sed in primis Respub. ipsa, multis in partibus perturbata. Nam & leges habet nonnullas, quæ iam pridem multam emendationem exposcant: & iudicia sunt talia, ut maior in eis seueritas desideretur: & in moribus eius permultis dissolutio, leuitas, & uanitas magna apparet. Ipsa igitur Resp. abs te optat, hæcque tibi, post initum abs te regnum, necessitatem imponit, ut hæc corrigas, ac restituenda tibi existimes. Soleo sæpe & mecum ipse tacitus reuoluere, & cum amicis crebris sermonibus usurpare, generis tui in Polonicis his oris imperij exordia, progressus, & successiones. quo pacto proauus tuus primum in hoc regnum sit ingressus: quid ille, quid item alij ab illo prognati, alius post alium, regia præditi dignitate, pro Repub. gesserint. Video illos & in armis claros fuisse, & in toga res foeliciter gessisse. Populos suos ab hostibus defenderunt: nationes infestas uel profligarunt, uel in fidem & tutelam suam receperunt: uictorias multas obtinuerunt: imperium hoc & auxerunt, & conseruarunt. Neque uero in Sarmatia tantum, sed in Hungaria, Boemia, Silesia, Morauia, rerum habenas rexerunt: populosque illos uario quidem Marte, sed tamen incredibili uirtute, temporibus periculosissimis, cum ab alijs hostibus, tum à Turcica immanitate tutati sunt. Atque utinam Deus consilia & res tuas, Rex, prosperet, ad quem continuatio hæc, seriesque imperij ab illis prorrecta est: ut tu uirtute, qua maiores tui usi sunt, imperium hoc conserues, ac saluum & integrum posteris tradas. Hoc præstare nequaquam potes, nisi & domi morum grauitate, legumque ac iudiciorum seueritate Rempub. administres: & foris eandem ab hoste fortiter tuearis. De quorum singulis, singillatim à me scriptum est: idque pro mea facultate ostensum, quod uel rectum uideretur, uel medicinam morbis tum nouis, tum inueteratis facere posset. Cum autem sperarem non ingrati tibi fore hanc commentationem nostram, uolui eam tibi cognoscendam proponere, atque in tui nominis auspicio in apertum proferre: euentum quidem rei, Deo ipsi, uti decet, permittendo. Rem difficilem suscepimus, & quæ personæ meæ uideri possit parum conuenire: sed scholæ, cuius partes mihi sumpsi, hoc semper datum fuit, ut de rebus quibusuis differeret. Non dubito autem, quin, si quid secus quam res exigat, à me uel per negligentiam, uel per inscitiam tractatum sit, te mihi indulgenter condonaturum. Faciles enim sunt lapsus in rebus magnis: in quibus tamen conatus ac uoluntas non temerè reprehendi solet. In qua persuasione, sic mihi coeptam exhortationem continuare libet. Multæ insidiæ, multæ fraudes quotidie imminet innocentibus: improborum magnus ubique numerus: pauperes, mæsueti, imbecilles, opprimuntur à diuitibus, audacibus, robustis. Horum probra minasque audire, tumidos inflatosque uultus uidere, strictos gladios spectare, fustes, uulnera & cades fer

re coguntur. Tantam immanitatem, tātorum scelerum tamq̃ atro-
cium crimina à capite fortunisq̃ ciuium tuorum propulsare nō po-
tes Rex, nisi morum, legum, iudiciorum emendatione, animaduer-
sioneq̃ iusta, debita, & sceleribus consentanea. Auctus es ultra pa-
ternum nomen Augusti nomine, Polonis quidem insueto & nouo,
sed tamen & grato, & secundi ominis pleno: quo Octauius impe-
rator Romanus primus appellatus est, seu ab augurio, seu ab augen-
do imperium. Et certè Octauio augustum hoc nomen fuit, quod
aucto imperio Romano ex uirtute illi partum erat. A te uerò, Rex
Auguste, expectatur, ut tuum augeas imperium, non tam prouin-
ciarum ac regionum accessione, quàm sanctis moribus, seueris legi-
bus, honesta disciplina. Multi affectantes regna externa, sua pericu-
lis infinitis subiecerunt. Et est in ipsa cupiditate regnandi, insatia-
bilis quædam immensa, si in animum sui impotentē incidit. Por-
rò nihil est beatius, animo sua sorte cōtento. Tibi uerò imperium
obtigit hereditarium, idq̃ amplissimum. Hoc ut Auguste augeas,
& ornes, contendere debes: idq̃ noua quadam ratione, ut nomen
hoc nouum est regibus apud nos, plebique inauditum. Non hoc di-
co, ut te esse uelim illum qui

Imperium Oceano, famam qui terminet astris.

Nam hoc nemo unquam perfecit: nec fieri potest: nec est rebus
mortalium utile, tametsi innumeri fuerint, qui regionum amplitu-
dine gloriam sibi dilatare cuperent. Sed ut (quod olim de Sparta
prouerbio iactatum est) quam nactus es Sarmatiam, eam tuearis,
excolas, & omni uirtutum genere exornes. In primis autem, ut de-
cet ueræ uirtutis amatorem, artes quibus liberales doctrinæ conti-
nētur, studio, liberalitate, & officijs tuis complectaris. Insunt enim
in artibus illis fontes & causæ sapientiæ, uirtutum, legum, & hone-
stæ disciplinæ: quæ omnia quàm regno & prouincijs tuis necessa-
ria sint, non ignoras. Tuum est igitur, moribus corruptis subueni-
re, legibus emendandis operam dare, labenti disciplinæ succurrere:
neque committere, ut per tuam negligentiam aditus ad nos hosti-
bus externis aperiatur: qui certè maximè patefit moribus pernicio-
sis, crudelitate, iniustitia, & alijs intestinis ac domesticis sceleribus.

Cum autem præcipuum Reipub. fundamentum sit, uitas homi-
num à cædibus iniustis tueri: ideo sententia illa abs te, ætate ineun-
te de puniendis homicidis dicta, & à nobis in Lascio copiosè expli-
cata, iam tandem tibi exequenda est, & usurpanda. Dedisti illam sen-
tentiam tanquam obsidem, tuæ in Rempub. præclaræ uoluntatis.
Itaq̃ uide ut expleas expectationē diutuni desiderij nostri: eaq̃ ad
exitum perducas, quæ & tibi decus, & nobis iucunditatem pariant
sempiternam. Occisus est annos abhinc propè uiginti Zagorius
à Parnicio, Petricouia, in cōuentu ordinum omnium. Quod, Rex,

pater tuus grauius tulit, ut debebat. cædes enim tantum non in cōspectu illius commissa uidebatur. Cupiebat Rex homicidam uel exlustris, in quibus latitaret, extrahi: uel à fuga, in quam se fortè dedisset, retrahi: moxq; comprehēdi & puniri, nisi legibus patriæ impediretur. Audiuius tum, questum illum grauius fuisse rei indignitatem. Verum inanes questus erant, quos punitio debita nō sequebatur. Quot anni interea fluxerunt, quibus regnū hoc sanguinolentum uiget: & ut imperante patre, ita te Rege, sanguine redundat: Sanguis effunditur: nec sacris, nec profanis locis parcitur: nihil est tuti à ferro: libidini passim seruitur, fiducia numorū, & carceris aliquot hebdomadarum. Quid igitur? expectas ne Rex, ut curia & archiuum sanguine impleantur? Dñ auertite hanc extremam pestem. Omnino lenitas hæc Dei diuturna, spem nobis facere non debet impunitatis: quæ quidē lenitas prudentes & intelligentes excitare potius ad pœnitentiam & resipiscentiam deberet. Verè dixit Ethnicus scriptor: Lēto quidem gradu ad uindictam sui diuinam procedere iram, sed tarditatem pœnæ grauitate cōpensare. Et Deus ipse edixit, se parētum iniquitatē persequuturum in filijs, nepotibus, & pronepotibus. Vide igitur Rex, ne diuturnæ patientiæ irā in nos, ac in te etiam effundat tandē Deus: uertatq; in cumulū condēnationis nostræ, tot seculorū mansuetudinē, nisi resipiscamus, errata temporum retroactorū corrigamus, legē diuinam in nostrā Rempub. recipiamus, nosq; ad illius præscriptū totos componamus. Quod quidē ut fiat, in manu tua, Rex, maximè positum est. Sunt enim & in Senatorio, & in Equestri, & uerò in omni ordine sacro profano, que quamplurimi, qui legi, qua de agimus, eum cupiant dari locum in nostra Repub. quem rebus omnibus diuinis: hoc est, summū & honestissimū, qualis scilicet decet authorem earū Deum Opt. Max. Cuius religione pura & sincera neglecta, nihil in Repub. præclarū, nihilq; solidū & constantis ad perpetuitatē constitui potest: quæadmodum ipsemet præcipiēdo dicit, Primū quærendum esse regnū Dei, & tum fore ut omnia adiiciantur nobis. Quod si fortè scelus & ambitio aliquorū ea fuerit, quæ tua cōsilia impedire uelit: ne dubita uiuere Deum, qui prosterнат hostes ueritatis suæ, quicq; bonorū uirorū studia tibi adiungat: modò tu rē fortiter aggrediaris, teq; ut decet, principē ad tantā rem profitearis. Ego quidē spero breui fore, ut Christus populi sanguine suo redēpti misereat: & illos ipsos carbones ignis, quibus tot secula miseri homines adurebantur, coaceruet tandē in capita eorū, qui, ut ex sua libidine agerētur omnia, & Dei iussa, & proximi amorem, & omnes æqui ac honesti causas abiecerunt. Vale. Calendis Martijs, Anno 1551. Cracouia.

ANDREAS FRICIVS MODREVIVS

SECRETARIVS REGIVS, SENATVI, PONTIFI
cibus, Presbyteris, Equitibus, populo'que
Sarmatico S. D.




OS ETIAM, uiri Sarmatici nominis, decet, ut operam
hanc uobis huicq; Reipub. nauatam, boni consularis: ipsi
quoq; comodis priuatis omisiss, in Remp. omni animi im-
petu incumbatis. Non eadem sunt partes, non eadē fa-
cultates omnium in Rep. Alij sunt cū potestate, alij pri-
uati. Sunt qui consilio opē ferre possint Reipub. sunt qui
re ac opere: quibusdam & res deest, & consiliū. Quisq;
igitur pro officio ac munere suo, proq; facultate rerum, ingenij, consilij, gratia, studeat
Reip. Quibus hac desunt, hi uoluntate adferant promptā & alacrem: faciant uota:
hortentur uerbis: excitent laudibus: prosequantur gratis animis ac bonis ominibus
laborantes pro Reipub. in qua nimirū res priuatorum omnes contineri putandū est:
& ad quam iuuandam hoc quicquid est cōscripsimus, ac uobiscum communicandū
duximus. Omnes cogitationes meas ad precationem illam dirigebā, qua nos uti uo-
luit magister morū, utaq; largitor CHRISTVS IESVS: qua quidē precatione pe-
timus a Patre cōlesti, ut sanctē colatur nomē suū, utq; fiat uoluntas sua, ut in cōlo
& in terra. Nihil à me odio, nihil gratia datum, nullus personarum respectus habi-
tus est: sola ueritas quasita, honestas, & utilitas publica. Plus nimium & nostrae na-
tioni tribueret, & aliarum gentiū iudicijs detraheret, qui nostrae gentis omnia admi-
rans tanquā bene constituta, aliena cōtemneret, ceu rebus humanis minimē idonea.
Atq; hunc ego talem nolo libri nostri lectione occupari. Legat sibi domi suae nata, ce-
lebre laudibus res moribus legibusq; nostris usitatas. Noster uerō liber postulat ho-
minē sincero, liberali, & prudente iudicio, qui alios non contemnat: quiq; nec sui a-
more, nec alicuius odio ducatur rebus perpendendis ac deligendis. Obuersatur mihi
animo insurandū, quod, cū in eorū collegiū qui sunt Regi à secretis cooptarer, dedi:
me (id enim in formula continetur) Rege, & eos qui sint cum potestate, cū de no-
xijs, cū de utilibus ac honestis rebus, Reiq; publicae necessarijs, quae mihi quidem co-
gnitae forent, nequaquā celaturum esse. Facio igitur pro uirili, quod sanctē facturū
me recepi. Et morū, & legum, & iudiciorum uitia ostendo: ordinū diuersorum &
actionū abusus demonstro: ac rationē in uiam redeundi patefacio. Per multa fortas-
se ex schola magis, quā ex aula afferro: sed quae tamen Reipub. minimē inutilia es-
sent, si reciperentur. Assequutus ne sim quod uolui, iudicent boni & eruditi uiri.
Nam malorum quidem & indoctorum iudicia, negligenda sunt homini bene cupiē-
ti Reipublicae. A uobis itaq; etiam atq; etiam peto, ut quod benignē & gratuito
uobis offertur, gratis animis excipiat. Id & humanitas postulat, & grati-
tudo: id requirit remunerationis uicissitudo, ab alio ne
expectes, alteri quod feceris. Valete.

ANDREAE FRICII MODREVII AD

REGEM, SENATVM, PONTIFICES, PRESBYTE-
ros, Equites, populumq; Poloniæ, ac reliquæ Sarmatiæ, Commen-
tariorum De emendanda Republica, Liber I.
qui est De Moribus.

P R A E F A T I O.



VIRES ab alijs tractatas scribere ipsi aggrediuntur, duplici nomine sua scripta commendare student: uel certius aliquid à se allatum iri pollicendo: uel quæ rudius ab alijs explicata sint, ea uerborum & sententiarum luminibus illustrando. Ego uero, etsi nec inuentis eorum qui de Repub. scripsere, certius quicquam à me afferri posse sperarem: nec orationis copiosæ & elegantis ornatu abundarem: tamen hoc argumentum ideo tractandum suscepî, ut hominibus nostris quasi in una tabula proponerem, quæ mihi in nostra Repub. emendanda uiderentur. Non quod ab alijs id melius & locupletius præstari posse dubitarem: sed ut ipse pro mea parte Reipub. seruirem. Est enim hoc, ut mihi uideatur, hominis literarum studiosi, cogitationes suas de ijs rebus, quæ uel prosint uel obsint Reipub. cum alijs communicare: eosq; uel ad probandum ea quæ dixisses, uel ad improbandū, excitare. Sic enim sperem futurum, ut ij penes quos est potestas, multorum uocibus & quasi suffragiorum conspiratione ad ea quæ recta sint, præcipienda, ea autem quæ peruersa, uetanda, facile impellantur. Iam cum nihil unquam tam perfectū ab ullo artifice prodierit, quin à posterioribus uel additum sit aliquid in opere illius, uel mutatum, uel diligentius eliminatum: ne id quidē detertere nos, aut quenquam debet, ut otio torpescerent, non debeamus ad ea manum admouere, in quibus alios uidemus multum ante nos laborasse. Neq; uero sum nescius, non omnibus me hac tractatione nostra satisfacturum esse, qui in multis ne mihi quidem ipse satisfaciam: uerum tamen dabimus fortasse alijs, aliquid certius perquirendi, occasionem. Et tamen conquirere me omnia studuisse, quædam etiam fortasse inuenisse, intelligent, qui librum hunc nostrum legerint. Quod si nihil noui à nobis allatum esset: tamen rectam uel sequi uel inquirere sententiam, iucundum est homini bene cupienti Reipublicæ. Neq; me offendet, si cui non omnia probabuntur, quæ scripsi. C. Lucilium, hominem Romanum, dicere solitum accepimus, ea quæ scripsisset, neq; ab indoctissimis, neq; à doctissimis legi uelle: quod alteri nihil intelligerent, alteri plus quàm ipse, qui scripsisset. At mihi nihil optabilius, nihilq; iucundius esset, quàm si cogitata

gitata hæc nostra à doctissimis quibusq; legeretur: ut si minus probarent quæ scripsissemus, haberent ansam uel reprehendendi nostra, uel ea inueniendi quæ nos latuere. Multas enim in Repub. nostra esse & consuetudines & leges, quæ emendationis indigeant, per multi sciunt. Nos uerò non eam tantum partem quæ ad leges pertineat, sed totam Rempub. complecti uoluimus; quidq; de omnibus partibus sentiremus, ostendimus. Et ego quidem in tenui fortuna natus, agnosco, nec opis aliquid in me, nec præsidij in auctoritate mea esse Reipublicæ: uerumtamen facere non possum, quin illi pro uirili & appellando omnes ordines, & hortando scriptis meis operam præbeam. Quod officium nostrum utinam eo animo accipiatur à bonis uiris, quo à nobis præstatur. Nihil enim ambitiosè, nihil nouarum rerum cupiditate, sed omnia Reipub. studio à nobis & dicuntur, & scribuntur. Quòd autem res peruulgatas nonnullas tracto, ab alijsq; uel fuscè descriptas breuiter attingo, uel strictim indicatas copiosius explico, id methodi causa à me factum est: qua ad id peruenire uolui, quod mihi in primis tractandum proponebam. Et fortasse uidebuntur alicui nonnulla quæ scripsi, talia esse, quæ hoc rerum statu facultatem uix habere possint. Sedenim mihi illa ratio fuit, bonis scriptoribus arte & uia aliquid tractantibus (quos, quantum possum, studeo imitari) usitata, ut non tam ad tempora, & ad statum presentem, quam ad rerum naturam respicerem. Neq; enim hominum arbitrio, neq; consensu, iustum & iniustum, bonum & malum secernuntur. Nunquam iustum erit, hominem innocentem occidere, falsum testimonium dicere: nunquam iniustum, gratiam benemerenti referre, ius suum cuiq; tribuere: quamuis uel hæc suffragijs hominum & consensionibus probarentur, uel illa improbarentur. Sed quemadmodum homo ipse, equus, arbores, & res aliæ conditæ, natura constant, non hominum arbitrio: ita iustum & iniustum non in hominum opinionibus, sed in rerum natura posita sunt, inscriptaq; diuinitus in cordibus hominū, unde ipsi non sermonibus tantum uoce prolatis, sed cogitationibus etiam tacitis & accusant se mutuo, & defendunt: quemadmodum à Paulo illo celestis doctrinæ nuncio & scriptore proditum extat. Multa scripsi ex sententia hominum prudentissimorum, quædam arbitrato meo tractaui: ac in præceptis illam operum perfectionem præscripsi, à qua me longissimè seiunctum esse non ignoro. Verum quid uetat, quo minus uel præscribam mihi ipse quod alijs præscribo: uel (ut inquit ille)

— *Fungar uice cotis, acutum*

Reddere quæ ferrum ualet, exors ipsa secandi?

Multis etiam uiam & rationem fortasse non ineptam indicaui, qua & ipsi commentaria huiuscemodi conficiant, in quæ cōportent materiam aptam uel ex aliorum scriptis, uel ex suis ipsorum inuentis.

Diligentiam quidem, studium & laborem inuestigandis istis tantū adhibui, quantum potui maximum: cæterum, euentū & successum rei totum Deo permittere, æquissimum est: sine cuius ope nullus humanus, quamuis magnus, conatus, ad effectum perducī potest. Quod si uoluntas sola in rebus magnis laudem meretur, existimo hoc officium nostrum, cum uoluntate benemerendi coniunctum, minimē uituperandum esse. Seruauī etiam illam legem, ut uitīs notandis neminem nominarem: ita ut nemo mihi irasci possit, nisi se prius alicuius uitij reum confiteatur: conscientiaq; alicuius probri percussus, accuset ueritatis emersionē. quemadmodum noctua, ut est in fabula, solem orientem accusauit: cuius nimirum radios oculis suis nullo modo posset contueri. Et tamen ut solis exortus summas & infinitas commoditates affert uitæ mortalium: ita ueritas, quoties prodit ex tenebris errorū, maximis beneficijs afficit & ornat res hominum, deorumq;: cū quidem error uel inueteratus, quemadmodum malum bene positum, foeditatem in se semper inclusam habeat: quāuis diu toleretur, & à nemine moueatur. Porro, qui ueritati prodeuntī non assurgat, nec eam debita obseruantia complectatur, sed & respuat, & auersetur: quem putabimus eum esse, nisi illius parentis prolem, qui mendax est: mēdaciūq; à suis filijs coli uult unice, ut eos tandem consortes faciat regni sui? Sed nos præfatione omīssa, de re incipiamus dicere.

CAPUT I.

Reipublicæ definitio.

PLACET igitur, quod uiri doctissimi in omni disputatione censent fieri oportere, ut rei, qua de acturi sumus, uim & naturam in primis describamus: definitionemq; ab illis traditam, qui hoc genus argumēti ante nos tractarunt, usurpemus. Definiunt enim illi, Rempub. esse concilia, coetusq; hominum iure sociatos, ex multis uicinjs perfectos, & ad bene beateq; uiuendum constitutos. Non enim Reip. nomine una familia, aut una domus appellatur. Hæc enim est res priuata, suoq; nomine dicitur res familiaris ac domestica: & eò pertinet, ut familia ac omnes domestici unā uiuant, mutuasq; operas conferant ad res uitæ necessarias. Qui primus est, ac imperium habet in eiusmodi familiam, uocatur Paterfamilās. Porro ex familijs, & multis domibus, uici cōstituuntur: ex uicis uerò ac pagis, conflatur hæc ciuilis communitio, quam Rempub. nominamus. Ac hominem quidē ad eiusmodi coetus & congregationes colendas & celebrandas aptissimū esse, ratio & sermo indicant. Hæc enim beneuolentiam hominum inter ipsos maximē conciliant, quæ præcipuum est uinculum huius tam latē patētis societatis: in qua qui uiuūt, operas suas omnes, studia, laborem,

dili-

diligentiā & industriā conferre eò debēt, ut bene sit ciuib. omnibus, utq; uitam omnes uiuere possint beatam. Habet enim se Respub. tanquam corpus alicuius animantis unum, cuius nullum membrū seruit sibi soli: sed & oculus, & manus, & pedes, & reliqua membra in commune quasi consulunt, muneribusq; suis ita fungūtur, ut bene sit toti corpori: quo nimirum bene habente, membris quoq; bene esse: incommode uerò habente, membra quoq; incommodis affici necesse sit. Et quemadmodum, si quod membrum à corpore auulsum fuerit, nō amplius suo nomine dignum est, propterea quòd nec uiuere, nec officio fungi possit, nisi corpori adiunctum sit: ad eundem modum, nemo ciuium extra Remp. cōmodè uiuere potest, aut munus suum exequi. Neq; enim Rex regio munere, nec ullus magistratus officio debito fungi, nec aliquis priuatorum suauem et tranquillam uitam extra Rempub. diu agere potest. Quòd si quis est, qui sine societate hominum uiuere queat, nemineq; indigens se ipse contentus sit: is non ciuis, sed uel bellua, uel Deus putādu est, inquit Aristoteles. Sit igitur finis hic Reipub. ut ciuib. omnibus bene beateq; hoc est (ut Cicero interpretatur) honestè recteq; uiuere liceat: ut dignitate ac commodis cuncti augeantur: ut pacatā & tranquillam uitam omnes degant: ut quisq; suum tueri ac tenere possit: ut ab iniurijs & cædibus nemo non sit quā tutissimus. Harum enim rerū causa ciuitatū ac Rerumpub. præsidia quæsitā sunt.

Arist. Polit. 2.

CAPUT II.

Reipublicæ diuisio.

RES autem memorantur à philosophis formæ Rerump. quibus pro eorum qui imperāt uarietate, uaria nomina indita sunt, & ea quidē Græca: Monarchia, Oligarchia, & Politia. Monarchiam, gubernationem unius appellant: quæ si ex legibus sit, Regnum: si ex libidine administrantis, Tyrannidem uocant. Oligarchiam, administrationem paucorum: quæ si uirtutem in primis spectet, eam nominant Aristocratiam, id est, optimatum gubernationem: sin quid aliud, ut uel opes, uel alia fortunæ bona, nomen generis retinere uolunt, hoc est Oligarchias. Politiam, potestatem plurium, in qua honores & magistratus suffragijs multitudinis cōferantur, æqualisq; sit omnium de uirtutis gloria & imperio contentio: quod cum fiat ad honestatem & publicam utilitatem, communi omnium Rerump. nomine Rempub. dicunt. Commune enim est, quod publicum est: ut Respub. non aliud, quā cōmunis omnium honestas & utilitas esse uideatur. Sin populus temeritate, ut sit, ducatur, ac improbitate rebus agēdis, nec omnium, sed pauperum in primis honori & commodis inseruiat, tum Democratiā nominant: hoc est, popularem potestatem. Optimum ue-

rō Reipub. statum illum perhibēt, qui ex tribus illis generibus permixtus sit: regali, optimate, et multitudinis. hoc est, in quo regia uirtute omnia teneantur: optimis uiris summi honores tribuantur: omnibus ex æquo campus pateat & palestra ad uirtutis laudē & gloriam. Talem fuisse politiā Moſis, diuinis literis est prodiū. Nam illa gubernabatur potestate ferē unius, cui uiri prudentissimi addebantur: qui lites, negotia, onera Reipub. unā cum illo sustinerent. Et hi quidē & ex omni populo, & ab ipso populo eligebantur. Sic *Deut. 1.* enim uniuersum populum alloquitur Moſes: Date ex uobis sapientes, & spectatæ integritatis uiros, uestrarum tribuum, quos uobis præfectos constituam. Itaq; Moſes autoritate sua eos confirmabat, quos cunctus populus ex suo numero elegisset. id quod in ea patria, quæ communis est uniuersorum, & æquum sit fieri, & necessarium. Ad eiusmodi statum, quo quæq; Resp. propius accedat, hoc melior: quo magis ab ea recedat, hoc deterior putatur. Et hæc de definitione & formis Reipublicæ. Cuius diuisio illa in partes eam constituentes, quæ sunt, magistratus & homines priuati, horumq; diuersitas, suo loco apparebit.

CAPUT III.

Quibus rebus conseruetur Respublica, & libri totius partitio.



VNC, quo pacto rectē uel constitui, uel emendari, & ad perpetuitatem conseruari possit, exponamus. Omnis de Repub. quæstio tribus, ut mihi uidetur, partibus potissimum continetur: quæ si bene constitutæ sunt, Respub. bene erit constituta. Earū quidē partium una pertinet ad ciuilem hanc hominū inter ipsos societatem administrādam, tuendam, & defendendam: altera, in religione Dei immortalis purē castēq; colenda: tertiā, in iuuentute rectē instituēda & erudienda posita est. Atq; huius quidē, quā tertio loco posui, causa, ludi literarij in oppidis omnibus, in pagis etiam permultis constituti sunt. Ex bona enim adolescentum institutione, omnes, aut certē potissime commoditates, tam religioni quā societati hominum nascuntur. Ideo & nobis, in hac de Repub. tractatione, quæstio de scholis prætermittenda uisa nō est. nam de religione quidē, neminem opinor quæstionem hinc esse exclusurum. Nec enim locus, qui nos nascentes excipit, nec mœnia, quibus ab hoste tuti esse uidemur, nec ulla societas cum hominibus, uerius dici potest patria nostra, atq; religio in Deum immortalem: cuius cultores Deus ipse multis præmijs ornat, contemptores autē punit & fame & peste, & igne, & eluuiōibus, & bello, & politiarū dissipatione. Igitur quoniam cœtus & congregationes hominum inter ipsos ante oculos omnium maximē obuersantur, non abs re fuerit, de his ipsis primū differere, quos quidē ipsos cœtus uel Rei.

Reipub. uel ciuitatis, uel politiæ nomine appellabimus: non quia hæc nomina ad cœtus sacros accommodari possint, sed quod Ecclesiæ nomen hodie sacris cœtibus peculiariter attribuitur. cum quidem, si originem nominū spectes, utrunq; & politiæ & ecclesiæ nomen, cœtui utrique, tam sacro quàm profano, cōuenire possit. Cœtus quidem ipsi ita se habent, ut uterque subseruiat utriq; nec apud populum Christianū profanus disiungi possit à sacro: uerū quoniam rāiones administrandi habent diuersas, magistratus etiam diuersos, ideo, quemadmodū alij fecerunt, & nos faciemus, ut de Reipub. seorsim tractemus: post, ad ecclesiarum administrationem descendamus: postremo uerò, de scholis dicamus. Tribus in rebus Reip. salus & dignitas posita esse uidetur: in morum honestate, iudiciorum seueritate, & in artibus bellandi. Quæ tria ita se habent, ut Respub. artibus bellicis foris ab hoste defendatur: moribus autem, & iudicijs, domi conseruetur, & administretur. neq; tamē eodem modo utrisque. Mores enim sunt, quibus unusquisq; sponte sua uiuit, in societate hac hominum: scq; ipsum & res tum suas tum alienas tractat, cum approbatione uel omniū, uel plurium, uel certē bonorum & prudentum: loquor enim de moribus bonis & honestis. Iudicia autem, in eos qui de morum uia deflexerunt, ideo exercentur, ut tandem illi faciant coacti, quod moribus & sponte sua facere recusarunt. Igitur tribus illis rebus bene se habentibus, rem ipsam publicam bene se habere: contrā uerò, quantum de aliqua illarum fuerit detractum, tantundem de salute & dignitate Reipub. detrahi necesse est. Neq; ego ignoro, posse de his aliter dici: ac pro moribus uel uirtutem, uel officium, uel quid simile usurpari. uerū res istæ & operæ sunt & laboris maioris, quàm ut hoc in tractatu à me descriptionibus explicari possint: & ab alijs præclare descripte, minimē indigent expositione nostra. Constat etiam mihi distributionis nostræ ratio quædam: quam spero me, prudētibus uiris, qui ea quæ dicuntur, secum expenderint, probaturum esse. Nota est Cai

in de iustitia et iure. L. omnes.

Ad Heren. in Rhet. lib. 1.

Sal. de Getulis Liui. belli Punici lib. 6.

Quintil. de argumentis.

Hora. lib. Car.

4. Ode 3. 6.

3. 24.

*Mos & lex maculosum edomuit nefas. Et eiusdem:
Quid leges sine moribus uana proficiunt? Et Ennii,
Moribus antiquis res stat Romana, uirisq;*

b 3

Et

Et leges quidem ad ea referendae sunt, quae rogationibus plebis-ue scitis sancta, populo seruandi uitandiue causa proponuntur: Mores autem ad ea instituta, seu ad eas observationes, quae sola hominum approbatione & usu diuturno inualuerunt.

CAPUT III.

Morum uim maximam esse: & de quibus moribus sermo institutus sit.

INITIVM
tractationis de
moribus.



PRINCIPIO igitur de moribus dicendum est: quorum uim maximam esse in omni uita, inde apparet, quod & obseruantes illorum laudantur, & negligentes reprehensione non carent. Multa sunt, quae ratione nulla nixa, moribus & consuetudine usurpantur: multa, quae in more maiorum erant, hodie legis locum obtinent: pleraque etiam praua & peruersa, & animaduersione digna, impune fiunt, ac moris excusatione defenduntur. Sed enim ne oratio nostra uagetur & erret, intelligendum est, bonis moribus regendam esse Rempublicam. Quantumuis enim inuaserint eam prauis moribus, nunquam tamen non incurrunt in uarias bonorum hominum reprehensiones. Administranda est igitur Respublica, his moribus, qui consensu grauium ac honestorum uirorum probantur, & laudantur: qui cum bonis institutis coniuncti sunt, aut certe sunt ipsa bona instituta. Ea uero eiusmodi sunt, ut partim e recta ratione & intelligentia nostra, sponte sua in nobis existant: partim uero, imitatione eorum qui uirtute singulari, grauitate & constantia praediti sunt, imprimantur.

CAPUT V.

1. Bonis moribus Rempublicam optime gubernari. 2. Bonos autem mores & cognitione & consuetudine honestorum constare: contra turpes ex ignorantia & maiorum consuetudine maxime proficisci. 3. Consuetudinem honesti in moderandis affectibus peruersis positam esse. 4. Ac in habitu benefaciendi acquirendo: inde enim uirtutum genera emanare. 5. Ea autem consummari non posse, nisi frequenti exercitatione. 6. Tandem concluditur hic locus maximam scilicet uim esse bonorum morum ad Rempublicam bene gubernandam.



THIS quidem moribus Respublica optime gubernatur: atque haud scio an melius multo, quam legibus ipsis. Etenim mores certa animi inductione conformati, magis nos in officio retinent, quam uel ampla praemia, uel poenae grauissimae legum. Multi sunt qui poenis non deterrentur, nec a furtis, nec ab homicidijs, nec ab alijs sceleribus: multi nimia auaritia ad opes malis artibus quarendas, multi ambitionis furore ad honores petendos

tendos impelluntur. Etsi uerò his postremis, hoc est ambitiosis, nullę legibus nostris: tamen illis prioribus, nempe furibus, homicidis, & alijs hominibus sceleratis, acerbę poenę propositę sunt. Qui quidem omnes, si bonis moribus imbuti essent: si & uitiorum foeditatem, & uirtutis pulchritudinem mentis oculis contuerentur: si uiderent, in quo posita sit uera honestas, & in quo uitę turpitude: si abiectis turpibus, ea quę honesta sunt, sibi in usum & morę transferrent: non certę uel in perpetrandis sceleribus feroces, uel in petendis quę minimę decent, adeo insolentes essent. At dicet aliquis, orationem hanc nostram alios homines extrā requirere, aliam politiā: nostrę minimę utilem esse. Neminem enim unquā apud nos, imò ne apud alias quoq; nationes uisum esse, ijs moribus pręditū, ut non sæpe peccauerit, ea quę minimę oporteat uel appetendo, uel perpetrando. Ego uerò fateri cogor, nihil in rebus humanis adeo sanctum esse & syncerum, quod homines à uicijs prorsus uindicare possit. Etiā illud adiungo, fuisse multos & uirtute & doctrina (ut uidebantur) pręclara, qui se foedissimis uitijs obstrinxerint. Sed tamen idem contendo, multa ab hominibus bonorū ignoratiōe committi, multa ab eisdem nefanda, cōsuetudine malorum, perpetrari. Quid est enim, quod magis nos ad laborem & ad uerā uirtutis laudem excitare possit, quid in cursu optimarum actionum magis retinere, quā cognitio & consuetudo rerum honestarum? contrā, ignoratiōe bonorum qui laborant, nullius officij munus constanter exercere possunt. Versantur enim in omni uita tanquam in tenebris, ignari quid agant, & quomodo agant. Sæpe pro honestis turpia, pro cognitis incomperta, pro utilibus damnosa, pro preciosis uilia consecretantur. Et unde quęso tot abusus plurimarum rerū, tot pernicioſa exempla, quā uel ex ignorantia, uel ex rerum malorum cōsuetudine, & in Rempub. & in Ecclesiā irrepsērunt? Sic enim habendū est, ut homo superat omnia animantia ratione, suntq; in eo quasi igniculi prudentię & uirtutis ad res pręclare gerendas: sic, nisi rationem ipsam excoluerit cognitiōe optimarum rerum, nisi igniculos illos uirtutis & sapientię usu & exercitatione excitaue- rit & inflammauerit, sit, ut in res contrarias honestati pręceps feratur: nihilq; sit eo stultius, nihil impurius, nihil intemperantius, nihil sceleratius, nihil in omni cupiditate insolentius: nullaq; belluarum adeo sit tetra & immanis, quę cum eius immanitate possit cōparari. Quid multis? ipsa mortaliū uita planū facere potest, quā multa, quāq; grauiā mala ignorantiam tanquam cæcitatem, & ipsam malī cōsuetudinem tanquam contagionem, consequantur. Vulgò receptum est, ut qui opifex canem interfecisset, is artem exercere desineret, ac tantū non infamis esset: qui hominem, hic locum obtineret suum, nihil de eius arte, nihil de existimatione decederet.

Aristotel. Politic. 1.

deret. Est & illud in legibus nostris, ut fures qui duodecim numos grossos sustulissent, uita priuentur: homicidæ, pecunia pro capite soluta, uiuant: atq; illi infames, isti minimè habeantur. Hæc an non ex prauo quodam hominum iudicio in mores, & in leges abierunt? Ecclesiastica quoq; censura sacerdotium emere non finit: ac in grauiissimo scelere ponit, si quis ex pacto numeret pecuniã, ut in sacerdotij possessionem, sine molestia & litibus, possit peruenire. Interea profanis ministerijs, fauore, gratia, multos in ecclesiam ingredi finit: litigatores etiam istos res suas agere permittit, qui actionibus intentatis, conuictijs, largitionibus, dolis, fraudibus, & artibus non dicendis, sæpe uiribus & armis irrumperè uolunt in sacerdotium. Atqui minus malum erat, ex empto obtinere, homines non uexando, nec uiolando: quàm, cum multorum turbatione ac graui offensione rem quærere. Si hoc fertur, cur non illud? Si illud improbat, cur non hoc? Hæc quoq; an non ab ignorantiae radicibus ueniunt? Sed horum tanta turpitudine est, ut palpari manibus pedibusq; possit. Sunt alia permulta adeò parua, ut non nisi à scientibus animaduertantur. Quæ nos, quantum facultas feret nostra, detegere constituimus. Prima igitur, & maxima unicuiq; debet esse cura, ut de reb. rectè sentiat, & quàm fieri possit rectissimè iudicet: proxima, ut appetitum rationi subdat. Non enim sine causa maximè philosophorum prodiderunt, uirtutes morum appetitui insidere: quæ formare debeant, motus & perturbationes eius sedando, eas ad mediocritatem reuocando, ac in ius & potestatem rationis subigendo: ne scilicet amor uel odium, spes uel metus, aut quæuis alia commotio, fines honesti egrediantur. Constant magnā partem libri sapientum præceptis, ad eiusmodi animi motus mitigandos pertinentibus: qui si nimij sint, notitiam ac iudicium mentis interturbant, aut etiam opprimunt, ut ne se proferre ac exerere possit, quemadmodum Medea testatur inueniens: — *Aliudq; cupido,*

*Mens aliud suadet. uideo meliora, proboq;
Deteriora sequor. —*

Et ira quidem erat, quæ fecerat, ut Medea esset impos sui. Verum tamen eiusmodi est omnis animi commotio, ut obicem opponat rationi, & bonis cōsilijs. Qui re iucunda commouetur, ad spem illius potiundæ, qui item ea potitus gaudet & exultat, ac uoluptate se replet, an putas eum recto usurum iudicio rebus agendis? Rursus, qui metuit sibi ab aliquo incommodo, & qui illud iam perferens tristitia ac mœrore occupatur, an nō & ipse de statu deijcitur? Videmus pauentes pallere, exultantes rubescere: illos turbari, istos animos fumere: neutros uerò eo uel colore uel animo præditos esse, quo solent, cum affectibus iisdem uacui sunt. Nam de iratis quid opus est dicere: qui sæpe obliuiscuntur sui, nec uident quæ præ oculis sunt:

nullus

nullus ferè locus potest esse rationi apud eos, qui uindictæ cupidi-
 tate ardent. Inuidētia in nobis nascitur ex bonis alienis, quibus uel
 omnino caremus, uel minoribus præditi sumus: uel si paribus, ta-
 men illos quibus inuidemus, in eo honore & pretio esse nolumus,
 in quo ipsi esse uidemur. Odiū ex timore & ira nascitur: quod cum
 non aliter exagitet animum hominis, quem obsidet, quàm furia, nō
 potest habere cum ratione commercium. Sed quorsum hæc? Ut
 uideamus, hos esse quasi hostes domesticos nostros, medullis no-
 stris affixos: quorum in imperio non possit ratio consistere. Præ-
 clare M. Cicero: Nulla est, inquit, tanta uis, tanta copia, quæ nō fer-
 ro ac uiribus debilitari frangiçq; possit. Verum animum uincere, i-
 racundiam cohibere, uictoriã temperare, magni animi est. Hæc qui-
 faciat, non eum summis uiris comparandum, sed Deo simillimū pu-
 tandum. Sed quod Cicero dicit de iracundia temperanda, idem ad
 alias animi commotiones transferendum est: quæ ferè omnes a-
 cerbissimum exercent imperiū in eos, quos sue potestatis fecerunt.
 Neq; id uerò in eos tantum, quorum animos occuparunt: sed & in
 illos erumpunt, qui quasi cursum illarum inturbent. Interturbēt
 autem: imò sæpe sine ullo discrimine in quosuis nec lacescentes, nec
 ulla re occasionem præbentes. Quod in iratis uidemus, qui uirū
 suū in illos primū euomunt, qui casu priores occurrerunt. Neq;
 uerò eò nostra spectat oratio, ut affectus ex homine prorsus excin-
 di posse sentiamus, qui à natura dati sint, ut excitent nos ad agendū,
 materiamq; uirtutibus præbeāt: sed ut, qui prauī sunt ac uitiosi (de
 bonis enim iam non loquor, qui cum ratione consentiant) uel ma-
 turè sopiantur, uel in rectum dirigantur, & in mediocritatē. Neq;
 enim obscurum est, quot et quanta mala existere solēt, si impetu suo
 ferantur, ut ex spe, consecrationes rerum leuium, inanium, & ludi-
 crarum, quas sibi homines tanquam per somnium confinxerunt: ex
 amore, stupra, adulteria, incestus, & infinitæ libidines: ex metu itē
 ac ira, discordiæ, rixæ, inimicitia, conuicia, uulnera, mutilationes,
 cædes, ac inter uiros potentes bella & infinite calamitates. Ergo cō-
 motiones si tolli non possunt, cohibendæ ac reprimendæ sunt: nec
 in deliberationes, nec in actiones ullas accersendæ, cum immodicè
 efferuntur. O quàm te (inquit Plato ad seruū, ira accensus) cæ-
 derem, ni iratus essem. Et Xenocrati interuenienti: Castiga hunc
 puerum, inquit, nam ipse sum iratus. Diffidebat sibi homo philoso-
 phus, sentiens grauem animi commotionem. Fumi enim ex sangui-
 nis feruore ascendentes, maiora omnia uidentibus efficiunt, quàm
 sint re ipsa: quemadmodum sol maior apparet, per fumos conspe-
 ctus. Itaq; differendæ sunt consultationes & actiones omnes tanti-
 sper, dum & sanguinis ebullitio deferueat, & fumi resideāt, aut eua-
 nescant: quemadmodum aqua turbulenta, prius quàm clara fiat &

- perspicua, bibenda non est, ne salutaris potio uertatur in noxiam.
- 4 Opprimendis igitur, aut temperandis & coercendis affectionibus uoluntas nostra corroboranda est, ut tantum uirium habeat ad res agendas, quantum ratio ipsa necessarium fore iudicauerit: ad cuius normam & præsceptū, consilia, & actiones nostrę dirigendę sunt. Hinc enim prudentia illa existet, totius uitę humanę optima rectorix: ad constantiam, ueritatē & grauitatem omnia reuocans, uirtutesq; alias gubernans. Hinc iustitia uirtutum clarissima, quę nemini iniuriam esse faciendam, suum cuiq; tribuendum iubet. Hinc temperantia, ab illicitis uoluptatibus nos auocans, licitis etiam tam gulę quā ueneris modum imponens, luxum omnis generis coercens, ac ordinem quendam & decorum in omni uita constituens. Hinc deniq; fortitudo, in periculis incidentibus constantiam & decorum seruans, & ipsa inter uirtutes splendidissima: quę rerum æternarum scientia & contemplatione alitur maximē, & cōseruatur. Qui enim æternas beatorum sedes animo diligēter intuitus fuerit, uitęq; huius breuitatem, ac rerum humanarum inconstantiam rectē secum perpenderit: is haud alios hortatores desiderabit, ad pericula omnia, repulsas, & mortem ipsam, si qua necessitas eō uocauerit, æquo animo perferendam. Neq; quicquam rerum pereuntium tanti faciet, ut earum causa uel fidem sibi fallendam, uel aliquid uiro
- 5 forti indignum faciendum putet. Oportet autem ad cognitionem rerum gerendarum, perficiendi quod opus est, diligentiam ac consuetudinem accedere. Nihil enim prodest intemperanti, ea quę recta sunt cognoscere: nihil homini uiolento, leges iustitię tenere: nisi & ille ad moderatē uiuendum, & iste ad tribuendū unicuiq; quod suum est, se assuefaciat: & quod principio durū factū arduumq; uidetur, id exercitatione crebra maximē uelle, & in morem sibi inducere studeat. Etsi autem rectē illud dicitur, rationē esse, quę animi appetitus regere, suoq; imperio subijcere debeat: uerumtamen experimur ipsi, frustra illam conari, nisi hic se præbeat obedientem. Quod aliter præstare nequit, nisi diu multumq; assueuerit parēre. Assuescendo enim comparatur habitus, de quo loquimur, uirtutis moralis. quę uirtus radicibus actis, ducit nos in mediocritatem illam, quę est inter nimium & parum: ut nec simus stupidi & uacui sensu, nec affecti quouis modo supra modum efferamur. Quemadmodum igitur non satis est, agricolam nouisse agri colendi rationē: necesse est eum munus & opera artis suę summa cum diligentia exercere, si fructus ex agro uelit percipere necessarios: non satis item est imperatori, tenere modos & rationes belli gerendi: nisi curam & diligentiam adhibuerit, ut omnia rectē & ordinē fiant, desperare cogetur uictoriam: ita cognitio rerum honestarum manca est, sine conatu & exercitatione efficiendi. Omnino qui inertię indulget, labori

LIB. I. DE MORIBVS.

19

labori non incumbunt (non enim loquor iam de ijs qui res agant contrarias cognitioni quam habeant, quos peiores esse constat laborantibus inscitia negotij gerendi: sed de ijs, qui docti & eruditi, nihil attrectent eorum quæ labore & sudore sunt comparanda) tales inquam, quamuis scientia & consilio ualeant, tamen quia exercitationem nullam adhibet, agendiq; diligentia, sit, ut id quoq; quod natura studioq; illis est comparatū, diffluat, ac paulatim dilabatur. Et naturam quidem omni in re primas tenere, certum est: sine qua foeliciter nihil agi possit, nec in disciplinis percipiendis, nec in uirtutibus acquirendis. Verumtamen ea non satis est ad perfectionem, quacumq; in re cōsequendam. Neq; enim tam bona natura esse potest ulla, quin cura illius quasi excolendæ intermissa, fiat uitiosa: quæ admodum agri quanuis fertiles, uel nō fructificant, uel herbas proferunt inutiles, innocentes uē, nisi excolantur. Neq; item tam ulla est mala, quin obeundis & exercendis officijs, ad frugem (quod dicunt) bonam perueniat. Adsit modò studium, ac firmum propositum, pectus uirtutis sitiens, rectaq; ratio author sit agendi, dux & moderatrix. Nulli prorsus desperandum est. Imò quò cuiq; ingenium contigit tardius ac obtusius, hoc maiore labore cōniti debet, ad illud exacuendū. Tardius forsan, aut minus consequetur, quam uolet: tamen studium & assiduitas exercitationis efficiet, ne labor sit prorsus inanis. Nota sunt exempla Socratis, clarissimi philoso- *Cic. de Fato.* phi, & Stilponis Megarei, qui summo studio, & summa in actionibus honestis contentione & constantia, feram naturam suam cicurasse, multis que & magnis uirtutibus ornasse ac cumulasse traduntur. Iam & in Euangelicis literis parabola de talento docet, dona *Matth. 25.* mortalibus à Deo concessa, si studiose curentur, confirmari & augeri: sin negligantur, amitti, & funditus extirpari. ut non immeritò Paulus apostolus Timotheum suum hortetur, ad donum quod illi *1. Timo. 4.* obtigisset excitandum, curaq; & consuetudine excolendum. Cum autem omnis ætatis intersit, discendo assuescendocq; facultatem sibi comparare honestarum actionum: tum ætas prima sic educanda est, & instituenda, ut uirtutem amare, uitia odisse condiscat: ut ex his quasi seminibus consurgant olim arbores amplissimæ, honestissimos ferentes fructus. Cuius enim animus ad eam rationem erit assuefactus, hic in muneribus uirtutum fungēdis, uel cum uoluptate, uel si ardua & grauiā fuerint, non grauati uersabitur. Huic minime opus erit legum institutis: non præmia, nec poenæ legum talem continebunt in officio. Ipse nimirum sibi erit lex: habebit in animo notiones rerum pulcherrimarum, habebit uoluntatem bonarum rerum exercitatione assuefactā. His ducibus in omni uita, inq; rebus agendis utetur. Sed urgeat fortè adhuc aliquis, hominem inuentū esse nullū, qui ab omni eruditione paratus, ac exercitatione

rerum honestarum auctus, ita se gerat, ut nō sēpe de uirtutis uia deflectat, ac labatur: turpius etiam lapsurus, nisi legum uincula timeret. Scio ego hoc nomine doctrinam infamari, ac omnem uirtutis cultum, quod neminem sui cultorem ad perfectionem deduxerit. Verum qui sic disputant, eadem ratione & legem diuinā, & omnes honestas disciplinas uituperent licebit. Quis enim hominum legi diuinæ ad unguem satisfecit? Quis ullius disciplinæ adeo obseruās fuit, ut ab eius præscriptis non sēpe discesserit? Et tamen & lex diuina, & sapientiæ artes sunt, quo ad eius fieri possit, cognitione comprehendendæ: ut scopum uideamus, quod consilia & actiones nostræ omnes sint dirigendæ: ad quem quo quisque propius agendo accesserit, hoc gradum altiorem tenere putandus est, ad summā beatitudinem cōscendendi. Conantem etiam ad summa peruenire, honorificum fuerit in inferioribus resistere. Est enim & in ipso conatu uirtus quædam: qui quod magis intēdetur, hoc minus reddet hominem uitiorū morbis obnoxium. Neq; quia nemo omnibus uirtutum numeris absolutus esse uidetur, ideo minus ad uirtutem contendendum est: imò ita agendum, ut etiam si conatum uires defecissent, simulachra tamen uirtutis habere satagamus. Verum pios conatus numinis diuini afflatus nō deseret: eorum præsertim, qui indefinenter preces illi fuderint, seseq; illi commendauerint. Sed nos palam, ut uidemur, fecimus, secundum naturam, maximam uim esse doctrinæ, exercitationis adminiculis fultæ: eaq; & intelligendi prudentiam acui, & agendi facultatem excitari ac confirmari. Voluimus autem locum hunc copiosius tractare, ut causas bonorum morum, atq; adeo uirtutum ipsarū explicaremus: uituperationibusq; eorum responderemus, qui præcepta omnia pro nihilo habenda, soli que naturæ obtemperandum esse contendunt. Vt autem, quæ dixi, magis perspicua fiant, in ætatibus, personis, ordinibus, & rebus uarijs demonstrandum est.

*Dimissio huius
primi Libri de
moribus, et pro
positio dicen-
dorum.*

CAPUT VI.

Quæ cura debeat esse puerorum, ac iuuenum recte instituendorum.



V CAMVS autem orationis huius initium ab ea, cuius proximè meminimus, ætate puerili: quibus moribus ac opinionibus sit imbuenda, ut quasi fundamenta firma iaciat uitæ deinceps honestè, sanctè & laudabiliter degendæ. Nihil enim animis hominū magis adhæret, quàm id cui à teneris consuescunt. Itaq; si quid eis noxiū, dum adhuc molles sunt, ac teneri, immisceatur, non minus in eis ad æternitatem ualebit, quàm si surculum ueneno inficias, qui in maximam arborem crescat: unde tandem fructus enascentes, & sint mortiferi utentibus, & seminibus nihilo melioribus materiam præbeant copiosam. Curent igitur parentes, filios

lios suos ijs institutis & praeceptis erudiri, ut illi primis ab annis no-
 scere incipiant quid honestum, quid turpe sit, quid expetendum,
 quid fugiendum. A uoluptatibus, in quarum regno uirtus consiste-
 re nequit, eos maxime arceant. Cibi & potus mediocritate eis prae-
 scribant. Ad frigus & aestum tolerandum, lectique duriciem (modo
 ne quid uiribus, ac bonae corporis habitudini incommodet: cuius
 cura geri oportet, ut animus bene habeat, sitque magis perspicax) eos
 assuefaciant. Hominum malorum consuetudine eis interdican-
 t: dicta & actiones eorum omnes ad decus, iustitiam, lenitatem, mansuetu-
 dinem & humanitatem forment. Turpitudinem autem, iniuriam,
 iram, inuidiam, fastum, luxum, & immanitatem eos fugere iubeant.
 & quantum a rerum turpitudine, tantum a uerborum improbitate
 eos cohibeant: rationem etiam dictorum & actionum ab eis exi-
 gant. Atque ut ad omnem uirtutis partem eis aditum patefaciant, non
 tantum ab actionibus uitiosis, uerbis turpibus, sed a cogitationibus
 quoque rerum malarum eos quam maxime remotos esse uelint. Quod
 non alia ratione commodius efficient, quam otii interdictione. Er-
 go uideant parentes, ne pueri puellae que otiosi primos transigant
 annos: curent ut semper laborent aliquid, atque etiam pensum labo-
 ris ab eis exigant. Segnitiam ac inertiam eorum uerbis castigent: ab
 officio uero procul discedentes, ferula feriunt. Noli, inquit Salomon,
 rex sapientissimus, subtrahere a puero disciplinam: si percusseris
 eum uirga, non morietur. Tu percutis eum, & animam eius de infer-
 no liberas. Iam quid alijs praestare pueri debeant, docendi sunt:
 quid parentibus, quid ciuibus, quid Reipub. quibus rationibus so-
 cietatem cum hominibus & concordiam tueantur: quomodo se ge-
 rant aduersus superiores, inferiores, pares: aduersus socios, ami-
 cos, cognatos & agnatos: aduersus notos & ignotos, ciues & pe-
 regrinos: aduersus magistratus, dominos, seruos: tum etiam aduer-
 sus hostes & inimicos: idque, priuatis & publicis in rebus. Om-
 nium autem maxime interest, teneram aetatem imbui religione Dei
 immortalis: ut sciat, a quo omne bonum expectandum sit, cuius nu-
 tu omnia gerantur, qui sit uindex malorum, remunerator bono-
 rum. Itaque ad aedes & conciones sacras adducenda est, ut ritus &
 ceremonias cognoscat, sacramenta ueneretur, precibus uacet: at-
 que ijs rebus studeat, quibus & summi Dei gratiam demereatur,
 & hominibus placeat. Remedia etiam sibi paret, quibus se mu-
 niat contra omnes diaboli, carnis, & mundi huius insultus. Inge-
 nio adolescentis cognito & perspecto, applicent eum parentes ad
 eas artes, ad quas natura eum ferri uiderint: ut earum artium ru-
 dimenta noscere & amare incipiat, quibus deinde per omnem uitam,
 operam sit daturus. Quod si forte peregre adolescens mittendus
 sit, eadem cura adhibeatur eo excolendo: serioque cohortandus,

ut non tam studeat quam plurimos homines in singulis gentibus cognoscere, aut multorum familiaritates cōsequi, quā quid apud externos populos dignum sit bonis moribus, legibus, disciplina: ut id obseruet, ac domum reuersus exponere queat, ad res domesticas emendandas. Cū autem nō auribus modō, uerū etiam oculis, etas illa à maioribus natu, atq; in primis à parentibus discat, quid sibi faciendum sit: ideo studeant modis omnibus parentes, ut tales se ante liberū oculos gerant, quales eos esse uelint. Certē nec ebriosus pater efficiet, ut amorem sobrietatis in filio excitet: nec profundens sua, nec uestitu nimio indulgēs, frugalitatem liberis commendabit: nec uiolentus, nec in ira crudelis, nec sanguinis appetens, nec hominum interfector, leges tranquillitatis, placabilitatis, aut humanitatis, natis suis præscribere poterit: cū quidē pulchrū sibi tenera ætas ducat, uestigia parētum sequi & imitari. Atq; hic uelim unusquisque parentū se inspiciat, an non magna ex parte mores prolis suæ corruperit? Magnatum filij pleriq; omnes nimis molliter, ac in magna uitæ licentia educantur: in choris puellarū, inter citharras et obscœnas cantilenas, inter assentationes tam familiarū quā pædagogorum, perpetuō uersantur: fastum & contumaciam imbibunt à primis annis: byssinas uestes prius cognoscunt, quā fari incipiant: mirantur aureas torques, numerosam familiam: meditantur ab ineunte ætate dominationem, pompam, dapes uarias, ulationem: nimiaq; indulgentia neruos omnes mentis sanæ perdunt: & cū parēre nunquam didicerint, imperare concupiscunt. Atq; his moribus, hacq; disciplina imbutos, nec ulli magistro transformare, nec Mercurio refingere, nec Vulcano recudere potestas est. que cum lacte nutricis quasi suxerunt, ea per totā uitam persequuntur. Virtutis nomen in ore ferē habent: rem autem ipsam, quæ maximis laboribus comparetur, per pauci norunt, longē pauciores agendo attingunt. Sed ne plura, fortunæ indulgentia ac genus uitæ deprauatæ efficit, ut eis nec pueris, nec adultis, nec uiris, nec senibus ad bonam frugem peruenire liceat: impeditis scilicet, plurimis uitiorum illecebris. Nec enim facile est, eum qui assuetus sit malefacere, nouum induere habitum benefaciendi: quemadmodum Aethiopi, pellem nigram in quamuis aliam mutare, non est facile: idq; fieri nullo modo posse sine Dei beneficio singulari, oracula diuina testantur. Ergo & tot prauitates emendandæ essent, & rerum ueræ notiones in teneris animis inferendæ: cū quidem nulla (ut dictum est, & sæpe dicetur) bonorū morū pernicies maior sit, quā prauæ de rebus opiniones, ac ignorantia ueritatis. Nemo est autē qui ignoret, multa in hac parte desiderari, ut dixi, in parentibus. Quotus enim quisq; est, qui liberos suos instituat: aut si id uelit, rationem teneat rectē instituendi? Nec est quicquam de hac re legibus

bus nostris constitutum. Moribus tantum receptum est, ut qui uelint liberos suos ad aliquam uirtutis laudem peruenire, eos uel in ludos literarios mittant ad magistros, uel in aulas principum, uel ad quemuis alium, cuius consuetudine putent eos fore eruditiores.

CAPUT VII.

Aule mores, & utilitates.



DE ludis quidem literarijs erit nobis alius dicendi locus. Nunc de aula, quæ non immerito uideri possit urbanitatis & ingeniorum periclitandorum officina. Et certè sunt in aula permulti alienorum ingeniorum prudentes existimatores, qui facile mores eius, qui se illis dedisset, forment, & quasi reculant. Quod utinam semper, aut saltem sepius, bono fieret generis humani. Sed nescio quo modo mores aulici magna ex parte ad uanitatē & ambitionem incubuerunt. In supellectile, uestitum, epulas, luxum omnis generis, immanes pecuniæ impenduntur. Inuidiæ & insidiarum plena sunt omnia. Stultitia & maleuolentia multorum perferenda est. Et qui præstant alijs uirtute ac diligentia, iniurias multorum deuorare coguntur. Amicitia pleræque omnes ambitiosæ & fucosæ, & quæ tam diu durent, quam diu uidemur gratiam potentum obtinere. Et si autem permulta horum communia sunt aule cum reliquis hominum ordinibus: tamen quia aulici mores in oculis omnium maximè positi sunt, ideo hic prætermittenda non erant. Plurima & maxima commoda ad cunctam Rempub. ab aula peruenire, atque ad res priuatorum, constat inter omnes: quippe cuius in tutela & præsidio sint res omnes bonæ, possessiones priuatorum, coniugia, liberorum procreatio & institutio, honesta disciplina, hominum commercia, pax publica, salus & dignitas Reipublicæ. Hæc quidem res tales & tantæ sunt, quæ casu nullo modo gubernari aut defendi queant. Necesse est multis & præclaris uirtutibus præditos esse, uarijs & eximijs artibus instructos, qui tot & tantis bonis consulere, easque cum dignitate possint tueri: & quemadmodum Plato in suis Legibus reliquit scriptum, non boues bobus, nec capras capris, sed utrisque hominum genus, multo illis præclarius, præesse: sic cœtus humanos neque bene regi, neque ratione administrari posse, nisi ab excellentibus uiris, & quasi semideis, qui ad Dei opt. max. bonitatem & prudentiam quam proximè accedant. Omni igitur studio connitendum est ijs qui publicam obtinent authoritatem in aulis, quique præsunt rebus humanis, ut uirtute & prudentia utantur, & publicis & priuatis rebus administrandis: utque familiares suos, qui se ad ductum & imperium eorum applicarunt, ad omne genus officij instituât. Cantilenæ, epistolæ, libelli muliebribus affectibus pleni, in delicijs habentur aulicis: & quos hæc non oblectant, illi inepti

pti esse iudicantur. Verum intelligendum est, huiusmodi delicijs animos teneros ad molliciem omnem delabi, ad honestas autem cogitationes actionesq; ineptos reddi. Corruptunt enim (ut Paulus ex Menandro citat) bonos mores, colloquia mala. Maxima pars temporis consumitur ab hoc institutum uitae sequentibus in tesserijs, amoribus, conuiujs, compotationibus: alij cum scurris & assentatoribus multas horas transmittunt: sunt qui nihil aliud quam de fama & existimatione hominum detrahere didicerunt, maledictis, & conuicijs alios insectari. Quae quidem omnia, negotij inopia plerumq; fieri uidemus. Itaq; assuefaciendi omnes essent ad res aliquas agendas: & qui laborare nollent, ij (ut Paulus ait) ne manducarent. Est enim illa humano generi indicta mulcta, in sudore cuiq; uescendum esse pane suo. Aiunt in moribus Turcicis esse, ut omnes, quantumuis diuites, ac genere clari, à primis pueritiae annis arte aliqua manualia erudiantur: qua & corpus exerceant, & si egestate premantur, uictum sibi parent. Nostri uero aulicis non tantum manualias, sed & ingenuas artes callere, nimis plebeium uidetur. Itaq; uiuitur in ignauia & socordia: quam sequuntur latrunculi, tessere, compotationes, libidines, & reliquae aularum pestes. Sed ab his pestibus difficile esset iuuentutem cohibere, nisi uiri graues constituerentur, qui peruersos illorum mores notarent, ac seueritate aliqua castigarent. Ac de moribus quidem pueritiae & iuuentutis, quam sollicitae olim erant Respub. optimè constitutae, magno argumento est puer ille ab Areopagitis damnatus, quod oculos coturnicum erueret. Fecerunt hoc iudices sanctissimi, non quod coturnices tanti faciendas esse putarent: sed quod id malae mentis indicium esse existimarent, multisq; malo futurae, si puer adoleuisset. Itaq; eum damnarunt. Tanti interesse putabant, peruersos puerorum mores punire. Nos ista negligimus, aut certè leuiter curamus. Neq; multum referre censemus, quibus moribus, aut qua quisque ratione primū aetatis tempus transigat. Ideo etiam multorum aetatem prouectam deploramus. Fieri enim non potest, ut etas matura sit laudabilis, quae fundamentis adolescentiae parum rectè sit constituta.

CAPUT VIII.

Studia adolescentum qualia. & de exemplis ad imitandum proponendis:

& epilogus superius dictorum.



MNIBVS igitur adolescentibus, sed in primis ijs qui ad Rempub. olim sint accessuri, danda opera est, ut à primis annis quamplurima sibi cōquirant instrumenta rerum gerendarum, pectusque suum imbuant optimis agendi praeceptis, traditis à magnis uiris, usuque rerum edoctis. Neq; existimēt, ingenij celeritate & naturali quodā acumine expediri posse negotium

cium omne. Opus est profectò arte & doctrina, ad controuersias implicatas: quibus explicandis honestius certè fuerit, te ipsum inspicere posse rei, qua de agatur, naturam, quàm ex sententijs aliorum semper pendere. Sciant adolescentes, multum inter inertes & industrios, multum inter ignauos & fortes, in rebus agendis interesse. Cogitent, uerum decus non in generis nobilitate, non in diuitijs, non in pompa ministrorum, quæ bonorum & malorum communia sunt, situm esse: sed in ijs, quæ bonorum propriæ sunt, uirtutibus, prudentia, iustitia, temperantia, liberalitate, cōtemptu casuum humanorum. Has uirtutes cognoscere & exercere assuescant: atq; ijs non sibi tantum, sed alijs quoq; consulere discant. Quoniam autem ætatis huius faciles sunt & multiplices lapsus, ideo & cum uiris grauib; ac prudentibus consuetudo eis habenda est, & exempla illorum qui existimatione bonorum uirorum probentur proponenda, moresq; imitandi: idq; & in bellicis artibus, & in urbanis. Hunc morem usitatum fuisse Romanis, significat Virgilius, cum dicit Pallanta à patre comitem fuisse datum Aeneæ:

— Sub te, inquit ille, tolerare magistro

Militiam, & graue Martis opus, tua cernere facta

Assuescat, primis & te miretur ab annis.

Significat & Cicero, qui se ad aulam Sceuolæ auguris, uiri principis, à patre primum deductum fuisse disciplinæ causa cōmemorat, ut quoad posset & liceret, à senis latere nunquā discederet: post uero augure mortuo, se ad Sceuolam pontificem contulisse, ut eorum prudentia fieret doctior. Egregiè hoc quidē à Cicerone, ut permulta alia. Neq; enim rationis uiam insistere, neq; uirtutum excellentiā ætate corroborata faciliè extruere queas, nisi in adolescentia fundamenta illa ieceris præceptorum & imitationis. Velim autem, ut uiri principes eas, in quibus Cicero uersatus est, aulas cū animis suis cōsiderent: suasq; etiam ipsorum aulas non alio loco habendas statuunt, quàm scholarum uirtutum omnium, quarum quidē scholarum se ipsi magistros & parentes esse profiteantur: neminemq; ad eas admittant, nisi qui uel factis egregijs uirtutis suæ specimen dedisset: uel si rudis adhuc sit, & ignarus rerum, se tamē erudiri, & ad omne uirtutis genus assidua exercitatione formari uelit. Habeant igitur principes in his publicæ disciplinæ scholis uaria exercitationum genera, quibus aulici erudiantur, & ad decus gloriāq; excitentur. Proponant exempla clara & illustria fortitudinis, iustitiæ, continentię, pudoris, pudicitię, ac reliquarum uirtutum: quæ iuuentus imitetur, suosq; mores ad illa fingat & accommodet. Adiungant etiā tyronibus nonnullos pædagogos, qui illos & dicere & facere doceant: qualis Phœnix Achilli à patre Peleo datus erat. Sic enim ille ad Achillem: Tibi, inquit, à patre — comes atq; magister

Sum datus, ut præcepta tibi, rerumq; bonarum,

Verborumq; darem: rebusq; ut fortis agendis

Esset, & uerbis posses orator haberi.

Nondum etenim poteras primis hæc nosse sub annis,

Queis rebus laus magna uiris, & summa paratur

Gloria, bellorum meritis atq; arte loquendi.

Quid enim absq; hac seueritate disciplinæ boni existere possit, docent mores aulicorum multorū, in id imprimis studentium, ut adulentur, conuiuentur, choreas ducant, meretricentur. Quamobrem si principes aularum, uolunt consultum rebus humanis, aut ad modum iam dictum suas aulas instituunt, aut rationem meliorem inueniant, ut tandem habeant quos ex his scholis, doctos iam & exercitados ad gerendam Rempublicam emittant: qui artibus Reipublicæ domi gubernandæ, tum foris ab hoste tuendæ in aula instructi, in aciem tandem tanquam delecti heroes progrediantur: ubi partim iuredicundo, partim sententia dicenda, partim iniurijs propulsandis, partim patria defendenda, testentur, se aulicæ disciplinæ alumnos esse minimè poenitendos. Quod si cui hæc quæ dixi uana esse uideantur, huic quid tandem ad uitam honestè, magnificè, animosè & grauiter degendam necessarium uideri possit, haud sanè intelligo. Ergo tu tantum illud discendum putabis filio tuo, quomodo comptè incedat, quibus uerbis uel ad blanditias uel ad beneuolentiam utatur: quo gestu proceribus appellandis caput nudet, poplitem flectat: quibus uijs opes cumulet, domū sibi nitentem reddat, hortum bene cultum, supellectilem splendidam, ministros pulchre uestitos: qua ratione ornet & apparet conuiuia, conuiuas excipiat, ad honores perueniat? Minimè uerò illi discendum censebis, quibus rebus instruat se ad uitæ moderatum & æquabilem habitum, ad res secundas & aduersas æquo animo ferendas, ad causas & actiones humanas cognoscendas & dijudicandas: denique ad ea dicenda & agenda, quæ & ipsum testentur moribus esse inculpatis, & eius domesticos uitæ incontaminatæ: omniacq; ab eo fieri cum honestatis causa, tum studio religionis & Reipublicæ? Scilicet hæc quæ postremò dixi, talia sunt, quæ nullo negotio discuntur, absque doctrinæ præceptis, absq; morū magistris: illa quæ primò, opus habet exercitatione longi tēporis, & doctoribus. Sed hæc missa faciamus: neq; nobis tam inepta persuaderi patiamur ab ijs, qui se nō aliter suā inscitiā posse tueri putant, quàm doctrinæ præceptis infamādis. Nobis uerò sit ita persuasum, nullam morū pestē esse maiore, quàm ignorantia, & rerū malarū consuetudinē: contrā, nihil æquè cōformādis moribus cōducere, quàm si pectus onustū habuerimus optimarū rerum cognitione: nobiscq; exempla probatorum hominum,

num, quos uidimus, uel de quibus legimus, proposuerimus ad imitandum: atque ad praecepta ipsa usum adiunxerimus, optimum magistrum dicendi atque agendi. Et haec quidem de moribus adolescentium omnium, qui cum laude in Republica uersari uelint, generatim & uniuersè dicta sint.

CAPUT IX. DE REGE.

I. Causa regum constitutorum. II. Diuersa electionis & imperij ratio regum Poloniae, quam aliarum quarundam nationum. III. Virtutes, quibus reges boni praediti esse debent, explicantur. 1. Prudentia, consuetudine doctorum, adulatorum uero fuga: lectione item librorum tum sacrorum, tum ab alijs conscriptorum comparatur. 2. Temperantia, affectionibus animi, & uoluptatibus corporis modum constituit. 3. 1. Iustitia, bonos praemijs, malos poenis afficere: 2. plus Reipub. quam suae priuatae consulere: 3. Reipub. membra omnia curare, nec ulla negligere: 4. aequalitatem inter ciues, superbia, arrogantia, & insolentia de animis eorum detracta, constituere: 5. uirtuti & dignitati omnium ex aequo consulere: 6. nullam Reipub. partem deserere: 7. delationibus non temerè credere: 8. inter optimates inimicitias non sere-re, nec potentiam eorum frangere: 9. Discordias inter ciues tollere, concordiam constituere, iubet. 4. Ad liberalitatem pertinet, uidere cui, quid, propter quid, & quantum dandum sit. 5. Fortitudinis est, aequo animo omnia ferre, & secunda & aduersa: pro patria item, & re iusta, mortem oppetere. IIII. Non tantum edictis & decretis, sed exemplo rex regere debet. V. Negotia quoque sua Deo immortalis sedulo commendare.



V. N. C. de moribus aliarum partium Reip. dicamus. Incipiamus autem à regia potestate, quam maxime diuinam esse putandum est. Dei enim, qui unus totius orbis rex est, imaginem in terra exprimit. Nemo potest eam potestatem sine multis & maximis uirtutibus foeliciter gerere. Et haec causa uidetur fuisse, quamobrem homines olim parere uni coeperint. Paucissimi enim semper erant in omni Repub. qui reliquae multitudi-
ni multum uirtute praestarent, itaque quem unum omnium prudentissimum & iustissimum iudicabant, eumque de tota Rep. benemereri posse sperabant, ad eum imperium deferrebant. Deinde procedente tempore, hoc genus potestatis filijs regum mandari coeptum est: de quibus spes esset, non tantum in imperium, sed in uirtutes & praec-
lara patrum facinora successuros. Et id quidem apud nationes
multas moribus & consuetudine receptum est, ut filij regum patri-
bus in regnum & imperium succedant. Apud Polonos non est satis, nasci filium regis. Eliguntur enim uoluntate ordinum omnium re-
ges, non nascuntur. Itaque etiam non ea utuntur Polonici reges po-
testate, ut uel leges condant, uel aliquid ad perpetuitatem sanciant,
suo arbitrio. Omnia agunt cum ex ordinum suorum sententia, tum

ex legū prescriptione. Rectius id quidem, quàm apud eas nationes, quarū reges & tributa ex sua uoluntate imperant populis, & bella exteris indicunt, & alia munera exercent. Quod etsi saepe cum causa, & cum salute Reipublicae faciant: tamen quia exleges sunt, facile ad tyrannidē illam odiosam delabuntur, cuius propriū est omnia ex libidine agere: cum quidē regia potestas moribus & legibus patriae cogatur obtemperare, & ex præsripto earum imperare. Quamobrem reges Polonici omnes (Boleslao illo homicida excepto) ad extremū uitae diem dignitatem suā obtinuerunt, semperq; inuicti habiti sunt: contrā quàm reges et principes multarū aliarum nationum. Quorum alij uel à suis, uel ab externis populis pulsi sunt: alij ui capti, & armis: nonnulli intestinis ciuium suorum seditionibus uexati & afflicti: quidam etiam in acie ab hostibus profligati. Tulerunt scilicet Polonae reges dignā moderationis & uirtutis suae mercedem. Itaq; & nunc clara eorum memoria, omnibusq; grata, per ora ac sermones hominum fertur: & deinceps nulla unquam
 III aetas futura est, quae de illorū laudibus cōticescat. Omnino qui cum hac summa potestate in Repub. rectē uersari uelit, eum non satis est honore & dignitate excellere: sed prudentia etiam, alijsque uirtutibus, ceteros anteire debet. Prudentia experimentis uel nostris, uel
 I aliorū, uirtus nostris ipsorū actionibus cōparatur. Nemo sine prudentia nec sibi rectē consulere, nec alijs praeclaram operam nauare
 1 potest. Habenda est itaq; regibus consuetudo cū uiris grauib; & prudentibus, ab eisq; consilia rerum agendarum quærenda. Libri
 2 etiam legendi. Vix enim est uia, qua facilius ad sapientiē laudē perueniatur, quàm legendo plurima, audiēdo, et memorię mandando. Multi principū ueteris memorię memorantur, qui nullum diem sibi elabi passi sunt, quo non aliquid temporis tribuerint lectioni. Doctis etiā uiris familiariter utebantur, quos obseruabant, eisq; aures libenter cōmodabant. Aelius Lampridius tradit, Alexādro Seuerō imperatori Romano in more fuisse, ut nihil sciret sine doctissimis & prudentissimis hominibus, quibus spacium ad cogitandū & disquirendum dabat: & de iure quidem & negotijs, iurisperitos consulebat: de re autem militari, milites ueteres, & locorū peritos: praecipuē autem ab historiae gnaris requirebat, quid ueteres imperatores in rebus similibus gessissent. Quod CAROLO V. Romanorum imperatori, & FERDINANDO regi, prudentis. & fortissimis uiris, cū oratoribus nostris apud eos operam nauaremus, solēne esse, ipsi animaduertimus. Maximē autē regibus legendi libri sunt, qui de regno & repub. administranda editi sunt. multa enim in illis scripta extant, quae non audent regibus populi subiecti dicere. Si-
 tus etiam terrarum, mores omnium gentium cognoscendi: & praesertim earum, cum quibus res illis aliquādo futura sit. Turpe est eū
 dici

dici monarcham orbis, cui orbis cognitus nō sit. Quomodo enim
 is quicquam cum illis rectē geret, quorū mores perspectos non ha-
 beat? quomodo bellum in illis terris foeliciter exercebit, quarum si-
 tum ignoret, quibus rebus abundant, quid in eis desideretur? Qui-
 dam etiam, omnis memoriæ facilē principes, nullum doctrinæ ge-
 nus omisisse uidentur, in quo non multū se exercuerint. C. Iulius Cæ-
 sar, primus ille Romanæ monarchiæ conditor, de lingua Latina li-
 brum ad Ciceronem scripsisse fertur. idem dicendi gloria summis
 oratoribus est annumeratus. Sed hæc illis temporibus laus erat
 principum uirorum maxima, qui etiam rationes dicendi prodide-
 runt: ut Brutus, Crassus, Lucullus, Cicero. At, qui, & quanti uiri?
 in quali Repub. uersati? quantarum rerum gloria clari? Alexander
 Macedo adeo cognitione rerum physicarum delectatus est, ut cum
 Aristotele præceptore expostularit, quod qua re inter mortales
 omnes excellere uellet, eam ille docendo & scribendo alijs quo-
 que traderet. Mathematicæ disciplinæ ad Aegyptios reges inuen-
 tionem sui primam referunt: in quibus Iulius ille Cæsar intantum
 excelluit, ut anni supputationem (in qua olim uitio pontificum mi-
 re errabatur) ipse ad cursum solis accommodauerit. Quæ supputa-
 tio adeo omnibus probata est, ut nūc sit in usu toti Christiano orbi.
 CAROLVM etiam Quintum, qui nūc Romani nominis guberna-
 cula tenet, ipsdem uestigijs ad gloriæ æternitatem insistentem, ab il-
 la laude minimè abesse, argumento sunt spectabilia illa & elabora-
 ta opera, in quibus situs regionū, conuersiones cœli, siderū positus
 ac cursus expressi sunt. quæ quidem opera, quocumq; uadat, etiam
 in expeditiones, cum eo circumferri dicuntur. Pulchrum est enim,
 maximos principes ut imperij fastigio, ita rerum cognitione alijs
 præstare. Sed in primis, regibus & principib. lex diuina cognoscē-
 da est, quædmodū Moyses in Deuteronomio præcipit, his uerbis: *Deut. 17.*
 Posteaquam federit rex in solio regni sui, legem Dei à sacerdoti-
 bus accipiat, eamq; omnibus diebus uitæ suæ legat, ut discat timere
 Deum, & custodire præcepta eius: à quibus nō declinet, nec ad de-
 xtram, nec ad sinistram, ut longo tempore regnet ipse, & filij ipsius.
 Profecto enim uerbo Dei multa rectē iudicatur, non tantum ad re-
 ligionem, sed ad Rempub. & ad res priuatorum pertinentia. Erat
 tempus, cum qui regis fungebantur munere, uel philosophi erant,
 uel prophete. quo quidem tempore Respub. optimè administratas
 fuisse, putandum est. Nunc multi principum nihil hæc ferè ad se
 pertinere statuunt. ideo & in legibus multæ prauitates, & in Reip.
 partibus omnibus uitia multa existunt. Et quam putas causam, cur
 conuentus exterarum nationum de religionis concordia habiti, ad
 nullū hætenus exitū perducti sint: nisi quia reguli, quibus res man-
 dabatur, ex scripturis nihil iudicare ipsi poterāt, aliorum narratio-

nibus credere cogebantur; interea nihil nisi ex sententia sua definiri & concludi uolebant? Nulla est igitur compendiosior ad sapientiam perueniendi uia, quam lectio librorum tum sacrorum, tum etiam à uiris eruditis conscriptorum: deinde consuetudo bonorum & prudentum, qui & salubria consilia dare queant, & ea quæ perperam uel instituta uel acta sint, reprehendere audeant. Profectò eorum orationem suspectam habere conuenit, qui ad uoluntatem aliorum omnia, nihil ad ueritatem loqui didicerunt: qui neque dicto, neque re molesti esse nouerunt: sed uel omnia, etiam magna uituperatione digna, tum dicta tum facta potentum approbant, laudant, admirantur: uel si quædam laudant, quædam uituperant, tamen uidentur oratione non satis rebus congruenti, sed in bonis metas excedunt laudando, in malis deficiunt uituperando. Omnino enim magis ueritas in dicendo, quam artificium spectandum: & is optimè dicere putandus est, qui orationem rebus parem & congruam addat. Preclare Agesilaus, Laconum rex, illorum sibi consuetudinē optandam dicebat, qui iucundi & suaues essent: sed ijdem pro re & tempore, tum contristare amicum, tum eidē resistere scirent: ab illis denique suas se laudes libenter audire solitum, qui ipsi ijdem re postulante uituperare non dubitarent. Fugienda est igitur omni quidem homini, sed maximè uiro principi, consuetudo adulatorum: qui ipsi magno impedimento sunt, ne homo cognoscat seipsum. Omnibus certè hominibus hoc uitium innatum esse uidetur, ut adulatoribus delectentur. Cum enim quisque amet seipsum, sibique & tribuat ipse, & ab alijs tribui uelit, plus quàm æquum sit: fit etiam, ut adulatorem tanquam suarum uirtutum testem admittat, ei que libenter aures patefaciat. Ex ignorantia igitur nostri, & morum leuitate, uitium hoc proficiscitur. Nemo illi facile resistat, nisi cognitione sui, & amore ueritatis. Qui enim nihil in sermone atque oratione, nihil in moribus ficti, fucati, atque fallacis amabit: is certè nec alijs adulabitur, & aliorum adulationes facillè contemnet. Quod si homines priuati, qui adulatoribus delectentur, uituperandi, quanto magis uiri principes? quorum animi falsis opinionibus imbuti, in probrosa facillè delabantur, monitores non ferant, peccati eos non poeniteat, ueritate offendantur, uanitate orationis gaudeant. Sed mores deprauati effecerunt, ut hoc uitium non alibi magis atque in aulis principum regnet: adeo ut nemo bonus aulicus habeatur, nisi qui adulari, ad uoluptatem aliorum loqui, multa pro loco et tempore fingere sciat. Ita, quæ domus exempla uirtutum præbere deberet plurima, ea labem hanc nefandam infert, & perniciosam ueritati. Quocirca uitium hoc fugiendum est, ueritas & prudentia amanda: qua qui destituuntur, rerum potiti, miscent & perturbant omnia: ipsique tandem cadunt maximo rerum humanarum malo. Etenim fieri non potest, ut
sine

sine prudentia Respublicæ bene regantur. Ea enim dux est & gubernatrix actionum honestarum, ac uirtutum omnium. Quarum uirtutum quatuor præcipuæ numerantur, temperantia, iustitia, liberalitas & fortitudo. Quæ omnes quidem omnibus ad beatè uiuendum maximè necessariae sunt: sed regibus, qui populis imperant multis, multo magis. Nemo enim rectè alijs imperat, qui affectionibus suis modum imponere non queat: qui iniustus, qui animo fracto & imbecillo sit, qui idoneis hominibus indigentibus non libenter de suo impertiatur. Dicamus igitur de singulis. Primum de temperantia seu moderatione, quæ animi perturbationes sedat, potestatis habenas regit, rebus modum constituit. Verissimè apud Sallustium C. Cæsar, qui de rebus dubijs consultent, eos odio, amicitia, ira, atq; misericordia uacuos esse debere, censet. Quod si animos priuatorum decet consultando ac agendo ab ira, alijsq; motibus alienos esse, quanto magis principum? quorum & ira in crudelitatem facile migret, aliæ quoq; animi perturbationes paruo negotio ad affectus suos perducantur. Omnino qui ipse sibi non dominetur, quiq; affectionibus suis seruiat, Domini appellatione est indignus. Sibi enim quisq; prius imperare debet, quàm alijs. Græci uocant eiusmodi perturbationes *πάθη*, quasi pæsiones: patiuntur enim animi, illarum quasi percussione, ac ne uerum cognoscant, impediuntur. Hinc principes illi in tragœdijs ira cæci, liuore furætes: & cõmunis hominum uita testatur, quâs rixas, pugnas, seditiones excitare soleant, qui imperio eiusmodi perturbationum obtemperant. Quo magis principes, & omnes qui sunt in magistratu, decet, ut ab illis caueant: animum ad ueram agendi rationem assuefaciant, ut fræna imperij rectè moderari, ac in actionibus cum laude uersari queant, simulq; à uoluptatibus corporis sibi temperandũ statuunt. hebetant enim illæ animi uires: hominem, qui se illis dedit, de gradu dignitatis deijciunt, atq; à claris & honestis laboribus eũ abducunt, nec sui possessorẽ se diu frui permittũt. Testis est uita hominũ & libri sapientum docent, rem ita se habere. Nos igitur hoc omisso loco, ad iustitiam trãseamus. Cuius fruendæ causa, ut Herodotus, Cicerone interprete, ait, olim bene morati reges constituti sunt. Eius proprium munus est, cuiq; quod suum est tribuere. & id quidẽ duabus in rebus potissimum cernitur: in premijs & poenis. Hodie poenarum ratio habetur aliqua, præmiorum modica, nisi fortè personę aliunde commendatio accessit, quàm ex sola uirtute. Nam hominibus tenui fortuna, uel si in omni uirtute excellent, nulla, aut certè perexigua præmia proposita sunt tum ad opes, tum ad gratiam, tum ad dignitatem. Quid est, alteram partem Reip. rectè gubernandæ curare, alteram negligere, si hoc non est? Si omnes debitis poenis plectuntur ob delictũ, cur non omnibus æqua præmia soluuntur

tur ob uirtutem? Solon enim ille in legibus Atheniensium scripsit, non minus præmijs quàm poenis Resp. contineri. Nisi enim boni præmijs, mali poenis afficiantur, Resp. diu stare non potest. Poenæ legibus apud nos comprehensæ sunt: præmia in honoribus distribuendis cernuntur. de utrisq; suis locis à nobis dicetur. Nunc illud, quod in regibus in primis necessarium est, dicamus: ut maximè charam habeant Rempub. neq; ullam eius partem negligant, neq; tam suæ ipsorum utilitati quàm publicæ suorum populorum inseruiant. Apud ueteres quidem, quoties aliquis regis titulo honoratur, toties custodem populorum, pastorem uel se uocari audit, quibus uerbis admonetur, ut quos regere uelit, eosdem quoq; pascere meminerit. At pastoris est, non tam sibi quàm gregi consulere, quod oraculis Dei proditum esse, Ezechiel diuinus uates refert his uerbis:

” Væ pastoribus, qui pascunt semetipsos, nonne greges à pastoribus pasci debent? & cætera, quæ uates copiosè commemorat. Quem admodum igitur pastoris est, magis gregi quàm sibi consulere: ita regis, hoc est hominum præsidis ac custodis, est, non ad suas ipsius, quod est tyrānī, sed ad eorum quos regit commoditates omnia referre. Qui enim in Repub. plus suis commodis consulunt, nō personam uiri principis pro dignitate tueri non possunt: ad iniuriam faciendam sæpe aggredientur, potestas ipsa præbebit eis occasionem ad nocendum. Illud uero quis non uidet minimè decere, ut cui totum corpus commissum est, is aliqua membra curet, alia deferat: ab aliquibus iniuriam arceat, ab alijs minimè: plus nonnullis ciuium iuris tribuat quàm alijs, maiorem in Senatu quibusdam præ cæteris authoritatem concedat. Quod quidem ut necessarium est, si cuius authoritas fundamentis prudentiæ, fidei, & uirtutis est constituta: ita prorsus indignum, nullo rerum illarum respectu. Sequuntur enim illud partium studium, cum incommoda multa & uaria, tum confusio & perturbatio officiorum: sæpeq; fit, ut qui negliguntur, uel negligant etiam ipsam Rempub. uel odio habeant: qui autem præter meritum dignitate aut commodis ultra alios aucti sunt, nō sint inepti muneribus Reip. aut non ita merentur de illa ut deberēt. deinde inter ipsas partes fiunt iniuriæ, & uerbera, & cædes, & alia mala infinita.

4 Cum autem respublica ex inopibus & locupletibus, ex nobilibus & plebeijs, & ex alijs ordinibus constet: efficiendum est regi, ut si concordiam ciuium uelit esse firmam, constituat inter eos, quoad eius fieri possit, æqualitatem: non quidem res omnes inter eos communes faciendo, aut diuitibus quod inopibus daret detrahendo, aut plebeijs nobilium prærogatiuas concedendo, aut ordines confundendo: sed demendo de animis omnium arrogantiam, insolentiam, superbiam, & id genus pestes, societatem humanam turbantes. Videmus homines huiusmodi uitiorum pestibus

bus infectos, odiosam quandam, tumidā, & Reip. maximè nocentem inæqualitatem palàm uenditare: splendida ueste, ministrorum comitatu, imaginum uetustate, ferro, bombardis, & gladiatorum fulgore superiores se cæteris hominibus facere: hinc honores deponere, magistratus ambire, imbecillioribus pauorem ac terrorē incutere: uirtutem ac dignitatem ijs qui inferiores sint genere, potentia, opibus, magna ex parte detrahere. Hinc enim illæ uoces, & scripta mordaci felle tincta: plebeium sanguinem nec fauere, nec amicum posse esse unquam nobili sanguini. His uocibus, his' que pestibus regnantibus, nulla æqualitas, hoc est humanitas, beneuolentia, misericordia, iustitia nulla esse potest in Republica. Cōtrà, detracta de hominū locupletū diuitijs existimatione, de nobiliū genere insolentia, de animis eorū qui potentiores sunt superbia, coequabuntur superiores cum inferioribus, ac in rerū uarietate animorum paritas elucebit ordinum omnium. Non poenitebit pauperes suæ paupertatis, nec plebeios sui generis: nec eos qui sunt alijs subiecti, suæ humilitatis. Omnino uirtus omnis, nisi in animis hominum radices fixerit, in rebus externis fragilis & caduca apparebit. Adeò nec iustitia nec concordia uera & stabilis est futura inter ciues, sine illa animorum æqualitate. Hanc in animis hominum efficere, planè regium est: Sunt qui regere, & regem dici, idem esse putent: quemadmodum pueris equo insidere idem est, quod regere equum: & dicere ius, idem quod in loco iudicis sedere: & agere præsidem, idem quod insignibus præsidis ornari. Verumenimuerò uehementer pueros errare, & Phaeton ostendit, qui importunitate à patre obtinuit, ut currum regeret, suo quidem & rerum humanarum magno malo: & Cyrus puer, qui tunicis, inter quos non oportuit, cōmutatis, iniquum exercuit iudicium: & multi homines mali ac stulti, qui ornamenti & redditibus magistratuū gaudēt, rem gerere nec sciunt, nec uolūt. Quid est igitur regem esse? Omnino, si uerū querimus, non aliud est, quàm regere populos ditioni ipsius subiectos. Quomodo autem regendi sunt, nisi sapientia, & uirtute duce? illa ostendit rationes bene regendi, hæc uoluntatem addit efficiendi optimi regiminis. Cedò igitur, quomodo cōstabit ratio optimi regiminis, nisi paritas erit inter ciues constituta: quæ cum esse non possit nec opum, nec generis, nec ordinum, necesse est eam cōstitui, uitijs illis ex animis hominum depulsis, arrogantia, insolentia, superbia: ut quasi in membrorum corporis unius disparitate, mixtura appareat grata, & toti corpori conueniens. Quo autem magis per regem uitia illa ex Republica fuerint abacta, hoc putabimus eum non tantum corpora hominum, ac res extrà positas, sed magis etiam animos regere & gubernare. Quod regiminis genus quāto difficilius, tanto præclarius existimandum est. Et certè hoc est homines uerè

e regere,

regere, animis eorum imperare, pectora mulcere, ac fluctus perturbationum sedare & tranquillare. Hoc fit partim sermone prudēti, increpatione leni, exhortatione seria, quorum rationes opportunius à nobis alio in loco exponentur: partim ijs nutibus ac gestibus, quibus homines moderati & humani regis beneuolentiam agnoscant: inhumani, tumidi, & superbi indignationē experiantur. Igitur rex superbè aliorum dictis aures ne accommodet, insolenter factis ne arrideat, arrogantium hominū consuetudine ne delectetur. Contrà, quo quenque modestiorem uiderit, & in dictis, & in factis, & in omni uita, hoc eum magis comprehendat. Petulantia uerò illa dicta, quæ inter sanguinem plebeium & nobilem, hoc est, inter Reipub. quasi corporis unius membra, discordiam, odiū & hostilitatem inducant, ex sua Reipub. omnino abigat. Non iam dico, ut ea puniat: nō enim de legibus nunc tracto: sed dico, ut ne eiusmodi uesanas uoces nec apud se iactari, nec in uulgus spargi permittat, quia uanę sunt, quia contumeliosę, quia in Deum & in homines impię, quia multorum malorum seminarijs refertę. Certè etiam authorum suorum cogitationes infestas produnt. ferè enim fit, ut quo quisq; sit animo in alium, eo illum in se esse putet. Inde enim suspensiones istę oriuntur, & sermones odiosi, quibus uigētibus, societas uitę constans & firma esse non potest. Neq; sperandum est, ut isti Rempub. in summis discriminibus unà defendant, qui sic hostiliter de sese mutuò & sentiant, & loquantur. Ergo efficiendum est regi, ut uirtuti, saluti, & dignitati omnium ciuium ex æquo faueat, & consulat: ut quemadmodum est communis populorum suorum dominus, ita communis sit eorundem pater. Domini est, coercere ac punire inobedientes seruos: patris est, beneficum esse & indulgentem in filios. Vt igitur omnes qui regi subiecti sunt, & timeant regem, quod est seruorum, & eundem ament, quod est filiorum, omnes ab eo coercendi sunt qui deliquissent: qui autem in officio permansissent, paternę beneuolentię ac benignitatis sensu completendi. Et delectum quidem personarum ex uirtute facere, necessarium est gubernatori Reipublicę. Ceterum utilitatem, quam ex aliquo percipias, uirtuti præferre, prorsus indignū. Polybius, uir doctus, & ut scripta eius indicant, multum uersatus in aula, scribit, reges neminem nec amicum nec inimicū natura habere, sed utilitate amicitias & inimicitias metiri. Sed Polybius scripsit, quod in moribus regum deprehēdit, nō quod existimaret fieri oportere. Quod si priuati homines utilitate amicitias probantes, digni sunt reprehensione: quanto digniores sunt ij, qui personas publicas gerunt? Nullus quidem potest esse respectus iusti & honesti, ubi omnia ad utilitatem conferuntur. Optimus igitur mos erit, si gubernatores eos sibi & Reip. amicos esse putabunt, quos uiderint uirtutis studiosos;

dios: inimicos, quos uirtutis hostes. quales sunt homicidæ, libi-
 dinosi, raptores alienorum, & alijs flagitijs inquinati: quorum con-
 suetudo & familiaritas notam principi aliquam inureret, maiestate
 eius indignam. Quod si rex totam Remp. charam habebit, nul-
 lamq; eius partem patietur desertam, certè & illud faciet, ut omnia
 municipia, quæ hodie Palatinatus uocamus, in orbem circumeat, ac
 statis temporibus in eis commoretur. In hoc enim singulis munici-
 pijs additi sunt singuli magistratus, & singuli qui obeant ministeria
 regis, ut ne rex alijs locis neglectis, uno aliquo oblectet se: sed singu-
 lis se per uices ostendat regem esse cum potestate, in singulis certis
 temporibus regni solennia capebat, uota et querelas audiat, iudicia
 exerceat, ac omnia officij sui munera exequatur. Cognosceret hac
 occasione municipiorum omnium situm, locorum & arcium mu-
 nitiones, & quàm sint rebus necessarijs instructæ ad aliquã uim ho-
 stium sustinendam: deniq; agrorum cultum, quid ferant, quid ue-
 recusent: hominum item studia ac mores, quos uel emendaret, uel
 tanquam censor notaret, ac in iudicium uocaret. Otiosos, ignauos,
 rei familiaris & cultus agrorum desertores castigaret, ac ad officiũ
 reuocaret: in sceleratè & flagitiose uiuentes animaduerneret. Iret
 hoc modo rex obuiam otio, improbitati, & petulantia multorum:
 neq; eos libertate illa immodica, ac potius licentia diffluere patere-
 tur. Multa rex uideret ac ageret ipse, multa uiris probatæ fidei cõ-
 mitteret. Intolerabilis est illa præfectorum quorundam municipa-
 lium licentia, in plebe spolianda, in accessu ad regem denegando.
 qui quidem accessus etiam si non prohibeatur: plus tamen præfe-
 cti uerbis fidei haberi solet, quantumuis noxi, quàm popularium
 multorum iustissimis querelis. Sed rex præsens in municipio, facile
 omnia expiscaretur, nec sibi à præfecto imponi sineret, si eum cau-
 sam seriò dicere, ac sine ullo personæ respectu eo loco esse iuberet,
 quo alij quorumuis criminum rei esse debet. Aurea secula è coelo,
 regnaq; ut inquit Virgilius, Saturnia nobis redire uideretur, REX,
 si morem hunc desitum quidem, & longo seculorum interuallo in-
 termissum, sed & sanctissimum, & Reipub. summè necessarium, re-
 nouares. In delationibus nominis alicuius decet cum omnem ho-
 minem, tum regem maximè, morem sequi Alexandri Macedonis:
 qui nemini delatorum utranq; sed unam tantum aurem pandebat,
 alteram delato integram seruabat, inde tandem quasi inter duas au-
 res medijs sententiam ferebat. Ergo si quispiam ad te secretò de-
 latus est, uide ut delatum, per te aut quemuis alium, semotis arbi-
 tris admoneas: eiusq; uel confessionem uel excusationem audias,
 delatore tamen occultato. Singulari cautione opus est, ne delatori-
 bus uel fides mox habeatur, uel uia deferendi prorsus præcludatur.
 Et quemadmodum nimia credulitatis est, omnia quæ audisses pro-

certis accipere, qua insidiatores abuti possint malū alicui machinā-
 do: ita omnibus aures claudere, imprudentiā est. Multa enim saepe
 per multos indicantur, ad cauendum tibi ac Reipub. pernecessaria.
 Itaq; principis est, nec delectari criminibus audiēdis, nec fidem de-
 lationibus prius habere, quā omnibus cognitis quæ contrā dici
 possint. Qui malicia aut studio nocendi deferre aliquem certis ar-
 gumentis compertus fuerit, ne sit ei impunē. Sed tamen ita in eum
 animaduertatur, ne cæteri à deferendo deterreantur, qui non alicu-
 ius priuato odio, sed Reipub. cui commodare uellent, amore, saepe
 de rebus multis principem commonefaciant. Illud etiam minimē
 est regium, sed prorsus tyrannicum (quod tamen quidam potentie
 suæ stabiliendæ causa faciunt, ut uel causas inimicitiarum inter o-
 ptimates serant, quo facilius quod optant, illis dissidentibus effi-
 ciant: uel animos eorum aliquibus iniurijs frangant, quod qui ani-
 mo sunt deiecto, non facile obstant libidini aliorum: uel eorū poten-
 tes esse nullos uelint) quod in Hungaria annis superioribus Tur-
 cam molitum esse aiunt: dum & colonorum obedientia, & armis
 interdictis, nobilitatem in ordinem redactam uoluit. Similia sunt,
 aut etiam crudeliora, quæ memoria superiore Callimachum Expe-
 rientem suasisse ferunt, Ioanni Alberto regi: quæ quidē omnia uel
 ad excidium, uel ad imminuendam ordinum dignitatem pertine-
 bant, sed Rex optimus pernicioſa consilia, & ad tyrannidem spe-
 ctantia repudiavit: Remq; publicam eodem statu, quo à maiori-
 bus acceperat, & ipse conseruauit, & suæ posteritati prodidit. Om-
 nino princeps, Reipub. author & custos, debet esse pacis ac concor-
 diæ inter ciues, controuersiarum uerò & discordiarum sedulus cō-
 positor. Nec secus debet dolere dissensionibus suorum ciuiū, quā
 uel pater filiorum, uel caput reliquorum membrorū: cū quidem
 ipse caput sit Reipub. suæ, paterq; patriæ appelletur. Non potest
 esse corpus sanum, nec bene constitutum, in pugna cutis cum ossi-
 bus, pituitæ cum sanguine, genuum cum cruribus, cordis cum epa-
 te. Non est uerus pater, qui filiorum discordias uel excitet ac alat,
 uel non curet tolli & extinguī. Non est dignus principis regis ue-
 nomine, qui iniurijs afficit suos populos, odijsq; eorū inter ipsos
 & delectatur, & seruit rebus suis: quemadmodum pastor indignus
 est appellatione sua, cum oues dispellit, opimis pascuis abigit, ac o-
 uilia miserrimis cædibus replet. Et hæc in præſenti de iustitia, de
 qua erit nobis secundo libro amplior dicendi locus. Adiungitur
 iustitiæ liberalitas, uirtus tam popularis, quā quæ maximē: & i-
 psa uiro principi in primis necessaria. Est autem liberalitatis, dare
 cum dandum est, cui dandum, quantum, & propter quid dandum.
 Itaq; non abs re fuerit, de omni sumptu consilia cum delectis com-
 municare: ac quicquid fuerit muneribus expensum, de eo, quem-
 admo-

admodum de alijs sumptibus necessarijs, ad præfectos ærarij rationes referre. Nisi talis diligentia adhiberetur, annui redditus facile exhaurirentur: uenireturque tandem ad alienandos oppignerandosque redditus arcium, municipiorumque: aut certè bello, aliaque Reipublicæ necessitate imminente, Rex se turpiter daret. quod non sine maxima & regię dignitatis imminutione, & Reipublicæ iactura ac discrimine accideret. Est autem illud uerissimum: Prodigalitate opes minui, parsimonia augeri. Hęc de liberalitate. Maxime autem uiri principis est, rebus secundis non efferri, aduersis non succumbere. In pace etiam salutem & dignitati tum suę, tum suorum populorum ad perpetuitatem consulere. Fœlix ciuitas, inquit ille,

Tempore quæ pacis, bella futura timet.

Ergo regi curanda sunt omnia quæ ad bellum pertineant, arma paranda, loca hostium incursionibus exposita frequentanda. Libentius milites in ea loca confluent, in quibus scient regem suum sæpe uersari: diligentiores erunt in officio: hostibus etiam erunt formidabiliores. Denique pax constantior erit, & diuturnior terræ, cuius principem uigilantem, ac omni tempore ad bellum paratum, exteris cognitum fuerit. Sed de bellis Tertio libro dicemus.

Quoniam autem non tam edictis & decretis homines obtemperant, quàm exemplo ad res præclaras excitantur: ideo principis est, se talem, regenda uita sua, præstare, quales populos sibi subiectos uelit habere. Mirabiles fortitudinis aculeos in animis militum suorum relinquit Imperator, cùm ita dicit: Eia milites, quod me uideritis priorem facientem, hoc quoque ipsi pergite facere. Contrà ignauum imperatorem, & delicijs luxuriantem, nullus militum, quantumuis magnificè loquentem, libenter audiet. Paulus apostolus tanti facit disciplinam domesticam, ut ex hac magnum summat argumentum futuri Ecclesię episcopi. Quomodo enim, inquit ille, ecclesiam Dei gubernabit, qui proprię domui præesse non nouit? Præstet ergo se princeps in omni uita talem, quales uelit esse populos suos. Nam, ut inquit ille, — *Componitur orbis*

Regis ad exemplum: nec sic inflectere sensus

Humanos edicta ualent, quàm uita regentis.

Magnam profectò necessitatem parendi imponit princeps populo suo, cùm non tantum uerbis præcipit, sed exemplo præit omnibus, quasi manum porrigendo sequuturis. Hęc necessitas non uiquidē corporali, nec ferro (quod legum est ac iudiciorum officiū) perficitur: sed pudore omnibus iniecto, ni faciant ea quæ principem suum uiderint facientem. Hac ratione princeps & aulam suam docebit, & magistratibus uirtutes gerendi res omnes commendabit,

& presbyteros ad munus suum excitabit, & iuuentuti uiam monstrabit ad artes optimas perdiscendas, & subditos sibi homines prudentiores ac ad omne genus officij diligentiores efficiet. Parebunt ei omnes non inuiti, in rebus duris eum non deserent, & laeta & aduersa communia sibi cum illo ducent; pro uiuo dimicabunt, cum mortuo cupient mori. Atq; in his omnibus uiro principi cogitandum est, omnia de quibus diximus, & quæ in eo requirantur, non tam esse humanarum uirium præstare, quàm diuini beneficij. Itaq; à Deo suppliciter petendum esse, ut in tanta rerum administratione aspiret auram benignitatis suæ. Neq; uerò in eo illi est acquiescendum, quòd sit legitimè nactus principatum. Nisi enim legitimè eo usus fuerit, nisi consilia & actiones suas ad Rempub. rectè regendam, ad iustitiam omnibus ex æquo administrandam, ad religionem summi Dei tutandam conuerterit, nisi per uias mandatorum Dei ambulauerit, non alio loco reputabitur quàm Saul ille rex Israelitarum: qui in illa gente erat & optimus omnium, & pulcherrimus, qui iussu Dei in regem est electus, qui prophetauit, qui cum omnibus populi Dei hostibus circumcirca fortiter bella gessit, ac multas uictorias reportauit. uerum quia uiam præceptorum Dei deserebat, ideo & à Deo abiectus, & regnum Israelis ab eo scissum, alteri delatum: & à spiritu Dei desertus, spiritui maligno traditus est, & in prælio filios suos omnes uidit interfectos: ipse quoq; uulneratus, sua ipsius manu est tandem trucidatus. Sed hæc omnia de Saule, notissima sunt ex historia sacra. Illud etiam de Ludouico Hungarorum rege, notius est quàm ut multis uerbis referendum sit: qui & ipse legitimè electus erat: sed quia iustitiæ parum diligens custos erat, choreis magis quàm serijs negotijs studebat, oppressorum iniurias non uindicabat, aliæq; regia munera negligentius obibat, ideo talem uitæ exitum habuit, qualem orbis Christianus semper moerebit.

Lib. 1. Regum,
capitibus di-
uersis.

CAPUT X.

1. Senatus & equestris ordinis legati, cur in consultando de Rep. adduntur regibus? 2. Regi cur summa potestas data in republica. 3. Et hic de officio Senatus breuiter: 4. & de consiliarijs regis, qui illi adsint perpetuo: 5. & de secretarijs singulorum districtum. 6. Regis est, ut consilio senatorum ipse adsit. 7.

Concluditur definitio senatus, sumpta ab officijs.



I V M igitur uariæ propositæ sint poenæ regibus non bene fungentibus officio suo, nullusq; regum fuit qui solus omnia munera sustinere posset, est hoc ferè ubiq; moribus usitatum, ut ipsis regibus Senatus & multi magistratus addantur, qui cum eo Remp. administrent. Quod & Moses princeps populi Dei fecit, qui consilio lethronis Madianitæ affinis sui, elegit multos uiros principes, cum quibus potestatem suam communicaret.

Exo. 18.

nicaret. Fecit & Darius Medorum rex, qui & ipse satrapas principesque multos constituit, in quibus Daniele[m] Hebreum esse uoluit: Daniel. 6. qui cum eo res omnes administrarent ac regerent. Apud Polonos, ultra Regem & Senatum, plurimum ualet Equester ordo: à quo mitti solent ex singulis municipiis certi legati, qui etsi ius dicendæ sententiæ non habent, tamen de multis rebus necessarijs referunt ad Senatum. Decreta etiam omnia examinant: ut si quod Reip. noxiū esse uideatur, huic intercedant. Itaque nullæ leges apud nos, nisi legatis municipiorum subscribentibus, ratæ habentur. Videntur esse eo loco, quo apud Romanos erant Tribuni plebis. Cum enim in uulgo desideretur semper prudentia, grauitas, constantia: dabatur negotium delectis uiris, hoc est Tribunis, sententijs Senatus intercedendi, atque prouidendi, ne quid Resp. detrimenti acciperet. Vidimus ipsi multa præclara esse constituta apud nos, ordine Equestri approbante: multa noxia reiecta, eo improbante. Quod utinam perpetuum esset. Sed aliquando uisi sunt plus nimium ordinis sui amantes: nec tam Remp. curare, quàm libertates suas tueri, quod in iniquissima lege homicidiaria apparuit. Itaque uideant legati, ne per eos Respub. maximum aliquando detrimentum capiat, cum ordinis sui & dedecore, & summa calamitate. Sed hoc omen Deus obruat: in hancque mentem uniuersum Equestrem ordinem impellat, ut illi sui amore posthabito, uniuersam Rempub. hoc est omnes homines in hac uitæ societate nobiscum uiuentes, complectantur: omnium curam suscipiant: omnium uitas, commoda, dignitates tueantur. Quod cum erit factum, tunc iustissima causa apparebit, quamobrem ut Senatorius, ita Equestris ordo additus sit Regiæ potestati. Sic enim habendum est, neminem unum esse, qui uel consilio, uel operis suis totā Rempub. sustinere possit. Et quemadmodum unusquisque plus duobus oculis cernit, melius duabus auribus audit, duabusque manibus & duobus pedibus plus negotiorum conficit, quàm si uteretur uno oculo, una aure, uno pede, & una manu: ita omnibus, quibus multi populi & infinita negotia commissa sunt, necesse est, multorum oculis & auribus, & pedibus & consilijs uti, ad res rectè & ordine gerendas. Quæ causa mihi fuisse uidetur, quamobrem regibus ac principibus iure gentium summa potestas data sit in Rep. quos nimirum in summo dignitatis gradu constitutos, ac omnibus suis populis consulentes, non unius aut paucorum consilijs in rebus agendis uti oporteret, sed multorum hominum eorundemque & optimorum, & prudentissimorum, quorum illis maior quàm cuiquam alij copia esse possit. Etenim si rectè iudices, minime hoc ferendū esset, ut uni alicui homini, qui & ignorantia multarum rerum laboraret, & humanis affectionibus obnoxius esset, summa Reipub. committeretur. Sed cum regia potestas multorum præ

Similitudo, Arist. Polit. 5.

præstanti uirtute & prudentia niti debeat, æquum uisum est ut ea unus fungeretur, qui ipse omnes regeret. Facilius enim unius imperio pareretur, quàm plurium: facilius unius impetus & refrænantur, & quò nō oportet ruentes retrahuntur, quàm multorum. Aequum itaq; uisum est, ut unus quasi caput alijs mēbris, quod factum commodissimum iustissimumq; esset, præscriberet: decreta de rebus agēdis faceret, & exequeretur: dubia & incerta explicaret: quæque ciuium in officio contineret: ac meliorem, quoad posset, efficeret: deniq; pacis cum honestate tum domi colende, tum foris ab hoste tuendæ, dux & author esset. Si enim plures in eadem Repub. cū hac potestate essent, inextricabiles persæpe existerent difficultates: ut non immeritò in populari, inq; optimatum administratione, temporibus periculosis ad unum (quem Romani Dictatorem appellabant) summa rerum deferretur. qui, excepto quòd ad tempus imperitabat, quid aliud quàm rex erat? In primis igitur curandū est, ut Senatorius ordo sit quàm optimè constitutus, qui secundum regem summus est in omni Reipublica. Constat apud nos ex omni ferè genere magistratuum, & ordinis sacri & profani. Quamobrem summa diligentia regi adhibenda est magistratibus legendis, ex quibus receptum est cooptari Senatum: hoc est, summum Reipublicæ consiliū, publicæ salutis & dignitatis custodem, regis ac principis ad pulchra & honesta excitatorem, à turpibus ac inhonestis dehortatorem, prauarum eius affectionum moderatorem. Sine cuius quidem Senatus consilio, sententia, autoritate, nihil publicè nec domi nec foris agi fas est. Præter Senatum ordinariū, qui de summa Reip. consultet, quicq; non nisi de grauibus rebus, idq; ferè in conuentibus uniuersorum, cogi soleat, conuenit regem habere familiares aliquos, qui nunquam ab eius latere discedant: cum quibus de rebus omnibus deliberet, et omnia communicet quæ sint factu necessaria: imò, cū etiam cogendus est frequens senatus, cū quibus de præsentī negotio disputet in utranq; partem, priusquam referat ad Senatum. Fert hoc rerum natura, mos populorum, & instituta, ut quisq; hominum habeat, quibus cum familiariter utatur: quibus cum de rebus suis prius consilia communicet, quàm ea proferat. Quanto magis principem decet habere, quibus se & suas deliberationes prius aperiat, ac uicissim illorū sententias audiat: quid uel fieri possit, quid minus, de illis exploret. Hoc modo & de aliorū sententijs rectius postea iudicabit: & dissidente Senatu, quod ei melius & Reip. utilius uisum fuerit, facilius deliget. Sint autem familiares regis, qui ad secreta admittantur colloquia, fide & taciturnitate præditi. Multa enim eueniunt incommoda ex consilijs principum, temerè & ante tempus euulgatis. Sunt monarchæ, qui rebus ac negotijs tum extraneis tum domesticis prouinciarum suarum,

rum, dent singulos consiliarios ac secretarios, qui negotia sibi demandata curent & cōficiant. Laudabilis mos, & uiris principibus, qui prouincijs amplissimis præsunt, & qui cum nationibus diuersis causas communes habent, percommodus. Etenim cum unus aliquis causas sustinet omnes, tum & ipse ferundo oneri parum sufficit, & res tardius eunt: & quorum causa agitur, sumptus maiores facere, plusq; temporis perdere coguntur. Cum uero quisq; curat quod sit sui muneris, negotia citius meliusq; expediuntur: nec unus infinito causarum labore obruitur: homines etiam & municipales, & externi, minore cum sumptuum tum temporis iactura domum reuertuntur. Vacante loco alicuius eiusmodi secretariorum, seu morte, seu alia causa, non id sibi monarche sumunt, ut suo arbitratu alium sufficiant: solent enim impediri multorum petitionibus, ut non quem uelint, quamuis idoneum, deligant, sed qui eis obtrudatur. Itaq; tota potestas eius rei est ceterorum consiliariorum, ut ipsi deligant, & in locum uacantem reponant, quem putauerint maxime idoneum. Par autem fuerit, regem adesse præsensem consultationibus Senatorum de Republica. Nam præterquam quod melius ingenium suorum, sententijs quas dicant audiendis, perspiciet, & cui quisq; rei sit magis aptus cognoscet: causam etiam ipsam, quae agatur, planius & uberius intelliget, decretumq; quod magis sit e Rep. longè commodius faciet. Quid uero in contrarijs Senatorum sententijs regi faciendum, & numerandæ an uero ponderandæ sint sententiæ, infra, cum de Senatusconsultis ferendis agetur, ostendemus. Nunc de munere Senatus pergamus dicere: sine quo, uti diximus, nihil fas est agere regi in Republica. Eius enim arbitrio leges conduntur, iudicia exercentur, bella administrantur. Magnum est hoc munus atq; onus, & haud scio an omnium longè maximum, se Reip. custodem, tutorem & defensorem profiteri, ac præ se ferre. Nemo existimet se cum dignitate in eo uersari posse sine magno ingenio, usu maiore, prudentia longè maxima, sine sententiæ pondere, sine consiliorum multa & exquisita ratione.

CAPUT XI.

Quid deceat Senatum, atq; ad eò omnes cōsiliarios: ut 1. dicendis sententijs omnia circumspiciant: 2. extemporaliatem uitent: 3. perturbationibus animi non obtemperent: 4. primam rationem honestatis semper habeant: 5. aliorum rectis sententijs candide assentiantur: 6. quod rectum esse sentiant, id loqui audeant: 7. Plus ponderare sententias quam numerare studeant: 8. Sequitur epilogus.



RECTE igitur uiris principibus, qui tantam rerum sustinent molem, præcipitur, ut animis intentissimis, diu multumq; & simul omnia considerent, in omnes Reip. partes penitus introspiciant, negotium de quo futura sit consultatio cognoscant: tempora, loca, per-
f sonas,

sonas, rerum praesentium statum perpendant: semper aduocent in consilium rationem: res superiores cum praesentibus conferant, atque ex illarum similitudine rebus futuris consulant, inque his meditando multum temporis collocent. Ideo Homerus indignum esse putat uiro primario, totam dormire noctem: cuius tutelae populi commissi sunt, & in cuius cura pendent momenta rerum maxima. Atque hanc sententiam tanti facit uir ille, ut eam non alicui Graecorum accommodet: sed Deum opt. max. introducat, qui eam proferat. Quod quidem praecipuum cum ad omnes pertinet rectam uirtutis uiam ingressos, tum in primis ad summum hoc Reip. consilium: ut quod tempus uulgi profanum dat comessationibus & lusionibus, hoc illi partim quieti dent, partim consiliis inquirendis Reip. recte gubernandae. Qui enim totam noctem uel stertentes, uel epulis & potationibus inseruientes, ueniunt impremeditati in publicum consilium, hi profecto culpa uacare non possunt. Ergo necessarium fuerit consiliario, Reip. uitia quibus laboret, atque ea de quibus sit futura consultatio, praenoscere, ut ad consultandum dicendumque sit probe instructus. ² Omnino enim extemporalitas illa dicendi de rebus maximis, fugienda est. Etenim a consiliariis non tam celeritas exigitur, quam sententiae pondus: quod certe iustum esse non potest, nisi praeiudiciis & circumspectis pluribus rebus, ut ex his eligatur id quod sit maxime necessarium. Iam extemporalitas illa si studiose capitur, ab ostentatione magis quam a recto iudicio uidetur proficisci, neque uanitate uacua esse potest. Fit enim fere, ut quae semel ab aliquo sine praemeditatione dicta sint, ea cum temeritate defendantur. Quod cum in omnibus reprehensione dignum sit, tum magis in uiris principibus, qui de rebus maximis dicant sententias: easque non tantum ratione, sed auctoritate etiam ualere uelint. Recte igitur Alexander Seuerus, imperator Romanus, in consultando, ne quis imparatus responderet, spacium ad cogitandum dabat. Quamobrem qui de rebus grauib. data opera ex tempore & loquantur ipsi, & alios loqui uelint, ostentatores sunt iudicandi: qui autem negotiis non recte prius expensis, ueniant in Senatum, hoc est in templum & sacrarium Reip. hi sciunt se Deo meritas daturos poenas male gestae Reipublicae. ³ Quid uero de illis sentiendum est, qui in hoc sacrarium ueniunt animis gladiatorum: ita ad iniuste nocendum alicui parati, ut id uel suo periculo tentare non dubitent? Non potest animus ira, odio, uel aliqua perturbatione incitatus, nec ratione regi, nec ueritati assentiri. Non potest nec recte iudicare, nec uerum consilium liberè dare, qui ipse sui iuris non est, prauis seruiens affectibus. Nam quae obsecro crudelior dominatio esse potest, quae tyrannis acerbior, quam irae, odij, doloris, effrenatarum cupiditatum, libidinum, & illegitimorum appetituum: qui lucem animi obfuscent, liber-

tatem uoluntati eripiant, hominemque qui se illorum permisit imperio, huc atque illuc rapiant? Ergo & commotiones animi prauæ, uiris principibus comprimendæ sunt, ac tanquam in gyrum rationis ducendæ: & dissensiones uitandæ, quæ ex ira, odio, & alijs perturbationibus exultantibus & turbulentis existere solent. Multa exempla nostrorum superiorumque temporum docere nos possunt, graues calamitates & rebus publicis & priuatorum ex seditionibus procerum importatas esse. multos enim sectatores habent, qui se illis adiungant: cum quibus ueluti coadunatis copijs, & in foro, & in Senatu, & ubi possunt, odia inter se intantum exercent, ut alij in aliorum perniciem uideantur incumbere. Nec uerisimile est, ut reditus illorum in gratiam, quamuis frequentes & illustres, fiant bona fide, qui minimo momento maximas turbas excitant, & tanquam crabrones in sese mutuò irritantur. Nec fieri potest, ut qui inter se sunt discordes & parum amici, concordiam & tranquillitatem uel in Repub. uel inter priuatos efficere queant. Pre- 4
standum est etiam Senatori, ut re, de qua futura sit consultatio, cognita, ac quam fieri potest diligentissimè perspecta, consilia omnia sua ad honestatem dirigat: à qua utilitatis alicuius causa discedere, turpe semper existimatum est. Et quamuis sæpe animis hominum offunduntur multa, ut haud facile, quod honestum sit, cognosci possit: tamen in rebus manifestis, ab honestate uiro bono discedere non licet. Multa autem sunt, quæ nobis honestatem declarent: ut ratio ipsa, quæ est tanquam oculus lucem à tenebris discernens, praua ab obliquis, uitia à uirtutibus: deinde officia & munera uirtutum: tum leges ipsæ & populorum, & diuinæ. Sit igitur, exempli gratia, consultatio in Senatu de homicidio: an poena pecuniaria, an uerò capitali sit uindicandum? Sunt enim quæ & in hanc & in illam partem dici possint: quæ cognoscenda sunt, & inter se comparanda ab eo, qui rectam sententiam & è Repub. dicere uelit. Ac pro poena quidem pecuniaria facit uetus huius patriæ consuetudo, quæ ipsa in leges relata est: deinde utilitates & commoda, quæ ad amicos cæsi redundant, quorum nihil caperent, si homicida occideretur. Iam & Reipub. poena talionis inutilis esset puniendis homicidis, quæ semper amisso uno ciue cogeretur alterum amittere. itaque commodius esse, ut pecuniâ multetur homicida, cuius aliqua utilitas extare deinceps possit in Rep. Adhæc etiam faciunt merita hominum Equestris ordinis in hanc Rempub. quæ hanc, premij loco, legem eis fixerit, ut capita eorum non nisi capite à plebeijs, capita uerò plebeiorum tantum decem marcis pecuniæ nostræ ab equitibus soluantur. Equites enim ipsi inter se centum marcis cædes amicorum æstimant. Et hæc ferè sunt, quæ poenam pecuniariam confirmant, infirmant capitalem. Sunt è contraria parte ea cognoscenda,

quibus poena pecuniaria refellatur, capitalis comprobetur. Primum quidem legibus & diuinis & populorū ferè omnium, nobis exceptis, homicidæ capite plectuntur: deinde ratio ipsa, quæ est quasi lux quædam, lumenq; uitæ, iudicat & turpe esse quæstum facere ex cædibus hominū, nec alia re pensari posse homicidiū quàm interfecto homicida. Quod si poena debet esse par culpæ, ubi tandem illa paritas magis extare debet, quàm homicidijs capite uindicandis? Nullæ enim res tam charæ nobis esse debent, atq; uitæ hominum. Cum autem legibus nostris uita adimatur ijs qui res furto abstulerunt, cur nō his quoq; adimitur qui uitam eripuerunt? Nā illud quidem quod prætexitur numationi retinēdæ, ne si capite plectantur homicidæ, cogatur semper Respub. amisso uno ciue mox alium amittere, nō est uerum. Quis enim est qui ignoret, maximam multitudinem hominum legibus perire propter furtum? quod si furibus puniendis nō mouemur hoc damno pereuntium hominū, cur mouemur in homicidis? Quasi uerò pluris æstimandæ sint res hominum, quàm uitæ ipsæ: aut quasi maius damnū accipiat Resp. homicida interfecto, quàm fure. Quod autem de meritis affertur ordinis Equestris, propter quæ hæc poenarum uarietas effecta est, ualde ineptum est: atq; haud scio an capitibus plebeiorum tanquā talis ludere uoluerint, qui ea denis marcis æstimarunt: cum quidē equitum cædes à plebeijs patratas capite sanxissent. Tot absurditates insunt in hac poenarum inæqualitate, ut mirum sit, alicui hominum potuisse eam in mentem uenire: quibus quidem absurditatibus & ratio hominis offenditur, & populorū iudicia contemnantur, & lumen iusticiæ uirtutum clarissimæ offuscatur, & Dei iussu pessundatur. Et hæc quidem exempli causa à nobis eò dicta sunt, ut ostendamus, opus esse cōsiliarijs, omnia in utranq; partem perpendere: & deinde contentionem omnium facere, priusquam sententiam dicant, quæ ad Remp. pertineat. Neq; uerò pro Rep. putandus est sententiam dicere, qui uel cōmoda priuata sequatur, uel amore odioue ordinis alicuius ducatur: quemadmodum nō est obscurum plerosq; tueri numationem, odio plebeiorum, & amore equitum. Nō potest animus amore odio ue alicuius flagrans, ueritatem cognoscere. Non potest contemptor Dei & hominum nec honestatem, nec ueram Reip. utilitatē uidere. Quid autem faciunt, qui præfractè tuentur numationem? Risum mouent exteris nationibus: iocantur in capitibus plebeiorum: immanitatem exercent in eos ex quibus maximos percipiunt fructus: ueritatem Dei in iniustitia (ut dicit Paulus) opprimunt: atq; etiam Deo ueritatem suam suggerenti audacter responsant, SCIENTIAM VIARVM TVARVM nolumus. Sed hæc à nobis in ijs Orationibus, quas de poena homicidij edidimus, copiosè tractata sunt: hic uerò exempli

pli causa adducta, ut in re planissima rationem consultandi utcun-
que exponeremus. Boni etiam est consiliarij, sententijs alio- 5
rum honestis assentiri: nec odio hominum ea quæ ab illis bene di-
cta sunt, cauillari ac repudiare. Non enim ignotum est, sæpe de
Repub. ab aliquibus sententias dici præclaras, quæ si communibus
aliorum suffragijs cõprobarentur, non malè cõsuleretur Reipublice.
Verum quia fortè authores illarum odio sunt nonnullis, ideo nec
honor illis tribuitur, & ipsorum sententiæ contemptui habentur.
Non uident contemptores isti, grauiter se & in Deum & in homi-
nes peccare. Nam ueritas à quocunq; dicitur, à spiritu sancto est: ut
spiritui sancto contrarij sint omnes, quicunq; ueritati agnitæ aduer-
sentur. Hoc uerò peccatum non est leue existimandum: atq; haud
scio an sit illud, quod Christus dicit neq; in hoc neq; in futuro secu-
lo remittendum esse. Sunt etiam, qui non odio quidem hominum
sententias repudiant: sed tamen cum id quod dicturi erant, uideant
ab ijs qui priores dixerunt, quasi præoccupatum, pudeat que eos
uel idem repetere, uel palàm in sententiam priorum ire, cauillos
excogitent, correctiunculas addant, & nodum (quod aiunt) in-
scirpo quærant. Fit itaq; ut cum plus sapere uideri uelint, insipien-
tes appareant, oratioque eorum nec caput nec pedes habeat: ab i-
pso qui dicit parum intelligatur, multo minus ab ijs qui audiunt. E-
rat in more Senatui Romano, ut posteaquã primi rogati dixissent,
ac res ab illis adeò explicata esset, ut pluribus non egeret uerbis, re-
liqui à dicendo abstinere, pedibusque in priorum sententias di-
scederent. Memorantur autem uerba illa solennia, quæ à Consule
uel alio magistratu, ea in re fiebant, cum ita diceret: Qui hæc sentitis, 6
ite in hanc partem: qui alia omnia, in illam. Senatus etiam consul- 6
ta quæ hoc modo fiebant, per discessionem fieri dicebantur. Cur i-
gitur pudendum sit, assentiri palàm sententiæ ei quæ tibi probetur,
non uideo. Nam illi quidem, qui, re non necessaria, dicendo tem-
pus extrahunt, magis sophistæ & ostentatores, quàm eloquentes,
aut ueritatis studiosi iudicandi sunt. Homines certè honesti & Rei-
pub. amantes grauissimè offenduntur & ab istis cauillatoribus, &
ab illis contemptoribus ueritatis perspectæ. Et hoc igitur uitium
fugiendum est: & ueritati, à quocunque fuerit monstrata, candidè
assentiendum. Magnam sanè generi mortalium iniuriam facis, si
te plus omnibus alijs uidere & cognoscere existimes. Magno te
crimine obstringis, si tuæ laudi consulens, si tuo odio indulgens, uel
cauilleris, uel reijcias ea quæ ab alijs præclare & simpliciter dicta
sunt. Neq; est signum maius modesti ingenij, & Reipublicæ magis
quàm sibi & suæ existimationi seruiantis, quàm sua non bona re-
iecta, aliorum rectis sententijs ingenuè subscribere. de quo copio-
sius in Oratione de Legatis disserui. Per necessarium est etiam 6

in dicendis sententijs, ut quod sentias, id loqui audeas. Omnino enim indigni sunt Senatorio ordine, qui fidem & uirtutem suam celent, principum populi ue metu. quemadmodum munere ecclesiasticae indigni sunt, qui propter summam populi in peccando consensionem, uitjs arguendis abstineant: cum quidem concionatoris sit, uel capitis periculo in ecclesia clamare, peccata exprobare, argueret: quantumuis uideat populum superbum, morosum, intractabilem. Nisi fortè Senatori respiciendum est, quid in Repub. effici possit, non quid fieri debeat. Etsi autem temporibus cedere, prudentis esse existimatur: tamen qui in summo dignitatis gradu in Republica locati, praetermittant sententiam dicere, quam loco senatorio dici necesse sit, ij parum consulunt dignitati suae, authoritati suae defunt, ueritatem pro qua mori deberent deserunt, ac pro nihilo habent. Tu in ordinem Reip. summum allectus es, in custodem ac defensorē Reip. delectus, beneficijs Reip. auctus: an te non decet gratitudinē & animo & re ipsa testari, ueritate profitenda & defendenda, despectu odio'que impiorum fortiter perferendo? Si homines non metuis propter ueritatem desertam: time Deum, memorem fandi & nefandi, mali uindictam, boni remuneratorem. Non est nouum hoc, nec inauditum, ueritatem odiosam & amaram esse, semperq; fuisse, ijs qui uirtutis sint expertes. Sed tu non potes aliter ostendere te uerae uirtutis cultorē esse, quā odio pro illa & acerbitate perferenda. In Senatusconsultis ferendis optimū fuerit, sententias non tam numerare quam ponderare. Ille enim mos numerandi sententias, etsi ferè receptus est: tamen quā saepe sit perniciosus, facile ostendi potest. Et quāuis hoc sine offensione eorū uix fieri possit, qui suam pluriū sententiam repudiari animaduertant: tamē rex, seu qui praest concilio, ratione, cur in pauciorum sententiam concedendum esse putet, explicata, facile euitabit offensionem. Caueat modò rex, ne alicuius unius uel quorundam paucorum authoritatem tanti faciat, ut alios quantumuis multos pra illis negligere uideatur. Hinc enim & partes in Senatu, & seditiones in populo solent existerē. Ergo si aequior, & Reipub. commodior sententia paucorū uisa fuerit, aut etiā si ipsimet praesidi aliquid cōmodius in mentem uenerit, causas declaret, quam obrē diuersum à multorū sententia sit decernendum, & faciendum. Faciat autē id modestē, & sine ullius reprehensione. Quod si res maiorem deliberationem requirat, differat in alium diem explicationē suae sententiae, ac decreti lationē. Quā uerò perniciosum sit numerare sententias, non etiam ponderare, audiamus. Habuerunt quōdam inter se membra corporis humani sermonē de sole, lucidus ne sit, an uerò tenebricosus: cumq; omnia ex ordine sententias dicerent, tenebricosum esse, soli oculi lucidum esse pronunciarunt. Ratio hominis, multitudine sententiarū

ab alijs

ab alijs membris dictarum, reiecta, solis oculis subscripsit, ac secundum illos pronunciauit. Perirata sunt alia membra, quod sua multorum sententia, oculorum duorum sententiæ posthaberetur. Verum cum rogata, discrimen facere inter lucem & tenebras, nisi oculis ducibus, non possent: cesserunt sententiæ oculorum, & rationis iudicium approbarunt. Imitatum est, hunc conuentum membrorum, Nicenum concilium: quod decretum tulit secundum Paphnutium, omnium patrum aliorum, qui numero trecenti decem & octo fuisse memorantur, sententijs reiectis. Atque ideo Panormitano iurisperito uisum est, maiorem alicui uni, pro se rationes & scripturarum testimonia afferenti, fidem habendam esse: quam ingenti multitudini, huiusmodi testimonijs & rationibus defectæ. Et hic quidem mos ponderandi sententias, facile obtinet in conuentibus hominum ratione uti uolentium. Nam quorsum quæso multitudo sine ratione? An non similis est talorum iactibus, qui hoc potiores habentur, quo plures oculi in eis supernè appareant? Quod si numerus in Senatu ualere deberet, maximè profectò curandum esset, ut quàm optimi & quàm prudentissimi legerentur in Senatù, ne mali & imprudentes essent uice talorum ad uincendū. Omnino, nisi ratio & numinis respectus apud concilium Nicenum ualuisset, haud dubiè contempta iacuisset Paphnutij unius sententia, præ tanta multitudine aliorum. Fregissent & membra illa solem tenebricosum dicentia, duorum oculorum sententias, ni ratio auctoritatem suam interposuisset, ac quod res est pronunciaisset. Sed inquires, obscurum esse persæpe id quod controuertitur, adeò ut incertū sit utra pars plus ponderis habeat, necessarioque in plurium sententiam pedibus sit eundū. Fac uerò, in rebus obscuris multitudinē sequendam esse: at in planis & perspectis, an non magis bonitatem causæ sequemur, quàm pluralitatem dicentium? Hoc enim ratio hominis, præclarum Dei donum, hoc boni mores suadent: hoc professio nostra, ueritatem nobis unice commendans, falsitatem damnans: hoc author omnium Christus Deus præcipit, qui sermonem suum ueritatem, diaboli, mendacium dicit esse. Sit igitur quantalibet multitudo, mendacium sciens uolensque asseuerans, an non ea patris illius mendacij, in quo ueritas non est, soboles iudicanda est? Quod si est, an non dignum esset ut populus Christianus defereret talem multitudinem, quantumuis numero, pompa, splendore, diuitijs, maiestate præstantē? Omnino si Christi uerè essemus, defereremus falsitatis consultores & tutores, tanquam hostes Domini & magistri nostri. Non absque rædio & meo & aliorum, uersor in pœna homicidij usitata improbanda: sed tamen faciendum esse uideo, ad omnem occasionem. Quid numatio habet pro se, præter uetustatem, & multitudinem clamantium? At à pœna capitali stant, recta ratio,

popu-

populorum iudicia, ueritas cum Deo ipso. Et tamen sic sumus homines, ut contra apertam ueritatem, mendacium tot secula regnare patiamur, tyrannidi obtemperemus, æquitatem & iustitiam repudiemus. At dices, id per eos stare, qui sunt cum potestate. Esto. Qui igitur sunt ursi, qui pardi, qui bestia horrenda, quas propheta diuino spiritu afflati regnis terre adiungunt, si consultores & tutores tantæ tyrannidis non sunt? Quæ est Caimi proles alia, quæ serpentis illius antiqui, qui (ut CHRISTVS testatur) homicida est ab initio: si non sunt, qui tot causas præbent homicidiorum? Sed finis sit: nam hæc à nobis alibi copiosius sunt tractata. Qui igitur benè meditatus ad dicendum accesserit, honestatis præcipuam rationem duxerit, peruersis animi affectionibus non obtemperauerit, aliorum rectas sententias candidè approbauerit, quod rectum existimet liberè dixerit, ac in faciendis decretis plus pondere quàm numero sententias examinauerit: eum nec temerè propter ignauiam, nec peruersè propter animi impotentiam, sed & grauius & fideliter & fortiter dicere: nihil gloriæ suæ aut partium causa, omnia studio Reipublicæ agere: ac boni senatoris munus abundè explere putabimus.

CAPUT XII.

De iudicibus, imperatoribus, arcium & oppidorum præfectis.



EGVM igitur & Senatorum moribus breuiter expositis, dicamus aliquid de reliquis magistratibus, quorum alijs alia officij munera addita esse cõstat. Et illi quidem in uarijs Rebus publicis uarij sunt. Sunt tamen præcipui quidam, sine quibus nulla Respub. stare potest: ut imperatorũ & iudicum. illorum munus in patria ab hoste foris defendenda uertitur: horũ in iure dicundo, & iustitia unicuique administranda. de utrisq; à nobis suis locis dicetur. Sunt etiam alijs, qui nec ius dicant, nec suis sententijs quicquam statuunt: sed quod ab alijs statutum est, exequantur & perficiant: ut ferè sunt præfides arcium & oppidorum, à rege uel populo constituti. Tametsi hi quoq; habent definita causarum genera, quæ cognoscant: sed munus eorum præcipuum est, pacem domi inter homines constituere, incursiones subitas hostium propulsare, fines prouinciæ suæ tueri, ac iussa regum & iudicum exequi. Frustra enim reges iuberent, frustra iudices iudicia exercerent, nisi essent qui imperata illorum exequerentur. Factum est in urbe quadã populosa, ut satelles quidam, homo plebeius, uulneraretur ab equite, quem ego honoris causa non nominabo. ac uulneratus quidem ille, ad chirurgum mox, uulneris obligandi causa, profugit. Sed postea ex ædibus chirurgi seu extractus, seu sponte discedens, in platea occisus est. Et ille quidem eques re ita fortiter gesta, in ciuitate

uitate, quādiu uoluit, impunè uersatus est. discessit postea illinc luce media, quando uoluit. Sed quid narro, à nobili plebeium occisum, cuius cædē paucula pecunia redimi ius fasque est? Accidit in eadem urbe, in conuentu uariorum populorum maximo, ut nobilem, cuius cædes multo pluris aestimatur, nobilis occideret: idque in ipso meridie, in foro publico, multis inspectantibus, & quemadmodum id fecit impunè, ita impunè inde abiit. Et hæc quidem publicæ uictimæ: audite iam penetrales. Quispiam fugiens eos à quibus iam uulneratus esset, fortè ad ædes cuiusdā ciuis delatus est, in quibus multi homines, ut sit horis pomeridianis, genio indulgebant. eorum opem, ut seruarent miserum, & à uis insequentium tuerentur, implorabat. Verum qui insequerentur, in ædes illas impetum fecere: omnibusque qui obsistere conabantur propulsatis, irruere in miserum illum: ac tot tantisque uulneribus affecere, ut pauco post tempore animam in illis posuerit. Concurritur interea à domesticis & uicinis omnibus, uulneratus ille iacens & moribundus spectatur. Occisores uerò abierunt quod uoluerunt, quando uoluerunt, nemine impediante. Sed hoc fortasse quod in priuatis ædibus factum est, latere potuit magistratum. Quid autem de illis homicidijs, publicis in locis factis? Ego quidem præsidum seu arcis seu ciuitatis, uel alicuius alius magistratus puto fuisse, ut eos homicidas uel subito comprehenderent, uel fugientes insequerentur ac caperent, poenamque de eis uel ipsi fumerent, uel sumi iuberent. Sed factum est, ut narraui, non secus quam in sylua, uel in deserto: ubi nulli homines, nulli præfecti essent. Quid igitur tunc, o præfecti, faciebatis? Profecto spectabiles, clarissimi & magnifici domini, ingnauissimi estis: idque publico malo: itaque poena grauissima digni. Tuum est igitur Rex, tales magistratus ac præsidēs arcibus, ciuitatibus ac prouincijs constituere, qui pacem domesticam maximè tuerantur. Sin hoc non curas, fac potius ut dissipentur ciuitates, & omnes hominum coetus, ut quisque uitam degat ubi possit: quandoquidem ad tuendam uitam nihil profit, in frequentia hominum sub talibus præsidibus uiuere. O extremam miseriam: has ædes, urbes, regiones, coli & inhabitari, in tanta insolentia, crudelitate, & impunitate. Sed querelarum satis: pergamus ad alia.

CAPUT. XIII.

De censoribus morum.

ST etiam ille, mea sententia, magistratus Reipub. necessarius, qui moribus præsit. In ueteribus quidem & Græcorum & aliarum nationum Rebusp. nonnulli magistratus puerorum, alij mulierum, quidam populi moribus præfecti erant: atque ex re ipsa nomina habebant, ut alij pædonomi, alij gynæcono-

mi, quidam nomophylaces censores'ue dicerentur: qui non solum scripta legum, sed mores etiam hominum obseruabant, & ad honestatem reuocabant. Hos magistratus, homines à Christo alieni suis Rebusp. necessarios putabant: quorum metu non licebat adolescenti ocioso esse, nec in ganeis desidere, nec quibusuis lusionibus operam dare: non licebat mulieri, nec ornatu nec rebus gerendis, septa (ut aiunt) transilire: cogeatur Senator, eques, & cuncta plebs in officio esse. Nos in Christianis Rebusp. his magistratibus caremus, itaque & uetus illa disciplina, & morum seueritas, magna ex parte interiit. Quod si quis est, qui hunc magistratum putet parum necessarium esse, is mihi uelim in mores multorum corruptissimos, oculos intendat. Est in Senatu, qui iustitia neglecta sententiam dicat uel sui, uel alicuius alius commodi causa. Si ab eo rationem petas sententiae dictae, respondet, sibi uel sui uel suorum rationem habendam esse. Hic an non dignus est, ut Senatu moueatur, qui potiore ducat utilitatem suam quam iustitiam? Est qui à maioribus habeat amplas possessiones: hic populis suis nullo pudore superbissimè imperat, & quaecunque libeant licentiosissimè perpetrat. Neque enim subdito resistere domino, neque in ius eum uocare licet. An uerò sic exercens in subditos imperium, non est dignus nota censoria? Sunt inter praesides ciuitatum, municipiorum, arciumque tam regionum quam aliorum principum, homines, qui undique captent occasiones populi deglubendi. imò inter ipsos beneficiarios reperiuntur, qui seruitiorum (ut ipsi dictitant) causa, beneficijs perpetuis aucti, & hominibus & pecudibus & agris & pratis abutantur. De quibus nec rex unquam audit, nec populus queri audet. An uerò istis impune erit, talia perpetrasse? Sunt item multi, qui suis rebus turpiter abutantur, qui dies noctesque perpotent, qui res & patrimonialia lauta dissipant: qui tamen moribus nostris in ius minimè uocentur. Quod si est à Repub. ut quisque rebus suis bene utatur, ut si usus fuerit, possit opitulari Reipub. certè decoctores digni sunt censorum animaduersione. Est non nemo, qui praeter opinionem nobilitatis, unde commendari possit nihil habet: homo sine re, sine nomine: cui nihil feritur, nihil metitur, nihil penditur. Hic ministros non paucos unacum equis alit: eius domuncula nihil habet praeter lanceas, galeas, bombardas, ferrum, arma: quibus terrori est uicinis omnibus: minatur unguera, denunciat cedes quibus uult. Huic nemo uicinorum resistere potest: nam agris addictis arma tractare non uacat. Nemo illi ad iudicem diem dicere, nemo eius nomen ad praesidem deferre audet, nisi qui se caedi expositum uellet. Veniunt ad eum supplices multi: ueniam ab eo deprecantur erratorum, quae nunquam admiserunt, sed quae ille confinxit. Ipse uerò indies fit insolentior. Tale monstrum non subiacebit censuræ. Memorantur illa à scriptoribus

bus rerum Romanarum exempla censuræ seuerissimè actæ. Cor. Ruffinus, duobus consulatibus & dictatura speciosissimè functus, quòd decem pondo uasa argentea comparasset, perinde ac malo exemplo luxuriosus, numero Senatorum exemptus est. Duronius, quòd legem, de coercendis conuiuiorum sumptibus latam, abrogauerat, etiam Senatu motus est. Liuius Salinator, Cl. Neronem collegam censoria animaduersione persequutus est, quòd non syn- cera fide secum in gratiam rediisset. Constituendi autem essent censores bini in omnibus municipijs, qui de moribus omnium, sta- tis temporibus inquirerent: & uel ipsi tandem punirent, uel ad re- gem aut iudices ordinarios deferrent. id quod inter homines eccle- siasticos adhuc obseruatur, quorum Archidiaconi moribus presby- terorum præfecti sunt. Et hæc de censoribus.

CAPUT XIII.

De rerum uenaliū, & numorum curatoribus.



EMO est etiam, opinor, qui dubitet, magistratum pernecessarium esse, qui in foro, hoc est in rebus contrahēdis sit occupatus: qui omnia & domina- ta facta, & aliunde aduecta cognoscat, preciumq; eis pro tempore imponat. Videat etiam, num con- ducat Reipub. ut frumentum & liquores ad men- suram uenduntur: ita carnes, caseos, butyrū, & id genus alia ad pen- sum uendi. In primis autem, res omnes & quæ importentur, & quæ exportentur, obseruet: earum bonitatem exploret, modum & pre- cium constituat. Sæpe uidimus tantum frugum numerum à nobis asportatum, ut maximam ubertatem difficultas annonæ domi sit subsequuta: neq; uerò annonæ tantum, sed & carniū & caseorū, & rerum aliarum. Ferè enim sit, ut frugum caritas efficiat caritatem rerum aliarum. Ergo magistratus ad id destinatus, prouentu fru- gum considerato, & quanto Respublica frumēto tam pro se quàm pro aduenis egeat animaduerso, modum exportationi constituat, ne nostri agri alijs sint fertiles, nobis uerò steriles. Statuant & do- mi precia, ne qui abundant, pluris uendendo quàm æquum sit, & pauperum facultates exhauriant, & rerum aliarum precia augeant. Difficile est enim (ut dixi) cauere, quin cum precio frugum, precium rerum aliarum crescat. Laudandus est mos ille quarundam Re- rumpub. in quibus frugum maxima uis (quo quidem anni tempo- re quàm minimo prostant) à magistratu coemitur, ac in publica promptuaria reconditur: ut seu periculum sit ab hoste, seu res spe- ctet ad annonæ difficultatem, prospectum fiat uitæ hominum. Ser- uant enim multi negotiatorum fruges in longum tempus, ut pluris uendant temporibus suis. Sed huic rei occurri potest prudētia ma- gistratus, si fruges quàm minimo emptas, tum ex promptuarijs ef-

ferri iubeat, ac aliquanto pluris quàm sint emptæ uendat. Nam & omne lucrum cedit Reipub. & negotiatores frumentarij cogentur minoris uendere in copia rerum, quàm uenderent in inopia. Itaq; & de hoc constituendum esset, & illæ exportationes nimiae moderandæ: quibus tanquam cibus ex ore tenuibus hominibus eripitur, aut certè caritas magna efficitur. Intoleranda est illa pistorum coctorumque peruersitas, qui eodem precio & panes & ceruissiam in annonæ facilitate uendant, quo in magna caritate. Intolerabilior eorum, qui aduenæ pluris uendant quàm ciui. Aduenam (inquit Deus ad Israelitas) non contristabis, neq; affliges, fuistis enim & uos aduenæ in terra Aegypti. Sed illa maximè omnium intolerabilis, quòd per dies comitiales, ac in ijs locis in quibus Rex cum Senatu ac populi frequentia uersatur, multo carius omnia ueneant, quàm alijs in locis. Cùm enim conuentus eiusmodi Reip. causa agitari consueuerint, certè uix ferendum est, ut tum uel mercatores maiores faciant quæstus, uel illi plus pro rebus necessarijs numerent, qui consultant pro Republica. Quod de frugibus dictum est, idè de cera, seuo, corio, equis, bobus, rebusque alijs intelligatur. Multi exportatione earum & ditescunt ipsi, & ubertatem copiamq; ad externos populos transferunt, interea apud nos fames in uulgus, ob penuriam & rerum caritatem. Caupones magna licentia utuntur uinis & adulterandis, & magno æstimandis. Itaque magistratus, rationibus sumptuum qui ab eis fiant animaduersis, ac etiam lucro quod æquum sit permisso, & precia constituat, & in adulterantes animaduertat. In uenditionibus & emptionibus quarumlibet rerum, si quid uitij de industria ab altero contrahentium commissum sit, ne impunè fiat. Plato quidem in Legibus iubet, ut tam uenditor quàm emptor decem dies post res hincinde commutatas in urbe maneat: ut si quod uitium deprehendatur uel in re uendita, uel in numis, præstet damnum ille qui dedit. Reticentias etiam omnes quæ ab alterutro contrahentium de industria, nocendi causa, fiant, puniendas censet. De his igitur, & rebus alijs contrahendis, magistratus est prouidere: rerum aliunde aduectarum bonitatem cognoscere, precia constituere, opificum omnium operas æstimare: monopola etiam grauib; poenis interdicere, quibus enormia precia rebus imponantur, pauci quidam plus nimium ditentur, multi que ad inopiam redigantur. Versatur autem uel ob hoc in magna turpitudine monopolarum nundinatio, quòd merces emant, ut eas lucri causa uendant: easdem prorsus, & nihilo meliores factas. Isti uel uenditorem defraudant, si quidem minoris quàm æquum sit ab illo amant: uel emptorem, si pluris illi uendant: uel utrunq;. Quòd si nihil horum accadat, tamè animus ille, mercem emendi non usus, sed lucri causa, crimine uacuum esse nō potest. Ex auaritia enim existit,

stet, quæ multorum flagitiorum est mater. Laborant hoc uitio cūm plerique alij, tum propolæ decumarum: & ij quidem maximè, qui mercatorum nomen & rationes supra modum detestantur: qui sola lucri auiditate adducti, messis tempore decumas coemunt: quas nec meliores factas, nec in alia loca, ubi annonæ penuria esset, translatas, sed ipsæ in locis ubi emerunt, plerumq; deteriores, aut certè accisas, diuendunt, magnumq; inde quæstum faciunt. Quid igitur aliud mercatorem agere est, si hoc non est? Non ulna, quæ quis metiatur pannos, ut uulgò putant: sed quæstus & lucri studium, quò ad emendum uendendumq; duceris, mercatorem facit. Quod an abest in decumarum ista quæstuosissima ac turpissima mercatura? Non rarò accidit, ut decuma eadem quaternas aut quinas manus eumentium & uendentium percurrat, priusquam ad manus perueniat eorum qui sint usuri. Qua in re illud est indignissimum, quod qui non laborant, illi prætextu dominij in res colonorum suorum, sudores eorum redimunt: quas uel illis ipsis, nonnunquam inuitis, mox pluris uendant: uel cui uelint. Coloni uerò, qui diei onus & æstus pertulerunt, de harpyiarum illarum manibus omnia expectare coguntur. Quid igitur miri, si & ipsi coloni malignè uiuant: & grandia rerum omnium precia crescant? Tales mercatores illi sunt, quos diuus Chrysostomus de tēplo Dei censet esse eijciendos: quos ^{88 d. eijciens.} leges Imperiales bonis spoliari, & exilio perpetuo damnari iubent. ^{C. demon. L. unica.} Atq; idem Chrysostomus, non eos mercatores damnat, qui merces aliunde inferant, uitæ humanæ & Reipub. necessarias: nec eorum negotiationem improbat, qui rem emāt, quam labore & industria sua meliorem factam uendant: sed eorū, qui rem comparent, quam carius uēdant, nullo labore, nihiloq; meliorem. Ego quidem istos, prædones potius quàm mercatores, prædamq; quam faciunt, uerius quàm mercaturam appellauerim. Hi enim sunt, qui & uendentes & ementes malis afficiunt: qui pauperes impediunt, quo minus res uitæ necessarias iusto precio emant: qui caritatem annonæ & rerum aliarum inferunt: digni qui ex republica exterminentur, per quos Respublica tot damnis affligitur. Hæc de monopolis, & de mercatoribus, seu prædatoribus. In re monetaria, considerata uidentur & materia, & pondus, & forma publica. Priora duo uulgò non satis agnoscuntur, ac ne obseruantur quidem in numis paruis: tertium conspectu facile noscitur. Verum quia nonnulli externi populi figuram nostrorum numorū imitati sunt, atq; hac ratione suos ad nos inuexerunt, uidendum est, num sit è Repub. formam nostræ mutari, aliter enim externa uix exigi potest. Qui falsam & adulterinam olim cudebant, ad bestias condemnabantur, si liberi erant: si serui, ultimo supplicio afficiebantur. Rationem etiam inuenire, ne pecunia extra fines exportetur, perutile fuerit: quod uix a-

liter fieri posset, quàm si pluris, quàm equum sit, aestimaretur: quod tamen nescio an conduceret Reipublice. Qui uel Romæ uel in alijs prouincijs res agunt, magnam uim auri à nobis efferunt. Hoc si in totum interdici non potest: tamen modum his rebus constitui, optimum fuerit. Tanta licentia apud nos grassatur numis peregrinis tum aureis tum argenteis aestimandis, ut nusquam maior. Singulis quadrantibus anni precium eorum crescit, cum bonitati eorū nihil interim accrescat. Causas eius rei multi afferunt multas. Sed nos si non mouet uel publicæ uel priuatae cuiusque rei iactura, quæ hanc numerorum iactationem sequitur: quid aliud mouere nos magis possit ad licentiam illam coercendam, & certam aestimandi rationem ineundam, haud sanè dictu est facile. Et hoc igitur, si placet, forensi magistratui mandetur.

CAPUT XV.

De ædilibus.

VRÆ ædium & publicarum & priuatarum moribus nostris est penes magistratus, qui muneribus alijs destinati sunt. Olim in magnis hominum cœtibus magistratus erat singularis, qui Aediles appellabantur, ab ædibus quas curabant, ut & integræ & munde essent: modum ædificandi præscribebant: fossis & uallis non tantum ciuitates, sed agros etiam circumducebant: hocq; modo aduersus impetum hostilem, regionem muniebant. Aquæ item ductibus, pontibus, & stratis uiarum præerant, quas ædificijs & arboribus exornabant: cloacas purgari iubebant: salubritati hominum consulebant. pestilentiam, quantum humana industria fas esset, auertebant: aut si fortè, ut fit, irrepsisset, ne totam ciuitatem occuparet, aduigilabant: itaq; & ædes infectas cõcludi, & homines ipsos uel in ipsdem ædibus se cõtineri, uel ex ciuitate migrare iubebant: satius id rati, quàm ut contagione sua totam ciuitatem inficerent. Horum etiam fuerat prouidere, ne incendia ædium uel exorirentur, uel exorta latè ac licenter uagarentur: uigilibus etiam præesse qui noctu excubias agerent, ne quid uel à furibus, uel ab hominibus flagitiosis detrimenti fieret: in primis autem, ne uel per fraudem alicuius, uel casu aliquo, ignis iniiceretur, ac grassari inciperet. In exteris nationibus grauissimis poenis multantur, qui ædibus flagrantibus non mox adsint cum urnis, & alijs instrumentis igni extinguendo necessarijs. Apud nos maximus hominum numerus aut ad ignem spectatum tantum ueniunt: aut uicini ædibus posthabitis, res suas exportant. Itaq; fit, ut rarissimæ in tota Polonia ædes sint, quæ interuallo triginta annorum durent. omnes ferè uici & oppida in orbem exuruntur: ac inde noua ædificia curantur. Atqui tanta negligentia ignis extinguendi, tolerabilior

lior esset in ijs prouincijs, ubi uel ex lapide ædificaretur, uel homines ebrietati non studerent. Apud nos uerò, ubi & ex ea materia quæ præcipuum est ignis fomentum, ferè omnia extruantur, & paucissimi ament sobrietatem, cur tantam incuriam ignis compescendi ferant magistratus, permirum est. Frequentes exustiones non immeritò ædiles incitare deberent, ad rationem ineundam, ædium ex lateribus ædificandarum. Quod quidem factu facile fieret, si opificum copia esset, qui materiam, cuius magna est ubiq; copia, appararent, & omnia ad ædificandū necessaria in promptu haberent. Consuleretur hoc modo & præsentibus hominibus, & posteritati. Certe si res moribus esset usitata, maiore quidem precio ex lapide ædificaretur: sed utilitas ipsa multis nominibus recompensaret sumptuum magnitudinem. Cum quidem, si rationem subducas eorum, quæ in noua ædificia, exustis prioribus, expenduntur, longè pluris constent, quàm ædificium latericium, in perpetuum duraturū, constaret. Loquor autem de ædificio, quod & parietes & tegulas ex latere haberet. Ignis enim prouolans, nō facile tectū latericium occupat. Si quid incōmodi ab igne est, id tantum ijs ædibus accidere potest, in quibus ignis ortus est. Et hæc de ædilibus, & eorū munere.

CAPUT XVI.

De magistratu, qui otiosos ex ciuitatibus expellat, & in ebrios animaduertat.



ANTA est omnibus in locis & ebriosorum, & ociosorum turba, ut necessarius uideatur magistratus singularis, his uitjs tollendis: quæ uitia, quantum malorum rebus humanis afferant, notius est quàm ut uerbis exprimi debeat. rixas cient, furantur, homines uulnerant & occidunt, & ad omnem iniuriam sunt promptissimi. Moribus Turcicis utrunq; uitium ignominia non uacat: ebrietas etiam capitalis est. Quamobrè si rectè uolumus consultum Reip. magistratum necesse est singularem constitui, qui cum stipatoribus plateas circumeat, ebrios comprehendat, in carcerem conijciat, poena afficiat: in ociosos etiam animaduertat. Tabernæ uinariæ ac ceruisiariæ uel tollendæ sunt, uel ciuibus interdiciendæ. Homines maleferiati totos dies in eis delitescunt, perpotant ac uiuunt cum scortis intemperantissimè: puellas & matronas chorearum uel aliorum ludorum prætextu ad se inuitant: pudicitiam earum oppugnant. Vbi autem frequentius iurgia, plagæ, uulnera, mutilationes, cædes committuntur, quàm in tabernis? Quin potius incolarum quisq; ac indigenarum iubet domum suam tantum uini aut ceruisiæ adferri, quantum sibi & familiæ satis sit: domi cum familia uiuat: rei familiari det operam: contineat omnes in officio. In tabernis autem, aduenis & peregrinis tantum

tantum liceat uiuere, & ad tempus habitare. Vnde & diuerforia dicuntur, quod ex itinere solemus diuertere. Peregrinis itaque in eis commorari liceat, non incolis ac indigenis. Multi opificum magistri rarissimi sunt in suis officinis: alunt discipulos multos, qui absente magistro segniter, negligenter & contumaciter ferè laborant omnia. Si magister praesens semper esset, plus operum perficeret cum duobus, quam absens cum decem perficit. Et hi igitur ad officium compellendi: ne turba ociosorum Respub. prematur. Neque illa militibus, quos Drabones uocamus, licentia danda est, uulgo mendicandi. multi enim obambulant otiosi, nulli honestae rei operam dant: sed ebrietati, mendicitati, & praedis occultis. Et haec quidem ad homines seruili ingenio praeditos, qui non nisi metu & poenis continentur in officio. Naturae autem generosae ita ab ocio ad laborem excitabuntur, si diligenter secum reputauerint, Deum ita in mundi exordijs constituisse, ut omnes uescantur pane cum sudore uultus sui: donec in terram redeant, ex qua orti sint. Quod quidem pro multa generi humano, ob peccatum, datum uideri potest. Sed & ante peccatum homo, ubi creatus est, ita in Paradiso constitutus erat, ut illum coleret, & tueretur. Haec enim uarietas membrorum corporis humani non ad ocium data est: sed quemadmodum auibus alae ad uolandum, ita homini membra pro instrumentis sunt ad laborandum. Itaque & Paulus Thessalonicensium ecclesiae edixit, si quis operari nollet, eum ne comedere quidem debere. Et Dauid rex beatus illam pronunciat, beneque illi fore, qui labore manuum suarum uescatur: non obscure significans, illos miseros esse, nec in beatis numerandos, qui alantur cibo labore manuum alienarum quaesito. Quam autem latus sit campus laborum humanorum, facile uidebit, qui necessitates tum uitae huius, tum futurae animaduenerit. Et animo operandum est, & corpore, ad uitam beatam contendentibus. Vtroque labore homines non inertes se exercent: & altero horum fessi, ad alterum declinant, ut uicissitudine & alleuationem sentiant, & alacriores redeant eo unde declinarunt. Ad summam, cum ocium multa uitia doceat homines, langoremque eis afferat, omnes ociosi aut pellendi sunt ex Repub. aut poenis afficiendi.

1. Theß. 3.
Psal. 128.

CAPUT XVII.

De pauperum curatoribus.



ED quemadmodum homines laboribus apti, & mendicando repellendi: ita illis qui uerè pauperes sunt, hoc est, qui & uiribus corporis, & rebus quibus se sustineant, destituuntur, consulendum est, ut & aedes eis publice constituentur, & ad uictum omnia necessaria suppeditentur. Omnes fratres sumus, eiusdem patris coelestis filij. Nemo casibus humanis exemptus est.

est. Quodd si humanum est, periclitanti de uita succurrere, ut uel ab igne, uel ab aqua, uel ab hoste, uel alia calamitate eripiat: omnino esurientibus, sitientibus, nudis, algentibus opitulari æquissimū fuerit, ne penuria rerum necessariarum moriantur. Igitur uel contribuendum est publicè eorum necessitatibus, uel alia ratione prouidendum: cuius rei facultas est maxima in regibus, episcopis, principibus uiris, collegiis sacerdotum, ciuitatibus, & ijs qui opibus abundant. Estq; hæc uera & germana liberalitas, in eos beneficium esse, qui nullam referendæ gratiæ habeant potestatem. Neq; tamē frustratur nos mercede benignissimus pater cœlestis: qui uel poculum aquæ frigidæ suo nomine datum, remuneraturum se promissit. Hortatur Paulus apostolus Romanos, ut de facultatibus suis impertirēt pauperibus ijs qui Hierosolymis essent. Quanto magis decet nos pia collatione ijs succurrere, qui nobiscum sunt: qui inter nos senio, morbo, aliā ue ruina confecti, ac omni spe destituti sunt. Sit igitur magistratus, qui curam habeat pauperum: eaq; commodè dispense, quæ uisibus eorum sunt consignata. Et hæc quidem de ijs magistratibus hoc in loco dicēda mihi uisa sunt, qui rebus hominum consulerent: qui peruersos mores castigarent, bonos reducerent: quiq; non tam de iure, quàm de facto & sceleribus perpetratis cognoscerent. Nam de ijs qui de iure cognoscant, aliis nobis dicendi locus erit. His itaque explicatis, superest ut de toto genere honorum dicamus.

CAPUT XVIII.

1. Honoribus mandandis quid in primis spectandum? 2. an eos petere: 3. an emere: 4. an uniplores gerere liceat? 5. Quæ uirtutes quibus honoribus honestandæ? 6. An eos liceat gerere, ei qui per se muneribus fungi non possit? 7. De nominibus eorum publicè proponendis, qui honores ambiant.



M N I N O Reipub. interest, ut uirtus & præclare facta maximè spectentur honoribus mandandis. Cum enim ipsa uirtus summum bonum sit: opes & aliæ res nō aliter censeantur bona, nisi quod instrumenta sint uirtutum: certè uirtus ipsa maximè honore afficienda est. Friget enim, cum se debitis honoribus priuari: cū uerò homines socordes & ignauos sibi præferri uidet, tum aut studiis debilitatur ac languet, aut ad res nouandas impellitur. Itaq; quidam uiri principes, multis rebus gestis illustres, cum homines parum idoneos uiderent sibi quadam fortunæ cæcitate aut æquari, aut præferri, multa animaduersi sunt agitare noua in pectore suo: homines etiam inferiorum ordinum, iniquissimo animo dominationem illorum ferre. Ipsi uerò qui in magistratus leguntur, nulla singulari uirtute præditi, nullis rebus ge-

stis clari, quo modo se in suo munere tractare soleant, non est obscurum. Atque utinam isti animum inducere possent, ueram uirtutis rationem cognoscere: fortasse minus cupidè appeterent honorem, quo minus dignos se esse scirent. Magnam etenim (quod etsi iam dictum, tamen sæpius dicendum erit) magnam inquam bonis moribus calamitatem ignorantia importauit. Quantus numerus est eorum, quos impotens ambitio, honorumque contentio mirabiliter exercet? Quotusquisque autem horum est, qui sciat quid sit uerus honor, aut cur sit appetendus? Sunt quibus perpulchrum uideatur, sibi & assurgi ab alijs, & de uia cedi: se & uulgò admirationi esse, & cum honoris præfatione appellari: se & deduci, & reduci: denique & basilicæ spacijs, & quocunque loco sedeatur, se digniore sede honestari. Sed & hæc officia non tam animi inductione, aut uoluntate, quàm adulatione metu uel sæpe præstantur: & certè qui se illis uenditant, nequaquam sunt in uiris magnis habendi, quem admodum Parasitus inquit,

» *Est genus hominum qui esse primos se omnium rerum uolunt,*

» *Nec sunt tamen: hos consector. —*

Profectò magni & primarij uiri habendi sunt, qui multis uirtutibus ornati, mereri student tum de Repub. tum de religione: denique & de suis ciuibus, & de omni genere hominum. Honor autem uerus est, præclara hominum existimatio de uirtutibus eiusmodi, de optimis factis. Quis sit igitur, ut qui nihil certaminis posuerint in uirtute, de honore certare ausint? Quis enim prudens & intelligens existimabit bene de uirtute eorum, quos uidet illius esse expertes? Loquor enim de uirtute, quæ sudore & laboribus maximis comparatur: quæ nostris rebus scienter & moderatè uti, quæ ab alienis abstinere, quæ inopes ab iniurijs defendere, quæ pro re iusta potentum odia & inimicitias suscipere, quæ patriæ laboranti subuenire, religioni periclitanti opitulari, ac pro ea & calamitates ferre & mortem ipsam oppetere iubet. Addamus & uirtutes cæteras, leniores quidem illas, ut uidentur: sed nihilo tamen minus quàm quæ dictæ sunt, uiro honorato necessarias: tum libidinum intemperantiæ coercendæ, tum iracundiæ cohibendæ, tum luxui ac insolentiæ comprimendæ, tum cupiditatibus importunissimis superandis, alijsque uitiorum monstris debellandis ac cōficiendis. Quibus quidē uitij qui sint mācipati, nō præferocium dominorū imperijs seruire, iussaque eorum dies noctesque exequi coguntur: usque eò quidem, ut uix unquā quicquam laude ac libero homine dignū facere possint, seruitute improbißima uincti & oppressi. Qui uerò regnum eorum excusserunt, ac uirus ex suis uisceribus euellere studēt, ipsaque uirtute duce ad honorem aspirare contendunt, eos uerissimum & iustissimum honorem consequi posse, magnosque homines fore, & eorum

LIB. I. DE MORIBVS.

59

eorum qui nūc sunt hominū & qui futuri sunt iudicijs putabimus. Nam illa quidem capitis denudatio, poplitū inflexio, de uia celsio, nequaquam sunt uerī honoris nomine appellanda: sed sunt potius signa quædam honorum, sæpe quidem ab hominibus uel coactis uel adulatoribus data: neque secus honoris nomine digna, quàm homo pictus hominis nomine dignus habetur. Age nunc, sit ita in aliqua Repub. cuncti populo, nemine quidem excepto, persuasum (ut certè persuasum debet esse omnibus) uerum honorem, ut prius dixi, existimationem esse hominum rectam de alicuius uirtute, in multis & præclaris actionibus uersante. Sit in eadem illa Repub. Ther sites, aut si quis est Ther site ignauior, cui & hoc de honore, quod cuncto populo, persuasum sit. An Ther sites animum adijcere poterit ad honorem & munus imperatorium? Certè si sapit, nō faciet: cū quidem ipse rerum suarū sibi probè cōsciū, sciat quàm ad munus illud sit ineptus: neque ignoret, pessimam de se existimationem esse cunctæ multitudinis. Sed fortè Ther sites existimationem de se hominum tacitam contemnet: contentus erit uulgaribus honorū insignibus, titulis, & redditibus. Quid igitur, o noster Ther sites, si illa iudicia de te hominum foras eminerēt, oculis que & tuis & omnium aliorum cernerentur: quibus iudicijs te ignauissimum, stupidissimum, omnis prudentiæ expertem, omnes iudicarent: an non potius & titulos & insignia honorum, & redditus cōtemneres, potiusque inter priuatos ignobilis & sine inuidia uiuere, quàm in luce hominū, publico honore auctus, in summo odio uersari uelles? Quod si uitam tibi acerbam putares in tantis populorum odijs, cur igitur & nunc non magis eligis ingloriam uitam? cū quidem non minore in odio es apud omnes cōscios ignauitæ tuæ, qui te tacitis cogitationibus condemnent: qui non amore, sed metu, tuo imperio sint subiecti: qui aduersum te capitale odium propter honorē, quem foeditate tua dehonestas, gerant. Nec debes putare, odium hoc obscurum & ieiunum perpetuò fore. illustrabitur aliquando: & quod nunc rebus secundis tuis obscuratur, id si quid aduersi tibi acciderit, tandem se efferet. Etenim ut in nobis multa malè affectorum membrorum uitia latent, corpore firmo & ualido, quæ eadem grauitate ualetudinis crudescunt, & dolores cōcitant: seu quid luxatum sit, seu conuulsum, seu ruptum: sic eorum qui sunt in summis honorum gradibus collocati, tantisper deformitates occultantur & dissimulantur, dum rebus secundis utuntur. Quod si fortuna illis aduersa fuerit & infesta, tum quidem uitia & prauitates eorum proferunt sese, & erumpunt: nec solum hominum sermonibus celebrantur, sed foeditate sua tetros & graues undique odores diffundunt. Ne igitur dubita, o Ther sites, quin & tua dedecora, quibus honorem quo fungeris maculasti, aliquando errumpant. Primum

*Demosthenica
similitudo, O-
lyth. 2.*

uocibus maledictis, que multorum in uulgus spargentur. & quemadmodum Midæ auriculæ à ministro, ex intimis uno, proditæ, & in arundinem (ut est in fabulis) in auras surgentem quasi impressæ sunt: ita tui, qui te nunc metuunt, populi, prodent tandem stultitiâ tuam orbi, tuam ignauitiam apud cunctos decantabunt. Quid te deinceps maneat, tu uideris: noti enim sunt exitus tyrannorum. Sed Thersiten missum faciamus: de ratione mandandi honores pergamus dicere. Video apud nos summos honores, quibus publica salus continetur, moribus ac institutis patrijs, soli nobilitati deferri. Rectè hoc quidem, ut apparet. Soli enim propemodum nobiles apud nos habent fixas possessiones, & opes bene fundatas: neque in artibus sordidis uersantur, nec quæstus faciunt qui in odia hominum incurrant. Habent rationem cum terra, in qua colenda artes suas exercent: ex cuius fructibus faciunt quæstum. Ac Reipublica quidem conducit tales habere præfectos, quibus sit res familiaris bene constituta: ne si homines uel prorsus egentes, uel fluxas possessiones habentes, maximarum rerum curam sustinerent, inopia uel necessitate aliqua, Rem ipsam publicam quæstui, ut sit, habere cogèrentur. Decet & illam nobilitatis rationem in primis haberi, quod ab ijs orti sunt, qui pro Reipublica multa fortiter gesserunt, mortemque pro eadem multi occumbere non dubitarunt. Etenim ita ferè fit, ut & filij similes esse uelint parentum ac maiorum suorum: & Respublica speret se eosdem uirtutis fructus, quos à maioribus accepit, à posteritate quoque percepturam. Verum enim uero omnes nobiles cogitare decet, non tam generi suo honores à Republica decerni, quam generis sui uirtuti: à qua qui degenerent, eos quidem maioribus suis indignos prorsus esse & uideri. Sit igitur & hoc in moribus positum, ut in honore mandando maximus habeatur respectus uirtutis. Non patiat sibi Rex, uel cuius interest ea curare, fumosis tantum maiorum imaginibus imponi: perspiciat ingenium naturamque eius quem honestandum decreuit: audiatur eius uox uel in Senatu, uel in iudicijs: fiat periculum eius consiliorum: cognoscantur eius facta aut militiæ, aut domi. Etenim qui ab omni re eiusmodi imparatus sit & ingenij & doctrinæ, qui laboris honesti sit ignarus & impatiens, qui maximam temporis partem ludendo, conuiuia exercendo, traducere consueuit, haud scio quid tandem præclari in magistratu efficiet. Quod si quis inertiam auxerit nequitia, an non illi magistratus daret occasionem, licentia uti pro legibus, contumelia pro iusta animaduersione? Quomodo uero talis homines retineret in officio? quomodo bonum malumque discerneret, nisi libidine? Hi sunt, qui bonos uiros, fortes & prudentes, habent inuisos: quos uel tacentes, de se male sentire putet: eosque pluris ab hominibus fieri uideant, dignioresque iudicari magistratu quam seipsos. Igitur studia

studia & actiones sunt cognoscendæ eius, cui magistratus est deferendus. Extent merita eius uel in Rempub. uel in religionē: denique habeantur uirtutis & industrię eius singularia documenta. Hoc enim modo non tam stemmata à proauis demissa, quàm uirtutes maxime illis confociatę, honoribus meritis honestabuntur. Sed quoniam multi nobilitatē generis prius inspiciendam putant honoribus deferendis, quàm uirtutem, coarguendus est hic error: atque ita statuendum, ueram nobilitatem non tam in maiorum claritate, aut stemmatū uetustate positā esse, quàm in uirtute. Quis enim non uidet, neminē esse eundem quod maiores suos? & ut possessiones, ita parentes extra nos esse, non in nobis? Sicut ergo opes meę meliores sunt tuis, siquidem ego ditior sum te: ita parentes mei meliores sunt tuis, siquidem mei plus sunt de Rep. meriti quàm tui. At ut diuitiæ me bonum non reddunt, ita nec maiorum nobilitas nobilem. Quemadmodum Vlysses, ille ducum Græciæ clarissimus, in ea contentione, quam cum Aiace, exercitu Græcorum spectante, de armis Achillis habuit, inquit:

Nam genus, & proauos, & quæ non fecimus ipsi

Vix ea nostra uoco. —

Tam igitur sanguis nobilium maiorum tuorum reddit te nobilem, quæ sanguis patrū fabrorum efficit filios fabros, & athletarū athletas, & medicorum medicos. Quod si nec medici ex medicis, nec fabri ex fabris, nec ex athletis athletæ nascuntur: fas sit quæso rebus similibus similia tribuere, nosque sine ullo metu ita concludere, ut dicamus, ex nobilibus quoque nobiles nasci non oportere. Sæpe enim dissimiles sunt filij parentū. Nam & ex bonis mali, & ex malis nonnunquam boni nascuntur: ut non immerito scripserit Satyricus,

Malo pater tibi sit Therfites, dummodo tu sis

Aeacidae similis, Vulcaniaq; arma capeffas,

Quam te Therfite similem producat Achilles.

Et P. Scipio (Romanis enim exemplis utimur libenter) qui ex uirtute primus Africanus appellatus est: & Q. Maximus ille, qui cunctando restituit rem: & M. Cicero, qui ob conseruatam Rempub. pater patrię nominatus est, patribus & maioribus suis maximo ornamento fuere. At horū filij, quàm altæ uirtutis patrū degeneres? quæ multis turpitudinum maculis deformes? Quis nostrum non nouit Cōstantinum illum Iuani filium, ducem clarissimum, in armis & uictorijs illustrissimum? Quo mortuo, successerat Eliās filius in nomen & opes paternas: at non item in uirtutem illam bellicam, qua pater suus toti orbi maximè erat conspicuus. Quis est igitur qui putet, nobilitatē maiorum ad posteros sanguinis cōmunionē deriuari oportere? Nam de stemmatis quod iactant, omnino & illa sunt ueluti testes uirtutis maiorum nostrorū, rerumque ab illis gestarū. Vi-

ctoriae quoque & triumphus domestici nostri, exempla sunt ac incita-
 menta, ad praecleara maiorum facinora nos stimulantia. Ea uero ta-
 lia sunt, ut in rerum quas cum alijs communes habemus paritate,
 nihil per se nobis precij addant. Nisi forte scyphis duobus ligneis,
 hoc est materiae & formae eiusdem in medio positis, accedit uni eo-
 rum plus ponderis ex inscriptione aut imagine aliqua singulari, quae
 alteri scypho adiecta non sit. Quod ut apud idiotas locum habere
 possit, certe apud eos qui res penitus nouerunt, non habebit. Quid
 igitur istis ipsis stemmatis efficitur, quam necessitas nobis imponi-
 tur imitandae nobilitatis maiorum nostrorum: uirtutibus, quibus
 illi insignes titulos, claraeque familiae cognomina fecere, colendis & e-
 xercendis? Nisi enim hoc a nobis factum fuerit, tantum abest ut pa-
 rentum nostrorum similes simus, ut & filij degeneres iudicemur: &
 omnibus ijs, qui domesticis eiusmodi exemplis tamquam calcaribus
 carent, peiores & ignobiliores. Profecto uirtus ipsa talis est, ut ne-
 que propagatione naturae, neque ulla transmissione, ad haereditas per-
 uenire queat. Nam cum parentes de bonis ferè omnibus testamen-
 to cauere possint, uirtutem tamē ipsam posteris aliter prodere non
 possunt, nisi illi actionibus & sudore eam sibi comparauerint. Qui-
 bus enim magis placet ocium & mollicies, qui rebus alienis digni-
 tate uirtutis student, qui se, parentes, & amicos dedecorant flagitijs
 suis: ij quidem sciant, se a nobilitate maiorum degenerasse, nihil eis
 prodesse imagines uetustas, nihil auorum & proauorum praeclearè
 facta. Quemadmodum enim caeco nihil prodest lumē solis, utcun-
 que illum circumfuderit: nihil surdo soni, quantumuis dulces: ita ni-
 hil prodest tibi claritas generis, nominisque antiquitas, nisi uirtute
 sis praeditus, & industria. Sed nostra nobilitas magnam partē per-
 uersis opinionibus infecta est, uidet enim maiorem familiae & ima-
 ginum in Repub. quam rerum aliarum rationem haberi. ideo per-
 multi eorum parū solliciti sunt, ut se moribus, doctrina, rebus praec-
 clare gestis nobilitent: laboris sunt impatientes, iactibus talorum
 & Baccho longas consumunt noctes: nec quicquam magis studet,
 quam ut gemmis, argento & auro niteant, uestitu splendeant, mini-
 strorum cateruis cincti incedant. Itaque quod olim ab Aristotele phi-
 losophorum acutissimo de nobilibus dictum est, id nostra etate ue-
 rissimè usurpari posse uidetur. is enim, cum ueterem nobilitatem in
 uirtute ac copijs rerum positā esse affirmasset, subdidit, nobiles bo-
 nosque uiros nusquam centum reperiri: locupletum autem ubique
 magnum numerum esse. De quibus quidem locupletibus, qui co-
 pijs rerum subnixi ad honores contendunt, quid dicam? cum con-
 stet, Respub. olim (ut in historijs Romanis proditum est) a uiris te-
 nui cum re, praeclearè gestas: ut Valerio Publicola, Menenio Agrip-
 pa, Attilio Regulo, Qu. Aelio, Cn. Scipione, & compluribus alijs
 ciuibus

ciuibus Romanis. Quorum, aliorum filia ob parentum paupertatem ex ærario dotata & elocata sunt: aliorum uxoribus & liberis, cum ipsi rebus externis occupati essent, alimenta à ciuitate præbita: nonnullorum mors sepulturæ honore caruisset, nisi pecunia publica collata fuisset. At, qui illi, & quanti uiri? quantarum rerum gloria clari? Omnino per illos Respub. aucta & cōseruata est: quæ postea opibus Pompeij & Cæsaris collapsa erat, & corruit. Iam de potentia ipsa idem dicendum esse uidetur. Nam ea, seu diuitias seu generis nobilitatē concomitetur, uirtute remota, quid est aliud quam gladius in manu furentis? Vtinam non tam essent multa exempla eius rei, sed omnes Respub. omniacq; etatum omnium tempora, experta sunt mala infinita, ab hominibus potentia sine uirtute præditis. Quid igitur superest, quàm ut industria, uirtute, & præclaris actionibus, qui se alijs præferri cupiant, hoc sibi uindicent? Illi enim maximè bonis moribus nocent, qui in petitione honorum nulla re magis quàm stemmatum antiquitate, ministrorum comitatu, uestium splendore, epularum profusione, & alijs operibus tum generis tum diuitiarum sese uenditant. Prestigiæ sunt istæ & captiones, non causæ honore dignæ. Laudatur Scipio Africanus, qui cum omnibus & corporis & fortunæ bonis esset cumulatus: tamen non offundebat oculis ciuium nebulas istas natalium, opum, potētia: quibus multi student illustres fieri, & magnifici. Nulla re petendis honoribus niti uolebat, præter solam uirtutem. Sed hoc Scipioni factu facile erat, qui uirtutibus maximis ornatus fuerit: alijs nō item, qui uirtuti suæ desperantes, præsidia quærant alia honorum adipiscendorum. Atq; haud scio an honores petere ius fasq; sit. Neq; enim si id Romæ licebat, ubi magistratus erant annui: propterea apud nos licet, ubi sunt perpetui. Cogebantur enim qui Romæ gubernabant Remp. anno exacto & magistratu abire, & rationem gesti magistratus reddere: nam & repetundarum accusabantur, & in exilium agebantur, & modis alijs puniebantur. Itaq; dabatur unicuiq; ciuium potestas magistratus petendi: quod unumquencq; in magistratu cogitare oportuerit, tales alios qui annis uertentibus, alius post alium successuri essent, in eum fore, qualem se ipse in illos gessisset. Apud nos autē, ubi permulti magistratus & sacri & profani non nisi uita hominis finiuntur, uix puto aliquem ambitiosis locum relinquendum esse: hoc est, ijs qui inferant se ipsi ad honores, & quasi intrudant uel petendo, uel aliquos pro se precatores subornando. Videntur enim tales non Reipublicæ, sed sui commodi causa petere, quod absq; nefanda & perniciosa labe ciuitatis existere nequit: præsertim cum qui administrant, metu omni & existimationis hominum, & inquisitionis accusatorum, uacui sint. Facilimè profectò tales ad omnem animi libidinem impelluntur. Miserrima est

Valer. lib. 4.
de paupertate.

est (ut Plato dicit, & Cicero refert) ambitio, honorumque contentio: & recte quidem. non enim nautarum est, ac gubernatorum, eos qui uehendi sunt, petere ut se uehi sinant: sed contra potius, qui navigatione uolunt mare transmittere, non fidem & operam nautarum implorant & exposcunt. Et quamuis Paulus CHRISTI apostolus dicat, bonum opus ab eo appeti qui episcopatum appetat: quod de episcopatu dictum, ad functiones alias transferri potest: uerum non est idem appetere, & sese ingerere. Debet quidem uir bonus, & doctus, & ad res gerendas multis uirtutibus instructus, appetere ut quam maximè pro sit mortalium generi: ut qui sciat, non se sibi natum esse, sed amicis, patriæ, & religioni. Nihil etiam impedit, quo minus idem declaret istis qui tenent Rempublicam, se cupere ipsi Reipublicæ seruire: hancque uoluntatem suam aperiat, si forte magistratum aliquem ei demandare uelint. Non est hoc ambitiosi: sed eius qui uelit recte consultum Reipublicæ. Certè multorum uirtutes ignorantur, qui toti se contulerunt ad otium & solitudinem: multorum uoluntates sunt obscuræ, qui in lucem ac oculos hominum nunquam prodierunt. Qui utcunque boni sunt, ac uirtute & doctrina ornati: tamen quia à negotiis se remouerunt, fit ut hominum indignorum imperia cogantur ferre: hancque iustam persoluant poenam Reipublicæ, quam relinquunt ac deferant. Qui igitur dignus reputabitur honore, is ad Rempublicam accedere debet. Si id recuset, crimine non carebit: nisi forte infirmitatis conscientia id renuit. Nam qui uel pigritia, uel laboris uitandi causa, uel propter priuata studia, ad Rempublicam etiam uocatus, non accedet: is tam erit in uitio, quam patriæ, salutisque communis desertor. Cum enim omnes omnium charitates patria una complectatur, omnia præ illa posthabenda sunt, omnesque labores animo magno & elato pro illa suscipiendi. Idque usque eò, ut si Reipublicæ necessitas urgeat, non sit indignum bono & prudente uiro, ultrò sese ingerere ad eam administrandam, atque ad pericula pro ea appetenda. Cato iunior, amicis hortantibus uti tribunatum peteret: respondit, id se parum decere, tempore Reipublicæ non necessario. Postea cum Metellum hominem turbulentum petentem uideret, ipse quoque candidatus in campum descendit, ut suo tribunatu Metelli insolentiæ obsisteret. Idem ut Crassi & Pompeii designatorum consulum potentiam frangeret, præturam urbanam sibi mandari acriter contendit. Et si autem nihil insolenter, nihil præter mores factum fuisset, si spontè se ambitioni dedisset: tamè cum magnitudine quadam animi despiceret, quos mirantur alij, honores, non aliter se ad petendum adduci passus est, quam Reipublicæ necessitate coactus. Petiit igitur & tribunatum, & præturam: hoc est, petiit sibi occasionem uirtutis exercendæ dari, ad furores turbulentorum compescendos, ad libidinem potentium comprimendam. Et Cato igitur

igitur rectè fecit: & qui simili studio uel petierint, uel uoluntatem suam principi declarauerint, non minus rectè facient. Cæterum eum honestare, qui uel opum augendarum, uel potestatis adipiscendæ, uel splendoris ostentandi gratia magistratum sitiat atq; petat: aut solis petitoribus ad honores aditum aperire, nō est rectum, nec commodum Reipublicæ. Sed quomodo cognoscendum, quo quis animo petat? Ego uerò uideo id, nisi coniecturis, cognosci nō posse: quas & ipsas sæpe falsas existere, non ignoro. Sed tamen cautionis est, ad omnia animum aduertere, quæ nos dirigant ad ueritatem: ambitioni uerò apertæ, ac petitioni improbæ annuere, iniustitiæ. Semper enim nescio quo modo ad famam sordida existimata est eiusmodi petitio. neque uerò id tantum petitori: sed ei etiam, qui honorum potestatem habens, petitoribus eiusmodi subscribat. Non enim petitores isti uacant suspicione corrumpendi pecunia, & eos quorum utantur opera petendo, & eos quorum in manibus res est. Sed Rex, & penes quos honorum est potestas, facile petitorum improbitatem coercebunt, si in uulgus fuerit cognitum, in nullam dignationem eum peruenturum, qui ad honores petitionibus obrepere uelit. Pulcherrimus autem mos fuerit, si Rex, & ij in quorum uoluntate res posita est, sponte sua ad honores euocent homines dignos, qui multa habeant adiumenta rerum gerendarum. Sic enim natura comparatum est, ut qua re, quoue homine opus habeamus, eum libenter ipsi quæramus. Neq; est ferè quisquā, qui querat eos quibus sit ipse necessarius, nisi id facit utilitatis suæ causa. Quod si unusquisq; rebus ad uitam necessarijs acquirendis, non eas emit quæ à uenditore cōmendantur, sed quas ipse iudicauit bonas & sibi commodas esse: certè etiam quorum dominatu Respublica tenetur, honoribus mandandis diligenter uidebunt, cui nam rectè Resp. committi possit. Sic autem & iurè dignitas illa appellabitur, quæ digno uiro, multisq; dotibus rerum gerendarū ornato tribuetur: & homines ipsi legitime uocati uidebuntur, cum quidem ad quem modum hodie, suo uel amicorū rogatu, consequuntur honores, non tam ad illos uocantur, quàm obtruduntur. Quod si uiti- 3
tiosus est magistratus, cum precibus impetratur: an non multo uiti-
tiosior est, cū pecunia cōtenditur? Fieri enim non potest, ut qui per
largitionem adepti sunt honores, non uelint ex eis quæstum facere.
Neq; uerò tantum hoc suo peccato nocet Reip. sed etiam imitatio-
nem perniciosi exēpli alijs hominibus produnt. Nemo enim liben-
ter studet uirtuti, cū diuitias maiore in precio & honore, quàm il-
lam ipsam uirtutem, fieri uidet: nimiaq; illa admiratio diuitiarū, ad
multa scelera homines impellit. Neque sperandum est, ut cuius rei
exordia malè instituta sunt, ex ea aliquid boni unquam proueniat.

Quamuis autem hoc uulgò laudi ducatur, cū unus aliquis ge- 4

rit plures magistratus: tamen multis uidetur hoc ipsum dignum reprehensione. Vnus enim uni muneri uix sufficere potest: diuersis muneribus prorsus non potest. Itaque etiam qui plures magistratus adepti sunt, ij cum officia illorum exequi nō possint, plures pro se substituunt uicarios. Quid igitur impedit, quo minus illis pluribus deferantur singuli magistratus, quos nemo unus sine uicarijs pro dignitate gerere possit? Quod si parum decet, unum plures gerere magistratus: multo minus decebit, ut aliquis ceteris neglectis, supra modum augeatur imperij dignitate. Insolentiores enim redduntur, qui ultra ceteros fortunam sibi sentiunt benigniorem. id quod etas nostra uidit in nouo quodam homine. Ipsi quidē certe qui ambiunt plures honores, non tam id Reipub. quam commodi sui causa facere uidentur. Et quemadmodum qui cibis uarijs, potionibusq; sese onerant, magis debilitant quam confirmant stomachi uires: ita qui honoribus se complent multis & uarijs, uel eis utuntur tanquam crudis, minimēq; concoctis, si officiū suum negligant: uel frangunt uires suas, si muneri & officio nusquam deesse uelint. Rectē mandari honores, qui uirtuti mandentur, ostēsum est: sed quia uirtutes sunt uariae, itaq; uidendum est, quae uirtutes cui honori respondeant. Vt enim in exemplo à cibis sumpto persistamus, non ijdem cibi omni corpori competunt: & qui uni corpori salubres sunt, illi ijdem alteri sunt noxij. deinde, non omni corpori uestes æquales adduntur: sed unicuique pro quantitate. ita acriter uidēdum, quae uirtutes cui muneri aptae esse possint. Plus Thomici & Choienij uirtus ad munera urbana ualebat: Eustachius & Lancicorunius in armis clari erant: Constantinus & Lascius, & consilijs dandis, & armis tractandis foelices erant. Itaque haec monarchis uidenda sunt: eis que honores mandandi, qui per se fungi muneribus, qui ipsi uidere & res tractare possint: non qui tanquam cæci, aut manibus carentes, alienis semper oculis credere, alienis que manibus omnia agere cogantur. Odiosum est profectò hoc genus hominum, qui cum ab omni re ingenij, doctrinae & facultatis imparati sint, tamen cæco quodā mentis impetu honoribus inhiant: quos magnificis titulis, amplis redditibus, ac alijs insignibus metiuntur: putant que se hac ratione eis dignos, quod habeant quosdam, quorum opera utantur ad res gerendas. & addunt similitudinē, se illis uti quemadmodū fabri utuntur malleo & instrumentis alijs, ne manus eorum incommoda ignis sentiant. O similitudinem dissimilimam. Quis enim ignorat, fabrū uti instrumentis suis pro arbitrio: ita quidem, ut nisi agat faber, conquiescant prorsus instrumenta: contra autem, qui ipsi rerum omnium imperiti sunt, an non potius instrumenta sunt eorum à quibus reguntur? Mihi quidem non dissimiliter facere uidentur, atque si pedes uidere in

animum

animum inducerent, munereq; oculorū fungi: sed cū id non possint, oculorum quidem opera uidendo uti uellent: ipsi uerò honore uidendi, & res omnes aspectu cernendi gaudere, ipsumq; oculorum locum occupare. Atqui honestius est uos, o nostri pedes, uestro ambulandi officio contentos, oculis & locum, & suum uidendi opus, & eius operis gloriam relinquere. Etenim si uidere uultis, si audire, si olfacere, si omnium membrorum partes explere, corporis distinctio & harmonia pereat necesse est, totumque corpus nihil aliud quàm pedes erunt: sin membrorum aliorum gloriam tantum uobis tribui, cū ipsi nihil præterquàm ambulare possitis, sanè quæ ridēdos uos membris alijs præbetis. Præclare Cicero: Ad rem, inquit, gerendam qui accedit, caueat ne id modò consideret quàm res illa honesta sit, sed etiam ut habeat efficiendi facultatem. Præclare & Paulus uarietate donorum, quibus membra corporis unius prædita sunt, commēdata, atq; ea ad corpus uel Reipub. uel ecclesiæ accommodata, præcipit, ut quisq; cogitet quantum sibi à Deo datum sit: mensuram sui doni expendat, ut ipsum rectè excolat & exornet: nec muneribus sibi natura negatis inuadendis, confusionem & turbationem in rebus humanis efficere contendat. Qui rationes ueri honoris rectè cōsiderauerit, haud facilè rapietur ad studiū honorum, quibus curas & sollicitudines uarias adiunctas esse nō ignorauerit. Verū multi uident quid expetant: causas ueras, quamobrem id faciant, parum animaduertunt. non abs re fuerit, ut ne id impunè illis fiat, publicè nomina eorum proponi: potestatemq; fieri cuius exponendi, quid in eo, qui sit honestandus, uel qui de honore contendat, desideret. Hunc morem in Rep. Veneta obseruari, Caspar Contarenus testatur, de Ducis electione sic inter cætera inquit: Si quis existimauerit eum ciuem, qui eligēdus sit, minus idoneum, qui tam magnam dignitatem sustineat, aut ob quampiam aliam causam non fore è Rep. eum Ducem esse, consurgit: ac primò modestè præfatus, ingenuè profert, quid de eo ciue sentiat: & quamobrem putet non esse in rem patriæ, eum ducem fieri. Cum is finem fecerit, Senatus renunciātū adhibet: ac statim à seniore ei omnia repetuntur, quæ ei obiecta fuerint, authore tamen suppresso: nam sacramento antea omnes perpetuo se obstrinxerunt silentio. Refellit ille obiecta, ut libuerit. Deinde recedit è curia. Quod si prior, aut alius quispiam, nouis rationibus adhuc arguere, & accusare hominē uelit, potestatem habet. Nouis criminationibus rursus accersitus ille respondet. Sicq; uicissim res tractatur, donec accusatoribus nihil amplius relictum sit. Tum demum in suffragia itur. Hæc Contarenus, in Ducis Venetiārū electione obseruari ait. quæ de alijs quoq; magistratibus, perpetuis præsertim, quæ cum uita hominis terminentur, intelligi possunt. Similem morem ab Alexādro Seuero im-

Casp. Contrā.
de Venetorū
Repub. lib. 2.

Aelius Lam-
prid. in uita
Alexan. Se-
ueri.

peratore Romano obseruatum esse, Aelius Lampridius prodidit his uerbis: Vbi aliquos uoluisset uel rectore prouinciæ dare, uel præpositos facere, uel procuratores, id est rationales ordinare, nomina eorum proponebat: hortans populum, ut si quis quid haberet criminis, probaret manifestis rebus: si non probaret, subiret poenam capitis. Dicebatque graue esse, cum id Christiani & Iudæi facerent in prædicandis sacerdotibus qui ordinandi sunt, non fieri in prouinciæ rectoribus, quibus & fortunæ hominum committerentur, & capita. Ex quibus uerbis historici obseruare licet, ueterem Christianorum morem in electionibus ministrorum Ecclesiæ fuisse, ut qui eligendus esset, eius nominum publicè proponeretur, si quid fortè esset in eo quod eum Ecclesiæ ministerio indignum faceret: illumque morem Alexandrum Seuerum ad electiones magistratum ciuiliū transulisse. Ex his igitur quæ dicta sunt, perspicuum est, maximam esse Reipub. pestem, si inter bonos & malos fiat discrimen nullum: multo etiam maiorem, si mutato rerum ordine boni negligantur, mali in precio habeantur. & quemadmodum Cato inquit, si pisciculi quàm boues pluris aestimentur. Planum est & illud, hoc minorem in Repub. uirtutis ac bonorum rationem haberi, quo maior est admiratio generis ac diuitiarum. Nihil igitur salutarius est Rebuspub. (ut Socrates apud Platonem inquit) quàm potestatis sapientiæque coniunctio: nihilque rectè & ordine ab eo fieri potest, qui cum potestate existens, non omne suum studium, curam, diligentiam, cogitationem in doctrina & sapientia posuerit. Et hæc quidem hæctenus.

CAPUT XIX.

1. De honoribus, in quos parentibus filij uel alij hæredes legitime succedant: uel qui testamento ad aliquem perueniant. 2. Et hic de educatione filiorum uirorum herorum: 3. Et de humanitate subditis præstanda: 4. Et de eo, num liceat domino, ut aliquid adimat subdito suo?



ED præter eos honores, qui uel à Repub. uel à Regibus, uel ab alijs qui sedent ad gubernacula deferuntur, sunt alij quidam, in quos filij succedunt parentibus mortuis: quorum cum illi hæredes sint, imperant ipsi populis qui subiecti erant parentibus. quod quidem imperium perseuerum est: cum non liceat apud nos colono, quantumuis iniuria affecto, queri de domino suo. Sunt autem quidam domini adeò immanes, ut non aliter utantur colonis quàm pecudibus. Ideo & illud in mores inducendū esset, ut statis temporibus seu censores, seu quiuis alij magistratus, inquirerent in eiusmodi dominos omnes: imò & in alios præfectos, quemadmodū se gerant suis hominibus imperando. Certè illis non debet esse impune, si quid crudeliter, auarè, uel contra quàm deceat gesserint.

gesserint. Quod si inter est Reipub. ne quis malè utatur re uel sua, uel aliena: quanto magis, ne abutatur hominibus? quibus certè nemo præesse deberet, nisi se Reipublicæ probaret: nisi se alijs bene paruisse, ac magistratus dicto audientem fuisse, ostenderet. Nemo admittitur ad artem aliquam publicè exercendam, nisi & à magistris primùm eam didicisset, & specimen eius dedisset: quanto minus admittendi sunt ad imperium, qui documenta nulla dederunt, se aliquando bene paruisse. Verissimè enim illud dicitur, Qui bene imperaturus est, bene paruerit aliquando necesse est. Negat Aelius Spartianus, quèquam magnorum uirorum bonum & utilem filium reliquisse Reipublice, quod aut sine liberis interierint, aut tales habuerint, ut melius fuerit humanis rebus sine liberis decedere. Nihil Romulum, nihil Numam Pompilium, quod Reipub. utile esse posset: nihil Camillum, Scipiones, Catones, qui magni fuerunt: nihil Homerum, Demosthenem, Vergiliū, Salustium, Terentium, Plautum. Quid Cæsarem, quid Tulliū, quibus melius fuerat liberos non habere? Quid Augustum, qui ne adoptiuū quidem bonū filium habuit: cum illi eligēdi potestas esset ex omnibus? Verè hæc quidē Spartianus: quemadmodū & Homerus dicit, paucos filios parentum esse similes, plures peiores, paucissimos meliores. Ergo & id cogitent uiri magni, qui populis multis imperant: curēt filios suos rectè educari & institui, ne pestes post se relinquant rebus humanis: assuefaciant eos & agere quæ necesse sit, & tolerare quæ oporteat, & malos fugere, & bonos amare, & seniores honorare: æqualibus humanos, iunioribus placabiles se reddere: magistratui obtemperare: nōq; artibus eos imbuant, quibus tum ad humanitatem informētur, tum ad rectè imperandū sint instructi: atq; etiam illud sæpissimè eis inculcent, inter patrē & bonum principē nihil interesse debere. Referebat aliquando super mensam, fortissimus & illustrissimus heros IOANNES TARNOVIVS, exercituum Polonorū imperator, se, cum in Italiam iter faceret per Bauariam, ad ædes uiri cuiusdam nobilis, ut ibi de uia fessus (nox enim appetebat) quiesceret, diuertere uoluisse. qui quidem nobilis cum uxorem tum haberet parturientem, ac domum mulieribus, quæ illi (ut fit) opem ferebant, refertam, rogauit imperatorem ut in ædes coloni cuiusdam sui diuerteret: se enim ibi ea quæ in penu suo essent, illi suppeditaturum. & imperatore quidem annuente, accedit nobilis ille colonum suum: ac pileo honoris causa deposito, rogat imperatori diuersorium. aderant tum nobiles quidam Poloni, imperatoris familiares, qui ut commoditates diuersorij uiderēt, Bauarum comitabantur. At illi irasci & fremere, remque indignā dicere, ut colonus à domino uel honoraretur, uel rogaretur: qui potius eijsi domo deberet, si quid domino imperanti denegaret.

domum

Et Tarnouius quidem in eum sermonem delapsus erat, cum mentio fieret de eo tributo, quod colonis omni ferè anno tum imperabatur: deq; oneribus, quæ illis magna & uaria imponuntur, atq; etiã laudata Bauari humanitate, subinferebat, Non alio loco habendos esse colonos, cum munus suum pensumq; absoluisent, quàm uicinorum. O uocem prudentissimo imperatore dignam. Fieri nō potest, ut rectè exercitibus imperare sciat, qui hominibus sibi subditis rectè imperare nescit: & qui regēdo hoc hominum genere humili & imbecillo est insolens, hunc deficient animi populis gubernandis superbis & rebellibus. Ferēq; sit, ut animo parum fortiores magnas aggrediantur, qui se superbos & crudeles hominibus infimæ conditionis præbēt. Nostra uerò tempora & bellicas res & urbanas, pari fortitudine & prudentia à Tarnouio administratas uiderunt. uiderūt prælia, oppugnationes, & triumphos: experta sunt artes pacis cum dignitate tuendæ, & conseruandæ. Vt mirum non sit, à tanta uirtute, tantaq; prudentia uocem illam clementiæ, æquitatis, & humanitatis plenam esse profectam. Quod si crudelitate & superbia peccat, qui immoderato imperio in populos suos utatur: quanto magis peccare putandus est, qui eos pellat sedibus suis, ac tanquam prælio uictis insultet inquiring, Hæc mea sunt, ueteres
4 migrate coloni? Multi autem ad faciendam hanc iniuriã accedunt opinione illa, sua esse omnia quæ sint suorum populorū. Sed hic error minimè est ferendus. Quis enim unus homo sufficiat sexcentenis agri iugeribus colendis? Sed initio rerum ita factum est, ueniebat multitudo hominum in arua uacua: atq; ea quæ prius communia erant, occupatione faciebant sua: deligebantq; sibi aliquem unum, ingenio & uiribus præstantem, qui eos cōsilijs gubernaret, lites inter eos componeret, & ab externo hoste defenderet, cui etiã ob eam rem maiorem agri modum assignabant. Quod si fortè aliquis unus tales fundos reperit, qui colapti essent, aut si cui fortè donabantur, tamē multos adiungebat sibi alios, qui cum eo unà cō-
10 *Iosue 12.* lerent: itaq; agros inter eos diuidebat. Ideo & Iosua, qui à morte Moysis populo domi imperabat, cum trans Iordanem reges multos & populos bello superasset, eorumq; terras occupasset, iussus à Deo, ut terram, quam illis hæreditariam dederat, pro rata parte inter tribus uniuersas partiretur: ita quidem id executus est, ut singulis tribubus singulas possessiones assignaret: nihil in eis possessionibus, quæ cuiq; sorte obtigissent, faciendo sibi proprium & suum.
19 *Ezech. ult.* Verum Israelitæ ipsi, ex Dei præcepto, possessionem illi in medio suarum dederunt, quæ illi erat propria. Ezechiel etiam propheta testatur, Deum ita terram populo diuidi iussisse, ut principi quidē agri spacium peramplum, sed non totum attribueretur, nam & sacerdotibus, & singulis tribubus, singulas terræ portiones certis
termi-

terminis circumscribi & definiri mādāt. Qua quidem re significat, non tantum alios omnes, sed & principem, suis portionibus contentos esse debere: suos agros exercere & arare, alienos non inuadere & occupare. Cur enim illi qui agros distributos quisque pro sua parte colunt, non iure optimo dicere possint, agrum cultum, proprium esse & suum? non minus certe quam ille, qui uel consensu omnium electus est dux & dominus, uel alios sibi adiunxit ad ratas terre portiones colendas, dicit, suum proprium esse quod illi obtigit. Neque enim ille uel à multitudine accipere, uel sibi sumere in uniuersos potuit quicquam aliud, quam imperium & principatum. Prædia quidem ea sola domini esse, quæ illi propria tradita essent, uel quæ illi obtigissent, illud argumento est, quod in mercando, uendendo, aut tradendo, dominum tantum à se transferre, non alicuius subditi res proprias auferre queat. Et qui dominatum ab eo acquirit, non res emat populorum, sed & prædia quæ possidebatis qui prius imperabat, & ipsum dominatum: cuius ratione nihil à populis exigere iure possit aliud, quam uel tributa, uel operas debitas. Quid quod ipsi etiā uictores, eadem prorsus æquitate uictis imperitasse leguntur: quos & uita donabāt, & possessionibus omnibus gaudere uolebant. quemadmodum Cyrus ad Assyrios uictos, & in fidē receptos loquitur: Bene, inquiens, facitis uiri, quod mihi parueritis. nihil enim mali deinceps patiemini, nisi quod non idem qui prius, uobis imperabit. easdem, quas prius, ædes inhabitabitis: eandē regionem coletis: earundem uxorū utemini contubernio: uestrisque filiis, sicuti nunc, imperabitis. Si quis uobis iniuriam inferet, nos pro uobis pugnabimus. Humanissimè hæc quidem Cyrus. Quo igitur iure faciunt, qui nec uī, nec armis, sed uel hæreditate, uel donatione, uel exēplo bonis acquisitis abutuntur? qui malis artibus homines multant: possessiones subditorū uel depascunt, uel eripiunt: colonos pellunt, prædiacque illorum occupant? Hoc non fecit Cyrus Persa Assyrijs, quanto minus decet facere Christianum dominum Christianis subditis? Apud Germanos quidem, & Christianos ferè omnes, serui nulli uisuntur. Leges etiam Mahometanæ uetant, quempiam religionis eiusdem, seruorum in numero haberi. Christiani, quorū religionem execrantur, illis seruiunt. Nos uerò, qui ueram in Deū religionē amplexi sumus, nihil pudet, nostræ religionis seruos habere. Non dico, quin aliquis iusta causa in seruitutem damnari possit: quemadmodum Noa Chanaam filium seruituti addidit, ob peccatum. Sed dico de hac seruitute usitata, qua in subditos domini utuntur, nullo illorum delicto: fundos & possessiones eis dum libet eripiendo: eosque etiam, quod in nonnullis fit prouincijs, tanquam bestias uendendo. Et habet quidem ea res, præter alia, illam iniquitatem: uolunt enim domini sibi liberum esse, quando libeat, agros auferre

Xenoph. de
pædia Cyri
lib. 4.

auferre colono: non uolunt autem liberum esse colono, agrum relinquere quando uelit. imò cum de colono retinendo agitur, adeò illum uendicare student, ac proprium facere, & mancipio, & usu ac fructu, ut ne liberis quidem eius faciant potestatem abeundi. Deus conditor orbis, tanta benignitate est, ut uictum ad satietatem omnibus suppeditet, non tantum locupletibus, sed & tenuibus. Verum diuites isti, ut abdomini & libidini suae satisfaciant, omnia sibi usurpare audent: clamant se dominos orbis, omnia hominum sibi subiectorum bona arbitrio suo stare, cadere que: inutitum uerò subditorum, uel inuitorum, facultates dato precio, in suum se usum conuertere posse. eum enim inutilem subditum interpretantur, cuius bona in usus suos meliores conuertere queat. O suauem interpretationem. Quomodo ergo tu ipse, o bone uir, utilis es Reipub. qui tantulum terrae cui tuo eripiendo, ex ore illi cibum rapias: ad egestatem eum redigas: ac fere illi sanguinem emungas? Ex hac uerò tenuium oppressione & afflictione, si nihil putas ad Rempub. incommodi peruenire, uehementer erras. Velim autem, qui eiusmodi agros ereptum eunt, secum considerent poenam quam Achab rex depedit, propterea quod uineam uel emere à Nabotho, subiecto sibi, uel commutare uellet. Quod etsi non iniquum uideri posset (est enim & emptio & commutatio moribus & legibus permessa) uerum quia inuito Nabotho fiebat, ideo & Rex miserè interiit: & uxor, & liberi, & consiliarii eius omnes sunt intercepti. Id quod & in sacra Regum historia est proditum, & à nobis in Philaethe copiose tractatum.

CAPUT XX.

Ne mulieres publicis se muneribus immisceant.



ILLUD etiam efficiendum, ne mulieres ad Remp. admittantur: quas Deus potestati uirorum subiecit, Paulus etià in coetibus docere prohibuit. Quantum enim mulieres incommodare possint rebus humanis, & Eua illa pulcherrima & prudentissima omnium satis declarauit, cuius consilium exitium humano generi attulit: & Pilati Iudaeorum praesidis uxor, quae & ipsa consilio suo salutem orbis uoluit impedire. Et quidem illae erant summo loco, & spectatissimae foeminae: sed tamen foeminae erant, hoc est animalia imbecilla, & quae errori ac transgressioni (ut Paulus testatur) magis sunt obnoxia. Pudeat igitur eos, qui cum se publicis honoribus dignos esse iudicet, nihil unquam agant nisi ex praescripto mulierum. Quasi uerò aliquid intersit, mulieres ne magistratus gerant: an magistratus gerentes, à mulieribus gubernentur: cum idem utrunque consequatur. Certè mulieres ad colum natae sunt: & qui Venerem finxit testitudinem calcantem, rerum domesticarum curam, non Reipublicae, illis committendam esse significauit.

Insti-

Institutis etiam Romanis interdictum est mulieribus, omni publica administratione. De mulieribus satis. De honoribus etiam, & magistratibus, quantum potuimus, diximus.

CAPUT XXI.

De subditorum officio.

QVONIAM autem Reipublicæ interest, non tantum rectores esse in officio, sed & eos qui reguntur: ideo hi quoque diligenter & bona fide exequantur munus suum. Multi sunt quos vitia magistratum offendunt, ut non pro eo ac debent, eos obseruent, eorumque mandatis obtemperent. Verum omnibus generatim & uniuersè ab Apostolis Christi præcipitur, ut potestatibus supereminētibus subditi sint. eas enim à Deo ordinatas esse: & qui eis resistat, eum diuinæ ordinationi resistere. Et obseruantiam quidem præfectis debitā ita ornant, ut & preces publicas pro eis fieri iubeant: & non tantum bonis & humanis dominis, ^{1. Pet. 2.} sed & discolis, hoc est asperis & difficilibus, obtemperare præcipiant: & id quidem non tantum propter iram, sed & propter conscientiam oportere fieri, docent. Quibus elogijs hoc munus ornari magis potuit? Videntur nobis potestatem inquirendi in vitia magistratus adimere, qui iubent obedire etiam discolori præfecto: præcipereque, ut vitia eorum æquis animis toleremus, & ad Dei iudicium reiiciamus, cui placet peccata populi sui castigare principum asperitate. Ac nihil quidem rebus humanis optabilius esset, quam si principes essent uera pietate, prudentia, & uirtute imperandi præditi. Tales enim principes essent illi ipsi philosophi, quibus imperantibus beatas fore Resp. prædixit Plato. Verumtamen ferendi sunt, & uenerandi, qualescunque tandem sint, Dei ipsius causa: qui & hypocritas facit regnare propter peccata populi, & in furore suo dat reges, ut testantur Oseas propheta, & Elius in eo sermone quem ad ^{Osee 13.} lobum traditur habuisse. Si quid iniquius in nos agat, Deo permit ^{Iob. 34.} tendum est. Deus enim ille, qui mundi huius compages quatit cum uult, puniet & regum & præsidum iniquitatem, tempore suo. Subditorum uerò est, iussa eorum capeffere: in omnibus his quibus dignitas Reipub. ac religionis non uioletur, obtemperare: contra omnes & hostes externos, & ciues seditiosos, ei adhærere. Neque enim harmonia hæc, & quasi compositio Reipub. diu cōsisteret, nisi subditi in officio essent, uocique & uoluntati præsidum obsecundarent. Et id quidem de his dictum est, qui in Repub. nullum interueniendi ius habeant. Nam de consiliarijs, & his ordinibus qui ius illud habent, dictum est supra: qui prodere Rempub. uiderentur, si pro officio non resisterent principis uoluntati, aliquid quod non deceat molienti: sicque in commune non prouiderent, ne quid Resp. detrimenti

accipiat. Hæc de personis tam eorū qui præfunt, q̃ qui ditioni illorum sunt subiecti. Nunc de moribus alijs emendandis dicamus.

CAPUT XXII.

De luxu. 1. in uestibus: 2. cibis ac potionibus: 3. re Venerea.



QVONIAM autē, qui ambitioē laborant, pleriq; in nīmū luxū effusi uiuūt, hacq; ratione magnificos se fieri uolūt: intelligendū est, maximā ex ea re labē moribus illatā esse. Et in uestiū quidē mollicie ac uarietate quāta uanitas insit, nulla oratione satis exprimi potest. Cum em̃ illæ necessitatis causa, ut uel frigus atq; æstū arceant, uel tegant partes corporis pudendas, inuentę sint: homines uani & ambitiosi uel pro facultatū, uel pro generis ac honorū ratione, cum ad fauorē hominū conciliandū, tum ad decus & honestatē eas conuertunt, & ex earū splendore se magnos uideri optant, nō quidē sine magna iudicij prauitate. Honorē enim solī uirtuti debitū, ad la-nā transferre, indumētāq; sua magis q̃ seipsos ornare studēt. Neq; id dico, q̃ neglectū & immundiciē in uestitu non improbem: sed ut modus seruetur, luxus & nīmū illud ornatus studium excludatur. Nam & sumptu maximo cōstat, & uanitatem animi arguit: quem admodum ille inquit, *Vestitu nimio indulges, nimium ineptus es.*

Varietas tum formarū tum colorū in uestitu, quid aliud q̃ morum uarietatē prodit, & morū inconstantia? Neq; uerō mōstrositate caret, dū in una domo ac familia alijs uestiunt se Germanicē, alijs Italicē, alijs Turcicē: nō secus q̃ si in diuersissimis partibus mūdi nati essent. Illud etiā magis monstrosū, dū qui manē Italico usus est cucullo, idem uesperī incedit Turcicā indutus uestē, pileum acuminatū, calceos rubros & incuruos cū soleis ferratis. In plumas maximē pecunie impēdunt utilitate nulla, iactura maxima. In his ornatus si quæ-ratur à pueris, ignoscendū est ætati: uiris certē res est indigna. Illud haud scio an oblit bonis moribus q̃ passim utunt torquibus aureis fortes iuxta & ignaui: cū quidē hoc ornamentū fortiū uiro-
Arist. Polit. 7.rum esse uideat. Carthagini quidē, cum illa Resp. stetit, nemini annulorū ornātū ferre licebat, q̃ qui in prælijs aduersus hostē se fortiter gessisset: ac p̃ numero expeditionū, in quib. militasset, annulos gestabat. Hodie talia sunt tēpora, ut nō annulis modò, sed torquibus etiā uulgò homines utant: neq; id p̃bi tantū, sed lenones quoq; scorta, rabule, & fœneratores. Multi parū honorati sibi uident, nisi fulgeāt aurea torque: quam quo quisq; preciosiorē habet, plurāq; uolumina facientē, aut etiā longius dependentē, hoc se honestiorē ferē existimat, clariorē, ac quouis honore digniorē. At id nō fit sine diuitiarū ostētationis nota, ac grādis barbariei significatione. Romani ueteres, contēptu q̃ usu auri fœliciores fuisse traduntur à rerū scriptoribus: aurumq; habentibus imperare maluerunt, quā auri splendore

dore sese uenditare. At postquam diuitiæ honori, uasa cælata, argentum & aurum gloriæ apud illos esse cœperunt: simul etiam uera dignitas in superbiam, libertas in licentiam uersa est. Quod ne apud nos accidat, uirtute potius quàm auro decus quærendum est. Aetas quidem prima decentius hoc genere ornamentorum uteretur, tanquam uirtutis illicijs: uirilem uerò ætatem conscientia benefactorum magis, quàm ullis fortunæ insignibus, conuenit deletari. Si autem sint qui recta conscientia non contenti, his quasi tibicinibus gaudere uelint: operæ precium tamen fuerit, ut hæc sint non diuitiarum, nec generis, multo minus uitiorum, sed uirtutis folius in magnis & arduis rebus perspectæ ornamenta. Quemadmodum enim aurum superat pondere & nobilitate metalla omnia, ita uirtutis insignia splendore suo cuncta alia debēt obscurare. Quod si inania sunt symbola, quæ rebus non respondent suis: uirtute præditum esse oportet, qui symbolum illius gerat. Alioquin spectatorum oculis imponit, malo exemplo nocet Reipublicæ, bonorum uoluntates offendit: qui non possunt non dolere, ornamenta sua communia cum ijs fieri, qui ea nondum actionibus uirtutis meruerunt. Virtutis inquam, illius sudore comparatæ, magnarum rerum administratione illustratæ, ocio infestæ, omni dedecori inimicæ. Cum ea enim quoniam res nullæ de dignitate contendere debent, nefas sit, etiam ornamenta illi propria cum alijs communicare seu naturæ seu fortunæ bonis. Qui autem eiusmodi uirtute ornatī erunt, eos ornatu decenti, alios excitandi causa, uti nihil impedit. Hæc de ornatu. Cibi & potus nimia uoratio indigna est homine: sed in primis ijs, qui personam magistratus tuentur. Corpus uarijs morbis obnoxium reddit: ipsum hominem ad seria negotia ineptum, deinde petulantem & contumeliosum, & tanquam effrænem equum, à uia recta aberrantem. Vini quidem natura est illa, ut homines primum alacriores reddat: deinde plus potum, spei maioris, ac præclarius de se sentientes: post largius sumptum, cōfidentiores, ad quiduis & dicendum & faciendum promptiores, prorsusq; impotes sui. Quemadmodum ille in Comœdia bene potus exclamat: Vicit uinum, quod bibi. Fumi enim ascendentes in caput, miscent & perturbant omnia, hominemq; alieni prorsus iuris faciunt. Tunc arcana, fideiq; tuæ commissa effunduntur. Tunc multa dicuntur, quorum te, cum ad rationem redieris, poeniteat: quæ uel tibi noceant, uel alijs, non rarò etiam amicis, & toti prouinciæ. Tunc amici & inimici, uxoris & sororis discrimen habetur nullum. Tunc lites uigent, uerbera, laceratio, mutilatio, cædes. Quid mirū? amissa enim mente, submersa ratione, submerguntur simul facultates omnes honestè agendi: emergit autem agmen illud cæcarum & indomitaram cupiditatum. Bruta animatia superant nos sobrietate: quæ nihil præ-

ter necessitatem & naturæ præscriptionē bibere didicerint. Quo magis dolendum est, uitiū hoc adeò in Christianis Rebus pub. in- ualuisse, ut nemo illi mederi possit. omnes ferè ebrietati dant ope- ram, & principes, & populares, & sacri & profani homines. Sunt qui pridie quàm conuiuia ineant, medicinis ad aluum exonerandā utantur, ut in locum quasi uacuum plus cibi potionumq; ingerant. Vulgò etiā homines non pudet à mensa excernendi causa secedere, ac mox conuiuia repetere, se' que denuò cibo potu' ue replere. Non dissimiliter Rosomago animanti, quod (ut Matthias Miechouita, doctus medicus & astrologus in Sarmatia Europæa tradit) cadaue- re reperto ingentis magnitudinis, intantum uorat, ut extēdatur & infletur tanquam tympanum: repertisq; arboribus duabus robu- stis, & sibi oppidò quàm uicinis, uī se mediū inter eas infert: ac dum per angustias perrumpere conatur, uiolēter comesa uiolētius per anum egerit: deinde mox ad cadauer recurrit, nec se uorando implere, ac per uices comesa extrudere desinit, donec totum cada- uer absumat. Et facit quidem animal illud præter morem reliquo- rum animantium, quæ ad satietatem duntaxat cibo potuq; utantur, non ad crapulam. Sed ut in multis animantibus natura uirtutes cer- tas exprensit, ut homines ad imitandum excitaret: ita multis uitia sua indidit, quorum turpitudinis conspectu, animātia ratione præ- dita ab imitando deterrentur. Quid autem dissimile ab hoc ani- mante faciunt homines, & qui appetitus excitandi causa, medicinis extrudunt ea quæ nouis cibis potibusq; locum occupabant: & qui nullo pudore secedendo, egerendo, aut etiam uomendo, redeunt mox ad crapulam? Neq; uerò solū ipsi potant, sed alios quoque languentes ad bibendum prouocant, poculis cum eis certāt: ac pro sanitate alicuius bibentes, se ipsos insanos faciunt. Non minus uerè quàm falsè Cyrus apud regem Astyagen narrat, se aliquando co- gnouisse in quodam conuiuio, uenena mixta fuisse poculis, & con- uiuis præbita. ac rationem dicti ab Astyage rogatus: Quod, inquit, uidebam uos omnes qui bibebatis, neq; mentis fuisse neq; corporis compotes: & quæ pueri facere prohibemur, hæc uos faciebatis. om- nes clamabatis simul: quisque de rebus suis magnificè loquebatur, nemine interim alium audiente. & cū saltare uelletis, nemo ue- strū non modò ad numerum saltare, sed ne erigi quidem poterat: eratisq; obliti omnino, & tu quòd rex esses, & alij quòd sibi impe- rares. Hanc causam ueneni poculis mixti adferebat Cyrus puer, cer- tè nequaquam puerilem. Mutantur enim de nimio potu homines, non secus quàm Circeis poculis, in uarias formas: & quemadmodū Virgilius canit, in uultus ac terga ferarum. Sed in his hominum moribus parum hæc proficiunt, quæcunq; dicuntur in hoc uitium. Itaq; præcidamus, quasi in desperatione, hunc locum, uerbis pro- phetæ

phetæ ita exclamantis: Væ qui manè cōsurgitis, ut sectemini ebrietatem: & potatis usq; ad uesperam, ut uino æstuetis. Cithara, tympanum, & tibia in conuiujs uestris. Vfus Veneris homini Christiano extra torū matrimonij sanctū, in uniuersum prohibitus est. Quod si uiarum obsessores, grassatores, ferendi non sunt in Rebus publicis: multo minus pudicitiae hominum attentatores, & oppugnatores. Oppugnant omnes pudicitiam, qui oculis hominū obijciunt foedas picturas, qui aures obscœnis colloquijs replent, qui obtrudunt animis et cogitationibus hominum libros & cantilenas de peruersis amoribus, de furoribus, blanditijs, periurijs, & id genus insanis amatorum artibus. Quot enim inde animis hominum immittuntur & insident titillationes, quot ignes, quot furiae? Hinc & rudis puerorum ætas discit, quod per annos assequi non posset: & alacris, adolescentum quasi calcaribus admotis excitatur: & senum, frigescens membris, segnior irritatur & exardescit. Hæc sunt quæ uiam aperiunt scortatoribus: hæc puellas & matronas reddunt obsequētes amatoribus: hinc stupra & adulteria, hinc abductio uirginum uiduarumq; hinc cōiugia inuitis amicis & parentibus, hinc partus occulti & suppositici: quorum alij strangulantur, alij publicis in locis exponuntur, nonnulli ueris hæredibus connumerantur. Hinc puellæ inelocabiles, hinc infinita domus decorata: quæ cum à uicinia tota sentiuntur, ipsi patrifamiliās uel occultantur, uel omnium postremo patefiunt. Si qua ad hunc modum educata traditur nuptui, quàm malè inter eam & maritum cōuenit: quàm sæpe & rixas exercent, & diuortium machinantur? Si quid inde nascitur, quot probris & conuicijs exponitur? nec mirum. Nemo enim sciens, nisi improbus, malā ducit: & ex mala matre, uix bona proles nasci potest. Et sunt qui prolis suæ iam annis prouectæ, prauos mores detestentur, infectentur, & si dijs placet, in uitam meliorem traducere satagunt. Rectè id quidem: sed nimium serò. Seminibus enim ueneno infectis, fieri non potest, quin culmi, trunci, rami, fruges que ex illis prodeunt, sint noxiæ & mortiferæ. Tot instrumenta ac irritamenta impuditiæ ac libidinis passim obijciuntur iuuentuti, quæ in oculos, aures, & animos eorum illabuntur, eos que occupant, ut instar prodigij sit, aliquem puram mentē, bonum honestumq; propositū, rectos mores retinere posse. Picturæ & statuæ lasciuæ, sermones & cantilenæ obscœnitatis plenæ, cōsuetudines cum foedis & impuris hominibus, ioci, lepôres, facetiæ blandulæ, quam ætatem, quem sexum non contaminant: quem nō ad omnis spurcitiei præcipitium inducunt? Hæc sunt iucundæ illecebræ, hæc fomenta dulciā, hæc suauitates delectabiles: quæ sensus hominū deliniunt, corpora inflammant, cogitationes occupant, mentes fascinant, uoluntatem imperio & ditioni suæ subiugant. Hæc



Arist. Polit. 7.

primis ab annis interdicenda erant pueritiæ & iuuentuti: hæc omni ætati, sexui, & ordini uitanda: hæc ex ciuitatibus & Rebus pub. unâ cum authoribus exterminâda. Quod & Aristoteles in libris de Rep. faciendum censet: & Augustus Cæsar executus est, pulso in exilium Ouidio Sulmonensi, ob amatorium carmē. Quanto magis magistratum Christianū oportet in eos seuerè animaduertere, qui fœdis picturis, carminibus inhonestis, gestibus, incessibus, & saltationibus ad impudiciā & fœditatem compositis, alijsq; irritamentis, omnes ad Venerem instruunt, mores honestos corrumpūt, disciplinamq; ciuitatis quantum in ipsis est euertunt. Etenim his neglectis, ac impunè fieri permisis, frustra querimur de corruptis alijs quorum moribus. Fieri enim non potest (quod Christus testatur) ut uuæ de spinis, aut de tribulis ficus colligantur. In multis ciuitatibus lupanaria sunt publicè constituta: ubi miseræ mulieres se omnibus peruulgarent, ac libidines omnium impunè & petulāter uersarentur. Quod etsi moribus ferè usitatum est, tamen uideat magistratus, num sit è Repub. talem locū esse, ubi pudor prostituatur, ac ludibrio habeatur. Turpe id, & haud scio an idem sit, quod greges furum & turbas homicidarum publicè ferre. Ab eodem, illo præpotenti Deo, & homicidia, & furta, & scortationes prohibitæ sunt. Et tamen sunt, qui nescio lege an moribus, an uerò utroq; statis temporibus census ab eis exigant, quæ corpore faciant meretriciū quæstum: imitātes Vespasianū illum, qui cū ex lotio uestigal caperet, atq; ob id à filio reprehenderetur, pecuniam collectā naribus illius admouit: atq; ita respōdit, — *Lucri bonus est odor ex re Qualiber.* — Nisi quod Vespasianus quæstum faciebat ex re nequaquam à Deo prohibita: à meretricibus uerò non secus exigitur census, quā si à furibus aut homicidis exigeretur. Cœlestia quidem præcepta, omnibus qui libidinem frænare non possint, iubent ut uxorem ducāt, ac intra limites legitimi tori se cohibeant. De gregibus uerò meretricum publicè fouendis, tam nihil est in diuinis literis, quā nihil de furum, homicidarum, aut aliorum scelestorum collegijs.

CAPUT XXIII.

I. Tria pestifera uitia, ambitio, luxus & auaricia, inter se cōparantur. II. De superbia & gloriæ appetitione longissima tractatio additur. 1. Superbiæ definitio. 2. diuisio. 3. effectus. III. Remedia petuntur ab extenuatione rerum tum fluxarū, ut sunt 1. corporis, 2. & fortunæ bonæ: 3. tum futilium, 4. tum cum uitio coniunctarum: 5. tum etiam animi. IIII. Ad finem quæstio excutitur, An & quatenus appetitio gloriæ in homine Christiano sit probanda.



BSOLVIMVS tractatum de luxu ciborum, uestium, ac rei Veneræ. Dicamus de prodigalitate, & uitijs coniunctis. Qui enim homines licenter & libidinose uiuūt, eos multa effundere, & ambitiose largiri oportet. Quo malo

malo laborantes, fieri non potest quin etiam in avariciam delaban-
 tur. Impelluntur enim, cupiditate inflammati, ad res alienas per fas
 & nefas rapiendas: ut ne sibi desit, quod profundant. Quod cum in
 omnibus est detestandum, tum in principibus & magistratibus, qui
 facultatem habent magnam aliena eripiendi. Præclare hoc à uiris
 prudentibus animaduersum est, ambitionem & luxuriam, huicq;
 contrariam avaritiā, causas esse quæ maximas Resp. labefactēt. Am-
 bitione rapiuntur homines ad honores: nec quicquā pensi habent
 quā sit eundum, sed quò. Luxuria est impudicitie & omnium lasci-
 uiarum mater: imò & ipsius avaritiæ. Quæ tandem & audaciam gi-
 gnit, & rapacitatē, & infinita pecuniæ aucupia excogitat. Ex quibus
 magnum scelerum agmen erumpat necesse est. Quo magis uiris
 bonis, qui Rempub. plus quàm sua commoda ament, hæc uitia fu-
 gienda sunt. Non minus superbiam, quæ ambitionem ferè comi- 11
 tatur, uitandam esse, sanctissimus uir Paulus præcipit his uerbis:
 Noli altum sapere, sed time. qui stat, uideat ne cadat. Si quis existi-
 mat se aliquid esse, cum nihil sit, ipse se seducit, ac in errorem conij-
 cit. Qui quidem error quantam suggerat materiam multis uitis, 12
 ostendendum est. Nam quid superbia est aliud, quàm (ut scripsit
 Augustinus) propriæ, eiusdemque peruersæ excellentiæ amor? 1
 Quàm uerò amor iste in hominibus uarius sit, ac propè infinitus,
 haud facile est explicare. Alius enim excellere uult forma, alius ui- 2
 ribus corporis, alius doctrina, alius ingenij acumine. Est qui genus
 suum in primis admiretur, & stēmata ostendet, & seriem amicorum
 longam numeret. Nonnulli excellentiam suam uenditant opibus,
 & copia rerum: ideo & ministrorum alunt cateruas, & lautitias
 mensæ adornant, & abacos instruunt, & supellectilem conquirunt
 uariam, & uestimenta pretiosa, & ædificia magno constantia, & res
 alias, quæ raræ essent uel materia, uel artificio. Sed non solum ex
 his rebus quæ similitudinem quandam habent honesti, præstantia
 quæritur: sed ex alijs quoq; uel futilibus ac inanibus, uel in uitio po-
 sitis. Incedendo, sedēdo, stando, ludendo, caput demittendo, genua
 flectendo, componimus nos ad eum gestum, quo alios & delecte-
 mus, & antecellamus. Veste, calceo, pileo, gladio, cingulo, gemma
 nitente, lapillo insigni, & omni ornatu singulari & procul allato,
 admirandi esse uolumus. Fraudem, imposturam, potationem nimi-
 am, crapulam, prostibula, flagitia Veneris, & omnem intemperan-
 tiam, laudi nobis ducimus. Vim alijs inferre, aliena rapere, homi-
 nem occidere, sacra & profana uiolare, gloriosum putamus. Ha-
 bent enim ista suos admiratores, & laudatores: qui facinora quan-
 uis indigna non secus commemorent, quàm insignes uictorias. Fit
 igitur, ut stultitia humana in illis omnibus affectet eminentiā. Iam
 tanta inest insolentia huic eminēdi cupiditati, ut pleriq; simulēt sibi
 inesse,

- inesse, quod ipsis uel prorsus non insit, uel minus multò insit quàm uelint uideri: non tam scilicet solliciti quales sint, quàm quales appareant. Quæ quidem eminendi affectatio eiusmodi est ex omni genere, ut qui se imperio illius dedit, eum omnibus honorum significationibus inhiare oporteat: auram famæ popularis undiquaque aucupari, ad uulgi opinionem uiuere, actionesq; suas ad ostentationem magis quàm ad ueritatem accommodare, imò & tacitis aliorum cogitationibus seruire: & uerba, nutus, gestusq; eorum, à quibus excipiantur, obseruare. Surrexit, an sedit: fuit nudo, an aperto capite: flexit genua, nec ne: locum quem dedit, dextrum, an sinistrum: toruo, an placido oculo aspexit: uultu sereno, an turbido extitit. Ex his enim tam leuibus ac futilibus, argumenta uel obseruantia, uel contemptus colliguntur: sæpèq; amicitia uel cōfirmantur, uel rumpuntur. Scilicet quales causæ, tales effectus. Qui uitio hoc infecti sunt, illi ferè sunt eiusmodi, ut sibi uideantur optimi, aut certè tales ab alijs uideri uelint. itaq; alios contemnunt, minoris uel æstimaunt, quos sibi impares esse sciant: alijs inuident, quos uel pares uel superiores existiment. eorum quæ pulchra sunt, deformant, honesta maculant, laudanda uituperant: omniacq; in malā partem interpretando, uel notis turpitudinis palam inurunt, uel si minus queāt in sinistram suspensionem adducunt. Si quis studio aduersandi contradicat, factam sibi iniuriam arbitrantur. Hinc iræ, contentiones, iniuriæ: quas impotenter ac summo iure persequi necesse habent,
- III** ne uel parum fortes, uel nimium contempti reputentur. Cùm igitur superbia uitium tot secum malorum adferat monstra, cumq; ex ignoratione nostri potissimum nascatur & crescat, omnis qui illud ex corde suo uelit extirpatū, curet quàm maximè, ut, quod Pythius
- 1** Apollo præcepisse fertur, **NOSCAT SEIPSVM.** Omnes nascimur eodem modo, isdem ex principijs: omnes referimus ortum nostri ad eisdem generis humani primos parentes: omnes gloriamur patre uno cœlesti, quemadmodum & Poeta ethnicus sensit, cū dixit,
- Deniq; cœlesti sumus omnes semine oriundi,
Omnibus ille idem pater est. —*
- Imbecillitas naturæ, educatio, uitæ cursus, progressus ætatū, mors denique ipsa, pares nos facit omnes. Quisque igitur cognoscat originem & naturam suam omnē, quàm fragilis sit, quàm morbis multis, calamitatibus, & morti ipsi subiecta. facultates item ac uires omnes & animi & corporis, quàm in muneribus suis sint tardæ, stupida, uariæ, inter se pugnantes, parumq; diuturnæ. Vires corporis ætatis progressu acciduntur, & sunt communes cum pecudibus: & quantumuis increcant, permultarum beluarum uiribus pares esse
- 2** non possunt. Consideret & ea unusquisq; quæ extrà posita sunt, ut opes, potentiam: quæ & ipsa incerta sunt, caduca, instabilia. Sæpe
- exiguo

exiguo momēto pereunt, quę longis temporū interuallis & laboribus maximis parta erant, & acquisita. Huc adde generis nobilitatē, hoc est stemmata & uirtutes maiorum: quę nisi ab hæredibus excolantur, summo illis sunt dedecori, tanquā ignauis & degeneribus. Videmus etiam quorundam nobilitatē egestate, possessionum uel angustia uel interire, uel locum suum non retinere: quemadmodū caduca omnia morbo & uetustate pereunt, nec dignitatem retinēt pristinam. Quod argumento est, nobilitatem non prorsus generi, sed etiam possessionum amplitudini tribui. Sed utut tribuatur generi, quid tandem illa aliud est, ut præclare inquit Ludouicus Viues, quā nascendi fors & opinio: sæpe quidem latrocinij quęstita, non uirtute? Quod si à uirtute nata sit, stultum tamē est gloriari te parentem habuisse bonum, cum sis ipse malus, ac turpitudine tua dedecores generis pulchritudinem. Sin à bonis prognatus, similē te parentum præbeas, actionibusq; uirtutis te uerē nobilem declares, ipsa uirtus nec tuis nec patrijs actis te superbire sinet: aut alios, qui impares tibi essent, despiciere. Nam ignobilitatem contemnere quid aliud est, quā Deum nascendi authorē tacitē reprehendere, inquit idem ille Viues, uir doctissimus. Eodē pertinent honores & gloria, quę & indignissimis sæpe hominibus contingunt: & nō raro fauore magis, aut etiam temeritate principis, quā certa rationis expensione tribuuntur: & certē sunt in aliorum existimatione de nobis ac arbitrio magis posita, quā in uirtute nostra: quemadmodum Aristoteles dixit, honorē nō in honorato esse, sed in honorante. Itaq; nonnunquam parua rumoris aura ita commutantur, ut qui in honore & gloria erant, inglorij sint & inhonorati. Causa igitur non est, cur res, quas dixi, tanti putemus, ut animos nobis faciant. De pileo, lapillo, gestu, incessu, & id genus nugis qui superbiunt, uanitatem suam produnt: qui uerò de sceleratē factis, illi improbitatem & extremam nequitiam testantur: non contenti scilicet deliquisse, nisi duplici scelere se coinquant. Quid igitur est, in quo excellentia sit appetenda? quid nisi uirtus: quę solidior sit, & possessori gloriam & dignitatem adferat? Sed uirtus in homine imperfecta est, neque ulli homini uniuersa tributa. Quis clementia, quis fortitudine, quis temperantia tanta præditus est, ut non quandoq; de uia deflectat? Deinde quis unus uirtutibus uniuersis ex æquo gaudet? Celebratur Hercules ob fortitudinē singulārē: sed eū à rebus alienis parum abstinuisse, arator ille queritur, cuius boues abstulerat. Clementia C. Cæsaris in cœlum fertur: sed idem caluus mœchus à suo milite prædicatur. Multi humanitatem & iustitiam studiosē colūt: sed ijdē affectionibus suis per omnia modum imponere non possunt. Nonnulli liberalitate & magnificentia clari sunt, in quibus fortem & magnum animum desideres. Sunt qui ex ea

parte iusti uidentur, quatenus iniuriam inferant nemini: sed illi iñdē non propulsant, cum possint, illatam ab alijs: ducti nimirum uel pigritia, uel metu, uel alia causa. Sed ne plura: Nemo post natos homines uisus est, in quo uirtutes omnes ex æquo resplenderent, imò in quo aliqua una perfecta cerneretur: cum quidem nulla perfectè haberi possit, quin aliæ unà cōmistæ sint, & complicitæ. Paulus quidem apostolus, cum de facultatibus, quibus ministros ecclesiæ præditos esse oporteat, dislerit, affirmat, uoluisse Deum hanc uarietatem extare in suo populo, ut alij alijs dotibus præminerent, atq; ista eorum uarietas ad totius corporis harmoniam ac decorum conduceret: id' que exemplo membrorum corporis humani illustrat, quorum singula habent suas functiones. Quid est igitur, o bone, in quo te alicui præferendum, atq; hoc nomine illum contemnendum putes? Etenim si quid præ alijs inesse tibi præ te feras, subterfugere non potes, quin te alij uicissim contēnant ob eas uirtutes quibus te superant, aut quibus præditi sunt, tu uerò cares. fiatq; similiter, ut si pedes contēnerent oculos, ambulandi facultate destitutos; & oculi manus, uidere non ualentes: & deinceps unumquodlibet membrū despectui haberet aliud, quod sit eius muneris expers: unde tandem existeret totius corporis solutio, aut certè infirma ualitudo: quod scilicet firmum & robustum esse nequeat, mēbris dissidentibus. Quid quòd multorum dotes latent: illæ præsertim, quæ in animo posite, unà cū ipso animo ab hominum conspectu remotæ sunt: ut non immeritò Paulus ab inani gloria ad demissionem & modestiam nos reuocās, iubeat, ut quisq; alium existimet se superiorem. Iam si nihil est contemptione dignum, præter delictum: tamen cum nos quoque ipsi exortes non simus omnis culpæ, est causa cur alios commiseremur, non contemnamus: nisi fortè nos quoq; contemni uolumus, ob ea quæ in nobis sunt putida, turpia, detestanda.

Gal. 6. Ipse Paulus legem Christi non aliter ait impleri posse, quàm si inuicem alij aliorum onera portemus. Et Seruator noster, exemplo suū

Matth. 9. uult, ut aliorum infirmitates toleremus, eisq; quoad licet, medicinā faciamus: neque sanis opus esse medico, sed ægrotantibus. Quid multa? Profectò hominis est stulti, & se parum cognoscentis, elatū erga alios gerere animum: quo, tanquā fenestra, aperto, se illis inuicem despiciendū ac irridendum præbeat: cum quidē nulla uirtute alios antecellamus, quin eadem alij nos antecellant. Contrà prudentis esse iudicatur, modestè de se sentire: de alijs uerò illam cogitationem habere, ut etiam si non prorsus uideantur uacare culpa, tamen eos quoque suis dotibus instructos esse, minoribus fortasse illis, sed quæ in Ecclesia ac Republica sint magno usui. Verūm sint tuæ istæ facultates quantumuis excellentes, quid tandem earum habes, quod non accepisti? Si accepisti, cur gloriaris, quasi non

non acceperis: Nihil datum est tibi à Deo ut efferaris animo, alios
 que contemnas, aut paruiducas. imò tibi præcipitur, ne insolenter
 te geras: sed qui stare tibi uideris, uideas ne in profundum malorū
 ruas: utq; humiles te sub potenti manu Dei, qui deponat potentes
 de sedibus, & exaltet humiles. Quid tu, inquiet aliquis, omnes ne *IIII*
 uituperandos putes, qui excellentiam ac principatū appetant qua-
 libet in re? Minimè uerò: sed & res considerandas puto, in quibus
 excellendi appetitio uersetur: & ipsam illam appetitionem consilio
 & recta ratione gubernandam statuo. Neque enim qui iustè for-
 titer, liberaliter factis, intelligentia item rerum, ac uirtutibus alijs
 cæteros anteire studeat, damnandus est: sed qui uel in rebus, quas
 suprà memorauimus, fluxis, leuibus, ac uanitatem præ se ferētibus,
 aut etiam cum uitio coniunctis, laudem expetat: uel cum uirtutes i-
 psas colat, non propter ipsas id faciat, sed propter captanda diuer-
 sa hominum studia, aut etiam duntaxat propter laudem consequen-
 dam. Cum tali quidem appetitione coniungi solet inflatio, ac tu-
 mor animi, & quod suprà diximus, aliorum contemptus, qui ratio-
 nem superbiæ complet: ac sine eo superbia naturam suam uix reti-
 net. quod in definitione ab Augustino tradita omissum est: sed ad-
 iñci debet, ut sit hæc numeris omnibus absoluta definitio. Superbia
 est, peruersa excellēdi qualibet in re cupiditas, cum tumore animi,
 ac studio contemnendi alios coniuncta. Qui uerò rebus ipsis stu-
 debit magis quàm hominū opinioni, in idq; magis incumbet qua-
 lis sit, quàm qualis uideatur: hunc quidem rectam uirtutis uiam in-
 sistentem, nec alienæ, sed suæ actionis præmia ambientem, & prin-
 cipatum & gloriam appetere nihil prohibebit. Hoc enim à Paulo
 illo, quem ego authorem uehemēter sequor, proditum est, cum ita
 scripsit: Opus autem suum probet unusquisq; & tunc in seipso tã-
 tum gloriam habebit, & non in alio. Quid enim gloria est, quàm,
 ut M. Cicero dicit, consentiens laus bonorum, incorrupta uox be-
 ne iudicantium de eccellente uirtute? Non igitur speciem uirtutis
 existeret oportet in ijs qui gloriā appetant: sed uirtutem ipsam. Cui
 primū conscientia nostra testimonium tribuat, nos non res alie-
 nas, nec operum alienorū præmia ambire: sed & onera nostra por-
 tare, & nostris actionibus decus quærere uelle. Deinde si compro-
 batio accedat bonorum uirorum, ac iudicium incorruptum rectè
 sentientium, ut hoc publicæ uocis testimonio & nos constantiores
 simus ad uirtutem colendā, & alijs exemplo nostro excitentur: hæc
 ueluti luce coram hominibus lucente, glorificetur Pater noster ille
 qui in coelis est: minimè est contemnendum. Verumenim uerò
 hominem uera uirtute præditum, eo animo esse oportet, ut etiam si
 nulla gloria subsequatur, imò etiam si ob uirtutem & inuisus sit, &
 malo afficiatur: tamen ne unquam ab ea deficiat, in solacq; rectè facti

consciētia (hominibus uel inuidētibus, uel negligētibus ipsius uirtutē) conquiescat. Quæ profectò laus est apud Deum, iudicē illum æquissimum, & remuneratorem benignissimū, maxima. Quemadmodum ille idem Paulus testatur, inquiens: Gloria nostra hæc est, testimoniū consciētiæ nostrę. Etenim si quis non contentus consciētiæ suæ testimonio, nihil agere uelit, nisi spectetur, & in ore habeatur ab hominibus, uideat ne gloriam hominum quærens, eam quæ à Deo est amittat. Certè enim precium iam suum accepisse putandus erit, uentosæ gloriæ inseruiendo. Neque est quod speret se premium cœlestis illius mercedis accepturū, Christo ipso authore, qui ita dicit: Cum elemosynam præstatis, cum Deum oratis, cum ieiunatis, ne id faciatis corā hominibus, quò spectemini ab illis, alioqui hoc ipsum merces erit uestro operi: præmium quidem apud patrem uestrum qui in cœlis est, non habebitis. Non igitur operemur unico studio hominibus placendi: sed quia, quod facimus, & rectum est, & à Deo præceptum. operacq; nostra referamus non ad inanem iactantiam, quod uanitatis est: nec ad quæstum, quod est cauponantium: sed uel ad hominū commoditatem, uel ad Dei laudem, cui certè acceptum referri oportet omne id quod in nobis boni est. Hoc uerò cōstituto, si laus & testimoniū proborum & prudentum hominū accedat operi nostro, non est contemnendū: modò id fiat ad illum finem, quem Christus ipse ostendit, ut glorificetur pater cœlestis, bonorū omnium author: utq; quasi luce nostra alij accendantur ad bona opera. Quod & Paulus uult, dum iubet, ut prouidē paremus honesta in conspectu omnium hominū. Nam negligere (inquit Orator) quid de se quisq; sentiat, non solum arrogantis est, sed etiam omnino dissoluti. Paulus quoq; uult episcopū bonum habere testimonium, etiam ab ijs qui foris sunt. quod quid aliud est, quàm gloria? Hortatur etiam omnes, ut ea cogitent quæ uirtutis sunt, & quæ laudis. Nobis enim (inquit Augustinus) necessaria est uita nostra: alijs uerò fama nostra. fama uerò quorsum referenda est, quàm ad laudē? Hactenus igitur gloriæ appetitus probandus nobis uidetur, ut uirtute nitatur, eamq; sequatur tanquam umbra corpus. Hunc qui improbet, quid aliud cupit, quàm ut ne tales uideamur, quales simus? deinde ut, qui uident rectè facta nostra, uel nihil iudicent de illis, uel peruersè iudicent? Rerum quidē naturam hoc peruertere esset, non rectè præcipere. Gloria & honor, inquit Paulus, omni operanti bonum. Quæ igitur gloria ab opere bono, atq; adeò à uirtute ipsa proficiscatur, ea nō improbatur: Ergo neq; eius cupiditas improbanda. Quæ aliunde, & ipsa flagitiosa est, & eius appetitio criminosa. Nec enim rei malę desideratio bona esse potest, sed & perniciofa, & uituperatione digna. Hæc de superbia, & gloriæ cupiditate.

CAPUT XXIIII.

1. De uerborum uanitate, in appellando, assentando, & formales epistolas scribendo. 2. De peruersitate in temerè iurando. 3. & in mendacijs colapho repellendis. 4. De orationibus funebribus.



X stultitia etiam seu ambitionis seu superbiæ, existit illa cupiditas blandimentorum in appellationibus & colloquijs, dum homines honorati sine uerbis quasi solennibus cōpellari nolunt: & quemadmodum honore & copia rerum cæteris antecellunt, ita plurali appellatione & uerbis sesquipedalibus in primis gaudēt. Sed quid de uiris honoratis loquor? Vix est aliquis uel parium, uel inferiorum nobis, qui æquis auribus se simpliciter appellari uelit. Vsum pronomini *T V* prorsus amissimus. Ad unum ita oratio accommodanda est, quasi cum multis loquendum sit. Alij mutatione numeri contenti non sunt, nisi & persona mutetur. itaq; cum appellandi sunt, totus sermo fingendus est quasi cum tertia, uel de tertia persona loquamur. Hinc illa turba magnificentiarum, spectabilitatum, illustritatum, & id genus epithetorum. Ridiculus sanè mos, nec nisi ex ignorantia ueri honoris profectus. Alexander Seuerus nō aliter ad se epistolas, quàm ad priuatū, scribi uoluit: adhibito tantum titulo Imperatoris. Salutabatur etiā minime ambitiosè, his quidem uerbis, Aue Alexander. Si quis è salutantibus blandius eum alloquutus esset, quasi adulator ridebatur. Hodie, quia & res, & iudicium de rebus magna ex parte amissimus, ineptulas quasq; uenerabilitates & honorabilitates captamus: indignèq; ferimus, si quis planè & simpliciter nos alloquatur. iucundius nobis est auditu, cum quis alloquitur Celsitudinem, excellentiam, præstantiam, magnificentiam, reuerentiam, maiestatem, sanctitatem, nobilitatem, generositatem, egregietatem, & reuerendissimā dominationē nostram. Deteresa est magna ex parte barbaria seculi huius nostri, & uerborum & sententiarum. Facile & hic mos detergeretur, nisi pleriq; quibus cum agimus, horum epithetōn omissione contumelia se affici existimarent. Sed illi uerba nō rebus ipsis, sed suis opinionibus, quas in fortunæ nimia indulgentia imbiberunt, putāt seruire oportere. Ad blandas & assentatorias appellationes accedit mos ille, sermonē omnem dignationibus refarciendi: nos & nostra seruitia (sic enim loquimur) cuiuslibet commendandi: ac sine ullo discrimine ad unumquemq; operas nostras deferendi. Cum his coniuncti sunt illi gestus, ad simulationem & dissimulationem compositi, gesticulatio, capitis denudatio, honoris ostentatio in eos quos uel contemnas, uel odio habeas: omnia simijs magis apta quàm hominibus, quorum externā speciem minimè decet ab interna animi sententia discrepare. Hi mores ex ineptijs aulicis

magna ex parte profecti sunt, uiris indigni. Nam & significationes omnes ueræ beneuolentiæ tollunt, & discrimen bene ac malè nobis cupientium confundunt, & insulsam quandam uanitatem uitæ hominum inferunt. Tales aulicissimi effecerunt, ut uix aliquis ueritatē, de rebus sibi uel noxijs uel commodis, ab alio amicè dici audiat. in conuicijs quidem ab irato audire potest: quod signum est, alium alij minimè amicum esse. Sed & titulorum illa epitheta, & hæc fictæ feruitiorum commendationes, & omnes assentationes, à turgidis hominibus, & omnem auram popularem captantibus excogitatae sunt. Illud singulari uanitate & peruersitate non uacat, cum uulgus hominū nihil loqui nouit, nisi tertio cuiq; uerbo propemodū addito iureiurando: quod tamen impune sit omnibus. Et qui sine iureiurando nihil loqui didicerunt, ij si mendacij insimulentur, supra modum offenduntur, quamuis mendacij sint rei. Quasi uerò, qui uolens sciensq; mentitur, uel tacentibus ignaris ue hominibus, non mendacij à conscientia sua ipsius conuincatur: cuius morsus uiris bonis grauiores esse debent, quàm ullæ mēdaciorum obiectiones. Sed his offensionibus non efficacius remediū fuerit, quàm si uoluntate & consuetudine te assuefeceris ueritati dicendæ: nullum' que uitium turpius duxeris mendacio. Pugnat enim & contra naturam, res omnes, ut cuiusq; conditio fert, producentem: & contra Deum ipsum, ueritatis patrem, quemadmodum diabolus mendacij est pater. Atq; haud scio an intemperantes, fures, uiolatores hominum, adeò officiant bonis moribus, atq; mendaces: qui & in uita & in sermone uanitatem soleant adhibere: cum quibus nulla nec in rebus cōtrahendis, nec in sermonibus conferendis possit esse communicatio: qui alij sint re ipsa, quàm sese ostentent: qui aliud loquantur, quàm sentiant: qui in id studeant, ut fallant eos cum quibus agunt. Profectò qui ad eum modum affecti sunt, fieri non potest quin leuissimo momento peierent: & qui ut fallant alios, animo suo imperare possunt, ij ut iureiurando confirment quod dixerunt, facile exorari poterunt. Danda igitur unicuiq; opera est, ut in uita ac moribus suis, in sermone ac rebus agendis, nihil ficti insit, nihil uani, nihil fucati, nihil quod ueritatis fines excedat, nihil quod spectatores auditoresq; fallat ac decipiat. Itaq; si mendaciunculis fueris aspersus, hoc si merito tuo accadat, te ipsum accusato: nec in eum qui te mēdacij insimulauerit, sed in te ipsum qui falsum dixeris, culpam conferto. Omnino absurdum est, cuius os & lingua à mēdacio dicendo non abhorret, eius aures à uerbo mendacij audiēdo abhorrere. M. Cicero in oratione pro Coelio, apud iudices populi Romani dixit, se non moueri ijs accusationibus, quæ perspicuè falsæ essent. Et ad C. Antonium imperatorem scripsit, se nō uelle eo uerbo in ullum uti, quod ille in ipsum falsò conferret. Et ad Appium Pul-

Pulchrū imperatorem, eum mēdacijs leuissimorum hominum esse oneratum. Non abhorrebant aures Romanæ à uerbis falsi & mendacij. Volebant uerba conformia esse rebus: cū quibus si illa conuenirent, uera: sin minus, falsa esse dicebant. Hodie uerò, & qui falsum dicunt, & qui aliorum mendacijs scientes ac prudentes aures accommodant, adeò uerbo mendacij offenduntur, ut si mortiferū uulnus acciperent: quod si mox non ulciscantur, de fama & existimatione sua actum putent. Nisi fortè qui rem aliter, quàm narrata est, habere se dicat, honorem auribus præfatus est. Hac enim præfatione animi eorum, quibus res aliter se habere, quàm ipsi dixissent, exponitur, ab ira auertuntur. Interea nugæ comminiscuntur de discrimine non ueritatis & falsitatis obiectæ: & de eo qui prior, qui que posterior id cōuicij dixerit: & de bonitate disputatur, uter melior: utroque rixantium, ore suo impudenter se efferente, Melior sum te, Imò ego te. Ad ferrum deinde prouocatur. Sed mox ira incrudescit: qua uel prætextus ignauitiæ inueniatur, uel militari gloriæ satisfiat. Indignus es, qui manum mecum cōseras. Imò ego dignior te. Tot thrasonismi ab istis proferuntur, cū de imaginibus uetustis, tum de nugis alijs ineptissimis, ut & aures patientissimas esse oporteat, quæ illis audiēdis sese admoueant: & hominē solutissimū, qui confutandis illis ac diluendis animum adhiat. Disputant de stemmatis nobilitatis, qui sæpe à re longissimè absunt. Discrimen statuunt inter falsitatem, & non ueritatem: quasi non res attēdenda sit, sed sonus aerem uerberans. Certè & qui falsum dicit, & qui non uerum, rem aliter, quam se habeat, uerbis exponit. Sed quid hoc ad istos, qui syllabas tantum uocum numerant, res non expendunt? Quod uerò ex conuicio prius iacto præstantiam iactant uel animi, uel nobilitatis ueræ (sic enim loquuntur) dupliciter peccant: dum & de crimine admissio gloriantur, & in quo magis deliquerūt, in eo celebritatem maiorem quærunt. An qui lacepsiuit, clarius nomen sibi fecit, quàm qui lacepsitus est: an qui prior in maleficio deprehēditur, magis nobilitabitur, quàm qui posterius? Sed hæc, ut dixi, nihil ad istos uiros magnificos, qui censuras & ueluti regulas habent alias uel domi suæ natas, uel in peregrinationib. militię ergò susceptis, uel in exercitationibus eiusdē generis quæsitæ, & singulari cum laude inuentas, quas tanti faciunt, ut & philosophi, & iurisperiti, & omnes ratione utentes eis cedere cogantur. Nos ergo omisissis istis, ad propositum redeamus. Nihil profectò humanę uitę accommodatius est, quàm ut ueritati semper studeas, & in sermone, & in moribus, & in omni uita. Si merito tuo seu mendax, seu non uerus audis, in te culpam conferto: sin immerito, purgato te uel testibus, uel alia ratione. nam id quidem rectius fuerit, quàm colaphum infligere, mendacium immerito tuo tibi obijcienti. Quidam insimulatus

mulatus furti, falsò id in se conferri dixit: at qui dicebat contrà, cō-
laphum illi incussit. Res ad arbitros delata, ita inter eos composita
est, ut uterque ab altero erratorum suorum ueniam precarentur: al-
ter, quòd & furti crimen & pugnum impegit: alter, quòd quasi
conuiciu[m] dixerit. Ridiculè hæc quidem omnia. Quasi uerò uel
iste labem furti eluerit, uerbum mendaci[i] iactando: uel ille falsi cri-
men effugerit, alapam incutiendo. Cur uerò non potius res agitur
iure & equitate? cur & à mendaci[i] & à furti crimine, nō potius pur-
gat se quisque uel testibus, uel alijs legitimis rationibus? Non de-
bes existimare te à crimine, cuius insimulatus es, liberum fore, uel si
eum qui te insimulauit occideris. Sunt legitime rationes, quibus ho-
mines de criminibus obiectis purgare se debent. His quādiu usus
non fueris, tamdiu & culpæ criminisq[ue] in te collati reus, & cōuicijs
hominum expositus uideberis. Horum igitur rationes aliæ usur-
pandæ sunt: & mos ille ad singula ferè uerba iurandi, è medio tol-
4 lendus. Mos item eorum, qui funebres orationes habendo, ope-
ram omnem ponant in uirtutibus mortui laudandis, nullam in ui-
tijs uituperandis, haud scio an sit improbandus. Ego quidem ita e-
xistimo (sic enim olim scripsimus ad amicum quendam) in hoc ge-
nere orationum non tantum ea proponenda esse auditoribus, quæ
imitanda sint: sed ea etiam, quæ uitanda. Virtutis enim est hoc to-
tum, uitiosa fugere, præclara autem aliorum facta imitando conse-
ctari. Id' que in primis eorum, qui in locum mortuorum succedant,
interest: ea cognouisse, quæ in illis qui ante se erant, desiderent bo-
ni & docti uiri: quæ damnent, quæ laudent. Profectò enim cum
laudari uideant omnia in illis, nihil uituperari, putant suos etiā mo-
res, sua facta omnia, quantum uis dānanda, laudari oportere. Quam
illorum opinionem quæ tandem mala consequantur, nō est necesse
commemorare. Illud uerò minimè probandum est, ad scriben-
dā huiusmodi orationem, exemplū à panegyricis sumendum esse.
Etenim hi scribuntur uiuis & presentibus, de quorum ingenijs exi-
stimamus bene: ut habeant uel regulam ac normam, uel tanquam
calcaria, extimulantia ad uirtutem. Mortuos autem si tantummo-
do laudes, nec ea attingas quæ uituperanda sint, quid facis aliud,
quàm spem inñcis uiuis, ut res suas, quāuis laude indignas, putent
ob diuitias & facultates in cœlum efferri posse? Hac autem ratione
& diuites ac locupletes segniores redduntur, ad illam uirtuti indu-
striæ ac labori debitam laudem: & hominū animi offensiores fiunt,
dum in rebus permultis uituperabilibus laudem omnia uident oc-
cupasse: & ipsi literati unā cum literis in suspicionem ueniunt leui-
tatis & adulationis: amissaq[ue] semel opinione sententiæ liberè & ue-
rè dicendæ, prodesse non possunt, etiam cum uelint, generi homi-
num doctrina sua. Et hæc de sermone.

Adda-



DDAMVS de singularibus certaminibus, quibus cedes quamlibet ob causam quæratur: quæ & ipsa in Repub. legibus cōstituta, prohibēda sunt: certē ab hominibus ratione parum utentibus, & à Christo prorsus alienis, excogitata uidentur. Quid enim est quod ratio humana dijudicare, citra sanguinis effusionem, nō possit? Omnes ambiguae res uel testibus uel iureiurando discernuntur: ex his & ratio humana, & sacra oracula, iudiciorū exitum pendere uolunt. Causaris tibi factam ab aliquo iniuriam, eamq; sine duello abs te repelli nō posse. Quin opem potius magistratus, cui & iudicia & gladius datus est, imploras? Bella inter nationes, non iisdem legibus uiuentes, tunc suscipiuntur, cum res repetita non redduntur. Tu uerò, qui in eadem Republica cum eo qui iniuriam intulit uiuis, iisdem legibus cum eo subes, leges posthabēdas existimas gladijs? Et sunt homines praeferores, qui parum fortes sibi uidentur, nisi iniurias pertinacissimè insectentur: aut si id nequeant, ad singulare certamen, eum qui læsisset, prouocent: generosi & excelsi animi esse putantes, existimationem suā iniurijs ulciscendis tueri. Sed hæc sunt plena uanitatis, fastus, ambitionis. Omnino uera animi magnitudo, in contemnendis magis quam persequendis iniurijs consistit: ac in placabilitate potius, q̃ in ferocitate. Quod non tantum à Christo, & eius Apostolis est traditum, cum nos iubent benedicere maledicentibus, benefacere malefacientibus, diligere inimicos: sed etiam ab ipsis philosophis, Arist. Ethic. 4. qui uiro magnanimo informando, uolunt eum ut ab iniurijs facien- dis esse remotum, ita à persequendis abhorrentem: & ut pro re magna & iusta pericula capitis adeuntem, ita pro leui & iniusta eadem fugientem. contrā quam uulgò fiat à multis, qui gloriolæ causa pro rebus leuiculis occasiones aucupentur periculorum: ac pro uerbulo nullius momenti, ferro decernere contendunt. Sed hi tandem iusto Dei iudicio uel uulnera ab ijs accipiunt, quibus cum congressi sunt: uel uitam amittunt, quam alijs eripere conabātur: uel omnem existimationem deinceps perdunt, quam ineptis orationibus putabant colligendam. Cum igitur non tantum Christiana religio, quæ profectò sola maximi esse debet apud hominem Christianum, sed & philosophorum dogmata magnanimitatem statuunt in contemnendis iniurijs: quis est, qui stultæ multitudinis opiniones contrarias pluris faciet? An plus tribuamus hominibus sine uirtute, sine iudicio? qui iniurijs alios afficere, imbellibus gladios intentare, homines ob leues causas & res exiguas interficere didicerunt? Horum facta & totam uitam, cum omnium uituperatione dignam esse

censeamus, cur iudicium eorum de fortitudine & uera magnanimitate plurimi facimus? Atqui cauendum nobis est, ne dum maiorum peruersitati plus seruiendum putamus, eorum similes efficiamur: quibus displicere, opinionique eorum, ac potius errori mentis & uerbis & factis contraire, solidam gloriam consecrari fuerit. Velim autem mihi respondeant, qui ultionem, fortitudinis ac magnanimitatis nomine ornare audent, quid de contemptione iniuriarum statuendum putent? Etenim si ferina ista rabies tanti sit, ut ei uirtutis nomen imponatur: quid igitur est lenitas, quid placabilitas, quid animi remissio? Omnino si qui ulciscendo se benefacit, malefaciat oportet qui negligit ulcisci: cuius contrarium ostendimus non tantum ex Christianis institutis, sed etiam ex philosophorum decretis. Iam quod uirtutis non est, qui fortitudinis esse potest? Virtutis porro qui erit, quod a mediocritatis illa regula rectae rationis remotum est? Cum igitur, qui carnificina exercenda iniurias ultum eunt, a mediocritate iure ac legibus praescripta discesserunt: a uirtute etiam, atque adeo fortitudine ipsa alienos esse fatendum est. Et tamen non tantum qui iniuria extimulati sunt, affectui suo indulgendum putant, se ulciscendo: sed alij quoque id ipsum & sentiunt, & loquuntur, ad quos nulla iniuria peruenit: qui hominibus iam incitatis & furentibus, addunt pondus iudicii & authoritatis suae. Accedunt & magni ac pii, si deus placet, theologi, qui eos ipsos ad effundendum proximi sanguinem ruentes, sacra coena communicandos putant. O religionem irreligiosissimam. Nemo utitur hac coena digne, nisi qui cum proximo redijt in gratiam: qui non tantum amicos, sed & inimicos amat: qui eos pascit esurientes, potat sitientes. Tu symbolum hoc Christianae charitatis usurpas tunc, cum appetis sanguinem proximi, cum iugulum eius petis, cum eum proculcatum & perditum optas? Quid igitur, an non putas te pro Christo diabolum, homicidarum omnium parentem, in cor tuum (quod de Iuda in re simili proditum est) sumpturum? Legibus quidem pontificijs singularia certamina interdicta esse constat: nec satis scio, an aliquibus legibus probentur. Et tamen locum illis esse in bellis legitimis, non est dubium: ubi cum ius sit totis exercitibus inter se configere, licebit etiam aliquibus singulariter pugnare. Tunc enim res est hostibus, non ciuibus, nec comilitonibus inter se. Ad hunc modum, ut est in historia Romana, Horatii tres cum tribus Curiatij conflixerunt: & Manlius cum Gallo. In sacra etiam historia de Dauide Hebraeo & Goliath Philistaeo refertur, eos exercitibus inspectantibus ea lege depugnasse, ut ex alterutrius uictoria, toti exercitui uictoria parta fuisset. Neque indignum esset, ut hodie principes, amplas ditiones sitientes, contentiones suas de regnis & prouincijs monomachia finirent: atque hoc modo uictor rerum potiretur,

2. q. 5. ca. Monomachiam.

retur, potius quàm innumeris hominum cædibus, calamitatibusq; infinitis regna quærantur. Extra uero tempus belli, legibus pugnandum est, non armis. Nisi fortè accadat tempus, ut res dirimi nullo modo possit sine armorum præsidio: ut cum testes iurati in iudicio contraria affirmant. Sed nos in præsentia disputamus de ijs, qui spretis legibus, uel solius gloriæ causa, uel dirimendæ controuersiæ gratia, ad arma recurrendum putant, alios que ad singulare certamen prouocant. Qui utcunque iustam se habere causam existimant: tamen quia legibus ualere iussis, hoc est, Dei & naturæ ordinatione contempta, Marti se committunt, experiri coguntur Dei iusticiam, eos punientis. Qui enim Dei ordinationi resistit, damnationem sibi acquirit, auctore Paulo. Neque uerò, qui prouocatur, crimine uacat: si non ad alia remedia, hoc est ad leges communes confugiat, à quibus petat opem, & dñi iudicationem controuersiæ ancipitis. Quod si prouocatus, necessitate cogitur se defendere, excusationem habere potest lege naturæ, uim ui repellere permittente. Iam si de uita & sanguine temerè pugnantes improbandi: non minus certè illi quoq; seu reges, seu principes, seu quiuis alijs magistratus, qui & ius ad eum modum decertandi permittant, & locum huic spectaculo cōcedant: sintq; ipsi cum spectatores tum iudices, aut certè fautores certaminis. Quid enim hoc aliud est, quam à studijs pacis homines ad arma auocare: suum magistratui gladium præripere: legum communium ac iudiciorū maiestatem minuere: religioni Dei immortalis impiè & ambitiosè derogare? Igitur controuersijs & discordijs componendis, inimicitijs tollendis, legibus potius ac iudicijs utèdum est quàm armis. ad hæc enim non nisi inter populos diuersos ueniendum est: cum ea quæ iurè ad nos pertineant, iurè repeti non possunt, ad illa inter homines eiusdem Reipub. semper recurrèdum: nec gladio, magistratus iniussu, unquam utendum. Atq; utinam in mores illud recipiatur, ut homines qui offensiones inter se uolunt tolli, exponant fideliter quisque pro se, quare offenderit proximum.

CAPUT XXVI.

De reconcilianda gratia.

TVDEBANT Petrus cum Paulo, ex iniurijs, quas mutuò sibi fecerant, in gratiam redire: atq; ad hæc rem multorum præstantium uirorum opera uti non dubitabant. Narrat prior Petrus, quàm atrocem acceperit iniuriam à Paulo, ac culpam in eum transfert. cōtrà Paulus, non minoribus se à Petro iniurijs affectum, ac culpam in eo ait esse omnem. uterque sua in alterum peccata dissimulant, aut certè extenuant: uterq; alterum fontem & iniuriæ acceptæ reum peragere conantur. Quid igitur Pe-

tre, & tu Paule? quid agitis? uultis inimicitias inter uos tolli, fontes & causas inimiciarum uerè indicare non uultis? Quod igitur remedium, & quo pacto apponetur morbo huic, quem uterque dissimulatis? Iacobus Hierosolymitarum episcopus iubet, ut confiteamur inuicem peccata nostra, & oremus pro nobis mutuò Dominum, ut sanemur. atq; hæc illa est uerè Christiana confessio delicti, dum non tantum apud Deum agnoscimus peccatum: sed & apud fratrem ingenuè fatemur, qua illum re offenderimus: & ut Deus nobis ignoscat, meritasq; à nobis poenas auferat, alius pro alio precamur. Facilius & Deū & homines placamus hoc modo, quàm simulando aut dissimulando. Ideo Christus ipse iubet nos, ut si munus aliquod Deo uelimus offerre, ac recordati fuerimus fratrem à nobis offensum esse, relicto in præsens munere Deo offerendo, accedamus primùm fratrem, ac eum nobis reconciliemus. Planè igitur Christus docet, non posse nos Deum placare, nisi fratrem primùm placauerimus. Quod si simulatores & dissimulatores peccāt, quid illi, qui falso culpam suam in alium cōijciunt, peccatum peccato accumulantes? quod certè de alterutro dici necesse est, dū contrarijs narrationibus utuntur. Tu uerò Petre, & tu Paule, boni uiri uultis uideri, & tamen contraria affirmare audetis: nec cogitationes arbitrorum, quibus rem permisistis, timetis? Quid igitur ætas uestra uobis boni attulit, quid rerum usus, si tantum animo uestro imperare non possitis, ut ueritate utamini uterq; aduersus utrumq; amicitia reconcilianda? ô ætatem miseram uestram: ô usum rerum multo miseriorem, qui ad malum uos prudentes faciat, ad bonum inertes & ignauos. Frustra uobis boni mores ob oculos ponuntur: frustra bonorum uirorum iudicia recitantur: frustra Iacobina & Christiana præcepta in medium afferuntur. Ira, odium, & cupiditas nocendi, præcipites uos dederunt in hanc amentiam, & mentis cæcitatem: quæ nisi depellantur, grandiora secum scelera pertrahāt necesse est. Sed sunt qui non tam sua quàm Reipub. causa ab aliquo dissentiendo, simul etiam ab eo beneuolentiam abalienent omnem. Etsi autem nihil nobis Repub. charius debeat esse, pro qua & inimicitias & calamitates, & mortem ipsam perferre nemo bonus recusauerit: tamen stomachari, aut odium capere illius, qui suo iudicio eam gubernandam putet, non est rectū, nec utile ipsimet Reipublicæ. Primùm enim qui aliter sentit, fieri potest ut rectius te sentiat. Deinde ut erret: tamen si ex animo dicit quod putat Reipublicæ cōuenire, error illius dignior est uenia quàm odio. Tanta est interdum & rerum uarietas, & temporum: ut mirum non sit, de ijs tot hominū sensus esse, ut est in proverbio, quot capita. Philosophorum cuiuspiam acrius contēdenti, sapientem errare non posse, obiecta auis est alius generis atq; ille peteret, cumq; eam ille comēdisset,

diffet, existimās minimè suppositiciam esse, erroris redargutus est. Sæpe animis hominum auiculæ eiusmodi pro ueris offeruntur. Et te ipsum errare posse, minimè absurdum est: & alterius errore dolere, perhumanum: odisse uerò, aut oppugnare eum qui errare uideatur, præferocis est, & imbecillitatem humanam parum agnoscentis. Tot lapsibus, erroribus, & uitij obnoxia est humana uita, ut nisi in multis conuiueamus, ac errata nobis mutuò condonemus, non diu hæc societas & coniunctio hominum inter ipsos duraret. Iam illud quoque in nonnullis animaduersum est, non tam errorem alienum, quem prætexere solent, quàm æmulationem esse, quæ eos ad dissidendum instiget. Grauis sanè animi commotio, nec cuius homini apta & congruens. Et quemadmodum teredines non in quouis, sed præcipuè in dulci ligno nascuntur: ita æmulatio magis peculiaris est ijs qui altissimis sint animis, et gloriæ percupidis. Quæ quidem æmulatio si ratione dirigetur, erit tanquam calcar ad uirtutem & honestas actiones, quasi exemplis propositis stimulans: sin à recta ratione fuerit auersa, uitiosissima sit oportet, & riuilitati (ut dicit Cicero) persimilis. Quid enim uitiosius, quàm te cruciari alieno bono, quod tibi uel natura, uel pigritia tua negauit? Hunc uerò cruciatum inuidia sequitur: ex qua nascitur odium. fitque tandem, iuxta uetus Hesiodi uerbum, ut figulus figulo indignetur: omniaque in eo quem uel æquare uel superare nequeat, damnet, irrideat, omni artificio calumniatur, & maledicat. Quamobrem uitia hæc & noscenda, & fugienda sunt: nemini inuidendum: dona à Deo immortali alijs concessa, digna ueneratione prosequenda: similitudines cum nostra, tum Reipublicæ causa deponendæ: culpaque omnis benignè alijs ignoscenda: atque etiam gratia reconcilianda præstandū, ut ne id obscurè fiat, ac dissimulanter. Sunt enim quidam ad offendendum alios ualde prompti: ad placandum uel tardi, uel prorsus negligentes. Si qua necessitas cogat eos ad reconciliationem: tamen turpe sibi existimant, si id præ se ferant. Irrepere malunt ad concordiam, quàm palàm ingredi. Itaque & semotis arbitris, & quasi non dedita opera, rem agi uolunt: cumque quod agunt, profiteri nolint, quid aliud quàm illudunt & ei quem offenderunt, & actionibus humanis: quas claras esse conuenit, cum offensiones publicæ fuerunt? Verè illud à Poeta scriptum est,

Qui simulat uerbis, nec corde est uerus amicus.

Itaque tales occultæ reconciliationes ex offensionibus palàm factis, non solent esse diuturnæ: plerumque etiā in turbas & tumultus erumpunt. Esto igitur uirtutis primus gradus, neminè offendere: secundus, animum eius, quem fortè offendisses, reconciliare. Qui priore gradu non substitit, studeat in altero subsistere: idque uultu, gestu, & uoce testari, se & facti poenitere, & cum eo qui sit offensus, in

gratiam redire cupere. Ex hoc enim secundo gradu nemo descēdere queat, quin cadēdum illi sit grauissimè. Nam & ira in eum quem non placaueris, subsequetur, & studium malefaciendi. Ita hoc malum indies magis ac magis ardebit: scintillaq; principio non extincta, pariet magnum incēdium, materia illi suppetente. Ergo homini Christiano curandum, ut sit cum omnibus in gratia: offensiones bona fide deponat: suorum erratorum candidè & suppliciter ueniam petat. Non enim aditus patēre potest ad patrem cōlestem ei, qui se alijs praebeat uel superbum illis reconciliandis, uel inexorabilem culpa eis condonanda. Sed sunt permulti eo ingenio, ut ex re quamlibet leui, facilè capiāt magnas offensiones. Ex uerbulo, quo se perstrictos putent: etiam si id qui dixit, aliter multo uellet acceptū, ex sibilo, ex stertendo, ex dentium contactu, ex unguis arrosione, ex oris apertione, distortionē, corrugatione, ex aspectu attentiore, ex conuiuentia, ex neglectu uel pileo deponendo, uel alloquendo, uel manū porrigendo, deniq; ex omni nutu & gestu, quo suspicentur sui contemptum significari. Sed eiusmodi suspicionibus quisq; suum prodit ingenium, ex quo scilicet mores aliorum existimet. Ita enim ferè sit, ut qualis quisq; sit, tales alios esse suspicetur. Talibus uerò quid precandum magis, quàm ut mens eis sana sit in corpore sano? Omnino animi morbi periculosiores sunt corporis morbis, & saepe illi sunt causae istorum. Sanet igitur quisque mentem suam egrotantem, nec pro rebus umbras ac tanquam somnia metuat: nec more sophistarum, pro causa id quod non est causa ponat. Tales sumus pleriq; omnes, ut in rebus multis cæcutiamus, erremus, labamur. Quòd si aliq; acrioribus oculis lapsus nostros contueri uellent, haud facilè unus reperiretur, qui in amicitia nobiscū perpetuò permaneret. Iam si æquum putamus nobis condonari errata nostra, cur non ipsi etiam conuiuemus in erratis aliorum? Cur offensiones leuissimas, minimè ferendas putemus, qui toties alios offendamus? si tamen offensiones sunt, quas saepe errore quodam mentis fingimus ipsi. Sed ut etiam essent, tamen Christiani hominis est alijs ignoscere: si quidem sibi à patre cōlesti uelit ignosci. Iam quis nō uidet extremo supplicio dignos istos, qui non contenti se alijs culpam remittere nolle, inimicitias etiam per manus filijs, amicis, posteritati suę tradere conantur? cumq; ipsi ueneno infecti sint, totam progeniem eodem inficere conantur? Rationem habent nullam prolis suę: quæ, ipsis magistris, prius malè facere incipiat, quàm discrimen ullum boni ac mali habere: nullam amicorum, quorū opera ad res dissimillimas aduersus alios utantur, quàm sint illę quibus ipsi cum eis coniuncti sint: hoc est amore, beneuolentiā, concordia. nullam deniq; posterorum, quos in eam malorum uoraginem dari uolunt præcipientes, unde nec se nec illos extricare poterunt. Accedit

dit ad hæc mala ingens multorū improbitas ac nequitia, qui uel exci-
tent alantq; aliorum discordias, tum per se, tum per alios leuitatis
suæ administros: uel excitatas sedare, cum possint, minimè uelint.
Qui etsi ipsi quidem cum omnibus libenter sint in gratia: tamen in
uiris bonis nullomodo habendi sunt, si quod in se nō ferunt, id in a-
lijs seu incitando, seu quouis modo fouendo, ferendum putent. Fa-
ciunt id uel commodi alicuius cōsequendi, uel incommodi uitandi
causa: nonnunquā etiam occultæ cuiusdā tyrannidis amentia impul-
si. Itaq; non aliter habendi sunt, quā qui à furtis ac cædibus absti-
nentes, alios ad furta stimulent, ac homicidia. Qui autem uerè uir-
tutis sunt amatores, ipsi que alios in nulla re offendere student, eos
discordijs hominum ac dissensionibus delectari quomodo conue-
nit? An est uirtutis, quod tibi putes esse dedecori, id æquis oculis in
alijs aspicere? & cum ipse sis parcus cibi & potus, ebrietatibus &
uoracitatibus aliorum fauere? Quisque igitur quantum potest
uel oratione, uel re, uel consilio, uel authoritate, uel precibus, uel
imperio, annitatur discordes in concordiam reducere. Quod cum
omnibus faciendum est, tum haud scio cui nam magis quā uiris
honoratis: qui sæpe possent uel solo nutu discordias multorum se-
dare, & concordiam constituere. Sed multi uel desidia, uel quod
nullam inde sperent utilitatem, uel etiam alia nequitia omittunt oc-
casionem benefaciendi: homines sui amantes, & omni honore indi-
gni. Neq; enim uerus honor est nisi ex uirtute, & meritis in genus
mortalium. Mereatur igitur quisq; de genere humano, medeatur
pro sua parte ægrotantibus, odia hominum tollat, in gratiam eos re-
ducatur: neq; committat, ut quasi ædibus proximi ardere incipienti-
bus, ipse ocio langueat: ne si grande incendium fuerit exortum, ad
tuas quoq; ocio torpentis edes ignis perueniat. Quod si tibi ipsi ni-
hil metuas, tamen periclitantibus opem non ferre cum possis, nau-
fragis non opitulari, ex calamitatibus aliorum oculos pascere, ho-
minis non est. Contrā, controuersias componere, amicitias stabili-
re, animos hominum ad amorem & beneuolentiam hortari & in-
stituere, ab odio & maleuolentia abducere, an non humanitati ma-
ximè congruit? Cui quantum debeamus, natura communis om-
nium nos docet, si aduertamus. docet & ille magister ueræ uirtutis
CHRISTVS IESVS, beatos pronuncians eos qui sint pacifici: hoc
est, qui ipsi pacem amantes, inter alios pacem conciliare studeant.
Multa sunt quæ homines ad pacem, concordiam, placabilitatem
cohortentur. Pater cœlestis unus: omnium natura una: societas re-
ligionis: cōmunio legum, commerciorum, Reipublicæ: ac in primis
errores omniū communes, quibus mutuò ignosci perhumanū est.
Omnia ferè hominum delicta uel ex ignorantia nascuntur, uel ex a-
nimi impotentia. Pueri & fatui, & qui illorum similes sunt, igno-
rantia

rantia peccant, ac stulticia. Quos affectiones premunt, eos quasi suis operibus tenent alligatos. Quod plerumque fieri uidemus in hominibus à fortuna euectis: quorum alios potentia reddit impotes sui, alios ira eneruat, quosdam superbia frangit, ac imbecillos facit, denique alios aliæ concitationes transuersos agunt. His morbis infiniti ægrotant & infimi ordinis uiri, & medij, & summi: atque adeo illi quoque, qui populorum domitores uideri uolunt. Quid igitur aduersus tales agendum? Omnino id quod physici præcipiunt: ut contraria contrarijs rebus curemus, nemini impotenter irascendo, nemini inuidendo, odio prosequendo neminem, aduersus omnes se humaniter gerendo, gaudendo cum gaudentibus, flendo cum flentibus: quemadmodum à Paulo dictum est. Hæc si fecerimus, & supra uulgus hominum prudentiores, & affectuum turbinibus magis uacui uidebimur. Quid uero magis decet hac prudentia, hacque sanitate mentis præditos, quam illorum ægrorum & mente captorum misereri? Quod & medici faciunt, conuicia & maledicta patienter ferendo à phreneticis, & mentis inopia laborantibus. Sin uero nos sumus ij qui morbis illis noxiarum cupiditatum uexemur, aut etiam furijs illarum agitemur: quid magis æquum est, quam nos similem nostri misereri? nostri enim ipsorum misereri uidebimur, qui culpam aliorum nostre similem commiserabimur. Hæc si quæ ad placabilitatem, amorem, & concordiam parum excitent, audiat IESVM CHRISTVM, coelestis sapientie magistrum, his uerbis præcipientem: Diligite inimicos uestros, benefacite ijs qui uos oderunt, orate pro ijs qui lædunt & insectantur: ut filij sitis patris uestri, qui & lucem lucere, & pluuiam cadere iubet super omnes, bonos & malos. Nam si eos tantum dilexeritis, qui uos diligunt, quid præclari facietis? Nonne & publicani id faciunt? Hæc enim est uia expeditissima ad ueniam peccatorum nostrorum perueniendi, remittere debitoribus debita sua, si nobis nostra remitti uolumus. Quid igitur ad hæc dicemus Christiani, qui sub uexillis filij Dei militamus? Nihil est quod nos non hortetur ad amorem & placabilitatem: & lex naturæ, & nostra commoditas, & patris illius exemplum, quod primogenitus eius filius Seruator noster ob oculos nobis proponit. Miserum est omnino, nos in Christi schola natos, altos, & institutos, non uelle cognoscere professionem nostram. Quotidie oramus, ut nobis regnum Dei adueniat. Quod autem est regnum illud, nisi iustitiæ, pacis, concordia, & mutua dilectionis? Ipse CHRISTVS magister noster, ex hoc mundo ad patrem proficiscens, symbolum concordia & amoris mutui reliquit nobis, conuiuium & coenam suam: ut quemadmodum communionem corporis & sanguinis sui pares essemus, ita mutuam & parem cum in nos ipsos, tum in ipsum conuiuatore nostrum uoluntatem haberemus.

Etiam

Etiam clara uoce pacē & amorē quasi testamento nobis dedit: Pa-
cem, inquiēs, meam do uobis, pacem meam relinquo uobis. In hoc
cognoscēt omnes, quōd discipuli mei sitis, si charitatem habueritis
inter uos mutuā. Ad placabilitatē item, & clementiā, his uerbis nos
hortatur: Si remiseritis hominibus errata sua, remittet & uobis pa-
ter coelestis: sin minus, nec pater uobis remittet errata uestra. Quo-
igitur authore & magistro inflāmarī magis possumus ad ignoscēti-
am, cōcordiam, amorē mutuum, quā eo, qui nobis quotidie ipse i-
gnoscat, qui nos amat unicē: qui non aliunde discipulos suos magis
estimat, q̄ ex mutuo amore? Quamobrem omnibus qui Christi di-
scipuli uelint esse, enitendum est, ut lites, similtates & odia fugiant:
pacem autem & cōcordiam colant cum omnibus, foueant, & qui-
bus poterint modis augeant. Quod quidem ita quisq; facillē prae-
stabit, si dolorem ipse suum minimē ultus erit. Si fortē te iniuria ab
aliquo lacepsitum putas, uel opera magistratus utere, quem Deus
ministrum dedit & flagitijs uindicandis, & rectē factis honorē af-
ficiendis: uel iniuria condonata, expugna malitiā aduersarij boni-
tate tua. Sed uulgus peruerso iudicio, ulciscētes iniurias magnifa-
cit, eosdem que fortes & magnanimos appellat. Contrā, patien-
tes contemnit, timidos & pusillanimes iudicat. Nobis uerō, qui coe-
lesti religione instituti sumus, pluris faciendum est iudicium iudi-
cis illius aequissimi Dei, qui maledicenti iubet benedicere, malefa-
cienti benefacere: qui patientiam tanti ducit, ut in ea dicat nos pos-
sidere animas nostras. Huius uirtutis exemplū & in seipso CHRIS-
TVS IESVS mirificē exhibuit, & in hominibus multis, quos ean-
dem uiam insistere iussit, qua ipse praeiuit. Quin etiam si philoso-
phos consulamus, multa ab eis audiemus de ira frænanda, de iniu-
rijs clementer & patienter ferendis. Quid enim est iniuriam ulci-
sci, quā improbitatem eius qui prior laesisset, imitari? At malum
imitari, quid est, quā à bono discedere? Non decet te aegrotare,
quia aegrotat aduersarius tuus: nec furere, quia ille furit. Quo-
modo enim morbus tuus sanabit morbum illius? Quomodo
mens à sanitate aliena tua, ad sanitatem illum reducet? Profectō
imperitissimus est medicus, qui non aliter aegrotum sanare uelit,
nisi primū aegrotet ipse.

CAPUT XXVII.

Congeries praeceptorum, & conclusio primi libri de moribus.



IXIS igitur, similtatibus, & odijs minimē est af-
suescendum: quieti autem, paci, cōcordiā modis
omnibus studendū. Omnibus suus honos tribuen-
dus. Neq; est putandum, aliquem alijs contemnē-
dis, ad hominum existimationem dimanare posse.
Omnes enim amant, & plurimi eos faciunt, à qui-

n

bus

bus alios uident magnifieri: contrà, contemptores aliorum uulgo odio habentur. Vnicuique etiam in actionibus suis, ad uitæ genus in quo uersetur, diligenter respiciendum: illud officijs debitis tuendum, & ornandum, nec in munera aliena se ingerendum. Nam & confusio perturbatioque ordinum sequitur, dum homines inferunt se negotijs nihil ad se pertinentibus: & propria munera deserere coguntur, aut certè negligentius ea curant, qui animis ad res alienas sunt distractis: & ipsa Resp. malè se habet, ubi quisque officio non contentus suo, turbat aliena per ambitionem: non secus quàm corpus, cuius membra suis locis relictis, in aliorum membrorum loca commigrarent, eorumque munus inuaderent, laborare necesse esset. Itaque bonis uiris & ambitio fugienda est, & amor nimius sui ex animis eradicandus. Quod hoc facilius quisque assequetur, quo modestius de se senserit ipse: dotesque, quæ sibi obtigissent, sæpius recognouerit: ac etiam cum animo suo reputauerit, plura sibi ad uitæ perfectionem deesse, quàm adesse. Itaque neminem contemnendum esse: sed uiribus & facultatibus nostris, hominibus, quoad eius fieri possit, inseruiendum. Non decet nos, qui fratrum censemur numero, nobis tantum uiuere: sed potius beneficia parentis nostri inter nos communicare, quæ ille uaria uarijs concessit: ut hac disparitate, mutuaque communicatione, necessitudo germanitatis inter nos cõseruaretur. Qui igitur diues est, liberalitate se fratrem esse pauperis ostendat: qui ingenio, qui prudentia præditus est, doctrinam & consilia cum egentibus communicet: qui nobilitate, qui potentia ualet, conuertat authoritatem & uires suas innocentibus & humilibus tuendis. Humanitatem enim non exuisse uidentur, iusque fraternitatis abieciisse, qui diuites, sibi tantum diuites sunt: qui docti, qui prudentes, tantum sibi doctrina & prudentia sua consulunt. Vera enim humanitas ac fraternitas, rebus cum hominibus communicandis continetur: aut casibus istis, quibus omnes subiecti sumus, recolendis ac commiserandis. Omnino indignus est in suo periculo misericordia aliorum, qui calamitosorum non miseretur: indignus est ope aliorum, qui periclitantibus non opitulatur: qui claudit aures precantibus, fores egentibus. Sedulo itaque agendum, ut quantum possimus, alijs commodemus: ut ne homines fastidiamus, ne contemnamus: ut deponamus fastum, ut nihil superbè geramus, nihil insolenter, nihil crudeliter. Horum enim uitiorum expulsione, in rerum ac fortunarum disparitate, paritas animorum retinebitur: quæ maximè necessaria est paci & concordie retinendæ. Qui hanc paritatem cõseruare nolunt, primum non obscure significant, se patrem communè habere minimè uelle cum istis quos pro fratribus habere recusent. Absurdum enim est, cum eo fraterna necessitudine nolle coherere, quo cum patrem eundem recognoscas.

Deinde

Deinde ipsi sibi uates existunt, fore ut qui pares alijs esse nolint, tandem deprimantur. Hoc enim diuino decreto sancitum est, ut qui se extollit, humilietur: & qui se humiliat, exaltetur. Hæc noscenda sunt, altaq; mente reponenda, & tanquam diuina oracula recolenda: ad ea actiones nostræ omnes dirigendæ. Quamobrem nemo contemnendus est: omnes beneuolentia & officijs nostris prosequendi: secundæ & aduersæ res æquo animo ferendæ: consilia honesta, & cum uirtute coniuncta, semper sequenda: successus uerò à Deo præpotenti petendus & expectandus, ad cuius tribunal nos sisti oportet, ei' queratio actionum nostrarum omnium, dictorum & cogitationum reddenda est. Et hæc quidem de moribus, qui cum ad omnes homines, tum ad eos præcipuè qui sunt in magistratu, pertineant, dicta sint: non quin plura dici possint (amplissimus est enim hic dicendi locus, & à philosophis longè maximis uberri-
mè pertractatus) sed nobis propositum fuit de ijs differere, quæ magis ante hominum oculos uersarentur. Quibus inuestigandis, seu quid consequuti sumus, seu minus, spero bonos uiros conatum nostrum non improbaturos: ut qui Reipublicæ consultum uelimus, nec inde commodi nostri rationem ullam ducamus.

Reliqua igitur persequamur.

ANDREAE FRICII MODREVII

COMMENTARIORVM DE REPUBLICA EMENDANDA Liber II. qui est de Legibus.

CAPUT I.

Legem iniustis esse positam.



VANTA bonorum morū uis sit, quam que & publicæ & priuatæ res eis contineantur, ac sine eis nec homines priuati parère, nec magistratus rectè imperare possint, superiore libro satis, ut uidemur exposuimus. Nunc de legibus, quibus iudicia exerceantur, scribendum duximus. Ac illud quidem perspicuum est, si casta educatio, uerecundia, probitas, puri & sancti mores uigerent in aliqua Repub. in ea legibus minimè opus esset: non enim leges scribuntur bonis uiris, qui moderatione & moribus, nō metu parent honestati. Verum ea est hominū peruersitas, ea impudētia & licentia malefaciēdi, ut durissimis legibus opus sit, quibus gliscenti malitiæ contraeatur, exundanti licentiæ quasi obices opponantur, & effudenti sese improbitati fræna iniiciantur. Atq; hoc ita cōstituto, consequitur & illud: Legum plura-

litatem & feueritatem in aliqua Republica magno argumento esse prauę educationis hominum, in foelicis indolis, & malitię quotidie incrementis. Cui cum magistratus contrauenire studet, cogitur leges ferre accuratius, ac poenas subinde magis ac magis exacerbare. Dicamus igitur, quales oporteat leges esse, & quis earum finis.

CAPUT II.

Legum & morum discrimen. Leges maxime quidem ualent propter rationē: sed tamen etiam propter auctoritatem magistratus.



Legum quidem & morum eadem ratio esse uidetur: precipiuntur enim legibus mores boni, contrarij uetantur. Sed legibus adduntur praemia & poenae, ut ijs homines retineantur in officio, qui sponte sua boni & aequi parum sint obseruantes. Sunt igitur mores quasi fontes & principia, e quibus leges manare ac deriuari debent. Omnino autem leges ipsae ratione aliqua nitantur necesse est. Haec enim quasi anima legum iudicatur: hac homines bene morati & a peccando deterrētur, & in officio permanēt, magis quam uel poenis, uel ullis praemijs. Est autē id munus uel precipuum legum, ut non tantum poenas proponant peccanti, sed etiam persuadeant peccare minimē licere. Quod si quarum legum ratio nulla reddi possit (multarum enim rerum rationes abstrusae sunt, nonnullarum etiam ferē nullae) tamē illud efficiendum est, ut ne illae contrariae sint rationi: talesq; sola magistratus auctoritate ualere debent. Sed quantum res ipsae facultatis concedent, curandum est, ut non solum magistratus auctoritas, sed rationis etiam, si non necessariae, saltem probabilis, cōmendatio, leges tueatur atq; ornet. Est enim ratio diuino munere hominibus data, ut sit dux & magistra uitae, actionumq; omniū: quam qui abijciunt, ij homines dici non merentur. id enim abijciunt, quo homo ceteris animantibus praestat. Et quemadmodum radijs solis illustrantur omnia, deformiaq; a formosis discernuntur: ita ratione consilia humana, dicta & actiones omnes, sint ne cum honestate coniunctae, an uerō cum turpitudine, explorantur.

CAPUT III.

1. Legū cautio sit, ut omnia ad honestatē & cōmunem utilitatē consiruātur: ita quidem, ut praemia eadem ijsdem uirtutibus, poena etiam eadem ijsdem sceleribus proponantur. 2. Neq; uerō libertates ullae tanti esse debent, ut eas aliquis ad impunitatem, aut poenae inaequalitatem, suis uitijs obtendat. Vera enim libertas in affectionibus animi peruersis ac uitijs compefcendis consistit: non in licentia uel patrandi quod libeat, uel peccantes leuius puniendi. 3. Si qua diuersitas poenarum pro eodem flagitio retinenda est, ea tamen non ad laxanda frana malitię, sed ad contrahenda, referenda est. Itaque potentes, nobiles, & qui sunt in magistratu, ma-

gis pte.

gis puniantur, quàm imbelles, plebei, priuati: magis item, qui in magistratum peccent, quàm qui in homines priuatos.



IT igitur prima legislatoris cura, ut ne quid à ratione, legibus ferendis, discedendum sibi putet: ut que leges omnes (quod ratio ipsa præcipit) tum ad honestatem referat, tum etiam ad communem utilitatem omnium. Vt enim medicina probatur, quæ uel toti medetur corpori: uel si parti medeatur, ita illam sanat, ut non obsit alteri: ita lex est probanda, quæ uirtutes easdem iisdem præmijs afficiat: morbis item & uitijs iisdem, eandem tum medicinam faciat, tum statuatur poenam. Quis per Deum immortalem libenter medicina utatur, qua ab epate feruorem repellat, uentriculo autem frigus inducat? Nemo opinor. Etenim frigente uentriculo, nulla concoctio ciborum futura est: inde uerò & epas, & reliqua membra laborare necesse fuerit. Quæ igitur ratione lex probabitur, quæ non eodem modo toti cōducatur Reipub. quæ eandem uirtutem non iisdem præmijs ornet: nec idē scelus, eodem modo à diuersis commissum, iisdem poenis uindictet: sed alijs nimis indulgens, fræna laxet ad peccandum: alijs suprema supplicia constituens, potestatem adimat ab iniuria sese defendendi? Loquor enim, exempli causa, de lege, qua in alios sæuissimè, in alios læuissimæ poenæ propter homicidium sunt constitutæ. Sed quod de una lege dictum est, de alijs etiam similibus intelligatur. Factum est in quodam municipio, ut duo homines, alter plebei, alter equestri ordinis, ambo diuites agri, & opibus pollentes, multis plagis & uulneribus affecerint hominem non ita diuitem, sed tamē equestri loco natum. Is ad uulnerarium deductus est. Verum quia uulnera quædam erant lethalia, post unum & alterum mensem extinctus. Qui eum uel officij causa inuisebant, uel ad inspicienda uulnera ab iudice accedebant, quærebant utrius percussorum factum in maius crimen uocaret? Respōdebat, eum qui equestri loco erat, rixæ & pugnæ initium fecisse: sed in percutiendo utrunq; peræquè fuisse acrem: ut prorsus ignotum sibi esset, ab utro uulnera magis noxia acceperit. Tum illi rogando instabant, pro uulneribus quidem utrunq; percussorum esse puniendum: at si mors ex eis uulneribus sequeretur, alterutrum tantum capitis iudicio arcessendum. Duos enim, ob unum homicidium, legibus nostris plecti prohiberi. Ad hæc respondit qui iacebat uulneribus onustus, se uitā prorsus desperare: uerum in conscientia sua, quæ breui Dei iudicium subitura esset, constituere se non posse, in utrum culpa homicidij conferri debeat, cum ab utriusq; uulneribus sibi pereundum sit. Igitur mortuo ex uulneribus eo homine, quæritur illico plebeius percussor: ad iudicem sistitur: accusatur: caput illius ceruicibus ab-

scinditur. Nam lex est, ut plebeius nobilem, qui causam nullā prae-
 buisset se inuadēdi, uel occidens, uel mutilans, uel saeuo uulnere fau-
 cians, capite plectatur. Et haec poena est, quam plebeius percussor
 pro scelere iam pendit. Ille uerò qui est equestris ordinis, uiuit
 adhuc, & in luce hominum uersatur. Aiunt, eum ex possessionibus
 ad iudicem citandum: & ad iuris Polonici formam, aut pro uulne-
 ribus, aut pro capite, poena pecuniaria mulctandum. Nonne per
 Deum immortalem, causa haec eiusmodi est, quae duas Respub. de-
 sideret, huic duplici hominum generi? & tam quidem à se remo-
 tas, ut ex neutra in alteram ullus accessus fiat: neutra alterius ope in-
 digeat: utriusque incolae nec contrahant inter se, nec se noscant: dein
 de nec aquam, nec aerem, nec solem habeant communem? Hoc e-
 nim quod apud nos usurpatur, ut confuse utrique homines in una
 Repub. uiuentes, eadem de causa alij plectantur, alij indulgentissi-
 mè habeantur, an non est monstri simile? Non est sperandus in
 Repub. in qua lex eiusmodi dominatur, finis ille, propter quem ho-
 minum congregationes fiunt, ut ciues omnes tranquille & beatè ui-
 uere possint: in qua ille est dominus uitae & mortis tuae, tu uerò
 mortis metu damna & contumelias omnes ab eo ferre cogeris: in
 qua illi iocus est & ludus te occidisse, tibi uerò in fraude capitali po-
 nitur si illum uel occideris, uel uulneraueris. Sed de hoc à nobis
 & aliàs copiose dictum est, & adhuc idoneo loco differetur. Hoc
 tantum hīc dicamus, illam legum cautionem esse propriam, & pro-
 uisionem, ut à ciuibz conuenienter uirtuti uiuatur: utque uindican-
 dis sceleribus nullus personarum respectus habeatur. Habēt enim
 (ut in priore exemplo insistamus) leges se tanquam medicina, in
 qua adhibenda nemo peritus medicus habet personarum delectū.
 satis illi est, morbi genus, quo aeger afficiatur, cognouisse: interea
 dominus sit, an seruus, nobilis, an plebeius, qui curatione eget, non
 laborat. Ad eundem modum leges se habeant, ut facinora fontium
 eodem modo puniant: utque commodis, quieti & saluti omnium ex
 aequo consulant. Cuius rei efficiendae uix ratio commodior repe-
 riatur, quàm si ad regulam illam, qua, quod nobis fieri uelimus, id a-
 lijs facere iubemur, erūt directae. Haec enim est regula illa, quae qua-
 si de coelo delapsa, naturae impressa est: & à CHRISTO seruatore
 nostro totidem uerbis exposita, ad uitae nostrae & actionum nostra-
 rum emendationē. Nam quod quidam uel benemeritorum suo-
 rum, uel nescio cuius libertatis rationem haberi uolunt legibus fe-
 rendis, utinam rectè intelligant quae loquuntur. Etenim benemeri-
 ta sunt ea intelligenda, quibus uirtus alicuius illustratur beneficijs
 conferendis uel in Rempub. uel in res priuatorum. Talium quidē
 benemeritorum tantum abest ut rationem haberi nolimus à legis-
 latore, ut ea maximis praemijs ornari cupiamus. Caeterum si qui
 merito-

meritorum nomine intelligāt eadē iniuste à se factam, ac se propterea minus puniri debere quia sunt nobiles & clari origine, ij nimium abutuntur optima sententia: eam à uirtute ad uitia, atq; à præclaris facinoribus ad suam carnificinam transferendo. De libertate autē quod dicunt, omnino uera libertas non in licentia agendi quod libeat, nec in nimia legum indulgentia in eos qui capitalia crimina admisissent, consistit: sed cum in cæcis ac temerarijs animi commotionibus coercēdis, inq; imperio rationis, cuius ex præscripto optimè uiuitur, et sanctissimè: tum in certa uiuendi disciplina, iuris equa descriptione, causarū parium sine omni personarum respectu pari conditione: iudicandiq; decernendi, & exequendi æquabilitate. Ecqui domini acerbiores sunt, animi perturbationibus: quæ in hominibus, in quibus inualuerunt, uiresq; firmarunt, & mentem & iudicium frangunt, uincunt, & prosternunt. Nullum mancipium est maius, q̃ quod seruit tam importunis dominis, utcunq; illud abundet opibus ac honoribus. Ecquæ igitur maior libertas cogitari potest, q̃ uacare eorum imperio? Confer mihi cum hac libertate iactatores istos libertatis: qua pleriq; non secus utuntur, q̃ equi sine frænīs ac capistris in sese ruentes, dentibusq; & calcibus inferentes & accipientes inuicē uulnera, ut tandem Reip. nullo usui esse possint. Quid uerò istis equis optabilius esset, quàm frēnis cohiberi, ne uel sibi uel alijs malum darent? Quid item sessori cōmodius, quàm lupatis in os tātæ belluæ iniectis, eam pro suo arbitratu circumagere? Hæc quidem non intelliguntur à brutis: ideo nec optantur. Verum hominibus qui ratione præditi sunt, nihil dulcius, nihil iucundius esse deberet, q̃ frænīs legum suas coercere cupiditates, in gyrumq; rectè gubernantiū suas actiones cōuertere. Vincula hæc fortasse uideri possint: sed talia omnino, quæ nos à temeritate, petulantia, crudelitate, & reliquis uitijs coerceant: asserant autem in prudentiam, modestiam, humanitatem, & uirtutum omnium munera. Nemo Deum existimet libertatis esse expertem, propterea quod peccare non possit: ita nemo se ideo minus liberum putet, si ei legibus ac poenarum seueritate adimatur licentia peccandi. Foedissima enim est illa, & generi humano perniciosissima libertas, cum quis frēna permittat illegitimis cupiditatibus, rebus alienis insidietur, fraudet, abiuret, rapiat, multa licenter & in capita & in fortunas imbecillium hominum agat: atque his & similibus patrat, iactet genus & possessiones suas: quarum obtentu uel indulgentissimè puniatur, uel omnem poenam effugiat:

Iura neget sibi nata, nihil non arroget armis.

Quod si quid in eum ab alijs commissum sit, id quidem seuerissimè uindicandū optet. Quis igitur non uidet, libertatē istam cum summa hominum imbecillium seruitute esse coniunctam? Atqui & ser-

uitus

uirtus & libertas immoderata odiosa est: moderatum uerò utrunq;
 & ad diuturnitatem ualidum est, & ad hominum existimationem
 præclarum. Tradunt rerum scriptores, ut Persarum imperium ni-
 mia seruitute, ita Atheniensium immodica libertate interiisse. A-
 pud nos plebs seruitute supra modum cōstringitur: equites nimis
 magna libertate lasciuiunt. Quid igitur boni sperandum, de hac
 rerum contrariarum extrema quadam usurpatione? Expendat fe-
 cum, quisquis uult, mores istorum, in quorum animis priuilegia &
 libertatis tituli uires sumpserunt. Multi odio quodam hominum,
 alij naturali mentis feritate, nonnulli natura quidem boni & mode-
 rati, sed malorum consuetudine tanquam contagione infecti, com-
 mittunt nefanda multa in homines inferiorum ordinum: eorū uir-
 tuti palam inuidendo, optimè ab illis facta per calumniā summam
 que malitiam deformando. Quid de illis dicam, qui libidinosè
 homicidia perpetrant: ab ea scilicet lege instigati, quæ & iniurias
 & cædes leuissimè puniendo, superiores faciat diuites pauperibus,
 equites plebeijs, hoc est, homines canibus: quemadmodum per-
 multi libertatis istius uindices & sentiunt, & loquuntur. Quot igitur
 equites sunt, tot reges plebeiiorum: imò quot potentiores, tot
 imbecilliorum reges. Nullus enim regum, imò nullus tyrannorum
 maiorem potestatem habere potest, atq; uitæ & necis alicuius: quam
 potestatem legibus nostris implicite datam esse potentioribus, alio
 loco copiosius ostendimus. Nihil igitur perniciosius est Reipub.
 quàm legum poenarumq; diuersitas, pro peccantium diuersitate.
 Vna enim atq; eadem uoce lex omnibus loqui debet: uno atq; eo-
 dem imperio omnibus præesse, tum iubendo, tum uetando: una &
 eadem ratione de commoditatibus, deq; molestijs ac iniurijs om-
 nium sancire ac consulere. Huiusmodi legibus qui seruiunt, uerè li-
 beri putandi sunt: quemadmodum ille, ut diu liber esse posset, legū
 seruum se esse optabat. Illa uerò libertas, quæ cum libidine agendi
 omnia quæ uelis coniuncta sit, uix in ulla barbaria locum habet: tan-
 tum abest, ut digna sit Repub. optimè constituta. Pleræque leges
 ita sunt compositæ, ut utilitatibus potentum seruiant, imbelles ser-
 uitude premant: hos comprehendant & irretiant, ab illis tanquam
 telæ araneorum perrumpantur. Vt enim omittam legem homici-
 diariam, quorsum prorogationes illæ, nulla legitima causa, dierum
 ad iudicem iam dictorum? Quorsum illa de non comprehendendis
 hominibus, quantumuis facinorosis, quia possessores sint fun-
 dorum multorum? Quasi uerò cum talibus agatur de possessioni-
 bus bonorum, non de facinoribus quæ commisissent. Hæc & simi-
 lia, quæ alijs locis à nobis dicuntur, an legum nomine digna sint, iu-
 3 dicent sapientes. Quod si iisdem legibus Respub. gubernāda est,
 iisdem etiā poenis delinquentes puniendi, Nihil enim minus legibus con-

conuenit, quàm illud discrimen poenarum, ob idem crimen ab alijs & alijs perpetratur: cum quidem, si res ad uiuum refecetur, grauius puniendi essent, qui in altiore dignitatis gradu constituti peccent, quàm qui in inferiore. Plato iubet ciuem suum seuerius ob furtum mulctari, quàm seruum, aut peregrinum: propterea quod ille in optima Rep. institutus, tantum scelus admiserit: isti fortasse parum bene ad uirtutem eruditi, procliuiiores sint ad peccandum. Quanto magis qui ita nati, educati, animo & corpore facti uideri uolunt, ut alijs re omni præstent, magis puniendi sunt peccantes, quàm qui inopia laborant rerum omnium & animi & corporis & fortunæ? Quod contra fit ab istis nostris, qui ideo minus in se animaduertendum putent ob scelus quodlibet, quia sint nobiles. Quasi uerò sua nobilitas concreta esset ex peccandi licentia, importunitate, & impunitate scelerum. Atqui hoc non ueram nobilitatem fuerit ostentare, sed labem quandam, maculam & pestem ciuitatis: ad quam à nostris finibus propellendam, omnibus uerè nobilibus, quantum in unoquoque uirum sit & facultatum, opera danda esset. Igitur si qua poenarum diuersitas statuenda sit, grauius puniatur qui altiore dignitatis gradum tenent, quàm qui inferiorem: seuerius diuites, quàm pauperes: nobiles, quàm plebei: qui in magistratu sunt, quàm priuati. Illi enim maioribus & animi & fortunæ dotibus præditi, plures causas habent à peccando retrahentes: itaque crimen eorum grauius est. Quod etsi satis est ad poenam acriorem constituendam: tamen illa quoque accedit causa, quod quo quisque maior est qui peccat, hoc & crimen eius conspectius est, & plures imitatores habere solet. Hominum humilium quia uita obscura est, crimina etiam obscuriora sunt, nec adeo proposita alijs ad imitandum. Sic igitur hunc locum concludi posse existimem, ut omnibus in eadem Rep. manentibus, eorundem criminum reis, eadem poenae constituentur. Si qua diuersitas ob crimen idem statuenda est, ea certè non ad potentium licentiam amplificandam, sed ad iniurias à tenuibus propulsandas referenda est. Cum enim officium legum sit, iniurijs obuiam ire: non aliter certè id consequentur, quàm si pauperum uiolatores acrius puniantur, quàm diuitum. Neque enim potentes sunt adeo opportuni iniurijs, atque humiles: itaque etiam quæ his inferuntur, seuerius uindicandæ sunt, quàm quæ illis. Illa uerò diuersitas, cum plebeiorum interfectores decem marcis numorum, nobilium uel centum marcis uel morte mulctantur, à tyrannide excogitata est, non à prudente legislatore. itaque ex optima Repub. efficienda est, & ex omni memoria hominum exterminanda. Video & illam dissimilitudinem multis probari, cum in alios, quorum licentia non facile coerceretur, seuiiores poenae constituantur: in alios mitiores, qui leui momento in officio possint contineri. Equidem tales diuersitates tam moribus quàm legibus

populorum comprobantur. Res etiam ipsa testatur, homines à fortuna euectos, & in aliquo dignitatis gradu locatos, magis moueri, si quid de sua existimatione detractum iri existimēt, quàm infimos & sordidos: qui nisi mortem, uel carcerem, uel aliud graue malum impēdere sibi scirent, in omne genus sceleris ruerent. Cæterum illam uarietatem, quam summa licentia consequuta est, qua multi feruntur ad peccandum præcipites, qualem nimirum in lege homicidiaria comprehendere constat, quis sanus non improbet? Quis sanus item non probet, si quod fortuna hominibus detraxit, id leges faciant, uiolatumque pauperem grauius puniant quàm diuitem, magistratum delinquentem quàm priuatum, nobilem flagitiosum quàm plebeium? Placet & illud, ut qui in magistratū peccet, maiore supplicio afficiatur, quàm qui in priuatum.

CAPUT IIII.

Cautiones alia legum.



IS causis diuersitatis poenarum exceptis, nescio an sit alia admittenda. Debent autem leges quæque in officio continere: facultatem nocendi præcidere: audaciam improborum coercere: innocentiam cuiusque tutam omni ex parte reddere: quieti & dignitati bonorum uiro- rum maximè cōsulere: lites, discordias, & controuersias, quoad eius fieri possit, tollere: statum Reip. tranquillum stabilire ac tueri.

CAPUT V.

Varietas & distinctio legum.



EQVITVR, ut deinceps de legum uarietate differamus. Neque est quod aliquis expectet à me, tamquam legislatore, legum exactam descriptionem. non est hoc facultatis meæ: & indiget temporis ac diligentiae maioris. Satis mihi functus uidebor officio, si quasi indices legum quarundam proposuero, aut etiam leges nonnullas attigero. Optandum autem esset, ut qui ingenio, doctrina, & experientia ualent, ad rem tantam animum adhiberent: qua quidem optimus Reipublicæ status maximè continetur. Leges igitur aliæ ex natura ortæ sunt: aliæ moribus ac populorum institutis comprobatae: quædam etiam diuinæ. De diuinis nunc loqui omittamus. Quæ ex natura ortæ sunt, eæ à philosophis diligenter sunt explicatae, qui de uirtutibus & officijs scripserunt. Ad has uerò utrasque leges & naturæ & diuinæ, instituta populorum si probanda sint, accedere oportet. Quo enim longius ab eis discrepabunt, tanquam à suis fontibus, hoc minus nomine legum digna putabuntur.

Pri-

CAPUT VI.

Leges de magistratibus.

Rimū igitur leges fanciantur de magistratibus i mandandis, quibus, & quarum rerum ergo mandandi sunt. Virtutis & doctrinæ rationem in primis haberi oportet: & ad quas quisque res aptus est. Qui peritiā habent rei militaris, Palatinorū munere honestentur: sunt enim illi, moribus nostris, duces in bello, sui quisque municipij. Qui iuris dicendi facultate præditi sunt, sint iudices. In municipiorum & arcium præfectos eligantur, qui paci domesticæ, iustitiæque inter homines conseruandæ, operam nauare possint. Qui ualent sententia dicenda, in Senatum cooptentur. Omnino mores eius qui deligendus sit, inspicere oportet: an priuatus sciebat parere, an iudicatum faciebat, an obseruabat magistratum. Qui his uirtutibus destituitur, non est spes ut bene imperare possit. Qui enim bene imperaturus est, is bene aliquando paruerit necesse est. Qui uel per se uel per alios petunt, à magistratu excludantur: non enim Reipub. sed sua causa ambire uidentur. Optime Hadrianus imperator, petenti uiro prætorio ut sibi de iure liceret respondere, rescripsit, Hoc non peti, sed concedi solere: significans, multa esse quæ honestè concedantur, non tamen honestè petantur. Nam illud de uno dictū, de alijs intelligendū est. Quod si improbè ambientibus, magistratus negandi, quanto magis ementibus? Neque enim fieri potest, ut qui negotiatione aliquid consequuti sint, non uelint in eo facere quæstum. Sunt qui principi nihil numerent, sed tamen numerant petitoribus magistratus adipiscendi causa. Sed hi quoque eodem in uitio esse putandi sunt. Ferè enim in quo quis fecit damnum, in eo quærit lucrum. Omnino autem honorum contentio omnis legibus coercenda est. Videmus enim, quàm instar sæui tyranni uexet & torqueat eum, in cuius animo inualuit: quàm eum impellat ad agenda & patienda multa ineptha, sordida, seruilia, ut ad id aliquando, quod cupit, perueniat. Pulcherrimum certamen inter ciues fuerit, de uirtute ac industria: ut qui genere clari sint, omni studio cõtendant, ne ab infimis, luce uirtutis, & honestarum actionum, obscurentur: qui uerò nullo maiorum splendore commendantur, uirtute propria cōnitantur se illustres reddere: de omnibusque mereri studeāt tum priuatim, tum publicè. Ergo ambitio legibus prohibenda est: & uirtuti perspectæ, industriæ, factisque præclaris honores deferendi. qua de re plura à nobis primo libro dicta sunt. Necessarium est & illud, ut nemo in magistratum alicuius municipij eligatur, nisi qui illic habeat fixū domicilium, & possessiones bene fundatas: ne si alibi manendum sit ei, alibi officio satisfaciendum, negligentior sit in suo munere.

2
w. de origine
iuris. l. neces-
sarium. §. pri-
mus diuus Au-
gustus.

4

Hoc non tantum de magistratibus ius dicentibus, sed omnibus praefectis qui imperandi habeant potestatem, intelligendum est. Apud nos multi regis benignitate aucti sunt beneficijs summis, in ijs quidem municipijs quorum ciues non sunt. Hi etsi tolerandi sunt in suo munere: tamen praefectos habere deberent ciues illorum municipiorum, quorum sunt beneficiarij. Quos enim ex remotioribus municipijs accersunt, solent esse nimium rapaces: utpote qui non inter suos imperent, sed & de migrando in sua cogitent, nec quicquam pensi habeant quam de se existimatione relinquant, apud eos quos nulla necessitudine deuinctos teneant. Quod cum aliae prouinciae, tum ea Prussia, quam dux Prussiae nunc gubernat, olim experta est: cum illic societas Marianorum rerum potiretur. Mittabantur enim ex media Germania comites imperij: qui inter homines non suos, durissimum imperium exercebant. Fraus est legis, si quis iugera aliquot agri, uel possessiunculam aliquam emat in municipio aliquo, magistratus illic adipiscendi causa. Itaque curandum est, ut nemo in magistratu municipij sit, nisi qui magnam possessionum partem illic habeat: atque ibi frequentius maneat, nec a municipio suo diu abesse possit: nisi forte aliquod municipium praefectum idoneum ob inopiam ciuem suum habere nequit, ut aliunde sit accersendus. Verumtamen non est improbandus mos Hispanicus, quem certis in municipijs patriae suae seruari, narrauit Petrus Roysius Maureus, uir clarissimus, & ob singularem doctrinam ac iuris prudentiam inter eos qui causas iudicarias cognoscunt, a rege relatus. Mos inquam ille, ut nemo in eo municipio iudicet, ex quo ortus est. Cum enim sanguinis communitio, necessitudines, amicitiae, inimicitiae, uel inter uiuos contractae, uel a maioribus quasi per manus acceptae, multorum hominum mentes a recto aberrare faciant: citius iudex inter eos ius recte dicet, inter quos amicitias uel inimicitias habeat nullas. Itaque non immerito oratores tetrarchiae Mazouiae nobilissimae quodam in conuentu postularunt, ut suarum causarum cognitio non solis domesticis permitteretur, sed extranei iudices & alienigenae eos iudicarent. Hic mos si reciperetur, tempus quoque, quoadiu aliquis iudicis officio fungi deberet, praescribendum esset: ut officio defunctus, ad sua redire posset. Illud quoque legibus Romanis cauetur, ut eiusmodi iudices post depositam administrationem quinquaginta dies resideant: ut interea fiat legitima cognitio, num quem iniuste condemnarunt: ac pro modo delicti puniantur, ablata etiam nequiter in quadruplum per eos restituantur: ut duplum spoliatus accipiat, duplum thesauro Reipublicae addicatur.

5 Sufficit uni unus magistratus: aut si plures, certe non discrepantes. Quomodo enim aliquis unus potest esse praefectus plurium municipiorum, cum duobus in locis simul esse non possit: interest autem unius.

C. de aeseo-
ribus. L. con-
siliarios.

uniuscuiusque prouinciæ, ut suum semper sibi habeat præfectum. Sed ante omnia regis electio præscribatur: quis eligendus, à quibus, quibus rationibus. In lege diuina sic scriptum est: Si statueris uobis creare regem, more aliarum uobis finitimarum gentium, eum creatote quem Deus uobis elegerit, uidelicet de uestra consanguinitate: neque uobis licebit, hominem uobis præficere extraneum, & alienigenam. In his uerbis considerare licet, Deum, qui aliorum magistratum electionem populo commiserit, sibi soli regis electionem reseruasse. Facile enim migrat regia potestas in tyrannidem, nisi uiro perfectæ uirtutis committatur. Itaque Deus populum illum prius à ducibus & iudicibus gubernari uoluit. Post uero regem illis improbe petentibus, non sine indignatione concessit, inquit ad Samuelem, eorum causam agentem: Obtempera populo postulant: non enim te, sed me abijciunt, ne sint sub regno meo. Etsi enim regia potestas maximè in terris diuinam potestatem representat: tamen quia illa plena & suprema est, facile ob impunitatem ad insolentiam imperij delabi solet. Itaque improbitate petitorum extortam à se significare uidetur Deus, potius quam iusta ratione impetratam. Præcepit etiam, ut ea ad neminem nisi se consulto deferretur. Simul addidit, ne alicui alienigenæ mandaretur: quod eiusmodi homines non eo modo erga nationes alias solent esse affecti, quo in suas. Itaque prudenter apud Gallos, & quasdam nationes alias, aliquot familiæ uetustissimæ selectæ sunt, ad quas regius honor, stirpe regia deficiente, deferretur. Sic enim & extraneis præripitur ansa ambiendi imperia nationum diuersarum: & domesticis metæ quedam constituuntur, intra quas se contineant regibus eligendis. Non incommodum autem fuerit, eas in eligendo rationes usurpare, quæ à nobis in Episcoporum electionibus præscribuntur. Iam ut causas tyrannidis Deus præcideret, facultates regum non uult esse immoderatas, sic inquit: Rex ne multos equos, ne multas uxores, ne ue argenti aurique multum habeto. Cumque sine ope diuina singulari, nemo hac potestate rectè fungi possit, iubet ut rex semper legem Dei ob oculos habeat, de ea noctes diesque cogitans, ut ne contra suos populos animo insolescat, ne ue de disciplina ad dexteram aut sinistram deflectat. Igitur de ratione eligendi regis, legibus præscribatur: & quod eius officium, de uxore item eius, & de dote, quibus infundis sit collocanda: & de filiorum eius educatione, diligenter præcipiendum, qui scilicet patris hereditatem olim cernere uelint. Væ terræ, ut ait diuinus uates, cuius rex puer est. Nihil autem refert, ætate sit puer, an moribus. Ergo legibus sanciantur, de regum filiis educandis: & nutrices, & magistri, & studiorum socij, & collutores, publico senatus consilio eis addantur. hominum lasciuorum, scurrarum, ebriosorum, adulatorum turba procul ab eis pellatur:

ne tanquam fontem publicum (ut inquit ille) unde omnes bibere cogantur, inficiant ueneno suo, principis tenerū animum, unde tandem infinita hominum multitudo inficiatur. Describantur etiam legibus officia singulorum magistratuum, quid illis agendum, quatenus, quomodo. Et actio gesti magistratus quotannis publicè illis intendenda: & poenae seuerissimae, si quid in officio deliquissent, constituendae. Et hīc legem pecuniarum repetundarum comprehendendo. Et haec quidem de ijs, qui sint cum potestate.

CAPUT VII.

Leges de personarum privatarum discrimine.



OST haec de priuatis personis agendum, ac earum uarietate: quae suae, quae alieni sint iuris. quod sit ius eiusmodi: & quomodo uel acquiratur, uel soluatur. Et hīc de potestate patria, & herili: quam uel pater in filium habeat, uel dominus tum in seruum, tum in colonum, tum in quemuis hominē sibi subiectum: de ea item, quam maritus in uxorem. Itaque & de nuptijs leges ponendae, & de diuortijs, & de manumissionibus, & de patria potestate soluenda. Post haec, de pupillis, atque adeo tutoribus & curatoribus. Ad haec, etiam de discrimine plebeiorum & nobilium: id quae tum eorum quibus est nobilitas natua, tum quibus donata. Qui uirtute clari sunt, ac magnis in Rempublicā meritis illustres, ij quamuis ignobilibus orti sint parentibus, pro nobilibus habendi sunt. Res enim ipsa, uel hominibus inuitis, nobilitat eos. Contra rerum uerō naturam pugnare, hominum est stolidorum & malorum de quo alias à nobis latius differetur. Confusio illa nobilium cum militibus, nescio an sit improbanda. Profecto milites non nascuntur, etiam si nobiles nascantur. Et quemadmodum aliud est esse in uiris doctis, aliud in filijs doctorum: ita aliud est esse militem, quam filium militis. Militaris honor partim meritis acquiritur in Remp. partim certis ceremonijs: quorum uerba solēnia memorantur Lepsius rycerz niz Panossā. quibus significatur, potiore conditionem esse militis quam ingenui. Tales honores à regibus conceduntur etiam ijs, qui nobiles nati sint: non est igitur idem, nasci nobilem, & esse militaris ordinis. Multa legibus conceduntur militi, quae negantur alijs hominibus. Itaque discrimen constituendū est militū & nobiliū: nec uulgo nobiliū, titulus militis tribuendus, quē nunquā meriti sint.

CAPUT VIII.

Leges de dominio, & de rerum discrimine.



EQVITVR iam tractatio illa de dominio, ac de rerū discrimine. Varij autem recensentur modi dominij acquirendi, partim gentium, partim ciuili iure introducti & recepti. deinde alij quibus bonorū uniuersitas, alij quibus

bus res singulæ acquiruntur. In prioribus numeratur aditio hæreditatis seu testamento, seu ab intestato nobis relictæ: ex posterioribus sunt, usucapio, præscriptio, legatum, & fideicommissum. Hic etiam & de directo, & de utili dominio agitur: illud habent domini fundi, seu feudi: hoc clientes, & uasalli. item de quasi dominio, & de iure in re: quæ affinia domini censentur. Hæc & alia huc pertinentia, copiosissimè à iuris peritis pertractantur.

CAPUT IX.

Leges de contractibus & obligationibus.



O STEA sequantur leges de contractibus, ex quibus obligationes nascuntur: quæ quidem pars latissimè patet. Vix est enim aliqua hominum inter ipsos actio, quæ non emptione, uenditione, permutatione, donatione, conductione, locatione, stipulatione, fideiussione, mutuo, commodato, deposito, pignore, & id genus alijs contineatur.

CAPUT X.

Leges de iniurijs quæ uerbis fiunt, aut re. 1. Curandum ut humiles homines sint quàm minimè opportuni iniurijs: utq; cuilibet potestas sit accusandi eos, qui iniuria aliquem affecissent. 2. Leges scribende in conuiciatores & percussores. 3. item in uiolentos, in adulteros, in fures. 4. item in homicidas. 5. item in reos maiestatis. 6. item in feneratoros, ambitiosos.



A M de iniurijs constituendum est, de ijs quæ tum uerbis tum re fiunt: omnes quidem pro natura uel peccati uel peccantium, damnis, ignominijs, uinculis, uerberibus, exilijs, seruitute aut morte uindicandæ sunt. Ac illud diligenter curandum, ut homines humiliores sint quam minimè iniurijs opportuni. Multi & nobilium & diuitum præcipites feruntur ad iniurias plebeijs inopibusq; inferendas. illi si pecunia multentur, nihilo fiunt meliores: ideo uel carcere dierum plurium coercendi sunt, uel aliquis ignominia nota afficiendi. Nemo existimet ullum, quantumuis tenuem hominem, talem esse, ut iniuriam inultam impunitamq; non iniquissimo animo ferat. Quod etsi in præsens necessitate celare cogatur: tamen uerendum, ne odium inueteratum temporibus ad perniciem Reipub. erumpat: præsertim cum omnis hæc natio tenuium, contemptu sui ac impunitate, uideat se iniurijs expositam esse. Quocirca consulendum est, ne impunitate iniuriarum odium & furor tenuium alatur & inueterascat: atque etiam, ut quisque ditior ac maior dignitate existit, hoc acerbioribus, aut certe iustis & debitis poenis ab iniurijs deterreatur. Solon Salaminius rogatus, quænam ratione effici posset ut quamminimum iniuriarum inter homines existeret: Si, inquit, qui iniuriam passi non sunt, perinde

inde doleant, atque hi qui passi sunt. Salubre prorsus responsum, & prudente legislatore dignum. Cum enim natura ita comparatum sit, ut nemo hominum in solitudine uiuere possit, ne si copijs quidē rerum omnium afflueret: fit, ut in societate hac ciuili, communicationēq; sermonum, consiliorum, ac operum, tanquam membra in corpore uno Reipub. omnes libentissimē acquiescamus. Quis igitur non existimet, cum membrum corporis huius lēsum fuerit, se quoq; lēsum iri? quis uiolato uno ciue, non uidet leges uiolatas esse quæ toti seruiant Reipublicæ? Sic igitur Solon homines ab iniurijs arcendos putabat, ut omnibus faceret, quibus uoluntas & facultas foret, potestatem reum accusandi, & iniuriam iudicio persequendi. Assuefaciebat nimirum omnes in eadem Repub. manentes, rebus quidem bonis ciuis sui lætari, malis autem angere & laborare. At nunc, dum aliquo uiolato omnes animo sunt ocioso, nonnulli etiā aliena calamitate gaudent, impunitas nimia multos reddit deteriores, & ad iniurias audaciores. Omnium autem maximē decet nos, qui cœlesti doctrina imbuti sumus, præceptum magistri nostri mente uolutare: quo iubemur, ut ne faciamus alijs quod nobis fieri nolumus. Tales nos igitur aduersus alios præstemus, quales illos erga nos fieri uelimus. Si iniuriam ab alio ferre molestum tibi est, & qui fecit scelestus tibi uidetur: idē de te quoq; iudices, te, si fortē in aliū iniuriosus esse pergas, & sceleratum esse, & dignum qui poenam sceleris soluas. Hoc præceptum si altius insederit animis nostris, ab iniurijs nos detertere poterit. Conuicia, quibus ordo aliquis totus proscindatur, grauiora sunt, quàm quæ fiunt homini priuato: quæ si literis cōsignentur, instar famosi libelli habenda sunt. Vt eorum, qui nuper stylo non tam atramento quàm ueneno tincto, publicè scripserūt, plebeium sanguinem nunquam amicum esse nobilitati. Et hoc igitur legibus prohibeatur, & de alijs conuiciorum generibus, de maledictis, pulsationibus, mutilationibus, & omni turpitudine qua uita cuiusquam uioletur, leges scribātur. Omnis uis iniusta seu rebus seu personis illata, nescio an alia poena iustius, atque capitali uindicetur. Adulteria, furta, periuria, talia sunt crimina, quæ nemo non putet acerrimis poenis esse uindicanda. Sed tamen furtorum poena usitata moderanda uidetur, ne minimarum etiam rerum fures uita priuentur. Lege quidem Romanorum ueteri fures manifesti quadruplo, non manifesti duplo: diuina uerò, pro rerum furto ablatarum uarietate alij quintuplo, alij quadruplo, alij duplo puniebantur. Qui soluendo non erant, uel seruitijs eius, cui res sustulissent, addicebantur: uel ijs uendebantur, qui ex huiusmodi mercibus facerent quæstum. At dices, rem hanc crudelitatis plenam fuisse, hominibus uendendis mercaturam exercere. Verum quidem: sed et hoc nihilo est mitius, uitā homini pro rebus fortuitis eripere.

Instit. de obli. quæ ex del. nascuntur.

eripere. Atqui lege diuina disertè edicitur, Si fur non habet unde reddat, ipse uenundetur. His enim modis damnū resarciebatur, seu dupli restitutione, seu addictione, aut uenditione furis. Hodie nec ad eū cui res ablata est, quicquā redit: & fures sunt nihilo rariores. Interea & Resp. commodis priuatur, quæ ex dānatis prouenire possent, uel in bellis, uel in laboribus domesticis: et ipsi fures nihilo meliores, in furcam mox tolluntur: fortè emendatiores futuri, si uita eis qualiscunq; proferretur. Nunc quidem uniuersa Christianorū Respub. fures suspendio punit: quam pœnam à Friderico Tertio imperatore Romano primū excogitatam accepimus. Eandem, à maioribus nostris in hac Repub. usurpatam. Mirum uerò, qui emolumēto illo uel ex solutione, uel ex furis additione neglecto, in capitale pœnam consenserunt: eosdem pœna eadem in homicidis reiecta, ad quæstum ex cædibus amicorū faciendū, animum inducere potuisse. Quasi pluris faciendas putauerint res fortuitas, uitis hominum: plusq; eis perditum fuerit rerum ablatione, q̃ amicorum interfectione. Nos uerò pœnā capitale homicidio conuenientissimā esse, eandemq; cum diuinis, humanis, & nature legibus maximè cōgruere, Orationibus editis quatuor demonstrauimus: ac etiam in illis ostendimus pœnarum uarietatem, pro causis uarijs homicidiorum. Qui hominem occidit, aut id fecit consulto & cogitato: ut qui hoc scelus meditatum quasi domo extulit, atq; ob id uel uiam eius quem occidere constituit impedit, uel occasiones captauit omnes occidendi. Aut non consulto, sed repentino aliquo motu: ut accidit in rixis & colloquijs mutuis, inter eos natis, quorum neuter alterum prius odisset. Tertium genus est, quod cōmittitur ab aliquo defendendi sui causa: ut cū quis ab insequente in eas loci angustias adducatur, unde incolumis euadere non posset, nisi occiso persecutore: huiusmodi homicidium necessarium esse uidetur. Quartum genus homicidij est fortuitum, quod repentino aliquo casu & quasi temerè accidit: præter uoluntatem omnem, & cogitationē eius, à quo patratum est. Primum homicidium uocemus deliberatum & cogitatum, alterum repentinum, tertium necessarium, quartum imprudens & fortuitum. Priora duo capitalia sunt, posteriora minimè: nullum uerò horum pecunia uindicatum est. de quo, quoniam testimonia multa in Orationibus copiose exposuimus, ideo satis sit in præsentia quædam attigisse ex oraculis diuinis, quæ sic ad uerbum habent. Num. 35. Ne ab eo qui reus est sanguinis, precium accipitote: sed statim morte plectitor. Genes. 9. Qui hominis sanguinem effuderit, ipsius quoque sanguis funditor. Quod à Christo sic dictum est: Omnes qui gladio utantur, gladio peribunt: Matthæi 26. Exodi 21. Qui hominem ita percusserit ut moriatur, capite plectitor. Ei autem qui non tetendit in-

fidias, sed Deus illum destinauit in manus eius, statuam locū in quē
 confugiat. Et hoc quidem homicidium fortuito & sine consilio pa-
 tratum, fusius describitur Deut. 19. his uerbis: Qui proximū per im-
 prudentiam percusserit, quem antea non oderit: ut si quis in syluam
 lignatum profectus, manum ad succidendum arborem admouerit,
 ferrumq; ē capulo elapsum in proximum inciderit, atq; eum feriens
 necauerit, is ad aliquod oppidorum ad id delectorum confugito,
 & uitæ suæ consulito: ne fortē uindex sanguinis, dum feruet animo,
 insequens homicidam, si uia sit longior, eum comprehendat, & ui-
 ta priuet: qui tamen mortem non commeruerit, eo quod non est o-
 dio prosequutus hominem qui occisus est. proinde certa oppida
 perfugij deliguntor, & separantor. De eo porro qui aliquē defen-
 dendi sui causa occidat, non est explicatē (quod sciam) in Biblijs sa-
 cris: sed lex est naturæ inscripta, & in Lascio copiose exposita, Vim
 ui repellere licere. Qui uerō (pergit summus legislator edicere,
 Exodi 21.) de industria occiderit proximum suum, is uel ab ara mea
 ad necem auellitor. Ergo seu quis telo ligneo, ferreoque, seu saxo ma-
 nuario, seu manu proximum hostiliter pulsauerit, ita ut ille moria-
 tur, pulsator homicida esto, morte plectitor: nullus ei portus, nul-
 lumq; perfugium esto in ijs urbibus quæ asyli iure ijs tantum con-
 cessæ sunt, qui proximum imprudenter trucidassent. Hac enim in
 libris Numerorum luculenter descripta sunt capite 35. Quod ca-
 put Deus conclusit ferē his uerbis: Ne precium recipiote, nec ob-
 uitam, ab homicida, qui crimen capitale admisisset: nec ob domum
 reditionem, ante mortem summi pontificis, ab eo qui in asyli sui op-
 pidum confugisset. Ne terram polluitote, quam incolitis. Sangui-
 nis enim effusione maculatur terra: nec potest à sanguine in ea fuso
 expiari, nisi per sanguinē eius qui fudit. Ne ergo contaminatote ter-
 ram, in qua habitatis, in cuius medio & ego habito. Ego enim Do-
 minus, qui habito in medio uestrum, o filij Israelis. Usque eō au-
 tem, id quod dixit sanguine sanguinem expiandum, ratū & firmum
 esse uoluit Deus, ut etiā si cædis patrator ignoraretur, uitulæ occi-
 sionem ciuitati, quæ proxima esset loco ubi cadauer repertū esset, ad
 Deū propitiandū imperauerit. Multa alia testimonia sunt in scri-
 pturis, de poenis homicidarū. Ac omniū quidem poenarū ratio de-
 bet esse illa, ut improborū audaciā ac nocendi facultatem reprimāt,
 & à peccando deterreant. Cum igitur parū grande, parumq; uitan-
 dum scelus putetur, quod redimi pecunia possit: certē lex homici-
 diū pecunia redimi iubens, non lex, sed Reip. labes, ac naturæ huma-
 næ pernicies putanda est. Quis enim fando satis exprimere queat,
 quot calamitates eam consequutæ sunt: quæ hæresim tristissimā in
 hanc Rempub. inuexerit: quæ rabiem improborum semper arma-
 uerit: quæ quietos & innocentes periculis exposuerit: quæ uulgi
 nobi-

nobilium audaciam confirmauerit: quæ seruitutem acerbissimam plebi imposuerit: quæ seminarium perfidiæ, discordiæ, seditionis, belli intestini in se semper continuerit. L. Neracius (ut narrat Marcius Salamonius iuris peritus nobilis) cum ferre nō posset, lege XII. tabularum iniurias XXV æris poena uindicare, seruum cum sacculo assium sequi se iussit, ipse obuios cædebat: & mox singulis singulos XXV asses pendere iubebat. Inde admoniti Prætores, de æstimandis iniurijs edicta posuerunt. Imitantur permulti locupletes nostrates Neratium infamanda lege Polonica: qui quot centena marcarum numerare possint, tot uiros nobiles: quot dena, tot plebeios interficere ausint: nec quicquam plerisque usitatus est, quàm ut de cede eius quem odio persequantur, consilia ineant. Et tamē nulli ad hūc diem Prætores, nulli Tribuni, nulli Senatores apud nos uisi sunt, qui serio ad multam homicidio dignam animum adijcerent. Profecto pecuniosus homo nullam pertimescit culpam, quam numis redimere possit. Odium uerò exaturare suum, an nō dulcius est improbo homini, quàm magnam pecuniæ uim perdere? Sed rhetorissant quidam, poenæ Polonicæ seueritatem exaggerando: si quidem in carcerem annum homicidæ cōijceretur. Putas ne tu Deū poenas ulli sceleri irrogare uoluisset equiores, atq; homicidio? Non tantum hominis innocentis cædem capite sanxit, sed & nocentissimi: id'que usque eò, ut de Caimo fratricida, summa animi anxietate presso, omniacq; ob cædem à se commissam metuenti, ita edixerit: Si quis Caimū occiderit, septuplo punitor. Quæ uerò hæc est poena septupli? an aliqua alia quàm capitalis? Atqui lex illa æterna est humano generi diuinitus data, caput capite uindicans. Quæ igitur est hæc poena, nisi capitalis septemplex? ut si Caimi interfecto septies interfici posset, septies interficeretur. Quod si grauior excogitari posset poena, quàm sit capitalis, utpote numi Polonici cum carcere annuo cōiuncti, certè Deus eam proposuisset. Sed ita res est: presentis mortis cogitatio, animos quantumuis feroces à facinoribus abstrahit: mortis securitas, cum spe elabendi ex poenis alijs seu carcerum seu numorum, malos animos irritat ad maleficia. Quot homines interfecti sunt memoria nostra, domi & foris, in urbe & in agro, in profanis & sacris locis? Quis autem, quæso te, erat homicidarum, qui non euolarit ex uinculis istius carceris annui? Sed fac in tot centenis fuisse aliquem unum, qui sordes annui carceris pertulisset, quo tandem mortis genere ille periit? Num istius poenæ Polonicæ iusta exolutione, liber fuit à poena homicidis diuinitus constituta? Ita quidem uidetur: siquidem carceres isti grauiorres sunt capitali. Quod si & ipse interfectus, an non quasi coelesti signo orbi Sarmatico declaratur, carceres istos minimè pares esse delicto homicidæ? An igitur non æquius erat, magistratum de isto

(quem in tot centenis diximus unum) poenam sumere legi diuinæ congruentē, q̄ ut ueniret in manū interfectoris: quē & ipsum similia manere fata, Deus ipse edixit: Ne simus igitur prudētiores Deo illo, qui qua prudentia res condidit, eadem illas uult conseruatas. Age nunc, sit iste carcer annuus grauior poena capitali, cæde hominis nobilis uindicanda: quid autem cæde plebei fiet? Hæc enim tantum pecunia uindicatur, & quidem longè minore q̄ cædes nobilis: ut etiā si qua appareat æquitas in cæde huius, in illius maxima est iniquitas. Ita & numerorum imparitate, & carceris omissione, diuersitas est summa cædibus hominum æstimandis. Deus quidem ipse, poena capitali homicidis ascribenda, simul addidit causam, in-
 33 quiens: Quoniam ad Dei imaginem factus homo est: ideo qui ho-
 33 minis sanguinem effuderit, eius quoq̄ sanguinē effundi necesse est. Quid igitur, an homines plebei non ad Dei imaginem cōditi sunt, quorum cædes minoris penduntur? Satis sit plebei, quamuis uirtute & bonis artibus præstantibus, omnem potestatem summorum Reip. honorum ademptam esse: hæc q̄ quasi capitis diminutionem quandam eos pati, ne addatur eis extrema hæc & omnium acerbissima calamitas, ut eorum cædes tantula mercede redimantur. Profecto Resp. solis nobilibus florere non potest. Quis enim supeditabit alimenta & nobis, & multis pecoribus, si nulli agricolæ erunt? quis amictum & ornatū, si nulli opifices? quis res necessarias importabit, si nulli mercatores? Quis denique erit nobilis, si nulli plebei erunt? Quæ igitur, malum, crudelitas est, ut, quorum opera carere nullo modo possumus, eorum uitas tantuli faciamus? Sed supra etiam improbauimus poenarum pro eodem scelere à diuersis perpetrato diuersitatem. Non minus & illud improbandum, homicidam quidem interuallo horarum XXIII, à patrato homicidio comprehensum morte mulctari debere: lapso illo interuallo, non debere. Quid enim? magis tum sumenda supplicia sunt de facinorosis, cum animus est recenti iniuria incitatus, q̄ cum est sedatus? Plato quidem, & cum eo maximi philosophorum, id iuste fieri posse pernegant: itaq̄ ne hero quidem stomachanti in seruū delinquentem, animaduertendum putant. Quid quod Theodosius imperator Romanus, impulsu Ambrosij episcopi Mediolani edixit, ut supplicia in facinorosos per dies triginta extraherentur. Etenim cum Theodosius Thessalonicē lib. iratus, plures q̄ æquū esset necari iussisset, nō potuit id nō grauiter ferre Ambrosius, uir diuinus: ac Theodosiū rebus sacris, templiq̄ ingressu instituit arcere: nec prius eū in Ecclesiā & ritus diuinos admisit, q̄ ille poenitentiae signa publicè edidisset: omnia homicidis præscripta expleisset: legēq̄ etiā tulisset, ne quis deinceps, mandato principis de puniēdis sceleratis, obtrēperaret, nisi lapso triginta dierū interuallo. Consideret mihi quisq̄
 uultum

uultū & gestum iratorum. Ore sunt tumentī, facie torua, oculis fulgurantibus, lingua titubante, uerbis perplexis & furentibus: quicquid in manum sumunt, uertunt in telum. Facile quidem hæc signa monstrāt, quomodo animus sit affectus hominū iratorum. Nullus apud eos locus est prudentiæ, nullus consilio, nullus rationi. Fecit igitur Ambrosius, homo doctus & experiēs, ut cōmotioni presenti indulgendū minimè censeret: tempusq; aliud expectandū sumendi supplicij, cū tempestates illę animi sedarentur, feruores sanguinis extinguerētur, locusq; esset rationi, prudentię, bonis consilijs: quē admodum ab Aristotele præclare dictum est, animum quiescentē, omnibusq; perturbationibus uacuum fieri prudētem. Cōtrā quid illæ XXIII horæ efficiunt, quā furorem incitant ad ulciscendi auiditatem, tumorem que mentis plus satis elatum celeritate cumulant? Optandum esse ait Cicero, ut qui præsumunt Reipub. legum similes sint: quę ad puniendū non iracundiā, sed æquitatem ducuntur. At istę horæ nō uolunt nos æquitatis ministros esse, sed furoris: nō rationis ac prudentiæ, sed doloris, impotentiæ, ac insaniæ. Neq; desunt, qui tantam uesaniā ornent uirtutis nomine: fortes eos appellant, ac magnanimos, qui suam uel amicorum iniuriam mox ultum eant. quod à nobis primo libro, uanitatis plenum esse, ostēsum est. Quid autem illud, quod de tempore 24 horas subsequente additur? non iam tum impunè fore, si quis homicidam cōprehensum occidisset. Scilicet omnia aptè cohærent. Tempus aduenit, quo homicidium, quod interuallo solennium horarum erat capitale, iam non sit capitale. Quid ita? Quia rabies, ira accensorum, non nihil refedit. Rationi iam locus est aliquis: adsunt monitores, qui nos ad lenitatem excitent. Fiat igitur iam ex capitali crimine, non capitale: sed nobis utile, & fructuosum. ô præposterum iudicium, quam tam habes licentiam in hominibus, qui diuinis & populorum legibus contemptis, tantum sibi tribuant, ut immodica sui cura ad tot absurda delabi non uereantur. Quæ quidē absurda & indigna sunt longiore cōfutatione, & ab omnibus liquidò perspiciuntur. Verè illud dicitur, ueritatem simplicem esse debere. Cumq; in lege, qua de agimus, tot diuersitates comprehensæ sint, & personarum pro uno scelere eodem modo à diuersis perpetrato nō idem soluentiū, & horarum ac temporum ad comprehendendum homicidam constitutorum: quid aliud de conditoribus huius legis cogitari potest, quā nec ueritatem illos sequutos esse, & temporibus quasi talorū iactu, hoc est casu, nō certa ratione ad tot absurditates excogitādas gubernatos? Deserta enim ratione, lege diuina & nature contēpta, quid aliud restat, q̃ ut nos casibus & temeritati regendos demus, & gubernādos? Addunt & illud, eum qui nulla cedis denunciatione præmissa hominē sine causa occidisset, infamē fieri: qui uerò cæ-

dem prius denunciasset, eum infamiam uitare. Quid igitur, an denunciatio illa crimen extenuat? an non plerumque uerba insignem alicuius nequitiam testantia perinde plectuntur, atque si crimen ipsum admissum esset? qui ignem alicuius aedibus denunciat, comprehensus & conuictus, mox capite plectitur, uel si aedes illas nunquam exussisset. Cur non eodem modo punitur, interminans alicui mortem, etiam si illum non occidat? Nihil est in hac lege homicidiaria adeo cautum, quod non cum ratione pugnet, cum lege diuina & populi. Sed haec omnia canuntur surdis auribus: nihil moramur tot accusationes: uiuimus in magna securitate: nihil nos tangit afflictio plebis, in quam haec potissimum lex posita est: nihil mouet sanguis hominum inique occisorum, qui clamat semper in coelum, ac gemitibus inenarrabilibus uindictam flagitat cum de homicidis, tum de ijs qui istam legem tuentur gladium homicidis pro pecunia porrigentem. Quo magis metuenda est subita aliqua uis coelestis, quae tanquam uehemens procella ex alto ruat: nosque omnes, domos, familias, ipsumque nomen Polonicum ab radicibus imis euertat atque conterat. Haec quidem quasi in desperatione à nobis dicuntur: qui tamen non ideo cessabimus in nostro munere. itaque ad reliqua pergamus. Multi partim uerbis, partim alijs iniurijs uiolare solent & principem & Rempublicam, quod quidem crimine maiestatis uocant. de eo itaque aliquid dicendum. Multa autem de eo nostra tempestate & in foro & in Senatu agitata sunt, maioribus nostris (ut ferunt) inaudita. ideo de hoc aliquid certi constituendum: quibus quasi limitibus comprehendendum, & quibus poenis uindicandum sit.

c. si quis imperatori male-dixerit. L. u-nica. Theodosius quidem imperator, obrectatores laudum suarum tantum abest ut maiestatis crimine damnandos putaret, ut neque durum aliquid, neque asperum eos sustinere uellet: ac maledictum in se iactum, si ex leuitate processit, contemnendum: si ex insaniam, miseratione dignum: si ab iniuria, remittendum esse censeret. Imperatoria sane, & maiestatis plena sententia: qua declaratur, hominibus in summa dignitate constitutis, multas iniurias negligendas esse, multaque multorum maledicta perferenda. quemadmodum & Alexander Macedo dixisse fertur, Regium esse, cum bene feceris, male audire. Neque enim est ex principis dignitate, neque è Repub. populares optimatesque assuescere, ut nihil dicant sentiantque, quam quod principi placuit. Brutis animantibus imperet oportet, non hominibus ratione praeditis, qui uellet, ut subditi sui ad eum modum assuescerent. Si princeps es, ac uel ea quae te indigna sunt facis, uel ea quae sunt officij tui negligis, in te culpam conferto, si pro eo ac meritis es, homines de te loquantur. sin nihil in officio tuo laberis, nihilque in rationibus uitae tuae delinquis, nihilo tamen secius audis, quam si multa peccasses: tamen magnanimi uiri est, uereque regij, ut inquit ille, animi,

animi, malè audire cum bene feceris: sermonibus que uulgi contemptis, omnem amplitudinem & dignitatem in uirtute & præclaris facinoribus positam existimare. Igitur si sententiæ Theodosianæ accedere libet, certè non omne crimen quod in principem committitur, non omne dictum, non omne factum, maiestatis erit. Alexander etiam imperator, cum superioribus ante se temporibus multos uideret ob leuissimas suspiciones tanquam maiestatis reos punitos esse, restrinxit hoc crimen: nec adeò latè ut olim patère, multas que causas, quæ prius in hoc crimen uocabantur, suo seculo cessare uoluit. Itaque nobis committendum non est, ut causas criminis huius amplificemus: cum illi ipsi, à quibus eius speciẽ sumpsimus, illud restrinxerint. Multa ab Herennio & Modestino de eo præcipiuntur. Nam & personam spectandam esse, an potuerit facere, & an quid antè fecerit, & an sanæ mentis fuerit: nec lubricum linguæ ad poenam trahendum esse, quæ quidem, & plura alia, in legibus Romanis prodita extant. Nos uerò primùm definiamus maiestatem, ut quis eius læsæ argui possit, rectè iudicemus. Maiestas igitur est, amplitudo & dignitas Reip. principisq; ac eorum qui legitimè Remp. gerunt, ex opinione præstantiæ nata, in iure dicendo ac imperandi potestate cõsistens. Omnis enim dignitas magistratus huc spectat, ut iure ac imperio Remp. gubernet. Ergo qui iurisdictionem inturbat, aut iudicia uiolat, quiq; uel impedit uel priuat magistratum potestate faciendi sui officij, is cum faciat cõtra Remp. maiestatis iudicetur. In summa, is mihi reus læsæ maiestatis esse uidet, qui aduersus uel principẽ, uel magistratum, uel Remp. uel eum cui pars aliqua Reipub. commissa sit, aliquid dolo malo, turbulenter, seditiose aut hostiliter fecerit, molitus ue fuerit, unde præsentis status uel debilitatio, inclinatio ue, uel mutatio in deterius cõsequi possit. Sed hæc melius ex legibus Romanis cognoscetur: quæ etiam poenā eius criminis ab eo qui hostili animo aduersus Remp. uel principẽ fuisset animatus, ad heredes & liberos, uel qui nihil tale meruissent peruenire debere, nec eos ius succedendi habere, pronuntiāt. Et hæc de maiestate. Insignes sunt & illæ iniuriæ, quibus foeneratores, auari & ambitiosi Rempub. afficiunt. Veteres quidem Romani seuerius foeneratorem, quàm furem, puniebant: legibusq; sanxerant, ut fur dupli, foenerator quadrupli condemnaretur. Legibus etiam Pontificijs cauetur, ut nulla sit eis factio testamenti, nisi primùm restituant usuras iniquè extortas. Et de hoc igitur legibus cauendum, & nimis tum opū augendarum, tum honorum assequendorū cupiditates coercendæ. Quod ita fiet, si & ambitiosi nota aliqua inurētur, & de diuitiarum æstimatione erit detractum. Videmus enim, quāto in honore sint diuites: illis maior tribuitur laus sapientiæ, fortitudinis: illis prima loca ab omnibus conceduntur: nihil illi dicunt,

C. ad legem Iuliam. L. etiam ex alijs.

W. ad legem Iuliam. maiestatis.

C. ad L. Iul. maiestatis. L. Quisquis.

nihil

nihil faciunt, quod non uulgò laudibus singularibus efferatur. Atque illi gradibus suis, aureis scilicet & argenteis, ad summos honores ascendere contendunt: ad quos si detur eis peruenire, tum se aulaeis, ueste preciosa, argento, auro, & numerosa familia, hoc est operibus diuitiarum, qui operibus industriæ & doctrinæ non possunt, uisendos præbent. Profectò studio eiusmodi uel acquirendi uel ostentandi opes crescente, fortitudinem decrescere, exercitationem militarem cessare, discriminē fortium & ignauorum, solertium & inertium tolli necesse est. Cupiditas etiam honoris & magistratus, supra improbata est. Itaque & hæc legibus prohibenda sunt, & omnes ad frugalitatis & parsimoniæ disciplinam reuocandi.

CAPUT XI.

Leges in luxum omnis generis.



GITVR & leges sumptuariæ conscribantur: & luxus omnis, cibi, potus ac uestitus interdicator: picturæ impudicæ, cantilenæ obscenæ, unà cum authoribus, ex ciuitatibus eiiciantur. qua de re primo libro dictum est. Et in ebrietatē aliquid decernatur: cuius in regno, fortitudinem amitti, ueternum

omnia occupare, certum est. Ideo Mahometes, ut erat ad perspicuenda pericula sagax, cum Turcas suos natura molles & bibaces uideret, uino eis prorsus interdixit: cuius usum perniciem illis allaturum putaret. Pittaci uetus lex ab Aristotele narratur, ut ebrii si quem aut conuictis, aut plagis affecerint, aut modis alijs indignis acceperint, grauius puniantur, quam si id fecerint sobrii. Cum enim plures sint qui poti alios iniuria afficiant, quam sicci, è Repub. esse duxit, maiore supplicio eos coercere, qui ad peccandum magis, quam qui minus proni essent. Nos contra excusatione ebrietatis, minus seuerè insolentiam uinolentorum castigamus: cum tamen ebrietas & ipsa digna sit per se animaduersione, & mater sit infinitorum uitiorum. Atque hinc consequitur, perutile Reipub. esse, interdici importationem omnium quæ ad luxum pertineant: ut sunt illecebræ libidinum, ac gulæ irritamenta omnia.

Aristot. Polit.
lib. 3.

CAPUT XII.

Leges in ociosos.



AVD scio an sit in ociosos & ignauos lex aliqua ponenda, & eos qui curam nullam habeant merendi de re tum publica, tum priuatorum. Omnino uoce diuina sancitum est, unicuique uescendum esse pane in labore & sudore: & qui non laboraret, hie etiam ne manducaret. Itaque ignaui & fuci omnes aut pellantur ex ciuitatibus, aut alijs poenis afficiantur: ad publica uerò munera nullo modo admittantur. Bonorum enim industriæ inui-

inuident, aliena appetunt, rebusq; nouādis semper student. Haud ab re fuerit, singulos ciuium quotannis apud magistratum profiteri, quam quisque artem exerceat: unde sumptus faciat tum necessarios, tum liberales. Profecto obuiam hac ratione iretur multorum luxui: omnes que à turpi ocio auocarentur, ad honestas actiones. Multi equitum, nonnulli etiam reliquorum ciuium, & sumptus maiores facere, & ministros plures quam pro facultatibus alere consueuerunt. cum quibus ministris tum bonis alienis insidias struere, tum cædes committere non dubitant. Isti mores magna ex parte cessarent, si quisq; rationem cogeretur reddere & temporis transmissi, & rerū à se gestarum. Qui uero uel falso profiteri, uel arte iniusta uiuere compertus fuerit, hic iustis poënis afficiendus est: atq; uel ad res honestas impellendus, uel ex Repub. eijciendus.

CAPUT XIII.

Leges de actionum & probationum generibus: de Diebus legitimis: de Ferijs.



VNT etiā leges cōscribēdæ de diebus legitimis, de actionū & probationū generibus, de omni ratione litigandi, deq; forensibus ferijs. Prorogationes dierū in nostris iudicijs receptæ, odiosissimæ sunt hominibus qui patiuntur iniuriā: ijs uero qui intulerūt, optatissime. Viderint igitur legislatores, quid de his constituent. Genera actionum diligenter discernenda sunt: nec personales, cum illis quæ in rem sunt, commiscendæ: nec ciuiles cum criminosis. Qui maleficium commisit, in eum competit actio personalis. Si est fluxæ fidei, comprehendendus est à magistratu: ac in custodia tantisper habendus, dum uel iudicatum solutum Reip. tum parti læsæ satisdederit: uel à iudice de maleficio eius (fieri enim potest ut uix fide iussoribus, rebus uero nullo modo caueri possit: quod in adulterijs, stupris uirginum, & similibus flagitijs accidit) iudicatum fuerit. Quid enim iactari attinet in eiusmodi delictis possessiones tuas quamuis amplas, ut ne magistratui, illarum ergo, manum in te injicere liceat? Fecit impetum quispiam in domum tuam, uitiauit filiam tuam uirginem: occidit patrem tuum, fratrem, filium: ue: patrator sceleris est equestri loco, agri diues, graciosus: uocas eum in ius: dantur ei dies à iudice: multis ex causis prorogantur: cognitio in longum profertur. Ille interea scelere patrato, quoquouersum obambulat: fautores & ministros sibi cōparat: aduersum te ita se gerit, ut truces in te oculos conuertat, uoces impuras & minaces emittat, incessu ac omni corporis gestu terrere te, frangereq; animum tuum studeat. Semper armis cinctus, operis undiq; septus cum sicis, gladijs, sagittis incedit: cum illis & in iudicium se proijcit, & in conuiuia, & in templa. Si eodem in loco

q

tecum

tecum sit, primos ante te accubitus appetit. Si eadem uia tecum pergat, operarum multitudine te superare contendit. Si obuiam tibi fiat, aut de uia illi cedas, aut de uita cum illo dimices oportet. Vtrum igitur mauis: an ut sceleratus iste liberè uagetur, semperque capiti immineat tuo: an potius, ut ex uinculis dicat causam? Tu uerò ordini equestri id tributū inquires, tēq; id ferre, ut si quid fortè simile designasses, eadem libertate gaudere posses. Hinc illa patientia nimirum: & hæc causa est libertatis huius præclaræ, qua & sceleris patratore in præsentī fruitur, & tu in posterum speras te fruiturum. Vobiscum quidem, qui ad hunc modum affecti estis, nullis rationibus nullisq; authoritatibus agi potest: qui res odiosissimas ac periculosissimas, spe ipsam fruendi, patienter toleretis. Verum toleratis persæpe magno uestro malo. Videt enim, uidet Deus ille sceleratæ istius tolerantia uestrae impias causas: ideo in easdem foueas prius præcipitat uos, quàm uos alios præcipitetis. O duram conditionem & calamitatem nostræ Reipub. in qua & qui fecerunt iniuriam, & qui acceperunt, & qui ab ea sunt remoti, hanc ferant impunitatem uel spe turpis cōmodi, uel libertatis istius importunissimæ causa: hancq; licentiam tolerant, quam pericula, calamitates & cædes teterrimæ cōsequuntur. Vos uerò, qui & patriæ salutem charissimam habetis, & ueræ libertatis rationē tenetis, mecū considerate, quorsum attinet generis nobilitatem ac possessiones amplas in cædibus iactare? Valeāt possessiones tuæ, cum de terminis aut re uendicanda agitur. At quid illæ ad uerbera, uulnera, mutilatiōes, cædes, quas tu commisisti? Iam ut horum minimè sis reus: tamen minus fortè iniquum fuerit innocentem ad tempus, dum crimen cognoscitur, comprehensum retinere, quam nocentem è manibus elabi, atque impunè uagari sinere: idq; Reipub. cōdonandum, in qua omnes priuatorum res sunt comprehensæ. Nam quod aiunt quidam, uirtuti hominum equestris ordinis tantum tribui oportere, ut iudicio se staturos, & iudicatum soluturos (sine comprehensione) confidendum sit: id non ita esse, moribus usitatis coargui potest. Non enim uirtuti, nec generis nobilitati tribuitur hæc carceris immunitas, sed possessionibus. Qui em̄ equestri loco nati, possessiones habent nullas, comprehenduntur, cum sceleris sunt accusati: qui habent aliquas, non comprehenduntur: quamuis possessiones illæ tanti non sint, ut res, qua de agitur, uindicari ex illis queat. Illud uerò etiā permirum, qui legibus cauerunt, ut ne quis nobilis possessiones habens capiatur: non eosdem cauisse, ut ratio habeatur possessionum, an ex illis damnū, cuius accusantur, recuperari possit. Interest itaque Reipub. ut facinorosi omnes à magistratu eius loci, ubi crimen admissum est, mox comprehendantur: nullaq; hac in parte nobilium & plebeiorum ratio habeatur, nisi ad eum modum,

modum, quem suprà exposuimus, dum de pœnarum uarietate ageremus. Qui innocens captus causam dicere cogitur, condonet id Reipub. idem in eum, criminis inquirendi causa, constituenti, quod innocentem: de quo uix posset commodè uindicta sumi, nisi caperetur. scēq; consoletur CHRISTI Domini nostri exemplo, qui innocentissimus, capitis causam, captus à cohorte militum, dicebat: spem' que reponat in sua innocentia, fore ut tandem Deo propugnante, in nocens declaretur. Scitum est autem: Non carcerem infamare, sed crimen. Ac ne licentia cuiuis permittatur iniuste uel deferendi nomen alicuius apud iudicem, uel accusandi, pœna constituenda esset tam in delatores, quàm in accusatores. Iniquum enim est, eum de se nihil timere, qui alicui periculum malitiosè moliatur. Contrà nihil æquius, quàm si is qui alium in discrimen fortunarum, capitis aut famæ adducere non dubitet, intelligat etiam res suas, salutem ac existimationem in discrimine uersari.

CAPUT XIII.

De iureiurando, testium examine: & de temerè litigantibus.



VONIAM autem inter probationum genera iusiurandum numeratur, sine quo multæ graues causæ expediri non possint, ideo de eius religione diligenter sanciendum est. Mos etiam ille testium iurandi de re ignota, qui ferè in finibus regundis & in iudicijs obseruatur, abrogandus est. Solent enim n̄ ad iurādum adhiberi, à quorum uel memoria uel cognitione res, de qua agitur, sit remotissima: qui tamen putant se culpæ infontes esse, cum eum cuius res agitur, uident priorem iurantem. Quin potius uel eius, cuius res agitur, solius iureiurando statuitur: uel uiri eliguntur graues, seu consanguinei, seu uicini illius, qui illi iurati adsint: ac si uisum fuerit, etiam iurēt, credere se illum uerè iurasse. Sanctissimus est mos ille iudicij ecclesiastici, in testibus examinandis. Quisq; iureiurando obstrictus, seorsim à scriba iurato examinatur. Vis iusiurandi illi exponitur. Rogatur, quā in Deum sit religione. Eiusmodi interrogationibus conscientia & mores testis inuestigantur, dignus'ne sit cuius testimonio fides habenda sit, an secus. Tum rogatur, an rem de qua dicturus est, uiderit, an uerò audiuerit tantum? An sit doctus ab aliquo de testimonio dicendo: & an cum alijs testibus de eo testimonio cōsilia communicauerit. Singulæ quoq; circumstantiæ excutiuntur, locus, tempus, personæ, & id genus alia. Datur & potestas aduersario dicēdi tum de personis testium, tum de negotio ipso. Iudicia Polonica, quod sciam, carēt hoc genere probationum. Qui enim testium nomine inducuntur, nihil putant sua interesse, scire an res qua de agatur ita se habeat, an secus. Non malè se functos officio arbitrantur, si eum in cuius rem

iurant, priorem uiderint iurātem. Omnino ad iurandū, & testimoniū dandū, uiri graues, moribus probati & prudentes uocari debent, qui quidē sciant se Deo honorē debitū tribuere, cum eum testem inuocāt, ac ueritati testimoniū perhibēt. Quod cōtrā fit hodie plerunq̃. Qui enim moribus accersuntur, prorsus ignoti solēt esse, precio conducti, multarum rerum non dicendarum suspecti, ac tantum nō infames. In quibus nihil magis requiritur, quā ut sint nobili genere nati. ideo legislator de his uidebit. Theologorū quoq̃ est, qui publicē docent populum in templis, uim & sanctitatem iurisiurandi explicare; atq̃ homines hortari, ut studeant, quantū in ipsis est, ueritatem iuuare; ac pro ueritate & Deū testē citare, & omnium inimicitias perferre. Memini etiā, cum duo in perniciem cuiusdam alius cōspirantes, causam in foro agerent. Cum autem reo iurandū decretū esset, petitor eiusdem iurisiurandi gratiā illi fecit: cōtentus uidelicet rei uoluntate, quam ille uultu, uoce, genuum flexu, & omni gestu declarabat, ac si ad iurādum paratus esset: itaq̃ iudex reum absoluit. Sed res inter partes simulatē & ex compositō agebatur: omne enim incommodum ex absolutione rei ad tertium, in quem faba illa cudebatur, redundauit. Erant in eo iudicio multa periniqua. Iudici impositum est: qui etsi doli illius fortasse ignarus non erat, tamen aliter iudicare non potuit, quā ut causa erat instructa. Reus, periurij se reum minimē putabat: quod flexis genibus, uerbis non iurasset. quasi uerō uerbis tantū periurium committatur, non omni gestu, quem perinde homines habeant atque si uerbis conceptis iurasses. Petitor uerō in quantos uitiorum gurgites se demersit? Difficile est omnia explicare. Sed ita breui habendum est. Quicquid agatur seu uerbis, seu gestibus, seu conuiuentia, seu quauis alia ratione, fallendi alicuius causa, omne id in uitio ponendum esse. Omnes illae significationes non nostra, sed eius cuius interest gratia fiunt. Nemo enim sua causa iurat, sed alterius. Cui ut persuadeat uerum esse quod asseuerat, Deum testem inuocat: eundemque, si mentiatur, uindictam sibi imprecatur. Non igitur uerba, non gestus ad mētem tuam qui iuras, sed eius in cuius gratiam iuras, sunt interpretanda. deinde omnis attestatio, seu uoce seu nutibus fiat, cui diuina authoritas obtēditur, iurisiurādi uim habere putanda est. Quae attestatio si fiat fallendi alicuius causa, & a sententia nostra discrepet, mendacium est, & periurium. Qui periuria non exhorrent, illi de Deo parum rectē sentiunt: nec eum res mortalium curare, nec impietatem ulcisci credunt. Hæc opinio opera præconum uerbi Dei ex animis hominū eradicanda est. Discrimina etiam iurisiurādi diligenter annotanda sunt. Quamuis enim omnis eiusmodi religiosa testatio fiat, Deo immortali interposito tum teste, tum uindice: tamen non omnis ad eundem finem desti-

destinata est. Qui calumniam iurat, quid aliud testatur, quàm se non per fraudem uincēdi, frustrandū ue causa alium litibus uexare: sed suo animo teste, putare se iustum & rectū esse quod agat, dicat' ue? An uerò sic iurans, confestim expediuit causam omnē? Certē non id comprehensum est in formula iurisiurandi illius. Nam qui dicit, se falsum crimē nemini scienter intendere, non euestigiò se rei, de qua agatur, dominum esse debere comprobauit. Alijs enim uis ad rem uindicandam eundum est, quàm doli mali fraudis'que purgatione. Pergamus igitur de causis iurisiurandi calumniæ loqui. Improbitalis est, & iniquitatis summe, uexare eum litibus, quē scias rei, cuius abs te arguatur, insontem esse. Est autem in more multis, ut in ius uocati, multas aduersario dicas impingant: tantum ut multitudinem suarum actionum obruant eum, ac ab agenda causa deterreant. Omnino igitur temerè litigantes, grauiter puniēdi sunt. Qui suspectus sit eiusmodi temeritatis, ac potius peruerſitatis, is petēte aduersario iureiurando confirmet, se bona conscientia persequi ius suum: sin detrectet, causa cecidisse iudicetur. Mulctare uerò eum qui uel exigat uel det iusiurandum eiusmodi, seu cuiusuis generis, hoc nomine non liceat: nisi fortè falsò & contra animi sententiam iurasse eum, planum erit factum. Qui enim uerum & sanctum iurat iusiurandum, honorem Deo tribuit: qui & testis solus sit cogitationum nostrarum, rerum'que occultarum, & seuerus ultor periuriorum. Mos etiam ille, quo uulgo milites utuntur iurandi per solem aut stellas, improbatur diuina uoce, cum sic dicat: DOMINVM Deum tuum timebis, & illi soli seruiēs, ipsi adharebis, iurabis'que per nomen illius. Et hæc quidem tum de iusiurando, tum de rebus alijs, ex plurimis pauca: sed tamen, ut mihi uidetur, non inepta, & legibus uel emendandis uel ferendis non inutilia, libanda mihi in præsentia uisa sunt.

CAPUT XV.

De iudicibus, & iudicijs.



NONIAM autem frustra leges ponerentur, nisi essent qui ex eis iudicarent: ideo iudices, legum ministri, in Rebus publicis sunt constituti. quos & ipsos prudentissimos ac optimos uiros esse oportet, qui nec in hanc nec in illam deflectant partem, sed ad leges & æquitatem oculos intendant. Debent igitur peritissimi esse legum, ex quibus iudicent. Ridiculu-
 lum est enim, te ex legibus seu pontificijs, seu ciuilibus, seu quibus-
 uis alijs sedere in aliquē iudicem, cum rudis sis legum illarum. Nec
 enim cæcus de coloribus, nec surdus de discrimine sonorum iudi-
 care possunt. Sunt autē uel præcipuæ iudicis partes, causam par-
 tis utriusq̃, petitoris & rei, exactè cognoscere. Neq̃ em̃ fieri potest,

- neque rerum natura fert, ut quis de rebus rectam sententiam ferat,
 3 quarum uel neutram, uel alterutram tantum cognitam habeat. Alteri partium fauere, alteri iniquiorem esse, nequaquam iudicis est: hoc est, eius qui se medium inter aliquos profiteatur: sed est potius adulatoris, & iustitiae peruersoris. Itaque Alexandro Macedoni in more fuisse perhibetur, ut si alterutra partium ad illum questum uenisset, unam illi aurem accommodaret: se enim alteram alteri partium integram seruare uelle dicebat. Quod & in Areopagitis in primis laudatur, qui in tenebris, non luci causas cognoscebant: ut non dicentium, sed rerum quae dicerentur rationem habere putarentur.
 4 Petitori inuito iudex formam actionis praescribere non debet: sed ut in potestate petitoris est actionem intendere cui uelit, ita integrum illi sit, quouis actionis genere experiri cum eo quem accuset. Qui iudex secus faciat, suspitione huic bene, illi male fauendi non caret: qua quidem re nihil est detestabilius in iudice. Sint poenae in accusatores constitutae, iniuste & parum uerecunde rem agentes, si cadant causa: potius quam ut actiones inuitis illis uel mutantur, uel praescribantur, multo minus tollantur. Iudicis quoque
 5 est, lites quantum possit extinguere, partesque ipsas uel causa iam cognita ad concordiam hortari: nec ante sententiam, quid sentiat, quid ue mentis & animi habeat, significare. Si concordia inter partes
 6 desperatur, tum uero iudex pro tribunali quanta maxima possit grauitate, sanctitate, integritate eam sententiam ferat, quam summo illi & praepotenti iudici Deo se probare posse confidat: neutri partium faueat: nec eandem ob rem hunc fustuario, illum uerbulo castiget: solius ueritatis rationem ducat: hancque sibi uiam ad illa beatorum domicilia tutam & expeditam putet. Quod si quid secus quam ueritas & iustitia ferat, dixerit, feceritue, uoluptatem fortasse non diuturnam, nequiter uero factum diuturnum & perpetuum
 7 & in hac & in futura uita secum fore existimet. Addat autem iudex sententiae a se laetam causam, quam sequatur. Etenim nihil stultius, nihilque peruersius est, quam sententiam ferre, cuius causam ignores, aut non intelligas. Quod si eam cognitam habes, iustamque & legitimam esse cognoscis, reticenda non est: ut non tantum tibi ipsi satisfacias, sed omnibus planum fiat, te & statum controuersiae recte intellexisse, & animum tuum ad normam regulamque certam direxisse. Aequiore etiam animo, qui damnatus est, feret tuam sententiam, cum condemnationis sui intellexerit legitimam causam. Qua ignorata, facile homines impelluntur ad prouocationes usitatas, ab inferiore ad superiorē iudicem. Iudices rerum ecclesiasticarum, nunquam (quod quidem sciam) causas, nisi de scripto lata sententia, definire consueuerunt. Quos cur iudices rerum profanarum non imitentur, causa nulla est. Magis enim cogitata & meditata uidentur
 8 ea,

ea, quæ de scripto proferuntur: nec in dubium uocari possunt, quæ scriptis mandata sunt. Scio post iudicis cuiusdam, de causa propè criminosa, sententiam sine scripto dictam, inter litigantes certamen extitisse magnum: dum uterq; pro se uersutia quadam, menti notarij caligines offundere studeret. Notarius uerò uix litigantibus illis, sine offensione utriusque, aut certè alterutrius, satisfecit: imò ne uix quidē. uterq; enim aliquid desiderabat: iudex uerò iam aliò discesserat. Hæc difficultas auferetur, si iudex de scripto dixerit, ac notario scriptam sententiam commiserit. Vidi & illud, cum iudex pro tribunali sententiam pronunciaturus, aliquoties admonitus quædam addiderit, quædam mutauerit. Rectè quidem. Sed quid si monitori id in mentem non uenisset: an iudex in officio non claudicasset? Fluxæ sunt cogitationes humanæ: memoria uacillans, ac in negotiorum infinitate uix sibi constans. Quæ igitur inuenta, excogitata, & cognita sunt, nisi scriptis tanquā custodibus fuerint commissa, facile dilabuntur & diffluunt. Quid quod scriptione ipsa, & literarum quasi exaratione, non tantum memoria confirmatur: sed ipsi scribentes admonentur, ad peruestiganda multa, quæ sola mentis agitatione uix possent odorare? Fugiant, non minus q̃ 9 uenenum, munera iudices. Idq; omnino legibus cauendum esset, ne quid in muneribus acciperent. Corruptunt enim ferè iudicia, qui muneribus leniti sunt: quemadmodum dixit ille,

Munera, crede mihi, placant hominesq; deosq;.

Imò & salaria eis iusta essent constituenda, ne quid ex iudicijs exercendis expectent, quo uel ad condemnandum aliquem iniuste, uel ad absoluendum excitarentur. Commendationes quæ fiunt pro 10 alterutra partium, negligat iudex. Non ab re esset, lege cauere, ne quis audeat commendare iudici causam alterutrius partium: ac ne rex quidem, imò hic minimè omnium: cuius tanta sit authoritas, ut facile moueantur omnes in eam partem, quam sciant regi cordi esse. Est autē peruulgatum prouerbum, cogi inferiorem à superiore, à quo rogetur. Cum autem nullum sit arctius uinculum ad officium debitum præstandum, iureiurando: obligandi sunt eo prius iudices, quam hunc ineant magistratum. Qui prudens ac sciens non rectè iudicium fecerit, qui item aliquid in muneribus acceperit, hic ad regem & totum conuentum delatus, ac iure uictus, & magistratu est amouendus, & iustis poënis usque ad capitis amputationem afficiendus. Sit autem unicuique potestas accusandi talem iudicem. Ne autem ei sit impune, qui uel commendatione uel muneribus iudicis animum corrumpere tentauerit: sit & hunc cuique liberum accersere, uel in capitis iudicium. Exquisitum est illud supplicium, quo Cambyfes Persarum rex Sisamnem Asiæ prioris partis præfectum affecit. Quem cum largi-
tione

tione corruptum iniquè iudicasse cognouisset, pellem de corpore eius detrahi, eamq; in tribunali extendi uoluit. ac in locum occisi, filium eius iudicem suffecit: ea lege atq; omine, ut contemplatione paternæ cutis caueret, ne simile aliquando iudicium subire cogere-
tur. Ita rex barbarus atroci ac noua poena iudicis, ne quis postea
12 corrumpi iudex posset, prouidit. Illud quoq; sanciendum, ut ne-
mo causæ suæ iudex esse audeat. Tres enim in omni iudicio perso-
nas esse conuenit, petitoris, rei, & iudicis. Periniquè itaq; faciunt,
qui causas suas agentes, homines imperio suo subiectos condem-
nant. Non est hæc libertas illa, quæ in ore omnium est: nec iuris æ-
quabilitas, qua stant bene fundatæ Respub. sed seruitus barbarica,
qua dominus fingitur potestatem habere uitæ & mortis seruorum,
damnationis & absolutionis. Hæc seruitus ex Christianorum Re-
buspub. multis Cæsarum legibus explosa est. itaq; si Christiani su-
mus, à nobis quoq; nostrisq; finibus eam expellamus. Omnes cer-
tè homines libertate aliqua gaudere debent: omnes enim ad imagi-
nem Dei conditi sunt, omnes à pecudibus brutis ratione & uolun-
tate secernuntur. Quanto uerò magis Christiani populi, à Christia-
nis dominis numero mancipiorum eximendi? Vno enim precio
empti sunt cum dominis: eorundem Dei mysteriorum participes
sunt. Quanquam ut rerum aliarum, sic libertatis sunt gradus qui-
dam: &, quemadmodum Paulus inquit, stella differt à stella clari-
tate. Quam igitur libertatem colono tuo relinquis? Non est liber
à decumis soluendis, non à uestigalibus & tributis pendendis, non
à laboribus tibi subeundis: nulla illi potestas est petendorum ho-
norum, quam tu habes integram. Quæ igitur libertas reliqua est?
An non ea, quæ in legum ac iudiciorum æqua descriptione consi-
stat? Huius uerò quod nam caput constitues, quàm ut ei ius pote-
stasq; sit te uocandi ad legitimum iudicem? Et coloni, & omnes ple-
bei à nobilibus uulgò pro canibus habentur. Hinc illæ uoces im-
purissimorum hominum: Qui rusticum (sic enim plebeios omnes
uocant, quamuis à rure remotos) necauit, perinde est ac si canē ne-
casset. O uocem excisione linguæ puniendam: quæ quidem uox
ex cædium iniqua æstimatione, & iurium inæqualitate orta est. Si
igitur adimimus colonis ius uocandi dominos ad iudices, adimimus
eis omnem libertatem. Si dominis damus potestatem iudicandi eos
in re sua, tollimus rationem omnem iusti iudicij: quod cum perso-
nas tres requirat, rectum non erit, ubi idem iudex fuerit qui accusa-
tor. Quocirca & coloni, & omnes subditi, à tyrannide huiusmodi
dominorum liberandi sunt. Liceat & domino subditum, & subdi-
to dominum ad iudicem legitimum citare. aliter enim forma iusti
& recti iudicij non seruabitur. Vix enim est aliquis, qui suæ causæ
iudex, non sibi sit æquior quàm reo. Quòd si quis est: tamen cur
iusq;

iulque interest, non tantum iniuriam fugere, sed & suspicionem iniuriae. Qui id negligunt, id consequuntur, quod olim de seruis proditum est, ut quot subditos habeant, tot hostes. At id in praesentia non apparet: utinam uero nunquam detur occasio ut appareat. Sed prudentum est, rebus futuris consulere: & ad dubia Reipub. tempora amicos sibi parare. Iam illa sunt considerata, utrum iudici-
 bus iisdem disceptantibus, omnes causae discernendae sint: an plura
 iudicum genera, pro qualitate tum causarum, tum personarum,
 constituenda: quemadmodum nonnullis in prouincijs alij iudices
 sunt qui priuatorum causas cognoscunt, alij qui publica negotia iu-
 dicant: item alij sunt criminum capitalium, qui etiam poenas consti-
 tuunt alias in nequam homines, alij de urbanis & forensibus rebus
 tractant: rursus alij, qui inter optimates ac praestantes tum genere
 tum ordine uiros, alij inter plebem ius dicunt. Illud item, an plures
 uno iudices eligendi, causarum seu omnium, seu grauiorum, ut qui-
 bus de capite fortunis uel alicuius agatur: an uero unus cum autho-
 ritate sufficiat, cui homines iuris periti, ex quorum sententia iudicet,
 pro assessoribus adiungantur? Ad haec etiam, si sint plures, perpetui
 ne omnes, an unus quasi ordinarius, alij sorte ad certa uel tempora uel
 negotia delecti? Tum etiam, an iidem, an diuersi sint, qui causas tam
 suorum ciuium quam peregrinorum & aduenarum cognoscant? Praete-
 rea multitudne iudicium constituta, an singulos de re qualibet, uoce
 sententiam ferre necesse sit, an quibusdam in rebus clam suffragijs de-
 cernere conueniat? Denique, a quibus iudicibus prouocare liceat, a
 quibus non? Postremo, iudici a quo prouocatio facta sit, an senten-
 tia quam tulit coram iudice qui appellatus est, tuenda sit, nec ne? Haec
 inquam, & similia consideranda, ac de eis diligenti consultatione decer-
 nendum. Considerationis est & illud, an iudici praeter partium poposi-
 ta & responsa, liceat aliunde ueritatem inuestigare. Sepe enim causae iu-
 stitiae aut in occulto latet, aut opprimitur alterutrius partium uel er-
 rore, uel cauillationibus, iudici quidem cognitae & perspectae. Quas
 si iudici explicare fas esset, facile indicaretur uia perueniendi ad re-
 ctam sententiam. Sin propositis tantum & responsis partium niti
 ei necesse sit, sententiam quoque iniquam sciens prudensque sepe ferat
 necesse est. Memorabile est iudicium Salomonis, regis Iudaeo-
 rum sapientissimi, quod de uiuo puero inter mulieres duas exercuit.
 nam cum utraque contenderet suum esse, neutra autem probare pos-
 set intentionem suam, simulauit se in partes duas scissurum, ac inter
 illas partiturum. Cumque altera mulierum annueret, altera renueret:
 atque haec sua parte libenter se cessuram alteri, modo ne puer secaretur,
 diceret: agnouit Salomon uerum maternam uocem, scissionem
 renuens, eoque uiuum puerum adiudicauit. Multae in causis existere
 solent cauillationes, excogitatae astutiae & malitia partium in suam
 ipso-

ipforum pernitiē mutuò incumbētium. Quibus nisi occurratur, lādi iustitiā necesse sit. Itaq; prudentis est, opinor, iudicis, detegere omnia quę iustitiā uel promouere uel impedire queant. Neq; uerò alterutrius partium studiosus, sed iustitię patronus esse uidebitur, si ex æquo utriq; consulens, omnia explicauerit quę faciant ad iustitiā, sine ullius personę respectu, obtinendam & adipiscendam. Ac iudicium quidem illud Salomonis, etiamsi præter partium proposita, non tamen sine ratione factum est. est enim ex suspicione & coniectura minimè leui profectum. Imò uerò tantum argumēti ac rationis habet, ut omnes rectē sentientes illud approbare cogantur. Fit eius mentio & in sacra historia, & in Decretalibus epistolis, de præsumptionibus. c. Afferte. Cæterum ubi coniecturę nullę sint, nullaq; ratio appareat, sed iudex tamen pro certo nouit rem aliter se habere quā ab alterutra partiū probatū est, aiunt ei iudici, qui summā in terris habeat potestatem, & à quo ad neminem prouocatio sit, pro causę ueritate sibi comperta, sententiam ferre licere, cuius scilicet rationē soli Deo reddere debeat: cæteris non licere. Sed de hoc quoq; est diligentius quærendum.

15 Haud scio an mos ille improbandus sit, iudiciorum rariis exercendorum, lites enim in longum extrahuntur, impensę immodicę fiunt: causę ipsę prorogationibus (quas uulgus limitatiōes uocat) dierum legitimorū, uarijs & innumeris, sæpe magis q̃ rebus ipsis, implicantur, difficillimę & propē inextricabiles redduntur. quo fit, ut à multis, desperatione profectus deferantur. Omnino singulis in municipijs iudices certis in locis pro tribunali sedere semper deberent, ac quādo & quoties opus esset iustitiā omnibus administrare, omnibus potestātē se cōueniendi facere, omnium desideria audire. Magno digni sunt odio isti, qui rerū quamlibet leuium causa, difficiles se in adeundo præbent: causas exactē cognoscere nō curant, iustitiāq; in diem ulteriorem reiiciunt. Non est hoc agere personā iudicis: sed eius qui sibi rebusq; suis consulat, & ad suum

16 emolumentū omnia conferat. Hic de iudicibus generalibus, ad quos ab alijs iudicibus oēs regni ordines prouocare possint, ab illis autē ad neminē alium, dicēdū est, de quibus memini in cōuentibus aliquando agitatū esse: sed res nescio quibus rationibus uel impedita est, uel extracta. Et tamen eam esse & priuatis unuscuiusq; rebus & publicis pernecessariā, ingentiumq; utilitatum plenā, facile ostēdi potest, si iudiciorum, ad quē modū hodie fiunt, incommoda considerentur. Tot em̃ tantęq; causę ad cōuentus uniuersorū deferri solent, ut nec tempus, nec ipsi iudices qui deliguntur, sufficiant cognoscendis omnibus, & dijudicandis. Conuentu enim finito, cū causę sint innumerę iudicandę, earū tractatio in presens omittit̃, & in cōuentus posteriores proferit̃, quo fit, ut multi causas suas uel cōponant,

nant, tametsi iniquis conditionibus: uel prorsus aduersarijs tradāt, more & impensarum ingentium impatientes. Quod si causae tenues essent, leuius id ferendum foret: sed plerunq; grauissimae sunt uel de possessionum terminis, uel de integris haereditatibus, uel de iniurijs minimè ferendis. Iam inter iudices qui in conuentibus de more deliguntur, solēt interdum esse qui non obscurè dictitēt, multas causas esse supra captum cognitionis suae. Cū autem & ratio & aequitas id postulet, ut publicum hoc totius orbis Sarmatici consiliū instructū sit rebus omnibus ad causas omnium & ad negotia pertractanda: certè periniquum fuerit, si qua causa uel cognitorum imperitia claudicet, uel tempore exclusa agi non possit. Optimo igitur iure postulasse putandi sunt, qui quasi decemuiros ex omnibus regni ordinibus legi uoluerint: qui nō tantū per dies comitiales, sed toto anni tempore causis ex omnibus nostris prouincijs ad se delatis, cognoscendis iudicandisq; operam praeberent. Inductus est mos eiusmodi iudiciorum à uiris & legumlatoribus prudentissimis olim in Respub. Graeciae. Erant apud Athenienses Areopagitae, multis praclarissimis iudicijs celeberrimi. Itaq; & deos iudicasse, & dñ primū illud iudiciū exercuisse, à ueteribus perhibentur. Erant & Amphictyones, publicum consilium ex septē Graeciae ciuitatibus conflatum. Horum exemplo iudiciū centuriae in plerisq; Rebuspub. cōstitutae sunt, & ad haec usq; tempora durant: ut totius nationis Germanicae Spirae, quae urbs est ad Rhenum sita: omnis etiam Galliae, Lutetiae, in eo loco quem Parlamenti nomine appellāt. Cur igitur & nos non imitemur Rerumpub. optimè constitutarū exempla? Cur non curemus, ex omnibus ordinibus deligi prudentissimos quosq;, & legum & omnium doctrinarum peritissimos, qui causas ex omnibus nostris prouincijs ad se appellatione delatas iudicarent: quos non tantum doctos, sed multis uirtutibus praeditos esse oporteret, ut & possent & uellent iustitiam unicuiq; administrare: apud quos diuitis & pauperis, nobilis & plebei, ciuis & peregrini, domini & serui discrimen esset nullum, sed qui constantem & perpetuam uoluntatem haberent tribuendi unicuiq; quod suum est: qui non temporibus dispartitis, sed omni tempore totius anni ex lege iudices sederent: qui ex aequo potestatem haberent in omnes populos in eadem Repub. uiuētes: ad quos prouocationes essent ab omnibus magistratibus, ab illis uerò ad aliū neminem. Horum uerò non tantum munus iudicandi esset, sed & reconciliandi discordes, & tumultuantes compescendi, & litium causas praecidendi: ac nisi res aliter componi possint, tum uerò pro tribunali sedendo causas cognoscendi, ac unicuiq; ius suum reddendi. Hac ratione & querelis de iudiciorum prorogatione obuiam (ni fallor) iretur, & causidicorum artibus minimum loci relinqueretur. Via etiam prae-

cluderetur ijs, qui Romam usque uel in certas prouincias cursitent, non raro quidem leuissimis de causis, semper uero iactura maxima cum pecuniae tum morum. omnia enim domi relinquunt neglecta, & amicos, & familiam, & ecclesias, & Rempublicam. Sed sunt qui hoc genus iudicium parum necessarium esse putent, quod res omnes in ijs iudicijs, ubi de more Palatini cum castellanis & reliquis magistratibus congregantur, expediri possint. Verum in multis id genus magistratibus saepe diligentia iudicandi, & multa alia desiderantur. Deinde quia domestici sunt, partim necessitudines, partim offensiones mutuae, animos illorum a uero abducere possunt. Quod non tam facile caderet in eos, qui ex omnibus municipijs, iudicio uniuersi conuentus deligerentur. Alij ab eiusmodi iudicibus propterea abhorrent, quod periculosum uideatur tales iudices perpetuos esse, qui in omnes partes securi aliorum iudicia non timerent. Verum qui ita loquuntur, non tam rem ipsam de qua diximus improbare, quam abusum metuere uidentur. Negari enim non potest, multas multorum hominum causas de conuentu in conuentum reiectas, desperatione quadam & sumptuum magnitudine desertas esse: quae si iudicia centumuiralia, eaque perpetua exercerentur, & sumptu minore, & tempore breuiore expedirentur. Deinde & illud constat, quemadmodum Reip. interest artifices rerum omnium certos & probatos esse, qui artis suae opera faciant: ita eidem conducere, ut sint certi quidam, qui studium iudicandi profiteantur, ad quos prouocari a iudicibus alijs omnibus possit. Quorum si uel tyrannis metuit, uel perpetua in hoc officio mansio suspecta habetur, sint sane temporarii. Sit in illos iam ex centurijs iudicium exactos, potestas animaduertendi. Id enim olim Romae usitatum fuit, ut quamuis omnis potestas sacrosancta esset: tamen abeuntibus magistratu actio iniuriarum, maleque obiti officij intendi posset. Cuius rei metu continebantur in officio magistratum gerentes: uiam uirtutis deferere non audebant: nec in tyrannidem facile prolabi poterant. Igitur si non placeat iudices hos perpetuos esse, sint ad tempus trium aut quatuor annorum. Quorum si quae uitia timentur, non minus & aliorum cuiusvis generis timenda sunt. Vix aliquis inter iudices in conuentu uniuersorum assumitur, qui non iisdem uitijs laboret, quibus isti de quibus agimus laborare possent. Ergo si hi reijciuntur, & illi in totum reijciendi essent. Quod si metuimus tyrannidem iudicum, si perpetui constituerentur: tollamus igitur magistratus omnes perpetuos e Repub. a quibus non minor quam a iudicibus tyrannis metuenda est. Quin ergo abusui, quantum licet, occurramus: rem autem necessariam & salutarem amplectamur? Mihi quidem tyrannidi occurrere posse uidetur, si non iij deligantur qui ambiant, qui ue impotenter se in rebus alijs gerere uisi sint. Ac ne quid loci sit aliquibus inuadendi hoc munus,

munus, non abs re uideretur, ut sorte primū eligerentur ij qui postea iudicio eligerent iudices, quos optimos & prudentissimos esse putarent. Qui cōtempto hoc iudicum genere, à rege uolunt singulas causas cognosci, nō secus faciunt, quā si ingenti numero hominum ægrotantium, uellent aliquem unū medicū præficere, peritissimum quidem illū: sed cum ille omnibus operā dare non posset, mallent maximam illorum ægrotantiū partem perire, quā ut ille impertiret doctrinam & rationem medendi alijs, qui uicem suam implerent hominibus curandis, & ad sanitatem restituēdis. Videmus regem nullo modo sufficere posse tot, tantis que causis cognoscendis. Videmus multos, priusquam causæ suæ à rege cognoscantur, opprimi uarijs modis ab aduersarijs, confici tædio, gladio, uel alio mortis genere perire. Quæ igitur, malum, uesania est, cum regem alijs rebus occupatissimum, tot causis iudicandis præesse minimè posse uideamus, ut non id curemus, quò ille hanc prouinciā alijs mandet? atq; tales iudicum decurias constituat, qui finē imponent controuersijs? Eligerentur autē ex omnibus ordinibus in has decurias: siquidē omnes ordines iudicare deberent. De numero eiusmodi iudicum si quærat, uidentur nouē sufficere tanto muneri: quorum tres essent ordinis ecclesiastici, tres equestris, tres plebis: à quo numero iudiciū uel collegiū nouemuirale uocaretur. Imparē numerū proponimus propterea, quòd in paritate discordantium sententiarū semper aliquis quærendus esset, qui ad alterutrā sententiam se adiungeret: qui tamē ad imparē numerum minimè est necessarius. Nam etiamsi discordes essent iudices, maior numerus uinceret minorē. Conficiendū autē diximus hunc numerū ex ordinibus omnibus ideo, ut quisq; ternarius sui ordinis homines iudicaret. Nihil tamē impediret, quò minus singuli ternarij iudicādis suis hominib. alijs ternarijs uterent pro assessorib. ac consultoribus. Nā etsi iura & leges uariæ sunt, ex quibus iudicent ordines illi: tamē similitudine multa ex unis legib. in alias transferri possunt. Optandū autē est, ut unę leges scriberent omnib. populis, qui uni principi subiecti sunt quēadmodū mēbra corporis unius eodē spiritu uegetant, mouent, & gubernantur. Cuius rei efficiendæ magna haud dubiè occasio preberetur his nouē uiris, qui unā semper essent, de rebusq; & causis omnib. inter se cōmunicarēt. Multa incōmoda accidunt ex prorogationibus iudicialibus usitatis. Sedeant igitur iudices generales perpetuò ad ius dicendum: nullo quidem die excepto, nisi ijs qui in iudicijs ecclesiasticis pro ferijs habentur, ut sunt dies festi omnes, & nonnulli profesti: nec non tempus messis, quod à festo Margaretæ ad festū Bartholemæi extendit. In hunc numerū tempora belli & conuentus includēda uident. Tempus cognoscendi & finiendi unāquamq; causam, quæ ad hos iudices perferret, tri-

mestre esset. Vnus mensis toti causæ cognoscendæ daretur: altero mense de sententia deliberaretur: tertio ferretur eadem, quam de scripto recitari par esset. Neq̃ enim scribæ, nec partibus ulla esset dubitatio, de sententia scriptis mandata: cum quidē de ijs quæ sine scripto feruntur, solent esse non modicę partium altercationes. Ne autem partes quæ litigarent, sumptibus iudicialibus onerarentur, mediocre aliquod precium cōstituendū esset, seu pro scriptura, seu pro operis iudiciū: ultra quod preciū nefas esset plus exigere. Potestas horum iudicum esset, cognoscendi, iudicandi, & sine debito terminandi causas omnes ad se perlatas, sine ulteriori prouocatione. Itaq̃ à sententijs eorum prouocari nemini liceret, nisi fortè res noua esset, & inaudita: nec unquam in iudicio uersata, nec legibus comprehensa. Tum enim iudices ad regem & conuentū uniuerſorum appellare permetterent, causamq̃ partiū propositis & responsis unā conscriptis, remitterent. Sententia autē de causa eiusmodi à rege lata, iudicibus deinceps pro lege esset, ad causas similes iudicandas. Sedes ac domicilia iudicum de quibus agimus, collocarentur in aliquo loco salubri, & rebus necessarijs abundanti: ac in primis qui equaliter, quantū fieri posset, à municipijs ac prouincijs omnibus Sarmaticis distaret: qualis uel Cracouia, uel Petricouia esse uidetur. Aedes singulis propriæ curarentur: coniunctæ illæ quidem & continentes, ut solent esse collegiorum. Haberent aedes illæ ipse, commoditates omnes pro ipsis iudicibus, & eorū scribis: pro uxoribus item eorū (siquidē essent mariti) liberis, ac omni familia. In loco medio, qui inter aedes illas esset tanquam insula, templum ædificaretur, ubi iudices cum suis omnibus rei diuinæ uacarent: suasq̃ actiones Deo immortali commendarent, à quo est rectū iudicium, & bona omnia. Proximè templum esset curia, in qua iudices ius dicerent, ac iudicia exercerent. Quoniam autē nemo militat stipendijs suis, dignusq̃ est operarius mercede sua, Reipub. interest, consulere necessitatibus iudiciū generalium. Primum igitur singulis in uicinia darentur pagi singuli, ubi pro tempore rusticaretur, hortos & agros colerent: eaq̃ tanquam in promptuarijs haberent, quæ ad uictū essent necessaria. Si pagi eiusmodi aliunde haberi non possent, à ditioribus uel Abbatibus uel Episcopis petendi essent. Sin minus impetrarentur à præsentibus, facile ab ijs obtinebuntur qui in horum loca proximi successuri sunt: siquidē sacerdotio nō prius ornentur, quàm fidē faciant, se id Reip. causa donaturos esse. Quanta autem iisdem iudicibus pecunia annua danda, & unde cōquirenda sit, in tertio libro dicemus. Quoniam autem ambitiosorum & fucorū magnus est ubiq̃ numerus, ne cōmoditates quas diximus, aliquos allicerent ad petendum hoc munus iudicandi, danda esset potestas iudicibus à conuentu electis, ut ipsi deinceps suo iudicio

in locum demortuorum alios sufficerent & eligerent: ea quidem fide, quam iureiurando dedissent, cum in hoc collegiū iudicum allegarentur. Quam electionem uel conuentus, uel si eius tempus procul abesset, rex sua autoritate confirmaret: electumq; ac confirmatum iureiurando, ad modum suprà expositū constringeret. Ac ne ob eius absentiam iudicia negligentius fierent, ad iudices alios continuo remitteret. Est autem hoc pernecessarium, ut quemadmodum alij artifices melius de arte sua, quàm eius imperiti, existiment: ita iudices, eos sibi collegas asciscant, quorum industriam, peritiam & probitatē in iudicijs perspexissent. Aliter ambitioni occasio non præcideretur: eoq; tandem ueniretur, ut quemadmodū sit in sacerdotijs, ita in hoc honore multorum prelationes uideremus: hiq; quorum potestas esset, non quos idoneos putarent, sed uel quibus fauerent, uel à quibus maximè ambitu essent, eos iudices facerent: ueniretq; hoc munus pedetentim ad homines malos, iudicandi imperitos, & ignauos. quod quam perniciem afferret Reip. ex ijs estimare licet, qui honoribus titulotenus gaudent.

CAPUT XVI.

De conuentibus uniuersorum.



VDICIIS rectè constitutis, conuentus breuiores essent: quos tamen ipsos omni anno haberi necesse foret. primū ad inspicienda regni, si quæ emergerunt, uulnera: & ad medicinam eis faciendam. Deinde, propter oratores externos, qui à suis principibus ferè in conuentus solent mitti. Ad hæc, ad uoluntatum exterorum populorū erga nos disquisitionem: tuta ne sint nobis ab illis omnia: an uerò aliquid ab illis metuendum: num quid difficultatum aut damnorum nobis sit ab illis illatum: Bellum num contra aliquem decernendum: an rationibus alijs occurrendū hosti: Num aliquod tributum Reip. causa sit imperandum: Sunt & illa, quæ extra conuentum uix tractari possunt, iudicia famæ ac honoris, quæ in omnibus Rebuspub. ac regibus reseruata sunt, magistratuū quorundā distributio: rationum fisci examē, & reliquæ summæ inspectio: ut inde cōjceret, nū sit necesse aliquam pecuniam contribui. Verū constitutis iudicibus generalibus, conuentus multo breuiores essent: una & altera hebdomada sufficeret conuentui. Ad quem oratores municipales tanto numero, ut solent, uenire minimè necesse esset. Et qui uenirent, eos aliquid à fisco accipere, ualde incōmodū Reipublicæ. Quāta em̄ summa illis sumptuū nomine numerari solet: Quæ si in militē, aut edificiā, resq; necessarias cōferret, nō malè cōsuleretur. Reip. Facerēt & ipsi de suo sumptus reip. causa, à qua bonis & priuilegijs multis sint aucti,

aucti, & ornati. Multi procerū conuentus tempore multos florenorum millenarios exponere solent, utpote conuentibus extractis in multas hebdomadas. hos sumptus in alias Reip. necessitates conferre, pulchrum & utile esset. Sed de conuentus rationibus hactenus: ad iudicia redeamus.

CAPUT XVII.

1. De accusatoribus & defensoribus, tum suas causas agentibus: 2. tum publicas. 3. De censoribus. 4. De causidicis.



I

TRA personā iudicis duae in iudicio personae necessario requiruntur, accusatoris & defensoris. Vterque rem simplicissime exponere debet. Si quid per alterutrum falsò ac per calumniā, decipiendi uel iudicis uel aduersarij causa, expositum dictum uel fuerit, id nec diu latere potest, nec impunè erit.

Est enim Deus ille iudex æquissimus, & oculatissimus, omne puniens mendaciū, nulli parcens iniquitati. Multi tum petitorū, tum reorū, utuntur procemijs ad rē, qua de agatur, nihil pertinentibus. Recensent sua suorumque maiorū merita in Rempub. quae si sint minus illustria, cōmemorant ea quae aliquis unquā suorū gentilium, quamuis sanguine à se remotorum, praestitisset uel principi, uel ipsi Reipub. atque ut id pudore fiat minore, saepe per alios id curant suae causae actores, qui illis ornamenta ac triumphos gentilicios uel per uim applicent: ex quibus tandē acutè argumententur, puniendum esse illum qui accusetur, seuerissime, si quidem partes accusatoris agunt: uel absoluendum, si defensoris. Non rarò accidit, ut audientis eiusmodi cantilenis,

Polloni tollant equites peditesque cachinnum.

Cū autem tales praefationes ad rem institutā faciant nihil: sed uel emerendi fauoris iudicis, eiusque mentis à ueri cognitione auertēde, uel aduersarij opprimēdi causa, aut certè ad tempus extrahendum, iudiciumque frustrandū adhibeātur: tollendae sunt è medio, & à foro iustitiae propulsandae, uocēque praconis (quod olim iussu Areopagitarum Athenis factū est) interdicens: ac partibus ipsis imperandum, ut de re ipsa loquantur apertè & simpliciter, sine fuco omni, omniisque fallacia. Omnino iudicis est, sine amore ac miseratione, sine ira, odio, inuidia, sine pertinacia de rebus purè & nudè propositis, ex suis ipsarū rationibus ac argumentis, non ex personarū, nec meritorū aut demeritorū alicuius respectu iudicare. Sedet enim, non ut cupiditati alicuius obtemperet, sed ut reddat unicuique ius suum. Olim datis clepsydris, praescribebatur partibus tēpus ad dicendū: ne longitudine orationis abuterentur, ad offundendas iudici tenebras. Verū iustissimū fuerit, lege cauere, ne cui de re sua dicenti, extra rē egredi, neu praesidijs aliunde accersitis uti liceat. Facetè admodum

modū à Martiali notantur, qui uel exordijs, uel perorationibus illis delectantur, ad rem nihil spectantibus, hoc epigrammate:

*Non de ui, neq; cade, nec ueneno,
Sed lis est mihi de tribus capellis:
Vicini queror has abesse furto.
Hoc iudex sibi postulat probari.
Tu Cannas, & Cithridaticumq; bellum,
Et periuria Punici furoris,
Et Syllas, Mariosq; Mutiosq;
Magna uoce sonas, manuq; tota.
Iam dic Posthume de tribus capellis.*

Mart. lib. 6.

Petitoris est, actionis, qua utatur in reum, nomen disertè exponere: rei etiā, exceptionis caput apertè declarare. Hoc enim pretermisso, uersabitur uterq; tanquā in tenebris: nebulaeque iudici offundentur, ignaro quid in iudicando sequi debeat. Illud etiam minimè ferendum est in accusatoribus, defensoribusque, ut magna hominum frequentia stipati, aut etiam armis accincti, ueniant in iudiciū. Quorsum enim & cateruæ eiusmodi & arma pertinere intelligenda, quā ad metum incutiendum & iudici, & aduersario? Audiui magnum quendam, & iudiciorum expertum uirum, cum narraret, inter potentes & infime sortis homines nullum eiusmodi iudiciū longissimo iam interuallo celebratum esse, in quo potens quamuis nocens condemnaretur: concordia causas tales ferè expediri, ut ad potentem lucri aliquid perueniat, uel summa aduersarij iniuria. Sin causa potentem cadere contingat, tunc tam iudici quā aduersario insidias strui, & pericula intentari. Ergo omnes cateruæ, omnia arma, à subsellijs iudicum amoueantur. Soli adueniant, inter quos res agitur, ad eum locum, ubi respectus nullus est personarum. Decet enim iudicem, maiestate sui magistratus, ac legibus ipsis, ab omni uitectum esse: quo liberius de re omni sententiam ferat, iustitiæ congruentem. Decet, conditioni hominum quamuis tenuium contra periculosissimas omnium potentias consulere ac prouidere: decet omnes ad iudicem uenire, tanquam ad tutorem iustitiæ, atque ad eū qui ius dubium explicet, peruersisque hominum affectionibus modum imponat. Non minus necessarium, ut in eos qui in Rempu-² blicā uel honoribus obtinendis, uel facinoribus alijs perpetrandis aliquid commisissent, publicè accusatores constituentur. Etsi enim iure optimo omnes ad publicas accusationes admittēdi sunt, quòd crimen & iniuria ad omnes pertineat: tamen quia & nomen accusatoris sustinere graue sit, & officio fungi multo grauius: minore inuidia laborabunt, quibus hæc persona à Rep. erit imposita. Idem de defensoribus sentiendum, ut constituentur qui reorū causas tueantur. Qui reus, non est earum facultatū, ut soluere possit aduocato,

s

qui

qui se tueatur, huic Respub. curet eiusmodi patronum suo sumptu: ne quis ob inopiam uel sua imperitia, uel iudicis errore, minus iuste condemnetur. Curent autem tam accusatores quam defensores, ut se strenuos gerant muneribus suis exequendis. Tam enim interest Reipub. fontes puniri, quam infantes absolui. Sola accusantem niti ueritate, honestum est: conuictis autem & maledictis indulgere, turpe & inhumanum. Romae quidem honorificum sibi putabant uiri principes, tam accusare ciues noxios, quam defendere innoxios. Et certe magnificum est in primis, omnibusque tum priuatis, tum qui in magistratibus sunt, gloriosum, eum a quo nulla priuatim iniuria laesus sis accusare: eum etiam defendere, a quo commodi nihil expectes: sed solius Reipub. causa illum adducere in iudicium, hunc periculo liberare. Itaque M. Cicero Verrē accusauit: defendit Sestium, Murānam, & alios per multos. Idem fecisse C. Iulium Cæsarem, illum Romanae monarchiae primum conditorem, Cic. testatur. Cato iunior tribunus plebis, cum iureiurando professus esset, se ei quicumque largitione adipisceretur magistratum, diem dicturum esse, accusauit L. Murānam cōsulem designatum ambitus, quod per largitionem obtinuisset. Sed Murāna M. Cicerone defendente absolutus, tantum abest ut se inimicum Catoni praeberet, ut & in consulatu omnia ex eius sententia gereret, & in reliqua uita illum obseruaret. Vidit nimirum Murāna, Catonem non animo inimico, sed Reipub. studioso, ad accusandum descendisse. Itaque uir bonus, eiusque cuius accusabatur criminis minimè sibi conscius, nihil de beneuolentia in Catonem sua remisit: sed magis etiam se illi debere prae se tulit, quod Reipub. causa contra omnes qui eam laesisse putarentur, acerrimè pugnaret.

3 Nec incommodum esset, si quemadmodum Romae olim, & in Graecis Rebuspub. apud nos quoque Censores uel Nomophylaces constituerentur: quorum munus esset, non tantum mutas legum literas obseruare, sed corruptoribus contrauenire, uimque & dignitatē earum tueri: ac eis ita cōsulare, ne aut desuetudine abrogentur, aut temeritate & audacia alicuius uiolentur. Ad hæc etiam, facta hominum, quod in primo libro tradidimus, notare, ad legesque reuocare: atque accusatores, quid facto opus esset, admonere. ita inuidia inter multos partita, magis tolerabilis foret.

4 Si leges ea breuitate & perspicuitate conscriberentur, ut facile disci, & a quouis intelligi possent: certè illud quoque fieret, ut multi causas suas iudici exponerent, neque necesse haberent causidicorum opera uti: qui profecto suis fucis causas sæpe intricatiores reddunt, & in multos annos extrahunt. sic enim ex fortunis clientum suorum ditescere didicerunt. Itaque interest Reipublicae, iuratos causidicos habere: atque precia constitui, ultra quae nihil a cliente illis petere liceat.

Rectè

CAPUT XVIII.

Executores sententiæ à iudice lata: & hic de carnifice.

ECCE illud constitutum est, ut de quo à iudicibus sententia lata est, id alij magistratus exequantur. Quo enim minus laborabunt ex inuidia ij qui res ab alijs iudicatas perficient, eo facilius exequutionibus fines imponentur. Nescio an carnificum hic mētio sit facienda. nam & illi ministri iudicū sunt, quorum imperata exequuntur: & nisi illi essent, iudices sententiam suā, ne inanis esset, exequi oporteret. Quod si magistratus in hunc usum gladium gestat, ut nocētes puniat: certē qui carnifici à iudice porrigitur gladius, magistratus putandus est. Non igitur propter eam functionē ex cœtibus aut ecclesia eiiciendus est. Finge enim omnes seu infamia, seu sacrorū interdictione deterritos, carnificum munus fugere: quis tandē facinorosos uel suspendet, uel detruncabit, uel alijs supplicijs afficiet: an ipse iudex: an nemo hominū: omnino ut ne scelera impunita essent, oporteret publicē carnificē constitui. Non igitur munus eius abominandū: neq; ipse fama, consuetudine hominū, aut sacris experts esse debet. Hoc dicendum erat, propter peruersa (ut ego puto) quorundā iudicia, qui non tantum societate ciuili, sed & sacris cœtibus, & mysterijs à Deo institutis, carnifices prohibendos putent: non aliam ob causam, nisi quia iudicum imperata faciant.

CAPUT XIX.

Pœna exigendæ à condemnatis.

OGANTVR autem omnes qui condemnati sunt, iudicatum facere, seu pœna luenda sit capite, seu pecunia, seu quouis modo alio. Nihil enim perniciosius est Reip. q̃ cum quidā potentes pœnas Reip. non pendūt. Video etiā illud multis placere, ut ne quid mulctarū uel ad iudicem, uel ad accusatorem perueniat: sed uel ad partem læsam, uel ad Rempubicā. Sic em̃ nec accusatores intendere alicui actionē, nec iudices aliquē condemnare suorū commodorum causa uidebuntur. Pœnā Reip. debitam nemini remittere fas sit, nec Regi, nec ulli magistratuum: multo minus hominibus priuatis. Quod cum in uniuersum accipiendum sit, tum uerò de homicidijs, adulterijs, uirginū uitiatarū, & id genus scelerū pœna: quæ ut prorsus exigatur, permultū interest Reipublice.

Causa iudicata, multa apud nos impedimēta sunt, quo minus executionibus fines imponantur. Est itaq; regis, in eos animaduvertere, qui iudicatum soluere recusent. Qui si possessionibus careant, uinculis, uerberibus & supplicijs meritis afficiantur. Si fundos & bona habeant, ea (siquidem de recuperatione agatur rerū amissarum)

publicè possideantur à rege: acres iudicata ex ærario soluantur ei, cui debetur. Improbant quidā quod diximus, quasi hæc sit uia ad tyrannidem, quā principes, prætextu defendēdi inopes, facillè possint occupare: uerū si rectè iudico, nō prætextus, nec occasiones inopes defendendi ad hunc modū captantur: sed res iudicatae stabiliuntur, quibus status Reip. maximè continentur. Quorsum enim sententiæ feruntur, decreta interponuntur, si qui damnatus est, iudicatum facere recuset? Quotus autem quisq; damnatorū est, qui non recuset? Vix est aliquis, quamuis iustissimam causam habens, qui ex edicto in possessiones damnati uenire permittatur. nam uel eas adire prohibetur: uel si adeat, altero die exturbatur. Atq; illud oppidò quā ridiculū, etiam regiæ potestati (brachium regale uocant) possessionem ob rem iudicādam capere, uel à uetula uno uerbulo prohiberi posse. Et duplicantur quidem à iudice, aut etiā triplicantur mulctæ exturbatoribus: uerū haud scio, an qui eas unquam dependerrint. Iniuriam uerò passi, non tantum de fortunis, sed de capite periclitari coguntur: nec domi nec foris tuti esse possunt ab illis, qui intulerunt. Multis ista uadia (sic enim mulctas uocant) duplicata, triplicata, seu etiam decuplicata, magis ad iustitiam extrahendam quā promouendā excogitata uidentur. Multi summa uoluntate duplicationibus istis caruissent, si modò ius suum recuperassent: sed res iudicata sæpe hæret in salebra.

CAPUT XX.

1. *Leges à quibus emendandæ. 2. Methodus earum unde sumenda. 3. Scribantur uerbis perspicuis, & rationibus additis. 4. Et de rebus similibus similes. 5. Et unis populis unæ. 6. Plus debet ualere, quā mandata principis.*



ED caput horum omnium est, ut leges emendantur, uiaq; & ratione cōscribantur. Qua de re sæpe actum est in cōuentibus anniuersarijs: sed semper multa desiderata sunt in illis correctionibus. Nō, nulla ex quorundā libidine magis, quā ex æquitate constituebantur: uetera abrogabantur, noua excogitabantur. Hinc fit, ut tot leges, tot constituta sint, ut nullius industria aut memoria sufficiat omnibus complectendis. Neq; tamen ea diuturna sunt: pleraq; anno uertente in nihilum uertuntur, iudicibusq; magnam afferunt dubitationem, ignaris quid iudicando potissimum debeant sequi. His adde mandata principis, in cuius gratiam data: quæ & ipsa distrahunt iudicis animum, quasi in biuio hærentem, qua uia ad sententiam ferendam sit ingrediendum, & an mandatis an constitutis magis obtemperandum. His rebus occurrī non potest, nisi ratio alia inita fuerit legum figendarū. Qua de re multa mihi cogitanti, nihil magis commodū Reipub. uisum est, quā

quàm si ex omnibus ordinibus peritissimi quique deligantur: non
 ita tantum qui iudiciorum formas & cautiones, quicquid leges & consue-
 tudines patrias cognitae habeant: sed qui legum aliarum sint periti,
 ut Pontificiarum, Romanarum, & gentium aliarum: qui & historias
 omnium aetatum, & philosophorum de moribus ac legibus dispu-
 tationes, & sacrorum Bibliorum sanctiones habeant perspectas: qui
 exterarum nationum mores uiderint, & urbes: denique qui sint ab om-
 ni eruditione liberali quam paratissimi. Tales enim fuisse ueteres
 & Legislatores, & Iurisperitos, qui & Graecis & Romanis leges
 conscripserunt, monumenta illorum testantur. Itaque & leges re-
 cte & ordine scripserunt, & eas posteritati longum uicturas com-
 mendarunt. Certè aut ab hominibus eiusmodi aliquid constituetur
 ad perpetuitatem, aut à nemine alio. Quid enim certi & diu duratu-
 ri potest ab istis constitui, qui magis in rei familiaris cura, & fortè e-
 tiam non nihil in foro uersati sint: earum uero artium, quae fontes
 legum & omnis aequitatis continent, sint ignari? res ipsa saepius iam
 declarauit. Igitur, si placet, liberemus hac legum emendandarum cu-
 ra, ferè quotannis redeunte, homines equites: eisquae res bellicas, tan-
 quam materiã quam tractent, & in qua se exerceant, relinquamus. pro-
 uinciã uero legalẽ omnẽ, iurisperitis, philosophis, historicis demus:
 hominibus maiore, ut par est, iudicio, mitioribus, & minus pertur-
 batis affectibus, quam reliquum hominum genus: ut ueri simile sit,
 & prudentius, & minore, aut certè nullo personarum respectu eos
 Reipub. consulturos: meliusquae in re omni equitatem perspecturos,
 quam eos qui in luce hominum uiuentes, plus uel temporibus, uel
 amicis, uel affectionibus priuatis inferuire consueuerunt. Multi dã-
 nant Vlpiani sententiam, qua scripsit, principem legibus solutum
 esse: quae etsi commodum sensum habeat, ut infra ostendemus, tamẽ
 quia Vlpianus pro tutore habitus est ab Alexandro Seuero impe-
 ratore, putant eum magis gratiae causa quam ex ueritate ita scripsis-
 se. Sed de hoc uiderint, quibus haec sunt magis perspecta. Tamen si
 uix putem, sensum dicti illius germanum ex paucis Iuriscōsulti uer-
 bis elici posse: cum quidem integra iurisperitorum temporis illius
 scripta desiderẽtur. Quod si à talibus legumlatoribus metuendum
 esset: principes etiã multis affectibus saepe impediuntur, quo minus
 uideant quod rectum sit: de quorum nescio quo proditum est,

— *Fixit leges precio, atque refixit:*

haud sciam cui melius committatur tractatio legum, quam quibus di-
 xi, hominibus in omni doctrinae genere uersatis, ab ambitione & au-
 ra populari alienis. Addamus, si uidetur, ad illos, eos quoque qui in
 foro sint multum uersati. Est enim horum quoque artificum haec
 tractatio propria, in qua ingenium & artes poterunt exercere suas.
 Aliqui iurisperiti aut legislatores memorantur, qui leges cōposue-
 rint

Aelius Lam-
 pridius in Ale-
 xandro Seuero.

rint principibus cōmodas, populis subiectis incommodas: nonnulli metu, alij spe, alij amore, quidā alijs affectionibus impulsī: quales & hi fuisse uidentur, qui odio plebeiorum multa indulserunt ordini equestri. Et tamen leges oēs receptæ sunt ab hominibus partim stultis, partim meticulosis, aut alijs & alijs cupiditatibus concitatis. Sed uulgus imperitum & imbelles, facile impelli cogique potest ad omnia perferenda. His rebus omnibus prudētis est legislatoris occurrere, ne quid cōmittat legibus ferendis, quod bono & æquo repugnet. Non licet illi partiū esse studioso, qui toti Reip. cōsultat. Decet eum omnibus perturbationibus uacūū esse, qui ad solam æquitatis normam omnes leges dirigere debet. nō enim est locus nec bonis consilijs, nec æquitati, cum animum prauæ ac distortę affectiones occuparunt.

² Neque illud dubitandū est, multa ex legibus Romanis mutuanda esse: imō uerō si quid solidi & constantis efficiendum est, uia & ratio, quam Græci methodum uocant, tota ab eis sumenda est. Neque ego ignoro, multa in iure Romano desiderari à multis. Iustinianus imperator breuitatem desiderabat: ideo ueterū iurisperitorū iustis uoluminibus (ut ferunt) exustis, in cōpendium ius redigi curauit. uetuit etiā, ne quis præter breuiaria & epitomas, in leges aliquid scriberet. Alij alia desiderāt: ideo & Saxones, & Frisij, & alij Germaniæ populi, quāuis Romano imperio subiecti sint, legibus municipalibus magna ex parte uiuunt. Hodie tanta est turba cōmentariorū, quæ ius magis confundant quā explicent, ut nō immeritō cōpendiū legū aliquod à multis prudentibus requiratur. Et tamen si quis ad leges suæ Reip. scribēdas animum adijceret, hic certe legibus Romanis multum iuuaretur, multa enim in eis extant ueterum iurisprudentum & imperatorum prudentissimè consulta & decreta. Erant uiri illi perquā diligentes, & ab omni liberali eruditione, etiam usu ipso paratissimi. sed quæ scripta ab illis, manibus studiosorum teruntur, ea integra non sunt. Itaque in eis apparet tum legū quarundā pugnantiā, tum aliquando eiusdem rei eodem in loco inutilis repetitio. Cæterum methodus legū haud scio unde melior, quā ex Romanis legibus petenda sit. Multa incommoda sequuntur doctrinæ incertitudinem. Igitur ex Romanis legibus sumenda est uia & ratio legū tradendarū. Hæc autē & in scholis doceatur, & in foro usurpetur: Cōmentariorū immensitas abijciatur: simplex & aperta ratio æquitatis aperiatur. Hinc sequetur iudiciorum certa obseruatio: difficultates multæ uitabuntur. Scribantur autem leges uerbis perspicuis, quæ minimè cauillationibus sint expositæ: & de similibus rebus, similes: & unis populis, unæ: rationesque aliquæ addantur, legis æquitatem indicantes. Obscuritas enim illa uocū, multos nobis peperit interpretes, simulque ansas dedit uarias litigiorum. Est in nostris legibus scriptum, ut si quis alicui graue

graue dixerit conuiciū, ac **S T A T I M** quod dixit non recantauerit, luat poenam marcarum sexaginta, simul' que palinodiam canat. Vocatur quispiam in iudiciū, qui conuiciū factum **S T A T I M** non recantauerit, ille apud iudicem recantat, ac uoculam **S T A T I M** de illo instanti, quo ad iudicem uocatus, se ad primam diem stitit, intelligendam dicit. Peruertere hoc quidem est, non interpretari. Certè mens legislatoris erat, ut uel subito, uel eodem in colloquio conuicia recantarentur. Talia enim uidentur uel lapsu linguæ, uel subita quadam animi concitatione, non studio obtrectandi, nec de industria dicta: ideo legislator uenia digna putauit. quemadmodum & Mimus dixit, Ignoscere humanum esse, ubi pudet, cui ignoscitur: & Iulius Paulus iurisconsultus reliquit scriptum, Quicquid calore iracundiæ uel fiat, uel dicatur, non prius ratum esse, quàm si perseverantiâ apparuerit iudiciū animi fuisse. An uerò tibi uideatur noluisse inquinare famam tuam, qui conuicio hodie in te iactato, canere palinodiam sponte non uoluit, nisi in ius uocatus? an statim retractauit dicta sua, qui anno expleto retractauit? Fieri enim potest, ut nō prius eius rei iudiciū quàm anno exacto exerceatur. Atque illud mihi admirari subit, tam ineptam interpretationē uulgò à iudicibus in causis iudicandis recipi: cum tamen & cum æquitate pugnet, ut iam ostensum est: & sermonis natura minimè ferat, ut particula **S T A T I M** ad illum sensum quem dicunt retorqueatur. Est qui ita imperet seruo suo: Confecto negotio quod tibi imperaui, **S T A T I M** redibis ad me. Quis seruorum tam est ineptus, ut illud **S T A T I M** interpretetur, cum à domino noua mādāta de redeundo accepero? Nullus opinor, nisi qui uel sit mentis inops, uel mandatum domini plano & dilucido sermone datum, calumniā & malitia ludificari uelit. Facebant igitur à foro eiusmodi calumniæ, & ineptiæ. Legibus etiam breues addantur rationes aliquæ, æquitatem explicantes. Nam & homines cordati libentius illis parebūt, cum ad æquitatem uidebunt compositas: & mali non faciliè eas eludēt maliciosa interpretatione. Sit enim lex, quam dixi, ad hunc modum scripta: Maledici conuiciatores sexaginta marcis mulctantor: nisi fortè dictum, contraria sententiā, sine mora damnarunt. dignus em̄ est uenia, quē statim poenitet facti. neque cogitatū, neque de industria factū scelus uideri debet, cuius palinodiā paulo post canere author nō dubitat. Si igit ad hunc modū legi ratio & causa fuerit adiuncta, certè ea non sinet uel illud **S T A T I M**, uel hoc **S I N E M O R A**, falsa interpretatione corrūpi. Sed sunt, qui existimationi suæ parū cōsultum putent, nisi conuiciū in se iactū, ad iudicē fuerit uel recantatū, uel à cōuiciatore prorsus negatū. Quod nos qdē minimè improbamus. Atque hoc sensu legē illā sic scribendā putaremus, ut qui ad iudicem uocatus non cōtinuò uel neget uel recantet dictū, cuius

m. de reg. iur.
ris. l. Quicquid:

accuse.

accuset, lege conuiciatoris teneat. Quod autē exempli causa diximus de una lege, idē de reliquis intelligi uolumus. Cessarent hac ratione & nocentium reorum, & causidicorum, lites ferentium, impudentes calumniae, haberent etiam iudices, & boni uiri, quo sensum legis uerum defendere possent, ac tueri. Non minus & illud necessarium, ut de rebus similibus similes leges ponant: quod in similitudine eiusmodi, prudentia, bonū consiliū, equitas maximē resplendet: in dissimilitudine temeritas, consilij inopia, iniquitas & iniuria cognoscatur. Est lex apud nos de pretore, seu (ut nos loquimur) sculteto inutili, ordine suo mouendo, deq; eius possessionibus redimendis. Optima lex profectō, & digna quae in Repub. usurpetur. Est enim boni pretoris, ius inter ciues suos dicere, cunctam ciuitatē poenae metu ac praemiorū spe in officio cōtinere: deinde possessionum, quas praeter ceteris habēt ampliores, nomine, moribus nostris, in expeditionē, cum res poscit, ire. Hec qui praetor prestare nō possit, ferēdus certē non est in suo ordine: plus enim Reip. consulendū est, quā priuati hominis cōmoditatibus. Quod si interest Reip. id curare, cur etiam non eadē lex ad reliquos magistratus transferenda est? Omnino ex alijs magistratibus, si indigni sunt qui eos gerūt, plura ad Remp. incōmoda perueniūt, quā ex inutili pretore. Ergo si iste ad eum modū, quem dixi, plectitur, cur non etiam inutiles Episcopi, inutiles Palatini, inutiles Castellani, inutiles Praefecti seu Capitanei, inutiles iudices, inutiles scribae, ordine moueantur: cum quidē uniuscuiusq; istorū indignitas plus noceat Reip. quā plurimum scultetorū. Sed fortē qui legis de scultetis authores erant, domini scultetorū erant: itaq; tulerunt legē qualem uolebant, nempe scultetis formidandam, sibi ipsis minimē. Quid autē tyrannū est agere, si hoc non est: non enim ab eiusmodi legislatoribus Reipub. habita est ratio. Nam qui Rempub. rectē curare uult, & omnes eius partes curare debet, & potiores partes magis curare: ex quibus nimirum bene se habentibus, plus Reip. salus pendeat, quā ex reliquis. Etenim si tu uel in nonnullas tantū animū intendas, uel minores duntaxat, relictis summis, emendes, à re admodum (ut est nostratibus in prouerbio) tenui, rerū maximarū sumis exordium: extremitates corporis, & ueluti crines & ungues repurgare cōtendis: caput uerō ipsum, oculos, & manus, quamuis se malē habeant, incurata relinquis. Videmus hanc legem non unicuiq; reddere ius suū: sed alijs metum incutere, alios in aurē utranq; securos reddere. aut igitur tollenda est, aut ad modū iam dictū amplificāda. Non decet uos, qui gubernatis res humanas, unicum tantū hominum genus ob indignitatē punire: de illoq; solo statuere, quid eos habere, quid non, quem ad finem, & quō usq; liceat: in uos uerō ipsos tanta indulgentia esse, ut etiam si inertissimi, & in uestro officio negligētissimi sitis,

fitis, nemo uos propterea in ordinem redigere possit. Quin si estis Reipub. plus quàm uestrorum commodorū amantes, à uobis ipsis hunc ordinem incipiatis necesse est. Et hæc de lege ipsa, nunc de eius interpretatione. Vulgus dominorum inutile scultetum interpretantur, cuius fundos in suum commodum queant conuertere. Hoc uerò non interpretari est, sed legem bene scriptam cauillari. Profectò enim inutilis putandus est, qui non facit quod sui est muneris: & ex quo nulla utilitas ad rem uel publicam, uel priuatam cuiusuis redundet. Nam si interpretatio illa locum haberet, tunc quidem dominis auaris occasio daretur, subditos, quorum bona occupare uellent, expilandi. Sed illi cauillatores addunt causam suæ interpretationi, quòd se sumptus facere oporteat immodicos & in familiam alendam, & in supellectilem uariam, & in epulas. Quid ni faciant? Atqui mala facienda non sunt, Paulo apostolo teste, ut eueniant bona: nec campanile (ut nostri homines loquuntur) spoliandum est, templi tegendi causa. Cur igitur tu hominibus panem ex faucibus eripis? cur eos ad egestatē redigis? Imò cur causam præbes eis uel ad furta, uel ad alia facinora, propter tuū seu necessariū, seu mentis errore à te fictum, splendorem? Nescis, multos ante te uiros maximos, quorū tu in locum successisti, non minores te sumptus fecisse: nihilominus splendide uixisse, pauperes subleuasse, amicos ditasse, ecclesias locupletasse: & tamen possessionibus suorum subditorū prorsus abstinuisse? Quas cum tu inuitis illis eripis, an putas te inde ditiorē futurum? Imò & indies magis egebis: & breui (nisi resipiscis) maledictionē Dei senties: nec diu sudore alieno fruēris. Omnino Reipub. interest, tales interpretes in ultimas insulas relegare: qui maliciosa & perniciosa interpretatione, multas pestes bonis moribus inferunt. Ibitur autē obuiam peruersis eiusmodi interpretibus, si lege potestas eis erit adempta tū redimendi scultetū suum, tum de eius inutilitate iudicandi. Iudiciū enim omne tres exigit personas: nemoq; suæ causæ iudex esse debet. Igitur eius rei, quemadmodū aliarū, iudiciū omne sit legitimorū iudicium. Inutili porrò sculteto potestas sit, ut uel donet, uel iusto legitimoque precio uendat, nō domino, nec cui ille uelit, sed ei qui ipsimet sculteto idoneus uidebit. Vtile est autē Reip. ordinem hunc conseruare & tueri, tum propter iudicia quæ uel in pagis uel in oppidis exercent, tū propter expeditiones bellicas. His rebus potius consulendū est, quàm licentia dominis permittenda, statuendi de scultetis quod uelint. Curabit igitur legislator, & legē breui addita interpretatione illustrare, propter sycophantas & cauillatores: & de rebus similibus, leges similes scribere. Huic uerò ipsi danda est opera, ut unas leges scribat omnib. his puincijs, quæ unius principis dicto audiētes sint. Nā hoc profectò mōstri simile esse uidet, ut qui in una Rep. uiuūt,

quicq; uni principi obtēperāt, diuersis legibus utantur. Est em̄ Res-
pub. quasi corpus alicuius animantis unū, cuius membra omnia eo-
dē spiritu uegetent, omnes actiones ab uno quodā fonte procedāt:
aut est quasi corpus hoc mysticū Ecclesiæ, uni CHRISTO principi
& capiti suo cōiunctū. Cū igitur unæ leges à CHRISTO præscri-
ptæ sint mēbris omnibus corporis huius quod est Ecclesiā: cur etiā
non eadē leges omnibus populis præscribantur, qui sub eodē prin-
cipe uiuunt? Certē una est ratio iustitiæ, ius suum unicuiq; tribuēs.
Cur igitur non eadē iura sunt, quæ ab iustitia unicuiq; tribuantur?
Cur possessiones, quæ mihi iure Chelmenſi acquiruntur, eadem iu-
re Magdeburgēſi adimuntur? Cur iure Polonico bona fratris mor-
tui sorori superſtiti adimuntur, eadem illa iure Mazouitico adiudi-
cantur? Oportuit homines talium iuriū cōditores, tā diuerſorum,
tamq; discrepantiū, alios natos esse in oriente, alios in occidente so-
le. Tametsi uerē si existimandū sit, simile lumen uerī cognoscēdi &
dijudicandi omnibus hominibus natura inditū est: sed quia nō eo-
dem modo excolitur, ita fit, ut aliq; acutius cernāt alijs. Atq; utinā &
leges Ciuiles & Pontificiæ eadē essent. Cur em̄ illæ, genitis ex duo-
bus fratribus, sororibus ue, matrimoniū contrahere sinunt: istæ, nō
sinunt? Cur illæ, sine consensu parentum matrimoniū inire nō per-
mittunt, istæ permittunt? Cur illæ, uitiantem uirginem non cogūt
ut eam habeat in matrimonio, istæ cogunt? Deniq; cur illæ sermo-
ne præditis, uel sine uerbis, modò cōsensus interueniat, matrimonio
cōiungi permittunt: istæ non permittunt? Hæc em̄, & alia permul-
ta, à Bartholo iurisperito copiose sunt exposita. Omnino ius esse
nequit, quod ab iustitia seiunctum sit, est em̄ iustitia quasi fons, ex
quo iura manant omnia. Cū igitur iustitiæ regulā unā esse opor-
teat, qua equū & iniquū iudicentur: eam autē & perpetuā & cōstan-
tem: sequitur, etiā iura, quæ quidē recta sint, eadē esse oportere. Nisi
fortē uarietas est rerum tanta, ut leges quoq; uarijs in locis distin-
ctas esse oporteat. Verūtamen quantum effici potest, connitendū
est, ut de rebus iisdē eadem prodantur leges. Nam propter legum
diuersitatem, & professores diuersi sunt, & multæ iuris cautiones,
multæq; tergiuersationes natæ: quæ lites infinitas, & multorū an-
6 norū spacijs durantes pepererunt. Cū autē hæc de emēdandis
& condendis legibus erunt perfectæ: tū illud sanciendū, ne quid cō-
tra legem ualere possit, ne mandatum quidem principis. Certē e-
nim Resp. non arbitrio principis, sed ex legum præscripto admini-
stranda est. Tyrannica enim est sententia, qua princeps aliquid con-
tra leges fingitur posse. itaq; tanquā fax quædam, ad nefarias cupi-
ditates principum animos accēdens, extinguenda, & ex Repub. ex-
plodenda est. Illi uerò qui dixerunt, principē legib. solutū esse, ad
perfectum & numeris omnibus absolutū principē respexisse uiden-
tur:

de legibus.
L. princeps.

tur: quem quidē prudentissimū omniū, iustissimum, & optimū esse conuenit. Huic autē tali, lege quid opus esset: qui sponte sua faceret omnia, quæ lex præcipiat: imò uerò talis, uiua lex esset, & exemplū omnibus propositum ad imitandū. Ceterū cū multi principū consēj sibi essent imbecillitatis suæ, dignam uocē esse maiestate regnantis scripserunt, legibus alligatum se principē profiteri: suamq; authoritatē de iuris authoritate pēdere: ac principatū legibus submittere maius esse, quā imperare, duxerunt: atq; quod alijs, id sibi quoq; minimē licere, iudicarunt. Decet igitur, ut & regibus, & omni magistratui præsit lex: quæ se contra animi perturbationes muniant, regulamq; habeant & seipsos & populos gubernandi. Hæc habuimus, quæ de legibus uel ferendis, uel emendandis, de iudicijs item, & rebus ad ea pertinentibus diceremus. Reliqua quæ promissimus, iam exequamur.

*c. de legibus
& constit. L.
digna uox.*

Epilogus.

ANDREAE FRICII MODREVII

COMMENTARIORVM DE REPUBLICA EMENDANDA Liber III. Qui est de Bello.

PRÆFATIO.

Præfatio, querelam continens de statu nostræ Reipub. Primum dicitur, cupiditatibus hominum peruersis & pacem turbari: & causam datam esse tū legibus excogitandis, tum bellis gerendis. Secundo commemoratio additur rerū quarundā, mundi initio usurpatarum. Tertio applicatur ad nostros mores: ubi & de pœna homicidij pecuniaria fit mentio, & de insolentia militum sub tempore belli.



VLTA hominibus data esse adiumenta à Deo opt. max. ad societate hanc inter ipsos ineundam, alendā & conseruandā, res ipsa testatur. Quam quidem societatem si nunquā turbare ac dirimere, siq; perpetuò in hac uitæ, facultatū atq; officiorū communicatione in pace uiuere liberet, haud equidē adeò multa homini deesse putarē ad eam beatitudinē, quæ in

hac mortalitate ab animante mortī obnoxio percipi possit, consequendā. Sed cupiditates hominū insatiabiles, sæuēq; & atroces animorū commotiones efficiūt, ut nec pacē cum dignitate tueri, nec rerū nostrarum eundē semper statū tenere, nec uitas nostras à periculis & discriminibus tutas perpetuò possimus reddere. Et domi quidē, ac intra mœnia quæ inhabitamus, insidiæ multæ struuntur uitæ bonisq; nostris: foris autem, impetimur ab hostibus nostrum sanguinē sitientibus, nostrasq; possessiones occupare uolentibus. Multæ igitur leges conscriptæ sunt, iudiciaq; cōstituta, quibus nos

domi à ciuibus nostris tueremur. artes item bellicæ excogitatæ, arma multa cōparata, quibus hostiū externorū uim propulsaremus.

- 2 Ac principio quidē rerū, quod ex libris Originū mundi apparet, moribus tantū uiuebat, ac patrijs institutis. Nullæ tum leges erāt promulgatæ, nec de rebus repetendis, nec de iniurijs ulciscēdis: bella etiam nulla inter populos gesta. Patria potestas satis erat ad homines uel castigandos, uel ad officium reuocandos. Donec tandem malitia hominum increcente, & in dies magis ac magis quasi exundāte, Deus mortales omnes, paucissimis exceptis, diluuiο perdidit: ac mox à diluuiο, illis qui superstites erant, quicq; parentes mortalium omnium futuri erant, legem de homicidis capite plectendis posuerit: qua & uitis hominum consuleret, & societates eorum inter ipsos fundaret. Deinde multis post annis excitauit Nemrothum, ad regni solennia & curas imperij capeffendas: qui homines uoluntate nolentes, ui in officio contineret. Subsequuta sunt postea bella inter populos & nationes: uiribusq; & lacertis inter exercitus de ijs rebus pugnatū, in quibus rationi & moderatis consilijs nihil loci relictum erat.
- 3 Ac mihi quidē hæc primordia rerum tota mente repetenti, eaq; cum nostræ tempestatis rebus comparanti, subire cogitatio solet animum, quoniam nam modo factum sit, ut cum maiores nostri & inter exterarum nationū multum uersati essent, & sedes ipsas suas non in aliquo orbe seiuncto, sed inter humanas gentes collocassent, multaq; & ab ipsis primis hominibus & à uicinis populis in suam Rempub. accepissent, ipsam tamen legem in homicidas, omnibus nationibus usurpatam, respuerint, aliamq; excogitauerint ab omnium populorum legibus lōgissimè disiunctam? Deinde illud non minorē habet admirationem, quod cum pleriq; homines ratione utentes, in recognoscendis erratis suis poenitētia aliqua ducant: sitq; hæc hominis Christiani laus propria, errata sua emendare, & scelera commissa, quoad eius fieri possit, expiare: nostri tamē homines, in maxima & prorsus coruscante ueritatis luce, errore inueterato delectent: nullas admonitiones quantūuis equas admittere, nullaq; remedia ex diuinis humanisq; legibus sumpta pati uelint. Itaq; sit, ut & homicidia innumera perpetrentur, & infinitæ hominibus imbellibus iniuriæ inferant, & in opinionū peruersitate ac perturbatione disciplinæ uiuat. Et hæc quidē fiunt in pace, dū adhuc nulli motus armorū apparēt, nullaq; belli suspicio increpuit. Vbi uerò uel minima belli fama cœpit surgere, Dī boni, quāta insolētia unā surgit hominū equitū? Ociosis (sic enim eos uocant, qui moribus & lege ad bellū nō proficiscunt, quāuis res curēt momēti magni) ociosis inquā hominib. minitant: bellum indicunt presbyteris: colonis & hominibus suis pecuniā (utinā non maiore quā equū sit) imperant: alienis prædā & cædes denunciant. Que quidem

quidem omnia in ipsa tandē profectiōe cumulatiſſimē praeſtāt: & qui in rebus plerisq; sunt flexibili uoluntate, in hac praeclara profectiōe constantiā & fortitudinē dignam se ipsis exercent: plebē fastidiendo, aliena eripiendo: fruges & pascua, boues & pecudes, uel nullo, uel admodū maligno dato precio, cōsumēdo, atq; ita solo patrio magna ex parte deuastato, ac hominib. uiolatis, exeunt forās in hostē, summa plebis uoluntate, lamētis eos prosequētis: uotaq; ne unquā illis in sua redire liceat, facientis: atq; etiā mutationē rerum aliquā cupidissimē expectantis. Qua enim putatis eū uoluntate fore, qui sit multifariam offensus, in illos, qui paulo minus q̃ hostes, hominibus & rebus eorū uiolandis, se gesserunt? Iam mihi quisq; secū diligenter expendat, quid praeclari ab ijs expectandū sit, qui ita dijs hominibusq; offensis prodituri sunt in hostem? Mihi quidem haec non sine magna sollicitudine dicuntur, intuenti in pericula, quae impendere uident nobis omnibus. Itaq; facere nō possum, quin & cogitationē de ijs suscipiā frequentē: & quemadmodū infimi quicq; ad tempestatē iam iam imminētem auertēdam summis nauarchis, sic ego summis ordinibus consilia ad pericula à nobis propellenda dare ausim. Quod igitur feci de moribus & iudicijs constituendis, idem de bellis gerendis faciendum duxi.

CAPUT I.

Bellum modis omnibus ut auertatur, studendum. Sin minus auerti possit, quid agendum: & pacis tempore quae curanda: & de propugnaculis, in finibus extruendis.



VAE tamen ipsa ne unquam gerere sit necesse, pax cū exteris populis omnib. q̃ maximē colenda est: nec uquā cōmittēdū, ut causam illi habeant ullā, in nos aliquid hostile moliēdi. Si quid fortē iniuriarū ultro citroq; exoriatur, curandū ut illud uel iure, uel bonorū uiroꝝ arbitrio tollatur. Solēt ad eā rem foedera uicini populi & principes inire: qui cū iudicem habeant cōmunē nullū, ipsi sponte sua eligunt urinq; iudices cōtro- uersiarū: idq; uel alienos, uel sibi subiectos: quos ad tēpus iudicij, iureiurādo (quo fortē sibi obstricti sint) soluūt, ut illi liberius ex equo & bono de cūctis negotijs disceptēt. Neq; uerò cū nationib. eiusdē religiōis tātū, sed etiā diuersę, cōfoederatōes eiusmodi licitas esse, sanctorū patrū exemplis pbari potest: ut cū Abraam primū, dein de Isaac, cū Abimelecho foedus fecerunt, illudq; iureiurando cōfirmarūt. Omnino paci cōsulendū est cū omnib. hominibus. Paci in- quā, quae cōstās sit, & duratura, nec quicq; habeat insidiarū. Etenim si quis per pacis speciē aduersum nos paret bellū, cū eo pax uera nō est: sed quo longiores feriae illi à bello cōceduntur, hoc ille & poten- tior & instructior est futurus ad bellum. Ergo per tempus pacis

diligenter aduertendū, quid agant populi cum quibus nobis est aliquid rei: quibus rebus occupati sint, cum quibus hominibus consilia cōmunicēt. Quod si cōsilia & actiones eorū ad bellum spectare uidebuntur, impediendi sunt omnino quibuslibet, modo honestis, rationibus. Itaq; & materia omnis instrumentorū belli ex nostris prouincijs illis interdicator: quod cōmodē fieri potest, si ipsi nos ea opus habere dicamus. Et fines nostri tam milite quā alijs propugnaculis muniantur, quæ res quā deterreat uicinos, præsertim prædæ intentos, à bello, argumento sunt Scythæ: qui cū audiunt militem nostrum in finibus uersari, domi se continent, nec terras nostras infestant. Vetus est uerbū, Occasionē facere fures. Quod ad res alias uerē transferri potest. Etenim malus animus nō ad furta tātū, sed ad res quasq; pessimas facillē impellitur occasione. Omnes igitur occasiones, quoad eius fieri possit, eripiendæ sunt njs, quorum fides & amicitia nobis suspecta est. In primis autē curandū, ut in omnibus finibus arces sint bene ædificatæ: quæ & muniantur, & rebus necessarijs tum ad uictū tum ad hostes repellendos instruantur. Sed cū fines omnes munire cōuenit, tum eos maximē qui ad gentes spectant à Christi religione alienas: præsertim cū hoc Turcis solenne esse uideamus, ut in finibus ditionū suarū arces & propugnacula bello parent: quos quamobrē imitari hac in re non debeamus, causa nulla est. Sunt familiæ quædā nobiles apud nos intantū profeminatæ, ut ægrē ordinē suum tueantur: neq; expeditionibus, propter paupertatē, pro dignitate sufficiant. Atque ex eis qui orti sunt, multi auitē uirtutis memores, artibus bellicis inclarescere uellent, si diuturnū aliquod contingeret bellū. Istis igitur cur quasi coloniae quædā in illis locis non constituuntur: cur modi certi agrorū non assignantur, ubi arces eis extruerentur, quæ receptacula essent per tempus belli militū nostrorū: ex eis tanquā speculis aduētus hostium prospiceretur: primiq; illorū impetus, dū nostris militum manus subsidio uenirent, sustinerent, aut reprimerentur. Profecto si arces eiusmodi aliquot miliarium spacio ab sese ædificarentur multæ, ita ut mox ex una in alteram, quid facto opus esset, significari, atq; à præfectis in unū locū conueniri posset, existimarē præsens & firmissimum propugnaculū hostibus oppositum esse, & obiectum. Nec scio cur locus ille hominibus militaribus non magnopere sit appetendus, ubi campus esset amplissimus uirtutis exercendæ, resq; ad uitā necessarię suppetant. Nam & melle, & pecore, & ferina, & omnis generis frumentis mirandū in modū terræ illæ abundant. Omnino regis est, in locis illis statis temporibus uersari: nā & celebriora sua præsentia redderet, & hostiū impressiōibus minus opportuna. Igit̃ à conuentu deligēdi essent locorū illorū periti, qui propugnaculis huiusmodi loca & agros assignarent, pagorū & oppidorum

dorum certum numerū adderent, ac in formā municipiorū redigerent: præfectis municipiorum ac propugnaculorū militū numerū, quos sine intermissione alerent, imperarent. Quorum præfectorū partes essent, certa & explorata omnia, quæ in finibus agantur, regi aut imperatori significare: de præsidio & statione Reip. nunq̃ discedere. Quod si iussu regis aut imperatoris aliquò discedendū sit, eos pro se relinquere qui tueantur, & uicariā operā ei impendant. Hæc de propugnaculis, quæ constituenda essent ob incursus hostiū uicinorum. Quorum res si fortè eò incumbant, ut bellum tandem nobis inferre uelle uideantur, non sit tamen præter officium, per legatos cum eis agere, ne in animum inducant id facere. Proponenda sunt eis infinita belli incōmoda: iure potius aut æquitate decertandum esse hominibus, quàm armis, arbitriq̃ aut iudices proponēdi, qui controuersias disceptent. Verè enim Comicus dixit,

Omnia prius experiri, quàm armis, sapientem decet.

Hoc si à nobis erit factum, palàm omnibus faciemus, nos pacis cupi dissimos esse, & à sanguinis effusione abhorrere: Deum nobis demerebimur: hominumq̃ & nostrorum amorem, & exterorum studia nobis adiungemus. Quod si, quibus cum agimus, hostes nobis esse malint quàm amici, omniq̃ humana concertatione præterita, ui & armis nobiscum pugnare uelint, tum quidem arma nostra expedienda sunt: à quibus ut simus omnes in partes quàm paratissimi, ante tempus curandum est. Nam & ab hoste facilius obtinebimus quod uolumus, si nos rebus omnibus instructos intellexerit: & Reipub. in primis conducit, parata omnia & bene instructa ad bellum habere: ut etiam si quid repentinum incidat, eam possimus tutari & defendere. Itaq̃ si stat sentētia, bello experiundū esse, curandū est ut illud in prouinciā hostiū totum transferatur. De quo cōsilia ineunda sunt, ubi primū belli suspicio increbuit: sed tamen minimè exequēda, nisi exploratū sit rē aliter geri nō posse. Quod si nos simus ij, qui iniurias ulciscēdo subditorū ac Reip. nostræ, bellū inferre (quādo alia remedia frustra à nobis tētata sunt) cogamur, tū quidē principi Reip. cui gladius ob id diuinitus datus est, minimè cunctandum est, quin hostium latrocinia armis persequatur.

CAPUT II.

I. Belli iustitia & honestas explicatur: q̃ ut iustū sit, & fœlix, causam iustā habere debet: neq̃ gerēdū est, nisi rebus preparatis, & omnib. de fine eius expēs. II. Tum rebus primū repetitis legitimè indici debet. & hīc copiose de rebus repetēdis, & de causa Prutenica inter Polonos & Germanos. III. Declaratur etiā latissimè iustitia causæ belli. I. ut ne laudis ac imperij dilatādi causa geratur. id q̃ 1. & ab imperij difficultate, 2. & à regēdi labore infinito, 3. & ab eorū quibus imperandū est cōtraria uoluntate, 4. & à finū qui bello quærantur frustratione, 5. & à calamitatibus bellorum

rum infinitis demonstratur. 2. Sed bellum debet geri ad uindicandas iniurias, quæ aliter sarciri non possint. IIII. Postremo bellum ut sit felix, ab hominibus Deo reconciliatis gerendum est.



I

II

Cbelli quidē sanctitas q̄ religiosē priscis temporibus fuerit culta, multorū literis proditum extat. Nec enim nisi rebus repetitis, belloq̄ ipso per foeciale legitimē denunciato, gerebatur. Et quamuis grauit̄ peccet, qui iniuria facta belli occasione præbet: tamen qui iniuriā illatā legitimē ulciscitur, qui pro aris & focis, proq̄ uita & possessionibus populorum suorū pugnat, is certē de Repub. præclarē meretur. Itaq̄ Abraam ille pater populi Dei, eripiendi fratris causa bellū hostibus intulit. Multi quoq̄ Hebræorum duces bella plurima gesserunt, libertatis gratia. Sed belli iustam adesse causam necesse est: qua remota, non est quod speremus uictoriā. Quin si qua etiā concederet, Deo fortasse ulciscente per nos scelera eorū quibus cum res esset: tamē neq̄ ea diu frui nobis daret, & metuendū esset ne iustitię ille summus uindex conuerteret eam in extremū dedecus, & summas calamitates. Igitur si res foeliciter gerere uolumus, causam belli iustā habeamus oportet. Deinde uerō consultandū & de belli genere, & an plus ex eo detrimenti metuendū sit, quā sperandū cōmodi. Tum uerō per legatos res repetantur. Quę autē ratio, quis modus debeat esse repetendi, iam dicendū est. Sunt quos non ulla recens causa ad bellum instiget: sed uel possessionū, quarum nulla indicia præterq̄ in chartis uetustate corrosis extent, uel iniuriarū supra hominum memoriā factarum, recordatio. Non rectē quidē. Omnīū enim rerū, quemadmodū & uitæ, finis debet esse quidā. Qui ante annos sexcentos se inuicē iniuria affecerunt, illi iudicē habent aliū rerū suarum: cui res sunt eorū cōmittendæ, non nostris armis uindicandæ. De possessionibus uerō ante multa secula usurpatis, quid opus est bellare? Quid est enim, quod non aliquando fuerit aliene ditionis? Pulsi Troiani sedibus suis, alienas terras ingressi sunt: in quibus nō prius consederunt, quā uel bellis, uel certē multis laboribus exanclatis. Quis tunc Troiano sanguine cretus, bello repetat sedes uetustas? Quis Didoni sanguine propinquus, obtemperat uoto illius, quod à Poeta descriptum est his uerbis:

Exoriare aliquis nostris ex ossibus ultor.

Sed fabulosa fortasse sunt, quæ de Troia & Didone dicuntur. Audiamus ergo quæ sacra narrat historia. Quando diuidebat Altissimus gentes, quando separabat filios Adæ, constituit terminos populorū iuxta numerū filiorum Israel. Vbi igitur hodie termini illi, qui à Deo seu filiis Israelis, seu populis alijs sunt constituti? an non omnes mutati? Sed audiamus citeriora, Chaldæorū olim latissimē in orbe

in orbe terrarum patebat imperium. His multis bellis uictis & subiugatis, translatum est ad Persas: deinde ad Græcos, post ad Romanos. Hi uero maximæ orbis parti imperabant, ac in prouincias remotissimas homines sui nominis cum potestate mittebant. Nunc imperium est penes Germanos. In Italia Hispani magnam partem regnant. Quis Italorum nunc iuste detrectare potest imperium exterorum, quos olim ipsi ditionis suæ habuerint? Hæc enim est rerum uicissitudo, ut qui sæpe uictores erant, aliquando uincantur: & qui uincuntur, imperata uincentiū facere cogantur. Iam & sancta historia testatur, ne gentē quidē illam Dei electam, statum rerū eundem semper tenuisse, aut terras ac sedes easdē perpetuò incoluisse. Etenim præter bella, quibus uexabatur, sæpe alienigenarum imperio subiecti erant, nam & in Aegypto crudelissima seruitute præmebantur, & in Babylonē captiui abducebantur, & tributa pendebant, & regibus à uera religione remotis erant subiugati. Quid quod testamentū Dei immortalis, hoc est hæreditas, ad exterarum nationes translata est: Iudæis, quibus promissa erat, abdicatis? Nihil igitur noui est, si transferantur imperia, nec semper sint penes aliquē unum. Qui Italicas legerunt historias, narrant, olim Patauiños imperasse Venetis: nunc contrā, Veneti tenent imperiū in Patauiños. Sunt terræ olim à populis Christianis inhabitatæ: quas nunc gētes transmarinæ, eademque barbaræ occupant. Sunt quæ tenent à populis non quidē aliū religionis, sed tamen nationis diuersæ, quā olim. Quemadmodū enim omnia sub sole quasi fluctuant, nec statū semper retinent eundem: ita & regna & uices imperiorū mutant, transferunturque à gēte in gentē, propter iniustitiam, ut dicit Iesus Sirach. Quod & Daniel diuinus uates testatur, & res ipsa loquitur: Multas terras, indigenis fame, peste, bello fugatis, & nomē & rationē imperij priorem amisisse, nouamque unā cum nouis incolis assumpsisse. Aegrè ferunt Germani, Polonum imperare Prutenis: iusque suum repetunt, ex albo nescio quo regionum imperij sui. Quasi hoc album tanti faciendū sit, quanti fieret, si quis heri uel nudiustertius relatus esset in numerum reorum. Atqui priusquam hoc album conditum esset, erat tempus cū Germani Prusiæ minimè imperabant: & post istud ipsum album, consequuta sunt tempora, cū Prussi contulerunt se ad authoritatem regum Polonorum. id quod hodie rationibus tam Prutenorum uehementer conducit, hunc habere regem: quā Polonorum, talem habere prouinciā. Perpetua olim inter Prutenos & Polonos bella gerebantur. Et pax quidem sæpe constituebatur, sed eadem leui de causa rumpebatur: pangebantur fœdera, & rescindebant. Erat tempus, cū rex Polonus in Mahometanos pararet bellū. Sed Pruteno in Sarmatiā erumpente, coactus est à Mahometanis ad Prutenos arma conuertere. per quam occa-

Eccles. 10.
Dan. 2.

fionē, Turcē plures nationes Christianas occuparunt: finesq; sui imperij eò promouerunt, quò scimus oēs. Quid quòd multis literarum monumētis ostēdi potest, res olim cōtrouersas inter Polonos & Prutenos nunquā à Germanis esse disceptatas: alius erat iudex ordinarius utrorunq; apud quē alteri alteris diē dicebant, querelas exponebant: cuius iudicatū faciebant. Quid igitur faciēt Germani: plus fumosis albis ac uetustis chartis seruiē, aut potius cupiditati & glorię suę, q̃ rebus tam Polonorū q̃ Prutenorū? Pugnabūt cōtra rerum naturā, uicissitudinē in rebus mortaliū ferentē. Omnino & pietati & profefsioni Christianę hęc minimē conuenirēt: & res facultatē habere non posset, sine ingenti rerū conuersione. Neq; ratio admittit, bellū hoc aliquē moliri posse, quin prodat animū suū rebus Christianis parum consulentē. Vtinam hoc Romanū nomē, quo nunc regitur bona pars Christiani orbis, potius conuertat uires suas in hostes imperij sui, qui uellent sublatam omnem ueri Dei religionem: quā in socios sibi deuinctos & lege, & moribus, & officijs, & religione, & sanguine, & beneuolentia sua, auitaq;. Olim quidem Romanum imperium nationibus omnibus uicinis, ac magna orbis parte subiugata, Carthagine etiam emula sua sublata, cōcidit ipsum, uiribus suis intra uiscera sua conuersis. Videant & nūc Romani principes, ne si in socios, hoc est in sua uiscera stringere uelint ferrum, rationem imperij præsentem amittant: seque, & nomen ipsum Romanum, quasi ex summo fastigio in aliquod barathrum præcipitent. Habendus est igitur modus rerum repetendarum: ne rem uel ab ouo (ut aiunt) ordiamur, uel ab eo tempore quo Altissimus ponebat fundamenta terræ. Omnino terrę quæ uel à socijs, uel ab amicis benemeritis, multa secula possidentur, coluntur, & inhabitantur, quamuis aliquo iure uideantur ad nos pertinere: tamen æquis conditionibus sunt illis permittendæ potius, quā bello repetendæ. Quòd bellum cū maxima fortunarum iactura constet, sanguinisq; humani effusione: tum exitum habeat uel pessimum: uel nunquā tanti æstimandū quanti erant sumptus, & sanguis effusus, & infinitæ calamitates. Hęc de rebus repetēdis.

4 Qui non alia necessitate ad bellum feruntur, quā glorię, aut imperij dilatandi causa, pessimē consulunt rebus mortalium. Dum enim nomen suum inclarescere uolunt, ciuium fortunas ac capita in discrimen adducunt: & cædibus ac cladibus partis utriusq; infinitis loca replent omnia: ac ne satis quidem intelligunt rem, quam tantopere concupiscunt. Nam quid aliud est amplum imperium, q̃ ingens & perpetua sollicitudo, de ijs quos regendos suscepisses? Velim igit, qui tāta ardēt cupiditate dominādi, cōsiderent & seipsos, & eos quibus imperare cupiāt, & rationē omnē regēdi. Neq; eī satis est, regem aut principem saluari, pompa & ministrorū frequentia stipari:

stipari: eosque qui dicto sint tibi audientes, ad manū habere. Regere te oportet, si uelis esse quod diceris: hoc est, consulere & prospicere uitæ eorū quos gubernes, dignitati, moribus, legibus, ac fortunis. Innumerae sunt dotes, quibus reges bonos præditos esse oporteat: quæ & à nobis primo libro breuiter, & ab alijs alibi copiose explicatae sunt. Vocantur patres patriæ, ut non secus res populorū suorum curent, quam filiorū: pro eis excubent, cōmoda & uitas eorū tueantur: non quieti, nō remissioni, non conuiujs, nō uoluptatibus se dant: sed & corporis labore, & omni animi contentione eò contendunt, ut dignitatē & cōmoda Reip. conseruent. Multa noua, multa inopinata accidere possunt in utranque partē. Ea regi tanquā ex specula Reip. prospicienti prouisa esse debent, ut si quid aduersū immineret, possit in promptu cōsilia habere, quibus uel auerteret, uel leniret, uel certē aptē & quietē ferret quicquid euenisset. Turpe est enim homini tantarū rerū molem sustinēti, ita se gerere, ut si quid subito euenisset, dicendū ei sit, NON PVTARAM. Qui igitur ad hunc modū præesse uellet, ut omniū saluti & dignitati cōsuleret: hic quidem rem maximā & difficillimā appeteret. Sed eū eundē considerare oporteret, num in se sit tantarum rerū efficiendi facultas. Pater tuus, Auguste rex, omnibus regiæ potestatis uirtutibus spectandus, cum fasces regni Hungariæ ac Bohemiæ à morte Ludouici regis, deinde Suetiæ quoque ei deferrentur, respōdisse dicitur: Tot sibi populos diuinitus commissos esse, ut optanda sit illis bene regendis facultas: externa regna, homini suis occupato, minimè optanda. O uocē uiri prudentis, & excelsi animi, ac prorsus tali rege dignā. Erat ille uir multū prouidens, rerū muneris sui consideratus æstimator & expensor, artium belli & pacis sciens. Itaque non mirum erat, populis & ditionibus suis semper consulentē, externa imperia minimè ambiuisse. Contrā sunt multi, quos delectent speciosi tituli: qui uoluptatum, & quasi spectaculorū, non rerū magnarū causa regnare uelint: qui satis se functos munere suo existimēt, si habeant qui pro ipsis res gerant. Cumque regionū multarū, à se longissimè dissitarū, sint præsides, multa ignorant, quæ ibi agantur: multis falso ad se delatis credere coguntur: satisque esse putant, si edicta mittāt, diplomata conscribant, de rebus uix tenuissima auditione acceptis. Si quæ in illis prouincijs seditiones fortē excitentur, eas sedare: si qui subitici casus aut calamitates uel à ciuibus, uel ab externo hoste, uel à fortuna inuehantur, eis occurrere nō possunt. Quod accidisse annalibus nostris proditū est, cum Vuladislaus Secundus, magnus patruus tuus, Polonis imperans, ad Hungariæ quoque gubernacula uocatus accessit: ibique rebus gerendis intentus, Polonica negotia omittere cogeretur. Fit enim profectō, ut, quēadmodū in sæuis tempestatibus nauis sine gubernatore, ita Resp. ubi præsens non adest guber-

nator, in summum discrimen adducatur: aut, quod de Phaetonte fabula narrat, seipsum perdat princeps, tantarū rerū, quibus sufficere non queat, onere pressus. Si igitur imperiū multorū regnorum ac prouinciarū procul à se distantū difficile est, plenum molestiarū ac periculorū, ut minimè appetendū uideatur homini officio suo probè fungi uolenti: quanto minus est faciendū, ut aliquis illud ui quærat & armis? Quid enim minus decet, quæ uelle te gubernare eos, qui id à te non petant? uelle te consiliū & operam tuā nauare ijs, qui ea nō indigeant? Insania profectò dicēda est, non magnanimitas, quæ te ad id armis obtinendū stimulet, quod uoluntate & beneuolentia consequendū esset. Multi opibus suis permagnis plura adijcere uolentes, omnia perdiderunt. nonnulli ditiones suas bello augere studentes, suis expulsi sunt. Profectò boni uiri est, nihil facere tāti, ut illius causa quietē uel suā uel aliorū interturbet: charitatēq; , qua generi humano coniunctus esse debet, rumpat ac abijciat. Quid em̄ est quod pluris faciet? An gloriam? Scythicum hoc quidem est, ac Turcicum, ui, flamma, ferro, agrorum uastatione, humano cruore laudē quærere. Veræ enim uirtutis est, non tam gloriam, quàm facta gloriosa, quæ cum honestate & æquitate coniuncta sint, sectari. Omnino uera gloria non est, ubi nulla habetur ratio æqui & recti. Neque in magnis uiris est, qui gesticulationes hominum, rumunculos, uanos & magnificos titulos tanti facit, ut hæc immanibus factis consecetur. Sed fortè uoluptates, aut etiam aliæ commoditates quærentur bello. Hæ uerò firmiores sunt, & durabiliores, ubi minus curæ est, ac sollicitudinis. Iam quæ interea tua conscientia? quam tibi affert uoluptatem, qui tantopere sitias dominationem? Quid apud te Dei respectus, cui ratio reddenda omnium nostrarum actionū? An uerò te non mouent scelera, turpitudines, dedecora, & calamitates infinitæ, quæ bellum consequuntur? Omnino quod in rebus alijs fit, idem in bellis euenire uidemus, ut (quæ admodum inquit ille) delirent reges, plectantur Achiui. Regibus ac Principibus seu prælio seu deditione uictis, aut ignoscitur, aut leuius quæ pro culpa in eos animaduertitur: qui tamen causæ bellorum fuere. imò plerunq; authores bellorū omnes, impunitatē cōsequuntur. Infantes autē & immerētes, qui causam bello nullā præbuere, sceleratè mulctantur: dum alij fortunis exuuntur, uel populatione, uel igne, uel direptione, uel exactionibus: alij terris suis exterminantur: alij necantur tum fame, tum gladio, tum modis uarijs. Coniuges eorum impudicissimè tractantur, uirgines uiolantur, diripiuntur pueri, alliduntur infantes. Alij artes suas exercere prohibentur, agriculturam, mercaturam, cultum ingeniorum, & omnia ea unde uel uictus uel aliæ commoditates uitæ necessariæ queruntur. nonnulli officinis & artibus suis desertis, ad castra, desidiæ & impunitatis

tatis causa, concedunt. Hinc tot orphanitates, orbitates, prolis neglectio, uirginum & matronarum prostitutio, mendicitas, squalor, pudor, bonorum morum uastitas. In militibus uero, quorum opera bellum geritur, peccandi consuetudo, licentia, in Deum & diuos conuicia, periuria, latrocinia, grassatio, sacrorum & profanorum neglectus & contaminatio: omnium denique uitiorum nefandorum & capitalium sentina et colluuius. In quibus omnibus coniuere necesse est belli ducem, si milite uti uelit beneuolo & obedienti. Accedunt querele eorum, qui se tibi socios adiunxerunt in bello: si forte non ea abs te premia referant, quae expectabant: qui & labores, & erumnas, & impensas suas iactare non cessant. Quid dicam de magnis uiris, amicis tuis, qui in acie occiderunt, cupiditatis tuae causa? Quid de uictis, qui te tacitis odijs semper prosequuntur: occasionibus semper intenti, ut se uindictent in libertatem? Quid denique de ciuibus tuis, quibus pecuniam toties imperabas: toties terrorem incutiebas, ut ne obsisterent cupiditati tuae: qui a milite uel domestico, uel externo, infinitas aerumnas perpessi sunt: quos putas animos aduersum te gerunt? Profecto ferreum animum esse oportet, qui in tot mala inspiciens, non inhorrescat ad mentionem belli: utcumque sibi uictoriam polliceatur. Cui tamen uictoriae quis scit se fore superstitem? Sed ut superstites sint multi: tamen nulla belli commoda tanti sunt, ut cum incommodis compensari queant. Neque enim ex praeda, quamuis opima, uoluptatem quis capere potest, nisi latro: neque ex carnificina & immanitate, nisi carnifex. Gloriam autem quis ex calamitate & clade aliorum nactus est, nisi apud centauros & impuros istos: qui uita deprauatissima, & facinoribus foedissimis, rectum de rebus iudicium amiserunt. Multi tot calamitates bellorum, uiolentias, caedes, ruinas expendentes, existimarunt hominem, absque nefario scelere, bello se implicare non posse. Verum exempla sunt in promptu, ducum clarissimorum & sanctissimorum, qui iustis de causis, & necessarijs, plurima gesserunt bella. Magis igitur 2 causae belli expendendae sunt, ac eius gerendi rationes. Et principis quidem est, quam maxime curare, uigilare, prouidere, ut ne ullae fiant iniuriae: si quae contingant, omnibus uiribus anniti ut sine armis propulsentur. At si iniuriae nec auerti, nec sine armis sarciri possint, bellum omnino gerendum est: cum quidem hominum sceleratorum, apud quos nec Dei nec hominum ullus est respectus, licetia malefaciendi aliter coerceri non queat, nec res ablatae repeti, nec iniuriae illatae uindictari, nisi ad hoc armorum remedium recurratur. Et si igitur committendum non est, ut uel cupiditas habendi, imperij que ampliandi, uel ambitio gloriae ac excellentiae, nos excitet ad bellum: tamen iniuriae populis nostris illatae, studium que Rei publicae nostrae tuendae ac defendendae, maximos debent stimulos ad-

dere ad bellū: ut scilicet in pace uiuatur, saluis cōmodis & dignitate Reip. Qui enim princeps tale omitteret bellū, nec hostium impres-
sionem milite collecto frangere, nec res ablatas repetere, nec iniu-
rias ultum ire contēderet: is hostibus occasionē similia facinora de-
signandi daret: officium gladij, qui illi in manus, in poenam malorū
datus est, negligeret: nec princeps, sed Reip. desertor ac proditor
putandus esset. Qui em̄, inquit Cicero, non defendit, nec obstitit, si
potest, iniuriā, tam est in uitio, quā si parentes aut amicos aut pa-
triam deserat. Verumenimuerō non satis est, iustam bellandi ha-
bere causam ad uictoriā obtinendā. Nisi poeniteat nos delictorum
quae unquam cōmisimus, nisi actionibus Deo placentibus ornaue-
rimus uitā nostrā, nulla spes nobis esse potest uictoriā. Vtitur em̄
Deus ministerio gentiū alienarū, uindicandis sceleribus populi sui.
Itaq; & nationes euocat ab aquilone usq; sibi lo suo tanquā clango-
re tubae ad bellū: & Nabuchodonosorem regē Babylonis seruum
suū appellat, quē ducē elegerit contra Israelem. Describit etiam &
celeritatē & robur, & apparatū, & bellandi peritiā exercitū ueniē-
tium: ut significet, nihil dubitandū esse, quin uictoriā de Israele sint
relaturi, aut certē eos in captiuitatem ducturi. Ergo & causa iusta
existente, & bello indicto, & uita ad normam Christianam insti-
tuta, quod cum Dei nutu geretur bellum, & foelix fore sperandum
est, & foelices successus habiturum.

Hier. 25.
Es. 4. 5.

CAPUT III.

Belli sanctitas, & inter opera humana praestantia, multis modis ostenditur.

& hic exhortatio ad equites, & ad Regem.



TQVE haud scio, an quod ad eū modū geretur, sit
operū humanorū praestantissimum, in quo latissi-
mē pateat campus ad plurimas & maximas uirtu-
tes exercendas. Vbi enim fortitudo maior appa-
rere possit, quā in mortis contemptione, cū ui-
tā tellis hostiū pro patria exponi necesse sit? Vbi
autē iustitia clarior lucere, ubi beneficia plura & cuncto populo gra-
tiora existere, quā in uita paciscenda pro solo ubi ortus sis, pro æ-
dibus in quibus altus & educatus, pro uxore, liberis, bonisq; uni-
uersis, deniq; pro Repub. & religione Dei immortalis? In his uerō
omnib. quanta est quæso materia fidei exercendæ? fidei inquam, in
Deū illum præpotentē: sine qua, tot pericula nemo uolēs prudēsq;
sustinere queat. Sed animus ad illas beatorū sedes, quæ legitimē cer-
tantibus paratæ sunt, respectans, misericordiæ que Dei per CHRI-
STVM IESVM promissæ confidens, contra terribile illud mortis
malū confirmat se: in n̄scq; periculis uersatur, ex quibus iter sibi ex-
peditū uideat ad uitā immortalē. Itaq; non immeritō ab Apostolo
IESV CHRISTI proditū est, multa sanctos patres præclara facino-
ra in

Heb. 11.

ra in fide, & in illa persuasione de Dei erga ipsos gratia & benignitate edidisse, regna expugnasse, ora leonum occlusisse, uim ignis extinxisse, gladij aciem effugisse, incursiones hostium auertisse, fortes in bello fuisse. Videtur etiam Deus consilio quodam secretissimo ut nationibus alijs, ita nobis quoque, hostes uicinos opposuisse, qui nos semper exercerent, & in timore continerent: ne si perpetuo in pace uiueremus, rerum omnium securi, uel uirtus nostra flaccesceret, uel ipsi in nos mutuas dextras conuerteremus. Ideo & olim populo suo delecto in terra illa promissa, ad quam magnifice illos perduxit, hostes immiscuit, qui essent illis tanquam materia uirtutis exercendae: & Romani hostibus finitimis deletis, bella mutua inter se gessere. Quamobrē uos, o equites, & quicumque Rempub. defenditis armis, cum ad bellū accingimini, non ad praeda domesticā, non ad licentiā istā patrādī omnia quae libeant, uos accingi putatote: sed ad opus sanctissimū, ad functionē muneris Deo hominibusque longē gratissimi: ex quo ad uos uestrumque genus gloria, ad Remp. dignitas, ad res uerō singulorum maximae & plurimae comoditates perueniant. Tibi uerō o Rex, haec agenda sunt, iniuriarū & periculorum tuis hominibus propulsanda, licentiā seuerē puniēda: eaque omnia curanda & prouidenda, quae ad pacandā & tranquillandā Remp. domi pertineant: ne si quid per negligentiam tuam in Deum hominesque committatur, atrox aliqua surgat tempestas, quae & tuo capiti non parcat, Rex, & Rempub. tuā euertat. Vides enim, quantae malorum cateruae foris nos circumstant. Si ea domesticis malis auxerimus, quis nos liberabit ab ira Dei praepotentis? Recordare Rex, Ludouici Hungarorum regis, cognati tui, qui propter licentiam & scelera populorum suorum domestica, & periit innocens ipse, & regnū crudelissimo hosti occupandum reliquit. Igitur per singula ditionum tuarum municipia disponendi sunt magistratus, qui & arceant iniurias, & uindicerent illatas. Sed de his alio loco dicemus, nūc quae bello apparando sint necessaria exponamus.

CAPUT IIII.

1. De arte & exercitatione militari. 2. & quae obseruanda sint à bellatoribus.



Tartē quidē cum omni in re, tū militari, necessariā esse certū est. Quamuis enim ob innumeras belligerendi rationes, uariasque & subitas mutationes uix norma aliqua & lex belli faciendi tradi possit: tamen multa à uiris prudentibus congesta sunt obseruatione diuturna, quae ad uictoriam de hoste referendam multum conferre possint. Quemadmodum autem artes omnes, ita & militaris, crescit decrescitque tum educatiōe, tum exercitatione. Parum ualent ad rem militarem homines molles, & luxui dediti: quēadmodū Turnus dicit, dum Troianis exprobrat mol-

Vergil. Aen. 9. *mollitiem suam, his uerbis,
Vobis picta croco & fulgenti murice uestis,
Desidia cordi, iuuat indulgere choræis:
Et tunica manicas, & habent redimicula mitra.*

Significat enim, homines mollicie solutos, militię parum aptos esse: nec loricae, nec galeae pondus eos diu ferre, nec arma sine molestia tractare posse: solem, frigus, inedia, laborem recusare. Non igitur in cubiculis ac tectis perpetuò militi hærendum. Noscenda sunt ei ualla, fossae, tentoria: non uestibus delicatis nimium indulgendum, sed sagis & loricis assuescendum: non in umbris semper delitescendum, sed sole & gelu cutis duranda. Non immeritò enim gloriatur Numanus Remulus, se à teneris annis laboribus assuefactū, desidiā semper, mollitiem & luxum ignorasse, cum ita inquit:

*Durum à stirpe genus, natos ad flumina primum
Deferimus, saeuq; gelu duramus, & undis,
Venatu inuigilant pueri, syluasq; fatigant:
Flectere ludus equos, & spicula tendere cornu.
At patiens operum, paruoq; assueta iuuentus,
Aut rastris terram domat, aut quatit oppida bello.
Omne æuum ferro teritur, uersaq; iuuentum
Terga fatigamus hasta: nec tarda senectus
Debilitat uires animi, mutatq; uigorem:
Caniciem galea premimus. —*

Sed hic nō de educatione tantum Remulus gloriatur, sed etiā de exercitatione: qua ipsa ars militaris potissimū uiget, sitq; maximī. Ea uerò posita est cum in equis, tum in equitibus, tū etiā in peditib. Sæpe equi rebus gerendis impedimento fuere: sæpe etiā stragibus causam præbuere. Ergo qui refractarij sint ac contumaces, uel timidi, uel in defatigatione spiritu deficiantur, tum etiā laboris impatientes, ac agitationibus & cōuersionibus inepti, ex acie ejiciantur: idq; per præconē proclamari perutile est, ut quisq; ante tempus equos sibi comparet idoneos. Quod si instrumentis bonis, opus cuiusq; artis, bene perficiatur: profectò etiā bellis conficiēdis equi boni curandi sunt, qui & alantur diligenter, & frequēti equitatione exercentur: tum cursu & recurſu ineundo, tum incitando, tum sistendo: tū de uia deflectendo, tum per salebras decurrendo, nec fossae nec riuo parcendo, deniq; & in orbem flectendo, & omne opus bello necessariū usurpando. Fieret hoc modo, ut nō equi tantum, sed sessores etiā ipsi exercerentur. Quod quā necessariū sit in bellis, nō est obscurū. Neq; em̄ fieri potest, ut hilarē imperatoris capeſſant iussa, aut scienter exequantur militaria munera, qui sunt earū rerū inexercitati. Nam quomodo equū flectet, quomodo tela iaciet, quomodo armis utetur, quomodo hastis concurret, qui harū rerū prius periculum

culū fecit nullū. Olim mos erat ciuitatū, ut tertiam ciuium partem ad militiā assuefacerent: qui alijs Reip. muneribus immunes essent, itaq; & ipsæ ciuitates sine milite externo tutabantur agros & possessiones suas. Nunc apud nos equester ordo totum onus sustinet Reip. defendendę. Quæ Resp. militē habet in exercitū, ea tempore necessitatis aut suo illo eodē imperito utat, aut exercitū aliunde accersat necesse est. Suo quidē imperito uti, quid aliud est, q̃ hosti concedere uelle uictoriā: nam nec res bene geri possunt ab imperitis, & hostibus animi crescunt, dum norunt scientiam esse bellādi nullam in ijs cum quibus cōcurrendum sit. Sin uerō milites externi conducendi sunt, illis tamen nec tantum fidei haberi, nec tantum oneris imponi, nec delinquentibus tā iusta pœna irrogari potest, atq; suis: strenuē uerō rē gerentibus, plus numerari necesse est. Quid q̃ illi in sua redeuntes, magnam uim secum pecuniarū asportant? Illud uerō in primis cauendū, ne milites externi regione in qua bellū gerunt, locisq; bello opportunis perspectis, rebusq; etiam omnibus quibus uel abundet uel deficiatur, deniq; rationibus belli gerēdi eorū a quibus accersiti sunt cognitis, procliuiores sint ad bellum aliquando inferendum, uel sponte sua, uel ab alijs conducti. Libenter enim hostes adiungunt sibi eum militem, qui peritiā locorū habeat, rerumq; omniū regionis, in qua bellū gerere uolūt. Sed quorsum ista? Omnino, quoad fieri potest, milites nostri nominis potius conscribendi sunt, q̃ externi accersendi: modō tales sint, qui rerum militariū habeant aliquā peritiā. Dicamus igitur, ut coepimus, de exercitatiōe militari. Cui haud dubiē multū accederet momēti, si iuuentus heluationibus contemptis, saltu, cursu, & palæstra sese ad agilitatē & promptitudinē exercitaret: atq; ad eam rē magistris uterē, qui sumptu publico cōstituendi & alendi essent. Statis etiā temporibus sub dio dormire, sitim, inediā, frigus, & æstū tolerare, feris per auia lustra insequēdis operā dare, oneribus & dorso & supra hastā ferendis ambulare, in armis cursitare, in equū ligneū insilire, statuā seu columnam aliquā tum iaculo tum ense tum hasta petere, ac tanquā cum hoste cōgredi cōdisceret. Aggeres item, fossasq; & faciendo & transiliendo: in ardua loca subsiliendo, & de illis desiliendo: eademq; tum occupando, tum ab ijs qui deturbare contendunt defendendo: fugiendo item, insequendo, ad scopum pręfixum iaculando, inuicem hastis concurrento, ad res serias se prępararet. Sunt & illa exercitia armorum non omittenda, diuersis gentibus uisitata, de quibus Statius facit Achillem ita narrantem,

Statius
Achil. 2.

*Iamq; & ad ensiferos uicina pube tumultus
Aptabar, nec me ulla feri Mauortis imago
Præterijt: didici quo Pæones arma rotatu,
Quo Mageta sua gesa citent, quo turbine castrum*

x

Sauro-

*Sauromates, falcemq; Getes, arcumq; Gesenus
Tenderet, & flexa Balearicus author habenæ,
Quo suspensa trahens libraret uulnera tractu,
Inclusum quoties distringeret aera gyro.*

Par etiã fuerit acies ordinare, rationem concurrendi contrarijs frontibus uel lento uel concitatiores cursu ostendere: nonnunquam etiam prælium tum hastis fragilibus sine ferro, tum globis leuibus manu fundâ ue iactis committere: uocemq; sonoram in ipso concursu, hostis terrendi causa emitte. Quomodo item acies uel stantes conuertendæ, uel turbatę rursus sistendæ: ad hæc uel hostes insequendi, uel terga uertenda sint, discere. Sæpe insequentes hostem, uel in insidias delati, uel alia ratione uicti sunt, nõ raro qui terga dedere prælio instaurato, uictores euasere. Cautiones igitur horum discendæ, & quoad eius fieri possit, seruandæ sunt. Ad custodias etiam & stationes tum diurnas tum nocturnas, quomodo & agendæ & occultandæ sint, ad speculandas & explorandas res hostium, ad insidias struendas, milites assuefaciendi. In itinere item faciendo, quomodo in locis & spaciosis & angustis & inuijs se gerant, docendi. Ac in ipsis profectionibus efficiendū est, ut, quantum res ferat, milites ordine instructi, cōfertim & cōtractè incedant: ne, si in longum distrahantur, occasionem dent hosti se inuadendi: fiatque ut, cum neq; primi postremis, neq; postremi primis in tempore opem ferant, omnes separatim trucidentur. Si uerò per angustias uiarum exercitus ducatur, opportunitates locorū diligenter occupandæ sunt. Deniq; discendū, quomodo effici possit, ut magni exercitus parui hostibus uideantur: & contrà, quomodo qui parui sunt, magni in speciem appareant. His enim modis hostes aliàs ad pugnam eliciendi, aliàs terrendi sunt. Erat & illa apud ueteres exercitatio, ut milites in flumina, quę fortè in proximo erant, descenderent, non tantum sordium ex sudore eluendorū, sed etiam natationis discendæ gratia. Quæ quàm necessaria sit in bellis, norunt quibus unquam res cum hoste fuit ad loca aquosa. Assuefaciendus est miles, ut signa ab imperatore data obseruet: quorum partim ad prælium ineundum, partim ad recipiendum se in castra, deinde & ad castrametandum, & ad discedendum produntur. Fiunt autem aliàs uerbis, aliàs tubarum clangore, aliàs etiam notis alijs: ut uexilli hastę ue depressione, ignis extinctione, & his similibus. Sunt alia exercitandi genera, de quibus, qui in bellis magis uersati sunt, exactius narrare possunt. Ad eiusmodi autem exercitationes ludii solennes in nonnullis Rebus pub. cōstituti sunt: premia etiã certantibus proposita. Itaq; & nostræ Reip. ludii similes non essent inutiles, quibus iuuetus armis omnis generis exerceretur. Tempora etiã quotannis constitui è Rep. est, quibus ad certa loca oēs qui lege Remp. defendere

ferre debēt, conueniant: ac se unusquisq; pro modo facultatum suarum cum equis, ministris, & armis, tam ijs quibus tegat corpus, quàm quibus hostis feriat, ostēdat q̄ sit ad bellū instructus. Cautionis est, diē unum edici, quo in omnibus municipijs hæc agantur: ne si diuersis diebus fiāt, sumant alijs ab alijs mutua belli instrumēta. Præficiendi etiam sunt uiri graues & rei militaris periti, qui exercitus lustrent, numerū eorum qui in armis esse debēt recenseant, acies tanquam ad præliū instruant, & quomodo confligendū sit, quid etiam agendum cum hoste, doceant: & alias militares exercitationes instituunt: sine quibus instrumenta, quamuis optima, nihil ualent. Certè eorum exercitiōrū causa milites limitanei, qui in prælijs uersati sint, accersendi uidentur. Itaq; ex singulis municipijs, ad eosdē limites equestri ordinis homines proficisci par est: non omnes quidem simul, sed hoc anno hos, annis consequentibus alios post alios: ut per uices stipendia faciendo, & Reip. seruiant, & exercitacionē armorū induant. Atq; in huiusmodi exercitijs Palatinos, Castellanos, præsides municipiorū, & quicunq; sunt cum potestate, præstò esse conuenit: ut omnia cum autoritate & maiore cum diligentia agantur, militesq; sint dicto obediētiore. Nam cum militis sint partes, & sistere se, & progredi, & hostem ferire, & regredi, & alia pro re & loco agere: profectò qui in his quasi umbris præliorū uersati non sunt, fieri non potest, ut cum ad solem & puluerē, hoc est in aciem, & in ipsum discrimen erit uentum, bene & fortiter se gerant. Et hæc quidē sunt, quæ bellaturis inhærere, in eorumq; ui ac natura inesse uident. Nam alia sunt extranea illa quidē, sed tamen necessaria & ipsa, quæ ab eis, in primis autē ducibus belli cognoscantur.

Primum quidē, militum tum suorū tum hostiū natura, ingeniū, 2 mores, uirtutes & uitia. Nam ex ijs multa in utranq; partē quæ uictoriam uel promoueat, uel impediant, colligi possunt. Deinde regionis in qua bellum gerendū sit, situs & natura: montosa sit, an plana: quos fluuios, quas syluas, ciuitates, castra habeat: mores item ciuium & incolarū. Iam locum uel castrorū ponendoū, uel acierum ordinandarū, quantū fieri possit, prænosse in primis conuenit. Ex his enim omnibus multæ rerū gerendarū occasiones arripi possunt. Non omnis locus obsidionē fert, non ad omnē machinæ admoueri possunt. aliter cum Vlyse, uastro illo: aliter cum Aiace, forti quidē uiro, sed minimè insidioso, res agenda est. Polyphemum immanē illum, & ferum, ut uincas, potū illi quo inebrietur præbeas oportet. Multa igitur pro genere belli, & hostis, cum quo bellū geritur, definienda sunt. Nam cum his qui ad fugam minimè apti, statariam pugnam faciunt, aliter res gerenda est, quàm cum Turcis & Scythiis, qui fugam simulando, & interficiunt se persequentes, & pugnam instaurant, & incautos facilè sua multitudine circundant. Hæc om-

nia prudentibus bellatoribus tenenda & cognoscenda sunt: quorum consideratio plus sæpe ad uictoriam ualet, quàm robur, & hominũ multitudo. Ideo & Turca, tametsi multitudine hominum, & instrumentis belli superet omnes ferè monarchas: tamen arte & opportunitatibus plures uictorias adeptus est q̃ potentia. Nouit ille nationũ omniũ, cum quibus res illi futura sit, mores: nouit regionũ & locorũ situs. ea sibi per exploratores, uel hominibus Christianis cõductis, depingi curat. nec unquã ad nos uenit, nisi omnia cognita prius habeat, & perspecta. Ita scit ubi acies ordinandæ, ubi decertandũ, ubi resistendũ sit. Sæpe ex nostris moribus certã sibi uictoriam pollicetur. Nam & helluationes, & luxũ omnis generis, & discordias nostrorũ habet perspectas. Hæc igit̃ uitanda sunt, & occasiones omnes cognoscendę. Pleriq̃ mirant̃ tantam olim Romanorũ uincẽdis populis foelicitatẽ fuisse, ut sibi orbem terrarũ subegerint. Etsi autẽ fortunam Romanorũ permagnã fuisse certum est: tamen nisi exercitatio & disciplina militaris tanta apud eos fuisset, quanta uix apud alias gentes: nisi opportunitatũ omniũ belli gerendi obseruantissimi fuissent, nequaquã potuissent tam bene uti fortuna sua. Itaq̃ multi scriptorũ tradunt, eos non tam multitudine militũ, q̃ arte & peritiã uictores extitisse. Et Vegetius narrat, in omnibus scriptoribus inueniri, singulos Coss. Romanos aduersus hostes copiosissimos non amplius quàm binas duxisse legiones, additis auxilijs sociorũ: quæ uel æquabant, uel plura erant. Tantam in Romanis fuisse exercitationẽ, tantã fiduciam, ut cuius bello duas legiones crederent posse sufficere. Et hæc quidẽ Vegetius: qui ait, in Romanis legionibus sena milia, interdũ amplius militare cõsueſſe: imò interdũ minus. ut in eo bello quod aduersus Antiochũ L. Scipione cõsule gestũ est, duas legiones Romanas, duas sociũ ac Latinĩ nominis fuisse: quina milia & quadragenos singulas habuisse, Liuius tradit. Et hæc quidẽ eò à me dicuntur, ut intelligatur, Romanos parua manu, sed milite exercitatissimo, & ducibus peritissimis, ingentes exercitus sæpe fuisse. Nam & eo tempore bellũ grauissimum ab eis gerebatur, cum & potentissimũ regem, & tertiam orbis partem quasi nouum mundũ inuaderent. Sed multi queruntur, artem bellandi, & hanc rem omnem de instruendis aciebus, nostra tempestate parum utilem esse, propter uim tormentorum æneorum, quibus multa hominum millia prosternantur. Quod etsi uerum sit: tamẽ & illud confitendum est, multa prælia cõmitti citra telorum emissionem ex eiusmodi tormentis. Deinde & ueteribus fuerunt quædã tormenta, qui tamen arte instructis aciebus pugnant. Imò Turcæ quoq̃, qui multum tormentis utuntur, Macedonico more instruere acies dicuntur: nullam etiam armorum exercitationem omittũt. Et scholas eos habere ad id destinatas, ubi iuuẽ-

tus erudiatur ad bella, certum est. itaq; necq; hominibus nostris ea res omittēda. Iam de armorum genere, de exercitu instruendo, de numero & equitum tam leuis quā grauis armaturæ, & peditum, & bombardariorum, & sagittariorum, & funditorum, & gerophorontum, & fossorum, deq; rebus alijs ad conficiendum bellū necessarijs præcipere, non est meum. Sunt artifices earum rerum, à quibus ea discere conuenit. De arte & exercitatione hætenus.

CAPUT V.

De moribus & disciplina militum.



QVONIAM uerò neutrum horum aliquid magni efficere potest, sine bonis moribus, ac seueritate disciplinæ: ideo militibus talis uita degenda est, quæ declaret eos Dei timentes esse, & honestatis amantes. Qui in acie uersari audet, Dei timoris & proximi amoris expertes, & se & patriam in certissimum discrimen adducunt. Nam conscientia uitæ malæ, eos exagitant, gladios & arma è manibus eis excutient: terroribus non tantum ab hoste, sed ab ipsis etiam umbris & foliorum strepitu eos implebunt. Quemadmodum ipsemet Deus ad eos, qui præceptis ipsius non obtemperant, loquitur: Corruetis coram hostibus uestris: subiiciemini eis: fugietis nemine persequente: terrebit uos sonitus folij uolantis. Sint igitur milites Dei amantes, eiusque præceptorum obseruantes: nomen ipsius ne blasphemant, ne ue in uanum sumant: sobrietatem ament: luxum & lautitiam tum ciborum, tum rerum aliarum, ne studiosè consecretur: scorta è castris abigant: libidinibus ne se polluant: modestiam in rebus omnibus seruent: neminem concutiant, nullius res auferant, contenti sint stipendijs suis. Si quis aduersus hæc fecerit, uel punitor pro culpæ ratione: uel si res sit leuior, ab imperatore contemnitor, nulla que beneuolentiæ significatione comprehenditor. Carthaginenses, milites suos, quamdiu militarent, uino abstinere uolebant. Mahometes etiam genti suæ in armis omnem pulchritudinem & Reipublicæ & religionis ostendens, uino eis perpetuò interdixit: cuius usum rei militari quadam sagacitate uidit obesse. Cyrus Persa uictis Assyrijs, prædaq; & omnibus rebus ad uictum necessarijs potitus, continuuit militem suum à mensarum lauticijs: pane & aqua cōtentum esse uoluit: ideo eodem strenuo deinceps usus est. Contra Cyaxares, cum milite Medo, cum cibis exquisitis uteretur, crapulæ indulgeret, uestes delicatas mutaret: in ignauiam se dedit, resq; gerēdas neglexit. Hæc quidem sunt exempla temporū à nostra memoria remotorum, adferrem & quædam nostri temporis, nisi essent odiosa. Illud in confesso est, ex cibis & potionibus

Leuit. 26.

Arist. in Oecon.

Xenoph. de Pæd. Cyri lib. 4.

delicatis, intemperantiā nasci: eamq; nullo negotio delabi ad molli-
 tiem, libidines, & imbecillitatem, quę pestes sunt Reipub. maximę.
 Quid quod assueti mensarum lautelis, facillē in morbos incidunt ua-
 rios, cibi mutato genere: quod in bellis euenire necesse est. Cauen-
 dum est autem in primis, ne inter milites fiant seditiones: quę solēt
 ferē nasci, hominibus non eiusdem linguae aut nationis sub eodem
 duce merentibus. Ideo si qui tales sunt, diuersis castris segregētur.
 Ad prædam autē, aut annonā diuidendā conuenientes, ne quid suo
 arbitratu agant: sed res omnis, præfectis illorum cōmittatur. Pro-
 fectō consuetudo illa concionandī, quę apud Romanos in usu erat,
 si à nostris imperatoribus usurparetur, multū conduceret cum ad
 res multas, tum ad concordīā inter milites, mutuamq; beneuolen-
 tiam conseruandā: quę in bellis est maximē necessaria. Turca qui-
 dem cum Christianis bellaturus, nihil magis optat, quàm ut inter se
 sint discordes. Nunquā ille Hungaros cōcordes uincere potuit: di-
 scordes uerò, magis arte & occasionibus, quàm ferro & potentia
 profligauit. Exercitus Christiani cum in expeditionē educunt, tan-
 te seditiones inter duces & populos uariarū nationū solent exoriri,
 ut plus laboris sit nonnunquā compescēdis illis, q̃ hoste inuadēdo.
 Id certē eiusmodi est, ut animos nobis quidē adimat, desperantibus
 ab ijs finē unum inueniri posse, qui sint tāta animorum disparitate:
 hostibus autem addat non mediocres, sperantibus eos facillē uinci
 posse, qui ipsi à se uicti sunt mutuis seditionibus. Itaq; discordię &
 seditiones uitandę sunt: atq; illud efficiendum, ut miles se q̃ maxi-
 mē obedientē præstet superioribus suis. Quid est enim uirtus mi-
 litaris, sine obedientia, quàm temeritas? quę quam inimica sit bonis
 cōsilijs in omni uita, in bellis etiā quàm sit periculosa, multa exēpla
 testantur. Militū quidem non tam consiliū, quàm opera conduci
 solet. Quocirca miles, quāuis ignarus consiliorū superiorum suorū
 (quę sæpe occulta fieri necesse est) parēre debet: seu iubet in castris
 se cōtinere, seu manū cum hoste conferere, seu in fossas descendere,
 seu uallum murosq; ascendere, seu quiduis aliud factu necessarium
 exequi: idq; usq; eò, ut si etiam præsens mortis periculum adeundū
 sit, ne iussū capessere detrectet. Sine his enim uictoria nullo modo
 comparari potest: qui finis est bello propositus. Adde quòd mi-
 les dicto obediens, cum in omni officio facilius continebitur, tum
 à seditionibus minore negotio retrahetur. Miles cum multis rebus
 contumax, ac iussorū negligens redditur, tum impunitate, ac ma-
 la de præfectis existimatione. Ergo & in delinquētes est animad-
 uertendum: nec quicquam impune abire permittendum, ne unum
 delictū trahat post se alia: quod in omni uita accidere uidemus. Et
 præfectis danda opera, ut uirtute & prudentia uindicet se à mala e-
 xistimatione. De quib; quidē præfectis, ordo exigit ut iā dicamus.

Omni-

CAPUT VI.

In praefectis rerum militarium, quarum rerum ratio in primis habenda. Et hic de Palatinis, & imperatore, & de reliquis praefectis rei militaris.



MNINO Reip. interest, ne uirtutis bellicae uel prima loca, uel praemia, ambitio occupet: ut que delectus fiat pro personarum dignitate, sine qua non est quod aliquis speret se in precio fore apud turbam militum. Vnde igitur dignitas spectanda? Certè nō tam ex genere aut diuitijs, quàm ex industria, rei militaris peritia, animiq; robore in praelijs perspecto & cognito. Nemo de capite dimicaturus, praefert equum suae domi natum, sed pavidum & fugacem: equo uel Threicio, uel alibi nato, acri & magnanimo. Quae igitur, malum, stultitia est, cum de salute & quasi capite patriae agatur, per gratiam promouere fucos tuos, quia domestici sunt & consanguinei: eos que praeferre alienis, industrijs, laboriosis, & fortibus uiris? Facile est dici ac salutare imperatorem, ducem, chiliarchum, centurionem, decanum, aquiliferum: sed esse, ac quod res poscit praestare, id uerò longè difficillimum. Multis eiusmodi honores mandantur solius generis ac diuitiarum respectu, hominibus alioqui inexercitatis, nunquam inter tyrones uersatis, uix militiae adscriptis: qui quales se in munere suo praestare soleant, & lippis & tonsoribus (ut dici solet) perspicuum est.

Cum autem Palatini moribus nostris, duces sint in bello, singuli suorum municipiorum, omnino eos uirtutibus bellicis excellere necesse est. Nihil enim imperito duce turpius: cui consilia, uires, & artes desint rerum gerendarum. Palatini habent sub se Centuriones, Decuriones, Quincuriones, seu alijs nominibus appellatos: cum quibus consilia communicant, quae par est occultissima habere. Hos uerò lectissimos esse conuenit: ac plus in omni opere militari, quàm reliquam militum multitudinem, exercitatos. Sic enim & militē magis obtemperantem, & ad quaeuis obeunda munera promptiorem & alacriorē habituri sunt. Sed in primis imperatorem, cuius nutu omne bellum administratur, eum esse oportet, qui & providere multa, & ex tempore consilium capere, & multarum maximarumq; rerum cognitionē habere, in ipsa uerò re militari principatum tenere possit: qui & aestum, & frigus, & labores, & omnes belli incommoditates plus quàm alij ferre: qui exercitum in officio continere: qui in animos militum alacritatem & promptitudinem quasi influere: qui, quod in rem fuerit, persuadere uel re uel oratione queat. Quamobrem imperatoris est, loca & castris metandis, fossa ualloq; muniendis, & bello faciendo, opportuna scire eligere: populationibus modum & rationē praescribere: tesseras discernēdis hostibus suis dare, aliaq; signa in bello necessaria prodere: excubias mandare, ac

re, ac per uices uigiliasque nocturnas distribuere: locorum peritiam habere: castrorum & ponendorum & mouendorum rationem tenere: ordinem & in eundo & in recedendo seruari mandare: militum animos alias terrere, alias erigere: ordines tum leuis tum grauis armaturae instituere: officia distribuere, & alios centuriones, alios decuriones, quosdam signiferos, nonnullos etiam praetorianos, qui imperatori semper assistant, facere: acies pro loco & tempore instruere: & ad hostem, seu a fronte, seu a dorso, seu a latere adoriundum, educere: hostium acies uel turbare, uel circumuenire studere: eorum consilia explorare, nostra occultare: milites suos ad pugnam confirmare: receptui canere. Vidimus ipsi Hieronymum Lascium, Siradiae Palatinum, prudentissimum & fortissimum heroem, cum acies suas iam instructas obequitareret: ad praeliu fortiter ineundum hortaretur: decus ac praemia fortibus, inertibus poenam ac dedecus nunciaret: occasiones omnes obseruaret, nulli parti exercitus deesset. Technas, astus, fallacias, quibus hosti imponat, sibi caueat, cognoscere debet imperator: cautionesque belli gerendi tenere. Neque uero, quia hosti fides data praestanda est, ideo dolus omnis aduersus illum improbandus. Illud tantum agendum, ut bellum sit legitimu, quo suscepto, nihil ad iustitiam interest, dolo pugnetur, an Marte aperto. Quod & Iosue 8. Iosueam Dei iussu fecisse, sacra testatur historia: & Poeta inquit,

— *Dolus, an uirtus, quis in hoste requirat?*

Ergo & stratagemata ex historiis cognoscenda, & cautiones belli gerendi tenendae. Et si enim saepe illae uariantur, occasionibusque extemporaneis plus nonnunquam quam arte ulla utendum est: tamen non raro incidunt tempora, quibus similitudine rerum ab alijs gestarum, de multis necessarijs rebus possumus admoneri. Certum omni in re cautum magis, quam audacem imperatorem esse debere, multi duces ostenderunt. In bello etiam Germanico, quod Carolus V. Caesar anno Christi 1547. gessit, manifeste apparuit. magis ille prudentia animi, quam uiribus corporis, usus est rebus gerendis. De urbium, locorumque aliorum propugnationibus, obsidionibus, oppugnationibus ac direptionibus: de fame ab ijs qui obsident propulsanda: de pluteis, uineis, tormetis omnis generis uel propugnandae, uel, si necesse sit, oppugnandae ciuitati necessarijs: de cuniculis ad muros subuertendos: de hostibus uel repellendis ne clam murum ascendant, uel exturbandis si in urbem irrepsissent: de maioribus fluminibus transciendis, de stagnis, de montibus, de locis arduis & praeruptis: de officio & in uictos, & in captos, & in proditores, & in eos qui sponte sese dediderunt: de inducijs cum hoste faciendis, deque rebus similibus, operae precium fuerit ea legere quae multi prodiderunt: ut Vegetius, Aelianus, Frontinus, & alij scriptores praestantes. Quamuis enim animus uirtutis magnitudine & robore septus, ipse excitet se ad res arduas

arduas suscipiendas & conficiendas: tamen si ille erit tantarum rerum sciētia auctus, exemplaq; sibi proponet ducum qui in hīdem rebus uersati sint, maiore haud dubiē fiducia aggredietur suos tueri, hostes propulsare. Equidem cū omni p̄fecto in rebus & actionibus suis, tū in re militari expetendum est duci, ut sit imperandi peritus, & militē habeat dicto audientē. Habeat itaq; milites munerū militariū peritos, qui laborare, qui pericula subire uelint: qui dedecus fugiant, in re turpi uerecundia tangantur. Taliū animi facile excitantur ad imperata explenda. Contrā ignaui, imperiti, leues, & quos nullum stimulat glorię decus, alacres esse non possunt, nec frugi, nec assidui imperatis exequendis. Itaq; ille mos improbandus est, milites conflandi ex fece omni hominū: numeri tantū explendi causa. Multi enim uxore, liberis, officina, agricultura, re familiarī relicta, in bellū concedunt: ut domestico labore & sudore uitato, licenter uiuant, p̄dētur, alienis rebus fruant. Atq; haud scio, an hęc sit causa multorū bellorū infelicitē gestorū. Audiuius, ad solum clamorē Turcarum aduentantiū castra nonnulla deserta, pugnas infelicitē commissas, arces & ciuitates occupatas. Nō est difficile inuestigare causas tot calamitatū: quarum mentio erat faciēda in hac tractatione imperatoris. Eius enim est, delectū facere militū, ac uidere cuius quisq; ordinis sit, quam artē exercuerit, quomodo extra tempus belli se gesserit. eorum itē ingenia, animos, exercitia nosse: ut sciat, ad quam rē unoquoq; usus sit in bello. Om̄ino in uitam militum quotidianam inquiri, non est inutile. Scorta uerō, uoluptatum institores, & alios non necessarios homines ex castris remoueri, prorsus necessarium: neq; tam est curandum de numero militū, quā de peritiā. Ipsum igitur imperatorem, cuius est curare hęc omnia, antestare cæteris necesse est, indole bona, disciplina, consilio, fortitudine, constantia, & omni uirtutis genere: ac in primis Dei timentem esse oportet, illiq; fidentem. Est enim hoc nō humanum, sed diuinum opus, non inuitis, sed & uolētibus, & mandata exequēdi cupidis imperare. Qui autē rebus, quas dixi, p̄dictus fuerit, eius non uerbis tantū, sed aspectu etiam, militum animi mouebuntur ad bellica, quamuis difficilia, opera.

CAPUT VII.

Exercitus in agros hostium primo quoq; tempore educendi.



BELLO indicto, & rebus omnib. apparatis, exercitus primo quoq; tempore in agros hostium educantur. Est enim hoc capitali odio dignum in multis equitū nostrorum, qui nec equum, nec ullā rem necessariā bello habeāt: sed cū dies indicit̄ profectiōi, tū primū de equis quo iure quāq; iniuria acquirēdis cogitant: rebus imbelliū insidiant: sacris profanisq; abu-

y

tuntur.

tuntur. priusquā ueniant ad locū destinatū, nonnunquā hostis cum praeda pecorū & hominū discedit: nonnunquā in patrio solo expectat, ubi omnia uel nullo uel exili dato precio cōsumunt. Quo fit, ut à plerisque equitū bellū expetatur, non illud legitimū quo salutem patrię afferant, sed bellum hoc domesticū: hoc est, licentia summa agendi omnia quaecunq; libeant. Non sic maiores nostri, fortissimi uiri, qui rebus omnib. ad bellū opportunis instructissimi, hostibus obuiā procedebant: eorumq; solū quamprimū ingrediebant: ibi & uiuebāt, & hybernabāt, & praelia cōmittebāt: nec prius domum, q̃ bello cōfecto redibant. Itaq; imperiū hoc uirtute eorum tantū est auctū, quantū ut à nobis bene regat & conseruetur, optandum est.

CAPUT VIII.

Magistratus domi cōstituēdi q̃ militū in bellū proficiscētū licentiā et praeda cōprimat.



RGO, quod iam à nobis dictum est, ex ante diem profectiōni indictā, quæ Restium tertiarū nomine uulgō appellat, usq; ad diē quæ lustrando exercitui designata est (intra q̃ tempus omnibus, qui debent, laribus paternis discedendū est) magistratus sint parati certis in locis, quos uel Castellanos uel tribunos uulgō appellamus, qui iniurias & propulsent, & ulciscant. Ioannes Baptista, militibus quid se facere oporteat rogantibus, respondit, Ne quē concutiant, ne calumniētur, ut contenti sint stipendijs suis, quibus uerbis legem continentię, moderationis, iustitię & innocentię eis fixit: praeda autē, abactiōe, omni iniuria ac uiolentiā eis interdixit. Hodie uidemus ita bellum à multis geri, ut ex comminationibus, periculis alijs intentatis, prędis ac iniurijs maximū faciant quæstū. Optimē est à maioribus nostris constitutum, ut equites singulorū municipiorum ad suos castellanos sese adiungāt, cumq; ijs unā proficiscantur: ac in proficiscēdo ne cōsistēdi aut pernoctādi causa ad aedes aliquorū diuertant, sed extra pagos & opida in tentorijs cum equis & impedimentis resistent. Igitur castellanus prius prefectis & incolis loci illius, ubi est cōsistendū aut nox agenda, significaret ad quam diē sit aduēturus, ut eō ex locis uicinis adferrētur res cibarię pro eqs & hominib. Quas quidē res castellanus inter milites, put cuiusq; exigeret necessitas, distribueret, preciiq; eis ex lege statueret. Sin cibaria aut alia necessaria ad diē allata nō essent, solī castellano esset potestas, cū aliquib. delectis, accedēdi in urbes & pagos, res accipiēdi & æstimādi. Hoc modo castellanus nosceret singulos milites & equites municipij sui: de temperatiā & moribus cuiusq; apud regem & conuentum uniuersorum fidē certam facere posset: in intemperantes mox animaduerneret: ac ad locum bello destinatū ueniens, Palatino suo in manus redderet. Sunt enim Palatini apud nos bellorum duces: castellani uerō, cogendi exerci-

exercitus, & eiusdē in expeditionē educendi magistri. Hic mos militaris profectiois à ueteribus Polonis sanctè obseruatus est. Hodie ne umbram quidē eius tenemus. Pauci cum castellano, plerique omnes sparsim procedunt per pagos & oppida: uel maligno uel nullo dato precio, quicquid libeat sumunt: nec leuiora profectiois uestigia relinquunt, quàm hostes, igne tantum excepto, relinquerent. Domū reuersis, lites quidē intēduntur iniuriarum, ac damnorum datorum: sed quis & quando finis illarum litiū? processus iudiciarij quales? Nam multi equitū mutatis nominibus proficiscuntur. germanū nomē eorum nemo rescire potest: nisi fortē sit, qui de facie olim notum indicet. Lex igitur profectiois ponenda est, ac potius olim posita renouanda atque reuocanda: magistratus constituendi, qui in transgressores mox animaduertant: quique de hac statione defendendæ domi Reip. non prius discedant, quàm ab ijs tuta fore omnia intellexerint, qui expeditionem bellicam ad prædam domesticam conuertunt. Et hoc quidem uel castellanorum, uel tribunorum, uel quorumlibet aliorum magistratuum munus esto.

CAPUT IX.

Milites in staniis ne sint otiosi: ludi eis instituantur, & præmia proponantur.



Exercitu in unum locū coacto, uacationem militi à laboribus concedere inutile est. Quod si hominē unum alere ociosum, molestum sit, totam uerò domum, molestius: profectò multo fuerit molestissimum, exercitū. Itaque cum à magnis & serijs rebus exercitui ocium est, ne milites torpescant, & in luxum ac epulas effundant se, ludi eis frequentes instituantur, ac præmia proponantur. Quod fecisse Aeneam Virgilianum constat, qui ocioso exercitui ad hunc modum indicit ludos:

Prima citæ Teucris ponam certamina clasīs:

Quiq; pedum cursu ualet, & qui uiribus audax,

Aut iaculo incedit melior, leuibus' ue sagittis,

Seu crudo fudit pugnam committere cæstu,

Cuncti adsint, meritæq; expectent præmia palmæ.

Huiusmodi ludis & à luxu pudendo milites abducentur, & laudis cupidine excitabuntur ad decus & officium: & crebra exercitatione tum uires corporis roburque conseruabunt, tum paratiores reddentur ad seria certamina, tum uerò existimationem bonam colligent sibi apud hostes: quæ certè ipsa eiusmodi est, ut uel sola per se ingentem pauorem & consternationem hostibus incutiat. contra ignauia, deliciæ, crapula, oscitantem militem reddunt, & amissa existimatione minimè formidandum.

Magni momenti in bello fama & existimatio.



ST in ore fama que cohors prætoria Turcica, quã Ianizaros uocant: & certè ordo ille disciplina & exercitatione militari est commendabilis. Itaque annis superioribus sola aduentantiũ fama exercitus Christiani adeò consternati fuisset dicuntur in Hungaria, ut nullo prælio facto, aliquoties loco cedere cogerentur. Ipsi etiam Turcæ mollitiem & delicias quorundam Christianorum adeò perspectas habent, ut quoties cum eis præliari cogitent, cum porcis saginatis rem sibi fore dictitent. Tantum in mentibus hominum ualent opiniones de fortitudine ignauiaque alicuius cõceptæ, & confirmatæ. Danda igitur est opera militibus, ut se ludis & exercitatione assuefaciãt, consilijsque idoneis instruant ad ardua Martis opera: ociũ, crapulam, ac omnem luxum tanquam pestem presentissimã fugiant: laborem, sobrietatem, temperantiam consecutentur. Ab his enim ueluti fontibus, facillè & ad famam hominũ, exterarumque nationum profluent: & ad munus suum probè exequendum, contra hostem foeliciter progrediẽtur.

CAPUT XI.

Stipendia ad tempus soluenda: præmia benemeritis constituenda & decernenda: ignauis & male meritis pœna.



VM igitur uirtuti militares honores sint deferendi, tum illud curandum, ut stipendium debitũ omni militanti ad diem soluatur. Etenim solutionis tarditas ac procrastinatio, molesta est omni laboranti: sed in primis, grauissimum Martis onus ferenti. Reddit militem & proteruum, & imperia ducis recusantem, & seditiosum, & ad defectionem cogitantem. Quod si qua fiat, ut pecuniã præstò non sit imperatori, omnino beneuolentia, spe, promissis retinendus est miles in officio: operaque omnis adhibenda, ut qui salutem suam omni tempore pro patria morti exponant, pacta mercede ne fraudentur. Qui uerò se in hostem præclarè & fortiter gessissent, honore & premio debito ne careant. Turpe est enim, eos qui cicatrices & uulnera acceperunt, qui se mortis periculis pro patria commiserunt, non digna uirtute sua præmia ferre: adulatores uerò, foeneratores, & qui pecuniæ cõquirendæ rationes tenent, commodis omnibus frui. Olim quidẽ tanta ratio habebatur fortium uiroꝝ, qui patriæ defendendæ præclaram nauassent operam, ut ex seruis liberi, ex plebeijs nobiles crearentur, alijsque beneficijs augerentur: ac iustis premijs deficiẽtibus, uel appellatione, uel cognomine, uel ornatu singulari, uel alijs insignibus honestarentur. Hinc coronæ illæ ciuicæ, murales, obsidionales

nales appellatae: quibus donabantur, qui ciuem seruassent, qui murum hostis repellendi causa conscendissent, qui obsidione suos liberassent. Hinc annulorum ornatus, cuique pro expeditionum, in quibus interfuisset, numero concessus. Hinc tituli illi, Pater patriae, Numidicus, Africanus. Hinc tibicines, & funales caerei: quibus, ut C. Duellius ob rem aduersus Poenos praecclare gestam, domum à coena uel è curia nocte redeundo, uteretur publice, concessum erat. Hinc supplicationes, ouationes, triumphus, & alia innumera, quae & testimonia erant publica uirtutis in magnis rebus uersatae: & significationes gratitudinis ciuium in homines bene meritos: & quasi calcaria ad Remp. tuendam alios excitantia. Quamobrem hodie quoque uiri fortes & donis & honore uerborum prosequendi sunt, & sedibus honorificis donandi, & magistratu ornandi, & spe maiorum praemiorum confirmandi: ac si qui se uirtute ipsi sua nobilitarunt, nobilitatis insignibus ornandi, armis quoque galeatis, uiuida bello uirtute meritis, augendi. Contra atque hodie à multis fiat, qui cum galeam nunquam in periculis capite gestarint, eam tamen in armis gentilicis depictam gestare non dubitent. Potestas etiam eis facienda, & aurea ornamenta gestandi, quae scilicet uel hosti detraxissent (quod L. Manilius fecisse narrant historiae Romanae, cum hoste deuicto, & torque ei detracta, torque ipsam sanguinolentam, Torquatusque cognomen simul induisset) uel praecclaro alio facinore meruissent: & eadem his qui ius ferendi non habeant, detrahendi. Hoc cum erit moribus usitatum, pudebit istos ignauos aureis torquibus uulgo sese ueditare. Certè emeritis quoque militibus possessiones aliquae essent consignandae: ubi & ipsi aetate ingrauescente conquiescerent, & alijs exemplo essent ad benemerendum de Rep. & ad fortia facta. Quemadmodum autem benemeriti praemijs, ita ignaui & male meriti conuicijs & poenis afficiendi sunt, pro culpae ratione: ut nobiles in plebeios, plebei in seruos reiciantur: possessiones eis adimant, magistratu moueantur: aut, si culpa sit magna, capite plectant. Erat moris Romani, ut si à multis flagitium rei militaris admitteretur, sortitione in quosdam animaduertere: ut metus ad omnes, poena ad quosdam perueniret. Cuius moris M. Cicero in oratione pro Cluentio facit mentionem.

CAPUT XII.

1. De pecunia congerenda, in bellum necessaria. 2. Dupli ratione apud nos geritur bellum: alias ab equitibus uniuersis, nullo precio dato: alias à milite pecunia conducto. 3. Aestimatione prouentuum alij ad stipendium militi conducto persoluum referunt: alij ad id, ut unusquisque equitum, qui belli onera legibus debeant, certum militum numerum in hostem mittat. 4. De monte pietatis extruendo, qui constat dimidijs prouentibus semel, uigesimis autem partibus prouentuum quotannis soluendis: de utilitatibus eiusmodi montis, de loco, de quaestoribus.



I T quoniam neruus belli pecunia est, ideo dicamus
 de ratione eius congerendæ: de qua sæpe & multū
 ordinibus regni frequētibus disputatū est. Hæc
 præcipua causa est tot apud nos cōuentuū anniuer
 sariorum. Etenim præter bellum aliquod ingens &
 asperū, quod immineat uel à Turcis, uel ab alio ho
 ste, habemus Scythas hostes finitimos, in omnes belli occasiones in
 tentos: apud quos non feritur, nō metitur, laboribus honestis par
 citur, ex rapto uiuitur: nec legibus apud eos, nec fidei locus est ma
 gnus. Hi quoties sentiunt neminem militum nostrū in stationibus
 adesse, adsunt ipsi mox: ac impressione facta, uastant omnia ferro ac
 igni: prædasq; q̄ maximas possunt, & pecorū & equorum & homi
 num abigunt. Atq; hi sunt hostes nostri perpetui, qui nec rebus re
 petitis, nec foecialibus missis, bellū inferunt: ac potius latrocinium in
 nostris terris exercent. Aduersus hos milite opus est, qui in statio
 nibus perpetuò excubet. Est autē duplex ratio apud nos belli ge
 rendi. Aliās enim in bellum itur ab ijs, qui id lege debent & mori
 bus: & horum quidem singuli suis impensis militare tenentur. Nam
 & priuilegijs multis gaudent, & possessiones habent, ex quibus id
 debent Reip. Atq; utinam illi ipsi animū inducerēt, per tempus pa
 cis impensis non necessarijs parcere, ut per tempus belli necessariae
 eis suppetarent. Nam si ex possessionibus suis bellū pro Repub. ge
 rere debent, certē fructus ex illis perceptos non in luxū conuertere,
 sed ad necessitatē Reip. seruare deberent. Nunc quoniā in pace in
 gentes ab eis impensæ fiunt in uestes, epulas, ornatū uarium, & ne
 scio quas res alias: sit, ut temporibus Reipub. difficillimis ægrè suū
 tueantur officium. Et hæc ratio est una belli gerēdi: quam quidem
 uocant expeditionē uniuersorum, bellū Reip. debentium. Aliās e
 nim non ab ijs qui legibus debent, sed milite conducto geritur bellū.
 Numeratū est autē ad hæc ferè tempora stipendium militi cōducto à
 colonis, pro iugerum numero: cuius stipendij cogendī causa, su
 præ diximus conuentus annis singulis præcipuè indicī. Sed eiusmodi
 stipendium multis iniquum uisum est, in quo cogendo iugera tan
 tum numerarentur: interea nec quantitatis eorum, nec bonitatis ra
 tio haberetur ulla. Sunt agri quibusdam in locis, non tam cultione
 q̄ natura opimi & fertiles: sunt alibi quamuis bene culti & subacti,
 tamen parum benigni. Ad hæc, quædam regiones sunt melliferae:
 quædā pascuis abundant, lignis, armentis, & rebus alijs, unde colo
 ni multas percipiant commoditates. alibi terra arenosa, nisi gra
 uescat pluuia, malignè alit colonum suum. Iam iugera ipsa non sunt
 eodem modo laxa in omnibus municipijs. Quomodo igitur sti
 pendium, quod par & æquale ab omnibus penditur, potest esse æ
 quum: cum quidem iugera agrorum imparia & inæqualia sint, tam
 spacijs

spacijs terræ, quàm frugum prouentu, ac commoditatibus alijs. Igitur quæsitæ sunt annis superioribus rationes aliæ Reipub. defendendæ. Permulti erant, qui multis & grauissimis adducti causis, omnes omniū qui sint in hac Rep. prouentus æstimandos censerēt: atque eius rei causa uiros delectos obire, inspicere, & conscribere possessiones & redditus omnium uellent: hoc est, fructus omnes annuos, & ex reditu pecuniario & ex agris prouenientes. Nullius enim facultates ab eiusmodi censu, secundum quem tributa Reip. penderentur, exclusas uolebant: indignum rati, ut immunis esset oneribus Reipub. qui commoda ex ea perciperet. Itaq; neq; regias, neq; sacerdotum facultates hoc censu liberabant. Et horum quidē sententia diuisa erat. Alij enim, qui expeditionem uniuerforum sine multis populorum nostrorū calamitatibus, accidere posse minimè sperarent, numerandū pro rata parte ab omnibus putabant: nō semper quidem eadem quantitate, sed tamen semper pro ratione reddituum uniuscuiusq;, quemadmodum necessitas Reip. postulare uideretur: atq; inde stipendiū militi conducto persoluendū. Alij, qui insolentia equitum obsisti, eosque in debito officio contineri posse putarent, nihil numerato opus esse dicebant: sed unicuiq; pro modo prouentuum, certum equitum peditumue numerum imperandum. Qui quidem equites ac pedites, uel omnes unā, si ingens hostium impetus esset reprimendus, progredierentur in aciem: uel si leuiiores impressiones (quales sunt istæ anniuersariae Scytharum) auertendæ, certa equitum peditumq; pars. Ad quam rem municipia omnia harū prouinciarum in septē uel octo partes (quæ uel tribus, uel alio quouis nomine appellarentur) distribuēda essent, ut singulæ annuo tempore bellica munia sustinerent: & anno exeunte, in locū priorū sequentes uenirent: atq; ita, unis alijs succedentibus, in orbē belli uices per omnes tribus irent, & redirent. Haberent etiam singulæ tribus Palatinum unū, pluresue, qui duces essent illarum: cum quidē ueteribus institutis Palatini municipiorum, duces sint in bello. Quotenæ autē redditū seu marçæ nostrates, seu floreni respondere debeāt equiti unī: unde etiam pedites designādi sint, an ex ijs quorum annui redditus numerū non assequantur pro equite consignandum, an uerò aliunde, res est multæ deliberationis, nec nisi Senatusconsulto definienda. Ea uerò ratio bellandi, si ad effectum deduceretur, neq; admodum grauis esset, & commoditates Reipub. multas afferret. Nam & iuuenes exercitatiores, & patres eorum ad arma omnis generis, equos, currus, & cetera bello necessaria paranda sollicitiores redderet: & una tribu militante, alias domi quiescere sineret: omnesque & à luxu auocaret, & expectatione ordinis uicis suæ suspensos, negotijsq; intentos teneret. Nam alij quidem cogerētur ipsi in hostē ire: ut qui sunt ordinis equestris,

cuius

cuius hoc munus est proprium. Alij uerò, etsi non irent ipsi, tamen pro se equites peditesq; mitterent: ut Rex, & sacerdotes. Quorum ille, in omnes Reip. partes intentus, diu ab ea abesse nequit, nec nisi in expeditionibus uniuersorū esse consuevit. isti, ne in his quidē: sacris enim uacantes, arma horrentia Martis tractare nequeunt. Quo magis curare illos deceret, ut tales pro se uicarios darent Reip. qui illi aduersus hostē utilē operam nauare & possent & uellēt. Si quis uicariorū non eam quam deberet Reipub. operā praestitisset, cōtra Remp. fecisse iudicandus, & poena constituta esset puniendus. Et hāc quidē belli gerēdi ratio annis superioribus aliquoties in Senatu tractata est. quācū apta sit & percōmoda huic Reip. nunquā ab armis cōquiescenti, mirū est quamobrē sit repudiata. Sed quod culpa seu temporū seu hominū omīssum est, posset adhuc publico ordinū consensu sarciri. Cuius rei frequentibus municipiorū legatis in conuentu initia nonnulla ponerentur. Qui enim ad conuentus mittuntur, possent singuli de numero & equitū & peditum dicere suorū municipiorum. Ad quam rem & Palatinorum, & Castellanorū, & praefectorum, & aliorū qui non imperiti rerum eius de quo ageretur municipij essent, sentētiā accederent: ita ut paruus error accideret, hac ratione ineunda. Sed longē exactius res agerēt per eos qui publicē deligerentur, ut ipsi accederent singulorū possessiones, suis oculis omnia lustrarent, aut etiam narratione aliorū discerent, eaq; omnia in tabulas inferrēt, ac tandē in conuentu uniuersorum proponerent. Iam commodū, quod ex censu accederet, illud certē est minimē cōtemnendū, quod seu numerandū esset, seu miles mittendus, non facīlē in Rempub. fraus aliqua admitteretur. Est qui possessionum suarum nomine, tenetur cum centum equitibus expeditioni interesse. Is fortē uniuersum suum comitatum conflauit ex ijs, quorum singuli ex suis possessionibus uno equo militare debent. Ac nostris quidem moribus, totum illum comitatum, hoc est nonagintanouē equites, nō opus esset separatim facere sumptum in expeditionē. Simul enim unusquisq; illorum duas sustineret personas: simul & in asseclis illius, cui operam suam locasset, haberetur: & suum munus sustineret, quod Reip. ex possessionibus propriē deberet. An uerò Respub. ad hunc modum non insigniter fraudatur, dum pro 199 equitibus, tantū 100 in aciem educuntur? Quod si aestimatio census fieret, non facīlē numerus diminueretur uel militum, uel pecuniarū, quas quisq; ex fundis redditibus ue Reipub. deberet. Hāc de censu, atq; adeo de duabus rationibus bellandi. Dicamus de tertiā. Erat enim non nemo, qui quasi montem pietatis extruēdū ē Repub. esse putaret. Sic enim symbola uocabat, seu pecuniam, quā ab omnibus pro modo facultatum semel quidē iusto numero cōijceretur, deinde quotannis nonnullo etiam supplemen-

plemento augeretur. Sed & hæc ratio, & aliæ quas narraui, quoties propositæ, toties etiam reiectæ sunt. Mira enim sunt nostræ gentis ingenia: quæ consilia noua & inaudita, quantumuis honesta sint & utilia, tamen omnino respuat. Semper igitur ad conuentus generales recurritur. illi maximo omnium ordinum concursu agitantur: sumptus maximi in eis exercetur: bona temporis pars conuiuijs extrahitur: postremò colonis & oppidanis pecunia imperatur. Hic finis, hæc meta solet esse consultationum omnium. ad hanc ubi peruentum est, iam neque causis audiendis, neq; legibus emendandis magnopere studetur. Etsi autē, ut dixi, difficile est nostros homines ad aliam rationem, quàm quæ hæctenus usurpata est, inducere: tamen quia duas iam ostendi, explicabo & hanc tertiam, si fortè uel temporibus uel uoluntate adduci poterimus, ut aliquam illarum amplectamur. Montem pietatis, sicuti ego accepi, clarissimus & sapiētissimus uir IOANNES LASCIVS, religionis & Reip. nostræ princeps, quodam in conuētū Petricouig habito, ad hunc modum erigendum censebat, ut quasdam uocaret summas primarias, alias secundarias, nonnullas tertiarias. Primarias dimidijs fructibus æstimabat, quas semel tantum numerari satis esse iudicabat: cōputatis quidem in fructibus, & censibus pecuniarijs, & agrorum emolumentis. Secundarias, ex uigesimali reddituum partibus conficiebat: quas omni anno solui uolebat. Tertiariæ fortuitæ essent, de quibus infra dicemus, primarijs & secundarijs constitutis. Et quamuis nec primariæ nec secundariæ constitui possent, nisi redditibus singulorū æstimationis: adeò uix quicquam sanciri potest ad perpetuitatem, nisi primū censu constituto: sed quoniam primariæ non nisi semel soluendæ essent, non desperabat Lascius, omnes Reipub. amantes ea bonitate fore, ut libenter & prolixè eas soluerent, sine fortunarum & bonorū suorū exacta æstimatione. Si fortè propter difficultatem numariam arduum esse uideretur, ut tota summa primaria simul numeraretur: credebatur tamen, sine magna molestia biennio, uel ad summum triennio numeratum iri & à Rege, & ab omnibus possessiones perpetuas habentibus, atque adeò omnibus Ecclesiastici ordinis uiris, ijs quidem qui beneficia sacerdotalia perpetua perciperent. Eximendos enim hoc numero putabat eos, qui anno uertente quasi motoriam fabulam agere, ac præsidum suorum uoluntate loco cedere cogantur. Sed qui sacerdotijs gaudent perpetuis, ab his pro facultatum uniuscuiusque sacerdotij & reddituum ratione (eorum quidem qui ex agris, censibus, proueniunt) & primarias & secundarias summas numerandum esse. Idē & de principibus profanis, & de equestri ordinis uiris, possessiones agrorum & census alios habentibus, intelligendum esse censebat. Hæc erat de monte pietatis Lascij sententia. Quæ in eo

*Arduus prope
et Primus regni*

quod primariam summam semel tantum numerari satis esse dicebat, ea interpretatione explicanda uidetur, ut quisque bonorum aliquorum possessor semel in uita sua soluat: in cuius locum qui succedat, semel etiam in uita soluat. & sic de alijs in priorum loca succedentibus intelligendum. Nam si in possessiones bonorum ecclesiae uenientes, singuli pro se numerant aliquid uel Papae, uel alijs pontificibus: certe aequum est, ut omnes, aliquas possessiones adeuntes, numerent Reip. cuius totum hoc est, quod inter multos nomine uel hereditatis uel meritorum diuisum est. Non erit autem difficile, Ecclesiasticos homines ad contribuendum inducere, si, quemadmodum Rom. Pontifici pensiones ob sacerdotia adepta, ita Reip. eandem ob causam pecuniam, quam diximus, soluere essent deuincti. Quis enim est, qui non libenter uel integros anni unius prouentus semel in uita sua numeret, ut deinceps, uita suppetente, eis fruatur? Ergo qui in sacerdotium aliquod uenire uellet, hoc nexu in primis obligaretur. Ne autem aliquid fraudis admitteretur contribuendo, sacerdotiorum omnium indices (registra uocant) iussu loci ordinariorum scriberentur: & uel ad synodos ecclesiasticas, uel ad conuentum uniuersorum perferrentur: eorumque sacerdotiorum estimationes per possessores, legitime citatos, fierent, ac in tabulas publicas referrentur, ut tandem secundum eas solutiones fierent. Lex etiam poneretur, ut qui falsae aestimationis conuictus esset, is & periurus iudicaretur, & sacerdotio priuaretur. Ac ne tanta liberalitas sacerdotibus fraudi esset, uiolatores rerum sacerdotalium grauib. poenis punirentur: primum quintupli (loquimur enim exempli causa) solutione, deinde decupli, postremo exilio. Ex bonis autem exulis solutio fieret iniuriam passor: reliquum monti pietatis addiceretur. Si uiolator, non tantum haberet rerum, ut ex eis damnum sarciri posset: hic ad praesidem loci delatus, ipsius sumptu & labore quaereretur: & uel in carcerem conijceretur, uel seruituti eius qui damno affectus sit addiceretur, uel alijs poenis subijceretur. Praeses id non faciens, praefectura priuaretur, ac contra Rempublicam fecisse iudicaretur. Quod si homines ecclesiastici, quibus immunitates legibus ac moribus nostris datae sunt, tanta liberalitate utentur erga Remp. quid tandem facere conuenit homines profanos? quorum defensio Reip. est propria, qui bonorum suorum certos habent haeredes, qui priuilegijs multis donati sunt a Republica. Certum contribuente una parte, alias iactare aliquas libertates iniquum est. Omnes uehimur quasi una naui Reipublicae. Vno membro corporis laborante, alijs uita iucunda esse nequit. Hoste etiam, quem Deus auertat, grassante, eodem in periculo sunt bona omnium, tum profanorum, tum sacris initiatorum. Haud scio an in numerum contribuentium ad modum iam dictum ascribendi sint ciues & oppidani, agros colentes. Nam colonos quidem, quos Cmethones uocamus,

uocamus, omnino excipiēdos puto: qui & quotannis numerēt dominis suis, & labores omni die ferant. Maximi certē & perennes ex eis percipiuntur fructus: uixq; alio quā mancipiorum aut bestiarum loco habentur. Et ratio igitur & æquitas suadet, ut qui uix aliquando respirent ab oneribus, respirent tandem ab hoc tributi genere. Sed de oppidanis & ciuibus agros possidētibus quid dicemus? Haud equidem puto singulorum tātas esse possessiones, ut primariæ summæ conficiendæ multum addere possint: ex quibus nimirum uix ipsi se cum familia in annum alere ualeant. Deinde in moribus multorum esse, ut sepe agros uendant, & alij ueniant in alias possessiones, in aperto est. Neque uideo, qui uelit primariam numerare summam de agro, quem sit altero aut tertio post anno uenditurus. Puto igitur satis esse, ut omnium iugeribus æstimatis, dent singuli oppidani agros possidentes, pro rata parte, quotannis ad secundariā summam conficiendā, singuli scilicet fructuum annuorū partē uigesimam. Idem de equitum possessionibus censeo, colonis, seu (ut nunc loquimur) cmetonibus carentibus. De mercatorib. opificibus, cauponibus, qui fundos nullos habent, sed rem quærunt artibus suis, difficile potest certi aliquid statui. Omnino res committenda uidetur ciuitatū magistratibus: ut qui res & artes ciuium suorum in conspectu habent, modum & rationem illis quotannis præscribant, quantum Reip. soluendum sit. Vidi in quibusdam Rebus publicis obseruari, ut mercatores & opifices magnum arte sua facientes quæstum, quantum quisque lucri haberet, iureiurando profiteretur. qui quidem mos cur improbāndus sit, nihil uideo. Imò aratores quoq; quin iugera sationum suarum (si necesse sit) iureiurando profiteantur, nihil causæ uideo. Mercatorum quidem & opificum capita mercium non possunt sine iactura fortunarum suarū diminui. Eodem enim numero, quo fundi agrorum, habenda sunt. & quemadmodum aratores, non fundos ipsos, sed fructus ex fundis prouenientes, seu pecuniam pro illis contri- buunt: ita capita mercium salua & integra mercatoribus permit- tenda sunt. tributum uerò ex lucro, tanquam fructu (quod iureiurando profitēdum diximus) imponendum illis est. Caupones, qui in pagis sunt, nescio cui rectius cōmittantur quā dominis suis. Opifices uagi, qui certas sedes non habent: institores item, qui uix arte sua sese sustentant, liberi sint ab omni onere soluendi. Quod de oppidanis, mercatoribus, opificibus, cauponibus hīc dictum est, id ad duas priores bellandi rationes (si alterutra illarum probaretur) transferri posset. omnis enim summa ab his omnibus cōgesta, uel ad belli usum, uel ad aliam Reip. commoditatem cōuerteretur. Quæ quidem summa nō mediocriter augetur, si Pontifex Rom. annatas à nostris episcopis alijsq; presbyteris solui solitas, nostræ

Reip. donaret. Nisi fortè annatis à Pontifice Rom. remissis, non iā separatim Reip. soluēde essent: sed in summa, quā ab episcopis diximus numerandā, includēde. Huc etiā iure optimo referendē essent hereditates, & possessiones caducae & uacuae: bonaq; omnia, testamento uel intestato à quouis tū ecclesiastici tū secularis ordinis homine relicta, quae ad neminē lege perueniāt. Iā pecunia omnis mulctatitia, quā quorūuis criminū rei peracti morib. legeq; soluūt, nescio na rectius aliquò referat (ea quidē excepta quae ei qui leges sit debet) q̄ in hoc Reipub. ærarium: unde & defensio paretur, & alijs necessitatibus pub. prouideatur. De extruendo monte pietatis, quem si placet fiscum Reip. appellemus, satis ut arbitror dictum est. Nunc quis eius fructus, qui locus, qui custodes. Locus tanti thesauri sit omnium munitissimus, & à finibus hostium remotissimus. Ego pre arce Cracouiensi nullum uideo aptiorem, nam & munitissima est, & frequentissima. Nisi fortè cautiorem Reip. hunc thesaurum fore putamus, si alio quā uel regius uel ecclesie thesaurus loco asseruaretur. minus enim damni fore, si unus horum, quā si omnes simul eodē loco repositi, in discrimen adducerentur. Hæc si ratio habenda est, non mihi displiceret arx Petricouiēsis, si frequētior esset: aut certē ecclesia ipsa Petricouiēsis, quae sita est in maiore populi frequentia. Sed spero facilē locū, uel si nouus extruendus esset, inuentum iri, si primū de ipso monte inter omnes cōueniret. Diximus aut in Secundo libro, de templo pro iudicibus generalibus cōstruēdo. Proximē illud tēplū esset amplū aedificiū, cuius inferior pars haberet parietes lateritios, eosq; fornicatos. Ea dedicaret huiusmodi mōti pietatis, superior iudicibus cōsecraretur, ad ius dicēdū, & suū cuiq; tribuendū. Qui quidem fiscus, ut tutus foret Reip. sanciendum esset, ne quid, nisi conuentus autoritate, ex eo alicui daretur. Eius custodes tres essent, qui Fisci præfecti appellarentur: unus maioris, alter minoris Poloniae, tertius regis autoritate designaretur. In his unus, minimū, ordinis Ecclesiastici fieret: iurati quidem omnes. Qui pecuniam omnem, datis & acceptis hincinde syngraphis, tum acciperent, numerarent, in fiscum inferrent: tum exponerent. Rationes tum accepti tum dati omni anno in conuentu, uel coram ijs qui publicē designarentur, ederent omnes quidem unā. Hoc que disertē cauendum esset, ne quid præfectis, in dando præsertim & accipiendo seorsim, sed omnibus coniunctim facere liceret. Qui pecuniam huiusmodi conquirerēt, ac ad fiscū afferrent, quæstores nō ineptē uocarent: quos & ipsos certos ac iuratos esse conueniret. Atq; hi syngraphas præfectorum fiski, uicissim præfecti quæstorū ad fidē mutuō faciendam in conuentu apud designatos rationibus conferendis exhiberent. Vnde constaret de pecunia tum accepta, tum expensa, tum reliqua. Præfectos fiski ad

eum

eum locū ubi asseruaretur, ædes habere conueniret. Nunc quis fructus fisci seu montis eiusmodi esse possit, uideamus. Ille uerò permagnus fuerit, quòd futurus esset tanquam belli neruus, aduersus omnem hostē. Aduersus Scytharū quidem latrocinia, sperarem nunquam exhaustum iri: aduersus alios, aut sufficeret, aut maximo esset adiumento. Est autē hoc rebus gerendis pernecessariū, pecuniam in numerato habere. difficulter enim, cum opus est, conquiri tur. & tum exercitus uel serius conscribuntur, uel citius quā oporteat, dimittuntur: multæq; occasiones prætermittuntur rei bene gerendæ. Iam nullius fortunæ perinde atterentur dimidijs fructuum partibus semel in uita, uigesimis autē quotannis numerandis, quā si semel, hoste potentissimo imminente, effundendæ, & quasi euer tendæ essent. Ex eodem thesauro iudicibus generalibus, de quibus in Secundo libro diximus, milleni duceni floreni pecuniarū in annum: custodibus autem fisci, treceni numerandi essent, in res necessarias. De cæteris iudicum uitæ necessitatibus, eodem in libro Secundo dictum est. Hoc etiam thesauro ita constituto, colonos & Cmethones nostros seruitute ista perpetua liberaremus. Hunc uerò fructum non certè in postremis numeremus: atq; haud scio an sit omnium longè maximus. Videre licet uitam colonorum haud dissimilem uitæ mancipiorum: terræ & uomeri affixi sunt perpetuò: totos dies uel sibi ipsis, uel dominis laborant. Multis uix panis in medium annum sufficit: reliquo anni tempore agunt uitam miserri mam. Qui ditiores sunt, hi multis iniurijs sunt opportuni: multas habent artes malī domini, eos deglubendi. nec enim Cmethoni de domino suo apud aliquem queri, nec eum in ius uocare licet. Numerant quotannis & dominis & presbyteris. Si quis à tributo annus est uacuus (quod ætate nostra aliquoties accidit) tamen expeditionis bellicæ prætextu, dominis suis sæpe numerare coguntur. ita nomen tantum numerandi eis mutatur: res non mutatur. Haud scio an seruitus Aegyptiaca maior fuerit, hac Cmethonum seruitute. An igitur non putamus rem humanissimam & æquissimam esse, ut uel hoc onere tributī soluendi liberentur? Ministros, qui in annū operas suas nobis locauerunt, ita tractamus, ut & cibū, & uestē, & pecuniam illis largiamur: illi uerò nec nobis, nec Reip. hoc nomine pendere coguntur. Quid autē Cmethones sunt aliud, quā ministri perpetui, cum liberis & familia sua? an non satis habent, perpetuos labores ferre? quotannis & dominis numerare, & presbyteris decimare? Profectò & æquitas uiolatur, & ab humanitate multum disceditur, dum & hæc necessitas defendendę Reip. illis imponitur. Quis enim ignorat, supra ætatem & memoriā nostram has regiones omnes ab illis defendi esse cœptas? nam quid interest, defendant per seipsos Remp. an ijs numerēt qui defendāt?

Quòd si id Reip. omni iure debuissent, an non satis iam functi officio uideri possint? an non adhuc tēpus sit meritis illorum uicē reddere? Atqui hoc est ordinis equestris, qui prærogatiuis honorum adipiscēdorum in Rep. gaudent, qui possessiones amplas possidēt, ut uel ipsi Rempub. ab hoste defendant, uel ijs numerēt qui sint defensori, hancq; gratiam de tot beneficijs Reipub. referant. Quod quidem factu illis non esset difficile, si quem luxui modum præstituerē uellent. Quantū enim uidemus ab illis impendi in uestes preciosas, in conuiuia, in aureas torques? His rebus & gratiam quarunt, & magnificentiam apud uulgum ostentant. Vtinam isti qui nouorum tributorum solent authores esse, sumptuarias leges condi procurent. Etenim si sumptibus non necessarijs pepercerimus, erit unde sumptus necessarios Reipublicæ suppeditemus. Ego quidem ita existimo, maiorem & diuturniorem fructum capturam Rempublicam ex defensione ad eum modum constituta, quàm ex Cmethonum tributis quantumuis magnis: Deumq; opt. max. facturum, ut temporibus aduersis ipse sit liberator & protector noster. quemadmodum Dauid rex & propheta testatur inquiēs: Beatus uir qui intelligit super egenum & pauperem, in die mala liberabit eum Dominus. Quibus igitur pollicitationibus ad misericordiam egenis & pauperibus colonis tribuendam accendi possumus, si his diuinis beatitudinis & liberationis in die mala futuræ non accendimur? An non putamus fore, ut si in illos duriores esse pergamus, pro beatitudine maledictio nobis & ira Dei immineat, nullusque in die mala nobis misericordiæ locus relinquatur? Magnus igitur fructus putandus est montis, quem diximus, pietatis, si per hunc Cmethones nostros à seruitute ista liberauerimus. Addamus Quartum fructum, & ipsum non contemnendum: ut si fortè Respublica in presentia uel non egeret defensione, uel thesauros haberet abundātes, possent inde ciues (quo nomine intelligo omnes qui manent unā in hac Republica, sintq; eius quasi membra) mutui nomine sumere, quantum quisque uel pignoribus uel fideiussoribus cauere posset. Deberet autem mutuatarius à centenario florenorum in annos singulos quatuor aut quinque florenos, seu minus, redditus uicē, numerare: quæ pecunia omnis adiungeretur monti pietatis. & hæ summæ Tertiariæ uocarentur. Sed cautio sit idonea de summa mutuo data: cuius prior ratio haberetur in exigendo, quàm aliarum cautionum priuatis hominibus datarum. debent enim publicæ res præponi priuatorum. Ne liceat rem pignori Reipublicæ datam diuendere. Si quis eam emit, suo damno emit. omnis enim summa ex pignore refarciri debet. atq; hoc etiam à mutuatario cauendum est, ut ad necessitatem Reipublicæ uel summam mox ipse soluat, uel ex pignoribus eam repeti ius fasque sit. Iam quòd

quod quaestores nonnulli tributorum usitatorum praestrici sunt saepe grauib. suspicionibus uel auaritia, uel perfidia, uel expilationis iniusta, sperarem equidem suspicionibus eiusmodi nullum deinceps locum fore, si & qui summas afferrent ad montem pietatis, & qui acciperent, fide & tabulis signatis agerent omnia. Profecto in municipiis seu territoriis, uel ut hodie loquimur, Palatinibus singulis, necesse est suspicionis fugienda causa duos esse quaestores iuratos: qui coniuncta manu & pecuniam exigerent, & chirographa subscriberent: ita quidem, ut neuter sine altero quicquam ageret: diligentiores essent, & maiore fide agerent omnia, cum sibi mutuò conscii essent, rerum à se unà administratarum. Eadem fide & diligentia praediti esse debent custodes, de quibus supra diximus, montis pietatis: qui & ærarii praefecti dici possent, ad quos chirographa unà cum pecuniis collectis à municipalibus quaestoribus afferri deberent, & ab istis ad municipales alia: ut cum ad rationes conferendas uentum esset, utraq; chirographa utrisq; testimonio esse possent. Et id quidem in omni solutione & exactiōe perutile fuerit, ut & qui dat, & qui accipit, testentur id chirographis mutuis utrinq; datis: quæ iureiurando utriq; ad ærarium referret. Hoc modo nunquā aut uix posset fraus committi pecuniis exigendis, & recipiendis. Et hæc quidem de monte pietatis, seu ærario: deq; alijs defendendæ Reip. rationibus, quas in Senatu aliquoties propositas & tractatas scio: sed nunquam usurpatas, nemo ignorat.

CAPUT XIII.

Et soluendum tributum Reipublicæ causa imperatum: & à principibus sine causa non imperandum.



Tributū & uectigal Reipub. causa imperatū quisq; soluere debet, nō tātū pœnæ magistratus fugienda causa: sed etiā, ut ait Paulus, propter cōscientiā. Non enim defensio Reip. fieri potest sine magnis sumptibus & praesidijs. ideo Paulus & tributa & uectigalia pēdi, & onera publica subire iubet: subiectionisq; necessitatem grauissimis uerbis auget, dum ait, oportere nos subditos esse non solum propter iram, uerū etiam propter conscientiam. Omnia igitur legitima belli munera, quæ à magistratu iniungunt, obeunda sunt subditis, si Dei offensionem uitare, pœnasq; grauissimas fugere uelint. Sed tamē magistratus ipsi uideāt, ne abutantur ijs quæ Reip. causa data sunt. Propterea enim Paulus dandū esse affirmat, ut principes debitū Reipub. munus expleant. Qui igitur absument, aut aliò conuertant tributa quàm necesse sit, iñ tāquam populi sanguinem fugere: qui uerò sine causa ea imperēt, iñ rapacitatis ac tyrannidis uitio se contaminare putandi sunt.

Prouincia omnes uni principi subiectæ, eodē modo uel contribuant, uel militent.



Arist. Polit. 5.

DDAMVS huc, quod etiā in multis conuentibus actū est, ē Repub. maximē esse, ut non tantū municipia Poloniæ, sed & prouinciæ aliæ quæ regno coniunctæ sunt, ad eandem rationem uel tribuendi uel militandi adducantur. Facilius coniunctis uiribus communem hostem repellemus, q̃ si iisdē dispersis, alij ferant onera, alij ociosi alienæ calamitatis sint spectatores. Omnes uehimur quasi una Reipub. naui: eam nos aduersus omnem tempestatem defendere communibus uiribus æquum est. Nam si te cessante nauis in discrimen ueniat, tu reus eris naufragij. Immunitates uerò munerum in publica calamitate iactare, astutorum hominum est, & omnia ad suam utilitatem conferentium: atq; haud scio, an etiam alienum malū expectantium. Relictus est Hercules ab Argonautis, cū Colchum pro aureo uellere cum eis petēdo, labores nauticos, pretextu excellētiæ quasi priuilegij cuiusdā, ferre cum illis cōmuniter nollet. Deserēdi & isti essent in periculis, qui per speciem priuilegiorum communes operas nauare nolunt Reipub. defendendæ. Prudentiæ est, uidere an quæ prouinciæ ab ijs locis ubi bellum gerendum sit, ita remotæ sunt, ut magis sit ē Reipub. illas contribuere, q̃ militem à se longis terrarū interuallis mittere: qui & proficiscendo incommodaret locis per quæ iter faceret: & ad locum belli ueniendo, de uia longinquitate ineptus redderetur tractandis armis. Illud difficile est statuere, bonum ciuem esse, qui alijs de summa Reipub. periclitatibus, ipse cum posset, nec militare uellet, nec in commune quicquam conferre.

CAPUT XV.

Parta uictoria quid agendum.



ART A uictoria, si forē cæsis fugatisq; hostib. prouinciā eorum nolimus occupare, agendū est de pacis cōditionibus cū uictis: cōfoederationesq; tales faciendæ, ut ne illis renouare bellū unquā liceat. Et quēadmodū Virgilius apes à prælio & ludo inani retrahere iubet hac ratione, — Tu regibus alas

Eripe, non illis quisquam cunctantibus altum

Ire iter, aut castris audebit uellere signa.

Ita uictori faciendum, ut potestatem cū uictis omnibus, tum præcipuē eorū ductoribus adimat belli faciendi. Igitur & sumptus belli ab eis exigendi sunt: & obsides accipiendi: & multa indicenda: & tributa auxiliāq; contra hostes nostros, si quando usus sit, imperanda. Quod si prouinciam hostium occupare licebit, tum consilium capiendum de ea uel alicui committenda, qui sit perpetua nobiscum

scum amicitia coniunctus: uel à nobis seruanda & retinenda. Verè dictum est à Poeta:

Non minor est uirtus, quàm querere, parta tueri.

Itaq; si prouincia retineri non possit sine maximis difficultatibus ac sumptibus, qui ex ea nunquā sarciri possint, potius uel ipsis uictis, uel alij cupiam, cuius fides & amicitia nobis sit perspecta, certis legibus & conditionibus committenda est. At si prouinciam eiusmodi ditionis & imperij nostri facere, rationibus Rei'que publicæ nostræ conducatur: utpote quæ & suis impensis se tueri queat, & ad res nostras opportunitates multas habeat: tunc quidem ut eam pacatam, incolascq; nobis non infestos habeamus, de ea legibus & moribus constituenda, consilium iniri oportet: & de ipsis incolis tū placandis, tum in officio continendis: quibus homines tui, quibus maximè fidas, præficiantur, penes quos summa rerum existat. Neq; inde discedendū, nisi præsidij relicti: quæ tādū illic habenda sunt, q̄ diu est metus uel rebellionis ab incolis, uel impressio à proscriptis & uicinis populis. Quoniā uerò milites & sumptui sunt Rebus pub. & odio, propter uitæ intemperantiā, libidinesq;: nemoq; nisi in summo discrimine, eorū requirat operas: deinde in regione, in qua domiciliū non habet constitutū, ita uiuunt, tādū altero die discessuri: atq; de rebus, quas in bello acquisiissent, exportandis, semper cogitant: ideo ut prouincia liberetur multis malis, incolis etiam præcidatur occasio moliendi aliquid mali aduersum nos: non incommodum fuerit, domicilia ipsis militibus, illis in locis ubi opera eorum sit necessaria, donare: certos agrorum modos assignare, ubi & uxores ducant, & familiam alant, & sint patres familiās. Non erunt nec odio nec oneri tanto ei prouinciæ, cuius incolæ facti fuerint: prouinciāq; ipsam pacatiorem indies efficient sua præsentia, conuictu, comitate, humanitate, cæterisq; uirtutibus exercendis. Sed tamen nihil militibus concedendum est, cum incolarum iniuria. Hoc fiet, si uel uxores cum possessionibus eis concedantur: uel fundi uacui, locaq; ad ædificandum assignentur: uel, si id minus fieri possit, translatis in tuam Remp. hominib. prouincialibus cum omni familia, ubi eis domus & agri concedantur: eorumq; fundis, domibus, agris ijs concessis qui prouinciā tueantur, salutemq; & dignitatē nostram defendant. Interea cum incolis agendū, ut id quicquid molesti eis uideatur, boni consulant: rationes prouinciæ egeret talibus præsidij: nec ab externis hominibus, nec à seditiosis ciuibus Remp. aliter defendi posse: fore tamē, ut cum res pacatiore fore uidebuntur, præsidia omnia deducant. Sed ne plura. Quæ in tua Rep. tam domi q̄ foris, & pacis & belli tēpore, curāda agēdaq; superioribus libris diximus, eadem omnia in prouincia per te parta agēda sunt. Incolę beneuolentiā tuam Principis cognoscant. Sentiant

tiant te patrem suum esse, & pastore: idcirco & iure dicendo, & iniurijs uindicandis, & omnibus quae Reip. necessaria sint exercendis. Praefecturis & magistratibus prouinciae illos ornato: ad militiam, cum fides eorum erit perspecta, adiungito: aliaque munera, quae tuto possis, cum illis communicato. Hoc modo animos eorum tibi deuincies, ac in partes tuas pertrahes. Et haec cum incolis. Cum uicinis autem populis foedera ineunda sunt. Cum proscriptis, qui uelint supplices esse, ita agendum, ut multa eis pro delicti qualitate irrogata, recipiantur in gratiam. Nisi forte delictum tale est, ut nullo modo in Remp. recipi possint. Sin minus, recipiendi sunt. Reddes tibi eos hoc modo ex inimicis amicos, & multorum tibi studia conciliabis. Omnino & inter arma clementiae debet esse locus: quatenus quidem natura & conditio belli ferre possit. Post partam uero uictoriam, punitis ijs qui auctores belli in te fuere, in reliquos humanitas omnis exercenda est. Quid quaeso homini ab homine accidere crudelius potest, quam si res illius adimat, in seruitutem eum redigat, uitam ei eripiat? Si uictor igitur nec rebus, nec libertate, nec uita hominum uiolanda, potest fungi suo, hoc est, ueri principis, atque adeo patris & pastoris officio: quid tandem causae est, quo minus humanitate & omni clementia utatur in uictos? hoc est, in fratres suos, seu errore, seu temeritate, seu superbia, seu quouis uitio lapsos. CHRISTI, illius mortis & inferni uictoris, uox est, qua iubemur ignoscere alijs, quemadmodum nobis uelimus ignosci. Vbi igitur locus est maior ignoscentiae, humanitati, clementiae? praesertim cum populos in fide & obseruatione continere diu non queas, nisi clementia. Malus enim est (ait Orator, & idem Philosophus, Senator, & Imperator) diuturnitatis custos, metus: contra, beneuolentia fidelis est uel ad perpetuitatem.

CAPUT XVI.

Epilogus, ubi causae belli iusti reperuntur: & exhortatio ad poenitentiam scelerum.



ACTENVS à nobis exposita sunt, quae ante bellum, quae in bello, quae post bellum gerenda uideantur. Consilia scilicet, quae ad pacem cum dignitate tuendam pertineant, uel exquirimus, uel ab alijs data narramus: honesta quidem, ut nobis uidetur, & laudabilia: successum uero à summo & praepotenti Deo petimus, sine cuius ope nullae uires quantumuis magnae, nulla consilia quantumuis bona nobis proderunt. Itaque & hoc curandum est, ut omnia bello necessaria conquiramus & apparemus: id quod à sanctissimis uiris, qui praeerant Rebuspub. factitatum animaduertimus: & Deum supplicissimè rogemus, ut adiuuet conatus nostros. Ergo & cum Deo redeundum est in gratiam, & habenda iusta bellandi causa. Non nos incendat ad bellum cupiditates uel gloriae, uel finium propagandorum. Iustissima belli causa fuerit, iniurias propulsare,

pulsare, populosq; nostros ab hoste tueri. Sed ad hæc accedat uitæ & morū nostrorum emendatio: sine qua difficile dictu est, ut sperare quis possit uictoriam. Inuitus facio, ut in exemplum proponam uicinum nobis & socium regnū Hungariæ: sed quia & ipsum notissimum est omnibus, & res in eo gestæ à memoria nostra remotæ non sunt, ideo spero mihi hanc ueniam datum iri, si breuiter de eo dixerō. Erat regnum illud & uetustate nobilissimum, & bellicis laudibus clarissimum, & auro argentoq; ditissimū, & omni armentorum genere locupletissimum, & uini frugumq; prouentu fertilissimum. Quid igitur in eo regno deerat ad uitam beatè foelicitèq; degēdam? Habuit regem memoria nostra sanctissimū Vladislau, regis nostri Sigismundi patris tui germanum: habuit postea Ludouicum, tuum (rex Sigismunde secunde) patruelem fratrem. Ab utroq; bella gesta sunt cum Turcis, iustissima illa quidem, ut ego arbitror, nam & iniurias ultum ibant, & populos suos ditionesq;uebantur. Verū quia peccata Hungariæ (sic enim dicendum est) exundauerant, ideo uicta est, & optima eius pars ab hoste occupata. Quid igitur? an Turcica fortitudine? Ego quidem ita arbitror. Sed idem ipse affirmare ausim, Deum fuisse, qui fortitudinem Turcarum in populum suum excitauerit: qui illos ad uindicanda scelera populi sui euocauerit: qui & arcus tetenderit, & sagittas exacuerit: & ungulas equorum ut silicem, & rotas quasi impetum tempestatis, & rugitum eorum tanquam leonum formidabilem effecerit. Cur enim non eodem modo de hoc mihi loqui fas sit, quo Deus (ut refert Esaias, diuinus uates) loquitur, in Iudæos Nabuchodonozorem missurus? Quod si Deus Nabuchodonozorē seruū suū uocat, quo duce Iudæos profligauerit: an non uocabit Turcam seruū suū, per quē Hungaros punierit? O quam dolenter hæc à me dicuntur. Sed audiamus cætera. Post Ludouici interitum, duo reges (liceat mihi quæso de his & loqui & sententiā ferre, quæ sint exemplo nobis ceterisq; monarchis) duo igitur reges de Hungariæ regno contēdere, bellaq; gerere cœperūt: alter à principib. Christianis desertus, in fidem ac clientelā Turcæ se contulit, at ille patronus, clientis sui amicū primò, sociū, fratrem, deinde dominū se appellauit. Alter regū illorū, bella cū Turca gessit: populos multos & ex Germania & ex alijs nationib. in Hungariā eduxit. Sed quid tandē effecit? Exercitus illius partim fugati, partim pfligati: oppida, ciuitates arces multe, atq; adeò regia ipsa capta, occupata, morib. & religionibus Turcicis imbuta & infecta. Quid igitur putamus in causa esse uictoriæ huius Turcicæ? an nō uidemus Turcā esse, per quē Deus & punit, & puniturus est peccata populi sui? Quæ si nos ipsi nō punierimus, aderit Turca seruus Dei uiuētis, cū equis, curribus, arcubus, sagittis, & frameis suis, nō aliter nos (heu horrore perfundor, hæc

hæc referēs) puniturus, quàm Hungaros punierit, uicinos nostros. De hoc & in querela nostra de pœna homicidij copiosè, & hic breuiter diximus: ut earum rerum tibi, Rex, et populis tuis cogitationē (in qua te uersari quotidie cupio) pro mea parte iniiciam. Si igitur hostem hunc à ceruicibus nostris auertere uelimus, demus operam, ut uitam nostram in melius commutemus. Etenim mores corrupti nostri, fides & officium neglectum, uita poenitere nescia, maximum & firmissimum robur est hostis aduersus nos. Contrà, præcipua arma nostra in poenitentia & precatatione posita existimamus: quibus iram Dei placemus, & tantas calamitates à nobis propulsemus. Hoc cum erit factum, tum causæ iustitiæ nobis erit adiumento. Neque enim nos inferemus bellum, sed propulsabimus: neque pro ambitione aut gloria, sed pro aris, focis, liberis, uxoribus, denique pro Repub. & religione pugnabimus. Frangentur tunc uires Turcicæ, & omnium hostium, non eis proderunt artes belli, non hominum multitudo. Deo enim pro nobis pugnante, hostes omnes & diaboli ipsi cedant necesse est. Et hæc quidem de ciuili hominum societate, quæ domi moribus & legibus gubernatur, foris armis ab hoste defenditur, dicta sint. Nunc ad Ecclesiam, & coetus sacros transeamus.

LIBRI III. DE BELLO,
F I N I S.

ANDREAE FRICII
Modreuij Secretarij Regij de
Ecclesia liber unus.

Item,

DE SCHOLA LIBER VNVS.

Additi sunt,

DIALOGI DE VTRAQVE SPECIE
COENAE DOMINI DVO.

Ad hæc,

Disputatio de uerbis Pauli 1. Corint. 1. Bonum est homini mu-
lierem non tangere: attamen propter fornicatio-
nem unusquisq; habeat suam.

BASILEAE, PER IOAN-
nem Oporinum.

ANDREAS FRICIUS MODREVIUS PA-
tribus Concilium Christianum œcumenicum legitimè habituris, uiris am-
pliss. gratiam & pacem à Deo patre nostro, & Domino
IESV CHRISTO.

Inter ea quæ ab alijs hominibus puto uos accepturos, uelim &
hæc accipiat, Patres amplissimi: quæ ego ex uarijs scriptoribus in
hunc librum cõgessi, ecclesijsq; cum nostris, tum alijs omnibus, mu-
lieris Euangelicę exemplo tanquam obolum obtuli. Vobis autem,
qui Ecclesiam totius orbis Christiani uerè & legitimè sitis represen-
taturi, non tantum offero: sed digna sint gazophylacio Ecclesiæ,
nec ne, iudicandū permitto. Dominus, cuius negotium agitis, im-
buat uos spiritu suo: scientia & uirtute augeat, ad res agendas:
omniaq; consilia uestra gubernet, ad consocia-
tionem & salutem ecclesiarum
suarum, Amen.

AVTORES, QVORVM TESTIMO-
nijs usi sumus, hi sunt:

Sacra Biblia.
Origenes.
Cyprianus.
Ambrosius.
Hieronymus.
Augustinus.
Saluanus.
Petrus Lombardus.
Glossa Bibliorum.
Thomas Aquinas.
Durandus.
Tho. Caetanus.
Eras. Roterodamus.
Io. Eckius.
Stephanus Vinton.
Io. Hoffmeyerus.
Ambrosius Catharinus.
Albertus Pighius.
Alfonsus Viruesius.
M. Antonius Flaminus.
Isidorus Clarus.
Martinus Beresius Aiala.

Canones Apostolorum.

Concilium { Nicænum.
Chalcedonense.
Neocæsariense.
Ancyranum.

Sexta Synodus.
Gratianus.
Sextus decretalium.
Liber digestorum Iustiniani.
Codex eiusdem.
Innocentius quartus.
Pius secundus.
Io. Ant. Præpositus.
Abbas Panormitanus.
Eusebius Pamphilus.
Theodoretus.
Historia tripartita.
Baptista Mantuanus.
Cicero.
Titus Linius.
Polydorus Urbinas.

ANDREAS FRICIVS MODRE-
VIVS SIGISMUNDO AVGVSTO REGI POLO-

nia, magno Duci Lithuania, Russia, Prussia, Mazoniaq; domino

& heredi s. d.



OSTERIORES operis nostri de Re-
publica emendanda libros, alterum de
Ecclesia, alterum de Schola, prius tem-
porum iniuria in lucem prodire uetitos,
nunc Maieitati tuæ offero, clarissime
Rex. Quos te spero recepturum eo ani-
mo, quo decet uirum principem, omni-
bus partibus Reipub. consulentem, reci-
pere, quæcuncq; ad ipsam Rempub. per-
tineant uel constituendam, uel emendam. Quorum si neutrum,
quod tanta re dignum esset, in nostris libris reperiretur: conatus ta-
men inseruiendi Reipub. magnus, nisi me fallo, reperietur: ut etiam
si ob rei difficultatem minus consequar quod uolo, illud tamen me
sperem consequuturum, ut me cupidissimū esse omnes cognoscant
bene merendi de Republica. Quam quidē cum cogitatione & scri-
ptione nostra cōplecti uellem, non uisum est hæc duo omittere, de
quibus in his postremis libris agimus: ex quibus scilicet summa
perueniant commoda ad res mortalium. Quarum curationem ut
suscipias Rex, tuo munere dignam, uerborum multitudine cohor-
tandi tui causa nihil opus est: cum res ipsa, facto quid opus sit, pa-
lām toto orbe loquatur. Turbis opinionum innumeris cunctus
ferē orbis Christianus iampridem tumultuatur. Quas ipsas opinio-
nes annis proximis, tuam in Sarmatiā sese effudisse, nemini est igno-
tum. Non enim iam in occulto, ut olim, sed palām, & frequenti ordi-
num omnium conuentu, res religionis in controuersiam uenisse au-
diuimus. Vulgō homines à receptis Ecclesiæ dogmatis recedunt:
nec dubitant sibi sumere de religione potestatem statuendi. Neque
uerō id tam personarum ecclesiasticarum odio (exceptis hīs qui ex
bonis illorū ditescere uelint) aut aliqua animi malitiosa affectione,
ut nonnullis uidetur, faciunt, quām grauibus & uehementibus opi-
nionibus: quas ex uarijs scriptis arripuerunt, & hauserunt. Qua in
re illud inest incōmodi, quod nemo est ferē qui de sua sententia am-
bigat: nemo, qui aliorū sententias non improbet. Quod nisi his ma-
ture occurratur, quid aliud expectandum fuerit, quām ut unitas ec-
clesiarum, quam à maioribus accepimus, rumpatur, & indies magis
ac magis dehiscat. Vna uerō hæc ratio maiori rupturæ occurren-
di, unitatiq; restituendæ esse uidetur, de qua tu summo senatus con-
sensu dixisti, ut de tota causa ad Concilium œcumenicū referretur.

A 2 Nam

Nam etsi ea tibi, quæ religionem nouarent, minimè probarètur: tamen noluisti tuo arbitratu ui ea tollere, cœlesti haud dubiè uoce monitus: quæ ne frumentū eradicaretur, iubet lolium usq; ad messem relinqui. Hanc igitur nos messem, Concilium œcumenicum præsentī in sermone interpretemur. Vel enim illud, uel nihil aliud, discrimen malarum & bonarum herbarū in Ecclesia facturum esse uidetur. Sedenim Concilium, ex quo tanta rerum molimina pendent, rectè & ordine ut habeatur, tuum est Rex, tuq; similitum, qui imperia terrarū obtinetis, in primis curare. Etenim si sacrosancta esse debēt omnia quæ in illo sancita erunt, quāta tandem cura, quanta diligentia, quanta prudentia adhibenda est eo celebrando: ne si quid secus quā debeat, in eo decernatur, cogantur imperia eius iniusta alij exercere, alij pati: aut certè existimatio & autoritas eius ab omnibus abiiciatur. Atq; in hac parte tam præclari muneris bene curādi, aliquis fortasse non immeritò in nostra natione aliquid desideret: quòd Concilio hisce annis bis coacto, ne semel quidem legati à nobis in eo uisi sint. Veruntamē occasio non minus idonea, quā proximè erat, nobis offertur, sarcindi quod neglectū est, si quidem Concilium iterum cogetur. Quam occasionem prætermittere minimè licet: ne alijs uel Christiani non esse uideamur, uel ea nihil curare quæ Christianorū sint omnium. Quæ enim fronte auderent, qui sunt cum potestate, imperijs & decretis alienis uel ipsi seruire, uel alios gubernare, quæ illis nihil curantibus, populis imprudentibus, ecclesijs nostris incōsultis perlata essent? Non ne Respub. ipsa mandata principis negligenda putat, quæ ordinibus incōsultis ad eam perferuntur? Quid igitur, an ijs rebus quæ uitam æternā attingant, putamus ecclesias obstrictum iri, quæ illis imprudentibus in Concilio decernerentur? De cuius Concilij legibus à nobis differitur in hoc libro. Ac summa illa est, tum rectè illud constitutū uisum iri, cum iudices in dissensione eorum qui dicent sententias, totius Concilij autoritate erunt electi: ne si in hoc capite fuerit erratū, fiant inde lapsus procliues in deteriora. deniq; si libertas cuiq; dabitur dicendi quod sentiat. Sed eam libertatē à uera doctrina proficisci necesse est. Itaq; qui mittētur, uideant ut doctrina & rebus necessarijs, quasi armis ante tempus se instruant. Qui dicit diuitias & facultates plus prodesse rebus agendis, quā ingenium & doctrinam, ille leget Midam aliquem. Eademq; ratione & curandis ægris, & causis agendis, & nauigationi diuites præficiat. idem, si placet,

— *lungat uulpes, & mulgeat hircos.*

Verū res ipsa clamat, ad opus omne magnū & arduum commodè tractandum & peragendum, artifices potius quā incios adhibendos: dignitatemq; eorum qui rebus agendis præficiantur, non ex opibus, sed ex uirtute & doctrina pendendam esse. Qui igitur legabuntur,

gabuntur, arma prudentiæ & bonarū artium ante tempus sibi comparare debent: ut cum tempus aduenerit, eant sine mora bonis omnibus: atq; ea quæ agenda sunt, agant bene præmeditati, disciplinis idoneis & disputationibus onusti: sine quibus nihil prorsus ualent opes, honores, stemmata, quantumuis uetusta & illustria. Super hæc uerò Concilium uia & ratione procedet, si omnia ad uerbum Dei maximè erunt directa. Doceri enim homines uolunt: autoritatibus humanis se premi non uolunt. Conscientiæ hominum non ineptorum, incredilibus cōficiuntur angoribus. Qui angores, nisi uerbo Dei fuerint depulsi, nec fulminibus anathematum, nec metu periculorū, nec mortibus quidem ipsis ex animis euellētur. Cætera quæ huc pertineant, in hunc librum de Ecclesia collegimus. In quibus omnibus procurādis, te SIGISMUNDE AVGVSTE Rex, ostendere æquum est patriæ tuæ, cui præses, quantum sit in te studium religionis, quantum desiderium pacis & concordie ecclesiarum, quanta sollicitudo ac uigilantia ad res perturbatas tranquillandas. Id à te boni uiri omnes optāt, patriā flagitat, Ecclesia CHRISTI postulat, Deus ipse requirit. Quorum expectationem frustrari nō potes, sine graui iactura salutis tuæ. Hortatur Dauid rex princeps populorum, ut tollant portas suas: per eas enim ingressurum regem gloriæ. Quæ igitur portæ sunt concilio Christiano imminente, quas reges & principes regi cœlesti introeunti aperire debeant: quàm ut curent, quantū in ipsis est, omnia quæ ad talem cœtum sint necessaria: ut excitent ingenia ad rerum, quæ ibi tractandæ sint, inquisitionem: ut Pontificem Max. & Monarchas appellent, atq; ad curam similem inuitent: ut uel ipsi intersint huiusmodi cœtui, uel pios & ad regnum CHRISTI eruditos eò allegent: qui & sciant & uelint & audeant ea loqui & agere, quæ conuentui illi idonea sint ac necessaria: ut tandem unitas regni CHRISTI optatissima, studiumq; iustitiæ eius nobis restituatur: cui pax, concordia, salus, ac cætera bona adiſciantur. Celebratur literis & sermonibus multorum, laus ac gloria Constantini Imperatoris Romani: qui ad errores extirpandos, pacemq; ecclesiarum constituendam, Concilium Nicææ coegerit: ac se episcopis comministrum usq; præbuerit, dum nihil superesset controuersiarum. Imitati sunt Constantinum Martianus, Theodosius, & alij principes populorū. Tu uerò Rex, & apud præsentis gradum dignitatis nanciscēris amplissimum, & apud posteros nomen tuum immortalitati consecrabis, si religionis dignitati, quantum possis, consulueris: legibus & bonis moribus Rempub. excolueris: studia literarū cum suis cultoribus tua benignitate foueris & prouexeris: sine quibus nec religionis doctrina retineri, nec Respublicæ conseruari possunt. Vale. Cracouiæ.

ANDREAE FRICII MODREVII SE-
CRETARII REGII, IN LIBRVM DE ECCLE-
sia Præfatio, ad Legatos ad Concilium Christianum œcumenicum
à natione Polonica designatos, IOANNEM DROIOVIVM
Vuladislaiensem, & IACOBVM VCHANIVM Chelmen-
sem, Episcopos, & STANISLAVM TANCINIVM
Comitem, Castellanium Leopoliensem, viros
amplissimos, patronos suos.



It *er* *o* ad vos librum de Ecclesia meum: eundem illum, quem
ab hinc fere triennium typographo Cracovia diuulgandum de-
deram. Sed qui tunc temporibus in lucem prodire uetus est,
idem nunc absolutus & auctus, cum senore prodit. Quod enim
opificibus uulgo accidere solet, opus artis suæ absolutum dare polli-
cetibus, cum illud quod promississent ad diem minime effectum
reddant: idem mihi accidisse uideo superiore tempore, cum opus de Repub. quinque-
partitum in lucem emittere professus, tres tantum partes illius dederim: reliquas ti-
tulotenus exhibuerim, re præstare nequiuierim. Et res quidem erat inchoata: ue-
rum quo minus ad effectum perducta esset, intercesserant homines nonnulli, boni qui-
dem & eruditi illi, sed tamen nimium meticulosi, dum uererentur, ne operis nostri
editione aliquod religioni Dei immortalis uulnus infligeretur. A quo quantum
aberat uoluntas & studium nostrum, tantum doloris animo meo contractum erat,
illo rumore in uulgus sparso & peruagato, plagam in Fricii libellum propterea im-
missam esse, ne quid ex eo detrimenti religio caperet. Veruntamen in hoc animi
mei dolore, quod mihi remedium ad maculam hanc detergendam idoneum uideba-
tur, petebam ab ijs quorum nutu & arbitrio res agebatur, ut locum & tempus con-
stituerent, quo uita in scriptis nostris coram indicarent: uicissimque uel nostras defen-
siones audirent, uel sua meliora proferrent. Eo enim me ingenio præditum esse, ut re-
ctius docenti facile essem pariturus. Quod cum minime obtinuissem, cōfugi ad aliud
remedium. Nam collectis in unum omnibus, quæ à quolibet mihi darètur crimini,
scripto me purgavi. Quod scriptum cum ad alios publicè priuatimque, tum ad illos ipsos
huius causæ actores misi: sperans, ac etiam petens, ut cum coram nollent, scriptis me-
cum de hoc toto negotio agerent. Verum ne id quidem impetratum est. Quod ma-
gno argumento mihi erat, & multis bonis uiris, nostram sententiam quæ in libro con-
tinebatur, ueram esse, & religioni Christianæ minime incommodam: utpote quam
Theologi improbare uel nollent, uel non possent. Quomodo enim uel non possent ui-
ri doctissimi, si falsam esse intelligerent? uel nollent homines studio religionis flagran-
tissimi, si quid periculi rei Christianæ imminere putarent? Nam quod principio li-
bellum non euulgandum putauerunt, occupationibus, quibus multis magnisque sepe
distinentur, impediti, parum despectisse uidentur rationes nostras. Quas ubi longio-
re temporis interuallo, & nostris etiamnum nouis scriptionibus melius perspectas ha-
bere cœperunt, consilium quod prius intenderant, repudiasse uisi sunt. Ego uero,
cum tempus iustum mihi uideretur, hanc ueluti fabulam absoluendi, librum perfici-
endum

ciendum curavi. Neq^{ue} enim licet, neq^{ue} libet, amplius resistere nonnullis bonis uiris, qui quod reliquum libri esset, & per literas, & ipsi per se & per alios, à nobis describendum petebant: rati scilicet aliquid in hoc libro contineri, quod Reipub. Christianæ prodesset. Itaq^{ue} ne quam de nobis, hocq^{ue} libro nostro spem maiorem quàm deceat apud aliquos relinquamus, ne'ue quod reuera est alijs inuidere uideamur, librum sub incudem dedimus. Non tantum autem promissi fides, ac operis inchoati constantia, non tantum aliorum postulata me ad id excitauit, sed maxime etiam ratio muneris mihi impositi. Cum enim regijs uerbis imperata mihi esset profectio ad Concilium uobiscum, qui à nobis publice delecti estis, officio mihi prorsus deesse uiderer, si cogitationis nihil conferrem in res in Concilio tractandas. Cumq^{ue} sententias nonnullas cum multorum applausu legi animaduertirem, indignas sanè Ecclesia Dei, & libertate Christiana, nihil contra illas dicere cum possis, hominis esse uidebatur in re Christiana dissoluti ac negligētis, cōcordiaq^{ue} Christiana minimè studiosi. Quid enim illud, quod nonnulli magna contentione iactant, minus peccare sacerdotem scortando & adulterando, quàm uxorem ducendo? Quid illud, ad iudicium de rebus religionis solos episcopos in Concilio admittendos? Non'ne alterum horum est blasphemum, alteru tyrannicum? Disputaui igitur non de articulis fidei catholicæ, ne quis me calumniatur: sed de istis ipsis & similibus sententijs: quas non adeò ratas esse & fixas, ut inter articulos fidei Christianæ numerandæ sint, quisq^{ue} legens nostra, facile animaduertet. Imò tales esse nonnullas, quæ libertati illi Concilij œcumenici ab omnibus expetite, uehementer repugnent: potiusq^{ue} esse, de illis ante tempus Concilij dispicere, quàm ut intactæ per manus omnium circumferatur: ne quis tandem in concilio Christiano uel autor ac suasor illarum, uel approbator esse audeat, nisi publico ecclesiarum consensu approbentur. Cum autem nihil tantum efficacitatis habeat in ueritate inuestiganda, quàm si ex utraq^{ue} parte causarum fiat contentio: officij est cuiusq^{ue} Reipublicæ Christianæ amantis, ut quantum possit, quæ à nobis uel ob imperitiam, uel ob ualeitudinis infirmitatem, alias'ue causas prætermissa sunt, aut secus quàm oporteat tractata, ea cōtradictionibus excutiat: ut ne quid suo tempore in Concilio, nomine nationis nostræ dicatur, nisi quod disputationibus mutuis tersum fuerit, & limatum. Non sum adeò sensus communis expers, ut non uideam, in quem aculei illi emittantur, qui à quibusdam collecti & coaceruati sunt ad hunc modum: ISTE theologus, iuris utriusq^{ue} consultus, grammaticus, rhetor, medicus, geometer, aliptes, augur, schænobates, & quid non? qui in decretorum libro Gratiani diligenter uersatus esse uideri uult. Vides Lector, uenenatum agmen morsuum, haud scio an ex aliqua satyra desumptum. nisi quod in eo aliquot emblemata addita sunt, uel elegantiae causa, uel ut grandius sonaret, essetq^{ue} maledico carmine mordacius. Quod quo animo fecerint autores, iudicent alij. Mirum est autem, cum hæc componerent, non eos cogitasse, quam personam sustineant. Coguntur multi, & quidem præcipui eorum, de moribus, legibus, religione, pugillatione, luctatione, funambulis, & id genus rebus sæpe disputare: ut non minus hæc in ipsos conferri possint omnia, quàm in quem ista scripserunt. Nobis uero conscientia nostra pluris est, quàm hominum quorumuis aculeatæ uoces. Nihil tam turpe remur, quàm est iners & desidiosum

*sidiosum ocium. Studium honestarum rerum honestissimum esse putamus. De rebus incognitis sententias dicere, turpe esse ducimus. Mei similibus, quantum possumus, bono exemplo praelucere studemus. Hoc quibus displiceat, fruatur suo iudicio: habent alios quos imitentur. Nos tamen non ideo de studiis nostris aliquid remittimus. Si cui occurrat quid melius, quam nos tradimus, cur non proponit sine contumelia? Maleuoli est hominis, damnare ea quibus meliora inuenire non possis. De terrere uero conatus aliorum ab honestis studiis, minime piorum est: sed & nefarium, & prorsus tyrannorum. Librum igitur de Ecclesia, multis in locis auctum, typographo dedimus diuulgandum. Apologiam etiam, qua nonnulla loca, & ea praesertim de quibus negotium nobis facebatur, fusius explicata sunt, auximus: eamque in ipsum corpus libri inseruimus, non quidem perpetuata oratione, sed sparsim: ut cui parti libri aliqua pars Apologia respondeat, quisque uidere possit. Quae qui legget, plane cognoscat, nihil noui nos unquam molitos esse, neque quicquam in re Christiana definire uoluisse: sed ea proposuisse, quae in diuinis scriptis, & apud probatissimos scriptores legerentur: Concilioque Christiano de his omnibus liberam definiendi potestatem reliquisse. Haec praefari uoluimus, hoc in loco. Vobis uero, quibus prouincia rerum Concilij apud nos publice data est, hunc laborem nostrum peculiariter commendandum duximus: atque etiam uos, nationis nostrae nomine appellandos, ut personam, quae uobis imposita est, recte tueamini. Omnium qui in hac Repub. sumus nomine, religionis negotium in Concilio tractare debetis. Omnes si uos alloqui uellent, non iniuria haec ad uos facerent uerba: Mittimus uos de medio nostri uiros letissimos, ad eum conuentum, qui orbi Christiano pacem sit allaturus. Scitis, qui in rebus magnis semper uersati estis, quanti motus religionis non tantum in nostris regionibus, sed in omni Christiano orbe sint facti. Causas eorum motuum, disciplinae ac morum corruptionem, legum solutionem, doctrinae & rituum iniquationem esse, non ignoratis. Haec tollenda sunt. Quae uero decent & opus sunt, ea in rectum ordinem adducenda: ut & motus excitati tollantur, & pax optatissima ecclesiis adducatur. Omnes ea prudentia praediti estis, ut quid facto opus sit uideatis. Omnes & ordine & dignitate locos principes tenetis in Repub. & in Ecclesia. Agite igitur, per Deum immortalem, uti decet. prudentes & fortes sententias dicite. Utque uobis quiduis aliud quam fides & animus desit, in id uero toto animi impetu incumbite. Magnam & illustrem prouinciā suscepistis: ex qua recte administrata, incredibilia & omnino diuina bona non ad Sarmatiam tantum nostrā, sed ad totam Rempub. Christianam sint peruentura. Ea à uobis omnes expectamus, quae à summa uirtute, summaque prudentia expectanda sunt. Si à uobis nostrae expectationi satis erit factum, quas tandem gratias uobis non debebimus? quae praemia, quos honores ad uos non deferemus? Sin minus, quae turpitudine, quod dedecus, quae labes ex hac ipsa prouincia uobis deportanda, ad extremum uitae uobis sustinenda, & ad omnem memoriam uobis transmittenda esset, intelligitis. Sed nos, qui maiorem spem de uobis concepimus, quam ut uelit fallere tot tantasque expectationes, Deum precamur, ut uos ad nominis sui gloriam, atque ad utilitatem Ecclesiae, rei publicae conseruet: uires uobis addat firmas, roburque animi inuictum: scientia & prudentia uos augeat
ad res*

ad res gerendas: nosq; tandem ad nos saluos & incolumes reducat: ac post exhaustos labores, donet unà nobiscum per I E S V M C H R I S T V M, uita sempiterna. Ite & redite optimis ominibus. Cauete, ne uobis legatis res Christiana sit peiore loco.

Hæc quidem est oratio, uiri amplissimi, quam à cunctis nostris prouincijs ad uos iamiam profectiorem ad Concilium parantes, habitam putate. Cui quid ego addam, nihil habeo. Illud tantum à uobis peto atq; contendo, si rationes à nobis allatæ, quæ me ad editionem huius libri impulerunt, iustæ sunt, ut & uos eam editionem probe- tis, & nos ab iniurijs accusatorum defendatis. Non hoc dico, ut laudetis mea, si lau- dem non merentur. Nam & uos fortasse non idem sentitis, quod ego: & quisq; eam libenter sequitur rationem in religione, quam in se Dei respectus commouit. Illud dico, ut officium, sedulitatem, attentionem meam probetis, qui non alieno tempore, sed Concilio imminente, hanc quasi uelitationem exerceam. Non enim debellatum à me uideri uolo, sed pugnae occasionem præbitam, ex qua honesta & sempiterna quies sit sequutura. Turpe est tacere, cum res in motu sunt, earumq; pacificatio bre- ui expectetur. Vetus est uerbum, silentio perisse Amyclas. Publicè apud nos de- fenduntur sententiæ & insolentes, & à concilio pacifico alienæ. Hæc an non magni præiudicij nationis nostræ uicem obtinerent in Concilio, si eo appetente, nihil contra eas uicissim publicè diceretur? Si igitur libertatem Concilij appetitis, si scortationes & adulteria presbyterorum extenuari inuiti auditis, si magnos in Ecclesia abusos esse cernitis, qui emendationis indigeant: defendite nos, studijs nostris fauete: Consulite in medium, & rebus succurrite fessis.

Si nos deseritis: sed nolo quicquam tristius loqui. Valete.

Craconia. M. D. LIII.

ANDREAE FRICII MODREVII LI-
BER DE ECCLESIA: VNA CVM APO-
logia pro eodem libro.

P R A E F A T I O.

Comparatio ministrorum Ecclesiæ horum temporum, cum ijs qui
ab initio nascenti Ecclesiæ præfuerunt.



NT VENTI mihi, & cum animo meo reuoluēti, quæ in Ecclesia I E S V C H R I S T I his temporibus acciderunt: eaq; cum initijs nascentis Ecclesiæ diligentius conferenti: permirum uideri solet, quò- nam modo factum sit, ut plurimi mores prisca sensim quidē, sed tamen indies ma- gis ac magis in præceps, quasi pronò amni, à puritate & sanctitate primæua fluere cœperint, & discedere. Etenim cum cogito de religionis no- stræ illis antesignanis, qui à C H R I S T O delecti, orbem terrarum

B

ab ido-

ab idololatrijs repurgarūt, atq; semine uerbi Dei seminarūt: uideo illos numero paucissimos, bonorum possessione pauperrimos, iniurijs infinitis maximè opportunos fuisse: res tamen tantas gessisse, quantæ post memoriam hominum maximæ possunt commemorari. Doctrinam IESV CHRISTI in totum orbem sparserūt, & diuulgarunt: inimicitias hostium magistri & domini sui appetuerunt: pericula & mortes ipsas ultrò subierunt. Contrà, cum hominum nostræ & superioris ætatis, qui in loca illorum successere, mores confidero, diuersa omnia in eis, & prorsus contraria animaduerto. cœtus eorum ubiq; frequentissimi: rerum multarum ditissimi: iniurijs uel minimè, uel modicè expositi. Et tamen in tot opportunitatibus paucissimi sunt, qui docere populū uelint, puritatemq; doctrinæ ac ceremoniarum à CHRISTO & Apostolis traditarum conseruare ac retinere. Itaq; & mores corruptos, & ritus deformatos & disciplinam solutam uiderunt & adhuc uident secula nostra. Inter quæ & illa Apostolorum tempora qui interiecti erant, ij quidem eiusmodi fuere, ut quo quisq; temporibus Apostolorum uicinior, hoc in munere apostolico fungendo diligentior: quo nostris, hoc segnior fuerit. Etenim si res antiquas ex literarum monumentis memoria repetamus, multos inueniemus ordinis sacerdotalis uiros maximis uirtutibus præditos fuisse, fructusq; quàm uberri- mos ecclesijs tulisse: quales fuisse Ambrosium, Augustinum, Hieronymum, Athanasium, & innumeros alios constat: qui doctrina sua illustrarunt Ecclesiam, non secus quàm sol iste qui aspectu senti- tur, illustrat orbem radijs suis. imperitos erudiebant: alienos à reli- gione ad CHRISTVM adducebant: doctos confirmabant: impijs gladio uerbi Dei resistebāt, neq; fuit illis quicquam antiquius, quàm ea perpetuò agitare, quibus maximè instructi essent ad om- nia sui officij munera exequenda: quæ quidem in docendo, & sacra- menta populis administrando, maximè posita erant. Itaque & ipsi memoriam nominis sui clarissimis monumentis immortalem effece- runt: & posteritas ex magnis illorum meritis in diuorum numero illos collocauit. Maiore in precio tum in Ecclesia Dei erat doctri- na, quàm diuitiæ: pluris æstimabatur uirtus, quàm natalium splen- dor. Atq; utinam mos ille præclarus ad nostram hanc memoriam remansisset: non tot procellæ doctrinæ, turbines ac tēpestates mo- rum in Ecclesia Dei extarent. Sed cum progredientibus ætatibus, uetus illa disciplina sensim, ut ferè præclara omnia, minui cœpit, sit, ut nostra hac exigua, aut propemodū nulla sit. Quotus enim quisq; est, qui hodie sacerdotio ambiēdo, opus appetat, non opes? docto- rem agere uelit, non dominum? imò quotus quisq; est, qui eam reli- gionis scientiā afferat ad hunc ordinē, ut uel mediocriter prodesse possit Ecclesiæ? Mitto mores multorum perditos; de cura cognos- cendæ

Modus loquen-
di Ciceroni fa-
miliaris, quo si-
gnificatur, a-
deo illos Chri-
sto fuisse ami-
cos, ut quos illi
scirent esse ini-
micos, illorum
se inimicos esse
profiterentur.
Hanc interpre-
tationē addere
placuit, pro-
pter morosa
quorundam
iudicia.

scendæ doctrinæ Christianæ mihi sermo est. Omnes, aut certè maxima pars sacerdotū, & eorum quidem in primis qui opimis sacerdotijs gaudent, omisis studijs religionis Christianæ, student rebus alienissimis, animus eorū est in patinis, abacis, ueste preciosa, equis, numerosa familia: optima temporis pars consumitur in ludis & uenationibus: cæterum placet ocīū, atq; deliciæ. ac nisi liturgia & preces horariæ superessent, uix ulla ueteris sacerdotij uestigia apparent. Qui literis sese dediderunt, quicq; publicè docent populum, ij ne honores sibi debitos consequuntur, nec auctoritatem: & certè in Ecclesia tanquam in aliena Repub. uersantur. Paulus ille Tharsensis, secundum Apostolos & Prophetas priorem doctoribus locum dat, quàm gubernatoribus. Hodie uerò non tantum præ gubernatoribus, sed etiam præ hominibus ociosis, sed diuitijs & genere præstantibus, longè postputantur doctores. Itaq; cum eruditio & generi & fortunis in Ecclesia Dei posthaberi cœpta esset, ipsiq; summi gubernatores clauum docendi nunquam tenere consueuissent, factum est, ut turbulētissimis tempestatibus coortis, inepti essent ad gubernacula tractanda, quæ mari tranquillo nunquam tractare didicissent. Vtinam autem uel uicarios haberent tanto muneri pares. Sed sit nescio quo modo, ut nemo ad eam artem seriò animum adiungat, quam ab ijs negligi uideat, qui eius nomine in principum dignationem peruenerunt. Sed quæ nam sunt illæ tempestates, quæ procellæ, Ecclesiam CHRISTI quatientes? Eas uerò facile unusquisq; cernet, qui hanc ecclesiarū nostri temporis faciem diligentius fuerit contemplatus. Tantæ enim sunt inter partes dissensiones, tanta certamina, ut permulti boni uiri dubitent, quid sequendum, quid fugiendū sit. Vident duces clarissimos sæpe armis & castris magis, quàm uoluntatibus & studijs dissidentes. audiunt ab utrisq; Ecclesiæ sanctissimū nomen opponi: ut etiam si aliter sibi putent esse sentiendū, auctoritati tamen cedere cogantur. Iam mihi consideret quisq;, quas turbas in animis hominum efficiant tantæ dissensiones? Nemo bonus sine animi dolore aspicere potest, hanc fratrum à se inuicem discessionē: ita enim inter se distracti sunt, quasi alium Deum colerent, alio baptismo initiarentur, aliam regni celestis expectarēt hæreditatē. Vtriq; utrosq; dignos putant, in quos probra & maledicta conferant, quos æternis supplicijs deuoueant. Quid enim sibi uolunt certamina inter eos suscepta? quid libri ab utrisq; cōscripti, pleni disputationum, debacchationum, conuictorum? In quibus hominibus est aliquid Christianæ charitatis, ij non possunt hæc in CHRISTI membris & fratribus sine ingenti dolore uidere. Quos nulla tangit cura illius, ij ridēt hæc omnia, & tanquam in aliena calamitate uiuunt ociosi: neq; hoc eis uenit in mentem, eiusmodi esse hanc tempestatem, quæ nulla ui corporis sedari

possit: nisi legitimis rationibus ex diuinis oraculis petitis fuerit auersa, horrescet indies magis, semperque foedas in animis hominum nubes glomerabit. Vtinam uero illi quos penes est summa potestas, conuertant tandem suos conatus omnes, ad eam ipsam tempestatem sedandam & componendam. Quorum etsi hanc curam praecipuam esse conuenit: tamen quemque etiam pro sua parte anniti decet, ut ne quid intermittat studij, operae, sollicitudinis, ad eam auertendam. In qua persuasionem nobis uisum est, ut quasdam uias indicarem, quibus id effici posse sperarem. Neque uero clam nos est, tractationem hanc longissimam, simulque difficillimam esse: uerum quid impedit, ut si non omnia, quaedam tamen, neque uero ea omnino protrita, pertractentur à nobis, qui ab hoc genere doctrinae, studio & uoluntate minimè simus abhorrentes? Tametsi studia haec nec perpetua sint, nec paria tantae rei. Puto autem hoc argumentum, tempori huic esse accommodatum, cum de Concilio oecumenico, bis quidem iam his paucis annis coacto, & toties soluto, frequentes deliberationes instituantur. Primum igitur de doctrinae conciliandae rationibus, ac controuersiis horum temporum nonnullis, disputabo. Post agam de moribus ac legibus quibusdam, Ecclesiae ritè gubernandae necessarijs. Vtinam alij quoque, quorum id magis interest, uel haec nobiscum recolant: uel ad similia & maiora excitentur: atque ad res gerendas, quantum possint, animum appellant.

CAPUT PRIMUM.

Concilio opus esse ad errores & controuersias tollendas.



C illud quidem in aperto est, Concilio opus esse, quo (ut dixi) controuersiae hac tempestate de religione excitatae sopiantur, & extinguantur. Multi dolent, partibus hanc scribendi licentiam, qua animi hominum de religione distracti sint, permissam esse: propterea quod & ueteres hoc tempore errores suscitati, non noui reperti essent: & iidem errores adeo olim confutati, ut magis fuerit à Republica, confutationes ueterum euolui, quam nouis edendis operam dari. Verum qui sic loquuntur, queri magis deberent de illis, qui hanc licentiam partium, cum possent, cohibere neglexerunt. Amplius sunt triginta anni, cum dogmata Ecclesiae in dubium uerti coeperunt. ab eo tempore scribendi & rescribendi modus fuit nullus. Quis igitur finem praestituere debuit istis rebus? quis, nisi consensus & conspiratio orbis Christiani, ac Ecclesia ritè congregata, in qua suus esset cuique locus liberè dicendi quod è Repub. uideretur? Eam porro congregationem nostra tempestate quis fieri curauit? Pontifices quidem summi iam inde à Leone

à Leone Decimo sæpe indixerunt, alius post alium, concilia: sed indictiones illæ nunquam ad effectum perductæ sunt. Mitto quære-
re, cuius culpa. Illud non dubito affirmare, in ijs qui præ sunt rebus
humanis culpam herere omnem, quo minus concilium celebratum
sit, quod dissensionibus finem imponeret. Nam de Cōcilio hoc Tri-
dentino pudet tædetq; loqui: quod post tot indictiones, proroga-
tiones, trāslationes, antiquationes, bis paucis hisce annis coactum,
bis quoq; solutum est: non quidem sine reliquorum conciliorum
authoritatis imminutione, omniumq; bonorum & intelligentium
uirorum summa perturbatione: non aliud de illo ipso concilio co-
gitantium, quàm quod de naui mercibus preciosissimis onusta co-
gitarent, ex alto ad littus petente, ac deinde nautarū pestifera discor-
dia deserta, ui fluctuum ac gurgitum quatienda ac submergenda.
Quisque igitur, quantum potest, curare debet, ne hæc ipsa naus in
Oceanum tempestuosissimū rursus abripiatur, ubi terræ appareāt
nullæ, cœlum undiq; & undiq; pontus: sed aliquando tandem ad
quietissimū portum deducatur, optatissimas omnibus merces sup-
peditatura. Hoc uix ulla ratione effici poterit, quàm concilij legiti-
ma & constanti celebratione. At errores huius temporis & uetu-
sti sunt, & olim confutati. Esto. Sed ita renati sunt, itaq; creuerunt,
ut nec uetustas ipsa, nec confutationes ullæ, uires eis ademisse uide-
antur. Non igitur scelus sit, inquirere in illos eosdem errores: qui
hoc minus olim cōsopiti uidentur, quo maiore seculorū interuallo
reuiuiscunt: uicturi etiam magis, ac uires ualidiores sumpturi, nisi
ex humanis pectoribus radicitus fuerint euulsi.

CAPUT II.

*Quemadmodum Ecclesiam, ita & Concilium generale ex Latinis,
Græcis, Armenis & Ruthenis constare debere.*



TQVE utinam non tantum Latinarum ecclesia-
rum fiat coniunctio, sed & aliarum quæ nobiscum
militant sub signis ijsdem IESV CHRISTI: ut
Græcarum, Aethiopicarū, & quæ in nostris pro-
uincijs sunt Armenarum & Ruthenarum. Perfa-
cile est autem uidere, quibus rebus cōcordent no-
biscum, quibus discrepent tum Armeni, tum Rutheni. Illorum ri-
tus ANDREAS Lubelius, theologus præclarus, patefecit: ho-
rum disputationes & mysteria, uir ingenio, dicendi copia, ac maxi-
marum artium cognitione illustris, STANISLAUS Oricho-
uius euulgauit: rationesq; concordiae de Spiritus sancti processio-
ne (quo capite à nobis maximè differre uidentur) ostendit, in ea
quidem epistola quam ad PETRUM Gamratū archiepiscopum
& episcopum, & primas in hac Repub. ferentem scripsit: sperans

fore, ut tanti uiri autoritate concordia ecclesiarum in uniuersis pro-
uincijs nostris constitui posset. Sed surdo canebatur fabula. Sunt
qui putent, Ruthenos & Armenos ad Ecclesiam CHRISTI non
pertinere. Verum cum illi sacramentis iisdem utantur quibus nos,
seque sub CHRISTI uexillis militare præ se ferant & gaudeant, ab-
sit à me, ut eos pondus hoc tot secula ferentes, æstum in uinea Do-
mini tolerantes, ab hoc patrefamiliās arcēdos putem. Quin ita sta-
tuo, consociationem uniuersæ Ecclesiæ sine illis constare non posse.
Non enim sola Latina ecclesia, pro ecclesia uniuersa habenda est.
Quod pars est, totum esse nequit. In Ecclesiam CHRISTI prio-
res Græcos uenisse, quàm Latinos, ipsa oracula testimonio esse pos-
sunt, quæ græcè ab Apostolis prodita sint. Sunt in Asia populi, Io-
annis Presbyteri (hoc enim nomine monarcha ille uocatur) impe-
rio subiecti, qui CHRISTI religionem sequi dicuntur. In his igitur,
& omnibus CHRISTVM profitentibus, Ecclesia uniuersa
cernenda est. Nisi hi omnes cōsentiant in unum, uniuersæ Ecclesiæ
consensus non erit. Non igitur res indigna nostris Latinorum ec-
clesijs esset, si, cum quibus de Repub. consentimus, uni monarchæ
paremus, cum eisdem consensionē facere, ac eos in unum nobiscum
ouile reducere tentaremus.

CAPUT III.

*Concilium repræsentat Ecclesiam uniuersam: in eoq̃ non tantum clericis,
sed & laicis fas est interesse, sententias dicere, & de
controuersijs iudicare.*



Q UOD multi affirmant, Concilium œcumenicum
legitimè congregatum, Ecclesiam catholicam re-
præsentare, non uideo cur ab aliquo iustè repre-
hendi debeat. neque enim aliter posset uniuersa Ec-
clesia congregari. Itaque ut omnia toti Reipub. rata
sunt, quæ à Rege cum primoribus ritè congrega-
tis decernuntur: ita apud cunctam Ecclesiam firma esse debent, quæ
à concilio rectè & ordine fuerint instituta. Quod uerò addunt, ne-
minem laicorum in concilio admittendum esse ad iudicium, de ijs
quæ ad fidem catholicam pertineant, reprehendendum mihi esse ui-
detur. Qui id sentiunt, solis episcopis potestatem hanc iudicandi per-
mittunt, multis de causis. Primum, quia cōcilia ab Augustino, Mar-
cello, & Leone, uocantur episcopalia. Deinde, quia Pulcheria Au-
gusta iussit clericos, monachos, laicos expelli de locis ubi cōcilium
haberetur. Ad hæc, quia episcopi in concilio Chalcedonensi non ad-
miserunt ad cōcilium Aegyptiacos non catholicos, optantes se ad-
mitti, & contendētes. Tum addunt, Martini abbatis, Theodosij &
Valentiniani Imperatorum dicta & facta, huic sententiæ seruientia.
Postremò

Postremo proferunt ex Actibus Apostolicis, concilia semel & iterum ab Apostolis tantum & senioribus congregata. Verum appellatio uetustissima concilij nos in diuersam trahit sententiam. Vocantur enim concilia, de quibus loquimur, tum uniuersalia, tum œcumenica: quibus uocabulis non sola certè cōgregatio episcoporum intelligenda est. nam & uniuersale est, quod ad totum orbem pertinet; & *οἰκουμένη* orbem terrarum, uel terram habitabilem significat. Cum igitur concilium Ecclesiam repræsentet, debet esse inter hanc & illud analogia quædam: ut sit uera, & non ficta aut commentitia repræsentatio. Sed analogia inter illa esse nequit, nisi, quemadmodum Ecclesia uniuersa ex episcopis omnibus per totum orbem sparsis, clericis diuersorum generum, & laicorum multo maxima parte conflatur: ita concilium ex totidē generibus illarum multitudinum constitutur. Sententia igitur Nicolai Papæ mihi amplectenda uidetur, qua censet Imperatores ab ijs synodis excludendos non esse, ubi de fide tractetur. Quæ fides, inquit, uniuersalis est: quæ communis omnium: quæ non solum ad clericos, uerum etiam ad laicos, & ad omnes omnino pertinet Christianos. Videtur Nicolaus Papa eius sententiæ esse, ut quod omnes attingat, ab eo nemo excludi debeat. Res est autem clara, & testata per multos uiros, inter laicos inueniri doctrinis multis perpolitos, in theologia etiam exercitatiores, quàm sint multi episcoporum: ut non possit esse sine magna Ecclesiæ perniciē, his concedi, illis adimi potestatem uel sententiæ dicendæ, uel iudicandæ de cōtrouersijs. Quid igitur prohibet, quominus naturam ducem tanquam Deum sequamur, eiq; pareamus? Quid enim illa præscribit? non ne, artifices à peritiā & usu, nō à perfonis humano arbitrio impositis, deligendos esse? Quis in longinquam regionem nauigatione transmissurus, gubernatorem ex titulo eligit? Quis morbum lethalem à se depulsurus, medicum titulo tenus quærit? Quis in periculū & discrimen extremū uocatus, patronū adhibet professione sola insignitū? Omnino, qui hæc rectè curata uolet, serioq; rerū quas diximus magnitudinē secum expendet, non titulorum professione bonos artifices metietur: sed & gubernatorem & medicum & patronum deliget artibus instructissimos, usu exercitatissimos ac paratissimos, opera & fidelitate conspicuos & probatissimos. Quod si tanta diligentia homines non stulti utantur, rebus quibus hæc uita gubernetur & sustentetur procurandis, an remissiores erunt in rebus religionis? quarum ope & mare hoc mundi huius transmittendum sit, ad regionem illam uiuentium tendentibus: & uitia mortifera, quæ sunt morbi animi, abigenda, sanctè & cum pietate uiuere optantibus: & damnatio, morsq; æterna uitanda, ad beatam & immortalē uitam properantibus. Titulos igitur insignes, qui hominibus nullis meritis plerūq; dantur, missos

96. d. ubi nā.

missos faciamus. Honores, qui sepe malis & indoctis conceduntur, omittamus. Actiones non personis, quæ non rarò temerè hominibus imponuntur, sed rebus cōsentaneas tribuamus. Nemo doctus & intelligens existimator, eligēdo artifice eum sumit, qui uel se non esse profiteatur: uel si profiteatur, in eo ipso peccet quod profiteatur. Et quomodo orbis Christianus eos de controuersijs religionis patietur iudices, qui uel negent se huic doctrinæ operam unquam dedisse: uel si aiant, specimen tamen huius facultatis egregium nullum dare possint? Ingenium igitur, doctrina, prudentia, uirtus, & reliquæ diuinæ dotes in unoquoque spectandæ sunt. Quibus qui destituatur, ne fiat illi potestas dicendæ sententiæ, multo minus iudicandi de controuersijs, quamuis multorum episcopatum habeat & nomina & possessiones: qui uerò præditus sit, ne ob laici appellationē excludatur ex eo coetu, ubi solæ illæ uirtutes regnare debēt.

Iam argumenta contraria cum nostris conferre non est difficile. 1. Neque enim est quisquam, opinor, qui putet synodū uniuersalem, quia ab aliquo Concilium synodale uocatum est, synodum propterea uniuersorum esse desisse. 2. Neque Pulcheria Augusta, iubens clericos, monachos, laicos pelli de concilio, legem imponere potuit uniuerso Christiano orbi: qua lege ex uniuersitate aliquos excludi deceat. Non est mulierum, ad Reipub. administrationem sese ingerere: quanto minus, legem toti orbi ponere? Viris uerò an non pendendum, tanti facere muliebri factum, ut illud in argumentum ducere non dubitent? 3. Episcopi catholici, si aliquos seu non catholicos seu hæreticos expellebant de eo coetu, ubi controuersijs fines imponendi essent, hoc prætextu, quod concilium tantum episcoporum sit, primū magnam præbebant suspicionem consiliorum suorum non probandorum: quæ, intercessoribus exclusis, inire conabantur. Deinde illud cōsequebantur, ut edictis & anathematis suis cogere & ferire eos non possent, quos coetibus suis interesse prohibuerunt. Melius igitur Pōtiffices Romani proximè uita functi: qui quoties concilia indicebant, nunquam intermiserūt, quin uocarent ad ea principes Lutheranos cum suis ecclesijs. Quē enim magis attingit tractatio de cōtrouersijs, quàm qui dissentiūt? 4. De Martino nescio quo abbate, qui subscribere noluerit concilio Chalcedonensi, propterea quod episcopus non esset, nihil habeo quod pro certo dicā, qui enim uir, & qui abbas fuerit, ignoratur. Fortasse uel incitia eorum quæ ibi gesta sunt, uel res quæ ei non probandæ uidebantur, à subscribendo eum deterruerunt. 5. Vidit, inquiunt, hoc Theodosius Imperator, qui ad synodum Ephesinā scripsit his uerbis: Illicitum est, eum qui non sit ex numero episcoporum sanctorum, ecclesiasticis immiscere tractatibus. Hoc si ille uidit, certè per nebulam densissimam uidit. Clarius uel ille idem alio tempore, uel alter

uel alter eius nominis uidit, qui Constantinopolitanae synodo inter- *Socrates lib. 5.*
fuit. 6. Vidit, inquiunt amplius, & Valentinianus, qui sibi, cum *cap. 8.*
unus de populo esset, fas non esse talia perscrutari dixit. Melius ui-
derunt episcopi Hellepontii Bithyniae, qui misso oratore Hypatia-
no, Heracliae Perinthis praefule, rogarunt eum, ut ad emendationem
interesset: ut est in historia Tripartita, lib. 7. cap. 12. Sed oppona-
mus alios Imperatores, melius (ut opinor) uidentes. Constantinus
concilium magnū Nicænum conuocauit, illique praefuit. Verba quæ
ad ecclesias ex eo concilio scripsit, hæc memorantur: Nam & ego
tanquam unus ex uobis sum. Minimè enim negauerim, quo maxi-
mè gaudeo, me esse cōministrum uestrum, quod legere licet apud
Theodoretum, lib. 1. cap. 10. Martianus quoque Imperator, exemplo
Constantini, dixit se interfuturum synodo Chalcedonensi, ut narrat
Gratianus 96. d. Nos ad fidem. Idem Gratianus eadem 96. d. Vbi
nam: scribit, Nicolaum Papam sic ad Michaellem Imperatorem scri-
psisse: Vbi nam legistis Imperatores antecessores uestros synodali-
bus conuentibus interfuisse: nisi fortè in quibusdam, ubi de fide tra-
ctatum est, quæ uniuersalis est, quæ communis omnium: quæ non
solum ad clericos, uerum etiam ad laicos, & ad omnes omnino per-
tinet Christianos. Quod à Glossa confirmatur his uerbis: Quod
omnes tangit, ab omnib. debet tractari & approbari. Huic respon-
so Nicolai Papæ tali tantaque ratione firmato, cedant necesse est & ar-
gumenta ex appellatione synodi episcopalis, à contrā sentientibus
usurpata, quia habemus appellationem magis usitatam & uulgatio-
rem Concilij œcumenici: & muliebria mandata, quæ nulla ratione
nixa sunt: & episcoporum nescio quorum factum temerarium, ni-
misque suspiciosum: & reliquorum, quantumuis honoribus illustriū,
parum illustria dicta factaque. Possumus etiam appellationem con-
cilij episcopalis sic Gratiani autoritate refellere, qui sic orditur di-
stinctionem 18: Episcoporum cōcilia sunt inualida ad definiendū,
ad cōstituendum, non autem ad corrigendum. Sic enim opinor ad
modum dialecticum colligi licet: Nihil quod inualidum est ad defi-
niendum, aut constituendum, est concilium generale: Concilia epi-
scoporum sunt inualida ad definiendum & constituendum: Conci-
lia igitur episcoporum non sunt cōcilia generalia. Nam quid sunt
episcoporum concilia, nisi ubi soli episcopi congregantur? Quod
si his constituere nihil licet, certè non efficient concilium generale,
cui potestas sit definiendi & constituendi. 7. Apostolorum con-
cilia nobis non modò non aduersantur, sed suffragantur etiam. Nam
& ad eligendos eos qui quotidiano ministerio occuparentur, mul-
titudinem discipulorum conuocatam esse, memorat Lucas: quo no-
mine ineptum est intelligi apostolos solos cum presbyteris. Et in
conuentu qui ob circuncisionem agebatur, non tantum fit mentio

Apostolorum & seniorum, sed & totius Ecclesiae & fratrum. Quibus nominibus an non sunt complectendi & laici, & reliqui ordines Ecclesiae? Certè ut populi appellatione ciues uniuersi, ita fratrum & Ecclesie, cuncti qui CHRISTO nomina dedere, significantur.

» Tunc uisum est, inquit Lucas, Apostolis & presbyteris, unà cum
 » tota Ecclesia, delectos ex se uiros Antiochiam cum Paulo & Barna-
 » ba mittere. Et paulo post: Apostoli & presbyteri & fratres degen-
 » tibus Antiochiaë fratribus salutem. 8. At solis episcopis dictum est,
 » ut regant Ecclesiam: solis, ut pascant gregem: ut docendo & iubendo
 » oves ducant. Vtinam id rectè, constanter & fideliter facerent.
 » Tum enim rectè inferres: ouium esse, discendo & obtemperando
 » ductum illorum sequi. Hoc ubi absit, non ne locus erit CHRISTI
 » uerbo: Cæcus si ducat cæcum, ambo in foueam cadent. Quod uer-
 » bum à CHRISTO de scribis & pharisæis dictum esse, Matthæus
 » refert: quorum in locum episcopi & presbyteri successisse putantur.
 » Arguuntur à CHRISTO scribæ, quod traditione sua Dei præce-
 » ptum rescindant. Vocantur ab eo tum hypocritæ: tum populus qui
 » ore & labijs ad Deum accedant, animo procul absint: tum cultores
 » Dei eiusmodi, qui frustra Deum uenerentur, humanorum præce-
 » ptorum doctrina docenda: postremo & cæci. Itaque doctrinam illo-
 » rum coram multitudine hominum improbat, rectamque doctrinam
 » tradit. Ac post alio tempore admonet, cauendum esse phariseorum
 » fermentum, hoc est doctrinam. Neque ego is sum, qui episcopos ad
 » scribas aut phariseos comparare uelim. Sed CHRISTI hoc uer-
 » bo de cauendo fermento, & illo de cauendis falsis prophetis, quod
 » ad plebem pertinet, admoneor, plebis esse discernere inter fermen-
 » ta: interque falsos & ueros prophetas, episcopos, doctores. Itaque si tu
 » uis, ut oves ad ductum episcoporum sese applicent, an non æquum
 » est eis concedi, ut de ducendi ratione iudicent? Quomodo enim ca-
 » uebunt à falsis & perfidis ductoribus? quomodo illis anathema erit,
 » quisquis diuersum ab Apostolica doctrina tradiderit, si illarum est
 » tantum præeuntes pastores & episcopos sequi: non etiam iudicare,
 » quales sint qui præeant? An non metuenda esset illis fouea à CHRI-
 » STO denunciata? Quamobrem Deus olim ad Israelitas: Nolite,
 » inquit, audire uerba prophetarum, qui prophetant uobis, & deci-
 » piunt uos: uisiones cordis sui loquuntur, non de ore Domini. Alio
 » ite loco: Hæc dicit Dominus Deus de prophetis, qui nomine meo
 » uaticinabantur, quos ego non misi. Et ipsi fame ac gladio peribunt:
 » & homines quibus uaticinabantur, præ fame & gladio iacebunt
 » passim in uis, carentes sepulchro. CHRISTVS etiam generatim
 » & uniuerse præcipit, inquit: Scrutamini scripturas, quæ de me te-
 » stantur. Ad hæc Lucas laudat quosdam summo genere natos, inter
 » eos qui Thessalonice Paulum & Silam audierunt: quippe qui summa
 » cum aui-

cum auiditate receperint sermonem illorū, quotidie scripturas exami-
nantes, an hæc ita se haberent. Sed hoc, inquis, alijs in locis tem-
poribusq; facere licet ouibus: in cōcilio minimè. Quid ita minimè?
Nescis, istas oues omnibus dotibus præditas esse, quibus pastores?
nescis, ex eis pastores esse solere? nescis, quanta & quàm multa que-
ri debeant de pastoribus? non ne satis est tibi, si extra tempus conci-
lij habeas eas morigeras, imperijs pastorum obediētes, iurisdictioni
& execrationibus eorū subiectas? Tempus uerò concilij an non
eis liberū permittes, quo, ut episcopi de illis, ita illæ de episcopis iu-
dicare possint? At tu tibi, cum tui similibus, doctè caues: Pontifici
cum episcopis, hominibus illi iuratis, summam potestatem & impe-
rium permittis, clericos & laicos autoritatibus & argumentis ma-
gnis, si dñs placet, ex cōcilio abigis. O pulchrū stratagema. Quin
ergo laici iam herbam porrigūt episcopis: faciunt quod illos iuuēt:
numen illorum uenerentur: uitæ neciscq; suæ illos dominos fatean-
tur. Neq; enim est quod concilij tam imperiosi exitum alium expe-
ctent, quàm ut uel damnentur, uel ad ea adigātur quæ chara sint epi-
scopis, quorum est tota potestas. Expediamus igitur tuum strata-
gema: faciamusq; ex tuo præscripto, ut episcoporū & sacerdotum
tantum sit sententias dicere in concilio: sitq; aliquis huius ordinis
stupidus & bardus, qui præter nomen & opes, episcopi in se habeat
nihil. Hunc tu non excludes à sententia dicenda: non enim licet suo
quenquam iure priuare. Non excludes & à iudicādo de ijs quæ ad
religionem catholicam pertineant: spoliare enim aliquem iudicio,
quod sibi debeat, priuare approbatione uel subscriptione, orba-
re censura suo ordini cōgruenti, summæ fuerit iniuriæ. Sit e regio-
nè homo laicus, omni doctrina liberali præditus, in re theologica
exercitissimus: qualem fuisse Ioannem Picum Mirandulanū, que-
stiones illæ, quas Romæ proposuerat publicè disputādas, argumen-
to sunt. Hunc tu, quia laicus est, expelles è concilio. iubebis eum, ut
discendo & obtemperando sequatur iussa & doctrinam illius epi-
scopi quem finximus, & quales sine fictione inuenti semper sunt in-
numeri. O quàm turpe hoc spectaculum fuerit, uidere in sede ho-
noris celsissima sedentes truncos: edicta cōponentes: imperantes:
minis omnes terrētes: ac qui non obtemperassent, flamma & ferro
punientes. Contrà, homines procul à sedibus illorum in imo loco
stantes: nutus & uerba illorum obseruantes: dictis & iussis per om-
nia parentes: ac si quam etiam ab illis iniuriam accepissent, ne muti-
re quidem audētes: quin potius pro malefactis gratias immortales
agentes. Summe orbis conditor, ac Ecclesiæ author & defensor,
Deus omnipotens, tam foedum monstrum à concilio tuo Christia-
no auerte: bonis omnibus detestabile: ueræ Ecclesiæ horrendum:
solis hostibus Ecclesiæ gratum: diabolo ipsi iucundissimum. Pro-

fecto intolerabilis est & grauis arrogantia, cum pars una, altera ex-
 clusa, uim & auctoritatem totius sibi sumit & uendicat. Dominatio
 etiā omnis importuna non potest non esse grauis **CHRISTI** po-
 pulis: quibus ne Paulus quidē dominari uult, fidei nomine. Quam
 quidem dominationem uerisimile est ab istis quæri, qui talibus sen-
 tentijs proludūt: Concilia sunt episcopalia: nemo igitur ad iudican-
 dum de rebus fidei catholice admitti debet, præter episcopos catho-
 licos. Theodosius & Valentinianus cum non essent ex ordine epi-
 scoporum sanctorum, noluerunt se tractatibus episcoporum immi-
 scere: igitur reges & principes eiusmodi cura supersedeant. Vos
 uerò uiri admirandi, non ignoratis contraria exēpla clarissimorum
 principum & Imperatorum. In primis autem Constantini illius ma-
 gni, qui concilium Nicænum coegit: illi præfuit: quæstionibus ex-
 cutiendis, ritibus examinandis, moribus dijudicandis se socium &
 symmistam adiunxit. Cuius illa grauisima uox recitatur à scripto-
 ribus rerum ecclesiasticarū: ex eo quidem scripto, quo absentes de
 rebus in concilio gestis certiores fecerat, quodq; in ipsa urbe Nicæa
 locis omnibus proposuerat: Non enim, inquit, negauerim, de quo
 maximè gaudeo, fuisse me cōseruum uestrum, quoad cuncta essent
 competēter exquisita: ac donec sententia omniū gubernatori Deo
 placita, ad unitatem & consensionem in lucem produceretur: nec
 quicquam amplius ad dissensionem aut fidei controuersiam super-
 esset. Imitati sunt Constantinū alij Imperatores. Martianus Chal-
 cedonēsi synodo interfuit: Theodosius Constantinopolitanæ. Hæc
 cum uobis, & plura alia exempla nota sint, silentio illa prætermisi-
 stis: ne quid causæ, quam agitis, incommodaretis. In quo an eam in-
 genuitatem præstiteritis, quæ uiros bonos deceat, iudicēt alij. Mihi
 uerò sententia illorum magis probanda uidetur, qui arrogantiam,
 quā prius dixi, & dominatū hunc imperiosissimū minimè ferendū
 putent in Ecclesia: in qua nec unius, nec omnium, sed optimorū &
 doctissimorum ex ordine utroq; tum sacro tum profano sententiæ
 principatum tenere debent. Ac nisi illam arrogantiam exuerint epi-
 scopi, pro tyrannis habendi uiderentur: nec suo cœtui illud arroga-
 re possent, ut is representet Ecclesiam. Nulli enim tyranni, nulli oli-
 garchæ, aut alij improbè imperium affectantes, quantumuis præ-
 texant nomen Reipub. negotia eius agere, aut ipsius personam re-
 ctè tueri possunt: sed illi tantum, quibus uel lex eam personam im-
 posuit: uel ipsa Respub. qua inuita ac imprudente nemo eam repre-
 sentare nec potest, nec debet: nisi fortè titulo tenus tantum, quem
 admodum homo pictus hominē repræsentare dicitur. sed hoc mo-
 do & ipsorum concilia & ipsimet pro pictis habendi essent, non ue-
 ris episcopis: uerèq; in eos conueniret Canon, qui pronunciat, non
 omnes episcopos esse episcopos. Nos uerò ad ulteriora progre-
 diamur.

Euseb. de uita
 Const. lib. 3.
 Socr. lib. 2.

cap. 9.

Quod cu-
 iusq; uniuer-
 sitatis nomine,
 uel contra eam
 agatur. L.
 nulli.

2. q. 7. non
 omnes.

diamur. His enim generatim de concilio expositis, de partibus eius dicendum est. Et primum quidem de ijs qui sententias dicent, post de iudicibus.

CAPUT IIII.

De legatis ad conciliū mittendis. 1. A quibus eligi, & quibus rebus præditi esse debent. 2. In primis autem doctrinā necessariā. 3. Deinde libertate dicendi. 4. Compendium in multitudine eorum qui dicturi sint sententias, est optimum, si pauci deligantur, qui de re proposita explicent omnia. 5. Dicentes sententias ita sint affecti, ut nihil dicant cupiditate gloriæ, nihil partium studio: armaq;

& argumenta sua ne celent aduersarios.



IN ijs qui sententias dicturi sunt, requiritur doctrina & libertas dicendi. De quibus nos copiose disseruimus in oratione de Legatis, à quibus etiam, & quibus rationibus ipsi legati eligi debeant, fusè prosequuti sumus. Omnium certè ecclesiarum uoluntate electio fieri debet: non regis tantum & senatus arbitrio. Nam si in Repub. nihil constitui potest morib. nostris, nisi consensu ordinum omnium: nec religionis causa committenda est alicui, imprudentibus & inconsultis ijs ecclesijs quæ Christiano nomine gaudent: quarum est & legatos ad concilium mittendos eligere, & illis res eò perferendas mandare. Nam & plebs habet quod exponat aduersus sacerdotes, & sacerdotes quod aduersus plebem: & utriq;, quod aduersus alios, à quibus putent sibi fieri iniuriam. Eligendi autem sunt, non qui tantum dogmata nostrarum ecclesiarum tueri queant: sed qui & eadem maximè impugnare, & contraria defendere sciant: non ut præfractè tueantur quod suscepissent (id enim ab eo loco alienum esse debet, ubi ueritas quaeratur) sed ut omnibus, aut certè plurimis, quæ in utranq; partem de re controuersa dici possint, in conspectu positæ, uerum elici possit, & teneri, falsum uerò explodi & eñci. Atq; utinam si non multos, saltem aliquos habeamus, qui ad tantam rem apti sint, & commodi. Nam homines leuiter eruditos mittere in theatrum illud doctrinæ totius orbis Christiani, cum nomini nostro est inhonestū, tum rebus Christianis inutile & perniciosum. Oratio quidem inculta, sententijs & acumine uacua, audientiam sibi facere nequit in coetu doctorum & prudentum uirorum: quæ tandem ipsa intra unos parietes minimè occultatur, sed & foras exit, in uulguſq; emanat, & ad posteritatis memoriam notatur. Magna laborat rerum inscitia, qui per ambitionem hanc sibi prouinciam mandari optat. Multorum subeat nomina uitiorū necesse est, qui sibi infirmitatis suæ conscius, tantum onus suscipere audet. Eligantur igitur, qui omnia, aut certè plurima, quæ de controuersijs horum temporum in utranq;

partem dici possint, non audita tantum, sed penitus habeant perspecta. Vt alia sunt tempora, aliae leges, pacis quam belli: ita concionum ad vulgum, & disputationum leges diuersae sunt. Et quae tranquilla & pacata Ecclesia mouenda non sunt, ea per tempus concilij & mouenda & exagitanda, ut postea ueritas elucescat, nihilque in posterum dubij relinquatur de rebus controuersis. Nihil ad eam rem ualet nec nobilitas, nec stemmata, nec persona quam quis gerat, nec ulla fortunae bona. Valeant ista domi, ad concertationes conciliorum opus est ingenio, arte, exercitatione. Agamemnon quidem Graecorum rex, in eo concilio quo de mittendis aliquibus exploratum castra consiliaque Troianorum agebatur, ad Diomedem operam suam

Homerus Iliad. 10.

» sponte ante omnes pollicentem, sic inquit: Quum permulti sint, qui
 » se tibi in aperta pericula ituro comites adiungi uelint, hancque sibi
 » mandari prouinciam certatim poscant, delige arbitrato tuo ex omnibus
 » optimum: neque per uerecundiam committas, ut omisso meliore,
 » deteriore legas: respiciens aut ad nobilitatem generis, aut ad
 » magnitudinem potentiae. Vidit nimirum Agamemnon praesentia pericula, in quibus nec generis nec honorum reuerentia, nec potentiae pondus ualeret: sed robur, ac inuicta uis animi, atque in rebus agendis dexteritas. Itaque cum metueret, ne Menelaus frater ob generis & potentiae commendationem deligeretur, Diomedem, ut rerum aliarum, comite itineris & tantorum periculorum diligendo, rationem haberet, hortatus est. Diomedes itaque socium sibi Ulysseni dari deposcit: cum quo res gessit, quae ab Homero descriptae sunt. Quo magis & nos, si rei, qua de agitur in concilio, considerauerimus magnitudinem, non alterius rei habebimus rationem, quam uirtutis & doctrinae. Odiosum sane est hoc genus hominum, qui neminem quantumuis literatum, religioni, reique publicae posse prodesse putant, nisi stemmatum aut dignitatis nominibus fuerit clarus: qui nolunt quenquam, uel omnis doctrinae copia abundantem, quicquam in Repub. posse, nisi tanquam supplex sit eorum imaginibus ac dignitatibus, a quibus omnia censent pendere oportere: quod quam detrimentosum sit Reipub. alio loco ostendamus. Vidimus aliquibi ipsi uirum quendam, magnis in rebus praecclare uersatum, doctrina & uirtutibus insignem, in summa fuisse inuidia: non alia de causa, tantum ob nominis nouitatem. O labem nefandam nostrorum temporum. O maculam perniciosam Reipub. in qua uirtuti non obscure, sed palam & plenis buccis inuideatur. Sed agant tandem isti, qui haec curant, quicquid uolunt: cogant concilia, arceant a suis coetibus quoscunque uelint, mutant quadrata rotundis: illud tamen nunquam efficiet, ut homines sine doctrina uersari cum laude possint in his disputationibus, de quibus nunc loquimur: quantumuis illi praestent honoribus, ac nobilitate. Narrant, qui diligenter utriusque

utriusque partis legerunt scripta, multa in illis desiderari ad rem quam tractent explicandam necessaria. plerumque uti scriptores uel entymematis (dicendum est enim uerbis in scholis usitatis, ut res intelligatur) uel syllogismis parum accuratè compositis. Eorum retexendorum artem qui non tenet, is non facile perspicere potest quid desit, quid supersit, quid aliter quam artis præcepta exigant positum sit. Quid igitur faciet in illis subsellijs, is qui ab huiusmodi doctrinis sit imparatus? Certè aut audiet quæ ab alijs dicuntur, tanquam asinus lyram: aut assentietur, contradicet uel temerè rebus incognitis: quod sine dedecore ac clade Reipub. fieri non posset. Ergo & artes huiusmodi omnino percipiendæ sunt, quibus captiosæ conclusiones dissoluantur: & disputationes utriusque partis cognoscendæ. Nemo potest docti personam tueri, qui non multum & studiosè fuerit uolutatus in eo, de quo agendum dicendumque sit. Tempore & exercitatione artes crescunt: nec subito, nec ex rebus quasi in remotiore pictura ostensis, comparantur. Qui putat rem bene geri posse à personatis, comœdias somniat: de rebus serijs non cogitat. Qui existimat nec fideliter nec rectè aliquid geri posse, nisi ab hominibus imaginum uetustate claris: uideat ne sui amore nimio captus, uirtutialiorum inuideat: quam pestem esse summam Reipub. & ueræ religionis, omnes prudentes iudicant, & multa exempla testantur. Plura, si placet, huc addi possunt, ex nostra huius argumenti oratione. Qui sine doctrina aut dono interpretandi tribui sibi optant ius concilij habendi, hoc est iudicandi res cōtrouersas, decreta faciendi, & anathemate feriendi diuersum sentientes: uideant quo iure sibi uendicent spiritum sanctum, quem à suis donis seiungere perabsurdum est. Non personatos Spiritus sanctus congregat in suo nomine, sed cōdotibus suis præditos: ut illi rectè curare queant ea quæ Ecclesiæ & salutis hominum sint necessaria. Itaque & Paulus, cum dixisset, neminem posse dicere dominum IESVM, nisi per Spiritum sanctum: mox de donis Spiritus sancti differit, inter quæ numerat sermonem sapientiæ, sermonem scientiæ, prophetiā, & linguarum interpretationem. Nota etiā sunt illa de episcopis & sacerdotibus: Episcopus sit aptus ad docendū. Legem requiram ex ore sacerdotis. Omnis scriba doctus ad regnum cœlorum, similis est homini patrifamiliās, qui depromit è thesauro suo noua & uetera. Omnino qui cœlestem doctrinam non rectè didicit, nec eam lōgo usu & exercitijs fidei aluit, is ueras & salubres sententiās de religione dicere non potest. Parum igitur hoc aptum est cōcilio Spiritus sancti, ut aliqui eruditione ac dono interpretandi destituti, tantumque aliorum dictatis nitentes, se deant iudices ad decreta facienda, & anathematizandum. Non est hoc, Spiritus sancti impulsu respōsa edere: sed, ab hominibus quod loquaris emendicare. Nota est fabula de mēbris corporis humani, quæ ui-

quæ uidendi officio fungi uolunt, cum nihil minus sint quàm oculi. Et illa de Cumano asino, quem licet pelle leonina indutum metuit nemo, nisi rerum imprudens. Non minus ridiculi uidentur laruatī isti, qui aliorum dictata recitant, quibus prætexunt Spiritum sanctum: cum quidem ipsi donis ac facultatibus eius minimè instructi sint, & oculis suis uidere nihil queant. Quod si homines rudes & idiotæ, ex sententijs hominum pendentes, non Spiritu sancto duci uidentur: quid de illis dicemus, qui non à magistris, sed à potestate aliqua accipiunt, quod decernant? Non ne uidentur perinde agi ab illa ipsa potestate cui obtemperant, atq; equus agitur à sessore: ut non quò uelit currat, sed quò à sessore calcaribus impellatur? Non igitur tantum doctrina in ijs qui sententias dicent, est necessaria, sed & libertas dicendi. Quam etsi multa impedire possint, tamen præcipua illa duo esse uidetur, amor commodi, & metus alicuius, & in primis quidem Pontificis, hominumq; illi addictorum: qui uulgò putantur omnibus infesti, qui non id loquantur quod imperiū eorum promoueat. Verum homo Christianus Dei amorem, & metum eius præferre debet: quidq; filius Dei à nobis requirat, considerare. uult certè ille, ut uel capitis fortunarumq; periculo suum nomen profiteamur: & qui illum apud homines negauerit, hunc se minatur negaturū apud patrem cœlestem. Quæ autem pœna tristior esse potest, quàm negari à filio Dei, ac incidere in manus Dei uiuentis? Neq; igitur dignitatis, neq; utilitatis maior ratio habenda est, quàm ueritatis. neq; committendum, ut cum Socrates aliq; philosophi ne morte quidem à ueritate abduci potuerint, homo Christianus pluris faciat uitam, aut ullas cōmoditates, ueritate Dei immortalis: ad cuius tribunal omni homini per mortem ueniendum est, ibiq; ratio actionum & rerum omnium reddenda. Quòd si qui uel iureiurando, uel alia pactione Pontifici maximo, aut cuius alij obstricti sunt, se nihil contra dignitatem aut utilitatem illius dicturos, facturos ue: illi intelligant, nullo uinculo, nullo foedere astringi fidem alicuius ad iniquitatem, aut ullam impietatem. Nam in omnibus pactis id uel tacitis exceptionibus cauetur, ne quid fiat contra honestatem, ne ue contra iussa & uoluntatem Dei. Scitum est & illud, quod Aristoteles dicit, Amicum sibi Platonem, amicam ueritatem: sed tamen ueritatem præferendam esse. Quid quod iurantes Pontifici, id præ se ferunt, se uicario CHRISTI iurare? at si uicarius aliqua in re discedat à fide eius cuius uices gerit, iam nō uicarius, sed desertor potius habendus est. Igitur in eo quod cum CHRISTI uoluntate à Papa uidebimus geri, uicarium CHRISTI Papam agnoscamus: in eo quod secus fecerit, nec uicarius illius nobis erit, nec fides illi seruanda, quæ Domini nomine illi data sit. In summa, si quod Pontifex uult, honestum est, pium, sanctum, utile, hoc ipsum uel in-

iurati

Eius pro
hibeat ue
ritatem
confitevi
in synodo

iurati amplectamur: sin turpe, pietatem & sanctitatem erga Deum
 lædens, hoc uel omni iureiurādo obstricti repudiemus. Neq; uerò
 illud ab re fuerit, ut quicunq; dicturi sint sententias, iureiurādo adi-
 gantur, se nullius, præterquā ueritatis, rationem habituros esse:
 atq; ea quæ uera & recta esse sentiāt, patefacturos, uel suo, uel totius
 orbis periculo. Nihil magis mouet pias mentes, quā Dei respe-
 ctus: à quo præmia rectè factorum, poenæ sceleratè commissorum
 sint expectandæ. Et hæc quidem de seruitute uitāda, libertate am-
 plectenda, in dicendis sententijs. In magna multitudine dicentium 4
 sententias, illud ferè fit, ut qui priores dicunt, potiora eligant: eaq;
 quasi occupent, quæ rei propositæ magis sint accommoda: qui po-
 steriorēs, uel eadem quæ à prioribus dicta sunt, repetere cogantur,
 uel deteriora loqui, uel in priorum sententiam ire. Equidem qui si-
 bi imperare possunt, ut dictis aliorum quæ sibi placeant, assentian-
 tur, laude sua non carent: quippe qui & tempori parcant, cuius ia-
 ctura est maxima: & bonis aliorum sententijs ingenuè subscribant,
 & fastidium auditoribus parere nolint. Sed tales rari sunt. pudet
 enim pedarios senatores dici. Malunt pleriq; uel deteriora loqui,
 uel priorum sententijs mutatis uerbis, aut ne mutatis quidem, repe-
 tere. Quod quia fit nullo fructu, imò & cum temporis iactura, &
 cum nausea auditorum, ideo illud magnum & utile compendium
 operæ fuerit, duos deligere, qui de re proposita contrarias recitent
 sententias: nimirum alter aientem, alter aienti cōtrariam: omniaq;
 quoad eius facere poterunt, explicent, quæ tum ad causæ confirma-
 tionem ualeant, tum ad locorum contrariorum dissolutionem. Sin
 res est prolixior & intricatior, quā ut unus commodè omnia quæ
 ad suam sententiam pertineant, euoluere & commemorare queat:
 daretur pars utraq; ternis, pluribus uel: quorum primi testimonia
 afferrent sanctarum literarum, alteri conciliorum uetustorum, ter-
 tij interpretum. Quod si præter contrarias sententias esset tertia
 aliqua, eius quoque explicandæ negotium alijs tribus pluribus uel
 daretur. Vbi illi, quibus res ad modum quem dixi, mandata foret,
 peregissent partes suas, nihil iam necesse esset alios dicendis senten-
 tijs multum occupari. Imò quin antiquus Romanorum mos, in se-
 natuconsultis per discessionē faciendis usurpatus, in concilio quo-
 que usurpetur, causa nulla est. Nihil quidem hac ratione ad breuita-
 tem aptius excogitari potest. Nam solo transitu in partes, quisque
 ostenderet quam sequeretur sententiā. Qui nihil haberet quod in
 parte sua desideraret, is tempore non abuteretur profundēdis uer-
 bis inaniter: sed alienis dictis candidè assentiretur. Qui aliquid desi-
 deraret, hunc nihil impediret adferre ea quæ necessaria uiderentur,
 seu ad causam confirmandā, seu ad ea confutanda quæ contra illam
 facerent. Qui de Repub. deq; religione dicunt sententias, eos mi- 5

nimè decet uictoriæ aut gloriæ cupiditate ardere: atque adeò arma occultare, quibus conficiant aduersarium. Equidem qui de fama, capite, fortunis pugnant, arma & stratagemata occultare consueverunt, quibus adoriantur hostem: utpote quem armis illi impreguisis putent se facilius conficere posse: nec quicquam referre, uirtute an dolo uictoriam consequantur. At in concilio aliud est genus certaminis: ubi nemo uictoriam sibi querat, nemo famæ aut fortunis suis consulat. Sola enim ueritas ibi inuestiganda: unitati ecclesiarum, & animis hominum pacandis & tranquillandis necessaria. Ea à quocunque reperta, non secus amplectenda est, quam si de cœlo ad nos delaberetur. Igitur arma ibi nullo modo occultanda sunt. utriq; cum utrisq; prius communicent argumenta sua, quam in disputationem ueluti in palæstram erit uentum: ut tum nihil audiat noui, quod non prius cognitum & meditatum fuisset: diligenterq; expensum, quam aptè quadret ad rem, qua de agatur. Quòd autem à nonnullis obijcitur, arma aduersarijs tradenda non esse: id fortè locum habet in eo prælio, ubi de capite pugnatur, aut de consequenda gloria agitur. Id enim in disputationibus theatricis, nobis adolescentibus seruari meminimus: ut qui thesin positam defendisset, aduersario, etiam uerissima affirmanti, minimè cedendum putaret: qui contrà pugnasset, is defendentem docere minimè curaret, sed eum uincere quauis ratione conaretur. Seruiebatur enim coronæ: pulchrum uidebatur digito monstrari, Hic est. Cæterum ubi ueritas quaeritur, ubi Deo tantum, gloriæ nostræ nihil seruitur: ibi arma communicanda, & ueluti subministranda sunt aduersarijs, ut præuisa nihil noceant ueritati: & quæ recta uidebuntur, simpliciter accipiuntur à quocunque profecta: quæ erronea, nemine impediante reiiciantur. Non studeatur partibus: diuinum ueritatis donum solum spectetur, & comprehendatur. Dei est negocium, quod in cōcilio tractatur: agitur salus animarum: consulitur tranquillitati conscientiarum: opera datur unitati ecclesiarū, CHRISTI sanguine acquisitarum. Quisque igitur qui ad id negocij deligetur, CHRISTVM sibi ante oculos proponat: tantarum rerum spectatorem, remuneratorem, iudicem. Si in cōmune consulatur, Dei gloria & salus animarū quaeretur, facile concordia inibitur. nam ab omnibus partiū studio infectis, sibi & suæ existimationi seruientibus, nihil boni effici potest: ac metuendum etiam, ne si tales præerunt tractationi, pro concordia quæ constituenda esset, res omnis exeat in simultates, discordias, turbas & hostilitatem. In argumentis excutiendis uideant delecti, ne quid omittant earum artium, quæ ueluti instrumenta, inuentæ sunt ad ueritatem indagandam. Loquor cum de artibus alijs, tum de dialectica: qua imbuti qui non sint, sæpe uera pro falsis, falsa pro ueris accipiunt. Quod si in præsentia à multis tacetur, qui cōtenti sententia

tentia delectorum, in id quod conclusum est, uel simulatione, uel adulatione, uel inscitia inquiri nolint: tamen semper aliqui reperientur, qui uel clam uel palam reprehendere audebunt, & ad posteritatis memoriam notabunt. Et hæc quidem de officio dicentium sententias, dicta sint. Nunc de iudicibus concilij agamus.

CAPUT V.

De iudicibus concilij, & de ordinaria successione in Ecclesia.



DITA sunt quorundā scripta, Tridentinam synodum improbantia, & ob iudicis personam, & ob libertatem ademptam sententiæ dicendæ. His accusationibus obuiam iri necesse est, permittenda omnibus liberè dicendi potestas. Iudices etiam, in partium dissensione, eligendi concilij totius auctoritate, ex utraq; parte: qui communiter de rebus controuersis dñi dicent. Sin illi dissenserint, nec spes sit eos de re proposita conuenire posse, capiat aliquis unus, qui arbiter sit in rem propositam. Hic si aliter eligi non possit, sortis ministerio eligendus uidetur. quandoquidem hoc genus eligendi Deo placere, cum in ueteri Ecclesia apparuit: tum in noua, Matthia in apostolatum sumendo, de quo nos alibi latius differemus. Ambitiosæ sunt magis, quàm fructuosæ disputationes, de Pontificia potestate supra conciliū. Quorsum enim cogitur concilium, si maior est potestas Papæ? Cur quidam Papæ, sententia concilij non tantum in ordinem redacti, sed & hæretici pronuntiati? Non est maior urbs orbe, nec pars toto, nec caput corpore, in quo & ipsum caput & omnia membra continentur. Quod si corpus sine capite truncum est, certè etiā sine reliquo corpore caput nulli functioni aptum est. Corporis uerò ex eiusmodi membris compacti, quæ iisdem ornamenti ingenij, studij, artis, morum, exercitationis, prædita esse possint, quibus caput ipsum, membra illa quæ multitudine quasi infinita, uarietate admirabilia sunt, soli capiti, uel paucis quibusdam cum capite coniunctis, postputare, minimè conducit Reipub. Profectò qui Pontifex uelit sibi plus tribui, commodis suis magis fauere uideretur, quàm religioni: cuius causa non tantum cōmoda, sed & pontificatū posthabere, & uitam ipsam bonus pastor profundere non recuset. Sunt tamen multi, & quidem docti & eruditi uiri, qui asseuerēt, Papam ut singularem personam, in fide errare posse: ut Papam, non posse. atq; etiam affirmant, prouinciam de controuersijs religionis interpretandi & iudicandi, ipsi Pontifici cōmittendam esse: uidelicet ad exemplum Moisaici pontificis, cui iudicium rerum dubiarum cōmissum fuerit: idq; à CHRISTO præceptū esse, ut scribis & pharisæis in cathedra Moisis sedentibus obtemperemus. Sedenim CHRISTVS ipse, cum ca-

D 2 . thedræ

thedrae Mosis mentionē facit, obedientie metas prefixit. Qui enim scribere extra cathedram euagentur, ab illorum fermento iubet abstinendum esse. De Mosaico uero pontifice quod dicitur, primum illi causas civiles commissas fuisse, textus uerborum indicare uidetur: dum meminit causarum perplexarum & difficilium, inter sanguinem & sanguinem, inter litem & litem, inter plagam & plagam. Atque hoc modo lex illa huc trahenda non erit, ubi de controuersijs religionis tractamus. Deinde, ut etiam quis ostendat, Pontificum fuisse iudicium de controuersijs religionis: illos tamen erroribus obnoxios fuisse, multis exemplis ostendi potest. Aaron idololatra, ac potius idololatriæ princeps author ue erat: dum uitulum aureum conflaret, iudeis adorandum. Vrias pontifex iussu regis Achas altare extruxerat, in quo ipse cum rege idolis Assyriorum sacrificabat. Tempore Hieremiæ pontifices & sacerdotes iactabant, nunquam defuturam legem sacerdoti, neque consilium sapienti, neque prophetæ oracula. At ecclesiā illius temporis idololatrijs uacuum non fuisse, ipsemet Hieremias multis in locis testatur. Dicit etiā capite 23, à Hierosolymitanis prophetis profectam esse impuritatem in omnem regionem. Pontifices sub tempus nati CHRISTI quales erant, res ab illis gestæ ostendunt, nam & CHRISTVM ad mortem tradiderunt, & illius Apostolos doctrinā salutis spargere prohibuerunt. Et tamen illi ipsi pontifices erant: quorum iudicio qui non paruisset, supremo supplicio afficiebatur. An uero obtemperant Apostoli iussis illorum, metu mortis? Imò animo magno & excelso respondent, Plus Deo obediendū esse, quàm hominibus. Significant, hominem, quanta uis autoritate sit, errare posse. Paulus etiam Ananiam, eiusdem classis pontificem, parietem incrustatum

» uocat, irā Dei illi imprecatur, atque his uerbis eum obiurgat: Tu uero sedes, ut me ex lege iudices: & tamen contra legem iubes me cedere.

» Quibus uerbis Paulus primum citat legem illam Mosaicā, qua sancitur, ut Pontifex ex præscripto legis iudicet: deinde ostendit, tales pontifices multa contra legem solere facere. Tempora etiā post CHRISTVM natum ostenderunt, iudicium de religione pontificibus committi non posse. Nam & in erroribus uersantur multis: & pro hæreticis nonnulli iudicati sunt. Auxentius, nonne Mediolani episcopus fuit proximè ante diuum Ambrosium? atque idem ille Arianus habitus est. Eugenius Quartus, Papa erat, atque idem ille non tantum uiolator & cōtemptor sacrorum canonū synodaliū: non tantum simoniacus, periurus, iurium & bonorum Ecclesiæ dilapidator, Romani pontificatus inutilis & damnosus administrator: sed & schismaticus, & à fide deuius, & pertinax hæreticus à sancta synodo Basiliensi declaratus, atque eam ob causam pontificatu motus est: omnibusque hominibus & ecclesiasticis & secularibus, nec regibus

regibus nec imperatoribus exclusis, grauissimis poenis in contrauenientes ascriptis, interdictum, ne se ad Eugenij auctoritatem deinceps conferrent, ne'ue illi obedientiam ullam praestarent. Haec enim continentur omnia in eo decreto, quod à concilio Basiliensi, anno CHRISTI 1439, sept. Calend. Iulij factum & scriptum est. Et hoc est, quod (mea quidem sententia) dictis illorum ualde repugnat, qui omni asseueratione affirmare audent, numeratis omnibus Pontificibus à Petro ad Iulium Tertium, nullum haeticum sedisse unquam in cathedra Romana. Aut enim Eugenius in pontificibus numerandus non est: atque adeo sedes Romana annos octo (nam tot à concilio Basiliensi ad Nicolaum Quintum, qui Eugenio proximè successit, intercesserunt) à pontificibus uacua nudaque erat: aut concilio Basiliensi auctoritas detrahenda est. Repetamus amplius, si libet, memoriam temporum illorum, Eugenio magistratu abire iusso, Amedæus Dux Sabaudiae à concilio suffectus est. Extat enim exemplum literarum ad Sbigneum Cracouiensem episcopum, à concilio Basiliensi, anno CHRISTI 1439, sept. Id. Nouemb. missarum: non typis excusum, ne quis dolum subesse putet: sed manu hominis Poloni, ut uidetur, per tempora concilij illius descriptum. Quid igitur? an Amedæus officio pontificis functus est? Imò Eugenius, Amedæo in Cardinalium numerum reiecto, concilij Basiliensis decreto, protrito & conculcato, solennia pontificatus ad extremum usque spiritum capebat. Hunc tu igitur iudicem constitues rerum controuersarum, propter cathedram quam occupabat? Si etiam, uide quomodo tanta prouincia heretico, uoce concilij declarato, committenda sit. Si non, cui rectius id dabitur, quam iudicibus concilij auctoritate ex utraque parte eligendis? cum quidem eos qui auctoritate gaudeant ordinaria, erroribus obnoxios esse, iam demonstratum sit. Quid igitur, roget quis, ordinariae successionis detrahis? Ego uero minime. Scio enim, quantum ei tribuerint uiri sanctissimi, ut Ireneus, Tertullianus, Cyprianus, & alij quamplurimi: quantumque eius auctoritate usi sint contra haeticos. Sed quid sit legitima successio, & quæ ratio eius tuendæ & uindicandæ, considerandum puto. Putas tu in hoc ordine successionis ponendos, qui aliunde quam per ostium ingressi sunt? Putas eos qui non in doctrinam ac munera functioni propria, sed in diuitias tantum & amplas possessiones successerunt? Atqui priores à CHRISTO fures uocari, & latrones: posteriores sua querere, suæque rei studere, non IESU CHRISTI, certum est. Certè legitima ordinatio ita ad posteros decurrit, si illi in res à maioribus possessas succedant. Quæ igitur possessiones sunt Apostolorum, quæ professio, præterquam doctrinæ & administrationis mysteriorum Dei? Qui in hæc non succedit, quomodo successor Apostolorum dicetur? Grauius Bernardus, diuinus abbas, ad Eu-

Bernar. de
Conside-
ratione,
lib. 4.

genium Pontificem maximum: Petrus, inquit, nescitur processisse aliquando uel gemmis ornatus, uel sericis: non tectus auro, non uetus equo albo: nec stipatus milite, nec circumstrepentibus septus ministris. Absq; his tamen credidit satis posse impleri salutare mandatum: Si amas me, pascere oues meas. In his successisti Constantino, non Petro. Et audet quisquā possessiones opum ecclesiasticarum, mitras, infulas, curuaturas, sellas, & id genus insignia, ad stabilendam tyrannidē, in ordinē successionis Apostolicæ inferre? CHRISTVS ipse ordinationem legitimam commendat, si sedeant scribæ in cathedra Moysi: & in orbem mittens Apostolos, iubet eos prædicare Euangelium omnibus creatis. Quid igitur iactatis istos, qui nec Moysen, nec prophetas norunt, nec Euangelium docere unquam didicerunt? quicq; per uitam suam omnem in rebus à doctrina alienissimis uersati sunt? Audetis ne hos in numerū illorum qui à Tertulliano, Irenæo, & alijs ueteribus laudantur, aggregare? Quatuor aut quinq; summi Pōtiffices erant, quos uiderūt secula nostra. Quis illorum à theologiæ cognitione fuit commendabilis? Adriano quidem excepto, qui eius dicitur fuisse peritissimus. Sed idem parum idoneus fuisse gerendo pōtificatu horum temporum iudicabatur. Libellus etiam, qui inscribitur, Discursus de eligendo nouo Pontifice, ab eo aulico Romano, qui quinq; Pontifices mortuos se uidisse, totidem alijs eligendis se Romæ interfuisse dicit, conscriptus, indicat, quid à Cardinalibus spectari soleat in huiusmodi electione: certe quiduis potius, quàm doctrina religionis. Atq; ille idem aulicus scripsit, memoriam Adriani Sexti Papæ adhuc recentem esse: ut dubitandum non sit, Cardinales illo exemplo nequaquam commissuros pontificatum alicui, qui non sit nominis Italici, aliter ipsos sceleratos, & patrij nominis proditores iudicātū iri. Pronunciauit hæc aulicus, ex ingenio & proprietatibus aulae suæ. Non ibi theologiā, non imperiū hominis extranei, quamuis sit theologotatos, gratum esse: omniumq; qui non sint Italici sanguinis, potentiam fastidiri, & odio haberi. Nos uerò transmōtani, hoc est barbari (tales enim habemur) qui longissimè ab urbe Roma habitamus, quid? non ne scimus, Pontifices cum suis affectatoribus in curiis regie dominationis ferè fuisse occupatos? bella gessisse, ciuitates & Respub. occupasse, filijs aut nepotibus eas subiecisse? Quam igitur curā religionis habere possunt? quantū temporis in doctrina ponere? quæ certè nisi alatur continua lectione, meditatione, cōmentatione, ferè solet etiā doctissimis disperire. Et hæc quidem, quæ dixi, scit & sentit tota Italia, hæc ad nos perferūt, quicuncq; unquam ibi uersati sunt. Et tamen doctrinam eis non uulgarem quidam ascribere non dubitant. Habent, inquit, lateri suo assidentes totius orbis uiros doctissimos, quibus ipsi doctrina minimè secundi præsident: de quorum consilio,

Scriptor uitæ
Adriani Sexti,
circa uitas Pla-
tine.

consilio, de rebus grauioribus pronūciant. Vtinam istuc uerbum ex animo, ac uerè dicerent. Quamplurimi enim, ut dixi, diuersum sentiunt, & experiuntur, adeò, ut quidam sedis Romanæ obseruantissimi dicere ausi sint, Se pontifici parère uelle: sed non Clementi, aut Paulo, aliud quàm quod pontificem deceat, docentibus aut imperantibus. Hæc alicui oratio perniciosa uidetur, contrà Paulo apostolo, qui cum principi populi non esse maledicendū affirmet, ipse interea Ananiæ maledicere audet: usqueadeò quidem, ut à quo prius epistolas Damascum affligēdi Christianos causa ferendas petebat, quem in loco Pontificis iudicare uidebat, eum non agnoscat pontificem, quòd faciat contra legem. Quoties in ciuitatibus eiusmodi uoces audiuntur, multa reges & principes sæpe decernere & agere contra leges: idēq; eos facere, non ut reges: hoc est, eorum huiusmodi decreta & facta, indigna esse dignitate regia. Quæ tamen decreta & facta, pacis publicæ causa ferenda & toleranda sint. Sed aliud est ferre, quod uitare nequeas: aliud, probare, quod probandum non sit. CHRISTVS ipse colaphum per iniuriam à Pontificis ministro, Pontifice ipso pro tribunali sedēte, inflicto, fert quidem patienter: sed scelerati ministri factum grauius improbat, inquiēs: Si bene loquutus sum, cur me cedis? Paulus magistrū suum, ut iam dixi, usq; eò imitatus est, ut etiā Pōtifici maledicere auderet. Quod quidem si non omnibus uulgò imitari licet, qui tamē in Ecclesia primas tenent, quos officium cogit loqui, qui ius habent dictis factisq; improbis resistēdi, qua conscientia tacebunt? Multi enim qui possent, non tantum non resistunt, sed gratiæ causa & imperitiā alienam celant, & testimonia rebus minimè consentanea dant. Cumq; memoria nostra nunquam sit auditū, aliquem ob religionis doctrinam singularem ad munus Pontificis esse uocatum: audent tamen Pontifices alienis plumis ornare, & laudem doctrinæ nemini sectin dæ eis tribuere. Neq; timent illud uæ, quod minatur Dominus illis *Esa. 57.* qui malum bonum, & bonū malum dicunt: qui tenebras in lucem, & lucem in tenebras conuertunt. At principi populi non est maledicendum: maledici enim regnum Dei non consequuntur. Rectè dicis. Verū maledictio, ut inquit Cicero, nihil habet præter contumeliā, à qua si quis absit, maledicus dici non debet. Nisi fortè CHRISTVS maledicus est, cum scribas & pharisæos uocat hypocritas, progeniem uiperarum, filios diaboli. At seruus alienus non est iudicandus, qui domino suo stet, aut cadat. Rectè & id. Vt enim fide firma præditi reprehenduntur, qui ipsi sine delectu uescentes quibuslibet, despiciant imbecillos uesci metuētes: ita imbecilli, qui temerè damnēt firmos meliores se, omnēq; id iniustum putēt quod ipsi non faciant. Iudicium enim tum de ijs, tum de similibus rebus, non humana prudētia, sed Dei uerbo fieri debet. At peccata principum

cipum tegenda sunt, exemplo Shem & Iaphet, qui uerenda patris sui tegere & cooperire non dubitarunt. Rectissimè id quoque, sed aliud est tegere peccata principis, aliud tribuere ei laudes quibus indignus est: præsertim si laudes eiusmodi in Reipub. malū incumbant, ut faciunt, qui principi concedunt doctrinā quam non habet, ut hoc titulo dent ei & hominibus illi iuratis potestatem summam de rebus omnibus iudicandi. Neq; ego is sum, qui de alicuius ueris laudibus quicquam uelim detrahare, aut alicuius præclara facta malignis interpretationibus eleuare: sed quia in præsentia de religionis doctrina loquimur, haud scio cur Pōtificibus tanta tribuenda sit, quantam illi nec agnoscant, nec fortasse optent. Certè nec eruditi ea, nec eam alijs tradidisse unquā auditi sunt. In erroribus etiam magnis quosdam illorum fuisse, iam ostensum est: ut non immeritò munus iudicandi de rebus parum cognitis deprecari & abdicare deberent. Gratiissima est enim illa hominum querela (cuius suprā meminimus) de Pontifice, qui ut prius abhinc quinquennium, ita proximè anno CHRISTI 1551 conciliū Tridentinum suo arbitrio guberauerit. Non tantum id Protestātes (quos sic uocant) sed catholicos permultos, qui in cōcilio aderant, questos esse audiuius. Et si enim ipse Pontifex non adfuerit: tamen & legatum illi iuratum concilio præfuisse ferunt, & magnis itineribus ad Pontificem de rebus omnibus relatum, nec nisi ex illius præscripto conclusum esse. Quid igitur? rem quæ agatur, nondum intelligunt? Accusant Protestantes Pontificem, cum omni Romana ecclesia, idololatriæ, doctrinæ falsæ, morum peruerforū, ecclesiasticæ disciplinæ corruptissimæ. Pontificij item pleriq; multa & in doctrina, & in sacramentorum administratione, & in disciplina emendari optant. Quin Pontifex ipse Adrianus Sextus in ea legatione, quam ad cōuentum Norimbergensem anno CHRISTI 1522 miserat, à plāta pedis ad uerticem capitis nihil esse sani in toto corpore ordinis ecclesiastici affirmat. Cur igitur eos uel solos, uel inter cæteros præcipuos iudices ferimus, qui in tantas suspiciones uocētur? Imò cur ipsi se ingerunt ultro in eam prouinciam, quam, etiam sibi ab alijs impositam, prorsus detrectare deberent? Et interea uolumus, ut quæ à concilio semel posita & fixa sunt, ea ne unquam rescindantur. Scilicet hæc ratio est obtinendi quod uolumus, si illi iudices erunt qui accusantur: quicq; hoc nomine inter reos magis, quàm iudices numerandi sint.

Scitum est autem, tres in iudicio personas esse debere: nec uni licere, personam iudicis, rei q; aut actoris sustinere. Non hæc sanè contumeliosè, sed dolenter à me dicuntur. Res enim eò progressæ sunt, ut lapides, tacentibus hominibus, uelle loqui uideantur. Sed fac Pontificē cum omnibus sibi religione obstrictis, atq; adeò cum istis ipsis quibus doctrina est minimè secundus, ab omni errore esse quàm remo-

quàm remotissimum: fac in eo culpam nullam, nullum peccatū resideri posse. quid hoc tandem ad id quod in præsentia agimus? Disputamus nunc de cōcilio: cuius auctoritati Pontificem parēre, non disputationibus tantum, sed re ipsa, ostensum est in concilijs, tum Basiliensi, tum Constantiensi. nam in illo unus propter hæresim, quod iam ostensum est: in hoc tres ob schisma, in ordinem redacti sunt. Quicumque igitur (in partium dissensione) à concilio iudices delecti erunt, eorū iudicio standum esse contendo. Quod quidem in rebus quoq; alijs seruari, hinc perspicui potest. Orta enim de rebus aliquibus doctrinæ aut artium controuersia, non ad eos qui titulotenus se artifices profiteantur, aut publicis honoribus fungantur, aut ordinaria successione se tueantur: sed ad peritissimos & exercitatissimos res deferri solet, qui remota auctoritate sua, rem propositam ex natura ipsius definiant, argumēto confirmant, ratione demonstrent. Tales igitur deligendi sunt, qui tantam personam sustinere possint cum dignitate: qui neutri partium addicti sint, sed qui sumpta eiusmodi persona, studiū partium eiurēt omne. Non enim mihi displicet, quod principes, qui terminos agrorū suorum communes habent, in finibus regundis faciunt, ut soluant consiliarios suos, quibus id negocij dent iureiurando, quo illis obstricti sint: ut eodem modo iudices concilij, utrinq; delecti, soluantur omnibus uinculis, si fortē quibus deuincti sint partibus suis. Tales igitur sentio iudices esse oportere, nō qui alterutrius partis præiudicia (quod nos extra concilij tempus facimus) adferant ad rem quæ tractetur: sed qui liberi, soluti, & nulla re implicati, integram habeant iudicandi potestatem: qui certē non pro priuatis haberētur, sed in summo honoris gradu à cuncta Ecclesia collocarentur. Quid multa? aut ratione, quam diximus, melius irent res cōcilij, aut nulla alia. Nam etiam si qua culpa delecti teneri possent, maiore tamen tenerentur, quibus solo honorum & successorum respectu tanta res committeretur: cum quidem non faciat dignitas ecclesiastica Christianum, nec omnis episcopus sit episcopus, ut scripsit Hieronymus, & inter Decreta refertur 2. q. 7. c. Non omnes episcopi.

A P O L O G I A.

De appellatione partium in Ecclesia.



MOLESTE ferunt multi, nos designandis ijs qui cōtrarias tenent sententias, partium appellatione usos esse. Quod igitur nomen eis dandum est aptius? Profecto si orbis totus cum aliquo uno homine lite contendat, iureq; experiatur apud iudicē aliquem, iudex uix alio nomine affabitur eos, quàm partium: in ferendaq; sententia uix formula alia utetur, quàm illa, Auditis partium propositis & respōsis, dicimus & decernimus. Non sunt, inquis, partes in Ecclesia, quæ tenet totum. Imò si totum tenet, partes sunt in ea: totū enim ex partibus constat. Sed in ea, inquis, idem dicunt & sentiunt omnes, Imò homo totum est,

E

cuius

cuius partes non idem dicunt & sentiunt: aliud dicitur ratio, aliud appetitus. Sed in toto mystico aliud est, inquis, in quo qui partem tenet, à toto præcisus est. Imò in omni toto pars est pars, totum est totum. neque quod pars est, à toto præcisum est. Quod enim præcisum est, partis appellationem non meretur: in toto manens meretur. Mirabiles sunt isti theologi, qui studio sui catholicissimi quidvis ex triujs arripiunt: nec ut apta sint inter se quæ dicunt curant, modò ut contradicant. Quis est autem, peccus aliqua pietate imbutum habens, qui non optet summam illam in Ecclesia catholica cõcordiam, ut omnes sentiant idem, idem loquantur? Sedenim ea est natura hominũ, ut inter bonos etiam & sanctos uiros, sæpe suboriantur dissensiones: & quidem iustas ob causas.

Gal. 2. Non ne Paulus à Petro, non recto pede ad Euangelij ueritatem incedente, dissentiebat? Non ne inter eundem Paulum & Barnabam tanta dissensio incidit, ut alter ab altero seiungeretur? An propterea ex Ecclesia dissecti sunt, eiusque partes esse desierunt? Sed dices, non id certamen de doctrina fuisse.

Act. 15. Loquamur igitur de illis, qui ex secta pharisæorũ, CHRISTI doctrinam amplexi, circumcisionem docebant: Pauloque & Barnaba contradicentibus, rem ad Apostolos deferri curabant. an quia partem aliam sequuntur, quam Paulus & Barnabas, eos ex Ecclesia protinus extirpabis? Loquamur etiam de ijs, qui huius memoriæ principes erant theologorum. Pighius & Eccius diuersa docuerunt de peccato originis: uterque nobis est catholicus, uterque etiam ab ipsis Romanis doctissimus & acerrimus hereticorum nostri temporis impugnator uocatur: & tamẽ diuersas partes tuentur. Fingamus Pighium cum suis sequacibus, Eccium item cum suis à concilio postulare, ut controuersia quam habent, omnium autoritate dirimatur: sententiasque dicentium discordes esse, & alios Pighianis, alios Eccianis suffragatos: remque postulare, ut iudices eligantur partim ex Eccianis, partim ex Pighianis. quo utrosque communi nomine afficies, quam partium? Igitur si Lutheri, Caluini, Zuinglij, Balthasaris, nullas esse partes uis in concilio: patere tamen Pighianos & Eccianos partis appellatione signari: de hisque uel similib. nos intellexisse, cum differemus de iudicijs ex utraque parte sumendis. Non minus & illud mihi

*De nomine
Euangelicorum.*

uitio uertitur, quòd alicubi aduersarijs nomẽ Euangelicorum dederim: quasi ego illis hoc nomen imposuerim. Lutherana secta, inquit Polydorus Vrbinas, breui tẽpore mirabiliter coaluĩt: quæ Euangelica dicta est, eo quòd haud ullam asseueret recipiendam esse legem, quæ ad animarum salutem pertineat, nisi quam CHRISTVS aut Apostoli dedissent. Igitur nec ego aduersarijs dedi hoc nomen: nec eis adimere, est meum. Propter nostrum affirmare, aut negare, nihil sequitur: nec mea appellatione quicquam alicui addo, nec nominis detractioe diminuo. Vtor uerò uocabulis usitatis, ut quisque intelligat de quod si sermo.

LIBER.

CAPUT VI.

Quibus argumentis errores tollendi.



DE ijs qui dicturi sint sententias, & de iudicijs hactenus. Iam quibus argumentis ueluti armis in concilio agendum, erroresque omnes tollendi sint, uideamus. Eadem sunt, sicut est apud Aristotelem, principia compositionis & diuisionis. Maximam religio plagam, & quasi sui diuisionem accepit à tyrannis, ui, ferro & igne sæuiantibus: sed longè maiorem ab hæreticis.

Illi

Illi enim corporibus malum dedere, hi animis hominū. Hoc uerò hæretici effecerunt rationibus, & scripturis diuinitus traditis. His igitur rebus occurrendum est erroribus illorum: his modis componenda, restauranda & uindicanda est religio, à sui diuisione. Sunt qui minis & ui agendum putent, Pauli apostoli exemplum proferentes, qui poena corporis coactus, ad Euangelium intrauerit: & patrisfamiliās Euangelici, qui ad cœnam magnam obuios quosq; compelli iusserit. Verum enim cōpulsio hæc minimè sita est in uoluntate corporali. Non enim arma militiæ Christianæ, inquit Paulus, corporalia sunt: sed potius asiduitas & uehemētia in docendo, reprehendendo, obiurgando. Qualem ille idem Paulus præcipit Timotheo suo, inquit: Prædica sermonem: insta tempestiuè, intempestiuè: argue, increpa, hortare, cū omni lenitate & doctrina. Tanta est enim animi humani inconstantia religione Dei amplectenda, ut nisi uerbo Dei sedulò sustentetur, facile ad omnem uentum loco dimoueatur, & tanquam Petrus in aquis fluctuet. Vult igitur Paulus, ut doctores urgere nunquam desinant: sed ut increpent, & hortentur: non quidem ulla ui corporis, sed cum omni animi lenitate & doctrina. Nam asperitas, semota comitate, nocet magis, quàm ædificat. Cohortationes etiam nulla doctrina fultæ, quamuis à pio animo profiscantur, cōtemnuntur, aut parui ducuntur. Quis igitur putat ui corporis utendum, hominibus uel adducendis, uel retinendis in religione? Nam de Paulo quod afferunt, erat quidem illi uis cœlitus adhibita: sed quæ simul animum illius mutauerit, ut ex persequutore factus esset CHRISTI propugnator. Hoc exemplum imitari qui uelit, imitetur totum: ut non corpori tantum, sed animo etiam uim inferat. Fieri enim non potest, ut animus promptus & alacer sequatur corpus aliquò ui detrusum, nisi primùm uiuidis rationibus & autoritatibus clarissimis persuadeatur: sine quibus fingere quidē multa potest, seriò agere nihil potest. Nam etiam in causis ciuilibus, qui terrore percussi sunt à tyranno, aliter nonnunquam loquuntur, quàm sentiunt. Tanta enim est humani animi libertas, ut uel in medio eculeo cogitet, sentiatq; quod illi uideatur, non quod uim adhibenti. Simulare quidem ac dissimulare in præsentia potest. at ubi tanquam auicula ex cauea auolauerit, tum ad ingenium redit, libertateq; utitur loquendi quod sentiat. Iam confessio quæ ab inuitis extorquetur, uera non est, nec Deo grata: neque bonum opus reputatur, cui reluctetur sententia uoluntatis. Omnino confessio ultrò & sponte edenda est: ac nisi ex animo, ac summa alicuius uoluntate fuerit profecta, irrisio Dei est, ac illusio. Ad quam quis cogit homines, quàm qui eos ui, iniurijs, mortis metu percellit? Et tamen qui id facit, magnum se obsequiū putat præstare Deo. Cui quidem magis sui ultio esset relinquenda, quàm hæ-

Act. 9.

Augustinus ad

Bonifacium,

epist. 50.

2. Corinth. 10.

1. Tim. 4.

“

“

rationes ad religionem aliquem reuocandi usurpandæ. Scio quæ contra hæc à magnis uiris disputentur: quæ item edicta principum, quæ sanctissimorum uirorum scripta proferantur. Sed mihi hæc reuocanda potius uidentur ad initia Ecclesiæ nascentis: ac quibus modis religio tum insita est animis hominum, iisdem etiam nunc recuperanda. Apostoli post unam & alteram admonitionem, iubent hæreticum deuitandum. Episcopi, qui numero trecenti fuisse dicuntur, coacto contra Arium concilio, exilio eum multarunt. at qualem & quantum hæresiarcham? Sed quid opus multis? Magister ille CHRISTVS non instruxit discipulos suos armis corporalibus, non ferro, nō igne, non scorpionibus: sed doctrina & prodigijs. Videant igitur, ne uel desidiæ ignorantiaeq; perfugia quærere, uel bona uita defici putentur, qui alia quærant remedia ad religionem persuadendam. Neque dubium est, neminem magis ad tormenta & ignes prouocare, quàm qui aliter ignauiam suam tueri non ualent. Sermo Dei, inquit Apostolus, uiuus & efficax est, penetrabilior omni gladio ancipiti. Arma coelestis militiæ, ut supra ex Pauli sententia diximus, non carnalia sunt. Ipse quoq; Deus, ut refert Oseas propheta, promittit se seruaturum suos in suo nomine: non se eos seruaturum in gladio, & arcu, in bello, equis, equitibus. Hæc sunt consideranda: neque committendum, ut animi ab errore non liberati, cum corpora perduntur, multentur etiam ipsi morte sempiterna. Corpora enim tantum, ui, carcere, flagris, igne puniuntur: animus immutari non potest, nisi sermone Dei. non uenit sub tactum, nec sub aspectum religio: tota in animis sita est. Illuc ingerenda est non ui corporali, aut armis: sed scripturis clarissimis, rationibus ualidissimis, uel ex rerum natura, uel ex literis ac oraculis diuinis desumptis. Sed de hoc uiderint boni & eruditæ nos enim diximus nostram sententiam.

CAPUT VII.

Quibus scripturis cum hæreticis agendum.



VIBVS autem scripturis cum hæreticis pugnandum sit, cōsideremus. Sunt qui de Canonicis scriptis, quæ sacra Biblia uocamus, ita loquuntur, ut uix certi aliquid ex eis elici posse affirmant: flexilibus scilicet eorum opinione in utranq; partem, non secus quàm cereus nasus (hac enim similitudine utuntur) nullo negotio quoquouersum flectatur. Ac ne summo quidem illi religionis nostræ capiti de Trinitate diuina parcunt: quem nisi uel autoritas Ecclesiæ accedat, uel aliquorū interpretum sententia, ex his ipsis canonicis Biblijs inuestigari posse fortiter negent: loca etiam scripturarū in hoc adducendo, olim ab Ario usurpata.

pata. Et si uerò autoritate Ecclesiæ niti, omni in re quæ religionem CHRISTI attingat, honestissimū est: interpretibus etiam, ut arbitris honorarijs, qui abstrusa & recondita sensa dextrè explicent & exponant, uti per necessarium: tamen nimia illa uerbi Dei seu in libro scripti, seu ab alicuius uoce prolata, seu mente cogitati extenuatio, haud scio an sit uiris pijs & prudentibus improbanda: qua nimirum & autoritas detrahitur, & maiestas obscuratur diuinorum oraculorum. Tu igitur, cum Arii & nescio quorum hæreticorum calumnias tam inexpugnabiles in mediū profers, quibus illi Trinitatem impugnant, putas te stabilire autoritatem Ecclesiæ: Vnde uerò hæc illi autoritas facta erit, ut aiunt, testāq; uerbo Dei nutante, & modò huc, modò illuc instar nasi cerei tui se inclināte? Verbum Dei est illud, DIC ECCLESIAE: quo præcipitur, Ecclesiæ dicendum esse, ad eamq; de re omni deferendum: ac qui ei non obtemperet, eum pro ethnico habendum. Hoc uerbo magna datur Ecclesiæ potestas, quod uerbum si ignoraretur, obscura esset Ecclesiæ & natura, & autoritas. At & hoc ipsum uerbum, & alia omnia in mysticis literis comprehensa, ab uno eodemq; CHRISTI spiritu sunt profecta. Aut igitur omnium par est honestas & autoritas: aut qui in cæteris negligendam putat uerbi autoritatem, & in hoc, quod diximus, aspernetur eandem oportet. atq; ita quam putat se ex uerbi Dei extenuatione constituere Ecclesiæ autoritatem, eandem eadem de causa eleuabit ac obscurabit: lumine scilicet illo obscurato, unde erat illustranda. Iam cum illas inexpugnabiles Arii sententias profers, quibus ille Trinitatem conuellere se putabat, non intelligis, te multorum qui audiunt animis aculeos infigere dubitationis & fluctuationis? Quo modo enim non fluctuabit, aut uortigine gurgitum non submergetur, quod in hoc scripturæ mari, ubi ancoram in summo tempestatis discrimine figat, non habet: præsertim cum pirata ille diabolus, astutia & fraudibus instructus, dormiat nunquam: omnes obseruet occasiones hominis Christiani spoliandi, perdendi, & immergendi. Quin igitur uerbo Dei primam, ut par est, autoritatē concedimus? quod & Ecclesiam fulciat: & sanctis doctoribus locū, quem merentur, in ea det. Sunt qui huic sententiæ assentiuntur quidē, uerboq; Dei primas concedunt: sed tamen eo sensu, quo uelit Ecclesia. Verū hoc modo, aut prior datur autoritas Ecclesiæ, cuius nimirum arbitrato exponendum ac interpretandum sit uerbū: aut certè æquatur utraq; quatenus una subseruiat alteri, nec una sine altera subsistat. Atqui Ecclesiam necesse est accommodari ad uerbum, non uerbum ad Ecclesiam. Verbum fundamentū est, Ecclesia ædificium in illo collocatū. Ruere igitur Ecclesiā necesse est, uerbo sublato. Quanto igitur simplicius, & ad ueritatē appositius loquūtur, qui uerbū illud quod procedit ab

ore Dei, tanquam solem constituunt, illuminantem cunctam ecclesiam. Non mutuatur sol lumen à stellis: sed & eas collustrat, & in omnes mundi partes lumē spargit: quamuis homines uel cæci sint, uel secus iudicent. Illuminat & uerbum Ecclesiam: quæ ipsa tum lucere incipit, cum est radijs illius illustrata. Luculenter canit Psalmista, Verbum Domini lucernam pedibus esse, & lumen gressibus suis. Petrus quoque sermonem propheticum, lucernam esse apparentem in obscuro loco clamat. Quod si hæc lucerna non lucet, quomodo Ecclesia apparebit? quomodo luna & cæteræ stellæ accipiet lumen à sole tenebroso? Etsi autem testimonia, quæ dixi, rectè à uiris quibusdam doctis ad uerbum Domini uiuum accommodentur, quod spiritus Dei uirtute impressum sit in mentibus nostris: tamen quia illi ijdem ad uerbum nigris literis scriptū (quam uocant Literam occidentem) ea negant trāsferrī posse, de eo disputemus: dicamusque testimonia illa & similia etiam de uerbo Dei tum scripto, tum uoce prolato accipiēda esse. Omnino animus noster concipere uerbū non potest, nisi à uerbo audito, lecto'ue. quemadmodum testatur Paulus, fidē ex auditu esse. Planè indicat, credere nos nō posse, nec mēte de rebus diuinis aliquid percipere, nisi primū aures nostræ personent uocibus rerum credendarum. Ac ne intelligi quidem potest, uerbum illud cordibus nostris insitū quale sit, nisi de externo, seu uoce edito, seu scriptis mandato. Quamobrem disputationes ferè omnes, temporum omnium, de uoluntate Dei, uerbo externo dirimebantur. CHRISTVS etiam ipse iubet nos scrutari scripturas: & in quæstionibus explicandis, sciscitantes remittit ad scripturas. Neque est uia tritior, qua ad fidem adducantur homines, quàm uerbi externi tum lectione, tum auditione. quod intelligi licet ex Actis apostolicis de Cornelio, de Eunuchō, & de multis hominū milibus, Petro prædicāte ad CHRISTVM cōuersis. Omnis enim prouincia docēdi in Ecclesia non aliò pertinet, quàm ut uerbum auditū per aures immittatur in animos nostros, ut tandem oculos interni hominis illuminet, intelligentiam rerum coelestium in nobis efficiat, sitque tanquā lucerna, pedes nostros ad uitā dirigens. Hæc non ne à uerbo externo proficiſcuntur? Quod si id non lucet, quomodo lucernā animorum nostrorū incendet? quomodo illuminabit Ecclesiā? quomodo ueros interpretes illustrabit? quomodo luna & stellæ illuminabuntur à sole, tenebris & caligine circumfuso? Neque hoc dico, quod scripturā multis in locis obscuriorē esse negem: cum & Petrus ipse, Paulinis in epistolis quædam intellectu difficilia esse affirmet: & tēpora ferè omnia experta sint, multas dissolutiones de multis dogmatibus religionis ex scriptis diuinis extitisse. Sed cum multifariam multisque modis Deus uoluntatem suam mortalium generi declarauerit, primū per prophetas, deinde per

filium

filium ac apostolos suos: eamque scriptorum monumentis consignatam uoluerit: dico, aut in his ipsis monumentis uoluntatem Dei maxime conspici atque elucescere debere, aut nusquam alibi. Absurdum est, Deum ita agere nobiscum uoluisse, ut uerba eius non intelligerentur. In uerbis igitur ab illo profectis, uoluntas eius quaerenda. Si quae obscuritates aut aenigmata occurrant, ea uel enodatione uerborum, uel locorum illustrium collatione interpretanda sunt. Hoc enim & CHRISTVS fecit, & uiros doctos semper fecisse uidemus. Qui utcumque heserint in sententijs parum perspicuis, eas tamen ipsas alijs clarioribus studebant explicare. Omnes etiam controversias, scripturarum accommodatione, ad id quod in quaestione uertebatur, in primis dirimebant. Scriptura illis erat doctrina & testimonium Domini, lux illuminans oculos, lucerna rectum iter ostendens ad ueritatem. Dabant illi quidem ueris interpretibus honestum locum: dabant & Ecclesiae catholicae honestiorem & ampliorum: ueruntamen demonstrationes certissimas ex his diuinorum eloquiorum testimonijs sumebant. Haec erant illis tanquam Lydius lapis: quo & sathanam, uel in angelum lucis transformatum, arguebant: & spiritus omnes probabant, ex Deo essent, an aliunde. Quam obrem nulli hominum, nulli coetui tanta certitudo, tantaque autoritas tribuenda est, atque sacris literis. At inquires, uerbum auctoritatem obtinere non posse, nisi suffragia accedant Ecclesiae. Quasi uero, quod in ciuitatibus sit legibus ferendis, ut nulla habeatur rata, nisi consensu & uoluntate populi: id in uerbo Dei seruandum sit, ut pondus nullum habeat, nisi mentes & sententiae Ecclesiae cum Dei decretis & uoluntate consentiant. Atqui Deus est autor uerbi sui: quod tanti facit, ut coelum & terra facilius transitura sint, quam uerba ipsius pessum itura. Ille est qui tuetur uerbum suum, qui auctoritatem tribuit, qui illud in dignitatem uindicat, qui per spiritum sanctum obsignat in cordibus hominum. Testimoniū quidem Ecclesia spiritu Dei afflata dare potest uerbo & doctrinae: hanc scilicet, quam iam inde ab Apostolis quasi per manus accepisset, & non aliam, a Deo esse proditam, auctoritatem uero illi tribuere nemo potest, praeter Deum ipsum: qui est auctor illius, illustrator, defensor, propugnator. At enim Ecclesia habet spiritum interpretandi uerbi Dei. Quis negat? Illa uero etiam habet donum curationis. Neque tamen est qui primas in medendo partes non tribuat naturae, cuius medicus minister est. Saep̄ quidem natura iuuatur a ministro: sed

Admoniti sumus ab amico quodam, de eo quod hic de do
ita, ut no curatione

scripsimus, parum illud aptū esse, propterea quod donū illud principio nascentis Ecclesiae, ad doctrinā confirmandam datum erat: hodie confirmata doctrina non extat. Itaque nobis expungendum illud uidetur. Vis enim illa occulta, qua, manuum impositione, aut alijs signis morbi abigebantur, haud scio an usquam appareat. Cum autem praefectura Paulus Rom. 12. numeret inter dona, quae iuxta Dei gratiam hominibus contingant, non ineptū fortasse fuerit, ut pro dono curationis sufficiatur donum praesidiū: qui potestate quidem habent iuris dicendi, uerum non suo arbitrio, sed ex legum praescriptione. Tametsi qua ratione praefectura in donis numeratur, ne curatio quidem eo numero excludenda uidetur. cum medicina naturalis donū Dei sit, ab altissimo creata, et a uiro prudēte nō abijcienda, ut ait Sapiēs Ecclesiast. cap. 38.

ita, ut quod in ea uitium est, emendetur additione naturæ alterius, puta herbarum aut animantium. Ad hunc modum si uerbum Dei obscurius esse uideatur, rectè fungetur Ecclesia officio suo, illo interpretando: sed non suo arbitratu, sed aliorum ipsiusmet Dei uerborum, quæ clariora essent, collatione. Ecclesiam uerò aut certos interpretes propterea præferre, æquare uel seu autoritate, seu certitudine, uerbo Dei, prorsus indignum uidetur. De Ecclesia iam ostendimus, eius autoritatē ex uerbo Dei pendere totam: sine quo, in eam quam habet dignationem nullo modo potuisset peruenire. Dicamus de interpretibus. Quis nescit Tertulliani, Origenis, Lactantij dogmata nonnulla pro delirijs haberi? Cypriani item, Augustini, Hieronymi (qui inter præcipuos habentur) sententijs quis in totum subscribit? Certè in multis eorum pronūciatis conueniunt docti uiri, quædam prorsus improbant. Nam inter cætera, & Cypriani opinio, non baptizare nec absoluerē eos qui Spiritum sanctum non habent, damnata est: & Augustini sententiā de cœna mystica infantum, reijcitur: & Caina hæresis, Hieronymo improbata, ab Ecclesia recipitur. Dicamus etiam de aliquo uno interprete. An Augustinus adeo uel cōstans est, uel clarus in suis lucubrationibus omnibus, uel denique certus, ut uel refragari ei nefas sit, uel dubitare de eius scriptis indignum, omniaque eius scripta pro oraculis sint habenda? Ne id quidem. Nam inter cæteros collegit Hoffmeisterus ex Augustino & alijs scriptoribus, locos permultos, quibus receptas in Ecclesia sententias confirmat: quarum contrarias ex eodem Augustino Coruinus tuetur. Sed fortasse alter horum non habetur pro uiro catholico. Demus igitur catholicos. Permulti qui post Pelagianos ab Augustino confutatos, de peccato originis scripsere, dicunt naturam humanam propagatione uitiatam esse: idque non tantum ex sacris Biblijs, sed ex Augustini etiā libris cōfirmant. At Pighius diuersam tuetur sententiam: eandemque Augustini etiam testimonijs certis comprobat. Igitur Augustinus aut contraria sibi & repugnantia dicit: aut si apta inter se, & cohærentia omnia, non satis intelligitur uel à Pighio, uel ab ijs qui uitiositatem nobis ingenitam affirmant, uel ab utrisque. Neque enim nisi ex contrarijs contraria à prudentibus colliguntur: neque ex ijs quæ sibi quadrant, ac undique consentiunt, discrepantia deduci possunt, nisi ab imprudentibus, ac parum doctis. Iam si tam Pighius, quam qui contrarium docent, pro uiris doctis & diligētibus habentur, ut certè sunt permulti: quid aliud dicemus, quam Augustinum obscuriorem, uariūque esse in suis scriptis? Et certè indicantur à multis sententię cōtrarię, non tantum uariorum interpretum inter se, sed & unius alicuius, de certis scripturarum locis: quorum cum uera & germana sententia inuestiganda est, ad fontes ipsos canonicorum Bibliorum recurritur.

Quod

Quod argumento magno est, hos fontes clariores esse oportere. Non enim probationes & dijudicationes fiunt per obscuriora & incertiora, sed per ea quæ magis aperta sint, magisque certa. Quid igitur, dicat quis, detrahis de autoritate sanctissimorum uirorum? Ecclesiæ catholicæ columnas conuellis? Ego uerò non ideo summum fuisse uirum Augustinū, aut quemuis eius ordinis alium infior, quia eum quædā uel parum disertè scripsisse, uel non satis constanter sensisse existimem. Solet profectò incuria interdum obrepere scribētibus multa, & in uaria distractis. Et tamen ut næuò sua gratia est, in facie formosa: ita multa ac præclara alicuius facinora, excusationem illi adferunt iustam errati alicuius. Sit quamlibet magnus Augustinus, homo tamen est: ut ipsum alicubi lapsum esse, mirandum non sit. Quod & ipse reipsa ostendit, Retractationum editis libris, & palàm fatetur, quantum sibi habendum sit fidei, scribens ad Hieronymum his uerbis: Ego enim solis eis scripturarum libris, qui iam Canonici appellantur, didici hunc timorem honoremque deferre, ut nullum eorum autorem scribēdo aliquid errasse, firmissimè credam. Ac si quid in eis offendero literis, quod uideatur contrarium ueritati, nihil aliud quàm uel mendosum esse codicem, uel interpretem non assequutum esse quod dictum est, uel me minimè intellexisse, non ambigam. Alios autem ita lego, ut quamlibet sanctitate doctrinaque præpolleant, non ideo uerū putem, quia ipsi ita senserunt: sed quia mihi uel per illos autores canonicos, uel probabili ratione quod à uero non abhorreat, persuadere poterunt. Nec te, mi frater, sentire aliquid aliter existimo. Prorsus inquā non te arbitror sic legi tuos libros uelle, tanquam prophetarū uel apostolorum. De quorum scriptis, quòd omni errore careāt, dubitare nefarium est. Quid est igitur, cur plus Augustino tribuamus, quàm ipse sibi tribui uelit? Primum canonicis Biblijs tantū tribuit, ut ea sola omnis erroris expertia esse cōtendat. Deinde alijs scriptoribus, quantumuis doctrina & uitæ sanctitate claris, tantū se assentiri dicit, quantum illi uel rationum momentis, uel sacrarum literarum testimonijs suam sententiā probare queant. Clarè etiā testatur in Quæstionibus, non se cuiusquā hominis autoritatē sequi, quantalibet sanctitate doctrinaque præpollētis: sed uel autores canonicos, uel rationes probabiles. Quocirca in controuersia quam cum Hieronymo de Petri simulatione habuit, cum autoritatibus clarorū uirorū premeretur, nec ipse tot autoritates opponere posset, ad Paulum tandem confugit: quem sibi instar omnium, imò supra omnes esse statuit. Et quisquam inuidiam nobis facit, quia uel Augustino, uel Hieronymo, uel alijs eius notæ scriptoribus aliquando non assentimur? cum illi ipsi se homines esse fateātur: qui ut falli, ita alios fallere possint. Necque enim ideo præstantiū uirorum autoritati de-

F

trahitur

cc August. ad
cc Hieron. ep.
cc 19. & in
cc decretis d.
cc 9. c. ego
cc solis.

trahitur pondus, quod illi pro hominibus habentur. Omnino qui homo non pro homine habetur, is aut Deus sit, aut pecus oportet. Quid autem tam proclive homini est, quam decipi & falli? Cōtrā, Deus solus est qui nec fallat, nec fallatur. Prophetæ quoque, apostoli, & euangelistæ, cum non à se dicant, aut scribant: sed spiritus coelestis instinctu, fungantur suo officio, ab omni errore uacui atque integri putandi sunt. In horum numerū nullus, quantalibet sanctitate doctrinaque, ut Augustinus loquitur, præpolleat, uenire potest: Nam illorū uisiones, sanctificationes, ab utero uocationes, in Euangelium segregationes, nominatim in sanctis scripturis leguntur, auctoritateque testimoniū diuini confirmantur: aliorum uocationes tam illustra testimonia non habent. Sed nonnulli, accusata scripturæ obscuritate, incertitudinem quoque eidem attribuant: unde uidentur cereum nasum cōfinxisse. Quasi uerò idem de scriptoribus alijs dici non possit. Diximus iam de Augustino, ex quo uarij uarias de re eadem excerpunt sententias. Idem de alijs sacris doctoribus, de synodorum decretis, deque pontificum decretalibus, dici posse existimo. Et tamē Biblijs sacris cedant hæc omnia necesse est. Nam sæpe non tantū incerta sunt, sed & falsa. quod de Augustino Pighius disertè dicit, in Quæstione de peccato originis: nunquā, ut opinor, idem dicturus de sanctis scripturis. Quemadmodum igitur testis, qui sine ulla dubitatione semper uera, licet nonnunquā obscura loquatur, præfertur testi qui non tantum obscurè, sed falsò etiam narret: ita ueritas scripture perpetua, licet nonnunquā obscurior, preferenda est omnibus alijs qui more humano & fallant & fallantur.

De obscuritate autem quod obijcitur, omnino pronunciata religionis præcipua (ut quæ fidei articulis & Decalogo cōprehenduntur) in scripturis perspicua sunt. Si quid in alijs obscuritatis est, clarioribus, ut suprā dixi, locis exponendum est: quibus deinde testimonia addantur Ecclesiæ, & uirorum doctorum. id quod à uetustis doctoribus factitatū esse animaduertimus: qui in explicandis fidei controuersijs, ad cōsensum ecclesiarū sæpe prouocabant: sed quem tamen à uerbo Dei alienum esse nolebant: uel si testimonium in scripturis expressum non haberet, ne tamen contra ipsas scripturas pugnaret. Itaque non leuis est error quorundam nostri temporis theologorum, qui ecclesiasticæ traditionis titulo non quidem nos à scripturis abducere conantur: sed priores tamen partes dent traditionibus, scripturæ posteriores. Quasi uerò aliquid roboris ac firmitatis possit esse in eo consensu, atque in ijs traditionibus, quæ non nitantur uerbi Dei auctoritate. quas tamen ipsas ab Apostolis minime natas esse, uel hoc ipso argui potest, si discrepent ac disiunctæ sint à scriptis diuinis: ad quæ omnia examinanda sunt, quæ in Ecclesia Dei rata debent esse, atque firma.

Ad sum.

Ad summam, de omnibus quæ in Ecclesia traduntur, hoc ferè præcipitur. Quicquid in diuinis scriptis continetur, id firmiter tenendum esse. Quæ item ex fontibus illorum ducuntur, etiam si uerbis expressa non sint, tamen eandem uim habere, tanquam expressa essent. Nam in omni scriptorum genere, non id tantum quod nominatim dictum est, sed quod etiam in mente ac uoluntate positum, ratum & firmum habetur. In rebus alijs, quæ neq; expressè definite sunt, neq; ex ijs quæ scripta sunt, intelligi possunt, mores ac instituta maiorum sequi, tutissimum esse: quemadmodum & Paulus citat consuetudinem Ecclesiæ Dei. Sed tamen in his uidendum, ne uel genere ipso, uel usu pietati ac discipline officiant, aut ne sint contraria diuinis oraculis. In his enim nullius uetustatis auctoritatem ualere: consuetudinemq; quamuis inueteratam, quæ bonis moribus, aut religioni, aut scripturis diuinis aduersa sit, pro errore habendam esse, certum & indubitatum est.

A P O L O G I A.

Obiectionum quarundam contra principatum uerbi Dei explicatio.

QUOD de principatu uerbi Dei disserendo, citauimus uerba Christi, DIC ECCLESIAE: in eo à nonnullis reprehendimur, dicentibus prius auctoritatem habuisse Ecclesiā, quā uerba illa scripta essent. Quis negat? Sed ego in libro defendo, auctoritatem uerbi Dei præferendā esse auctoritati Ecclesiæ. Reprehensores uerò omnia ita accipiūt, quasi de scriptura dixissemus: uitiosè quidem, nam quod à nobis uniuersè propositū est, illi ad speciem transferunt. Ante Moysen, inquiunt, scripturam nullam fuisse, palām est: inter quem & primum hominem annorum duo millia trecenti septuagintatres intercesserunt. Esto: intercesserint, si libet, sexcenta tanta. an propterea putandū, Ecclesiam ante uerbum extitisse? eiusq; naturam & auctoritatem aliunde, quā ex uerbo cognoscendam esse? Nōne ecclesiæ nomine significatur multitudo, cœtus, respublica, tabernaculum, cōcio? Porro non omnem multitudinem esse generis eiusdem, perspicuum est. Est cœtus malignorum, quem diuinus Psal. 26. res odio dicit se habere. Sunt tabernacula iustorum, quorum desiderio deficit Psal. 83. & tabescit animus illius. Qua igitur re alia secernenda sunt hæc tabernacula, hæc multitudines, quā uerbo Dei? Nam quæ multitudo uerbo Dei nititur, de eo dies noctesq; cogitans, & ad normam illius uitam actionesq; suas omnes dirigens, piorum multitudo est: quæ non, impiorum esse putatur. Cœperit igitur Ecclesia ab Adamo. Fuerint in Ecclesia Abel, Seth, Enoch, & cæteri deinceps patriarchæ & prophetae, at id eis accidisse sine uerbo, stultum est cogitare. Verbo enim ad Ecclesiam uocati sunt: cui crediderunt, per quod renati sunt, quicunq; unquam in Ecclesia numerati sunt. Id quod testatur Petrus, 1. Pet. 1. nos ex immortali semine renatos esse per sermonem uiuentis Dei, & manentis in æternum. Et Paulus se patrem uocat Corinthiorum, quos in Christo per 1. Corint. 4. Euangelium genuisset. Eiusq; rei causa, ecclesia domus Dei dicitur, & columna 1. Tim. 3. ueritatis, quod uerbo Dei tanquam fundamento nitatur. Igitur uerbum & præcedit Ecclesiam, ut fundamentum suum ædificium: & illuminat eandem, quemadmodum sol mundum illuminat. Hæc enim copiosius in libro à nobis tractata sunt. Et quamuis uerba illa, DIC ECCLESIAE, tot literis & syllabis à CHRISTO primum dicta sunt: tamen similibus uerbis, quæ antea dicta fue-

F 2 runt, non

runt, non minor uis tribuenda est. Est autem omnium linguarum tropus uulgaris, pronomi-
nibus non tantum res presentes, & uisui subiectas demonstra-
ri: sed nonnunquam & res similes. Nam, ut inquit ille,

Impersonalis fit demonstratio saepe,

Salmonstrans dicit, te misit aquis Heliseus.

Sic qui de rosa in mensa iacente dicit, Haec herba crescit in horto meo: utiq;
de rosas similibus intelligit. Ad eundem modum quod de uerbis, DIC EC-
CLESIAE, a nobis dictum est, de similibus intelligendū est. Quaecunq; eni-
auctoritas Ecclesiae est, ea uel his uel similibus uerbis constituta est. Fre-
quenter quidem Deus ipse ultorem se dicit fore inimicorum suorum: minaturq; &
calamitates in presenti, & mortem aeternam in futuro, omnibus mandatorum
ipsius transgressoribus: cuius rei exemplum tristissimum prodidit, perdendis
Cora, Dathane, Abiramo, cum omni eorum turba. Veruntamen Ecclesiae au-
toritatem penes duces populi & sacerdotes Leuitici generis fuisse, cum alijs

Deut. 17. locis, tum uerbis Dei in Deuteronomio descriptis, ostendi potest: quibus iu-
bet Deus, ut omnes decretis iudicum illorū ex praescripto legis iudicantium
pareant, non parentes morte multentur. Et haec quidem lex sacerdotibus Le-
uitis & Pontifici, qui praerat loco a Deo delecto, congruebat. Sunt aliae, quae
ad uniuersam ecclesiam pertinebant: ut illa, qua statuitur poena in eum qui sua-

Deut. 13. deat cultum deorum alienorum: Ne ei, inquit, auscultato, ne pareto, ne eum
celato, sed interficito: ita ut tua manus prima sit in eo necando, ceterorum au-
tem omnium secunda. Et si igitur poenae diuersae sunt in ueteri & noua eccle-
sia (caedes enim in illa, in hac excommunicatio denunciatur) tamen quicquid
authoritatis unquam penes Ecclesiam fuit, id totum ex uerbo Dei fuisse affir-
mo, sine quo ne natura quidem Ecclesiae sciri potest. Quemadmodum ab Au-

August. cō- tra Petil. cap. 2. gustino scriptum est contra Petilianum, his uerbis: Inter nos autem & Dona-
tistas quaestio est, ubi sit Ecclesia. Quid ergo facturi sumus? in uerbis nostris
eam quaesituri, an in uerbis capitis sui, Domini nostri IESU CHRISTI? puto
quod in illius uerbis potius eam quaerere debemus, qui ueritas est, & optime
nouit corpus suum. Haec ille. Et si autem uerba Dei non semper scriptis man-
data erant: primus enim scriptor diuinorum oraculorū Moses traditur fuisse:
sed tamen illa ad Ecclesiae cognitionē perueniebant uel docentium oratione,
uel ijs rationibus quibus Deo uisum est. Occurritur nobis amplius, Hiere-

Hierem. 31. miam praedixisse, Euangelium in animis ac cordibus hominum scribendum.

2. Corint. 3. Fateor: salutaris enim illa uis Euangelij tum primum se exerit, cum CHRISTI
spiritu mentibus hominum imprimitur. Ideo & Paulus ad Hieremiae uerba
alludens, ait, Ut legem in lapideis, ita Euangelij in carneis tabulis cordis esse
imprimendum. Num propterea legem in tabulis chartaceis scribi nefas erat?

Quod si propter uerba Hieremiae, Euangelium non necesse erat atramento
scribi: eandem ob causam ne uoce quidem docendū fuerat, nam ibidem pre-
dixit idem Hieremias, fore ut non doceant inter se alius alium: sed omnes co-
gnituros Dominum, a minimo usq; ad maximū. Sin nec scriptio in corde aut
tabulis carneis, nec doctrina supernē immissa mentibus hominum, impediuit
prophetas aut apostolos, quo minus literis nunciarent, quae diuinitus acce-
pissent: quorsum ista sophismata, uerbum Dei literis proditum, pra eo quod

uoce docetur, uel mente concipitur, extenuantia? Euangelium, inquit,
uox est traditionis, non scripturae. Significat enim Euangelij, laetum, bonum,
optatumq; nuncium. Hui, quod genus est hoc sermonis, Euangelium signifi-
cat nuncium: est uox traditionis, non est uox scripturae. Quasi uerò non aequē

literis atq; uoce multa nunciari & tradi soleant. Quoniam complures, inquit
Lucas Euangelista, aggressi sunt contexere narrationem rerum fidei certissi-
mae, sicuti tradiderūt nobis qui ab initio uiderant: uisum est & mihi, ut tibi scri-
berem,

berem, optime Theophile: ut quæ auditione accepisti, ea certò cognoscas. His uerbis profitetur Lucas, quæ uoce ab alijs tradita accepisset, ea se Theophilo scripto traditurum. Ioannes quoque sic inquit: Quod à principio fuit, quod audiuius, quod uidimus, quod manibus cōtrectauimus, id testamur, & uobis annūciamus. An nō hæc annūciatio per scripturā erat? Et Paulus in 2. epist. ad Theff. cap. 2. Tenete, inquit, traditiones, quas didicistis, siue per sermonem, siue per epistolā nostram. Non ne igitur epistola perinde tradi possit aliquid, atq; sermone? Quamobrē apud probatos scriptores literæ & epistolæ narrant, loquūtur, nunciant. Traduntur item literis & epistolis, quæ memoria digna sunt. Historia etiā nunciā uetustatis dicitur. Tam igitur qui characteribus consuetis exarat aliquid, quā qui sermone utitur auditoribus noto, & nunciat & tradit aliquid. Neq; est inter uocem & scripturam hac in parte discrimen ullum, nisi fortē scripturam, uocis uicariam esse uelis: uocem uerò, notam earum rerum quæ sint in animo, ut est proditum ab Aristotele. Cæterum officium utriusq; idem est: nempe cognitionem menti suppeditare. Et uox quidem ferit aures, scriptura oculis subiicitur: utraq; uerò menti tradit ac nunciat aliquid. Parum igitur probabiliter differunt, qui ex eo quòd aliquid nuncium aut traditionē significet, à scriptura illud uelint exclusum. Omnino & Ioannes nunc nunciat nobis per epistolam, quæ uidit & audiuit: & Paulus tradit multa scriptis suis, quæ nobis sunt necessaria. Quid igitur in re non necessaria opus est enumerare annos, quibus post CHRISTI ascensum Euangelia conscripta sunt? Scimus CHRISTVM ipsum nihil scripsisse: sed quemadmodum actiones & res humanas, quarum cognitio posteritati fructum sit allatura, eas literis consignare cōsueuimus: ita Apostoli doctrinam magistri sui, in qua uita & salus æterna contineretur, posteritati scriptis tradiderunt. Quemadmodum Ioannes inquit: Hæc scripta sunt, ut credatis IESVM esse Christum, filium Dei: utq; credētes, uitam per eius nomen habeatis. Solent etiam multa scribi non tantum posteritatis causa, sed & eorum qui locis à nobis disiuncti sunt: quemadmodum ipsemet CHRISTVS, dextræ patris iam absidens, ad Ioannem inquit: Quod uides, scribe in libro, & mitte septem ecclesijs quæ sunt in Asia. Et Deus olim ad uates ueteris Ecclesiæ sic frequenter: Describe tibi in libro omnia uerba, quæ ego tibi eloquor. Et: Sume librum uolumen, & in eo scribe quæcunq; tibi effatus sum. Imò uerò non tantum posteritatis, & eorū qui interuallis locorū à nobis remoti sunt: sed nostra quoq; ipsorum causa, memoranda quæq; literarum monumentis mandamus. Labilis est enim memoria humana: multaq; obscurari solent obliuione, quæ luce literarum non illustrātur. Ratio quoq; ipsa humanis mentibus indita, curaq; posteritatis, admonere potuit Apostolos, uel si nullo Dei præcepto peculiari admoniti fuissent, ut doctrinam salutarem orbi proderent, ad memoriam hominum sempiternam. Et si autem non minus credendum est Spiritui sancto per os Ecclesiæ loquenti, quā eidē loquenti in scripturis per literas amantissimum suorum, prophetarum & apostolorum: tamen disputatio illa, scripturis ne an Ecclesiæ testimonio magis sit credendū, non est inutilis hoc tempore, cum de scripturis Canonicis dubitat nemo: de ore Ecclesiæ dubitāt multi: ostendereq; ex scripturis conantur, multa titulo Ecclesiæ iactari, quæ ueræ Ecclesiæ non sint, sed adulterinæ. Quot conuersiones factæ sunt in Repub. Christiana, post tempora Apostolorum: quot uastationes ecclesiarum? Repetamus memoria mores & disciplinam ecclesiarum primarum: conferamus cum illis ecclesias nostri temporis, in quibus omnia plena sunt fastus & ambitionis. Qui primis honoribus funguntur, ij ferē nullam habent curam doctrinæ. & audeamus tandem os Ecclesiæ nostræ æquare cum ore primarū ecclesiarum. Ais tu, omnes qui apostolicam ecclesiam se credere profitentur, non

modò quæ scripta sunt, uerùm etiam quæ uoce per Apostolos tradita, credere oportere. Aio & ego: modò constet, traditiones illas uerè ab Apostolis proditas, nec apostolicis scriptis contrarias esse. Id uerò non semper constare, & ueteris Ecclesiæ & nouæ monimenta, resq; gestæ testantur. Notæ sunt quere
Hierem. 26. „ lae Dei de prophetis. Dicunt enim, inquit Deus, Hæc dicit Dominus: & ego
et 23. „ non sum loquutus ad eos. Et, Non mittebā prophetas, & ipsi currebant: non
 „ loquebar ad eos, & ipsi prophetabant. Hæc & multa similia in ueteri Eccle-
 sia. Nostri etiam temporibus sæpe audimus citari traditiones apostolicas, ut
 larua tantum inducatur humanis inuentis. non rarò etiam, ut prætextus inue-
 niatur auertendi homines à scripturis. Hac in controuersia, inutilis non est
 quæstio illa, utri magis credendum, scripturæ an Ecclesiæ, quemadmodum &
 rhetores præcipiunt, sæpe scriptum cum dicto factò ue aduersarij contendere
Chrysost. in „ oportere. Quare, inquit Chrysostomus, hoc tempore omnes Christiani con-
Matth. cap. „ ferre se ad scripturas debent. Quia in tempore hoc, ex quo obtinuit hæresis ec-
24. hom. 49. „ clesias, nulla probatio potest esse Christianitatis ueræ: neque refugium potest
 „ esse Christianorū aliud, uolentium cognoscere fidei ueritatem, nisi scripturæ
 „ diuinæ. Antea enim multis modis ostēdebatur, quæ esset Ecclesia CHRISTI,
 „ & quæ gentilitas: nunc nullo modo cognoscitur, uolentibus cognoscere quæ
 „ sit uera Ecclesia CHRISTI, nisi tantummodo per scripturas. Hæc Chrysostomus.
 6 „ At dices, hereticos idem dicere quod nos, qui præferant uerbum Dei
 Ecclesiæ auctoritati: & quoties de rebus religionis disceptatur, ad scripturas
 prouocēt. An uerò ideo nobis scripturæ ereptæ sunt: an illis diffidimus? Ais
 tu, iudice opus esse, qui sensa explicet, & cuius interpretationi standū sit. Hūc
 ego tibi iam suprā indicauī, cum scriberē de iudicibus ex utraq; parte sumen-
 7 dis. Sunt qui in scripturam uehementius insultent: quippe chartis inhæren-
 tem, calamo impressam, atramento constantem, uerbum uoce expromptum
 extollant, quod à parētibus acceperint, à uiuis magistris didicissent. Verùm
 ego haud uideo, quā quod de atramento contumeliæ causa dicatur, idem de
 uoce dici possit: utpote quæ ab ore hominis effletur, in aerē imprimatur, rem
 maximè agitabilem. Itaq; uox ad aures audientū non semper eodem modo
 perfertur: sitq; non rarò, ut inter multos auditores, nō ita multos reperias, qui
 rem à se auditam eodem modo acceperint. Nos uerò missis contumelijs, san-
 ctam scripturam coeleste munus esse putemus, eamq; uti decet honoremus,
 „ Christū ipsum sequuti, qui sic nominatim de ea loquitur: Scrutamini scriptu-
 „ ras, illæ loquuntur de me. Sic Ioannes: Hæc scripta sunt, ut credatis. Sic Pau-
 „ lus: Omnis scriptura diuinitus inspirata, utilis est ad docendum, arguendum,
 „ ut perfectus sit homo Dei, ad omne opus bonum instructus. Sic Origenes:
Orig. in Hierem. hom. 1. „ Necesse est nobis scripturas sanctas in testimonium uocare, sensus quippe no-
Hieron. in Matth. 23. „ stri, & narrationes, sine his testibus non habent fidē. Sic Hieronymus: Quod
Aug. ep. 166. „ de scripturis auctoritatem non habet, eadem facilitate cōtemnitur, qua dicitur.
 Sic Augustinus: In scripturis didicimus Christum, in scripturis didicimus Ec-
 clesiam: has scripturas communiter habemus. quare non in eis & Christum
 8 & Ecclesiam communiter retinemus? Sed tu pergis, plus Ecclesiæ creden-
 dum esse, propter uerba eiusdem Augustini, qui non dubitanter dicat: Euan-
 gelio non crederem, nisi me Ecclesiæ auctoritas commoueret. Dicit: sed idem
 addit, quod tu omittis: Ecclesiæ catholicæ, quæ non est unius temporis, aut lo-
 ci: sed à prima illa Ecclesia exordiū ducens, durat ad hæc tempora. Hæc enim
 cum per manus ab Apostolis acceperit, quæ scripturæ canonicæ essent, testi-
 monium de illis indubitātū dare potest. Hæcq; est auctoritas eius, quam à uer-
 bo Dei, cui credidit, & quod secum affert, habet: sine quo nulla auctoritas eius
 esset. Quemadmodū auctoritas legati nulla est, qui legationis suæ nullas affe-
 rat literas, à principe à quo legatus est. Loquitur autē Augustinus eo in loco
 contra

contra Manicheum, nouam doctrinam, quæ in sacris Biblijs non extaret, afferentem. Sic enim ibidē: Quibus ergo obtemperauī dicentibus, Credite Euangelio: cur eis non obtemperem dicentibus, Nolite credere Manichæo: Elige quod uis. Si dixeris, Crede catholicis: ipsi me admonent, ut nullam fidem accommodē uobis. Quapropter non possum illis credere, nisi tibi non credam. Contra Manichæos igitur, & omnes eiusmodi somniatores ualet Augustini sententia. In quæstione enim An est, ueritas ab Ecclesia catholica petenda est. Qua quæstione cōstituta, ubi uentum est ad quæstionem Quale sit, & utrum alteri præferendum, cedat iam uerbo Dei Ecclesia oportet. Quemadmodum legato prius credimus, afferenti à suo principe mandata ad nos. Sed ubi cognita est ex legato mens & uoluntas principis sui, pluris mādāta illa erunt nobis, quā legati ipsius uerba. Nec iam in potestate legati erit (siquidem rectē fungetur officio) mutare quæ semel ex uoluntate principis sui exposuisset: multo minus contrarium aliquid, ijs quæ prius dixisset, affirmare. Breuiter hoc sic dici potest: Euangelium ab Ecclesia habet auctoritatem, tanquam à teste, non tanquam à censore. Igitur cognitis germanis scriptis ab Ecclesia, iam Ecclesie omnia dogmata ad uerba illis scriptis comprehensa, accommodanda erunt: ipsaq; Ecclesia in illis iisdem uerbis & quærenda, & ostendenda. Quod Augustinus in libro de Unitate ecclesiæ, contra Petiliani Donatistæ epistolam, testatur inquiring: Vtrum Donatistæ Ecclesiam teneant, non nisi diuinarum scripturarum canonicis libris ostendant. Quia nec nos propterea dicimus nobis credere oportere, quod in Ecclesia CHRISTI sumus, quia ipsam quam tenemus, innumerabiles nostri episcopi & cōcilia collegarum nostrarum commendarunt: aut quia in illa mirabilia exauditionum ac sanitarum fiunt. Ipse CHRISTVS cum resurrexisset à mortuis, ac corpus suum uidendū & tangendum discipulis offerret, ne quid fallacis se pati arbitrarētur, magis eos testimonijs legis & prophetarum & psalmorum confirmandos esse iudicauit. Sic Ecclesiam suam commendauit, dicens, Prædicari in nomine suo pœnitentiam & remissionem peccatorum. Hoc in lege & prophetis & psalmis scriptum, hoc ore eius commendatū tenemus. Hæc sunt causæ nostræ documenta, hæc fundamenta, hæc firmamenta. Legitur in Actis apostolicis de quibusdā, eos scripturas scrutatos esse, an hæc ita se haberent. Quas utiq; scripturas, nisi canonicas legis & prophetarum: Huc accesserunt Euangelia, apostolica Epistola, Actus apostolorum, Apocalypsis Ioannis. Scrutamini hæc omnia, & eruite aliquid manifestum, quo demonstretis Ecclesiam. Hæc in summa Augustinus. Qui etsi contra Cresconium Grammaticum, reiiciens Cypriani sententiam de baptizandis hæreticis & schismaticis, hanc causam primū afferat, Quia hoc Ecclesia non accipit: tamen mox quærit ab aduersario de argumentis Cypriani, uolens ea refellere. Sic enim inquit ad aduersariū: Relinque scripta Cypriani: & ea ipsa legalia documenta, quibus eum dicis usum esse, commemora. Si ea non demonstrauero uestrā causam nihil adiuuare, uicisti. Non igitur in contentione satis putabat Augustinus, uti auctoritate Ecclesiæ contra aduersarios, nisi argumenta eorum refelleret. Quemadmodum ipse cum Maximino Arianorum episcopo disputans, non uult auctoritatibus conciliorum rem agi, sed scripturarum auctoritatibus: non quorumq; proprijs, sed utrisque communibus: ut res cum re, causa cum causa, ratio cum ratione concertet. In lib. item de Unitate Ecc. cont. Petil. ep. Ecclesiam, inquit, sicut & ipsius caput CHRISTVM, in scripturis canonicis agnoscere debemus: & non in uarijs hominum opinionibus, rumoribus, factis, dictis aut uisis inquirere. Præclare igitur Constantinus ad episcopos in Nicæna synodo, referente Theodoro, dixisse fertur his uerbis: Extant euangelici & apostolici libri, & prophetarum oracula, quæ instruunt nos sensu numinis, Posita igitur hostili discordia, ex scripturis

Cap. 16.

“ Omissa uer
“ ba quædam,
“ sine quibus
“ sententia Au
“ gustini re-
“ tinetur.

Lib. 2. cap. 32.

Augustin. con
tra Maximinū
lib. 3. cap. 14.

Cap. 16.

Lib. 1. cap. 7.

» scripturis diuinitus inspiratis quæstionū quæramus explicationes. His uer-
 bis Constantinus uel omnibus præfert, uel solam ponit scripturam, ex qua ue-
 ritas inuestigetur. Nec legitur, an quis patrum Constantini sententiæ contra-
 dixerit. I nunc cōuiciator, qui Martinos uocas eos qui tanti faciant scriptu-
 ras canonicas: Constantinumq; imò etiam ipsum Augustinum, Martinum
 facias. Quid enim clarius sententia Augustini, qui Ecclesiā non episcoporum
 autoritate, non conciliorum commendatione, non miraculorum efficacia, sed
 tantum diuinarum scripturarum canonicis libris comprobari uult: non quòd
 uel episcopi, uel concilia, uel miracula cōtemnenda sint: sed quòd hæc in con-
 tentionibus minores faciēda sunt scripturis. Illud uerò an nō clarissimè, cum
 non concilijs, sed scripturis cōmunibus uult tractari, ut res cum re, causa cum
 causa, ratio cum ratione concertet? Et quoniam non tam nostra oratione, cu-
 ius exilitatem & ieiunitatem uidemus, quàm clarissimorū & optimorum ui-
 rorum autoritate & sententiā ponderanda putamus quæ diximus, afferamus
 ad extremum testimonium Hieronymi Stridonensis: qui interpretando uer-
 ba Davidis illa, (Dominus narrabit in scriptura populorū, & principum ho-
 rum qui fuerunt in ea) sic ad uerbū inquit: Non dixit, Qui sunt in ea: sed, Qui
 fuerunt in ea. Dominus narrabit: & quomodo narrabit? non uerbo, sed scri-
 ptura. In cuius scriptura? in populorum? Non sufficit, In populorū: sed etiam
 Principum dicit. Et quorum principū? qui sunt in ea? non dixit hoc: sed, Qui
 fuerunt in ea. Videte ergo, quomodo scriptura sancta sacramentis plena est.
 Legimus apostolum Paulum, legimus Petrum: & legimus illum dicentē, An
 experimentum eius quæritis qui in me loquitur CHRISTVS? Et quod Pau-
 lus loquitur, CHRISTVS loquitur. Qui enim uos recipit, me recipit. Domi-
 nus ergo noster atq; saluator narrat nobis, & loquitur in scripturis principum
 suorum. Dominus narrabit in scripturis populorū, in scripturis sanctis. Quæ
 scriptura populis omnibus legitur: hoc est, ut omnes intelligant quod dicit.
 Hoc est, sicut scripserunt Apostoli, sic & ipse Dominus. Hoc est, per Euange-
 lia sua loquutus est: non ut pauci intelligerent, sed ut omnes. Plato scripsit in
 scriptura: sed non scripsit populis, sed paucis. uix enim intelligunt tres homi-
 nes. Isti uerò, hoc est principes Ecclesiæ, & principes CHRISTI, non scripse-
 runt paucis, sed uniuerso populo. Et principum, hoc est apostolorum & euan-
 gelistarum, horum qui fuerunt in ea. Videte quid dicat, Qui fuerūt: non, Qui
 sunt: ut exceptis apostolis, quodcunq; aliud postea dicetur, abscindatur, non
 habeat postea auctoritatem. Quamuis ergo sanctus sit aliquis post apostolos,
 quamuis disertus sit, non habet auctoritatem: Quoniam Dominus narrabit in
 scriptura populorum, & principum qui fuerunt in ea. Hactenus uerba Hiero-
 nymi. Quibus, an non quasi Herculeis armis omnia capita hydræ, cum qui-
 bus pugnamus, abscissa sunt? Dominus, inquit, narrabit, non uerbo, sed scri-
 ptura. Præfert igitur scripturam, tanquam durabiliorem, uerbo: quod ab ore
 prolatum, durare non posset, nisi monimentis literarum conseruaretur. Incul-
 cat, Dominum narrare in scriptura. Quo indicat, Domini uoluntate factum
 esse, ut scriptis mandaretur doctrina cœlestis: parumq; consultū fuisse ad me-
 moriam posteritatis, uerbo eam tradi, nisi literis traderetur. Præfert scripturam
 principum qui fuerunt in Ecclesia, scripturæ eorum qui sunt in eadem. Illos
 autem principes, apostolos & euangelistas fuisse interpretatur. Quos ita præ-
 fert, ut exceptis illis, quicquid aliud postea à quouis diceretur, quamuis san-
 cto, quamuis diserto, abscinderetur, nec haberet auctoritatem. Hæc ille dicit.
 Nos mollius, qui etsi sacra Biblia scriptis aliorum præferenda dicimus, tamen
 auctoritati probatorum scriptorum tantum, quantum par est,tribuendum pu-
 ramus: nec catholicæ Ecclesiæ sensum reijcimus, quemadmodum nos non-
 nulli subaccusare uidentur, uerū cōtrarium comperient, qui nostra legerint.

psal. 86. cuius
 initium, Fun-
 damētum eius:

LIBER.

CAPUT VIII.

De rationibus diuersis controuersiarum.

IXI de rationibus controuersias explicandi, nunc de ipsis controuersijs acuarietatibus earum dicendum est: non quod omnes explicare me posse confidam (nam res est laboris maximi, doctrine ingentis, diligentiae summæ: quæ in me non reperio) sed ut ostendā earum diuersitatē: aut etiam, si queam, nonnullas dissoluam: hominesq; doctos ad similem tractationem excitem, ut illi uel suppleant quæ à nobis omissa sunt: uel quæ parum intellecta, accuratius edisserant. Multæ inter partes contentiones sunt, de rebus diuersis: sed nihilo pauciores in uerborum controuersia positæ sunt. Sunt qui scripserunt, per baptismum reformari hominem ad imaginem Dei, saltem inchoatam. Hoc alij fatentur quidem bene scriptum: sed tamen ideo uituperant, quod patres non iisdem uerbis loquuntur: sed puerum baptizatum habere in suo genere iustitiā perfectam pro statu uiatoris. Ita isti non rem ipsam improbant, sed genus orationis: cum tamen id à Paulo ferè iisdem uerbis usurpetur, Coloss. 3. cum uult nos indui nouo homine, qui renouetur ad agnitionem & imaginem Dei. Sed reprehensoribus illis nihil placet, nisi ex scholasticis doctoribus desumptum.

De formula loquendi, nos renouari ad imaginem Dei.

Eccius contra librum Imperatoris.

De apprehensione promissionis per fidem. Stephanus Vinton. contra Bucerum.

Est qui in disputatione de fide iustificatæ ægrè ferat uerbum Apprehensionis usurpari: idq; à Lutheranis inuectum esse in religionem, non secus quàm à Stoicis comprehensio in philosophiam est inuecta. Quasi uerò in hac tractatione non idē significet apprehendere, quod accipere. Quo uerbo utitur Paulus cum alijs, tum in epistola ad Galatas, cap. 3. inquit: Hoc solum à uobis cupio discere, utrum ex operibus legis spiritum accepistis, an ex prædicatione fidei. Et post paucos uersus: Vt accipiamus promissionem spiritus per fidem. Quam sententiam paulo post uerbo dandi (quod uerbo accipiendi mutua relatione respondet) exprimit his uerbis: Vt promissio ex fide IESU CHRISTI daretur credentibus. Eodem uerbo utitur Petrus Act. 10. simulq; promissionē illam de qua loquutus est Paulus, exponit, sic loquens de CHRISTO: Huic omnes prophetæ testimonium perhibent, remissionem peccatorum accipere per nomen eius omnes qui credunt in eum. Ita & ipsemet CHRISTVS loquitur, eandemq; promissionem explicatius interpretatur, cum Act. 26. inquit ad Paulum, se illum mittere ad gentes, ut oculos illorum aperiat, ut accipiant remissionem peccatorum, & sortem inter sanctos, per fidem quæ esset in se.

G

CAPVT

Primum de
contritione.

De confessione.



De poenitentia pauca dicamus. Et de contritione quidem, quam primam partem illius faciunt, nulla inter partes est dissensio. Confessionem etiam priuatam, quam auricularem uocant, utilem esse omnes confirmant: sed de necessitate est ingens contentio, tametsi non uideo, cur hic superstitiose ipsa neces-

sitas urgeatur. Nemo, opinor, dicit, ulli sacramento ita salutem alligatam esse, ut sine eo nullo modo possit contingere. Nam & baptismus, & coena Domini, necessaria sunt homini Christiano: quae tamen si omittantur, iusta de causa, non protinus hominem in mortem conijciunt. Itaque infantes ab Herode occisi, sine baptismo aut circumcisione uitam aeternam consequuti creduntur. Et si quis in his locis uersetur, ubi facultatem nullam habeat sacramentis utendi, non mox tamen in perditis & desperatis est habendus. Non enim tantum his usitatis, & tanquam ordinariis rationibus, Deus agit cum hominibus, misericordiam suam illis impertiendo: sed & alijs infinitis. Omis-
sa igitur exacta illa necessitatis ratione, & salute nostra soli misericordiae Dei transcripta, causa non est, quamobrem ad confessionem urgendus non sit populus Christianus: quae rudes ad religionem instituantur, conscientiae hominum explorentur, disciplina in Ecclesia retineatur, sine ea autem, absolutio priuata haud sciam quomodo retineri possit. Sed tamen conscientiae onerandae non sunt anxiae peccatorum & circumstantiarum non necessariarum enumeratione.

De absolu-
tione.Tho. p. 3. q.
90. ar. 2.

Confessioni additur absolutio: eaque est tanquam forma, si Thomae Aquinati credimus, qui partes alias poenitentiae, materiae instar habere dicit. Et certe cum absolutio non sit aliud, quam annunciatio remissionis peccatorum, irritum uideretur peccata confiteri, nisi beneficium illud accederet, ut non immerito a quibusdam inter partes

De fide.

poenitentiae absolutio numeretur: quam ipsam fide accipi, summo theologorum omnium consensu docemur: ipseque CHRISTVS do-

De satisfac-
tione.

Pighius.

cet, cum inquit: Fili, confide, remittuntur tibi peccata tua. Satisfactionem, inquit Pighius, quam poenitentiae adnumerant, non eius partem, sed sequelam quandam intelligimus: hoc est, fructus dignos poenitentiae. Hoc si ita est, quid opus est de satisfactione rixari? Cer-

Controuersia
de poenitentia.

te uerborum haec controuersia esse uidetur. Omnes enim, fructus poenitentiae requirunt: sed alij negant satisfactionis nomine insigniendos, alij aiunt. Quid autem de uocabulis attinet litigare, cum de re conuenit? Nam qui satisfactionem operibus detrahunt, ad propitiationem & reconciliationem CHRISTI respiciunt: quem pro peccatis totius mundi abunde dependisse, nemo unquam negauit: culpasque nostras & poenam aeternam illius morte abolitas esse, omnes

fatentur,

fatentur, ac diuina scripta confirmant. 1. Corint. 15. Aculeus mortis
 peccatum est: peccati potentia lex: Deo autem gratia, qui dedit no-
 bis uictoriā per Dominum nostrum IESVM CHRISTVM. Osee
 13. Ero mors tua, o mors: ero morsus tuus inferne. Rursum qui sa-
 tisfactionem astruunt, eam referunt ad gratiarū actionem, castiga-
 tionem, emendationem, & mortificationē nostri, aliaq; opera quæ
 ab hominibus reconciliatis peragenda sunt: & quibus poenæ tem-
 porales nostris sceleribus debite aut tollantur, aut mitigentur. Quē-
 admodum Paulus inquit: Si nos ipsos iudicaremus, non utiq; iudi-
 caremur. Dum enim iudicamur, à Domino corripimur, ne cū hoc
 mundo damnemur. Nota etiam sunt illa, quæ de precatōne, ieiū-
 nio, eleemosyna (ad quæ tria referri uolunt satisfactionū opera om-
 nia) CHRISTVS concionatur apud Matthæum, cum iubet ea fieri
 in abscondito, ut pater cœlestis reddat facientibus. Multa sunt loca
 eiusmodi in scripturis, ut Ecclesiastici 21. Fili peccasti: ne adijcias
 iterum: sed de pristinis deprecare, ut tibi dimittatur. Lucæ 11. Quod
 superest, date eleemosynā, & ecce omnia munda sunt uobis. Tobie
 4. & 12. Eleemosyna à morte liberat, purgat peccata, misericordiam
 inuenit, & uitam æternam. Danielis 4. Peccata tua eleemosynis re-
 dime. Ac ne quis tantas autoritates eleuet, sciat iisdem ferè uerbis
 usurpatas esse à ueteribus. Cyprianus, uir pietate, doctrina, & mar-
 tyrj gloria insignis, cū alibi, tum in sermone de Lapsis, non tanq̃
 alienas citat, sed uerbis suis ita innectit, quasi sue essent, non aliunde
 desumptę. ut cum dicit, iustis operibus incumbendum esse, quibus
 peccata purgentur: eleemosynis insistendū, quibus animæ à morte
 liberentur, crimen & culpa redimatur: & multa alia in hanc senten-
 tiam. Illud uerò an non clarissimè? Dominus orandus est, Domi-
 nus nostra satisfactione placandus. & item: Ad Dominū toto cor-
 de redeamus: iram & offensam eius, ieiunijs, fletibus, planctibus,
 sicut admonuit ipse, placemus. Ambrosius quoq;: Nullum est, in-
 quit, tam graue delictum, quod non purgetur abstinentia, eleemo-
 synis extinguatur. Ait enim sanctus propheta: Sicut aqua extinguit
 ignem, ita eleemosyna extinguit peccatū. Augustinus etiam, quo-
 ties hortatur nos, ut curā geramus pro peccatis nostris, ut faciamus
 omnia quæ facienda sunt, ad abluenda & sananda peccata nostra.
 Homelia 50. de utilitate ac necessitate poenitentiae: Non enim, in-
 quit, mores in melius commutare sufficit, & à factis malis recedere:
 nisi etiam de his quæ facta sunt, satisfiat Deo per poenitentiae dolo-
 rem, per humilitatis gemitum, per contriti cordis sacrificiū, coope-
 rantibus eleemosynis. Quid multa? uix est aliquis ueterū patrum,
 qui non eiusmodi sententijs utatur, hominibus ad poenitentiam co-
 hortandis. Quos quidem ueteres, imitatur hodie multi scriptores.
 Ac de nomine satisfactionis disputando, nolunt illud à se supersti-

1. Cor. 11.

Matth. 6.

Cyprianus
serm. 5. de
Lapsis.Ambrosius
serm. de Na-
tali Do-
mini 15.Augustinus in
Psal. 37.Alfonsus Vir-
uesius Philip-
pica 10.

tiose exigi, satis se functos officio arbitrantur, si remissionem peccatorum satisfactione, redemptione, ablutione, placatione, solutione, ac ceteris eiusmodi uocibus ac locutionibus, per nostra opera ostenderint nobis contingere. Horum omnium quos citavi, & quos citare possem, nemo opinor est qui neget, mortem & sanguinē CHRISTI, plenam & sufficientem esse satisfactionē pro peccatis omnium hominum. Et tamen illi ipsi ad satisfaciendum nos urgere non cessant. Scilicet diuina oracula imitantes, quæ pronunciant quidem,

1. Pet. 2. CHRISTVM peccata nostra portasse in corpore suo super lignum:
Hebr. 2. ipsum & pro omnibus gustasse mortem, & propitiationē esse pro
1. Ioan. 2. peccatis totius mūdi; eius nos liuore sanatos, eius sanguine ab omni
Esaiæ 53. peccato emundatos. Sed tamen eadem illa oracula hortantur nos,
1. Ioan. 1. ut quicumque uelimus uenire ad CHRISTVM, tollamus cruces nostras,
Matth. 16. & sequamur ipsum: ut cōformes simus imaginis filij Dei, qui
Rom. 8. & 6. primus sit inter fratres: ut ueterem nostrum hominem cum CHRISTO crucifigamus: ut propter CHRISTVM moriamur quotidie, non secus quā oues mactationi destinatae. Qui itaq; mirantur satisfactiones exigi à nobis, pro quibus CHRISTVS satisfecerit: mirantur quoq; per crucem & mortem nostram, uiam nobis sterni ad uitam, pro quibus CHRISTVS cruci affixus fuerit: suaeq; morte, nostram mortē aboleuerit. Non igitur satisfactiones nostrae, hoc est, ut Pighius inquit, opera poenitentiae digna gloriā CHRISTI obscurant: cum nihil aliud sint quā supplicationes, quibus diuinæ iustitiae quadantenus satisfaciendo, eius sententiam immutamus: his enim uerbis utitur Alfonsus Viruesius. Sed quid est, inquiet aliquis, quod dicit Quadantenus? Nempe hac particula, ut ego interpretor, significat, non esse eiusmodi satisfactionem nostram, qua irae Dei satisfiat (hanc enim unicam esse IESV CHRISTI, iam diximus) sed qua peccatorum nos poenitere sentiamus, culpam deprecemur, ac uitam nouam instituamus. Sic enim & in cōmuni uita, uulgarisq; hominum consuetudine hominibus offensis, ab ijs qui offenderunt satisfit, aliàs re ac mutuis officijs, par pari referendo: aliàs culpam agnoscendo, dolendo, & admissi gratiam petendo.

Quid autem illud quod addit, Eius sententiā immutamus? Hoc ex uerbis eius interpretandum est. Nam ex sententia catholicorum ait, inter culpam & poenam distinguendum esse: atq; culpa dimissa, plecti temporaliter eos quibus dimissa est. flagellare enim Deum omnem filium, quem recipiat. Quis igitur (addit idem) credat, non posse filios apud patrem huiusmodi uerbera precibus, lacrymis, ieiunijs, & eleemosynis ultro susceptis deprecari: & quæ sequuntur. His uerbis non ne planè indicat, operibus satisfactionū poenas tantum temporarias dimitti? Quod sic autores libelli INTERIM clarius prodiderūt: Etsi illa satisfactio, quæ culpam & aeternā poenam expiat,

expiat, soli CHRISTO tribuenda est: satisfactio tamen, quæ in pœnitentiæ fructibus consistit, maximè autem in ieiunio, eleemosyna & oratione, siue à nobis suscepta, siue à parochis & dispensatoribus sacramentorum iniuncta, si ex fide & charitate peragitur, peccatorum causas excindit, & peccati reliquijs medetur: ac temporalem pœnam uel tollit, uel mitigat: & in exemplum deniq; adhibetur.

Quid autè aliud affirmat, magna celebritate & nomine uir, PHILIPPUS MELANCHTHON, cum ita scribit: Verissimum est, mitigari pœnas tota conuersione, & bonis operibus à Deo mandatis. Clamet igitur Ecclesia, sicut filius Dei, & sicut uox Spiritus sancti semper clamat, Agite pœnitentiam. item: Nisi pœnitentiam egeritis, omnes simul peribitis. item: Si peccata uestra fuerint ut cocci, eritis candidi sicut nix. Si eritis in tristissimis pœnis, & ueluti homicidæ in supplicio conspersi cruore: tamen Deus mitigabit pœnas, deterget cruorem. item: Conuertimini ad me, & ego conuertar ad uos. Hæc inchoatio nouæ obedientiæ, meretur mitigationē pœnarum temporalium. IOANNES CALVINUS, summus & singularis uir, satisfactiones nostras, hoc est mutuas compensationes, non tantum pro culpa & pœna æterna, sed etiam pro pœnis temporarijs acerrimè impugnat. uerum de temporarijs sic ad uerbum scribit: Sicut in futurum tempus respiciunt quæ pñs infliguntur pœnæ, ita qui eas auertere cupit, non est quod studeat satisfactione aliqua, quod deliquit, expungere: sed se quibuscunq; potest modis cum ad humilitatem, tum ad ueram resipiscentiam erudiens, sui ipse peccati ultor sit homo, ne Deum experiatur ultorem. Qui Deum sibi uult parcere, ipse sibi nec parcat, nec indulgeat. Qui erigi uult à Deo, se ipse humiliet. Sed hoc totum nihil ad mutuam compensationem. Nam qui ad hunc modum de se pœnas sumunt, quò præueniant Dei iudicium, constituunt sibi nihilominus in CHRISTI sacrificio non modo culpe expiationem, sed pœnarum etiam quascunq; meriti sunt ueniam. Quid autem hæc uerba Caluini uolunt aliud, quàm compensationem nullam fieri posse Deo à nobis pro pœna temporali, quam peccatis nostris cōmeruissemus? Sed tamen si in humilitate & resipiscentia nostra ipsi, ad CHRISTI sacrificiū respectantes, peccata nostra ulciscamur, fore ut pœnas debitas à nobis auertat Deus? Huic sententiæ & Melanchthonem subscripturum, prorsus mihi persuadeo: & Viruesium, & autores libelli Interim, eidem minimè repugnaturus non dubito. Nec quicquam inter tantos autores controuersiæ restabit, quàm de nomine satisfactionis. Multi qui satisfactiones oppugnant, ab hac ipsa sententiā non abhorrent. Nam de bonis operibus, & nostri mortificatione, multa præcipiunt: ac illis pœnas temporales tolli, mitigari ue testimonijs & exemplis sanctarum literarum confirmant, Esaïæ 58, Frange esuriēti panem tuum,

Philippus Melan. libro de pœnitentiā. 1548.

Calvinus, libro cuius titulus est, Vera Christianæ pacificationis, & Ecclesiæ reformationis ratio.

animam afflictam consolare: & requiem tibi Dominus dabit semper, & implebit splendoribus animam tuam, & ossa tua liberabit. Hierem. 18. Si poenitentiam egerit gens illa à maleficio, agam & ego poenitentiam super malo, quod cogitavi ut facerem. Huc addunt Achabi regis humiliationem, & historiam Niniuitarum: in qua palam conspicitur actio poenitentiae, hoc est poenitentis & resipiscen-
 tis animi indicia. Nec enim de interiore tantum mentis poenitentia, quæ fit ueteri homine deponendo, & nouo induendo, ibi est sermo: sed de exteriori etiam, quam sic Iohel describit: Conuertimini ad me ex toto corde uestro, ieiunio, fletu, planctu. Poenitentiam enim suam tum Achabus, tum Niniuite testabantur actionibus externis, & signis humilitatis sub aspectum cadentibus: ut sunt ieiunium, uestimentorum laceratio, centonum indumenta, discalceatio, sessio in cinere. In historia etiam Nabuchodonosoris, memorabilis est illa sententia, cuius suprâ memini, quam sic Daniel extulit: Velis, ô rex, peccata culpaſq; tuas benignitate & erga inopes beneficentia redimere, si fortè tuæ salutis consulatur. Hæc omnia, annon de operibus poenitentiae externis loquuntur? Quid enim est aliud poenitentiam agere, nisi fructus poenitentiae dignos ferre: hoc est, poenitentiam animi tui, operibus externis, tanquam notis & effectis, testari & declarare? quæ cum coniungi debeant fidei, quid incommodi est, si idem eis tribuatur, quod fidei in Dei misericordiam incumbenti? Id enim cum literis diuinis congruere, & iam ostensum est, & infra latius ostendetur. Ego quidem neminem credo esse, qui non libenter fateatur, solam CHRISTI mortem precium esse, propter quod & culpa & poena æterna peccatis nostris debita condonetur: neminē item, qui satisfactiones nostras infirmas esse non agnoscat, ac prorsus inualidas, nisi in CHRISTI satisfactionem recumbant: imò nisi sint eius dona, qui & operatur in filiis suis, & precium sua bonitate statuit operibus eorum, prorsusq; sua ipsius dona in eis coronat. Quod si tanta est conuenientia inter partes, quid uoculæ causa tantopere digladiantur? Quales uerò satisfactiones nostræ debeant esse, satis aliàs disputatur. Nam si illarum nomine (ut diximus ex Pighij sententia, cui multi subscribunt) fructus poenitentia digni intelligendi sunt, certè ex uero corde eas proficisci necesse est: quod cum sensu quodā agnoscat se Deum offendisse, quod resipiscentiam meditetur, seq; totum componat ad uitę nouitatem: sine qua omnia opera nostra illusiones potius Dei sunt, quàm satisfactiones. Non enim sunt fructus tales, qui poenitentia digni censeri possint. Hæc de partibus poenitentiae breuiter.

CAPUT X.

De peccato originis.

NGENS est contentio, & ea quidem non in uerbis, sed in rebus posita, inter Euāgelicos & Catholicos (hæc enim nomina partes sibi sumpsere, fortasse differentia causa) de peccato originis à baptismo, quatenus sublatum sit, & quatenus relictum: & quod relictum est, num sit dignum morte, nec ne. Hanc contentionem Pighius auxit, uitiositate nascendi singulis hominibus detracta, ac peccato originis ad originem nostram translato: ita quidem, ut non secus dicamur nasci in peccato, quàm aliquis nascitur seruili conditione, non sua culpa, sed parentum qui serui fuerunt. Neque enim quenquam in seipso peccare nascendo, sed in Adamo: neque in nobis fuisse illud peccatum, sed in illo in quo omnes peccauerimus. Ob unius illius delictum multos mortuos esse, non singulos ob suum proprium. Vnius illius inobedientia, non sua propria, peccatores constitutos multos: qui per ætatem, nondum sub lege existentes, sua inobedientia non potuerunt peccatores fieri. Hæc sententia est Pighij, ferè ipsius uerbis expressa: qua ille Lutheranos quidem nominatim, cum quibus certamen illi est, impugnat: uerum re ipsa alios quoque scriptores, quorum sententiæ ab Ecclesia receptæ sunt. Nemo, quod sciam, ad hunc diem Pighij sententiam impugnare tentauit. Imò quia ille inter catholicos numeratur, in ecclesijs nostris, laudibus in cœlum fertur. Mihi uerò Pighius pugnacissimè dissidere uidetur à sententia catholicorum, qui sentiunt, hominē ab ipso matris utero corruptum esse peccato: eamque corruptionem ab Adamo contagione deriuatam, in totam posteritatem. Ita non poenæ tantum subiectos esse filios Adæ, ob peccatum paternum: sed sua quemque uitiositate reum esse iræ Dei, & mortis æternæ. Hæc, nisi fallor, est sententia catholicorum: à qua quàm discrepet oratio Pighij, nemo non uidet. Sed non est nec propositi, nec facultatis nostræ, hanc controuersiam explicare. Volui autem hæc indicare, ut qui summis laudibus celebrant Pighium, accuratius considerent, quid in scriptis illius probandum sit, quid minus. Tametsi à nobis quoque hæc parum animaduertuntur: sed quid obest, prudentiores à minus prudentibus admoneri?

CAPUT



DISPUTATIO de iustificatione, præcipuum caput est, aut certè inter præcipua unum, quod euangelicos separat à catholicis. Nam cum in hac disputatione singularis tractatus consumitur: tum uix est postea aliquod caput, in quo illa nō usurpetur, iteretur, urgeatur. Atq; non immeritò alicui similis uideri possit disputationi philosophorum, de foelicitate: quam alij in sola uirtute ponunt, alij in uirtute cum bonis alijs cōsociata. Quod si similis est, quid aliud quàm uerborū hæc controuersia erit? Nam ut qui solam uirtutem iactant, ad uitandas absurditates proegmena excogitarunt: ita qui de sola fide loquuntur, uiuam intelligi uolunt, & per charitatem operantem. Sin minus hæc similia sunt, ut quidem uolunt permulti: qui cum charitatē iustificanti fidei annectāt, ei tamen in iustificatione partes nullas concedunt, soli fidei omnia tribuentes: tamen etiam atq; etiam considerandum fuerit, an non idem de charitate dici possit, quod de fide dicitur. Tu fidei iustificationem ideo assignas, quod illa apprehendamus & teneamus misericordiam Dei: cur nō idem de spe & charitate loqui fas sit, quibus & ipsis Deū amplectamur, nos sua bonitate iustificantē, nosq; suis donis ornantem? Sunt enim illa omnia ab eodem autore profecta: *Luc. 7. & Fides tua te saluam fecit: Spe salui facti sumus: Remissa sunt ei peccata multa, quoniam dilexit multum. Ad hæc, quemadmodum de*
Matth. 9. fide dicitur, per illam Deum in cordibus nostris habitare: ita de cha-
Rom. 8. ritate, qui in illa maneat, eum in Deo manere, & Deum in illo. Et
Ephes. 3. CHRISTVS ipse inquit: Qui diligit me, diligitur à patre meo, &
1. Ioan. 4. ego diligam eum, & ueniemus ad eum, & mansionem apud eum fa-
Ioan. 14. ciemus. Deinde ut de credentibus dicitur, Qui credit in filium, ha-
Ioan. 3. bet uitam æternam: ita de operantibus, Et prodibunt qui bona fe-
Rom. 10. cerint, in resurrectionem uitæ. Ad hæc conditionaliter ad creden-
Matth. 19. tem quidem: Si confessus fueris, & credideris Dominum IESVM,
saluus eris. ad operantem autem: Si uis in uitam ingredi, serua man-
data. Non tantū igitur fidei, sed spei & charitati, & alijs bonis ope-
ribus, remissio peccatorum, & bona alia offeruntur. At inquires,
prius illa omnia fidei offerri, eiusq; primam esse illorum apprehen-
sionem. Quasi uerò fidem ueram spes & charitas non subsequatur
necessariò. Neque quia aliquis prior est in ordine aliquo, ideo qui
eū sequuntur, ex eo ordine excluduntur, imò ratio ordinis exposcit, ut
in eo sit prius & posterius. Quod autem dicunt, fidei promissionē di-
uinā uitæ æternæ factam esse, id quoq; à charitate alienū esse nō uide-
1. Cor. 2. tur: cum Deus & parauerit res nec oculis uisas, nec aurib. auditas,
Iacob. 1. nec à corde cogitatas, & promiserit coronā uitæ ijs à quibus fuerit
dilectus:

dilectus: quemadmodum promisit uitam æternam credentibus in
 fe. Multa à contrasentientibus argumenta adferuntur contra chari-
 tatis opera: sed uidendum est, ne illa concludant de operibus à fide
 seiunctis, sine qua impossibile est placere Deo. Loquamur enim de
 operibus fidei cōiunctis, in Dei quidem misericordiam incumben-
 tibus, in eaq̃ sola proram (ut aiunt) & puppim salutis sue collocan-
 tibus: quid quæso absurdi fuerit, ut fidei, ita illis iustificationem tri-
 bui? Non ne Abrahæ iustitiæ ducitur, cum Deo semen illi promit-
 tenti credidit? At non ne eiusdem operi, aliquot pōst seculis idem
 promittitur, cum inquit Deus: Quia fecisti hanc rem, & non peper-
 cisti filio, benedicam tibi, & multiplicabo semen tuum? Quot sunt
 in diuinis scriptis eiusmodi sententiæ, quibus operi promittitur,
 quod aliàs tribuitur fidei? Scilicet ut fructus ab arbore, ita opus à
 fide seiungendum non est. Vtrunque uerò in Dei misericordia ac-
 quiescere debet. Nam & gloriatio operis, & incertitudo promissio-
 nis de hæreditate, excludetur ad hunc modum: cum fides tribuerit
 omnia Deo, cum charitas imperfectionē suam omnem reiecerit in
 CHRISTVM. Nihil honoris hoc modo adimetur CHRISTO, cum
 utraq̃ nitetur misericordia illius. Nihil detrahetur de gloria media-
 toris, in quo solo utraq̃ gloriabitur. quemadmodū inquit Paulus:
 Qui gloriatur, in Domino gloriatur. Quid multa? Deus erit iusti-
 ficans hominem per misericordiam suam, propter propitiatorē IE-
 SVM CHRISTVM. Ea uerò iustificatio ab homine percipietur fide
 per charitatem operante. At non propter charitatem, inquiet ali-
 quis, Fateor: sed neq̃ etiam propter fidem. Non enim persuasio hæc
 de beneuolētia in nos diuina tanti est, ut propter eam numeremur
 in filijs Dei. Nec fidei aliā ob causam iustificatio tribuitur, nisi quod
 respectum habeat ad CHRISTI propitiationē: quæ sola unica cau-
 sa est nos iustificans. Est igitur fides instrumentū, uel organum, reci-
 piens iustificationem. Quid autem prohibet, quo minus charitati
 idem tribuamus? dicamusq̃, ut non propter fidē, ita non propter
 charitatem, sed tamen fide & charitate nos iustificari: cum quidem
 multis clarissimis authoritatibus id ostendatur. Illud tamen agen-
 dum, ut auocentur mentes à fiducia operum, & gloriatione: osten-
 datur imperfectio operum: soli Deo gloria tribuatur: spes salutis
 omnis ad propitiatorem referatur, ad meritum CHRISTI seruato-
 ris nostri, atque ad Dei bonitatem. Hac enim ratione à uerbis diui-
 nis nihil discedetur: quibus remissio peccatorum, & uita æterna, ut
 fidei, ita operibus frequenter promittitur. Quid quod omnis il-
 la doctrina de sola fide, ad eos pertinere uidetur, qui uel poeniten-
 tia ducantur scelerum suorum: uel iam cum morte quasi manus con-
 ferentes, ad tribunal iusti iudicis se stiterūt? Quod cum multorum
 scripta testantur, qui iudicem illum sedentem faciunt, hominumq̃

H

facta

Psal. 142. facta examinantem, cuius in conspectu nullus uiuentium sit futur-
 rus iustus: tum uero ex filo Paulinae orationis ostendi potest, qui
 in ea epistola quam scripsit ad Romanos, priusquam aggrediatur
 tractare de iustificatione ex fide IESU CHRISTI, totum mun-
 dum peccati arguere non dubitat: ut ostendat tandem, aliunde pe-
 tendam esse iustificationem homini, qui in Deum peccauerit, quam
 ex operibus à lege praeceptis: quibus si ad unguem quis non satisfa-
 ciat, eum execrationi subiectum esse. Homini uero seueritatem iu-
 dicij Dei iam experienti, quid iucundius fuerit, quam misericordiae
 Dei inculcatio: quemadmodum Augustinus in libro de Perfectione
 iustitiae testatur, his uerbis: Cum rex iustus federit in throno, quis
 gloriabitur mundum se esse à peccato? Tunc ergo per eius misericor-
 diam iusti plenè perfectèq; mundati, fulgebunt sicut sol, in regno pa-
 tris sui. Non igitur homini in opera ulla à se facta, sed ad misericor-
 diam iudicis tunc respiciendum est. Quid autem absurdi, si homi-
 ni, quem pigeat scelerum suorum, quicq; timore iudicij illius tremen-
 di percellatur, sola misericordia Dei fide apprehensa, & propter
 agnum illum tollentem peccata mundi promissa, praedicetur? Con-
 trà, quid absurdius, quam solam misericordiam obtrudere mancipijs
 istis scelerum omnium, Dei hostibus, corporis, sanguinis & mortis
 CHRISTI irrisoribus & cōculcatoribus: qui & uitam uiuunt fœ-
 dissimam, & sana doctrina abutuntur ad fræna laxanda suae nequi-
 tiae? Tales omnino perterrefaciendi sunt ira Dei, & poenis mortis
 aeternae: resipiscentibus uero, misericordia Dei offerenda. Quem-
 admodum Ioannes Zachariades in deserto Iudææ, atq; in regioni-
 bus Iordano finitimis praedicabat, ut Matthaeus refert, dicens: Poe-
 nitentiam agite uitae prioris, in propinquo est enim regnum coelo-
 rum. Et ipsemet CHRISTVS, Marco teste: Impletum est, inquit,
 tempus: appropinquat regnum Dei: agite poenitentiam, & credite
 Euangelio. Paulus quoq; in cōcione illa praeclara, quam habuit ad
 presbyteros Ephesios, dicit se testificatū esse Iudæis simul & Græ-
 cis, eam quæ erga Deum est poenitentia, & fidē quæ est erga CHRI-
 STVM. Igitur Ioannes & CHRISTVS & Paulus non excludunt
 poenitentiam, ab eo qui uelit ingredi in regnū coeleste. Marcus etiam
 & Lucas expressè referunt, Ioannem Zachariadē, ipse uero Lucas
 Petrum praedicasse poenitentiam cum baptismo in remissionē pecca-
 torum. Quibus uerbis planè indicatur, remissionem peccatorū ne-
 mini contingere posse, nisi ei qui poenitentia ducatur scelerum suo-
 rum: hoc est, cui scelera sua displiceant, ita ut uellet ea nunquam à se
 commissa fuisse. quam displicentiam & dolor animi cōsequatur, &
 cura uitandi deinceps peccati omnis. hæc enim resipiscentiae ac poe-
 nitentiae nomine includuntur. Iam qui loquuntur de sola fide, fa-
 tentur se loqui de fide uiua & regnante: qua qui praediti sint, eos
 peccata

peccata auerfari necesse est. Omnis igitur sermo eorum ad eos tantum dirigitur, quos scelerum poeniteat: illis enim salutem promitti, propter CHRISTVM propitiatorem. Illud quoque in hac disputatione maximè cōsiderandum, iustitiam Christianorum duplicem esse: alteram in nobis, alteram extra nos. Illam dicunt inhærentem, quæ constet fide, spe, charitate, omnibusque alijs uirtutibus, quibus noua hominis Christiani uita æstimeretur. de eaque loqui Ioannem his uerbis: Qui facit iustitiam, iustus est. & Iacobum, cum inquit: Videtis quod ex factis iustificetur homo, & non ex fide tantum. Hancque iustitiam, instar aliarum qualitatū, recipere intentionem & remissionem: prout uirtutes, in quibus posita est, intenduntur & remittantur. quemadmodum angelus ad Ioannem in reuelationibus inquit: Qui iustus est, iustificetur adhuc, & sanctus sanctificetur. Verum quantumuis hæc iustitia intendatur, inchoata tamen censetur, non perfecta. Fragilitas enim humana non sinit eam peruenire ad perfectionem, quam requirit lex, non igitur est eiusmodi, qua mereri possimus remissionem peccatorum, ac uitam æternam. Solus enim CHRISTVS legi satisfecit: qui peccatum non fecit, nec dolus repertus est in ore eius. Solus præditus erat iustitia illa perfecta, ac numeris omnibus absoluta: idque usque eo, ut eam etiam in alios transfundat, omnibusque sibi fidentibus acceptam referat, Paulo apostolo locupletissimo teste, sic ad Romanos scribente: Per unius hominis iustitiam in omnes homines iustificatio uitæ. Quemadmodum enim per inobedientiam unius hominis peccatores constituti fuimus multi: ita per unius obedientiam iusti cōstituimur multi. Atque hæc est iustitia, quæ extrinsecus nobis uenit, imputaturque nobis ab illo mediatore & seruatore nostro IESV CHRISTO. Et priorem quidem iustitiā non sola fide, sed omnibus uirtutibus constare perspicuum est: posteriorem uerò fide sola apprehendi, multa scripturarum testimonia ostendunt. Ferè enim ad mentionem gratiæ promissionis additur fides, ut inter ea relatio mutua ostendatur. Sic enim dicit Paulus Rom. 4. Ideo ex fide, ut secundum gratiam firma sit promissio. Galat. 3. Ut promissionem spiritus accipiamus per fidem. Et infra: Concluserit scriptura omnia sub peccato, ut promissio ex fide IESV CHRISTI daretur credentibus. Sed quia posteriorem iustitiam multi nescio quomodo extenuant, atque ad eius mentionem regno & licentia prioris abutuntur, quid de ea uetusti doctores sentiant, ex Augustini uerbis cognoscamus. Sic enim ille de Spiritu & litera, cap. 11. Hæc est, inquit, iustitia Dei, quæ in ueteri Testamento uelata, in nouo reuelatur. Quæ ideo Dei iustitia dicitur, quod impertiendo eam iustos facit: sicut Domini est salus, qui saluos facit. Et hæc est fides, ex qua & in qua reuelatur: ex fide scilicet annunciantium, in fidem obedientium, qua fide IESV CHRISTI,

» id est, quam nobis cōtulit CHRISTVS, credimus ex Deo nobis esse
 » pleniusq; futurum esse, quod iuste uiuimus, unde illi ea pietate, qua
 » solus colendus est, gratias agimus. Idem etiam scribit in secundum
 » uersum Psal. 70. inquit: Ergo in tua iustitia, non in mea. quia mea
 » quid? præcessit, iniquitas. Et cum ero iustus, tua iustitia erit: quia iu-
 » stitia mihi abs te data iustus ero. & sic erit mea, ut tua sit: id est, abs
 » te mihi data. In eum enim credo, qui iustificat impiū, ut deputetur fi-
 » des mea ad iustitiam. Amplius eandem sententiam Bibliorum scri-
 » ptis confirmat, lib. de Ciuit. Dei 21. cap. 24. his uerbis: Iustitia Dei
 » CHRISTVS est, qui factus est nobis (ut dicit Apostolus) sapiētia à
 » Deo, & iustitia, & sanctificatio, & redemptio: ut sicut scriptum est,
 » Qui gloriatur, in Domino gloriatur. Hanc Dei iustitiam, quam do-
 » nat gratia sine meritis, nesciunt illi, qui suam iustitiā uolunt consti-
 » tuere: & ideo Dei iustitiæ, quæ CHRISTVS est, non subiecti, in qua
 » iustitia est multa multitudo dulcedinis Dei. Has autoritates ideo
 » adscribere uolui, ut palam facerem, nouum non esse (ut quibusdam
 » uidetur) nec inauditum, sanctos CHRISTI iustitia dici iustos, quin
 » eam esse unicam, qua omnis nostra imperfectio suppleatur, cuiusq;
 » commēdatione nos in Dei conspectū uenire oporteat, siquidē frui
 » uelimus foelicitate illa sempiterna. Neq; uerò dubiū est, quin iusti-
 » tia inherens, hoc est generatio & noua uita donetur nobis, simulat-
 » que imputatur nobis iustitia CHRISTI. Verum nō quia hæc con-
 » iuncta sunt, ideo distinguēda non sunt. Alia ratio est dandi, alia ac-
 » cipiendi. Quæ iustitia nobis imputatur, eam accipimus à Deo iu-
 » stificante: quæ à nobis fit, eam reddimus Deo. Et in huius quidem
 Iacob. 2. mentione proponēdus est nobis Abraam operans: quod à Iacobo
 apostolo factum esse constat, dum Abrahamum producit, filium
 suum Isaacum super altare offerentem. Imò uerò CHRISTVS obij-
 ciendus oculis nostris, tanquam exemplū uitæ, quod nos ad sequen-
 da uestigia sua inuitet: quemadmodum ipsemet dicit, se nobis exem-
 Ioan. 13. plum dedisse, ut quod fecit, & nos faciamus. In illius uerò iustitiæ,
 quæ nobis imputatur, cōmendatione, & Abraam proponatur tan-
 Rom. 4. tum credens, quod à Paulo factum est, fidemq; habens iustificanti
 impios, non etiam operans: & CHRISTVS tanquā dominus uitæ
 & mortis, hæres orbis, semen illud caput serpentis cōterens, benefa-
 ctor, seruator, remissionis peccatorū largitor, uitæ æternæ donator.
 Itaq; in hac iustitia nobis à CHRISTO imputata, nullus habēdus
 est ad bona opera respectus. Cum enim ea in remissione peccato-
 rum (ut ex uerbis Dauidis Paulus colligit, beatitudine describēda)
 posita sit, certa esse non posset in hac operū imperfectione. Manet
 Gal. 3. enim æterna maledictio eos, qui non permāserint in omnibus quæ
 scripta sunt in libro legis. Vtranq; iustitiam nobis donari, & simul
 quidem donari, nemo est qui neget: sed fines utriusq; considerandi
 sunt.

sunt, cumq̃ ea quam inhærentem uocamus, sit manca, imbecilla, & ex ea parte, quatenus legi à nobis non satisfacit, imperfecta, necessario faciendum est, ut in illa CHRISTI iustitia, quæ perfecta est, omnes acquiescāt, quicunq̃ de remissione peccatorum, adoptione sui in filios Dei, donatione uitæ æternæ certi esse uolunt. Esse autem hæc cognitu pernecessaria, multi perhibent: tum ad hominum arrogantiam retundendam, ne quod sibi ex Dei immensa benignitate obuenit, suis operibus tribuant: tum ad eos in optima spe hæreditatis uitæ confirmandos, dum operum imperfectionem sibi audiunt condonari, propter eum qui cumulatissimè legi satisfacit: factusq̃ est maledictū, ut à maledicto nos redimeret. Hæc de iustificatione eo à me longius exposita sunt, ut ostēderem, qua de re agatur in hac controuersia. Multi enim sunt, qui iustificatione ab operibus exclusa, putant ea uetari, ac tanquā inutilia ab homine Christiano repelli. Itaq̃ bellè se functos officio reprehensorū arbitrantur, si quamplurimis testimonijs euincant, bonis operibus homini Christiano studendum esse. Alij, cum audiunt iustificationem detrahi operibus, putant omnem iustificationē detrahi. Vtriq̃ non rectè. Neq̃ enim qui iustificationem detrahit operi, mox negat illud esse faciendum: nisi fortè adimens officia certa alicui uirtuti, asserit illam inutilem esse rebus omnibus. Neq̃ item, qui iustificationē illam à CHRISTO nobis gratuito collatam, qua nos inter fratres suos ac coheredes uitæ æternæ asciscit, ab opere remouet, omnem iustificationem ab eo aufert. Captiones sunt istæ, ex schola sophistarū profectæ. Quibus si qui per imprudentiam utantur, errori condolendum est: sin alijs imponendi causa, malitiæ acriter repugnandum. Qui uerò eruditi sunt, facilè uident hæc pronunciata diuersa esse, Opera non iustificanc, opera non sunt exercenda: illa itē non minus diuersa, Propter opera non iustificamur ad uitā, & propter opera non iustificamur. Quorum pronunciatorum etsi res subiecta eadem est: tamen quia attributa diuersa sunt, diuersis argumentis utendum est, illis pronuntiatis uel confirmandis, uel confutandis. Sed nos omittamus de his longius disputare. Statum enim causæ non ineptè, ni fallor, ostendimus. Tres etiam de iustificatione memorauimus rationes: quas à studiosis theologiæ uelim accuratè expendi. Vna ratio opera fidei ita coniungit, ut solam Dei misericordiam nos respicientem demonstret. Altera, temporum & personarum, quibus cum oratio instituitur, respectum habendū esse præcipit. Tertia, omnium rem apertissimè planissimeq̃ explicat. Sed de hoc sit iudicium hominum eruditorum. tamen si rationes illæ tres eodem spectare, & alia alijs subseruire uideatur. Velim autem ab ijs qui in hæc inquirunt, exactius considerari, an pietate inoffensa ferri possit formula illa loquendi, SOLA fides iustificat. Qua formula, cum nonnullos

ueterum usos esse constet, abrogari non posset, quin nota inscitiae aut impietatis nomini illorum inureretur. Vtebantur illa ueteres recte explicata & interpretata. Quid est enim, quod male intellectum, non pariat multas offensiones? Paulus ille coelestis sapientie doctor, coactus est cum aliis, tum in epistola ad Romanos, respondere ijs qui rectissimas eius sententias in malam partem interpretabantur. Quo magis faciendum est doctoribus omnibus, ut commodè explicent doctrinam suam: ne medicina bona uertatur in uenum, male utentibus.

A P O L O G I A.

IN tractatu de iustificatione diximus, iustitiam hominis Christiani in remissione peccatorum positam esse: non equidem absurdè, ut opinor. Nam Paulus ipse Rom. 4. imputari ait iustitiā non operantibus, sed credentibus in eum qui iustificet impiū. Citat etiam Dauidem, qui beatitudinē in eo statuat, cum Deus iustitiā alicui tribuit sine operibus. De hac beatitudine ac iustitia cum Paulus loquatur toto capite quarto epistolae ad Romanos, non sit ineptum, si extrema eiusdem capitis uerba de hac ipsa iustitia nobis imputata interpretemur. Nimirum CHRISTVM traditum esse, ut ne delicta nobis imputentur: reuixisse, ut iustitia nobis imputetur. Nam & paulo antè, cui peccata non imputentur, ei iustitiā imputari dixit. At inquires, Non satis esse ad iustitiā, ueterem hominem exui, nisi induatur nouus: non satis, peccato mori, sed etiam uiuere Deo: non sufficere, liberari à peccato, sed seruū etiam iustitiae fieri oportere, ut docet Paulus Rom. 6. Ego uerò & id rectè dici uideo, ad uitae nouitatem non satis esse, peccati remissionem obtinere: sed etiam oportere nos praeberē membra nostra serua iustitiae, ad sanctificationem: quam si quis uocet iustitiā inhaerentem, illam uidelicet quae fide & alijs uirtutibus constet, nihil errauerit. Veruntamen hanc iustitiā aliam esse ab illa quae nobis imputetur, ostendimus in Libro. Et profectò Pauli uerba manifestè indicant, iustitiā quandam esse, quae nobis tribuatur sine operibus. Quid enim est quod dicitur: » Credidit Abraam Deo, & imputatū est ei ad iustitiā? Ei uerò qui operatur, » merces non imputatur pro gratia, sed pro debito. Porro ei qui non operatur, » sed credit in eum qui iustificat impiū, imputatur fides sua ad iustitiā. Quem » admodum & Dauid explicat beatitudinem hominis, cui Deus imputat iustitiā absq; operibus: Beati quorum remissae sunt iniquitates, & quorum obte- » sta sunt peccata: Beatus uir, cui non imputat Deus peccatum. Hac ex Pauli oratione desumpsimus: qua quid clarius fingi, diciq; potest? Etenim cum exemplo Abrahami, tum antitheto operantium & non operantiū, tum etiam testimonio Dauidis claro & aperto, planum facit, non operanti, sed fidem habenti ei qui iustificat impiū, fidem suam imputari ad iustitiā. Et Propheta quidem beatum uirum describendo, nihil meminit iustitiae imputatae: sed tantum peccati non imputati, iniquitatū remissarū, peccati tecti. Verū cum Apostolus inde colligit beatitudinem esse, cum Deus imputat iustitiā absq; operibus: satis indicat, iustitiā esse positā in peccati remissione. Vnde an non rectè efficitur, esse iustitiā imputatiuā (sic enim rei explicandae causa multi loquuntur) quae sola fide citra ullum operum respectum impijs cōtingat? Quid enim est sola fides, quam fides non operans? Non dico, fidem uerā operibus prorsus uacuam esse posse: sed dico, opera causam non esse, quamobrem fidei assignanda sit iustitiā. Hanc enim ex fidei obiecto petendam esse, ipsemet Paulus exponit, inquiens: Per fidem in sanguine CHRISTI, Et: Ideo ex fide, ut secundum

eundum gratiam. Et quāvis Paulus Rom. 4. nominatim loquatur de circun-
 cisione: capite etiā tertio disertē dicat, hominē reddi iustū sine operibus legis,
 quod quidam ad legem ceremoniarum transferunt: tamen opera omnia ex-
 cludi à iustificatione quæ imputatur, verba quæ ex Pauli oratione citauimus,
 satis indicant. Nihil enim ineptius, quàm si in antitheto, operantem, & non
 operantem, ad ceremonias restringas: aut si uerbū, Absq; operibus (quo uti-
 tur accommodando testimonio Dauidis ad suum propositum) ad opera cere-
 monialia referas. Facit autem Paulus more aliorum scriptorum, qui & thesin
 per hypothesein interpretantur: & hanc ad illam traducunt, amplificandi aut
 probandi causa. Qui solam Christianam iustitiam uocant eam, quæ fide, spe, *In confessione*
 charitate constet, & præter hanc nullam nobis reputari affirmant: duplici ra- *fidei Petricæ*
 tione meritis operum, quæ fiunt à regeneratis, deberi cœlestia præmia dicunt. *uia edita,*
 Primum, ex Dei promisso liberali: deinde, ex ea dignitate quàm Deus regene- *cap. 34.*
 ratis confert, præter omne meritum illorum. Quid igitur istuc uerbi est? An
 quod confertur alicui præter eius meritum, non ei imputatur? Quid enim im-
 putari dicitur, quàm quod re persolutum non est, sed tantum ex benignitate
 imputantis pro soluto habetur? Cur igitur iustitia, quæ præter meritum alicui
 confertur, non rectē imputari illi dicitur? Paulus Rom. 4. sæpe utitur uerbo
 imputandi. Iustitiæ quoq; quæ à Deo imputetur, aliquoties meminit. Imputa-
 tionis causam, fidem non semel esse dicit, nulla operū aut meritorum mētiōe
 facta. Nominatim etiā bis excludit opera, ab hac imputatione. Aut igitur so-
 la fide iustitia nobis, de qua ibi loquitur, & quæ in peccatorum remissione po-
 sita est, imputatur: aut nulla est iustitia, quæ nobis imputetur. Quid enim re-
 fert, dicat quis, Sola fide, an, Fide sine operibus? Quid quod non desint, qui
 particulam SOLA à Paulo expressam aiunt, cum Galat. 2. dicit, non iustificari
 hominem ex operibus legis, Nisi per fidem IESU CHRISTI. Quod tamen si
 quis reiiciat, ne nos quidem contendemus. Nam etiam si tot literis scripta non
 sit, ex multis sententijs scripturæ colligi potest. Id quod non à uetustis tantum
 scriptoribus, sed recētib; etiam proditum est: inter quos est Isidorus Clarius
 Brixianus, monachus Casinensis, uir catholicus, qui interpretando Pauli uer-
 ba, Ei autem qui operatur, &c. Hunc, inquit, locum facilius intelliges, si cogi-
 tes id quod dicitur Ex fide, & quod dicitur Secundum gratiam, idem esse: hoc
 pacto, Ex fide iustificari, est sine operibus iustificari: sine operibus uerò, est se-
 cundum gratiam: Quare iustificari ex fide, est iustificari secundū gratiam. Vn-
 de alibi ait: Ideo ex fide, ut secundū gratiam. Dicamus ergo: Si facto aliquo
 iustificatus esset Abraam, non diceretur fide iustificatus, & ex illa fide (hoc est,
 secundum gratiam) mercedem accepisse: sed ex debito aliquo, quod factum
 sequitur. Sed cum non sit mentio alicuius facti, sed tantum fidei in Deum, qui
 iustificat impium: profectò fides illa imputatur ad iustificationem. Et testimo-
 nium Dauid profert de hac ex fide iustificatione. atq; ut gloriādī occasionem
 in factis legis adimeret, iustificationem hanc obtigisse Abraham dicit, dum ad-
 huc esset in præputio. Circumcisionem ergo accepit, non ut iustificaretur: sed
 ut signum esset hominis iam iustificati, & grati Deo. Non igitur tantī circun-
 cisio facienda est, quasi salutem & iustificationem illa afferret: quam SOLA fi-
 des etiam ipsi Abraham contulit. Eandem sententiā de imputatiua iustitia cla-
 rissimè docet Pighius, strenuus ac peracris Lutheranorum dogmatum impu-
 gnator, in controuersia de fide & iustificatione. Vbi posteaquā ostendit, nun-
 quam nos exactē satisfacere legi: addit, Deum nobis succurrisse per CHRI-
 STVM, in quo iustificemur coram Deo, non in nobis: non in nostra, sed in il-
 lius iustitia, quæ nobis cum illo communicantibus imputetur: ita ut propriæ
 iustitiæ inopes, extra nos in CHRISTO iustitiā habeamus. Cuius obediē-
 tia nobis illi coniunctis sic accepta feratur, ac si nostra esset: ita ut ea ipsa nos
 etiam

in confessione
fidei Petrico-
nia edita,
cap. 34.

etiam iusti habeamur. Atque hanc sententiam Pighius multis scripturarum testimonijs comprobatur: eandemque illustrat exemplo benedictionis Iacob pulcherrimo. Quid quod illi ipsi imputatiue iustitiæ impugnatores assidui, concedunt passionem & satisfactionem CHRISTI non minus nobis imputari, quam si ipsi passi fuisset, & satisfecisset? Hoc enim, inquiunt, persuasum esse debet omnibus in CHRISTVM credentibus, quod à Paulo scriptum est, In baptismo CHRISTO nos cōmori: atque haud aliter passionis & mortis participes fieri, quam si passi & mortui essemus. Quoniam uero passione sua CHRISTVS pro peccatis totius mundi satisfecit, posteaquam per baptismum ipsius membra facti sumus, haud aliter hac satisfactione CHRISTI liberamur à poenis omnibus, quæ peccatis nostris debebatur, quam si ipsi poenas easdem sustinendo pro illis satisfecisset. Hæc illi. Quid autem impedit, quin idem de iustitia dicamus, hoc pacto: In baptismo induimus CHRISTVM, ut Paulus dicit Galat. 3. uel, ut idem loquitur Ephes. 4. nouum hominem, qui secundum Deum creatus est in iustitia & sanctitate. Igitur haud aliter iustitiæ & sanctitatis eius nos fieri participes, quam si iusti & sancti essemus. Et si autem isti, contra quos disputamus, negant quod de iustitia diximus: tamen si uera est philosophorum regula, qua uolunt, ut quod in re pari ualeat, ualeat in ea quæ par est: causa non uidetur, cur antecedentibus concessis, non ea cōcedantur quæ consequentia sunt. Illud etiam opinor neminem negaturum, mortem & satisfactionem CHRISTI non tantum homini imputari cum baptizatur, sed quoties à baptismo lapsus resipiscit. Igitur & hoc concedendum omnibus, iustitiam CHRISTI lapsis à baptismo imputari, quoties resipiscunt: non secus, quam si operibus ac qualitatibus proprijs iusti essent. Huc adde, aliquoties, cum facta est mentio baptismi, baptismum poenitentiae nominatum esse. Vis igitur baptismi per totam uitam poenitentibus confertur: ut si in baptismo mors, satisfactio & iustitia CHRISTI nobis imputatur, imputetur etiam semper, quoties nos peccatorum poeniteat. Quod si CHRISTI iustitia imputatur nobis, perinde ac si nostra esset; an non inde cōsequitur, esse iustitiam quæ nihil aliud sit quam remissio peccatorum? Verum propter morosa iudicia, & hoc auctoritatibus comprobandum est. Ille idem Pighius dicit, nostram iustitiam coram Deo, & salutis spem, in una esse gratis ignoscere per CHRISTVM nostras iniquitates Dei misericordia: non in operibus nostris, non in iustitia. Et paulo post: Hanc, inquit, iustitiam Zacharias Ioannis pater cognitione salutis prædicat: non in nostra ipsorum iustitia, quæ nulla est: sed potius in nostra iniustitia, aut peccatorum nostrorum remissione positam. Et infra: Hoc ergo nobis iustificari est, peccata nobis misericorditer remitti à Deo in CHRISTO. Probat hanc sententiam testimonijs multis, quæ apud eum legere licet. Eandem sententiam amplectitur M. Antonius Flaminius in libro Psalmorum, quem Alexandro Farnesio Cardinali Romano inscripsit: uerba psalmi 32, Beati quorum remissæ sunt iniquitates, interpretando. Illud, inquit, animaduersione dignum est in his uerbis, quod beatos appellat, non qui ab omni peccatorum labe puri & integri sunt (nemo enim talis est, dum uiuit in terris) sed illos, quibus misericordia Dei peccata condonat. Condonat autem ijs qui confitentur peccata sua, & ex animo credunt, sanguinem Domini nostri IESV CHRISTI omnium delictorum & scelerum expiationem esse. Docet idem glossa super illud Rom. 8. Quos uocauit, eos iustificauit: scilicet remissione peccatorum. Docet & Ambrosius, Rom. 5. Gratia uero Dei, inquit, per CHRISTVM, non ex uno delicto, sed ex multis iustificauit homines, dando illis remissionem peccatorum. Idem Rom. 8. Quomodo autem impletur in nobis iustificatio, nisi cum datur remissio omnium peccatorum: ut sublati peccatis iustificatus appareat, mente seruiens legi Dei, Augustinus quoque de Ciuitate Dei lib. 19, cap. 27.

Ipsa

Ipsa quoque nostra iustitia, quamuis vera sit, propter ueri boni finem ad quem refertur: tamen tanta est in hac uita, ut potius peccatorum remissione constet, quam perfectione uirtutum. Hæc & alia in Libro à nobis explicata, qui studio catholicissimi, ut ipsi putant, animaduertere nolunt, primum absurdum esse putant, ut quis iustus dicatur ea iustitia qua CHRISTVS iustus est: sed eam tantum nobis tribuunt, quam CHRISTVS nobis impertit, qualitates nouas nobis imprimendo, seu iustitiam inhærentem infundendo. Deinde toto cœlo errare aiunt eos, qui iustificationis nomine solam peccatorum remissionem uelint intelligi. quod tamen ipsum testimonijs & scripturarum & interpretum docuimus. Non igitur hæc doctrina, ut illis uisum, noua est, non ex claudicatione & singularitate intellectus profecta. Exaggeratur & operum dignitas, eorum quidem quæ fiunt à regeneratis: in quibus cum CHRISTVS inhabitet, opera quoque eorum digna esse uita æterna propter CHRISTVM inhabitantem. Verum hac ratione astringitur magis, quam destruitur iustitia imputatiua. Quoniam enim opera regeneratorum reipsa talia non sunt, ut digna sint uita æterna, sed Dei misericordia talia reputantur, reputatur quoque eis iustitia: ut talis sit effectus, qualis causa. Verum quia hæc materia, meriti ratione attingit, placet ut eam distincto capite expediamus.

LIBER.

CAPUT XII.

De meritis & dignitate operum quæ fiunt à regeneratis.



NON est sententia eorum uituperanda, qui operibus nostris in fide factis, uim & fructum tribuunt propter Dei promissionem, & propter CHRISTI merita. Verum quia huc, disputatorum licentia meritum condignum irrepsit, ingentemque partibus materiam præbuit disceptandi, breuiter de eo disputemus.

Qui nostra memoria primi, meriti ratione à nostris operibus excluderunt, non in operum nostrorum imperfectionem respexisse uidentur. Cum enim lex opera præcipiat numeris omnibus absoluta & perfecta: ut qui illa non præstet, præmia pro illis promissa frustra expectaret: meriti nomen titulum sine re esse putarunt. Et tamen opera sanctorum, quamuis imperfecta, Deo placere docebant, propter gratiam & merita CHRISTI. In quibus fiduciam omnem salutis æternæ ostendebant ipsi quidem, qui agnita imbecillitate sua, cum uitæ perpetuo luctarentur: in ea persuasionem, CHRISTVM esse salutem & redemptionem nostram, ac delictorum nostrorum expiationem. Cui sententiæ nonne quidam ex catholicis succinunt? ut cum Alfonsus Viruesius inquit: Bona opera nemo ferè sanctorum merita sua unquam appellauit, sed Dei munera: tunc præsertim, cum Dei misericordiam implorat. Vbi potius illi commemoranda est, qua undique septi & propemodum obruti sumus, miseria. Quod & Augustinus in Psal. 139. sic inquit: Meritis suis nihil tribuunt sancti. Totum non nisi misericordiæ tuæ tribuent. Et Hieron. in Ieremiæ

Lutherani.

Alfons. phil. 3.

Augustinus.

Hieronymus.

I lamenta-

lamentationes, cap. 2. Non meritis datū est, sed quia ita sit Deo placitum: cuius est omne gratuitum quod prestat. Est ex euangelicis,

Io. Calvinus. sumptam sic diluat: Nullam ne igitur remunerationē habent opera? (supple, siquidē merita eorum sunt nulla.) Certē & accepta sunt Deo, & fructuosa suis autoribus. Dantur enim pro eis amplissima beneficia, remunerationis loco: non tamen quia ita merentur, sed

Pighius. quia diuina benignitas hoc illis ex seipsa precium statuit. Pighius, ex catholicis unus, hanc sententiam uidetur amplecti, dum inquit: Dominus quæ in nos contulit, quæq; in nobis operatur bona opera, & nostra appellat, & ea amplissima remuneratione dignatur: sic tamen, ut id totum gratiæ sit, quicquid, quod laudem meretur, in operibus nostris est. Ita quod euangelicus dicit, opera fructuosa esse operantibus non suo merito, sed Dei benignitate: hoc à catholico dicitur, quicquid laudis aut remunerationis mereantur bona opera, id non operum ipsorum, sed totum gratiæ esse. Quod si uerborum cōtentione seposita, rem animo æstimemus, fructuosum in hac disputatione à meritorio nō separabimus. Quid enim fructuosum est, nisi quod fructū fert? Fructus uerò nomine non ne hic intelliguntur ea beneficia, quæ pro operibus nobis à Deo dantur? Hæc uerò an non aptè quadrant omnia in meritum? Nam & ipsum fructum affert: quem fructum seu beneficii, seu præmii, seu mercedis nomine affecerimus, in nullo erit res prorsus discrimine. Quamobrem nonnulli docti uiri partis utriusq; multa, ut apparet, tum lectione, tum meditatione, crebris item disputationibus exerciti, animum tandem inclinasse uidentur, ut & catholici (quod Alfonso facere ostendimus) meritorum omissione, & euāgelici (ut mox uidebimus) eorum usurpatione, nihil incommodi rem Christianam capturam esse putarent. Nam quid meritum est aliud, quàm officium, seu opus, cui præmium debeatur? quemadmodum Horatius significat:

Horat. Epist. *I bone, quò uirtus tua te uocat: i pede fausto,*

lib. 2. epist. 5.

Grandia laturus meritorum præmia. —

Et Virgilius:

Virg. Aen. 5.

Cuncti adsint, meritæq; expectent præmia palmæ.

Et Cicero: Extant rectè factis præmia, peccatis supplicia. Et Cæsar 7. belli Gall. Ea quæ meruissent præmia, abs se deuicta Gallia expectarent. Quod si ad usum theologicū loqui uelimus, nihil opinor errauerimus, si merita interpretabimur ea opera sanctorū, quæ Dei ope exerceant in fide & persuasione beneuolentiæ erga se diuinæ. Quibus quidem operibus cum præmia sint proposita & præsentis & futuræ uitæ, non est absurdum, si ea meritorum nomine ornauerimus: præsertim cum id quod laudem in eis mereatur, non operibus ipsis, nec uiribus nostris, sed (ut Pighius loquitur) gratiæ diuinæ totum

nae totum acceptum retulerimus. Quamobrem euangelici in Apologia confessionis Augustanae non dubitanter affirmant, bona opera iustorum mereri multa premia corporalia & spiritualia, in hac & in futura uita. Urbanus etiam Regius, etsi contra humana merita pugnat, tamen & hoc concedit: Merita sunt in nobis, quia Dei dona sunt, & ipsius solius opera. Ad hæc, M. Bucerus aduersus Rob. episcopum Abrincensem: Non imus, inquit, inficias, iustificari nos etiam ex operibus, ut diuus Iacobus dixit. Repēdit enim Deus unicuique secundum sua opera. Et non qui legem audiunt, sed qui faciunt, iustificabuntur: Rom. 2. Sed ista nostri iustificatio, id est ultima uitæ æternæ adiudicatio & exhibitio, nascitur & pendet ex iustificatione fidei, ex qua & ipsa bona opera proueniunt: & habent id, ut, licet ex se nihil minus ualeant, uitam æternā nobis MEREANTVR. Et paulo infra: Sed nec de MERITIS pugna est. ea nulli reijcimus, etiam uitæ æternæ. Dixit enim Dominus, Si quis sua causa quicquā reliquerit, id eum hic recepturū centuplū, & in futuro seculo uitam æternam. Mercedem etiam non raro paciscitur. At quid dicemus merita? bona ne, an mala opera? Mala nostra sunt: bona præparat in nobis Deus, ut in illis ambulemus: Ephes. 2. Hæc ille. Perspicuum est igitur, adhuc inter partes de re uniuersa satis cōuenire: & si quid contentionis sit, id in uerbi controuersia positum esse. Inquiramus igitur amplius, an iusta est causa aliqua alia, quæ inter eas disensionem faciat? Mihi uidetur solum meritū esse, cui ex condigno aiunt deberi uitam æternā, quod discrepantiā hanc sustineat. Non omnes autem eodem modo hanc condignitatē interpretantur. Sunt qui uoces, Pro dignitate, & Pro meritis, etiam si in sacris literis non inuenirentur, affirmant idem ualere quod illam, Secundum opera. idque & apud Græcos, qui κατὰ τὰ ἔργα, & κατὰ ἀξίαν, pro eodem usurpent. Cum autem frequens sit illa locutio in diuinis literis, Reddet unicuique secundū opera sua: temeritatis esse, uoces eandem uim habentes repudiare. Quod si ita est, neminē opinor esse, rem ipsam spectantē, qui una uoce admissa, alias respuat idem efficientes. Sunt alij, qui condignitatem omnem transferant in gratiam & opem diuinam. Quos quidē ipsos uix puto ab aliquo iustē reprehēdi posset: quippe qui humanis uirib. & operibus dignitate nulla relicta, eam omnem tribuant gratiæ diuinæ, cuius fiducia nitendum sit ad spem beatē uiuendi. Super sunt, qui ipsa facta & merita humana cum Dei gratia coniuncta, tanti esse affirmant, ut eis ex condigno uita æterna debeat. Multa autem in theologia disceptatrice de eiusmodi condignitate, ad sensum quem modō dixi, disputantur. Verū qui de hoc appositē ad usum conscientiarum differunt, meriti cōgrui mentionem fecerunt, cōdigni non fecerunt. Pighius uocat meritum ex congruo, quod non ex se, sed ex Dei gratia, aliqua dignitate aestima-

iunxerit: facile perspiciet, non ad perfectionem, ac ne ad exercitium quidem operum, ea accommodanda esse: sed ad eam uitam, qua homo regeneratus, CHRISTO uiuat per fidem, & CHRISTVS in eo. Atqui fidem non ad opera, sed ad Dei benignitatē referendam esse, cum alijs scripture locis, tum hoc ipso ostendi potest: ubi facta fidei mentione, non operum à se factorū perfectionis aut dignitatis meminit, sed amoris & beneficij CHRISTI, quippe qui se pro illo morti dedidisset. Quam quidem mortem sibi nihil profuturam ait, si in lege adhuc iustitia posita esset. Hæc mihi germana loci illius sententia esse uidetur. Vis baptismi cur pro operum condignitate afferenda sit, haud sanè intelligo. Etsi enim certū est, eos qui baptizentur, CHRISTVM induere, nouam creaturam effici, & ad naturæ integritatem quodammodo redire: neq; baptismum uerè dici posse lauacrum regenerationis & renouationis, nisi hæc per illum fierent: tamen hæc omnia cœpta & inchoata esse in baptizatis, non perfecta, diuinæ literæ & experientia ipsa clarè testantur. Non enim totum spiritum hausimus, sed eius primitias accepimus: gustum suauitatis illius primis labris attigimus, non ea satiati sumus. Quod & infantum uita & mores ostendunt. Sæpe enim reluctātur rebus bonis: sæpe irascūtur ubi non deberent. cumq; ignorent quid bonum sit, quid malum, ne uoluntatē quidem Dei perspectam habere possunt. Neq; igitur ueterem hominē omnino exuerunt, neq; nouum prorsus induerunt. Itaque multi theologi Ambrosium & Augustinum sequuti, asserere non dubitant, peccatum originale per baptismum auferri reatu, remanere actu: gratiamq; in baptismo collatā, fructum originalis iustitiæ facturam, usq; post resurrectionē. De operum nostrorum imperfectione clarissimè concionatur Paulus, tum de se iam renato, tum de alijs hominibus adultæ ætatis, in hanc ferè sententiam loquens: Consentio quidem & seruiō mente legi Dei: delector ea, quod ad interiorem hominem attinet. Volo quæ bona sunt, odi quæ mala. Nihilominus sentio in me inhabitare & insidere peccatum: in membris etiam meis legem cōtrariam esse, repugnantem legi mentis meæ, ac captiuum me reddentem peccato: ut etiamsi uoluntas adsit mihi ad bonum, perficiēdi tamen facultas absit. non enim quod uolo facio bonum, sed quod nolo malum id ago. Caro enim perpetuò mihi adheret, cuius sensus & studiū inimitiæ sunt aduersus Deum: quippe quòd legi Dei non pareat: nec enim potest. Caro itē contrā quàm spiritus, & spiritus cōtrā quàm caro concupiscit, atq; hæc ita sunt inter se contraria, ut non quæ uelimus, ea faciamus. Hæc à Paulo non tam scripta, quàm oculis omnium subiecta esse uidentur. Itaq; ipse suarum sibi culparū conscius optimè, imperfectionesq; operum suorū ac lapsus uarios animaduertens, ferè desperabundus exclamat: Miser ego, quis me liberabit

Sent. 2. d. 32.

ab huius mortis corpore: Ad solumq; portum cōfugit gratiæ Dei, & beneuolentiæ diuinæ nobis præstitæ in CHRISTO IESU Domino nostro. Quæ cum ita sint, causa non est quamobrem uel uis baptisimi, uel Paulina sententia de uita CHRISTI in nobis, ad operum nostrorum dignitatem sit trahenda. Et si enim CHRISTVS in regeneratis uiuat, illorumq; uitā & actiones gubernet: uerū non ita uim suam exerit, ut omnem ab illis infirmitatem tollat. Et tamen spiritu suo illos renouando, ac uitæ nouæ uirtutes illis inferendo, meritum item ac iustitiam suam illis impertiendo, uerissimè & maximo cum fructu in illis uiuere dicitur. Atq; hoc modo gloria Dei non obscuratur, sed illustratur: crux CHRISTI non euacuatur, sed fecunda redditur: sanguinis pro mundo effusi precium non immittitur, sed magis augetur: cum nobis, quod natura tale nō est, Dei benignitate tale imputatur. Itaq; quod Paulus ait 2. Corinth. 4. momētaneas & leues calamitates nostras æternum gloriæ pondus nobis pātere: non ad condignitatē meritorū atq; operū quæ fiunt à regeneratis, cōlestis gloriæ respectu, referendum est, sed ad largam Dei uoluntatem, Christi q; meritum: qui & non facientibus imputat, perinde atque fecissent: & leues ac breues labores nostros, magna & sempiterna gloria recompensat. Ipse enim Paulus condignitatem operibus nostris detrahit, præ ea gloria quæ post hanc uitam æterna erit. Neq; uerò sum nescius, quibusdam in locis scripturarum & CHRISTVM & Paulum loqui de filiorum Dei dignitate: ut cum dicunt, aliquos dignos esse futuro seculo, dignos sanctorum sorte. Verū hæc dignitas benignitate patris accidit, qui largitur nobis præmia pro gratiā, non pro merito: nosq; aptos & idoneos reddit gloria sua. Hieronymus etiam Pauli uerba illa (Vt digni habeamini regno Dei, pro quo & patimini) interpretando: Hi sunt, inquit, digni regno Dei, qui gloriam Deo tribuūt, scientes nullam passionem esse cōdignam gloria cōlesti: etiamsi talis esset illa, qualis modò est uita. Bernardus item addit, non esse condignas passionēs, ne si unus quidē omnes sustineat. Sed non tantum gloriæ immortalis, sed & culpæ quæ nobis remittitur, & gratiæ quæ in præfenti donatur, respectu, condignitatem detrahit de passionibus nostris. Neq; enim, inquit, condignæ sunt passionēs huius temporis, ad præteritam culpam quæ remittitur: non ad præsentem consecutionem gratiæ, quæ immittitur: non ad futuram gloriam, quæ promittitur nobis. Et si autem sentētia Pauli clara est, tamen quidam uiri docti ad suum arbitrium eam eludunt bifariam. Nonnulli eam interpretātur de operibus non regeneratorum, ut à libero arbitrio absq; Dei gratia procedūt. Verū Pauli oratio indicat cōtrarium. alloquitur enim eos qui spiritum Dei habeant, quo agantur: sintq; & filij & hæredes Dei, cohæredes autem CHRISTI. Tales quidem gratia

Bern. serm. 1.
de Annun-
ciatione.

Bern. serm. de
persecutione
sustinenda,
cap. 30.

Solutionū qua-
rundam Pau-
lini dicti im-
pugnatio.

gratia Dei uacui esse nō possunt. Cumq; cruci & afflictionibus subiecti sint, hortatur eos Paulus ad patientiam, uitæ huius calamitates extenuando, comparatione gloriæ sempiternæ. Alij de condignitate æqualitatis Paulum intelligunt, eam non esse inter meritum & præmium, quod hoc semper maius est illo: cæterum cōdignitatem attribuunt operibus & meritis sanctorum, uel ex promissione Dei, uel ex gratuita acceptatione diuina ad quoduis præmium, uel ex pacto & cōuentione, quam in parabola patrisfamiliæ significari aiūt: qui operarijs pactus in diem singulos denarios, æquat omnes, licet inæquali temporis spacio laborantes, denario diurno. Quamuis autem hæc probabiliter dicuntur: excutienda tamen sunt, ut sciatur quatenus huic sententiæ fauendū sit. Tres ab istis ponuntur, quantum ego intelligo, causæ, in quibus ista cōdignitas stabiliatur: promissio, acceptatio, & conuētio, seu pactum. Et ex promissione quidem, præsertim diuina, certitudinē colligi usitatum est. Cum enim promittens certus sit, qui nec fallat, nec fallatur, promissionē etiam certam esse necesse est. Condignitatē ex eadem colligi, prorsus inusitatum. Promisi tibi, seu de me merito, seu nihil merito, annuos aureos centum. Ea promissione & ego me tibi feci debitorem: & tu, nisi soluo, pecuniam ex promisso à me repetere potes. Dignum uerò ut te, hoc solo nomine, re promissa prædices, uix tibi quisquam permittet. Ex sola etiā acceptatione (quæ in hac disputatione idem quod promissio significare uidetur) uix unquam quisquam intelligens condignitatē & precium alicuius æstimauit. Variæ enim causæ sunt acceptationis: nec semper dignitas operis in eo qui accipitur spectatur. Sæpe sola misericordia mouet accipientem, ad aliquem acceptandum. Etsi autem scholastici multum laborant in hac ipsa condignitate stabilienda: tamen aliqui præiudicatis opinionibus *Scotus sen. 1. d. 17. q. 2.* magis quàm re duci uidentur: ut qui ea tuenda, fatentur Deum præmiare ex mera gratuita acceptatione diuina, & ex mera liberalitate. Quomodo in unum congruunt hæ sententiæ: an non posteriora uerba euertunt, quam priora constituere nituntur, condignitatem? Neq; enim est mera liberalitas, nec mera gratuita acceptatio, ubi est aliquis respectus dignitatis meriti. Suprà etiam ex Polonica synodo ostensum est, præmia dari à Deo hominibus, & ex promisso liberali, & ex dignitate præter omne meritum. An uerò & hæc non discrepant prorsus à condignitate: an ubi nullum est meritum, ibi est meriti condignitas? Superest ut de pacto loquamur: cuius formulæ etsi multæ ex scriptis diuinis proferri possunt, tamen quia omnes eodē ferè pertinent, sit hæc ex multis una: Si uis in uitam ingredi, ⁶⁶serua mandata. Quibus uerbis pollicetur nobis Deus uitā immortalem, ⁶⁶sed hac lege pacta, ut exequamur mandata. Quis porro exequitur ea, nisi qui præstat omnia quæ lege præcepta sunt? Qui enim legem

^{Iac. 2.} legem totam obseruet, & in una delinquat, omnium reus esse iudi-
^{Gal. 3.} catur: Qui non præstet omnia quæ in libro legis scripta sunt, exe-
^{Deut. 27.} crabilis esse pronuntiatur. Iam mihi dari aliquem uelim, qui ad eum
 modum madata Dei exhauserit, ut nullius unquam fuerit uiolator:
 qui audeat dicere, se peccatum non habere: qui non opus habeat pe-
 tere à Deo peccati remissionem: cui non sit necesse cum Dauide cla-
^{August. serm. 49. de tēpore.} mare, Ne intres in iudicium cum seruo tuo Domine: hoc est (ut Au-
 gustinus interpretatur) ne stes tecum in iudicio, exigēdo à me om-
 nia quæ præcepisti, & omnia quæ iussisti. Nam me inuenies reum,
 si in iudicium tecum intraueris. Quod si talis nemo detur, qui con-
 ditionibus stet à Deo latis, ijs qui ingredi uelint in uitā: quomodo
 tandem ex conuentione seu pacto condignitas precium ue stabit,
 merito sanctorum uitæ illius respectu? Non enim uerbis hæc con-
 dignitas, hocq; precium constituendum est, sed re: hoc est, propo-
 sitis cōditionibus explendis: quæ ubi desunt, quomodo condigni-
 tas cōsistet? Ad summam, cardo rei in eo mihi uerti uidetur. Qui
 tot quasi aciebus dimicant pro ista cōdignitate, ostendant primum,
 hominem regeneratum legi pacte stare. Si faciunt, uicerunt. Erecta
 est condignitas, non quidem ex reali (sic enim in scholis loquuntur)
 & intrinseca cōæquatione operis cum uita æterna (nam finiti ad in-
 finitum nulla est proportio) sed ex pacto. Ita enim pacto conuenit,
 ut qui uelit ingredi in uitā, seruet mandata. Sin minus, cur non mit-
 tunt certamina ista nec utilia, nec honesta, de re quæ nusquam est?
 Vbi enim, fundamento deficiente, fundabunt cōdignitatem ex pa-
 cto? Quod si à pacto transultēt uel in gratiam, uel in quiduis aliud,
 hoc quidem inconstantia fuerit. Verum & huius condignitatis ra-
 tiones iam sunt cōfutatae. De gratia etiam supra est ostensum, Pau-
 lum eos alloqui, qui gratiam Dei obtineant: quorum tamen passio-
 nes uita coelesti cōdignas esse negat. Mirum uerò, sophistas, quod
 à Paulo disertè explosum esset, id eos confingere ausos esse. Non sa-
 tis scilicet est seruo inutili, qui quod facere debuerit, fecerit, dicere
 congruum esse ut ei merces pro benignitate patrisfamiliās tribua-
 tur: nisi hoc addat, opera sua digna esse & æqualia præmio immor-
 tali. Quid igitur impedit, quo minus orationem Pauli mutant, qua
 sic sanctos alloquantur: Vos qui spiritum Dei habetis in uobis ha-
 bitantem, qui spiritus testimonium uobis tribuat, uos esse filios &
 hæredes patris coelestis, pergite in stadio operum Deo placentium
 decurrere: omnesq; dolores ac perturbationes, quas Deus in uos
 immittat, æquis animis tolerate. Etenim quæ patienda uobis sunt
 hoc tempore, ea condigna & paria sunt gloria coelesti, qua estis affi-
 ciendi. Quid ineptius eiusmodi oratione: qua cū debeas ærumnarū
 uim & acerbitatē extenuare, præ eo præmio quod sanctos maneat:
 tu illas augeas, amplifies, & mercedi præmia facias? Nos uerò ex-
 clusa

clusa dignitate ab operibus nostris, summittamus nos potenti Dei manui: ad promissiones diuinas, benignitatēq; largitoris nos conuertendo. Si quam dignitatem optamus, eam in Dei misericordia quæramus: si perfectionē, eam in miserationibus Domini perscrutemur: si gloriationem, eam ex cruce Domini nostri IESV CHRISTI petamus: qui factus est nobis à Deo sapiētia, iustitia, sanctitas, & liberatio: ut, quemadmodum scriptum est, qui gloriatur, in Domino gloriatur. Hæc de meritis nostrorum operum.

CAPUT XIII.

De officijs, quæ à nobis debentur sanctis.



ONSEQUENS est, ut de operibus dicamus, quibus sanctos & beatos homines demereri debeamus. quæ opera in disceptationem & questionem uocata sunt nostra tempestate. Quicquid enim membrīs corporis CHRISTI tribuimus, CHRISTO ipsi tribuere: quicquid adimimus, eidem adimere censemur: nimirum qui caput sit ipsorum, cui commissuris mirificis iungantur, à quo uegetentur & animentur: deniq; qui in CHRISTO sint, & CHRISTVS in ipsis, ea cōiunctione, ut ex carne & ossibus eius esse dicantur. Quod quidem ita esse, certissimū est. Sed tamen sunt nonnulla, quæ CHRISTO uerè & necessariò tribuantur: sanctis an perinde tribui debeant, haud sanè scio: ut peccata remittere, uiuificare, esse uiam perueniēdi ad patrem, esse ueritatem & uitam. Nos uerò hæc in præsentia omittamus. Loquamur autem de honore & precibus sanctorum. Quod ut distinctè fiat, dicamus primum de sanctis, qui has nobiscum terras incolunt. ac eos honorandos esse, auxiliū eorum implorandū, uota etiam & preces eorum pro alijs à Deo audiri, sanctæ literæ testantur his uerbis: Omnes honorate. Honore alius alium præuenite. Fratres orate pro nobis. Si quis fratrem suum peccatū non lethale cōmittere uiderit, is si Deum poscat, Deus illi uitam dabit, uidelicet peccantibus non lethaliter. Supplicate alius pro alio, ut sanemini. Multū ualet efficitq; uiri boni precatio. Huc pertinent exempla cū multa alia, tum illud Pauli, cui in summa maris tempestate Deum precanti, cōdonati sunt nauigantes omnes, quorum capita erant ducenta septuaginta sex. Igitur & preceptis & promissionibus diuinis, & exemplis, preces pro alijs sanctorum qui nobiscum uiuunt hanc mortalē uitam, commendari certum est. De sanctis etiam qui è uita excesserunt honorandis, pro certo ab omnibus docetur. An uerò fides eorū à nobis implorari debeat, de eo maiores nostri, qui religionem Christianam multis scriptorum monumentis celebrarunt, scrupulum & dubitationem nonnullam posteris inieciisse uidentur. Nam non solum di-

K

uersi

uersi diuersa prodiderunt, sed à quibusdam eorum diuersis in locis ea scripta sunt, unde cōtrariæ sententię colligi possint. Augustinus de sanctis inuocandis scribit multa: multa de auxilijs illorum commemorat. In concionibus ad populum, iubet ut omnes se commendent precibus illorum: nominatim etiã, diuo Stephano. Aliorum foelicitate celebrata, ita auxilia implorat: Vos qui meruistis confortes fieri supernorū ciuium, & perfrui æternæ claritatis gloria, orate pro me ad Dominum, ut educat me de carcere isto, in quo teneor captiuus & ligatus. Ac inter cæteros, beatum Foelicem Nolanum celebrat: eum à morte ciuibz suis apparuisse, cum auxilium illius, Nola à Barbaris obsidione cincta, implorarēt. Multa eiusmodi cūm ex Augustino, tum ex alijs probatis scriptoribus collecta sunt ab Hoffmeystero, in Locis cōmunibus. Contrā alijs ex eodem Augustino collegerūt, sanctos à morte non esse in illa beatitudine, in qua erunt cum dicetur eis, Venite benedicti patris mei: sed in requie diem Domini expectare, non eos curā pro uiuis habere: non, quid agant uiui, scire. Idē ex Esaia testimonio, cap. 63. Abraam nesciuit nos, & Isaac ignorauit nos. Hæc uerò si ad hunc modum ponerentur, an non prorsus euerteretur omnis inuocatio, & omnes preces sanctorum, qui ex hac uita migrarunt? Quid quod in sacris literis non rarò sancti dormire dicuntur? Quod cum de corpore uix dici queat: utpote quod in puluerem redactū, perijisse magis quàm dormire putandum sit: de animabus eorum intelligendū esse uidetur. At qui dormit, orare nequit. Est enim oratio uigilantiū, non somno oppressorum. Non dissimilia in aliorum scriptis, in utranq; partem legi possunt. Sunt etiam qui de sanctis loquendo, non quidē prorsus negant preces, sollicitudinem, & uota illorum pro nobis: quos sibi coniungi optent, in cœlestibus domicilijs. Veruntamē negant, uiuis necessitatem imponendam esse illos inuocandi. Vt cum Ambrosius sic inquit: Ideo ad regē per tribunos aut comites itur, quia homo utique est rex, & nescit quibus debeat Rempub. credere. ad Deum autem, quem utiq; nihil latet, omniū etiã merita nouit, ad promerendum suffragatore NON OPVS EST, sed mente deuota. Quod & Chrysostomus sic extulit: NON OPVS TIBI EST patronis apud Deum, neq; multo discursu ut blandiare eis: sed licet solus sis, patronoq; careas, & per teipsum Deum preceris, omnino tamē uoti compos eris. Neq; enim tam facile Deus annuit, cum alijs pro nobis orāt, ut cum ipsimet oramus, etiã si pluribus malis simus pleni. Quamobrem moderatē mihi & scienter Erasmus hanc sententiam sic tēperasse uidetur: Religiosi affectus est, credere sanctos non nihil apud Deum posse. At quibus diuersa sedit opinio, pura mente sinceraq; fide inuocēt Patrem, Filium, & Spiritum sanctum. Nec obturbēt odiosē ijs, qui citra superstitionē implorāt diuorum suffragia.

Ambrosius in
epist. ad Rom.
cap. 1.

Chrysost. ho-
mil. de profe-
ctu euang.
tom. 6.

Erasmus Ro-
terodamus.

suffragia. Vt enim nostra uota non sentiāt diuī: sentit tamen CHRIS-
 TVS, qui & amat simplices animas: etsi minus per sanctos, certē
 pro sanctis dabit nobis quæ petimus. Augustinus uerò sic: Tu *Augustinus de*
 tius, inquit, & iucundius loquor ad meū IESVM, quàm ad aliquem *Visita. inf. lib.*
 sanctorum spirituum Dei, plus debet mihi CHRISTVS, quàm ^{2. cap. 2.} *† alicui*
 quis cœlestium spirituum. Et hæc de sententia maiorū nostrorum,
 interpretum sacrorum Bibliorum, dicta sint. De sententia autem
 Bibliorum quid dicemus? Qui negant inuocationem sanctorum,
 multa ex nouo & ueteri Testamento afferunt de inuocatione Dei,
 & filij sui IESV CHRISTI. Qui confirmant, uix aliquid pro ea ex
 nouo Testamēto proferre possunt. Ex ueteri quidē proferunt mul-
 ta testimonia: sed quæ Pighius ad inuocationem negat esse referen-
 da. Sepe, inquit, in ueteri lege supplicabatur in memoriam patrum
 sanctorū, ut Moses pro idololatriæ aurei uituli: Recordare, inquit, "
 Domine Abraam, Isaac & Iacob, seruorū tuorum. Sic pueri in for- "
 nace ardentī: Ne auferas misericordiā tuam Domine à nobis, pro- "
 pter Abraam, Isaac & Iacob, seruos tuos. Et Ezechie Dominum ro- "
 ganti respondet Deus per prophetā: Protegam urbem hanc, & sal- "
 uabo eam, propter me, & propter Dauid seruum meum. Sed tunc "
 non implorabantur eorum suffragia: quia non erant cōiuncti cum
 Deo in gloria, sed ad reconciliationē usq; in certo loco erant. Nunc
 quia regnant cū CHRISTO, ideo eorū auxilia imploramus. Quod
 si uerum dicit Pighius, mirum est multos theologos abuti authorita-
 tibus ueteris Testamenti, ad confirmandam sanctorum inuocatio-
 nem. Eckius quidem multis testimonijs ueteris Testamenti addu-
 ctis, sic concludit: Si patres in limbo nondum clara diuinæ faciei ui-
 sione beati pro suis orabant, quanto magis sancti in æterna beatitu-
 dine, Deum facie ad faciem perpetuò cōtemplantes, credendi sunt
 orare pro nobis? Et tamē idem Eckius dicit, huiusmodi inuocatio-
 nem non præcipi in sacris Biblijs: non in ueteri Testamento, ubi po-
 pulus alioqui erat propensus in idololatriam, & patres erant in lim-
 bo nondum beati. Isa. 63, Abraam nesciuit nos, Israel ignorauit nos.
 Sub Euangelio etiam non erat præceptum, ne gentiles cōuersi cre-
 derent se iterum induci ad cultum terrigenarū: ut pro ueteri more
 sanctos nō ut patronos, sed ut deos adorassent: sicut Lycaoniæ Pau-
 lo & Barnabæ sacrificare uolebant. Porro si apostoli & euāgelistæ
 docuissent sanctos uenerādos, arrogantia datum eis fuisset: ac si illi
 post mortem gloriā illam quæsiuissent. Noluit ergo Spiritus san-
 ctus, expressis scripturis docere uenerationem sanctorum: sed eiuf-
 modi firmatos in fide docuit, per miracula & sanctorū auxilia, fusis
 ad eos precibus illos uenerādos. Hactenus Eckij uerba. Quæ si ac-
 curatius expēdas, non ab re mireris, eum prius dixisse, patres in lim-
 bo pro suis orasse: deinde ex sentētia Esaie pronūciare, Abraamum
 nesciuisse

*Eckius in Lo-
cis com.*

nesciuisse nos, Israellem ignorasse nos. Quomodo enim aliquis pro eo orat, quem nesciat, quem ignoret? Quæ affert postea de propensione ueteris populi in idololatriâ, & de suspicionibus noui, si quid audiuiſſent de diuîs precibus uocandis: ut uera ſint, tamen non ſatis explicant quæſtionem. Quid enim, ſi quis non factæ mentionis de inuocandis diuîs, illas præterea afferat cauſas quæ uulgò narrantur? Quòd ſi uerè Eckius dicit, non eſſe præceptâ in ſacris literis inuocationem ſanctorû, nec ueteri nec nouo populo: an non inde cõſequens eſt, non eſſe illam ipſam inuocationē neceſſariâ, quæ præcepta nō ſit? Certè quæ audiuit filius Dei à patre ſuo, ea dicit ſe omnia annuſciatſſe nobis. Quæ igitur non annuſciatuit, ea nec à patre audiuit. Qua igitur lege imponet populo Dei neceſſitas eius rei, quæ nec à patre cõleſti audita eſt, nec à filio ſuo annuſciata? Hæc enim cõſequentia ſunt eorû quæ ſumpta ſunt ab Eckio: ut his cõceſſis, & illa cõcedi ſit neceſſe. Quod autē Eckius addit de auxilijs & miraculis ſanctorû, non eſt eiufmodi, ut inde debeat aliquod dogma ſtatui in Eccleſia Dei: in qua qui loquitur, loqui debet (ut Petrus inquit) diuina oracula. Extra quæ, propheta deorû ignotorum cultû ſuadens, etiã ſi ſigna & portēta prædicat, quæ eueniāt, iubetur tamen occidit. Surrecturos autem tales, qui ſigna & prodigia daturi eſſent, ut etiã electos (ſi fieri poſſet) in errorem inducāt, CHRISTVS olim prædixit: atq; ut ab illis caueremus, admonuit. Nota ſunt & illa, ſatanam ſolere ſe transformare in angelû lucis: & ſpiritus probandos eſſe, num ex Deo ſint. Vnde uerò certius argumentû ſpirituum capere poſſumus, quàm ex eloquijs Dei? Cum igitur multi ſint ita inſtituti, ut in cauſis religionis acquieſcere nulla in re poſſint, cuius demonſtrationē habere non queant ex diuinis eloquijs: par fuerit, ut ſanctorû inuocatio aut autoritatibus Bibliorum cõfirmanda ſit, clariſ & certis: aut arbitrio cuiuſque permittenda, nec quiſquam ad eam cogendus: ſitq; de earum quæſtionum numero, in quibus cuique ſenſu ſuo abundare liceat. Hæc de officijs, quibus ſanctos proſequi debeamus. Sequitur, ut de ſacramentis dicendum ſit.

CAPUT XIII.

De ſacramentis.



ON tantum in doctrina tradenda, ſed in procurandis ceremonijs ac ſacris myſterijs, gubernatio eccleſiarum & ſalus piorum hominû poſita eſt. Ideo de his ipſis myſterijs, quæ Sacramenta uocātur, dicamus: de quibus alij copioſe ſcripſerunt. In libro etiã confeſſionis fidei catholicæ in Petricouienſi ſynodo editæ, non tantum ex ſacris Biblijs, ſed ex ueterum autoritatibus, diligentiffimè hic totus locus tractatus eſt. Nos, ne idem repetamus,

tamus, breuiiores erimus. Quid ex sanctis scripturis colligi possit, indicabimus: simul eorum sententias, qui nostra tempestate de his aliter differere coeperunt, indicabimus: ut quibus hæc ignota sint, ante tempus Concilij dispiciant, quid in Ecclesia tandem ferri, quid prorsus tolli debeat. Incipiamus autem à definitione. Sacramentum aiunt esse, sacrę rei signum. Quę quidem definitio si recipiatur, excludentur ex sacramentorum numero omnia quę signa non sunt, sed res: ut orationes, elemosynę, preces, ieiunia. Quę etiam si promissionibus ornata sint coelestium præmiorum, tamen magis sunt dicēda uirtutes, aut opera Christiani hominis, quàm signa. Rursus retenta signi ratione, nec ad definitionē, quam recitauimus, ulla additione facta, non tantum quę uulgò septem numerantur sacramenta erūt: sed alia multo plura, ut cruces, gestus, & uestitus, quibus sacerdotes in sacris utantur. Itaq; Petrus Lombardus, ut discedat ab illa pluralitate, & ad certum numerum reuocet sacramenta, dicit sacramentum propriè esse id quod ita signum est gratiæ Dei, & inuisibilis gratiæ uisibilis forma, ut ipsius imaginē gerat, & causa existat. Et si aut numeret Lombardus sacramēta septem, ea quę etiamnum pro sacramentis habentur: tamen negādo postea, matrimonio conferri gratiam, sed illud in remediū tantum esse contra peccatum, uidetur etiam negare cōiugium propriè sacramentū dici debere. Cui enim non cōuenit definitio, ei nec res definita cōuenire potest. Itaq; & Erasmus affirmat, tēporibus Hieronymi matrimoniū non fuisse numeratum inter sacramenta: & ante hunc Durandus, negauit matrimonium numerum obtinere sacramentorum, quę sic propriè uocentur. Non est, inquit, matrimonium unitōcē sacramentum, sicut *Durand. 4. d.* alia sacramenta nouę legis. Nam nec confert gratiam non habenti, *26. q. 3.* nec auget eam prius habenti. Et paulo post concludendo dicit, non esse sacramentū strictè & propriè dictum, sed largo modo: quia est signum coniunctionis CHRISTI cum Ecclesia. Ambrosius accuratè de sacramentis scripsit, sicq; librū suum orsus est: De sacramentis, quę accepistis, sermonem adior. Significat his uerbis, sermonem de sacramentis, quem prius uoce tradidisset, se scriptis committere uelle. Scripsit autem sex libros, nec tamen sacramenta numerauit: nec ullius, præterquam baptismi, & corporis ac sanguinis Domini, mentionem fecit. Quod mihi argumento est, non omnibus usitatum fuisse, ut ad eum modū, quo hodie, numerarent sacramenta. Vbi enim magis appositè, magisq; necessariò id facere debebat, quàm in ijs libris, quibus non obiter, sed ex professo materiā sacramentorum explicandam suscepit? Non puto sanctum uirum obliuione aut ignorantia id prætermisisse: sed fortasse numerus iste tum nondum erat receptus. Hodie tamen multi contendunt, usitatū numerum septenariū retinendum esse: utq; uulgò receptis sacramētis

eum accommodent, hanc constituunt definitionem: Sacramentum est signum efficax, à Deo ad hoc institutū, ut significet in nobis certum quendam diuinæ operationis & gratiæ effectum: qui illis nunquam deest, nisi quid desit aut obsit in ijs qui utuntur eisdem. Hanc definitionem totidem uerbis Pighius recitat: eamq; baptismo, confirmationi, absolutioni, eucharistiæ, ordini, matrimonio, unctioni conuenire omnino ostēdit. Nam etsi non omnibus istis gratia peccatorum nobis offeratur: offeruntur tamen aliæ gratiæ, quas multiplices esse testatur Paulus cū alibi, tum 1. Cor. 13. Quamobrem Pighius reprehendit Euangelicos, qui aliam definitionem composuerint: ac gratiæ, quæ sacramentis cōferatur, nomine, solam remissionem peccatorū intelligi uelint: cūq; matrimoniū, confirmatio, & id genus alia, non ad gratiā remissionis peccatorū instituta sint, ea in sacramentis numerari nolint. Veruntamen multi Euangelicorum ad eum sensum, ut dixit Pighius, multa numerant in sacramentis: nec matrimonium hoc numero excludunt, nec cōfirmationem, nec ordinem sacrum, quod Philippus Melanchthon planè & dilucidè scribit in libro Locorum cōmuniū: & M. Bucerus in libro de Ratione optima componendæ religionis: Impositione, inquit, manuum, cum homines (percepto catechismo, & facta fidei suæ professione) in Christianismo confirmantur, debent intelligere & credere, se accipere Spiritum sanctum, quò in uia salutis perseverare & progredi queant. Qui uerò eadē cerimonia impositionis manuum sacris deputatur muneribus, sciant se donari eodem Spiritu sancto, quò CHRISTO in Ecclesia ritè & fructuosè deseruiant. Ita qui eo signo à peccatis, quæ iam legitimè cōfessi sunt, absoluuntur, & Ecclesiæ cōciliantur, non dubitent se uinculis peccatorū liberari: CHRISTO in cœlis ratū habente, quod minister gerit in terris. Hactenus Bucerus. Quid igitur causæ est, dicat quis, cur aliàs, præter baptismum & coenam, in loco sacramentorū isti ipsi nihil habendum putent? Quia tum uerbo sacramēti notionem illam subiūciunt, ut pertineat ad eos ritus & ceremonias quæ diuinitus institutæ sint, ad testandam remissionem peccatorū, Christi q; cōmunionem cum illis qui eis piè utantur. Atq; hac ratione tres faciunt uniuscuiusq; sacramenti partes. Primam partem elementū uocant: quod sit signū corporeum & aspectabile, oculos nostros admonēs & erudiens de rebus inuisibilibus, quæ nobis diuinitus offerantur. Altera pars est uerbum Dei, quo (inquit Augustinus) ad elementū accedente, fiat sacramentum. incurrit autem uerbū in aures, quemadmodū elementum in oculos. Tertia pars est res ipsa, & elemento & uerbo repræsentata. hæc autem non iam sensibus, sed menti nostræ exhibetur: nempe ablutio à peccatis nostris: cōmuniō cum CHRISTO, merito, iustitia, omnibusq; bonis eius: salus, & uita æterna. Hæc uerò
tanta

tanta bona, fide esse percipiēda, diuina oracula testātur. Quam quidem fidem, seu partem sacramentorū, seu rem necessariā sacramentis facias, nihil ad rem interest. Illud satis est, fidem esse, qua mysteria sacramentorū percipiamus. Hac igitur ratione baptīsmus, & cœna Domini, sacramēta erūt, omnia enim illa quę diximus, in eis insunt. Et baptīsmus quidem, inquit Pighius, ablutionis à peccatis signum est. Eucharistia animæ nostræ cibū confert, & unionē cum CHRISTO. Alia quę numerātur, in hunc numerū uenire non possunt, uel ipso eodē Pighio teste, qui ait, Sacramento ordinis cōferri Spiritus sancti gratiā non iustificantē, sed energiam ad functiones officij in utilitatem Ecclesiæ, ut dicit CHRISTVS: Accipite Spiritū sanctum: quibus remiseritis peccata, eis remittētur. Matrimonio indissolubilem cōiunctionem uiri cum uxore: & diuinā gratiam, qua torus ille sit sanctus & immaculatus. Vnctione, sanantis diuinę gratiæ dulcedinem. Confirmationē signum esse inhabitationis Spiritus sancti, quo homines cōtra pericula cōfirmantur. Hęc Pighius, quem multi catholicorū sequuntur. Ex his perspicuum est, non rem esse quę controuersiā de numero sacramentorū inter partes faciat, sed uerbum, cui nō semper eadem sentētia subiecta sit: ac pro sentētiæ usurpatione ab alijs aliter sacramēta numerari, & ab ijsdem non semper eodem modo. Quoniā autem multi de singulis sacramētis scripserunt copiosissimē, nos quę ab alijs accepimus, breuiter & simplicissimē exponemus, ut quid in controuersia maneat, liquidō cognosci possit. Qui cōfirmationem sacramentorū numero expungunt, uisibiles Spiritus sancti gratias requirūt, quę impositione manuum ab Apostolis cōferebantur. Lucam narrare de Petro & Ioanne: illis orantibus, ac manus CHRISTI discipulis imponētibus, Spiritum sanctum in ipsos discipulos illapsum esse. Hacq̃ re Simonē magum excitatum, emere uoluisse potestātē illam, ut cui manus imponeret, is acciperet Spiritum sanctū. De Paulo autē Ephesijs Euangelium annunciante, sic: Et cum imposuisset illis manus Paulus, uenit Spiritus sanctus super eos: & loquebātur linguis, & prophetabant. Vt igitur (inquiunt) confirmatio Apostolis sacramentū esset, qui non nuda manuū impositione uterētur, sed cum hoc signo uisibiles uirtutes & gratias conferrent: quid hoc tandem ad nostra tēpora, cum gratiæ illæ cōferri desierunt? Quorsum enim signū, sine re signata? Hanc autem ipsam ceremoniā impositionis manuum, non ad aliud Spiritus sancti donum pertinuisse, quā ad illas mirabiles gratias, quas Spiritus sanctus principio nascentis Ecclesiæ, uisibiliter in populum suum effundebat: loca, quę citauimus, planē testari. De unctione, quę ab Apostolis adhibebatur ægrotis, idem affirmāt: eam tunc uiguisse, cum curationes, illustrandi & confirmādi Euangelij causa, uigebāt. Quibus cessantibus, quorsum signum usurpatur, cui

res si

Mar. 6. res signata nulla sublit? Marcum sic narrare de Apostolis: Vnge-
Ast. 28. 19. 5. bant oleo multos ægrotos, & sanabant. Verum non tantum oleo, sed
 impositione tum manuum, tum sudariorum, tum semicinctorum, tum
 umbræ cōtactu Apostolos sanasse, sacram historiā testari. ut qua ra-
 tione unctio olei constituat sacramentum, eadem & reliqua signa, qui-
 bus Apostoli utebatur sanandis ægrotis. Nec ego uideo, si ad hæc
 Apostolorum exempla tum cōfirmatio, tum unctio exigenda sint,
 quomodo ea hoc tempore in sacramētis numerari debeant. Nisi for-
 tē his ceremoniis aliud subest mysterij, quā uel gratiæ uisibiles, uel
 sanationes. quod quidem ita esse, ritus horum temporū indicant. Fe-
 rē enim ceremonia unctiois ijs adhibetur, quorū uita desperatur:
 ut magis esse uideatur quasi fausta quēdā precatio itineris, ijs qui ex
 hac uita in aliam migraturi sint, quā remediū ex morbo ad sanita-
 tem reuersuris. Sed his de rebus alij copiosius scripserūt. Imposi-
1. Tim. 4. tionem manuum olim facultatē Euangelij annunciādī, & sacramenta
 administrādī dari solitam, puto significari illis uerbis Pauli: Ne ne-
 glexeris gratiam, quæ data est tibi per prophetiā, cum impositione
 manuum sacerdotij. Quod si olim sacramentū erat, nunc quoq; sa-
 cramentum esse necesse est. Nam & signū, & res signata, eadem est
 quæ olim fuerat. De matrimonio iam diximus. Dicamus de re-
 liquis, quibus offertur nobis meritū passionis CHRISTI, remissio
 peccatorum, cōmunio corporis & sanguinis eius. Hæc in ueteri Ec-
 clesia numerabatur duo, circumcisio & agnus paschalis. In noua, ut
 iam diximus, duo itidē numerantur, Baptismus & Coena Domini.
 His nonnulli addunt Absolutionē, non immeritō quidem, mea sen-
 tentia. nam est signum remissionis peccatorum, præclara pollicita-
 tione ipsis Apostolis cōmendatum: Quibus remisistis peccata, ijs
 remissa sunt. Quod si in ueteri Ecclesia purificationes erant, quæ suā
 illi populo mundiciem exponebant: & lauacrum pollicebatur, quo
 sordes eorū purgarentur: certē in nostris ecclesijs absolutio purga-
 tionem nobis offert sordium & iniquitatum nostrorū omnium, Chri-
 stumq; nobis ostēdit fontem & causam eiusmodi purgationis. Esse
 autem sacramenta Israelitarū cum nostris diuersa quidem signis ac
 ceremoniis exterioribus, at mysterijs eadem, multis uerū & certum
Col. 2. esse uidetur. Idq; à Paulo planē significatū, cum & nos circumcisos
1. Cor. 10. esse dicit, & patres baptizatos: eandemq; illos escam comedisse, po-
 tum eundem spiritualē bibisse. bibisse autem de petra, quæ eos comi-
 tabatur, spirituali: hancq; CHRISTVM ipsum fuisse. Nec uerō Pau-
 lus ignorabat elemēta diuersa, ritum quoq; aliū, & ceremonias alias
 fuisse Israelitarū comedendi & bibēdi, quā nostras. sed quod eun-
 dem cibum & eundem potum dicit, ad uim & efficaciam respexit: in
 qua rei summa magis posita sit, quā in exterioribus signis. Quam-
Gen. 17. obrem ut circumcisioni promissio addita erat (Ero Deus tibi, & se-
 mini

mini tuo post te in sempiternum) ita baptismo additur, Qui credi-
 derit, & baptizatus fuerit, saluus erit. Vtrobique est promissio mise-
 ricordiae Domini, & uitae aeternae. Non minusque ad nos illam Dei
 promissionem Abrahamae factam pertinere, quam ad Israelitas, in eo quo-
 que significari, quod secundum Isaac filium simus promissionis: & non Galat. 4.
 aliud nobis regnum coelorum promittatur, quam illud, ubi recum- Matth. 8.
 bimus cum Abraam, Isaac & Iacob. Eodem modo de Coena Do-
 minica nostra & ueterum, figuris ei respondentibus, dicendum est. Quas
 quidem figuras non semper easdem, sed pro temporum ratione diuer-
 sas fuisse, sacra testatur historia, ut manna de coelo delapsa, aqua ex pe-
 tra profluens, agnus memorialis transitus ex Aegypto. Haec autem
 diuersitas Iudaeos admonebat, ne quid fiderent figuris, quae perpe-
 tuae non essent: sed aliquid firmiter expectarent, cuius finis nullus es-
 set. Nobis uero unum est sacramentum corporis & sanguinis Domi-
 ni, non amplius mutandum. Iam enim CHRISTVS reuelatus est,
 post quem signorum mutatio expectanda non est. De manna, petra,
 & agno paschali, in ueteri historia luculenter scribitur. De coena ue-
 ro Domini in noua sic nobis mandatur: Accipite, comedite, hoc est
 corpus meum: Bibite, hoc est sanguis meus. Quibus uerbis aperte
 significatur, dari nobis in hoc sacramento corpus CHRISTI, & san-
 guinem CHRISTI, quemadmodum & Paulus sic testatur: Panis quem
 frangimus, nonne communicatio corporis CHRISTI est? Poculum
 cui benedicimus, nonne communicatio sanguinis CHRISTI est?

CAPUT XV.

*De modo essendi & manducandi corporis CHRISTI, in
 sacramento coenae Domini.*



MAGNAE disputationes exortae sunt de his ipsis uer-
 bis CHRISTI, dum modum existentiae corporis &
 sanguinis CHRISTI in sacramento constituere ni-
 tuntur: alijs substantialē praesentiam affirmantibus,
 alijs negantibus. Multis autem uiris eruditis ac pijs
 hominibus haec disputatio inutilis esse uidetur: plus
 eam turbari, quam fructus inuexisse in Ecclesiam Dei. Melius esse in
 uerbis CHRISTI resistere: corpus & sanguinem CHRISTI (quod
 uerba ipsius palam indicant) nobis dari credere, quam in quaestiones
 spinosas de modo essendi descendere: quae nec ex uerbis CHRISTI
 facile possint definiri, nec ullam conscientijs afferant consolationem.
 Magnū esse, dari nobis meritum passionis CHRISTI, gloriam resurre-
 ctionis eius, innocentiam, iustitiam, sanctitatem in corpore & sanguine
 ipsius, dum hoc sacramento participamus. Haec multo maiora esse,
 quam si inter nos CHRISTVM naturali eius existentia conspicerem-
 us. Quid enim, inquit, profuit Iudaeis impijs, quid pharisaeis cae-
 cis, CHRISTVM in medio illorum uersatum esse? manserunt in impie-

L tate

tate & cæcitate sua: quia cum eis meritum, iustitiam & sanctitatem suam CHRISTVS minimè cōmunicauit. Ipsa uirgo Maria, intra uiscera sua CHRISTI naturalē substantiā habuit: quæ quidem omnium mulierum beatissima, ore omnium meritò prædicatur. Quãobrem?

» Ipsamet sic respōdet: Quia respexit humilitatē ancillæ suæ, unde ex hoc beatā me dicent omnes generationes. CHRISTVS etiā mulierī ex turba clamāti, beatum esse uentrem qui illum portasset, respōdet

» his uerbis: Imò beati qui uerbū Dei & audiūt & cōseruant. Beatitudinem ad auditores uerbi Dei, & factores transfert; de uentre qui illum portasset, cōticet. In eo item sermone quem de cibo carnis suæ, uitam æternā dante, instituit: cum quidam ob carnalē manducationem, durum CHRISTI sermonem, & auditu abominandū dicerēt,

» CHRISTVS respōdet: Spiritū esse qui uiuificet, carnē non prodesse

» quicūq; uerba quæ ad eos dixisset, spiritū & uitam esse. Cum autem eo in loco de manducāda carne sua loquatur, uidetur & hæc uerba ad hunc modū interpretanda esse: Carnē manducatā non prodesse: spiritum esse qui prosit, animet, uiuificet. Ad hæc CHRISTVS ipse, etiam si mittens apostolos ad doctrinā orbi diuulgandū, promiserit se fore omnibus diebus cum illis, ad consummationē usq; seculi: nihilominus cum de abitione sua ad patrē loquitur, utiliorē hanc nobis fore dicit, quā presentiam corporalē. Scio quosdam ascensum CHRISTI in cœlū ita interpretari, ut illud cœlū corda piorū hominum esse intelligāt, quod ut non inscitè dicatur (uerum est enim, regnum Dei intra nos esse) tamen historia, dum loquitur de hac ipsa ascensione, apertè indicat CHRISTI transitū ex loco infero ad superum. Quod illis uerbis palām indicatur: Sublatis in altū manibus,

» recessit ab eis, ac ferebatur in cœlū: sursum assumptus est: in altum sublatus est, & nubes subduxit illū ab oculis eorū, & quæ sequuntur.

De corporali igitur profectioe ad cœlum hoc corporale, quod supra nos cernimus, historia ascensionis accipiēda est. Cuius utilitatem ipsemet CHRISTVS suæ præsentiaē corporali præfert hisce uerbis:

» Expedit uobis ut ego uadā. Si enim non abiero, consolator ille non ueniet ad uos: sin autē abiero, mittā eum ad uos. Quod si tantus est fructus abitionis CHRISTI à nobis, ut sine ea cōsolator spiritus ad nos, cum donis suis, quibus Ecclesiā plantat, ornat & auget, uenturus nō esset: ille inquā spiritus, quē qui non habet, hic nō est Christi: qui habet, est filius Dei: si inquam hic est fructus corporalis abitus, quid adhuc tāta digladiationē rixamur de Christi existētia substantiali? cum hac nō posita, tot & tāta cōmoda ad nos perueniāt, quanta nullius lingua pro dignitate explicare potest. Hæc & eiusmodi alia multa proferuntur ab ijs, quibus disputatio hæc de CHRISTI naturali subsistentia inutilis esse uidet. Nos uerò simpliciter dicamus, in cœna omnino exhiberi corpus & sanguinē CHRISTI. Ipse enim dicit:

dicit: Accipite, comedite, hoc est corpus meum: Bibite, hoc est san-
 guis meus. Credo igitur accipi & comedi corpus Christi, propter
 uerbum eius qui me fallere nequit. De modo essendi, qui uerbo defi-
 nitus non est, sollicitus esse nolo. Credo quoque, ipsum Christum de uir-
 gine natum esse opera Spiritus sancti: de modo nascendi inquirere, non
 est meum. Credo eundem à morte reuixisse, & nos omnes suo tempore
 reuicturos Dei uirtute: modum reuiuiscendi inuestigare nolo, nam res
 non est facultatis meae. Et tamen ut natiuitatis & resurrectionis fru-
 ctus ad me peruenit: ita corporis & sanguinis CHRISTI, etiamsi ho-
 rum modum essendi in sacramento intelligētia mea non assequar, fru-
 ctus, & (ut Paulus loquitur) communio ad me redundat. Verē enim
 comunicat nobiscum CHRISTVS corpus & sanguinem suum, nos unum
 secum efficiendo: ac in societate uitae suae, iustitiae, sanctitatis, ac bono-
 rum omnium nos sibi adiungendo. Quod si de ratione manducandi
 quaeratur, ea distinguenda uidetur pro ratione eorum, quibus sacra-
 mentum hoc constat. Nam si de signis questio fiat, ea ore corporis sumi
 uidemus. Si de rebus sacris, hoc est ipso corpore & sanguine CHRI-
 STI, ea carnali ore accipi non posse, multis est uisum: propterea quod
 quae ore carnali sumantur, ea & dentibus manduntur ac molliuntur, &
 in uentrem demittuntur: partimque in naturam eorum qui uescuntur tran-
 seunt, partim foras eiciuntur. quae quidem omnia rerum sunt intereun-
 tiū, & in nihilum occidentium: corpori Christi, ab omni interitu remo-
 tissimo, competere non possunt. Neque igitur ei competet manducatio oris
 carnalis, sed omnino oris fidei. De qua scite mihi sic Augustinus di-
 xisse uidetur: Quid paras dentes & uentrem? Crede, & manducaſti.
 Non sine causa autem multi putant, hanc ipsam manducationem à Chri-
 sto commendatam esse in sermone illo à Ioanne cap. 6. conscripto: Nisi
 ederitis carnem filii hominis, & biberitis eius sanguinem, non habebitis
 uitam in uobis. Qui edit meam carnem, & bibit meum sanguinem, habet uitam
 aeternam. Vocatur autem haec manducatio & bibitio spiritualis: quam non
 nulli idem esse dicunt quod fide, propterea quod uitam aeternam, quam Chri-
 stus manducantibus & bibentibus pollicetur, eandem credentibus, eodem
 in sermone promittit his uerbis: Haec est uoluntas patris, ut omnis
 qui uidet filium, & credit in eum, habeat uitam aeternam. Et, Qui confidit mi-
 hi, habet uitam aeternam. Et paulo antea dixit: Qui uenit ad me, non esu-
 riet: & qui credit in me, non sitiet unquam. Quid est hoc, non sitire eum
 qui credat? Potius dixisset: Qui bibit me, non sitiet. Extinguit enim
 sitis bibendo, non credendo. Verum quia bibendi rationem fide constare,
 ostendere uoluit, unum pro alio posuit. Sunt tamen qui hanc ipsam spi-
 ritualē manducationem non idem cum fide, sed fidei potius effectum esse
 statuunt. Neque enim satis esse, si fide CHRISTVM ita complectamur, ut
 eum quomodolibet aspiciamus, sed ut intra nos manentem sentiamus.
 Id significari tum nomine (quo se CHRISTVS appellauit) panis, qui

neminem pascat conspectus, sed intra uiscera immissus: tum uerbis manducandi ac bibendi, quibus non tantum ea notio subest, cibum & potum fide complectendum esse, sed in intima praecordia recipiendum. Quamobrem ut manducatio carnalis est, cum cibum ore carnis intra uiscera ita sumimus, ut inde uitam naturalem uiuamus: ita spiritalis, de qua loquimur, est, cum Christum mente & animo ita intra nos accipimus, ut inde animus noster alatur & uegetetur in uitam spirituales: sitque caro nostra ex eius carne, os ex ossibus. Sic enim uere communio nem cum carne & sanguine ipsius habebimus, cum non tantum iustitia, sanctitate, & bonis eius participabimus: sed corpore ipsius pro nobis tradito pasci, & sanguine pro nobis fuso poteri erimus. Haec de manducatione spiritali: cuius prius homines participes esse possunt, impii non possunt. Qui enim pascitur Christi carne, manet in Christo, & Christus in ipso: est Christi membrum, agitur spiritu Christi. Cum autem impii a satana occupatis id nullo modo congruat, manducationis huius capaces esse nequeunt. Itaque si manducant, sacramentaliter tantum manducant. sicut inquit Augustinus, de Iuda, eum manducasse panem Domini, non Dominum. Hocque est uel praecipuum discrimen inter spirituales & corporales manducationes, quod illa solis prius attribuitur, haec etiam impiis contingat, Paulo sic attestante: Qui ederit panem hunc, aut biberit de poculo Domini indignè, reus erit ob corpus & sanguinem Domini. Qui edit aut bibit indignè, iudicium sibi edit & bibit. Ex quo perspicuum est, sacramentalem manducationem, si spiritalis ad eam non accesserit, noxiam esse utentibus: si accesserit, incredibiles, ut diximus, eam adferre utilitates. Etsi autem concilio CHRISTI, quam Ioannes cap. 6. diuine descripsit, de spiritali manducatione in primis intelligenda sit: tamen & ad sacramentalem eam accommodari posse, uerba illa indicant: Panis quem ego dabo, caro mea est, quam ego dabo pro mundi uita. Quibus uerbis quid aliud promittitur, quam quod offertur & exhibetur istis: Hoc est corpus meum, quod pro uobis traditur: Illic dicitur, Panis quem ego dabo, caro mea est: hic, Hoc est corpus meum. Vtrobique fit mentio carnis, seu corporis: illic quidem, pro mundi uita dandi: hic, pro nobis tradendi. Cum igitur utrisque uerbis CHRISTVS redemptionem nostri nobis promittat per corpus suum, quod in cibum nobis offert: in concione autem a Ioanne descripta, spiritalis manducatio a nobis exigatur: certe & in coena eadem non minus exigatur: nec quicquam coena addit ultra id quod a Ioanne descriptum est, praeter manducationem sacramentalem. Haecque causa plerisque uisa est, quamobrem a Ioanne coenae institutio omissa sit, quod de ea satis dixerit cap. 6. Parum enim probabiliter nonnulli dicunt, ideo omissam esse, quod ab alijs copiose descripta sit. nam eadem ratione historiam passionis CHRISTI scribere supersedisset. Quod si quis contendat, manducationem sacramentalem minimè esse necessariam, cum ex spiritali fructus omnis uitae immor-

immortalis proueniat: respōsum est in promptu, Deū non tantū rebus inuisibilibus, sed & uisibilibus cōmendare nobis uoluisse sua beneficia. Itaq; & eunuchū iam credentē, uerboq; Dei ad salutē eruditum, & Corneliū cum omnibus domesticis ad Petri predicationem iam spiritu sancto donatū, aqua baptizari uoluit. Ad eum modum, cum res corporis & sanguinis CHRISTI offeratur nobis, unā cum panis & poculi Dñi exhibitōe, percipiēda sunt dona hęc, quib. Dominus nō ludit nos, sed uerē prestat, qđ uerbis porrigit & exhibet.

CAPUT XVI.

De modo transubstantiandi panis & uini in corpus & sanguinem Christi.



TQVE ad hunc modum mysterio coenae Domini explicato, quod uocāt rem signatā sacramēti: de signo quoq; dicendū est, quod nō omnib. idem esse uidetur. Alij panē & uinū, alij species panis & uini signa esse dicūt coenae Dominicæ. Quæ & ipsa cōtrouersia intricatior est, q̃ utilior. Paulus quidem

certē, etiā post benedictionē, panis appellatione utitur, his uerbis: Panis quem frāgimus, nō ne cōmunicatio corporis Christi est: Probet seipsum homo, & sic de pane illo edat. Qui māducauerit panem hunc, & biberit calicē Domini indignē, &c. CHRISTVS etiā de pane qui esset corpus suū, sic loquitur: Panis quē ego dabo, caro mea est. Nō ignoro, multos ueterū facere mentionē cōuersionis panis in corpus Christi, & uini in sanguinē. quorū uerba citātur à Lōbar. do & Gratiano. Clarissima aut uidētur esse illa Ambrosij, quib. multum nitūtur doctores scholastici: Panis est in altari usitatus ante uerba sacramentorū, ubi accessit cōsecratio, de pane fit caro Christi. Et paulo post: Sic quod erat panis ante cōsecrationē, iam corpus Christi est post consecrationē. quia sermo Christi creaturā mutat: & sic ex pane fit corpus Christi. Neq; ego negare sustineo, hanc esse uerborū Ambrosij sententiā, quam prę se ferūt. Toto enim canone, qui incipit, Reuera mirabile, exēpla colligit, quib. persuadere uult, possibile esse Deo conuersionē rerū aliquarū in alias. Ac tandem concludens ait: Sermo igitur Christi, qui potuit ex nihilo facere quod non erat, nō potest ea quę sunt, in id mutare quod nō erāt. Hęc ille. Verū si autoritatib. magnorū uirorū remotis, spectemus rem ipsam, diuersam sanē rationē uidebimus enunciationū quæ simpliciter dicant esse, & earū quæ dicāt esse cum adiūctione modi alicuius. Quis enim nō uidet, longissimū esse discrimē inter has duas, Petrus est albus, & Petrus est albus necessariō: quarū altera uera esse potest, altera omnino falsa est. Non nego, Deū ex Iuda Iscariote facere posse Simonē Ionaidā. at nego, Deū id unq; fecisse. Cōcesso igitur hoc antecedēte, Deū cōuvertere posse panē in corpus Christi: qua me ratione coges, ut cōcedā, Deū id fecisse? Iam si propter Ambrosij autori-

Sen. 4. d. 11.
De consec. d. 2.

c. Omnia quæ
cunq; uoluit.

tatem tollimus ex sacramēto panis substantiā, tollemus & figuram. Sic enim idē inquit: Licet figura panis & uini uideatur, nihil tamen aliud q̄ caro Christi & sanguis post consecrationem credendū est. Quod si autoritate hac dissimulata, retinendā putamus figuram, & alias panis qualitates: cur non & substantiā retinemus, alijs autoritatibus dissimulatis? Collegit Hoffmeysterus alias ueterū autoritates, qui in sermonib. de cœna Domini mentionē faciūt transubstantiationis, transelementationis, trāsmutationis. Quæ uerba ego ita interpretor, post benedictionē, panem esse ideo transmutatū, quia ex cōmuni pane factus sit sacer panis: qui amplius in usus profanos cōferri minimè debeat. Ceterū haud scio, an quis unq̄ transubstantiationis nomine intellexit panis desitionē illā, quæ est (ut scholastici theologi interpretātur) a simpliciter esse eius, ad simpliciter non esse eius. Sacramēta hæc sunt, & mysteria, de quibus loquimur. Nō igitur desitio, aut ulla mutatio naturalis, sed mystica, in eis cogitāda est: ut quod antē, cum de pistrino sumptum est, nihil aliud q̄ panis fuit: sit deinceps panis sacer, quo uerē exhibeatur res sacra. Timent multi, ne si pronomine H O C, demonstretur panis: admittere cogantur absurditatē illā, substantiā panis idem esse quod substantiā corporis Christi: uerū nihilo secius idem absurdū cōsequitur, si pronomine Hoc, demonstrēs accidentia panis & uini. Ita & accidentia tollenda essent, absurditatis uitādæ gratia, sicut substantia panis & uini tollitur. Quod si retinēda putas horū accidentia, cur non retineatur substantia, quæ fulcrū est accidentiū omniū? Scitū est illud, demonstrationem aliās sensui fieri, aliās intellectui: pro cuius ratione rem eandem, nō eodem semper modo tribui rei subiectæ. Cum aut in sacramento cœnæ, quemadmodū in ceteris, & signū adsit, & signatū, si pronomine Hoc demonstretur signū, prædicationem esse synecdochicā, dicendo, Hoc est corpus meū: si signatū, identicā (his enim uocabulis utūtur, qui his subtilitatib. delectātur) sensumq̄ hunc esse, Hoc ens, contentū sub isto signo sensibili, est corpus meū. Vtrumcūq; dicas, causa nō uidetur esse, cur panis & uini substantia adimēda sit ex hoc sacramēto. quod ex aliorū sacramentorū ratione ostendi potest. Non ne quod in memoriā trāsitus ex Aegypto præcipitur ludæis comedendum, est agnus? Et tamen de illo dicitur: Est enim phasē, id est trāsitus Domini. Nō ne, quo tingimur in remissionem peccatorū, est aqua? & tamē dicitur lauacrū regenerationis. Quod si hæc illis substantijs tribuūtur, sine illarū mutatione: quid opus est fingere mutationē uel desitionē panis, propterea quia de eo dicitur esse corpus Christi? Vrgeamus similitudines usitatas. Quemadmodum aquā corporis sordes abluuntur, ita baptismo maculæ animi. Tolle substantiā aquæ ex baptismo, quomodo constabit hæc similitudo? ita si sustuleris panis substantiā ex hoc sacramēto, quomodo simili-

similitudo hæc retinebitur: Sicut pane & uino aluntur corpora nostra, ita corpore & sanguine Christi animæ nostræ. Quod si huius sacramenti institutionē uideamus, CHRISTVS certē panem in manus accepit: de eo dixit, Hoc est corpus meū. Quem panem cum antea se daturum promisit, sic de eo dixit: Panis quem ego dabo, caro mea est. Ecce tibi eiusmodi prædicatio, uel Christo autore minimè absurda: Panis est caro mea. Quod & Augustinus sic: Quod uidistis, panis est, & calix: quod uobis etiā oculi uestri renunciāt. Quod aut fides uestra postulat instruenda, panis est corpus Christi, calix sanguis. Quorsum igitur ex media sophistria accersuntur mōstra illa prædicationū dictu infandarū? At transubstātiatio iam inde à concilio Lateranenſi firmiter in ecclesijs creditur. Scio. Sed eadem priori Ecclesiæ, autore Erasmo, ignota fuit. Olim, inquit, satis erat credere, corpus Domini adesse per cōsecrationem sacerdotis: post inuenta est transubstantiatio. Scotus dicit, philosophū pro maiore incōueniente habere, substantiā panis negādo, q̄ haberet de omnibus articulis, quos habemus de incarnatione. Addit etiā, mirū esse, quamobrem in hoc articulo, qui non est principalis articulus fidei, debeat talis intellectus asseri, propter quem fides pateat cōtemptui omnium sequentiū rationem. Et hæc dicit Scotus, argumentādo in eam partem, quæ asserit, cum Christi corpore adesse panē in eucharistia. Quæ argumenta soluit quidem, sed mirū quā frigide sint solutiones: quā illa inexplicabilia, quibus explicat transubstātiationem? Panis, inquit, desinit esse hic: & nō acquirit aliam præsentiam alibi. Panis quia non manet in esse substātiali, oportet q̄ desinat desitione, quæ est à simpliciter esse eius, ad simpliciter nō esse eius. Hæc si ita habent, uir acute, cur negas annihilationem? Quomodo enim non est nihil, quod præsentia nullibi habet? Quod si est nihil, quomodo non est annihilatū, cum prius aliquid esset? Excipis tu quidē, ad annihilationē requiri præterea, ut nihil succedat ei quod esse desit. Verū hæc nulla ratione fulciūtur. Nam finis huius desitionis est, non esse simpliciter. Panis igitur in nihilū recidit. at id sine annihilatione nullo modo intelligi potest. quemadmodū esse albū, sine dealbatione intelligi non potest, in eo quod prius non erat album. Quod uerò corpus Christi acquirit in sacramento esse hic, id minime excludit annihilationem panis: posita quidem eius desitione ad non esse simpliciter: quemadmodū generatio aquæ in materia quæ prius suberat igni, non excludit ignis corruptionē. Quot, dñi boni, quæstiones, quātis cum sudoribus excogitatæ sunt in circulis scholasticorū, inuenta ista transubstātiatione? Qua ignorata, ne quæstiones quidem illæ sciebātur ab hominibus pijs & doctis in prima Ecclesia. Quamobrem? Ingenio'ne, an studio, an donis cœlestibus minus præditi erāt? Atqui solertiā illorū in omni disciplina maiorem, studium

Augustinus in
serm. ad in-
fantes.

studium religionis ardentius, dona spiritus diuini ampliora in illis fuisse, monumenta illorū literis mādāta testātur. Quod si trāsubstantiatio ista minimē erat necessaria, quæ à prima Ecclesia cognoscere-
tur, cur hodie tanq̃ maximē necessaria urgetur? Certē in ea tot in-
sunt obscuritates, quot uix reperias in numeris Platoniciis. Primum
de panis prēsētia Scotus, mea sententiā, utitur argumentis firmissi-
mis: quibus opponit solutiones adeo debiles, ut nisi tāto sudore ac
labore conaretur persuadere, esse transubstantiationē, putarē eum
præuicatorē agere in hac causa. Durandus aut utraq̃ argumēta
soluit: & quibus negatur præsētia panis, & quibus eadem affirma-
tur. Ita Durandus in utranq̃ partem & affert rationes probabiles, &
easdem soluit: estq̃ ei hoc problema de eorū numero, quæ Dialecti-
ci uocāt neutra. Quamuis enim, inquit, modus iste de facto tenēdus
est, scilicet corpus Christi in sacramento altaris esse, cōuersa substan-
tia panis in ipsum: nō est tamen negandū, quin alius modus sit Deo
possibilis, uidelicet q̃ Deus posset facere, quod remanente substan-
tia panis, corpus Christi esset in hoc sacramento. Addit idem: Satis
durū est, & derogare uidetur immensitati diuinæ potentiæ, dicere
q̃ Deus non posset facere corpus suū esse in sacramento per alium
modū, q̃ per cōuersionem substantiæ panis in ipsum, & quæ sequun-
tur apud Durandū. Hæc de ipsa transubstantiatione. Deinde de
modo transubstantiādī, Thomas & Scotus negāt, esse panis annihila-
tionem, aut corruptionē. Durandus cōcedit uel annihilationē, uel
corruptionem. Huncq̃ cōuersionis modum substantiæ panis in cor-
pus Christi affirmat esse possibilem & intelligibilem: itaq̃ amplecten-
dum. alterū illū, quo & annihilatio & corruptio negatur, inintelligi-
bilem: itaq̃ respuendū. Præsertim cum neuter præ altero sit magis
uel approbatus ab Ecclesia, uel reprobatus. Difficultates fidei non
esse alijs difficultatibus cumulādas: sed potius omnes eius obscuri-
tates elucidādas. Postea de modis loquēdi disputāt. Ait Thomas,
cui subscribit Gabriel Byel, hanc falsam esse, Panis est corpus Chri-
sti: has ueras, Ex pane fit corpus Christi, De pane fit corpus Chri-
sti: si uidelicet De uel Ex, non circūstantiā materiæ, sed circūstan-
tiam ordinis designent. Cōtrā Durandus: Cum uerbo, inquit, essen-
di uel fiendi, propositiones aut non sunt ueræ, aut nō sunt propriæ.
ut si dicatur, Panis est corpus Christi, falsa est: quia panis nō est, seu
nō manet. Si aut dicatur, quod panis sit corpus Christi, uel ex pane
fit corpus Christi, falsæ sunt, uel ualde impropriæ: quia quod præ-
existit factioni, non fit per illam factionem. Sed corpus Christi præ-
existit cōuersioni panis in ipsum: ergo non fit ex pane cōuerso: nec
panis fit corpus, in quod cōuertitur. Quia in permanentibus quod
fit, quādo factū est, est: sed quādo panis est cōuersus in corpus Chri-
sti, non est uerum dicere, q̃ panis sit corpus Christi. Ergo in cōuer-
sione

sione non est uerum dicere, quòd panis fiat corpus Christi. Veruntamen quia sancti non semper obseruant proprietatem locutionis, ideo aliquæ de prædictis locutionibus inueniuntur dictæ à quibusdam sanctis, & maximè ab Ambrosio. Hactenus sententiæ magistrorum nostrorū. Quæ cum à me discendi causa legerentur, uideremq; non minus discordes esse, quàm aduocati Terentiani de Antiphonis nuptiis rogati discordant: exclamaui & ipse cum Demiphone, Incertior sum multo quàm dudū. Nisi quòd minore cum periculo incertus quis esse potest de rebus profanis, quàm sacris, quæ ad religionem pertineant. Quoniā aut uideo transubstantiationē nec inter religionis nostræ axiomata numerari, nec eam in sanctis literis nominatim haberi, nec ex ijs quæ expressè posita sunt, necessariò colligi posse: puto rem in cōcilio minimè prætermittendā. Cuius concilij potestas erit, de ea statuendi: quemadmodū olim à posterioribus cōcilijs priorum decreta emendata esse, autor est Augustinus. Hactenus de signo & signato sacramēti in cœna Domini instituti.

CAPUT XVII.

De adoratione CHRISTI in sacramento cœnæ: de circumlatione: de modo seruandi in sacrarijs.



ENIAMVS ad alia, quæ propria egent explicatione, & quæ hodie multorū hominū in disputatione uersant: ut de CHRISTI adoratione in sacramento cœnæ, de circumgestatione, & alijs id genus rebus. Quæ disputationes cognoscendæ sunt ijs, qui in cōcilio dicturi sunt sententias. Nemini aut ignota est doctrina, quæ traditur in ecclesijs nostris: sed quid alij doceāt, non est ignorandū. Multi uenerationē in eo sitā perhibent, ne quis, nisi prius se explorato, sumat: idq; in memoriā Domini. Cōuiuuium enim hoc commune non esse, nec uulgare: sed & Christianorū proprium, & nequaquā in uulgus celebrandū. Nemini itaq; illud inire licere, nisi qui prius se examinauerit atque explorauerit: ut bene sibi conscius, edat de pane illo, & de poculo bibat. Secus sumentes, indignè sumere: damnationem sibi sumere, ut qui de Domini corpore non rectè iudicent. De eadem re Erasmus sic scribit: Si in Ecclesia totus est CHRISTVS, cur non est adorandus? Nullū est sacramentum tam humile, cui non assistamus nudis capitibus, cum administratur: uelut in baptismo, in cōfirmatione paruulorū. Quid sentiūt igitur, qui putant idololatriā esse, si huic sacramento caput aperiāt, etiam si corpus & sanguis CHRISTI ibi sint in sacro signo? Addit & hæc: Quidam sibi ualde pī uidentur, si quoties sacerdos finit uidere corpus Domini, undiq; accurrāt, ac è proximo defixis oculis intueantur. Quāto religiosius erat, cum publicano, procul à cancellis abstinere: & corpore humi fuso, mente adorare crucifixū? Nullus est

M

tam sto-

tam stolidus, ut humanam Christi naturam adoret pro diuina, aut ut panem & uinū adoret pro Christo. Quoniā autem nemo certus est, an sacerdos uerē cōsecrauerit, prāter ipsum unū: nullus ibi adorat Christum, nisi sub tacita cōditione. Et ramen id quod in Christo propriē adoratur, nusq̃ non adest. Hæc ille. Pompas circumlationum & ostentationū sacramenti, maxima hominum celebritate ubiq̃ per orbem Christianū peragi, non ignoramus. Sed nunquid

Act. 7. » hæc cōgruunt cum diuinis illis sententijs? Excelsissimus ille non in

Esa. 66. » manufactis templis habitat, sicut propheta dicit: Coelū mihi sedes

» est, terra autem scabellū pedum meorū. Quam domum ædificabis mihi, dicit Dominus: aut quis locus requietionis meæ est? non ne manus mea hæc fecit omnia? Et hæc quidem Stephanus protomartyr.

Act. 17. » Paulus autem sic: Deus non in manufactis templis habitat, nec manibus humanis colitur, indigēs aliquo: cum ipse dederit omnibus uitam, & halitum per omnia. Erasmus item: CHRISTVS, inquit, in eo sacramento est sub ratione cibi ac potus, ut summa cum animi puritate sumatur: nō ut ostentet, aut in ludis publicisq̃ pompis circūferatur, aut in equo circum arua uehatur. Id nequaquā est ueteris exempli: sed in hoc, multitudinis affectui plus satis indultū est.

Ego uerō quid his autoritatibus addam, nihil habeo: sed hæc & similia uiris doctis diligenter esse animaduertenda censeo. Multis argumentis colligunt nōnulli uiri docti, morem seruandi corporis CHRISTI in sacrarijs, à ueteribus ad nos defluxisse, uel propter ægrotos, uel propter alias causas. Veruntamen haud scio, an hoc pro fidei articulo Ecclesiæ obtrudi non debeat. Nam ad omnem necessitatem uerbis solennibus à sacerdote prolatis, sacramentū cōficitur. Lucūdius autem, & ad consolandū accōmodatius, tum ægroto, tum cuius sacramentū expetenti esset, audire ex ore sacerdotis Christi institutionem, & conuiuij mystici cōfectionem. Quorsum igitur asseruari oporteret? Quot cautionibus & prouisionibus opus est, ut de mucore abigendo, de muriū corrosione auertēda, deq̃ id genus alijs? Hæc omnes cessarent, more consecrandi, cum usus esset, introducto: nec custodire & asseruare sacramentū opus esset. Multi persuasissimū habent, nihil nec de eucharistia, nec de alijs sacramentis constitui oportere, quā quod uerbo CHRISTI, qui autor sit illorum, comprehendatur. Atqui uerba omnia CHRISTI ad nos pertinere certū est. Non enim panis, non uini causa dicitur, Hoc est corpus meū, Hoc est sanguis meus: sed nostra. His porrō uerbis nō ne illa cōtinenter præposita sunt, Accipite, Comedite, Bibite? Quod si separanda non sunt quæ Deus cōiunxit, quomodo cōmunicationem separabimus ab eo pane qui est corpus Christi, & ab eo calice qui est sanguis Christi? Datur enim corpus, sed ut edat: datur sanguis, sed ut bibatur. Quorsum igitur seruabitur? quorsum circumferetur?

feretur: imò quid erit, si non ex præscripto CHRISTI accipietur, comedetur, bibetur? Non auderem hoc argumēto uti, nisi illud Origenes usurparet in Leuit. Hom. 5. cap. 7. his uerbis: Nam & Dominus panem quem discipulis dabat, & dicebat eis, Accipite, manducate: non distulit, nec seruari iussit in crastinū. Hoc fortasse mysterij cōtinetur etiā in eo, quòd panem non iubet portari in uia: ut semper recentes, quos intra te geras, uerbi Dei panes proferas. Sunt & illa uerba obseruanda Clementis, quæ Gratianus refert: Certè tanta in altario holocausta offeruntur, quanta populo sufficere debeant. Quòd si remāserint in crastinū, non referuentur: sed cum timore & tremore, clericorū diligentia, cōsumantur. Expendendum igitur & hoc est, ut quid Deo publicè statui debeat, antè cognoscatur.

De consecr. d.
2. c. Tribus.

CAPUT XVIII.

De sacrificio Missæ.



ESTAT dicere de sacrificio: de quo cōtrouersia talis mihi esse uidetur, ut si utrinq; scribentes uia & ratione procederent, magno sese labore colligendorum testimoniorū liberarent. Nunc testimonia innumera congeruntur: pugnatur à partibus acriter: definitio ac diuisio sacrificij à paucis tractatur:

à multo pluribus in totum omittitur: qua tamen posita, cessat cōtentio omnis. Quod nos ex sententia illorū, à quibus hæc accepimus, breuiter ostendemus. Sacrificiū esse definiunt, opus à Deo institutū, placandi illius, honoris uel illi exhibendi causa. Atq; hinc duas sacrificij formas cōstituunt: alterū uocant expiationis, quo expientur peccata nostra, satisq; Deo fiat pro culpa & pœna illorum: alterum laudis, seu gratiarū actionis, quod græcè eucharisticon appellant, ad agendas Deo gratias, pro illius beneficjs infinitis destinatum. Hoc sensu Psalmista uocat sacrificia iustitiæ, quæ cum fide & uera pietate fiant ab hominibus Deo recōciliatis: spiritū item contritum, cor contritū & humiliatū, ob acrem sensum peccati. ad hæc, hostiā laudis, & inuocationem nominis Dei: hoc est, studium benignitatis diuinæ celebrandæ, & laudibus prædicandæ. Ad summam, salutare sacrificium dicit esse Iesus Sirach, studere mādatis, ac discedere ab omni iniquitate. Augustinus uerò, omne opus bonū, Deo placitum, quod propter ipsum fit, & ad eum refertur, sacrificium dici scribit. An igitur missa est sacrificium? Qui id negant, de propitiatorio intelligūt: idq; solum & unicū fuisse mortem CHRISTI dicunt, quæ peccata nostra abluir, ac iustitiæ Dei pro nobis satisfecit. Quod sic apud Apostolum in epistola ad Hebræos: Semel oblatum est, ad exhaurienda multorū peccata. Vnica oblatione consummauit in perpetuū, eos qui sanctificātur. Vbi peccatorū remissio est, non est amplius oblatio pro peccato. Absque sanguinis effu-

Psal. 4.

51.

115.

Ecclesia-

stici 35.

Augustinus de
Ciuit. Dei lib.

10. cap. 6.

sione non fit remissio. Hæc ferè sunt, quæ ab ijs citantur, qui negant missam esse sacrificiũ. Qui concedunt, de eucharistico sacrificio loquuntur: de eoq; CHRISTVM coenam instituisse cõfirmant, uerbis illis historię euāgelicæ: Coenātibus illis, accepit IESVS panem, & gratias egit, ac fregit. Et accipiens calicem, gratias egit, & dedit discipulis. Celebrantur enim in missa laudes Dei: commemorantur beneficia illius, in primis autem illud ex cruce nobis præstitũ, quo reconciliatus est orbis Deo. Alij rem ita expediunt: Verum quidem sacrificium in cruce peractũ esse, quod nimirum cum morte CHRISTI coniunctum erat: cæterum memoriam illius quotidie in Ecclesia fieri, & quasi oculis nostris subijci. Cum autem memoracula sæpe donentur appellatione rerum quas repræsentant, fieri, ut missa sacrificiũ uocetur. Hocq; sensu Paulum dixisse, CHRISTVM in oculis Galatarum fuisse crucifixũ: non quod re ipsa cruci fuerit affixus (semel enim mortuus, amplius non moritur) sed prædicatione & cõmemoratione, ritibusq; alijs, mors illius oculis Galatarum quasi explicabatur. Quo quidem modo memoriam Paschæ, dicimus Pascha: & memoriam Pentecostes, Pentecoste. Hunc sensum approbat Thomas Aquinas, p. 3. q. 73. a. 4. loquens sic de eucharistia: Hoc sacramentum respectu præteriti, in quantum significat, est commemoratiuum Dominicę passionis, quæ fuit uerum sacrificium, nominatur sacrificiũ. Et Petrus Lombardus sen. 4. d. 13. §. Post hæc quæritur: Illud, inquit, quod offertur, & consecratur à sacerdote, uocatur sacrificium & oblatio: quia memoria est, & representatio ueri sacrificij, & sanctę immolationis, in ara crucis factæ. Multa in utraq; partem testimonia citantur à multis, quæ ad modũ iam dictum conciliantur. Sacrificare enim ueteribus id ferè est, quod facere sacrum coenæ Dominicæ, ad cõmemorationem CHRISTI beneficiorum, quemadmodum ipsemet CHRISTVS præcepit, inquit: Comedite corpus meũ, quod pro uobis tradetur: Bibite sanguinem meũ, qui pro uobis effundetur: Hoc facite in mei memoriam. Dispen-
Gal. 3.
tatio igitur & usus coenæ Domini legitimus, est sacrificium. est enim sacer & Deo gratissimus cultus. Hic de applicatione mortis CHRISTI disputari solet. Sacrificiũ (aiunt) in cruce factum, etsi sufficiat peccatis totius mundi expiandis, nec illud iterari necesse sit: tamen quia quotidie peccamus, sacrificij illius uirtus quotidie nobis applicanda est: quod quidẽ fit sacrificio hoc quotidiano, quod missam uocamus. Contrà alijs uidetur, fide sola nobis meritũ passionis CHRISTI applicari, missamq; cõmemorationem esse sacrificij illius cruenti, non applicationẽ. Hic nodus facilẽ, mea sententia, expedietur, si constituërimus, uerbo Dei applicari, id est offerri & exhiberi (idem enim hæc uerba significāt in præsentī sermone) nobis omnia diuina beneficia, quæcunq; uerbo ipso signantur & repræsentantur.


Quod

Quod sic Paulus, de officio prædicatorum uerbi loquens, testatur: *2. Cor. 2.*
 Deo gratia, qui semper triumphat per nos in CHRISTO, & odo-
 rem suæ notitiæ diuulgat per nos in omni loco. Veruntamen appli-
 catio eiusmodi, quæ fit ministerio uerbi Dei, non aliter auditoribus
 prodest, quàm si eam fide acceperint: Paulo eodẽ teste, qui ait, Euā-
 gelium potentiā esse diuinam, salutarẽ omni credenti. Cum autem
 sacramentorum & rituum diuinitus institutorũ officium sit idem,
 quod uerbi, cuius sunt appendices: nihil absurdum est, si ut uerbo, ita
 illis dicamus applicari meritũ passionis CHRISTI, utentibus. Qui-
 bus tamẽ non aliter prodest illa applicatio, nisi eam fide acceperint.
 Proposuit enim nobis Deus CHRISTVM propitiatorẽ, per fidem
 in eius sanguine collocandā, inquit idem Paulus. Quibus in uerbis
 illud obseruandum est, fidei mentione facta, mox sanguinis CHRI-
 STI mentionem fieri: ut intelligamus, hanc ipsam fidem non aliò
 quàm in CHRISTI sanguinem intueri debere: quo delicta & scele-
 ra omnia quæ humanum genus cõmisit, abluta sunt, iustitiæq; diui-
 næ cumulatè est satisfactum. Hæc de applicatione. Qui ex Pau- *2. Cor. 10.*
 li uerbis, de oblationibus gentium uitandis, uenantur missæ sacrifi-
 cium propitiatorium, mirum est quam adhibeant artem formandis
 suis conclusionibus. Dehortatur Paulus Corinthios à cultu simula-
 chrorum, hæc ferè argumẽto. Quemadmodum apud Israelitas, qui
 sacrificijs uescuntur, participes sunt altaris illorum: ita apud gentes,
 qui sacris illorum utuntur, participes sunt mensæ dæmoniorũ. Sed
 uobis, qui poculum Domini bibitis, & mensa eius participatis, non
 licet participes esse dæmoniorum: Debetis igitur à sacris gentium
 abstinere. Hoc mihi argumentũ esse uidetur Paulinum, cui à non-
 nullis illud attexitur, eucharistiam esse sacrificiũ pro peccatis, quòd
 inter uictimas Israelis & oblationes gentium numeretur. Hoc au-
 ctarium legitur in decretis Tridentinis, quæ publicata adhuc (ut
 aiunt) non sunt: sed à theologis & patribus examinata esse dicuntur.
 Sed qua facilitate illud adiectum est, eadem reijci potest. Non enim
 eucharistia tanquam forma seu species sub eodem genere cum alijs
 comprehensa numeratur: sed potius ut medium inter duo extrema
 (sic enim Dialectici loquuntur, cum de syllogismi principijs consti-
 tutiuis disserunt.) Quod medium cum uni extremorũ conueniat,
 alteri minimè, extrema ipsa in conclusione seiungi necesse est. Nam
 usus oblationũ gentium, Christianis ideo interdicitur, quòd eucha-
 ristia utantur. Disponatur enim Pauli argumentũ hac cõclusionem:
 Qui eucharistia ueri Dei utuntur, non debent participare sacris gen-
 tium: Christiani eucharistia ueri Dei utuntur: Non igitur fas est illis
 societate facere cum sacris gentium. Iam libens discerem, quid ex
 hac ratiocinatione trahi possit in sacrificiũ propitiatorium missæ.
 Esse autem hanc Pauli ratiocinationẽ, facile apparebit textum uer-

» borum eius inspicienti. Propositio illis uerbis explicatur: Que im-
 » molant gentes, dæmonijs immolant, non Deo. Nolim aut uos con-
 » sortes dæmoniorū esse: non potestis poculū Domini bibere, & po-
 » culum dæmoniorū. Non potestis mensæ Domini participes esse, &
 » mensæ dæmoniorū. Assumptio, illis: Poculum benedictionis, cui
 » benedicimus, non ne communicatio sanguinis Christi est? Panis
 » quem frangimus, non ne cōmunicatio corporis Christi est? Nam
 & apud Israelitas, qui edunt uictimas, participes sunt sacrarij. Hæc
 de Pauli sententia. In re liquida uersamur, & quæ uix ulla egeat ex-
 plicatione. Verūm hæc omittere non est uisum, eorum qui religio-
 nis negotium tractant causa: ut firmiora iaciant fundamenta tantis
 ædificijs: accuratiusq; hæc examinent, quæ orbi Christiano, anathe-
 matis pœna proposita, denunciare debent: ne & Canones eiusmodi
 contemnantur, & eorum architecti cum toto cōcilio perdant au-
 toritatem. Quæ ex sanctis Biblijs de sacrificio dici poterant, dixi-
 mus ut potuimus. quæ ex scriptorum aliorum monumentis conqui-
 ri possint, ea ab alijs fusè prodita sunt. Itaq; ab illis petenda, & dili-
 genter cognoscenda ac iudicanda.

CAPUT XIX.

De cœna Domini sub utraq; specie.



DICAMVS deinceps de ijs sacramentis, quibus po-
 pulus & presbyteri maximè secernuntur hoc tem-
 pore, matrimonio & eucharistia. Vtriq; aut certè
 permulti ex ordine utroq; iniuriā sibi putant fieri:
 presbyteri quidē, matrimonij in totum: populus
 autē, alterius partis cœnæ Domini interdictione.
 Neq; nos sumus ij, qui citra concilij autoritatē quicquam in ijs mu-
 tatum uelimus. Sed quoniam eius celebrādi tempus instare aiunt,
 considerandū est, an qua ratio inueniri possit cōsociandi ecclesias,
 quæ nunc à nobis disiunctæ sunt: & quas à cōmunionē & societate
 nostræ Ecclesiæ non alias ob causas magis, quàm propter usum ho-
 rum duorum sacramentorum arcemus. Non tantum ueteres, sed
 etiam noui scriptores prodiderūt, conciliorū decreta iustis de cau-
 sis nonnunq; mutari solere. Quod, præter alios, Martinus Beresius
 Aiala significat in libro de Diuinis apostolicis atq; ecclesiasticis tra-
 ditionibus, de hac materia cœnæ Domini scribēdo, ubi laudata cō-
 munionē unius speciei, concludit tandem his uerbis: Nihil ergo est
 periculi, imò laudabiliter seruatur consuetudo cōmunicandi sub al-
 tera specie, etiam si aliam non improbamus, modò maiorū autorita-
 te concedatur. Cuius uiri autoritate nos cōmoti, in hanc partem di-
 sputare instituiamus: quasi cōmunicatio speciei utriusq; cōcilij pro-
 ximè instantis autoritate cōcedenda sit. Neq; uerò, ut quidam exi-
 stimant, de speciebus contendimus: sed de sacramento eucharistiæ,
 laicis

laicis ex toto dando. In speciebus aiunt illi salutem nullam esse, nec in illis fiduciam ullam collocandā: sed in eo, qui sub speciebus uisibilibus inuisibilis cōtinetur. Hac uerò ratione non à uino tantum, sed à panis quoque specie, imò ab aqua baptismali laicos dehortari fas erit: contrà quàm CHRISTI præceptū, & Ecclesie fert institutum. Nos igitur omīssis rhetoricis extenuationibus, dicamus de sacramento coenæ Domini, non dimidiatim, sed integrè laicis concedendo. Dicamus, cum specie panis comedi corpus CHRISTI: cum specie uini, bibi eius sanguinē. Tam igitur laicis bibere uinum necessarium esse, quàm comedere panem necessariū putatur. Aut ab utroque excludendos laicos esse, aut ad utrunq; admittēdos. Igitur rationes, quibus Ecclesia adducta esse dicitur, ad laicam communionem fanciendā, considerabimus. pōst ostēdemus, magnam causam esse, quamobrem libertas permittēda sit laicis, de calice bibendi. Simul etiam confutabimus ea, quibus cōfirmari solet laica cōmunio.

Aiunt calicem ad confutandū errorem eorum, qui in sacramēto corpus exanguē dari affirmabāt, laicis ademptū esse: ut in sola panis participatione ostenderetur, totum in eo CHRISTVM contineri. Quod ut uerum esset, tamen & illud nihilo secius uerum, presbyterorum manducationē eandem quoq; ansam hæresi dare posse: eos non integrū in pane sumere CHRISTVM, sed tantum illius corpus, & id quidem mortuum, propterea quòd seorsim sumāt sanguinem illius. Quod si Ecclesia nō mouetur calumnijs istis, quo minus permittat presbyteris sacrificiis utraq; parte sacramēti seorsim uti, cur moueatur in populo, non immeritò aliquis quærat. Omnino qua ratione manducatio populi, calumnijs aliquibus exposita est, eadem & presbyterorū. Quomodo enim isti effugiēt calumniam, non illi: dum causa calumniādi par est, & eadem? Igitur si laicorum communio cōstat una parte, ad hæresim tollendam, & sacerdotum communio una cōstare debet. Sedenim alio subsidio presbyteri utranq; sacramēti consequūtur partem. Repræsentant enim CHRISTI mortē, in qua sanguis à corpore separatus erat: populus uerò cōmemoratione mortis illius cōtentus, unica parte sacramēti etiam contentus esse potest. Enimuero si hæc causa uera est, quæ diuersam faciat cōmunionem sacerdotalem & laicalem, omnino prior causa huc afferēda non est: cum quidem posterior satis esse uideatur comprobandæ huic uarietati: priorq; illa, causæ nomine uix est digna, qua scilicet posita, affectus non semper ponatur. Verum quia diximus de priore satis, de hac quoq; posteriore disputandū est. In qua tria memorātur, Coena Domini, cōmemoratio mortis eius, repræsentatio quoq; mortis eiusdem. Repræsentatio mortis CHRISTI solis presbyteris datur: qui eleuando, manus extendēdo, ritus sacrificiorum probatos iterando, quasi præsentē oculis Ecclesie offerūt

CHRISTI

CHRISTI mortem. Commemoratio & presbyteris & laicis conceditur. Coena quoque utrisque: sed his una, illis utraque in specie. Nunc uelim mihi dici, qua de causa repraesentantibus utraque species, commemorantibus una tantum permittatur? An non commemoratio mortis Christi, finis est, ad quem coenam Domini referri oporteat? Excutiamus, si placet, causas omnes, ut philosophis mos est, coenae Domini. CHRISTVS qui instituit, idem iussit accipi, hoc est, manducari & bibi. Proposuit igitur & quod edendum, & quod bibendum esset. Ac ne simplex cibus potusque putaretur, carnem & sanguinem suum esse, quem propinabat, testatus est. Hancque formam ueluti sigillum impressit coenae suae, ut omnes conuiuium hoc sacrum esse scirent, cuius esca ac potione profanis hominibus, uesci minimè liceret. Addidit finem, cuius causa conuiuium hoc institutum sit, inquit: Hoc facite in mei commemorationem. Velim igitur mihi responderi, cur ad finem aspiranti, liberum esse non debeat, omnibus ad finem illum ordinatis uti: & uti quidem integrè, non dimidiatum? Cur representantibus necessitas imponitur seorsim comedendi, seorsim bibendi: commemorantibus libertas adimitur, isto modo accipiendi? Atqui representatio mortis Domini, non est ipsa coena Domini. Nam illa est quasi pictura quaedam mortis: haec pictura non est, sed ueritas. Repraesentant, ut dixi, sacerdotes in Missa passionem Christi: at coenam non repraesentant, sed illam ipsam peragunt, quam Christus Hierosolymis peregit. Ille ipse cibus est, ille ipse potus in nostris coenis, quem cibum, quem potum dabat Christus Hierosolymis. Omnes enim de uno pane, & de uno calice participamus. Et quia unus panis est, ideo unum corpus multi sumus. Quod igitur hoc est argumenti genus: Soli sacerdotes repraesentant mortem Christi, soli igitur capere coenam debent, & comedendo & bibendo: Laici non repraesentant, non igitur ad eundem modum capere debent, sed contenti sint altera specie? Ut si quis sic concludat: Phidias solus Mineruae formam repraesentauit, solus igitur dea integrè utatur: alij non repraesentant, non igitur ad hunc modum utantur. Sentio quam in re peruia & facili uersetur oratio nostra: uerum quia à multis eruditis uiris haec representatio iactatur, ostendant illi, si possunt, quo iure, qua lege, qua ratione, quo testimonio sacrae scripturae, quibus decretis Dialecticorum, id representationi tribuatur, ut soli illi utraque species sacramenti adiudicetur. Si id monstrare non possunt, captionibus sophisticis omisis, causas tantae rei primas ab origine nobiscum repetat. Ipsa Christi institutio palam docet, & corpus eius edendum esse in illius commemorationem, & sanguinem quoque bibendum in illius commemorationem. Quod si populus memoriam mortis & omnium Christi beneficiorum celebrat sacramento hoc utendo, non uidetur prohibendus altera specie: utpote qui mente recolat, ore annunciet & praedicet bene-

cet beneficia CHRISTI. Sunt enim illa Pauli uerba, hoc sacramentum describētis: Quotiescūq; comedetis panem hunc, & bibetis de poculo, mortem Domini annunciabitis, donec ueniat. Separatim comestio nominatur, separatim bibitio, ab illa sapiētia increata, cui sapientia omnis humana de inseparabilitate sanguinis uiui à carne uiua cedere debet. Non enim hic disputandū est ex rationibus humanis, sed uoluntas Christi intuēda: qui conuiuiū non mancum instituit, sed cibo addidit potū. Itaq; & in illis mysterijs à Ioanne cap. 6. descriptis, non tantū edendi corporis, sed & bibendi sanguinis fit mentio: & in hac cœna mysteriorum refertissima, quò esset clarissimum monumentū Christi mortis ad omnē posteritatis memoriam duraturū, effusio sanguinis omnibus proponitur: ut scilicet memoriale responderet rei ipsi, quam repræsentet, in qua sanguis è corpore effusus cernebatur. Itaq; omnibus clarè edicitur, ut & edant & bibant. Certè sanguis ut sumatur in corpore, non bibitur tamen. non enim bibitio intelligi potest, sine potus, è corpore ipsum cōtinente, effusione. Neq; uerò, quia in cœna Hierosolymitana nemo præter presbyteros aderat, ideo hæc ad solos presbyteros pertinere intelligenda. Aut enim laicis hoc sacramentū CHRISTVS dari iussit, aut non. Si iussit, quibus id uerbis tandem, nisi illis: Accipite, comedite, bibite? Bibendū igitur laicis est, non tantum comedendū, si Christi iussis parēre uelint: sin minus, cur igitur illis datur? cur non in totū illis interdicitur? Nulla est enim alia huius sacramēti institutio, præterq; illa unica: ut qua ratione detrahas populo calicē, eadem & panem detrahare possis: quo uerò præcepto adigas eos ad panem, eodem & ad calicē. Cœnam Emaunthanā huic institutioni opponere non decet. Quid enim Emaunthi noui instituitur? narratur tantum, quid CHRISTVS egerit cum discipulis duobus: non narratur aliqua institutio noua. Lōca obscuriora claris anteferēda non sunt: sed illa ad hæc accōmodanda. Non quia Apostoli in nomine Christi baptizare dicūtur, propterea mutanda est Christi institutio, qua iubemur baptizare in nomine Patris & Filij & Spiritus sancti. Ita institutio Christi nullo modo mutāda est propter Emaunthanū conuiuium: in quo uideo panē frangi, & dari discipulis: non audio eos admoneri alicuius mysterij: quod tamē in primis factū oportuit (si quidem corpus erat, quod eis præbebatur) ut illi omni animi deuotione talem cibū sumerent. Nam si illis imprudētibus dabatur, quid tandem profuit? cui rei seruebat? quem fructū attulit illis māducatio? Accedit uerbū ad elementū, fit sacramentū: inquit Augustinus. Et Paulus, fidem ex auditu esse ait. Vis itaq; sacramēti non in porrigendo & manducādo tantū, sed in uerbis diuinitus traditis cōsistit: quæ à sumēte & recolēda, & tota mente accipiēda, & gratiarū actionibus prosequenda sunt. Itaq; in cœna Hierosolymitana Apostoli

N

sumpturi

sumpturi talem cibū, audiunt uerba salutaria, non panem esse hunc uulgarē & quotidianū, sed corpus CHRISTI, quod pro mundi salute in mortē tradendū esset. Emaunthi uerò, unde cōuincēs, priusq̃ fractionē uidissent, eos sciuisse quis daret, quid daret, quamobrē daret? Certē si corpus CHRISTI sibi dari sciissent, cognouissent hęc omnia: cognouissent cōuiam uel ipsum Christū fuisse, uel aliquē ē numero illorū, quos sciebāt illi fuisse familiares: quibusq̃ potestātē faciēdi, quod in extrema cœna fecisset, datam fuisse nō ignorassent. Nunc oculi eorū tenētur, quò minus id cognoscāt, putāt peregrinū esse, qui cum loquūtur: nec aliunde Christū fuisse resciscūt, q̃ ex panis fractione, quā Christi subita disparitio cōsequuta est. Et quemadmodū Aeneas (liceat nobis declarādi causa sic loqui) matrē deā tunc agnouit, cum illa odorib. diuinis effusis disparuisset: ita discensus Christi ille inuisibilis, & fractio panis mirifica, admonuit discipulos magistri sui. Quod nōnulli uiri docti secū expendēdo, aiunt Christo morē fuisse, ut nō secus panē frāgeret, q̃ si uteretur cultello acutissimo. Itaq̃ illū frangēdi morē discipulis mox in mentē uenisse, atq̃ ita ex fractione Christū cognitū esse. Quod & Lucas extrema hac narratione cōmemorat: & Thomas Caetanus annotat in libro cui titulum fecit *Lentaculorū*. neq̃ enim ex benedictione Christus agnitus esse dicitur, quod tamē si diceretur, nō mox cōcludi liceret, corpus Christi tum porrectū fuisse. Solenne enim fuisse Christo, in cōuiuijs, pane arrepto, benedicere, frāgere, porrigere, citra eucharistiae administrationē, cū multa scripturarū loca indicant, tum ille apud Matthæū, cum quinq̃ milia hominū pauisset Christus paucis panibus: ubi in coelū suspexisse memoratur, benedixisse, fregisse, distribuisse. Non igitur ex benedictione narratur Christus cognitus esse, ut putes cognitionē hanc fuisse singularē: sed ex fractione oculi discipulorū aperti sunt, ut cognoscerent illū: non secus q̃ Adami & Euæ oculi aperti fuisse tradūtur, cum de ligno uitæ comedissent: & Agar ancillæ Saræ, cum sitiēte & plorāte puero, puteū uidisset. Aliquid enim prius non considerauerūt: ad quod oculos cum intēdisent, idq̃ animaduertissent, tum primū oculi eorū aperti fuisse memorātur. Sed quorsum hęc? Vt uideamus, hunc locū, & similes ex Actib. apostolicis, in quibus fit mētio fractionis panis, obscuriores esse, q̃ ut opponantur claræ institutioni cœnæ Hierosolymitanæ. Quod si quis panē Emaunthanū de Christi corpore intelligendum esse cōtendat (id quod de sentētia Augustini conātur aliqui ostēdere) equidē non multū refragabor: modò illud quoq̃ agnoscat usitatissimū esse cū in omnibus, tum in diuinis scriptis tropū, partis nomine totū intelligi: ut cum historia Euāgelica narrat IESVM à pharisæo inuitatū esse, ut māducaret panē eius: & alibi omnibus præcipitur, ut frangāt esurienti panē suum: hoc est, cibent eum, & potent. Quod

Thomas Caetanus
Lentaculo 7. q. 1.

Matth. 14.

Gen. 3.

Gen. 21.

Quod si quis magis adhuc urgeat, non tantū corpus Christi datum esse illis duobus Emaunthi, sed etiā datum absq; calice: tamen illud nunq; probabit, libertatē esse alicui ademptā hoc uel illo modo sumendi. Nam quod aiunt solis sacerdotib; a Christo datū esse panem & calicem in cœna Hierosolymitanā, id tantum abest ut uerū sit, ut contrariū ex historia cœnæ illius ostendi possit. In qua non presbyterorum, sed populi uicem apostoli obtinere uidentur. Solus enim Christus ibi sacerdos est: solus cōuiuatoris officio fungitur. Distribuit cōuiuis suis panem & uinū, Melchisedeci illius sacerdotis Dei altissimi uicem implet ipse uerissimus sacerdos. Vt enim ille Abraham, homini laico, obtulit panem & uinū: ita iste suis laicis dat panem & uinum. Mitto disputare, laici tum fuerint, an presbyteri, illi quibus Christus porrigebat. Illud quidem affirmare non dubito, non eos sacerdotū officio tum functos esse. Solus enim, ut iam dixi, Christus tum cibū & potum in manū sumebat: solus benedicebat, frangebatur, distribuebat, potestatemq; eadem faciēdi tum primū illis dabat, cum dixit, Hoc facite in mei cōmemorationem. Sunt qui uerbum Facite, pro cōsecrate, ita positū cōtendant, ut cœnā illam ad solos presbyteros referāt, q; soli illi cōsecrent. Verū qui sic interpretantur, totā narrationem inspicere deberent. Non enim solus panis cōsecratur, sed & uinū: non solus panis porrigitur, sed & uinū. non solū Christus dicit, Comedite: sed &, Bibite. Paulus etiā post panis distributionem, cui adiecit, Hoc facite: mox de poculo narrat Christi uerba, inquit: Hic calix nouū testamētū est in meo sanguine: hoc facite, quotiescunq; biberitis, in mei cōmemorationem. Quis hic nō uidet, cum his uerbis, Hoc facite, cōiuncta esse illa, Quotiescunq; biberitis: quemadmodū proximē, ad uerbū Comedite, eadem adiūcta sunt? Quoties igitur hoc monumētum ad omnem memoriā mors Christi cōmemoranda est (quod quidem tātis per faciendum est, dum ille iterum ueniat) toties aliquis unus sacerdos, Christi uicem præstās, facere ea debet omnia, quæ Christus fecit in cœna: accipere panem & poculū, gratias agere, frangere, dare discipulis, & dicere: Accipite, comedite, bibite. Quod quidem à Paulo, uerborum Christi uerissimo interprete, liquidō cōprobatur, qui posteaq; uerba ad apostolos de accipiēdo, hoc est de comedēdo & bibēdo, prolata exposuisset, ne quis illa putaret ad solos apostolos pertinere, eadem ad Corinthiorū ecclesiā, ad quam scribebat, & in qua non solum sacerdotes, sed multo maior laicorū pars erat, trāstulit, sermone ad illos cōuerso inquit: Quotiescunq; enim māducabitis panē hunc, & calicem bibetis, mortem Domini annunciabitis, donec ueniat. Deinde non tantū Corinthiis, sed uniuersæ Christianorū Ecclesiæ cōcionatur, inquit: Itaq; quisquis ederit panem hunc, & biberit de poculo Domini, indignē, reus erit corporis & sanguinis

„ Domini. Et, Probet aut seipsum homo, & sic de pane illo edat, &
 „ de poculo bibat. Nam qui edit & bibit indignè, iudiciū sibi edit &
 „ bibit, non dñjudicans corpus Domini. Ad uniuersam igitur Eccle-
 siam pertinere utrūq̃, & comedere & bibere, certū est. Illud quoq̃
 nō minus certū, quemadmodū quod de corpore à Christo dicitur,
 illud pro multis dari: ita quod de sanguine, illū pro multis effundi,
 non minus ad laicos, q̃ ad presbyteros pertinere: ut causa nulla sit,
 ad quos promissio pertineat, ad eos rem cui annexa sit, pertinere nō
 oportere: præsertim cum poculū sanguinis, testamēti noui nomine
 ornetur. Non igitur populo noui testamēti ullo modo adimendū.
 Clamatur ab Apostolo clarissimis uerbis, nō esse remissionē pecca-
 torū sine sanguinis effusione. Vbi igitur de remissione agitur pecca-
 torū, ibi sanguinis effusio & mente recolenda, & uerbis prædicāda,
 & omnibus ritibus exprimēda est. Non potest aut aliter ad Christi
 institutionē exprimi, nisi separatim comedatur corpus, separatim
 bibatur sanguis. Hec simplicissimè à nobis exposita sunt: quæ si cui
 infirmiora uideantur, q̃ ut præsens Ecclesiæ cōsuetudo propterea
 mutāda sit: tamen diligēter aduertendū est, an magis sit è Repub. &
 è religionis dignitate, libertatē permittere cuiq̃ Christiano, hoc uel
 illo modo sumēdi: atq̃ hac ratione cōsociare ecclesias, quæ nunc dis-
 iunctæ sunt: quā eadē libertate adempta, ab Ecclesiæ cōmunionē
 ac societate eos arcere, qui sumant utranq̃. Sacramentū coenæ Do-
 mini, symbolū est charitatis, cōcordiæ & unitatis Christianorū. non
 igitur debet esse causa tātæ discordiæ & separationis ecclesiarū. Vi-
 dimus ipsi magnos quosdā uiros, qui ferè pro hostibus Ecclesiæ ha-
 bendos putarēt eos, qui iam ab illo usq̃ tēpore, cum religionē Chri-
 sti agnouerūt, utraq̃ specie semper, sine ulla intermissione usi sunt.
 Loquor enim tum de Rutenis, tum de Bohemis. gentilibus nostris:
 quorum laici, illorū quidem omnes, istorū bona pars, utraq̃ sacra-
 menti parte utūtur. Non dubito decreta conciliorū pro temporī-
 bus mutari posse. Quod præter alios, Martinū Beresium Aialā, de
 hac materia scribentē, significasse, suis uerbis suprā ostēdimus. Itaq̃
 si cōcilium hoc quod instat, putabit ex dignitate religionis fore, faci-
 le adducetur, ut libertatem sumendi huius sacramenti sub una uel
 utraq̃ specie laicis permittat, præsertim cum ante tempora conci-
 lij Constantiensis, etsi aliqui una specie usi fuisse legantur, tamen li-
 bertas illa populo adempta fuisse, nusquam, ni fallor, legitur. Sub-
 latus est error ille ex Ecclesia Dei, mortuum corpus in sacramen-
 to dari: nec usquam, quod sciam, auditur. imò uerò summa orbis
 Christiani cōspiratione atq̃ consensu, summōq̃ cum iubilo in om-
 „ nibus ecclesijs illud cantatur: CHRISTVS resurgens ex mortuis,
 „ amplius non moritur, mors illi amplius non dominabitur. Subla-
 ta igitur causa, tollatur & effectus, ut tollantur multorum dissidio-
 rum se-

rum seminaria. Hæc de calice laicis restituendo. De quo qui plura scire cupiat, legat Dialogos nostros, de hac materia scriptos.

CAPUT XX.

De matrimonio presbyterorum hæc in summa hic docentur. 1. Et si matrimonium & sacerdotium per se considerata, minime sunt contraria: 2. tamen propter uotum cœlibatus sacerdotio adiunctum, prorsus pugnant inuicem, neq. uni conuenire possunt. 3. Sed quoniam plurima à sacerdotibus scandala proueniunt, uotumq. ipsum cum dedecore status ecclesiastici passim uiolatur: 4. ideo optandū est, ut aut homines tantū prouecta ætatis initientur, qui re præstare possint, quod uoto promississent: 5. aut si uulgo omnes, quamuis iuuenes, ad ordinem (quemadmodum hodie receptum est) admittantur, ut potius uoto non obstringantur, quàm scandalo sint Ecclesia, uitæ turpitudine. 6. Huius autem rei potestas est penes Ecclesiam legitimè congregatam. 7. Atq. id multo honestius, atq. ecclesiæ salubrius fuerit, quam scortationes presbyterorū ferre: docereq. sacerdotem minus peccare fornicando, aut adulterando, quàm matrimonium contrahendo. Hæc omnia hic ex ordine confirmantur, iuxta numeros in margine signatos.



EQVITVR ut de matrimonio presbyterorū disseramus, eo quidem modo, ut de laicorum calice dictum est. Hoc est, non ut definiamus quicq. (nam nec res est nostræ facultatis: & fieri potest, ut in tantis rebus fallamur, qui in minoribus hallucinemur) sed ut quid nobis de hoc dici posse uideatur,

ostendamus. Cōmendat legem cœlibatus præconijs singularibus Beresius Aiala: concluditq. eam necessariò seruandam esse, interim quod non relaxatur. Pium etiam Papam dictitasse Platina refert, sacerdotibus magna ratione sublatas nuptias, maiore restituendas uideri. Ad hæc multi nobiles scriptores non obscure significāt, expedire hoc tempore Ecclesiæ, quando prisca religio refrixit, si coniugium cōcedatur autoritate cōcilij, ijs qui continere non possunt: potius quàm impurus cœlibatus ab eis exigat. Nos igitur in eam partem disputabimus, quasi lex cœlibatus relaxāda, matrimoniumq. sacerdotibus cōcilij autoritate permittendum sit. Duo in hac causa, quantū existimare possum, cōsideranda sunt: natura sacerdotij, & ei adiūcta: ut tandem appareat, quatenus pugnet cum sacerdotio matrimonium, quatenus non. Dicamus igitur primū, naturā sacerdotij eam esse, quæ minime repugnet matrimonio. Vtrūq. enim sacramentū est, utrunq. opus Dei præclarū. Et ut baptismus, poenitentia, ita & matrimonium cum sacerdotio, uni cōgruere possunt. quod quidem, expositis definitionibus utriusq. facile ostēdetur. Quid enim sacerdotiū est, nisi sacramentū, quo potestas fit ei qui se illo obstringit, docendi, & mysteria diuina administrandi? Quid aut matrimonium, nisi sacramentū, coniungens uirū cum uxore, ad prolem educendam,

Beresius in
lib. Trad.

Platina in
ta Pij 2.

Sacerdotium
quod sit

N 3. cendam,

cendam, & ad scortationem uitandā. Horum rationes non ita sunt discrepantes, ut unī cōuenire non queāt. Et quemadmodū propheta cum munere docendi, dabāt operā rei uxori: & Dauid cum officio regis (quod longē maiores habet difficultates, q̄p̄ matrimoniū) fungebatur munere ecclesiastā: ita eum qui destinatus est ad ecclesiasticas functiones, non est incongruū uxori cohabitare. Quod & Paulus non obscure significat, dum 1. Tim. 3. dicit, oportere episcopum unius uxoris esse uirū. Certē si rationes horū discreparent, non ea coniungeret, tanq̄ sibi cōsentanea: sed diceret potius, oportere episcopū esse coelibem. Quod tamē nec Paulū, nec quenq̄ illius classis scriptorem unq̄ dixisse, cōstat. Et quāuis multi dictū Paulinū ita interpretentur, quasi excludere uoluerit uxorū pluralitatem, non autē admittere unitatem: tamen facīle est cernere, isthōc glossēmate uim apertā fieri uerbis Paulinis, quibus conceditur uxor una episcopo. Sed sunt qui hanc uxoris unitatem ad tempus prāteritū referāt, ut qui episcopus sit futurus, ei impedimento esse non debeat, fuisse aliquādo monogamū: uerūm & hoc glossēma uerbis Paulinis cōfutatur. non enim dicit, Oportet fuisse: sed, Oportet esse. & paulo pōst, cum de diaconis loquitur, presenti uerbo utitur, inquit: Diaconi sint unius uxoris mariti. Et ad Tit. 1. Si quis est inculpatus, unius uxoris uir. Ac ne cauillationibus locus relinqueretur, Paulus ipse cauere uoluit, effectis matrimoniū in mediū prolatis, prole scilicet ipsa: ex qua bene & rectē educta, argumentū sumit futuri boni episcopi: contrā, ex eadem malē & ad turpitudinē instituta, mali & nequā episcopi. Sic enim Paulus pergit: Si quis liberos habeat in subiectione, cum omni reuerētia. Quod si quis propriā domui prāesse non nouit, quomodo Ecclesiā Dei curabit? Hactenus ex rationib. sacerdotij & matrimoniij, & Apostolica sententia ostendimus, nihil repugnare, quo minus sacerdotium & matrimoniū simul eidem homini cōpetant. Quāuis autē hāc satis esse deberent ad eius rei cōprobationem: tamen ne quis putet, quā dixi, à sanctionibus patrū aliena esse, de eis quoq̄ pauca dicenda sunt. Et de orientalibus quidem ecclesijs planū est, homines sacris initiatos, uxoribus cohabitare. Id enim mores Rutenorū, & cōsuetudines ad hunc diem durantes, ob oculos ponūt. Atq̄ illis non tantū cum uxoribus uiuere, quas ante professionem duxissent: sed etiā professis iam, & initiatis, matrimonium cōtrahere licere, Stephanus Papa testatur 31. d. Aliter. Aliter, inquit, se orientalīū traditio habet ecclesiarū, aliter huius sacræ Romanæ ecclesie. Nam eorū sacerdotes diaconi aut subdiaconi matrimonio copulātur. Istius autē ecclesie, uel occidentaliū nullus sacerdos a subdiacono usq̄ ad episcopū, licentiā habet coniugiū sortienti. Hec ille. Et glossa quidem uerbū (copulātur) interpretatur per, copulato utūtur: sed illā Textus cōuincit falsi. Est enim antitheton ecclesiarum

ecclesiarum duarum, orientalis & occidentalis, in matrimonio à sacerdotibus cōtrahendo, quod antitheton aliter cōstare non potest, nisi uerbū Copulātur propriè sumatur, est enim sensus: Ecclesiæ occidentalis sacerdotes cōiugā non fortiuntur, orientalis fortiuntur. Quod si ecclesia orientalis una est cum occidentali, quemadmodum unā esse putandū est, siquidem uerè Ecclesia est (unus enim Deus, una fides, unū baptisma, quo initiamur omnes) si inquā utraq; ecclesia una, una igitur natura sacerdotij utriusq;. Cumq; talis sit natura orientalis sacerdotij, ut qui iam eo fungantur, matrimonium sortiri queant: sequitur, & naturā occidentalis sacerdotij eam esse, quæ non pugnet cum matrimonio. Quod quidem Ancyra synodus affirmat, 28. d. Diaconi. Verba decreti hæc sunt: Diaconi quicunq;, cum ordinātur, si in ipsa ordinatione protestati sunt, dicentes se uelle habere uxores, nec posse se cōtinere, si postea ad nuptias peruenerint, maneat in ministerio: propterea q; his episcopus licentiā dederit. Planè igitur hoc decreto Ancyritano dicitur, naturas sacramentorum horū, ordinis sacri & matrimonij, inter se non repugnare. Etenim quæ inter se repugnant, ea nunq; uni attribui possunt. Ea enim illorū natura est, ut uni simul nunq; conueniant. Cumq; ostensum sit, sacramenta, de quibus agimus, uni cōuenire posse: sequit̃ ut dicamus, naturas & essentias eorū cōsentaneas esse. Neq; uerò me clam est, quid & Augustinus & Hieronymus scripserint de presbyteris cōiugatis, eos iam initiatos liberis procreādis uacare nō posse. alioqui, inquit Hieronymus, si quis deprehensus fuerit, non quasi uir tenebitur, sed quasi adulter dānabitur. Verū enim uero nō tantum theorematā doctorū uirorū consideranda sunt: sed quid etiā tulerit praxis, & mores recepti. Mōstrauimus, sacris initiatos ad matrimonium peruenire posse, & in orientali & in occidentali ecclesia. Quorsum uerò id esset, nisi sine matrimonij uti possent? Est enim finis matrimonij, non tantū prolis procreatio, sed etiā ut uterq; coniugū alterius intemperantiæ mutuis officijs medeatur. Quod & à Paulo 1. Cor. 7. affirmatur, & 32. q. 2. ostēditur. Sed & praxim Ecclesiæ aliam fuisse, à theórica illa quorundā patrū traditione, Niceni concilij gestis cōprobari potest. Quod cum legem ponere uellet, ne presbyteri cum uxoribus, quas ante ordinationē duxerant, dormirent, impeditum est à Paphnutio: resq; tota cuiusq; arbitrio permissa. hoc narrat Gratianus 31. d. Nicēna. Canone etiā sequenti, qui incipit, Quoniā, eadem 31. d. sancitur, non in perpetuū, sed tempore oblationis, à cōplexu suarū mulierū sacerdotes abstinere debere. Quamobrem Nicolaus Papa, ad Ratholdū episcopū Argentoratensem, 33. q. 2. c. Latorem, scribens de presbytero matricida, usu plurimarū rerū ei interdixit: atq; adeò ne oblationes offerat (unde, presbyterū fuisse constat hunc ipsum matricidā) nisi expletis multorū annorū curriculum,

*Ancyra
synodus
affirmat
unum
matrimonium
sacerdotum*

culis mandat: ueruntamē usu matrimonij ei nō interdixit. Sic enim
 » ad uerbū: A' propria, inquit, ac legitima cōiuge non separetur, ne in
 » fornicationis uoraginē corruat: quod ne fiat, optamus. Quid igitur
 » impedit, quo minus, ut prius, à causa ducto argumēto, diximus,
 » cui fas sit matrimoniū cōtrahere, eidē liceat cōtracto uti: ita nunc uice
 » uersa ab effectis colligamus, Si licet presbytero cōmodis matrimo-
 » nij uti, cur nō liceat matrimoniū cōtrahere? Non enim uerū est,
 » cui finis cōceditur, ei media ad finē ordinata negari oportere. Ad-
 » huc autē uersamur in ea orationis parte, qua sacerdotij naturā cum
 » matrimonio coherere posse, ostēsuos nos polliciti sumus. Qua in
 » re honestas rerū per se cōsideranda est, & utilitas. Vtriusq; rationē
 » magnā habitā esse à cōcilijs & ueteribus pōtificibus, ostēdimus: qui
 » noluerunt, ut matrimonij ac eius usus negatione, aliquis per scorta-
 » tionem in uoraginē æternæ mortis caderet. Quoniā igitur de na-
 » tura sacerdotij dixi, nunc de adiūctis illi dicā: non quidem de omni-
 » bus, sed de eo quod quasi eregionē matrimonij sit positū. id autē est,
 » uotū castē uiuēdi. Neq; uerō hoc absurdū cuiq; uideri debet, quod
 » uotū castitatis seiungamus ab essentia sacri ordinis, nam & materia
 » diuersa est illis subiecta: & unū sine alio subsistere, iam ostendimus.
 » Multa in utranq; partē à multis doctis uiris disputata sunt, de uoti
 » natura, ui & efficacitate: quæ apud suos autores legi possunt. Illud sa-
 » tis est à nobis in præsentiā dici, pia uota, quibus tanq; sponsionibus
 » cum certa animi inductione factis Deo obligamur, necessariò per-
 » soluēda esse. Eiusmodi enim uotorū uiolatio, iustā excusationē non
 » habet. Quod Ecclesiastes sic cōprobat, cap. 5. Cum uoueris Deo uo-
 » tum, ne differas soluere: non enim Deus stultis delectatur. Proinde
 » quod uoueris, exolve. Melior namq; est qui non uouet, eo qui uo-
 » uet, nec soluit. Vota non eiusdē formæ esse, multi uiri docti prodi-
 » derūt. Alia, quæ solēniter & palām fiant, ut quæ uouentē in statum
 » uitæ à priore diuersum deducāt, talia esse, quæ uouētur tum à pro-
 » fessis religionem monasticā, tum ab ascriptis ordini sacro. Alia, quæ
 » statū uouentis non mutant, nec ulla solēnitate adhibita suscipiātur:
 » sed consilio priuato cōcipiantur, nuncupentur uē. hæc simplicia uo-
 » cant, illa solēnia. Etsi autē discrimen hoc non sit improbandū: tamen
 » uoti utriusq; uis illa est, ut qui se illo obligasset, illud reddere nō ne-
 » gligat: id quod ex sentētia Ecclesiastæ ostēsum est. Quāuis enim uo-
 » ti simplicis uiolatores nō cogūtur ad illud repetendū, sed pœniten-
 » tia à sacerdote iniuncta crimen eluunt: solennis autē uoti fidē qui sol-
 » uant, ij & pœnitentiā solenniter agere, & ad statū unde discesserunt
 » redire iubētur: tamen si res ipsa spectetur, simplicis & solennis uoti
 » apud Deū discrimen est nullū. Vtruncq; enim à uoluntate hominis
 » proficiscitur, utrunq; eadem deliberatione sepe suscipitur. Imò fieri
 » potest, ut quod solenne est, temerē & dolo malo; quod simplex, ma-
 » turiore

*Lom de uote
 uote p. 82
 p. 82*

turiore deliberatione & cōsilio cōsideratiore suscipiatur. Quid igitur refert, solenniter Deo uoueat, an citra ullā solennitatē? cum quidem Deus inspector sit cordiū: solennitatesq; magis hominū causa, qui testes sint promissorum tuorum, adhibeantur, quā Dei, cui cogitationes tuæ sine ullis testibus sint perspectæ. Ideo Bonifacius octauus in Sexto, de uoto & uoti redemptione inquit, solēnitatem uoti esse per solam Ecclesię cōstitutionem adinuentā. Diximus de uoto uniuersē, omne illud præstandū esse, quod pium sit. Dicamus speciatim de uoto coelibatus, quo homo sanctē cōsecrat se ad castitatem corporis seruandam. Hoc quia à CHRISTO ipso cōmendatur, qui eunuchos ait esse, non tantum natura aut opera hominū factos, sed qui se propter regnum cōlorū castrassent: nō est quod nos plura uerba faciamus in eius cōmendationem. Cum igitur ferē receptū sit, ad ordines sacros neminē, in occidētalibus ecclesijs, aspirare posse, quin simul uoueat corporis castitatem: hæc autē à matrimonio implicatis seruari nō possit: omnino sacris initiatis matrimoniū inire minimē licet: idq; nō ui ordinis, ut prius demonstrauimus: sed ui uoti, sacris ordinib; adiuncti. Pugnat itaq; iam matrimoniū cum sacerdotio, nō essentis & naturis suis, quemadmodū idololatria cum uero Dei cultu pugnat: sed propter adiunctū sacerdotio uotum castitatis. Quod si adimeretur, iam non pugnarent: quemadmodū in ueteri Ecclesia, sacerdotum & prophetarū ordo minimē matrimonio aduersus erat. Cōsequens est, ut disputemus, num qua ratio inueniri possit, ut ei qui sacro ordini se cupiat ascribi, castitatē uouere necesse non sit. Atq; hic optandū esset, ut ne quis uoto temerē, ne uo coactus se obstringeret. Cum enim actionū humanarū causæ sint iudiciū & uoluntas, qui uel inuitus, uel iudicio parum circūspecto uouet aliquid, temeritatis potius aut stultitię accusandus est, quā uoti religionē cōmendādus. Ideo & puerorū uota, ob iudiciū illius ætatis infirmitatē, nullius momēti esse putātur: & si quis ab extrinseco impulsore coactus uoueat aliquid, uix ab aliquo iudice cogi potest ad uotum exequendū. Iam quid dicamus de impulsoribus, qui intra homines sunt, & in mētibus eorū uersantur? Hominū inquam, qui non quod uouent, id expetāt: sed quiddā aliud longē diuersum, cuius causa tandem castitatem, animo minimē suo, uouere nō dubitent. Et quoniā sententiā quasi in conspectu totius Ecclesię uideor mihi dicere, dicā apertē & cādide omnia, ut decet tali in loco, tātisq; de rebus. Qui hodie uotis implicant, omnes, paucissimis exceptis, beneficijs sacerdotalib; & ambitione ad uouendum alliciūtur. Sunt enim hæc maxima sacerdotiorū autoramēta, sine quibus uix quisq; adduci posset ad uouendū. Qui igitur honores & ampla sacerdotia ambiunt, hi cum in luxū rerum ferē omniū effusi sint, an possunt castum præstare coelibatum? Qui item uel ex aulæ ministerijs, uel ex

*Long de uoto
relibat*

quolibet hominum genere, cōmodorum causa initiātur, an constanter colunt cōlibatum? Vita quidem cōmunis sacerdotū testatur, quā praeſtent quod uoto spopōderunt: praeſertim cum infinitus eorū numerus florēte & integra aetate, quidā etiā tantum non ab incunabulis, in collegia sacerdotū peruenerūt. Paulus in uiduārū cōtū, quae ministrent ecclesijs, non uult minorē annis sexaginta allegi: iuniores reſciēdas cēset, eas enim ad nubendū, ac liberos gignendos magis aptas esse, quā ad ecclesiae ministeria obeunda. Hodie ex iuuenibus fiunt presbyteri, hoc est seniores. Tam igitur praeſtant cōlibatū, quā sunt seniores. Ipsi antistites ecclesiarū sciunt, & archidiaconi nouerunt, & uulgō cōpertum est, quā turpiter prostituatur cōlibatus sacerdotū. Quid ita? Quia ab hominibus parum ratione ualētibus, parumq; spontis suae uotus est: qui partim nō intelligāt quid uires suae ferre possint, quid ue recusent: partim habendi ac possidēdi nimio amore urgeātur, furijscq; ambitionis impellantur ad ea uouenda, quae nec praeſtare didicerunt, nec praeſtāda esse unq; in animum induxerūt. Quid igitur uolunt praefecti ecclesiarū, ut quos malis auibus inauguratos esse non ignorāt, eos in hoc cursu uotorum perpetuo retinere satagāt? Non fert hoc rerum natura, ut cursus qui malē coepti sunt, bene perficiantur: & cum initio rei insti-
4 tutae erratū sit, non multa inde prodeāt peccata. Remedia igitur aduersus hoc malum querenda sunt, de quibus nos cogit iam loqui cursus ipse orationis. Votū cōlibatus uiolatur omni cōcubitu uenereo. Qui igitur se illo obstrinxit, cōcubitum omnē fugiat necesse est. Hoc si praeſtari nequit, certē aut uoto obstringēdi non sunt, qui initiari debēt: aut si illo obstringēdi sunt, tales sacro ordini ascribantur, de quibus spes sit maxima, fore ut cōlibatū colant piē & inuiolatē, quod & ex uita antea cōta colligendū est, & ex aetatis maturitate: nimirum in quam suspicio non cōueniat, uitae turpiter degēde. contra atq; hodie fieri iam ostēdimus: cum in hunc ordinē ueniunt permulti aetate maximē lubrica, & multis uitij obnoxia: qui sacerdotiorum redditibus alleccti, nihil pensi habent quid promittant: ac non tantum cōlibatū, sed & quiduis uouere audeāt, ut cōmoditatibus
5 & beneficijs ecclesiarū potiātur. Quamobrē si tales in presbyterorum ordinem sunt recipiēdi, ratio ipsa indicat, uinculis eiusmodi cōstringendos nō esse, quae tandem sint ab illis rumpēda. Displicet enim Deo stulta promissio, inquit Ecclesiastes: meliusq; est non uo-
Ecclesiastes 5. uere, quā, quod praeſtiturus nō sis, promittere. De his igitur stultis promissionibus deinceps agamus. Cōcubitus omnis uel fit cum uxore matrimonio iuncta, uel extra praescriptū matrimoni. Vterq; cōcubitus aduersus cōlibatū pugnat. sed tamen ille à Deo cōcessus est, iste prohibitus. Cum igitur uotum cōlibatus obliget hominē, qui se illo obstrinxit, ad perpetuā continentiam: qui hanc cōstanter
praeſtare

*Remedia uero
fructu non uti*

præstare nequit, potius est ut quærat medicinā diuinitus cōcessam, quā omnino uetitā. Quid tu igitur, inquiet aliquis, fenestrā aperis uiolādis uotis? Nō aperio, o bone: imō dico, peccare omnem uoti uiolatorē: sed quemadmodū medici faciunt, remedia quæro morbis apposita. Quod diuum Cyprianū fecisse uideo, qui de uirginib. Deo dicatis, lib. 1. Epist. 11. sic inquit: Quod si se ex fide CHRISTO dicauerunt, pudicē & castē sine ulla fabula perseuerēt: ita fortes & stabiles præmiū immortalitatis expectēt. Si autē perseuerare nolūt, uel non possunt, melius est ut nubāt, quā in ignem delicijs suis cadāt. Et si autē in ea ipsa epistola multa differat Cyprianus de uirginibus, quæ excludi ab Ecclesia, admitti uel ad eam, & quibus cōditionibus debeāt: tamē omnem illum sermonē non ad eas pertinere, quæ iam nupsissent, sed quæ uel sint reipsa quod dicuntur, uel se esse simulēt, illud argumento est, quod de obstetricibus facit mentionē, quæ inspectione corporis iudicēt de uirginitate: & lapsas non nisi ex omologesi iusto tēpore facta, ad Ecclesiā recipi iubet. De illis uerō quæ in professione & ordine cœlibum persistere nō possint, planē pronunciat, melius esse ut nubāt, quā ut in ignem delicijs suis cadant. Idq; Ecclesiæ magis interesse putat, quā ut sint scandalo fratribus & sororibus. Addit etiā de illis quæ extra legitimū thorū deliciari uelint, eas hunc cœlibatui prætextum obtēdere non posse: quod & inspicere & probari possint, an uirgines sint, cum & manus obstetricum, & oculi sæpe fallātur. Virginē enim uitari posse non tantum ea parte qua mulier potest esse, sed & alia corporis parte, quæ corrumpi potest, inspicere non potest. Legat, qui uelit, epistolā totā Cypriani: facillē cognoscet, quæ dicimus. De quibus igitur uirginibus ille loquitur, cum melius esse pronūciat ut nubant, quā in ignem delicijs suis cadant? Non ne de ijs quæ se Deo cōsecrarunt, aut quæ monasticū uitę genus delegerūt? At his ipsis, non minus quā alijs uoto castitatis obstrictis, matrimonio interdictum est. Nam & lex Chalcedonēsis 15. nominatim eis nuptias prohibet: sicq; nubāt, communionē omniū expertes esse uult. & lex uetustior erat in Ecclesia, de omnibus qui uirginitatē uouissent, ut à nuptijs arcerētur. Nihilominus aduersus legis illius præscriptū Cyprianus, scortationis morbo medicā manū admouere non dubitat. Primum enim iubet, ut quæ Deo sacrasent continentiam suā, in ea constanter starent, ac præmiū uirginitatis expectarent. Illis autē quæ fidem uoti seruare uel nollent, uel non possent, censet, seu (ut alij loquuntur) permittit, ut nubant potius, quā eadē fide nihilo secius rupta, nefario cōcubitu se inquinēt, ac tandem in ignem æternū ruant. Neq; uerō sententiā nostra est diuersa à Cypriani, qui continentiam Deo deuotam, sanctē præstandā censeamus: incōtinentię uerō malo cum non aliud remedium propositū esse uideā, quā matrimonij thorū immaculatū,

Chalced. conc.
c. 15. & 27. q.
1. Si qua.

eo uti suadeo uoti uiolatoribus potius, quàm ut illi extra thorum legitimum Venere se polluētes, cadant in barathrum poenarum æternarum. At hoc est contra mores & leges Ecclesiæ. Fateor quidem, neque ego sum autor cuiquā, ut quod publico consensu factum est, id priuatim abroget. Sed nunc de eo, quod in concilio fieri possit, disputo. Si enim non admittendi sunt ad ordines, quorum ætas & uita talis sit, ut libidinibus obistere non uelint, aut non possint: an non potius fuerit, eis permittere ut Pauli consilio utantur (qui sic ait, Propter fornicationem unusquisque habeat suam: & Melius est matrimoniū contrahere, quàm uri) quàm ut illi uoto obstricti, perpetuo urantur, & in scortatione uoluentur? Quis enim magis uritur, nisi qui illegitimo concubitu polluit corpus suum? Feroces, indomiti & effrenati affectus, cum in maximis uersentur periculis, ita tenendi & moderandi sunt, ut ne interdictione nimia inuoluāt hominē turpitudine, actionibus non dicēdis, extremo dedecore, ac deinde morte sempiterna. Moderando affectui uenereo inuenit diuina sapiētia thorum matrimoniū sanctum. Et religio quidem uite (de qua loquimur) prorsus suadet abstinere à matrimonio. Sed eò iam uentum est, non ut de uoti sanctitate disceptetur: sed ut disputatio fiat, utrum alteri cedere debeat: an uotum titulo tenus matrimonio, an matrimoniū uoto sine re, nimirum cum illegitimis congressibus coniuncto. Res quidem tota eiusmodi est, quam spectare necesse sit uel ad uitā, uel ad mortem sempiternā. Cogitet quisque de illis uetulis, in ptochodochio nescio quo impregnatis, & de infante in aquis immerso: cogitet de offensionibus ex coelibatu presbyterorum infinitis: cogitet tormēta & cruciatus conscientiarum incredibiles: denique cogitet, quàm sit horrendum incidere in manus Dei uiuentis: & facile intelliget quæ diximus. Nam ab hominibus ociosis uix hæc quæ dixi, cum aliquo sensu cognosci possunt. Igitur qui in magnis tētationibus (tametsi innocētes ipsi) uersati non sunt, qui item in omnem foeditatē proiecti, Dei metu remoto, in uoluptatibus deliciantur, cognitioni causæ huius parum apti esse uidentur: quæ (ut ferè aliæ omnes) iudicem desiderat, qui condolere possit ihs qui ignorat & errat: quicquid ipse circumdatus sit infirmitate, propter quam ut suus ipsius, ita aliorum misereatur. Qualem Paphnutium fuisse credibile est: cuius iudicandi uirtus, ob concilii Nicæni memoriā, orbi ad immortalitatem est consecrata. Sed ut Paphnutius uoce sua concilio præiuit quid faciendum esset, ac concilium tandem summo consensu sequutum est sententiā illius, ita puto nemini priuato de hoc statuere quicquid licere: totam eius rei potestatem Pontificis esse, ac concilii legitime congregati. Quod diuus Thomas copiose explicat 22. q. 88. ar. 11. expressèque dicit, per Ecclesiā posse dispensari in uoto continentiae solennifato per susceptionem sacri ordinis. Alfonsus item Viruesius, episcopus Canariensis, uir doctus, & scriptor perquam diligens, de uerbis

uerbis Pauli (Propter fornicationem unusquisque habeat suam) disputans, ait preceptum his uerbis non contineri, sed concessione & indulgentia. Qua contendit, unicuique tribui ius ducendi uxorem, si aliter fornicationem uitare non possit. Et posteaque remedia ad coelibatum conseruandum necessaria descripsit, presbyterumque ea omnia, ut quod uoto pollicitus esset, prestaret, tentare iussit: audet tandem confidenter, ei qui tentatis omnibus continere non ualeat, id consilium dare, ut potius ducat uxorem, salutisque suae consulat, quam scortetur, & in mortem aeternam se precipitet. Sed tamen suadet, ne id sine summi Pontificis autoritate faciat: cui data sit potestas in aedificationem, non in destructionem. Hic iam finis faciendus esset huic causae, nisi occurreretur nobis a doctis quibusdam & eruditis uiris, dicentibus, obligatos uoto continentis, minus peccare fornicando, quam matrimonium contrahendo. Id enim a Pighio & Eccio traditur: & a Perionio orationis honestissime nomine commendatur: & a uiris quibusdam alijs eruditionis & autoritatis magnae confirmatur. Me uero auctoritates nullae mouent, contra quas, rationes & testimonia scripturarum pugnent. Tu scelus inexpressibile admissum dicis a presbytero qui duxit uxorem, quam relicturus sit nunc: a sacerdote uero concubinario non item, propterea quod ille animum non habeat cessandi: iste in timore Dei compungatur poenitentia, agnoscat peccatum suum, a concubinatoque cesset. Haec enim traduntur ab Eccio. Quid autem dices, o Eccie, de istis qui cessent nunc: qui concubinatum ad mortem usque complectantur: nec aliter cum concubinis uiuant, quam cum uxoribus: ut uerisimile sit eos nunc uera compungi poenitentia, cum a concubinato non cessent. Talium enim, quibusdam in locis, ingentem numerum uidimus, cum prole numerosa. quomodo talium extenuabis concubinatum, praeter uxoris presbyteris? Etenim, inquit Pighius, fornicatio potest fieri ex infirmitate: a presbytero autem uxurato iugum in totum excussum est. Loquamur uero, o Pighi, de istis, qui palam & impune uersentur in fornicatione, adulterio uel usque ad mortem. an horum peccatum infirmitatis uocabis? an hos iugum CHRISTI in totum excussisse negabis? Aiunt alij, concubenarios & adulteros manere in unitate Ecclesiae, a qua uxorati sint exclusi. Egregiam uero mansionem, in quacunque uelis unitate, cum eo peccato, quod te tandem dabit precipitem in ignem aeternum: ubi etiam si sint poenarum gradus diuersi, uae tamen omnibus illis qui ibunt in ignem nunquam extinguendum. Scortatores, adulteri, fornicatores, inquit Paulus, regnum Dei non possidebunt. Quis hoc de matrimonio dicat? Vox est aliquando audita a Luca Aquilino (non enim puto illum mihi uitio daturum, si dum de testimonio ueritati perhibendo agitur, nomen ipsius non conticescam) audiui inquam Aquilinum theologum, uel (ut hodie loquuntur) concionatorem doctissimum, cum

in omnium ordinum frequentia, rege praesente, Petricouiae in templo pro suggestu diceret, non licere presbyteris esse uxoratis propter legem coelibatus: qua si soluerentur à concilio, tum quidem, quod hodie non licet, licitum fore. Non dānauit uidelicet rem ipsam, cum de dignitate matrimonij differeret: ut faciunt, qui de hoc argumento loqui nesciunt, quin matrimonium infamia aspergāt, tanquā non deceat eos qui sacris se addixissent: sed totam rem in publicā interdictionem reiecit. Eandem sententiā luculenter cōprobari à Thoma Aquinate & Alfonso Viruesio, suprà ostēdimus. Atqui nemo hoc diceret de scortatione, uel si Pōtificis aut concilij autoritas accederet. Pugnat enim omni ex parte scortatio cum religione Christiana, atque adeò cum sacerdotio. matrimonium cum Christianismo non pugnat: imò ne cum sacerdotij quidem natura per se cōsiderata. Id enim iam à nobis demonstratum est, dissidiū quod huic cum matrimonio est, non proprium ei esse, & in eius quasi neruis inhærens, sed ascititium & assumptū. Sed quid opus multis? Cyprianus, quem suprà citaui, ait melius esse ut Deo dicata nubat, quā extra nuptias libidinose uiuendo, in ignis uoraginem cadat. Lege etiā Neocesariensi est sancitum, ut presbyter ducens uxorem, ordine moueatur: adulterium uerò aut scortationem perpetrās, extra Ecclesiā abijciatur, & ad poenitentiam inter laicos redigatur. Scilicet minori peccato minor poena, maiori maior decernitur. Iam si qua autoritas canonibus à Clemente collectis, qui Apostolorū dicuntur, tribuitur, quid magis cōfirmat sententiā nostrā, quā canon 50, qui sic ait: Si quis episcopus, aut presbyter, aut diaconus, aut quiuis omnino de sacerdotali cōsortio, nuptijs & carnibus & uino abstinerit, non propterea quò mens ad cultū pietatis reddatur exercitior, sed propter abominationem: oblitus, quod omnia pulchra ualde, & quod masculum & foeminā Deus creauit hominem: sed diffamationibus lacerans, creatio nem Dei uocat ad calumniam: aut corrigitur, aut deponitur, aut ex Ecclesia eiicitur. Non uolunt hoc canone Apostoli, presbyteros à matrimonio abstinere, tanquā re abomināda: neque eos uolūt uxorem propriam sub obtentu religionis abijcere, canone 6. At illi ijdem, in clerum nullo modo perducere uolunt eum, in quem de fornicatione adulterio ue accusatio sit instituta: ut uidere licet canone 60. Huc adde, multos clarissimos scriptores uotorum quidem sanctitatem plurimum cōmendare: qui tamen matrimonia uoto obligatorum uel non damnāt, uel minus damnant quā scortationes. Itaque & Augustinus in lib. de Bono uiduitatis, inquit: Quidam, nubentes post uotum, asserunt adulteros esse. Ego autem dico uobis, quod grauiter peccant, qui tales diuidunt. Si itaque autoritatibus pugnandum est, certe istae minime sunt cōtemnendae: quibus scortatio in ijs qui continentiam Deo uouerunt, magis dānatur, magisque punitur, quā matrimonium.

18. d. presbyter.

Lex neocesariensis

Decreto- rum d. 16.

*canon apostolicus
de scortatione
presbyteros esse
uxorandos*

27. d. quidam.

*Augustinus uo-
lens scortationem*

num. Ad hoc enim autores, quos iam citavi, alij quidē iuris cōmunis relaxatione, seu (ut hodie loquuntur) per dispensationē, alij autē nulla mētionē facta dispēlationis, uiam aperiūt: ad scortationē uerō nec hi quos dixi, nec ullus unq̃ Christianorū aditum alicui patēre unq̃ ostenderūt. Quod autē Eccius cum suis sectatoribus, in sacerdotibus diuersum docuerunt: non tam ex animi sententia scripsisse mihi uidentur, quā odio sacerdotū maritorū. Non rectē quidem, ut ego sentio. Nulla enim alicuius sententia ita improbāda est, ut falsum defendamus. Quod fortasse in schola tolerandū esset: in serijs sermonibus nullo modo concedendum est. Tales comparationes effecerunt, ut quidam opinentur, minus peccare eum qui scortetur, quā qui carnes manducet die Veneris: quod hic ab unitate Ecclesiae discedat: ille, etsi in Deum peccet, in Ecclesia tamen maneat. Itaque in carniuioros animaduertitur grauissimē: in scortatores, etiam si publici sint, prorsus nihil, aut certe leuissimē. Ad eundē modum nostra tēpestate acerbius multo puniūtur presbyteri mariti, quā scortatores & adulteri. Et quibus culicem non colari magna religio est, ijs camelum deglutiri leuis & perexiguus error. Hæc magis reprehendenda erant Eccio, quā istis coloribus extenuandus pauperum Christianorum sacerdotum concubinatus: propterea *Verba Eccij.* quod ex fragilitate humana à concupiscentia uicti labuntur: & sunt in timore Dei, agnoscetes peccatum suum, accusante conscientia: ideo compunguntur ad pœnitentiam, & confessionem peccati sui. Hæc enim sunt uerba illius, in ea Apologia, quam pro principibus catholicis aduersus M. Bucerum scripsit, super actis comitiorum Ratisbonæ, puncto 19. folio 93. Velim autem, qui omnia admirantur Ecciana & Pighiana, ut tamen delectum habeant, quid probandum sit in scriptis illorū, quid improbandum: neq̃ mox in suspicionem hæreseos uocent eum, qui in uerba illorum iurare nolit. Videant Eccianistæ, ne leuando & molliendo presbyterorū concubinato, causæ suæ patrocinari uideātur: aliosq̃ in hanc nassam illiciant, ex qua scilicet minus sit periculi. In qua quidem nassa magistrū illorum fuisse, subsignificare uidetur Bartholomæus Latomus, præclarus scriptor, & eruditus uir: dum Bucerū ob uxorem, & Eccium ob mulierculam, cum qua fortasse (ut ipse ait) commoratus sit, inter se comparat. Quod si sic uixit Eccius, non mirum est, talem uiri fuisse orationem, quales mores fuerunt. Omnino uidimus non tantum pauperum, de quibus nominatim Eccius loquitur, sed & diuitum Christianorum, si dijs placet, sacerdotum, scortationem perpetuam non secus tolerari, quā si iure permissa esset. Quæ cum in oculos hominum incurreret, grauissimamq̃ afferret offensionem: tamen inuenti sunt theologi, qui eam extenuarent, ac pulchris additis coloribus tantum non commendarent.

APOLOGIA.

DE matrimonio presbyterorum quæ scripsimus, multa arguuntur à multis: nō sine aculeis cōtumeliarū, quibus pungimur. Quos quidē aculeos nos omitemus; ad accusationes tantū respondebimus. Deinde magis cōfirmabimus sententiā nostram. Primū sententiā nostrā quæ in libro ad notam unitatis ponitur, sic à criticis corrigitur: ordinē sacri matrimonii nō repugnare, quatenus utrunq; sacramentū est: ceterū quæ à matrimonio iunctis sūt, ea cum sacerdotio pugnare. Quasi uerō, qui matrimonij sacramētō iuncti sunt, officiū matrimoniale præstare nō possint sine indignitate sacerdotij: uerbaq; illa (Erunt duo in carne una) & illa (Matrimonij in omnibus honorabile, thorūq; immaculatus) nō de matrimonio sacramento, sed de re profana, sint accipiēda. Quod si Lōbardus uerē scripsit, nō tantū consensu coniugū mutuo copulā CHRISTI cum ecclesia significari, quæ quidē copula sit per charitatē: sed & cōmitione sexuū eandē copulā significari, quæ sit per naturā cōformitatē, (sumpsit enim CHRISTVS formā de natura hominis) an hæc cōmitione nō inter res sacras numerabitur: quæ quidē mihi matrimonij propria esse uidetur. Nā illa unitas quæ ex cōsensione animorū existit, extra matrimonij etiā inuenitur in amicis. At copulatione corporū legitima, caro una coniugū, unioq; illa efficitur, quæ Christi cum ecclesia unionē representat. Quā unionē Paulus ut indicaret esse maximā, ab illa cōiugū cōsociatione sumit similitudinē hisce uerbis: Sic debent uiri amare uxores suas, ut sua ipsorū corpora. Qui suā uxore amat, seipsum amat. Nā nemo unq; suum corpus odit, sed id alit, fo- uetq; ut CHRISTVS ecclesiā: cuius CHRISTI corporis mēbra sumus nos, ex eius carne atq; ossibus. Certē hæc omnia de cōiugib. accipiēda sunt, qui nō tantū animo, sed corpore etiā unū sint: quorū coniunctio uel ad sobolē procreandā, uel ad stuprū uitandū, sit destinata. Hæc matrimonio, ut est sacramētum, adeo sunt necessaria, ut qui illis explendis impar sit, diuortio coniugem amittere cogatur: nimirum qui finem matrimonij consequi nequeat. Huc enim, opinor, spectat caput iuris, de frigidis & maleficiatis. Contrā, qui hoc uitæ genus professus, explere possit munera hæc uel conseruando humano generi, uel scortationi uitandæ necessaria, huic necessitatem impositā esse persoluendi, non iam suo, sed coniugis arbitratu, quod debet, docet Paulus. Quorsum igitur hæc censura de matrimonij officijs, tanquam de rebus nihil ad sacramentum matrimonij pertinentibus? Critici sic pergunt: Si sacerdos tem esse, nihil esset aliud, quā prophetam esse, uerbūq; ministerio fungi: non ita pugnaret natura sacerdotij cum nuptijs, quin eidem conuenirent. Quoniā uerō certum esse dicit Origenes, impediri sacrificiū indefinens ijs qui necessitatibus coniugalibus inferuiunt: uidetur illius solius esse offerre sacrificiū indefinens, qui indefinenti & perpetuæ se deuouerit castitati. Dicit hoc quidē Origenes. Quid etiam sit sacrificiū indefinens, explicat. Enumerat ibi festiuitatum Dei ordines multos: primamq; festiuitatem appellat indefinentem, quam cum sacrificijs indefinentibus coniungit, quæ indefinenter & sine ulla prorsus interruptione in matutinis & uespertinis offerantur. Dies ergo, inquit, festus est Domini, si sacrificiū indefinens offeramus: si sine intermissione oremus: ita ut ascendat oratio sicut incensum in conspectu eius manē, & eleuatio manuum nostrarum fiat ei sacrificiū uespertinum. Deinde paulo post ostendit, qui eiusmodi festū agere, & eiusmodi sacrificiū offerre queant, his uerbis: Certū est, quia qui peccat, & agit diem peccati, agere nō potest diem festum. Et ideo illis diebus, quibus peccat, offerre nō potest indefinens sacrificiū Deo. Sed ille offerre potest, qui indefinenter custodit iustitiam, & conseruat semetipsum à peccato. Qua die autē interruperit & peccauerit, certum

Criticorū cen-
sura excutitur.

Sen. 4. d. 26. §
cum ergo.

Origenis sen-
tentiā de sacri-
ficio indefinen-
ti explicatur.

Orig. hom. 23
in Num.

tum est quòd in illa die non offert sacrificium indefinens Deo. Vereor aliquid dicere, quod ex sermonib. Apostolicis intelligi datur, ne fortè uidear aliquos contristare. nam si oratio iusti sicut incensum offertur in conspectu Domini, & eleuatio manuū eius sacrificium est uespertinū: dicit autē Apostolus ijs qui in coniugijs sunt, Nolite fraudare inuicē, nisi fortè ex consensu ad tempus, ut uacetis orationi, & iterum in idipsum litis: certum est, quia impeditur sacrificium indefinens, ijs qui coniugalibus necessitatibus seruiunt. Vnde uidetur mihi, quòd illius est solius sacrificiū offerre indefinēs, qui indefinēti & perpetue se deuouerit castitati. Haftenus uerba Origenis: in quibus, mea sentētia, nihil dicitur de sacrificio missae: sed tum de festiuitate indefinēti, quae perpetuò agenda sit: tum de sacrificio etiam indefinēti, quod manē & uesperi offeratur. Quod ipse dicit orationem indefinentem, quae sicut incensum ascendat in cōspectū Domini manē: & manuum eleuationem, quae fiat sacrificiū uespertinū. Hoc uerò sacrificium, an non ad uniuersum populum Dei pertinet: perinde quidē ad laicos, atq; sacerdotes? Qui uerò sunt, qui tales dies festos agere, & talibus sacrificijs operam dare possint? Dupliciter respōdet. Primò simpliciter: Illi, inquit, qui non peccant: peccantes enim nec hanc festiuitatem agere, nec hoc sacrificiū offerre posse. Secundò cunctanter & timidē, ex uerbis Pauli ratiocinando de coniugibus: qui cum castitatem perpetuam nō seruent, cōcludit eos sacrificium indefinens offerre non posse. Hae collectio est Origenis: recta ne an non, nihil nunc refert dicere. Timidē certē hac in parte loquitur. Satisq; est nostro proposito, nihil hīc de missae sacrificio dici: nihil de sacerdotū officio peculiari: totū sermonē ad cunctū populū pertinere, cui tum de festo, tum de sacrificio perpetuò cōcionabatur. Hae de sentētia Origenis. Recita 3

tur tandē argumētū Hieronymi aduersus Iouinianū, his ferē uerbis: Sacerdoti orādum est semper: semper etiā pro populo offerēda sacrificia: ergo semper carendū matrimonio. nam & laicus fidelis orare non potest, nisi careat officio coniugali: & in ueteri lege, qui pro populo hostias offerebant, ab uxorib. separabantur. Enimvero si Hieronymus de oratione illa loquitur, quae est perpetuum quoddam studium implorandi diuini auxiliij, talis non minus laicis quā sacerdotibus praecipitur à Paulo, dum orare iubet indefinenter. Talis oratio ut cibo, potu, & actionibus alijs honestis minimē impeditur, ita nec coniugali congressu, qui (Apostolo teste) thorax est immaculatus. Sin de illa grauiore, quae ferē cum ieiunio coniungitur, huius causa à maritalibus officijs ad tempus cessandum esse, idem Paulus author est. Verū hoc non ad sacerdotes tantū, sed ad laicos quoq; referendum est. neq; precum solennium causa modò, sed & tempore belli, & in omni calamitate id esse necessarium, non minus nobis quā ueteri olim populo à Deo traditum. Quod Ioel uates sic testatur: Egrediatur sponsus de cubili suo, & spōsa de thalamo suo. Moses etiam multis antē seculis, populo legem suscepturo edixerat, ut in diem tertium parati essent, scq; à mulieribus abstinerent. Certē in eiusmodi solennitatibus, non thalamos duntaxat cōiuges deserere debent: sed à cibo & potu delicatiori, à somno longiore, & negotijs alijs abstinere, ut rebus diuinis maiore animi deuotione adesse possint. Cum autem solennitates & feriē eiusmodi perpetuae non sint, ut nihil prohibebat sacerdotes olim uxores habere: ita ne nunc quidem prohiberet, si per concilium Christianum id liceret. Non ne patriarchae, prophetae, & multi sancti uiri mariti fuerunt: in quibus tamen tantū studium religionis ac uerae pietatis in Deum & in homines fuerat, ut nunc illi in primis nobis proponantur ad imitandum: & Abraam pater omnium credentium appelletur? Si quis amplius urgeat, ac neget eum qui sacrificia offerre debeat semper, uxori aliquando coniungi debere: huic non aliud respondebimus, quā quod synodus sexta decreuit, & à Gratiano relatum est 31. d.

P Quoni-

Argumentū
Hieronymi
an ex ame,
et ad autho-
ritatē eius-
de aliorūq;
magnorum
uironū re-
sponso.
1. Thes. 5.
1. Cor. 7.

Ioel 2.
Exodi 19.

Quoniā. Primum Romanæ legis mēto sit, qua sacris initiati à cōmerciis suarū uxorū arcebāt. Deinde ea lege neglecta, canō Apostolicę diligētia renouat, ut sacrorū uirorū legales nuptiæ deinceps ualeāt: cōnubia eorū ne dissoluant: familiaritateq; uxorū, in tēpore opportuno ne priuent. Ad hæc, nemo sacro ministerio dignus uel à tali ministerio prohibeat ob uxoris cōsuetudinē, uel tēpore ordinatiōis ad profitendā castitatē cogat. Terriō, modus cōsuetudinis cū uxore habēde addit: nēpe ut sacerdotes tēpore oblationis à cōplexu mulierū suarū abstinēat. Quartō, pœne in cōtraueniētes legi huic addūtur: Qui priuare uelit sacerdotem cōmunionē uxoris suæ, deponat: Sacerdos aut qui religionis ergō abiecerit à se uxore, ex cōmunicetur, deponatur ue. Ita & summā decreti Sextæ synodi exposuimus: & obiectioni Hieronymi satis, ut opinor, fecimus. Non enim puto necesse esse, ut omnis sacerdos sacrificium faciat omni die, quod nec in ueteri ecclesia obseruatum fuisse, ex historia de Zachariæ ministerio apparet. In noua aut, quantus eorū est numerus, qui in anno uix ter quater ue sacrificant: Qui frequentius, hi tempora habent ministerij dispartita, quibus per uices sacris operātur: qui omni die, hi ferē uictum missis celebrādis quærūt. Quāuis igitur quotidie operātī, perpetuō carēdū esset matrimonio: tamē qui sape à sacrificio uacāt, eos cū uxorib. cōsuetudinē statis temporibus habere, nihil impediret. Oblatiōesq; taliū in ecclesia minimē esse improbādas, canone Quarto cōcilij Gangrēsis sancitur, his uerbis: Si quis discernit presbyterū cōiugatū, tanq; occasione nuptiarū offerre nō debeat, & ab eius oblatiōe ideo abstinēat, anathema sit. Hoc aut quod à nōnullis dicit, nō pugnare quidē maritū esse & sacerdotē: sed pugnare, inter quotidianos uxoris amplexus uersari, & coelestia mysteria tractare: uerē quidē ex parte, nō totū dicitur. Nō enim tales omnes mariti sunt, qui ferāt perpetuos amplexus uxoris. Ne uiro quidē politico id cōuenit, nisi sit aliquis Sardanapalus: tantū abest ut sacerdoti probo cōueniat. Multi uiri sunt, quib. præter uxores curā est Resp. & religio. Multę uxores sedulæ & sapiētes, quę sint ornamēto uiris suis, quę domos suas instruāt: quales qui inuenit, bonū inueniat, & Domini fauorē obtineat. Multi cōiuges, qui in hoc uitæ genere castē modestēq; uiuētes, non minus se suaq; officia Deo ac ecclesiæ approbare possint, atq; ipsi cœlibes. Ex huiusmodi cōiugib. sumēda sunt exēpla matrimonij sacerdotalis. Proponēdus inter cæteros Zacharias cū Elizabetha: qui cōiuges erāt, ambo apud Deū iusti, sese in omnib. Domini præceptis & institutis gerētes inculpato. Tales si ante oculos posuerimus, desinemus loqui de perpetuis amplexib. cōiugū. Desinemus cogitare de ineptijs cōiugū, quæ sine rubore nominari nō possint. Non enim ad istas ineptias, nō ad lasciuia aut immoderatā libidinē, sed ad necessitatem, & ad supra uitāda matrimoniū institutū est. Qui nullū carnalē cōcubitū putat sine peccato fieri posse, is in totū dānet matrimoniū necesse est. At hoc dānandū non est, quod à Deo institutū, à CHRISTO cōsecratū, à multis sanctis uiris celebratū & initū est. Nō igit omnis cōmistio sexuū dānanda. Est thorax aliquis immaculatus, ut dicit Apostolus. Talis uerō quid sanctitati sacerdotali oberit? Neq; uerō sum ignarus, à multis doctis & pijs uiris argumentū illud Hieronymi, cuius pōdus tātoperē examinamus, tāquā Achilleū in mediū produci. Verūm præter ea quę diximus, morib. etiā & institutis Græcarū ecclesiā rū prorsus refellit. Aut enim Græcorū sacerdotib. nec offerre, nec sacra facere licet sine crimine: aut si licet, taceat illud argumētū oportet, nec uirib. et (ut ita dicā) lacertis suis ualeat, sed rātū Latine ecclesię suffragijs. Ignis ubiq; adurit, nō minus apud Græcos quā Latinos. Natura enim ignis ea est, quæ ab hoc effectū seiūgi nō queat. Quod si hæc sacerdotij natura esset, quę propter oratiōes & sacrificia, cōiugij officia prorsus excluderet: tale esset sacerdotiū ubiq;. Sed tale nō est apud Græcos. Nō igit naturā tale est: sed hoc quicquid est, externū

13. d. Si quis
discernit.

Proverb.
12. 14. 13.

illi & aduentitium est, uoto cœlibatus, aut (si mauis) constitutione Latinæ ecclesiæ illi adiunctum. Hinc autem perspicuum est, cœlibatum presbyterorum non esse ecclesiæ catholicæ, nec in confessione fidei catholicæ debere numerari, sed Latinæ tantum: ut qui contra illum differat, nō contra catholicam, sed Latinam tantum ecclesiam differere uideatur. Augustinus in libro Psalmorum dicit, Gratiano referente, copulam sacerdotalem uel cōsanguineorū, nec legali nec euangelica uel apostolica auctoritate prohiberi: ecclesiastica tamen lege penitus interdici. Et audent aliqui testimoniorum cumulos, sacerdotalibus nuptijs prosciendendis, ex legalibus euangelicis & apostolicis scriptis coaceruare: cum illis scriptis, si Augustino credimus, prohibere nō sint. Audēt non tantum sacris iam initiatos à matrimonio ineundo dehortari: sed prorsus ostendere, coniugalīa officia illos nullo modo decere. Dolendum profectō, eō uel impietatis uel inscitie in ecclesia Christiana progressum esse, ut non secus de matrimonio iudicetur, quā de re profana, cui aliqua turpitudine sit coniuncta. Qui cœlibatum ordini sacerdotali primū adiunxerunt, uidētur rationem illam ante oculos sibi posuisse, ut qui maximi muneris curationem susci- perent, uacui essent ab ijs rebus, quibus uita humana in matrimonio carere nō potest. Hanc opportunitatem Paulum sequutum esse, probabile est: qui cum more aliorum apostolorum, & in primis Petri, potestatem haberet mulierem 1. Cor. 9. sororem circumducendi, non eam circumduxerit: ut (quēadmodum Clemens apud Eusebium loquitur) ad euangelij prædicationem expeditior esset. Po- Euseb. Ec- stea consequuti sunt homines, qui non tam illam curarum coniugalium uacui- cles. hist. tatem sibi proposuerūt, quā coniugium tanquam rem profanam sacerdotio lib. 3. c. 30. indignā esse arbitrati sunt: contra & ueteris ecclesiæ mores ac instituta, & no- uæ illius, quæ mox à Christi in cœlum ascensu, quod infra ostendemus, cum cōiugijs sacerdotia iungebat. De argumento Hieronymi satis. Quod si quis me tanti uiri auctoritate aut aliorum qui matrimonium eiusq; officia sacerdo- tali dignitate indigna putent, premere pergat: huic ex Erasmi & Alfonsi Vir- uesij sententia responderim, Hieronymū iniquiorem matrimonio fuisse: itaq; eius auctoritatem naturæ causæ minimè nocere debere. Nam cum Iouiniani aut Heluidij hæresi esset excitatus, tantis laudibus uirginitatem extulit, ut nō- nunquam de matrimonio parum honorificè loqui uideretur. Quorsum enim illa eius uerba: non negamus uiduas, non negamus maritatas, sanctas mulie- res inueniri: sed quæ uxores esse desiderint: quæ in ipsa necessitate cōiugij, uir- ginum imitentur castitatem. Hæc ab Hieronymo ita dicta sunt, quasi coitus in matrimonio sit illicitus: matrimoniumq; sanctum cum suo officio coniunctū, non sit honorabile, aut thorus immaculatus. Multa eiusmodi uirginitatis studio à patribus scripta sunt. Quale illud est, quod ex Ambrosio Gratianus 22. q. 1. nu- citat: Nuptiæ terram implēt, uirginitas paradysum. Et illud quod Augustinus ptia. optat, ut omnes ab omni concubitu abstineant. citius enim sic implendā Dei Aug. de bo- ciuitatem. Quod si hæc intelliguntur, coniugatis cœlum non patere, uirgini- no cōiugij. bus patere, quid ineptius: imò quid falsius: nam & uirgines multæ sunt fatue, quarum lampades extinctæ sint: & coniuges multi sanctissimi in ecclesia Dei. Quanto uerius diceretur, & matrimonium & uirginitatem ita implere cœlū, si & coniuges & uirgines piè uixerint. Vtrunq; enim opus est Dei: de utroq; honorificè & dicendum, & sentiendum. Et mulier seruabitur per liberorum procreationem, si permanserit in fide, charitate, sanctimonia, cum frugalitate. Et cœlebs, aut uirgo, si res Domini curauerit, sancta erit tam animo quā cor- pore: quæ uia est expeditissima ad cœlum perueniendi. Hæc ad authorita- tes magnorum uirorum. Redeamus ad canonem Quoniam, suprā citatum: quem ecclesiæ orientali seruire, Gratianus eodem in loco, §. Hoc autem ex lo- co, fatetur, Mihi uerò id satis est, qui naturam sacerdotij orientalis & occiden-

talis ecclesiæ contendo esse eandem: quodq; in occidentali ecclesia obserue-
 tur, id uel ex uoto continentiae, uel ex constitutione ecclesiæ fieri, non ex na-
 tura, aut essentia sacerdotij. Seu igitur afferantur scriptores Latini contra
 nostram sententiam, seu Græci, dicemus illos quidem loqui de sacerdotio
 uel uoto uel constitutione ecclesiæ ad cœlibatum seruandum obstricto, non
 de eodem nudè considerato. Istis autem opponemus synodum sextam, quæ
 & ipsa Græca erat: maioris quidem authoritatis, quàm uel Socrates Græcus,
 uel Epiphanius Cōstantiæ Cypri episcopus, quantūuis illi diuersum sentire
 uideantur. Iam alijs obiectionibus respondeamus. De uerbis Pauli, Opor-
 tet episcopum unius uxoris esse uirum, multorum scriptorum nomina citan-
 tur, qui digamos excludant à sacerdotio. Quod quidem ita esse, ipse uidit a-
 pud Origenē in Lucā hom. 17. & Ambrosiū 1. Tim. 3. Verūm neuter, Pauli
 uerbis interpretandis, monogamos excludit: quod satis est nostrę sententię
 cōprobandæ. Hieronymus etiam, etsi matrimonio presbyterorū iniquior, in
 disputatione aduersus Iouinianū sic scribit: Si autē Samuel nutritus in taber-
 naculo duxit uxorem, quid hoc ad præiudicium uirginitatis? Quasi non ho-
 die quoq; plurimi sacerdotes habeāt matrimonia: & Apostolus episcopū de-
 scribat unius uxoris uirū, habentem filios cum omni castitate. Idem extra rhe-
 toricationē & extra disputationem, sedatis affectibus, uerba Pauli de quibus
 agimus sic interpretatur: Quidam de uerbis Pauli ita sentiunt: Iudaicæ con-
 suetudinis, inquiunt, fuit, uel binas uxores habere, uel plures. Quod etiam in
 ueteri lege de Abraam & Iacob legimus. Et hoc nunc uolunt à Paulo esse præ-
 ceptum, ne is qui episcopus eligendus est, uno tempore duas pariter habeat
 uxores. In epistola item ad Oceanum, sic inquit: Ex Iudæis erat apostolus:
 prima CHRISTI ecclesia ex Israel reliquijs congregabatur. Sciebat lege con-
 cessum, & exemplo patriarcharum ac Mosi familiare populo nouerat, in mul-
 tis uxoribus liberos spargere. Ipsi quoque sacerdotibus huius licentię pate-
 bat arbitrium. Præcepit ergo, ne eandem licentiam ecclesiæ sibi uendi-
 cent: sacerdotes ne bina pariter & trina tortiantur coniugia, sed ut singulas
 uno tempore uxores habeant. Hanc interpretationem assertit Hieronymus
 uerborum Paulinorum. Etsi autem plures quoq; afferat, tamen alias pror-
 sus improbat: alias uocat coactas, nonnullas supersticiosas magis quàm ue-
 ras. Hanc uerò quam recitauimus, minimè reprehendit. Si igitur nos autho-
 ritate Hieronymi urges, ecce tibi eiusdem Hieronymi authoritatem: si sen-
 tentijs illius, habeo eius contrarias sententias. Placet tibi, quod ille dicit pres-
 byteros à matrimonio arcendos: placet & mihi, quod idem dicit sedata o-
 ratione Paulum interpretando. Quòd si tibi hæc contraria apud eundem fe-
 renda non uideantur, quid aliud restat, quàm ut istis riujs relictis, ad fon-
 tem recurramus, ac Pauli uerba expendamus: quod à nobis in Libro factum
 est. Sed tibi perridiculum uidetur, quod ex illis Pauli uerbis quidam colligunt:
 dum non uolunt non fuisse, sed esse oportere episcopum unius ux-
 oris uirum. Ego uerò, ut sis sciens, non id colligo: sed Paulum istis ipsis uer-
 bis sic scriptum reliquisse affirmo, Oportet autem episcopum irreprehensibi-
 lem esse, unius uxoris uirū. Omnes quos habere potui, adhibui interpretes.
 nullus scripsit, fuisse: omnes scripserunt, Esse. Quo uerbo, qui Græcè sciunt,
 usum esse Paulum affirmant, cum dicit, *ἀλλ' οὐ τὸν ἐπίσκοπον ἀνεπίλητον εἶναι,*
μίας γυναῖκος ἄνδρα. Eodem uerbo usum esse infra de Diaconis, *διακονοὶ ἕως αὐ-*
μίας γυναῖκος ἄνδρες. Ais Hieronymum ita scripsisse, Oportet Episcopū irre-
 prehensibilem esse, ut nulli uicio mancipatus sit: unius uxoris uirum, qui unā
 habuerit uxorem, non habeat. Scripsit, sed calore contentionis. Cæterum uer-
 ba Pauli in commentarijs enarrando, nihil huius meminit. Ad Pammachiū
 item affirmat, bigamos exclusos à sacerdotali dignitate, propter sacramenti
 uirtu-

uirtutē, ut sit unus uxoris maritus, sicut unus ecclesiæ unus quoque est CHRISTVS. Est etiam inter constitutiones Syluestri primi, ut Platina narrat, gradus in ordinibus ecclesiasticis illum constituisse: ut unusquisque uno ordine contentus sit, & unus solum uxoris uir. Obijciunt ex Hieronymo: Si, inquit, sententia hæc, ut episcopus sit unus uxoris uir, recipitur, non erit episcopus & sacerdos CHRISTVS, non Paulus, non Ioannes euangelista, non multi alij qui coelibes fuisse leguntur. Obijciunt hoc quidem à Hieronymo, sed illis qui putant rem necessariam esse ut episcopus sit uxoratus: neminemque ordinandum episcopum, nisi qui prius uxorem duxerit. Pauli uero uerba non sunt precipientis, sed permittentis. Permiserunt enim, inquit ipse idem Hieronymus, Apostoli eo tempore, ut episcopus esset unus uxoris uir, quando recenti adhuc ecclesia non poterant inueniri tot uirgines, nec coelibes quidem, quot episcopis & sacerdotibus opus erat. Eodem sensu Chrysostomus: Non hoc, inquit, uelut sciens dicit Apostolus, quasi non liceat absque uxore episcopum fieri: sed eius rei modum constituens. Alibi sic idem: Obstruere, inquit, uoluit Paulus ora hæreticorum, qui nuptias damnarēt: & matrimonij dignitatem ostendere, cum quo aliquis posset ad sanctum episcopatus solium euehi. Hæc quidem ad Paulinorum uerborum explicationem attulimus, quæ planissima sunt. Primum enim episcopo modum præscribit habendi matrimonij, cum dicit: Sit unus uxoris uir. Deinde diaconis, dicens: Diaconi sint unus uxoris mariti. Idem de presbyteris ad Titum sic inquit: Reliqui te in Creta, ut constituas presbyteros: Si quis est inculpatus, unus uxoris uir. Cum igitur iisdem omnino uerbis utatur episcoporum, diaconorum, & presbyterorum uxoribus describendis: dubitabimus adhuc de matrimonio eorum? præsertim cum & liberorum mentionem faciat, & ex huiusmodi uita laudatè & honestè acta bonū eligi uelit ministrū ecclesiæ. Nā cuius industria, prudentia & integritas in liberis ac familia gubernanda est cognita, is idoneus putatur qui accedat non tantum ad Rempublicam, sed etiam ad gubernandam Dei ecclesiam. Sunt enim hæc à Paulo scripta, inter boni ecclesiæ ministri rationes: Qui suæ domui bene præsit: qui liberos habeat in subiectione, cum omni reuerentia. Quod si quis suæ domui præesse nō nouit, quomodo ecclesiam Dei curabit? De coelibatu quidem nihil eiusmodi dicit Paulus, boni episcopi facultatibus enumerandis. Quamobrem à maioribus nostris sapius maritos, rebus diuinis deditos, ad ecclesiæ gubernationem uocatos esse: uirgines uero, qui negotijs profanis uacabant, neglectos, Hieronymus ostendit, cum in libro contra Iouinianum primo quærit, & sibi respondet his uerbis: Et quomodo, inquit, frequenter in ordinatione sacerdotali uirgo negligitur, & maritus assumitur? Quia fortè cætera opera non habet uirginitati congruentia: aut uirgo putatur, & non est: aut est uirginitas infamis: aut certè ipsa uirginitas ei parit superbiam: & dum sibi applaudit de sola corporis castitate, uirtutes cæteras negligit. Hactenus de sententia Pauli: quæ tam clara est & sermonis genere, & ijs quæ ad eam pertinentia subiecta sunt, ut interpretationes uarias ad eam exponendam quære-re, hominis sit otio nimium abutentis. Verum nobis, propter peruersa quorundam iudicia, tot uerba effundere necesse erat. Quoniam autem de Apostolis hîc quæritur, habuerint uxores nec ne, de eo aliquid dicendū est. In canonicis quidē Biblijs de focu Petri, & filiab. Philippi legitur: quod argumēto est, Petrū & Philippū uxores habuisse. Quod etiā ab Eusebio traditū est, ex Clemētis autoritate, his uerbis: Clemens propter eos qui nuptias reprobabāt, eos qui ex Apostolis in cōiugijs fuisse probātur, recēset dicens: An & apostolos reprobabūt? Petrus enim ac Philippus liberis procreādis operā dederūt, Philippus etiā filias suas uiris nuptū dedit. Et Paulus nō detrectat in

Hieron. in
Iouin.

Chrysost. in

1. Tim. 3.

Hom. 10.

In Tit. ho. 3.

De uxorib.

Apostolo

rum.

Matth. 2.

Act. 21.

Eus. in eccl.

hist. lib. 3. 6.

30.

epistola quadam salutare coniugem suam, quam non circumduxit, ut ad ministerium expeditior esset. Et paulo post dicit, Petrum, cum uxore suam ad mortem duci cerneret, gauisum quidem fuisse uocationis gratia, & quod ad suaremearet. acclamasse uero illi admodum, hortandi & consolandi gratia, ex nomine eam compellando, ac dicendo, o N. memento Domini. Tale erat beatorum coniugium, & integer amicissimorum affectus. Quae de re & Ignatius in epistola ad Philadelphenses, idem Eusebius narrat, meminisse his uerbis: Non detraho ceteris beatis, qui nuptiis copulati fuerunt, quorum nunc memini. Opto enim Deo dignus ad uestigia eorum in regno ipsius inueniri, sicut Abraam, Isaac & Iacob, sicut Ioseph & Elia & ceteri prophetae, sicut Petrus & Paulus & reliqui apostoli, qui nuptiis fuerunt sociati: qui non libidinis causa, sed posteritatis subrogandae gratia coniuges habuerunt. Quod si Apostoli habuerunt coniuges subrogandae posteritatis gratia, quid est quod aliqui ita affirmare audent, Non esse dubitandum, Petrum, & alios Petri exemplo, postquam CHRISTI discipuli facti sunt, cum uxoribus commercij deinceps nihil habuisse? Vnde enim isthaec certitudo? Si hoc probabile uideri posse diceretur, tolerandum esset: nunc quia certum hoc esse potest: Tantum enim ad tempus coniugibus temperantiam suadet Paulus: nempe ut ieiunio & precibus uacent, idque ex mutuo consensu. Quos cum admonet ut redeant in idipsum, hoc est, ut congregiantur: an non palam indicat, modum adhibendum esse immodicae coniugum castimoniae: idque graui addita causa, ne tententur a satana? Iam si Petrus ab usu coniugij abstinuit, certe ex consensu uxoris abstinuit. Illa enim beneuolentiam debitam expetente, Petro negare minimè licebat. Quam sit enim absurdum, usum coniugij negare ei qui coniugem habeat, in Libro ostendi. Quam autem graue, & periculi plenum, & Paulus ipse testatur, dum coniugibus, ob nimiam temperantiam, metuendas esse dicit satanae tentationes: & Dionysius Areopagites ostendit in epistola ad Gnosticos, qua commonet & precatur episcopum eorum Pynitum, ne graue seruandae castitatis onus necessario fratribus imponat, sed multorum sese imbecillitati attemperet. Quod autem Paulus tempus angustum esse dicit, ut qui uxores habent, perinde sint ac si non habeant: de moderato coniugij usu, & non de perpetua continentia intelligendum esse, declarant quae ibidem sequuntur: quae certe deploratu aut gaudio perpetuo accipi non possunt. Deinde quod CHRISTVS dicit, omnem qui reliquerit domum, fratres, sorores, patrem, matrem, uxorem, eum centuplum accepturum: non nudè intelligendum est, sed Dei & Euangelij causa. nam si Deus requirat, non tantum ea quae a CHRISTO hic sunt dicta, sed nostra ipsorum uita est deferenda. imò & odio habenda, si diuersum quid suadeat quam CHRISTVS uelit. Si quis enim, inquit CHRISTVS, ad me uenit, nec suum patrem & matrem, & uxorem & liberos, atque adeo suam ipsius animam odit, non potest meus esse discipulus. Haec de uxoribus Apostolorum. Atque hic a nonnullis introducitur disputatio, de quaestionibus a Paulo explicatis 1. Cor. 7. Verum quia parum seruit nostro proposito, & paucis explicari non potest, alibi eam tractabimus. Exagitantur a criticis & ea quae in Libro attulimus, improbando glossam uerborum (matrimonio copulantur) 31. d. Aliter. Aiunt uerba illa pro eo accipi debere, quod est, matrimonio copulato utuntur: propterea quod sic acceptum sit 30. q. 1. Nosse desideras, & a diuo item Gregorio, & ab interprete Chrysostomi sic usurpatum. Mitto quaerere, quam aptè illa loca citentur, dum uel pro coniunctis simplicia uerba afferuntur, uel in coniunctis non minus contractus matrimonij quam usus intelligi possit. Illud quaero, an quia alibi ita acceptum sit ut tu uis, ideo in hoc loco ita accipi debeat? Nos ex secunda parte antithetis, quae clarissima est, sensum prioris partis colligimus. Tu ex prima parte, quae & ipsa clarissima

Eus. Eccl.
hist. lib. 4.
c. 23.

LUC. 14.

Intellectus
canonis A-
lter, in li-
bro citati,
defendi-
tur.

rissima est, si per glossam liceret, uim facis secundæ parti, non eam interpretaris. Quid autem causæ, cur, quod fecisti prima parte interpretanda, idem non fecisti secunda explicanda? Fortasse ratio antitheti te ad rectam intelligentiam conuertisset. Quid enim est fortiri coniugiū, quàm contrahere, & ut ita dicam, nancisci illud? Sic enim & Hieronymus in epistola ad Oceanum supra citata intelligit, cum dicit, Sacerdotes ne bina pariter & trina sortiantur coniugia: & Lombardus Sen. 4. d. 37. §. Sunt igitur pro eodem usurpata, fortiri coniugiū, fortiri uxorem, & ducere uxorem. Latini etiam utuntur illis modis dicendi, fortiri prouinciā, fortiri magistratū: pro eo quod est, obtinere uel consequi. Apostolus item in epistola ad Hebræos 1. dicit CHRISTVM præ angelis excellentius nomen sortitum esse: quod alij interpretati sunt, nomen obtinuisse: alij, nomen hæreditasse. Et Petrus Actor. 1. dicit, Iudam sortitum fuisse partem ministerij Apostolici. Quis autem unquam dixit fortiri coniugiū, pro eo quod est dormire cum uxore? Hoc si tu cogitasses, nunquam hunc esse germanum uerborum Stephani sensum, quem dicis, pronuntiasses: nec orationem rectam, tanta uis, in partes quibus studes detorsisses. Verba Stephani sunt hæc: Orientalium sacerdotes matrimonio copulantur: occidentalium nullus licentiam habet coniugiū sortiendi. Quorum tu hunc sensum dicis esse germanum: Orientalium sacerdotes mariti præstant uxoribus quod debent ex lege matrimoni, occidentalium nequaquam. Quid magis alienū à recta interpretatione? Ac ne tibi absurda uideatur sententia Stephani pape, subscribit ei Innocentius, & ipse Papa, eius nominis. Quartus, scribēs de ordinatis ad sacros ordines, eos matrimoniū contrahere posse, nisi constitutiones ecclesiæ hoc prohiberēt. Verba Innocentij infra describemus. Seu autem Innocentij uerba de orientalibus, seu de occidentalibus sacerdotibus intelligant, nostrum nihil refert: qui de matrimonio in eā partē disputemus, eius naturā nō repugnare sacerdotio: omnē repugnantia ex uoto esse, ac ecclesiæ constitutione. Quam autem ordinatē disposuerit Gratianus d. 31. sententias Græce ecclesiæ de matrimonio presbyterorum, uideamus. Primo canone qui incipit Nicena, narrat, Nicenū conciliū presbyteros à concubitu uxorū, ante ordinationē ductarū, abstrahere uoluisse: uerū Paphnutio intercedente, latione legis quæ fornicationis causa existeret supersedissee, reque uniuscuiusque arbitrio permisisse. Sequenti canone qui incipit Quoniā, narrat à Sexta synodo sancitū esse, ut uxores presbyterorum ante initiationē ductę legitime haberent: consuetudo etiā cū eis mutua, legitima esset: nec impedimentū alicui inferret, perueniēdi ad ullos honores sacros. Tertio canone, qui incipit Aliter, narrat etiā sacris initiatos in ecclesijs orientalib. matrimonio copulari: hæcque re ab eis ecclesias occidentales differre, quarū presbyteri licentia nō habeat coniugiū sortiendi. Ludant critici ut uelint, in uerbis (matrimonio copulantur) certē antitheti pars posterior planē indicat sensum prioris. quo sensu citat à nonnullis Iurisperitis: quorū uerbis infra confirmabimus sententiam, quam sequimur. Qui glossam uerborum (matrimonio copulantur) tuentur, illi integrum canonem Diaconi 28. d. omittūt. Facilius eis erat uerba duo cauillari, quàm canonē integrū eludere. Sic in exagitando canone Latorem 33. q. 2. sunt nimis loquaces, canuntque magnificē triumphos: in c. Nicena, & c. Quoniā, 31. d. sunt prorsus muti. Atqui satis est, nos una lege comprobasse nostram sententiam. Aut omnia à nobis adducta, erāt refellenda, aut nihil. Quid enim si unum aliquem, aut plures uincas: postremò ab uno uincaris? certē inter uictos numeraberis. Hunc uerò matricidam, de quo est canon Latorem, presbyterum fuisse uerisimile est. Quomodo enim oblationes quæ à laicis fierent, prohiberentur ei, cui gratia sacræ communionis concessa esset? Quod si mihi non quidem legisperito, sed tamen discendi studioso, de hoc magis loqui licet, opinor simile quiddam huic matricidæ accidisse, quod

7
 De alijs ed
 nonibus ex
 Gratiano in
 libro citatis.

presbytero non legalibus nuptiis addicto. de quo 28. d. Presbyterum. Quoniam enim iste priore uxore mortua (ut glossator interpretatur) secundam duxerat: contra ecclesiae sanctiones, quae bigamos priuant sacerdotali functione, uisum est synodo Sextae, ut talis cathedram quidem retineret, uerum ab officio penitus abstineret. Hoc est, ne publice priuatimque benediceret, aut dispensaret corpus Domini, aut alio modo ministraret. Afferit rationem canon: Quia benedicere alijs, eum qui uulnera sua debet curare, consequens non est. Benedictio enim, sanctificationis traditio est. Qui uero hanc non habet, propter delictum ignorantiae, quomodo alijs tradet? Haec de presbytero, per iuris ignorantiam secundis nuptiis implicato: cui honor cathedrae permittitur, sed officium sacerdoti proprium inhihetur. Quid igitur impedit, quo minus idem dicatur de illo matricida: ei, rebus alijs permisis, oblatione sacerdotali esse interdictum? Nam cum illa in benedictione posita sit: benedictio autem sit sanctificationis traditio: qui hac ipsa sanctificatione careat ob delictum perpetratum, is eam tradere alijs non queat. Haec interpretatio minime coacta est, sed ex causarum similitudine petita. probabilior quidem, mea sententia, quam istorum qui de hoc ita differunt, quasi non minoris sint laicae oblationes quam sacra communio: haec alicui concessa, illae denegari debeant. Atqui oblationes huiusmodi fiunt in usum uel pauperum, uel ministrorum ecclesiae: ut cui illas facere sit prohibitum, non eius hoc fiat incommodo, sed eorum ad quos fructus aliquis rerum oblatarum redundaret. Magis igitur de oblationibus sacerdotalibus cano de matricida intelligendus esse uidetur, quam de laicalibus. Non enim, ut dixi, uerisimile est, concessa alicui communionis sacrae gratia, ei non concedi potestatem eleemosynas conferendi priuatim aut publice. Quid enim sunt oblationes istae, quam eleemosynae uoluntariae? quas qui elargiatur, non sibi, sed pauperibus ac ecclesiae commodet? Sed haec sententia, uel coniectura potius, non iurisconsulti est, nec eius qui in libro Decretorum diligenter uersatus esse uideri uelit: sed hominis, cognoscendi ueri percupidus: quem conscientia recte factorum delectet multo magis, quam uel ostentatio, uel sermunculi hominum ineptorum. Seu autem sic ea quae de matricida diximus intelligantur, seu aliter, parui nostra

8 refert. Satis nobis est, leges alias, quas citauimus, a nobis stare. De Cypri-

De Cypriani sententia, ut distinguant inter Deo dicatas, & uelatas, seu uotum continentiae solenniter professas. Negant, uerba Cypriani de uelatis debere intelligi: de Deo dicatis concedunt. Subdunt tamen, retro trahenda esse ad id tempus, quo nondum se Deo dicauerant. Nuge. Quasi idem de uelatis dici non possit, si uerba retro trahas ad tempus quo nondum solenniter professae essent. Has uero Deo dicatas, de quibus loquitur Cyprianus, iam fuisse re ipsa Deo dicatas, principium epistolae eius indicat. Dicit enim, se scripturum de uirginibus, quae cum semel statum suum continenter & firmiter decreuerint tenere, detectae sint postea, in eodem lecto pariter mansisse cum masculis, ex quibus unus diaconus fuerit. Deinde non priuatim fuisse professas, argumento est, quia hoc nomine potestati seu episcopi seu pastoris sui subiectae fuisse uidentur. Nam Pomponium a Cypriano ea de re consilium petisse, principium epistolae illius testatur. Iam de Deo dicatis canon Chalcedonensis, in Libro recitatus, expresse loquitur. Ostendimus autem in Libro, ad notam binarii, utriusque uinculi uim esse eandem: solennisationemque esse constitutionis ecclesiae. Quid autem opus hac subtili distinctione uelatarum a non uelatis: aut isto uiolento tractu status praesentis ad eum qui iam praeteriit? Quin potius consideratur ratio a Cypriano adducta, cum de Deo dicata dicit, Melius esse ut nubat, quam ut in ignem delictis suis cadat? Nonne toti mundo palam est, multas esse monacharum, quae uelum quidem habeant, uirginitatem non habeant: non paucas ita se gessisse,

fisse, ut si e medijs lupanaribus essent: De his nos cum Cypriano loquutos esse, Liber noster testatur. Placet nobis castus coelibatus: non placet contaminatus, & spurcitia plenus. Laudamus continentiam: non laudamus scortationem, aut adulterium, continentiae titulo ornatam. Nihil de uoti religione detrahimus: at in comparatione coelibatus contaminatissimi cum nuptijs legitimis, has illi preferendas putamus, uel in ijs qui se uoto solenniter addixerunt. A quo quidem uoto solenni, & quidem per professionem religionis solennifato, quosdam certas ob causas liberatos esse, literis proditum est. Narrant scriptores rerum Polonicarum, Cazimirum Mecistai regis Poloniae filium, professione monachum, ordine diaconum, a Benedicto papa eius nominis nono, e monasterio dimissum, uotorumque monasticorum religione solutum esse. Agebatur tum annus salutiferi partus Millesimus quadragessimus, cum Polonia, Mecistao rege defuncto, ad interregnum deducta erat. Cumque & domi Resp. a ciuibus turbaretur, & foris ab hostibus infestaretur: fierentque passim caedes & direptiones plurimae, nec finis earum rerum ullus appareret: illud a proceribus captum erat consilium, ut filius regis Cazimirus ubique locorum quaereretur. Is enim aut factionibus ciuium, aut alia causa impulsus, e regno clam secesserat. Ac primum Lutetiae Parisiorum in Gallia literis operam dedit, regio quidem genere semper dissimulato: post Cluniacensis monachus factus, ad diaconatum usque, sacris honoribus suscipiendis, processerat. Hunc igitur ipsum Benedictus Papa, Reipublicae Polonae causa, monasterium, ordinem diaconatus, ac uota omnia deferere, atque ad regni patrij gubernacula accedere iussit. Quae gubernacula ille annis decem octo oppido quam feliciter tractabat: ac liberis quinque ex Maria uxore susceptis, Anno CHRISTI 1058 mortuus est. Erat post Benedictum nonum Papa uigesimus nonus, Celestinus tertius, quem & ipsum rem similem fecisse, Platina refert his uerbis: Celestinus Tertius patria Romanus, patre Petro cognomine Bubonis, pontificatum adeptus egre ferens Tancredum regno Siciliae potiri, Constantiam rege Rogerio nata occulte e monasterio Panormitano eduxit: eamque, licet Deo dicatam, Henrico Sexto Federici Barbarossae filio, dispensatione Apostolica, in matrimonium collocauit: hac conditione, ut regnum Siciliae cis & ultra Pharus dotis nomine repeteret: reseruato censu, qui Pontifici, feudatario iure, quotannis solueretur. Haec Platina. Et si autem Innocentius Tertius, qui proxime Celestinus Tertio successerat, in pontificem Decretalem ediderit, qua pronunciat abdicacionem proprietatis, sicut & custodiam castitatis, adeo esse annexam regulae monachali, ut contra eam nec summus pontifex possit licentiam indulgere: tamen duo illi pontifices, Benedictus & Celestinus, contrarium factis ipsis declararunt. Glossa etiam dicit, Papam non posse dispensare, ut monachus habeat proprium existendo monachus: sed de monacho potest facere non monachum. Quod de habendo proprio Glossa dicit: idem de habenda uxore dici posse, duo illi pontifices ostenderunt. Ostendit & Abbas, & eius glossatores, De clericis coniug. Cum olim. Quod si pontifices, quos dixi, causis profanis adducti sunt ad laxandum uoto coelibatus tum monachum, tum monacham: an non magis moueri deberent causis ad conscientiae sanctitatem pertinentibus, ad similia faciendam? nulla enim causa est, quae cum animae salute possit aequiparari. quemadmodum Christus ipse dicit: Quid proderit homini, si uel totum mundum lucratus fuerit, & animae suae iacturam faciat? aut quam dabit homo animae suae compensationem? Quid igitur obstat, quo minus Alfonsi Viruesij sententiam, ad notam senarij in libro citata imitemur: ac cum eo dicamus, in uia salutis humanae nullam perplexitatem esse? hoc est, neminem ita legibus aut uotis posse teneri, quin aliqua pateat illi modus, quo saluti suae possit consulere. Hanc uiam illi Deo dicata a Cypriano aperta

Q. esset

De statum
nachoru
canonicoru
regulariu.
Cum ad mo
nasterium.

Matth. 16.

Alph. Phil.

hoc 19.

esse: ut cum continendi munere, quod Deo uouerat, destitueret, uirum potius duceret quam scortaretur. At in illa epistola, à Cypriano sponsa CHRISTI, si cum uiro reperiatur, CHRISTI uocatur adultera. Vocatur: & grauiter peccat, si extra legitimum matrimonij thorum hoc faciat. Verum ut perplexitatem, de qua Alfonso loqui diximus, fugiat, ac ne adultera iudicetur, hanc ei ad salutem uiam Cyprianus ostendit, ut potius nubat, quam in ignem delictis suis cadat. Quod itaque à nonnullis dicitur, neminem ostendi posse, qui in sacris constitutus unquam duxerit uxorem, falsum est. Cazimirus enim rex Poloniae, diaconus, uxorem duxit. Nec dubitandum est, quin Benedictus nonus, quod concessit diacono, concessurus fuisset actu presbytero: eadem scilicet manente causa. Tamen si parum id nostra refert, factum aliquando fuerit, nec ne. Satis est, hoc lege diuina non uetari. Quod autem lex non uetat, id etiam si nunquam antea factum esset, fieri potest. Iam quia huic legi à pontificibus, quos dixi, contrauentum est, argumento est, hanc legem humanam esse: eamque per ecclesiam prorsus tolli posse. Quod ut magis sit perspicuum, plura testimonia adducenda sunt.

Testimonia theorematum uana & futilia, non opiniones de hominibus ab humana natura quibus ea separatis, non somnia de matrimonio ab officio matrimonij seiuncto: sed grauiſſimas sententias de rebus maximis, de rebus in quâ cum usu & officiis suis coniunctis: ad quas natura facti sumus, quarum prohibitione multi homines p̃i Dei metuētes onus Aethna grauius putant se sustinere: tota Resp. Christiana scandalis & offensionibus est plena: denique nomen Dei immortalis male audit apud exterarum gentes. Primum autem iuris peritos proferamus. Innocentius Papa eius nominis Quartus, in commentariis suis tit. de conuers. coniug. c. placet: Matrimonium, inquit, de iure naturali non impedit quenquam ordinari ad sacros ordines. Quia naturali iure potest ordinatus uti matrimonio contracto, sicut facit Orientalis ecclesia. Et etiam contrahere posset, nisi constitutiones ecclesiae hoc prohibeant, &c. Ioannes Antonius praepositus sancti Ambrosij, episcopus Alexandrinus, & auditor causarum sacri palatii, tit. Qui clerici uel uouentes matrimonia contrahere possunt: Tempore, inquit, primitiae ecclesiae licebat presbyteris, & sic constitutis in sacris, uxorem habere, dummodo die celebrationis abstinere à coniugibus. Postea in Occidentali ecclesia uenit prohibitio, ut constituti in sacris deberent continere. Et dicit hic Cardinalis, quod dat materiam illaqueandi plures animas hoc praeceptum, et ideo credit, quod sicut ecclesia induxit hoc praeceptum continentiae, quod quandoque reuocabit. Et erit conueniens dicto Apostoli reuocatio, qui dixit, De uirginibus praeceptum non habeo: consilium autem do, &c. Abbas Panormitanus, de clericis coniugatis, c. cum olim, sic quaerit: Nunquid hodie possit ecclesia statuere, quod clericus possit contrahere matrimonium, sicut Graeci? Credo quod sic. & hoc indubitatum est apud me, respectu eorum qui non sunt obligati ex uoto tacito, uel expresso. Probo ratione: Continentia non est in clericis secularibus de substantia ordinis, nec de iure diuino: quia alias Graeci peccarent, nec excusaret eos consuetudo, quia illa non ualet contra legem diuinam: & iste de quo textus loquitur, esset illegitimus, quia foret contra legem diuinam genitus. Et non solum credo potestatem inesse ecclesiae, hoc concedendi: sed credo pro bono & salute animarum, quod esset salubre statutum, ut ualentes continere, & magis mereri, relinqueretur uoluntati eorum: non ualentes autem continere, possint contrahere. Quia experientia docente, contrarius prorsus effectus sequitur ex illa lege continentiae: cum hodie non uiuant spiritualiter, nec sint mundi, sed maculentur illicito coitu, cum eorum grauissimo peccato: ubi cum propria uxore esset castitas. Unde deberet ecclesia facere, sicut bonus medicus, ut si medicina experientia docente potius officit quam proſit, eam tollat, &c. Haec ad uerbum à iuris peritis, non quibusuis, sed

sed qui omnium doctissimi habentur, prodita sunt, multisque autoritatibus confirmata: quas qui scire uelit, legat apud illos. Facile autem nostram sententiam cum sententia illorum conferenti apparebit, nos nihil diuersum ab illis scripsisse.

Nisi forte quis in dubium uocat, quod ad notam binarii scripsimus, uoto cœlibatus sacerdotem à matrimonio arceri. Hoc enim à quodam theologo reprehensum est, affirmante, constitutione ecclesiæ id fieri. Sed de hoc est quedam cōtrouersia, magis in uerbis, quam in re posita. Gl. in c. cum olim. tit. Qui cle. uel uo. mat. cōt. possint: tenet, Occidentalis ecclesiæ clericos uoto ad cōtinentiā obligari. Ioā. Antonius ibidem affirmat, id potius ex cōstitutione ecclesiæ esse. Nos seu glossā, seu Ioannē Antoniū sequamur, nihil in ecclesiā peccabimus. Iam si huius temporis scriptores citandi sunt, an nō instar omnium est mihi Alfonso Viruesius? Sententia diuini Thomæ in libro citata, expressa est à Durando Sēt. 4. d. 38. q. 2. Vbi de sententia multorum ait, solēnitati ordinis nō esse annexū uotū cōtinentię essentialiter: sed solū ex statuto ecclesię, & accidētaliter. Et ideo in tali uoto posse dispensari per ecclesiā: nō obstāte cōsecratione, cui nō cōiungitur uotū per se. Sed nō tantū dispensatione pōtificis Thomas Aquinas docuit, melius esse presbytero matrimonio uti, q̄ scortari: sed & cōsilio presbyteri cōfessoris. Nā in Summa quę incipit, Cōmiserationes Domini sunt super omnia capite 165. quod incipit, Post hæc dicendū est de incestu sic inquit ad uerbū: Dicit canō, quod si clerici in minoribus ordinibus cōstituti, cōtinere nō possunt, & matrimonium cōtrahere uoluerint, debet eis assignari sustentatio sua de beneficijs suis extra ecclesiā: ita quod de cætero nō ministrēt in ecclesiā in ordine suo, sed tonsurā habeāt, & libertate gaudeāt clericorum. Cōtra hanc canonicā institutionē hodie obtinet cōsuetudo, quod statim ex quo acolitus cōtrahit matrimonium, omni ecclesiastico beneficio priuat. Cū canō, ut dictū est, præcipiat, de beneficio sustentari. Si autē acolitus in secreta cōfessione ad discretū sacerdotē ueniat, & se nullo modo cōtinere posse dicat, nō multū peccat sacerdos dādo ei cōsiliū, ut cum aliqua occulte matrimonium cōtrahat, & occulte sui episcopi oculos fallat. Minus enim credimus esse peccatū, beneficiū cum occulto cōiugio retinere, q̄ fornicariā cōtra diuinā prohibitionē habere. Si uerò postea ad sacros ordines à suis prælatis cogat accedere, credimus minus esse peccatū uxore uti, q̄ cū alia fornicari: si ex toto noluerit cōtinere. Atq; hæc sunt uerba Thomæ illius, qui & inter monachos societatis Dominicanæ uixit uitā cœlibē: & inter eruditos doctrināq; exultos uiros, docēdi sanctitatem nomē inuenit. O' uerē sanctū doctore, qui homines ad immortalitatem genitos, ad uitā sanctitatem baptismate consignatos, maluit episcoporum mortaliū oculos fallēdo cōscientię suæ cōsulere, q̄ laqueis irretitos in periculis sempiternæ perditionis perpetuo uersari. Addamus ueterē querelā multorum de lege cœlibatus sacerdotalis, à Baptista Mātuario, & ipso monacho Carmelita, in uita diuini Hilarij descriptā. Sic enim ille Hilarium alloquitur:

Integritas uitæ, legum prudentia, cultus
Cœlituum, tutela inopum, diadema pedumq;
Pictauiense tibi, dum nil mortalia curas,
Dum uiuis tibi sorte tua contentus, ab omni
Ambitione procul, populo applaudente, tulerunt.
Non nocuit tibi progenies, non obstitit uxor
Legitimo coniuncta thoro: non horruit illa
Tempestate Deus thalamos, cum abula, tædas.
Sola erat in precio, quæ nunc incognita, uirtus
Sordet, & attrito uiuit cum plebe cucullo.
Propterea leges, quæ sunt connubia contra,
Esse malas quidam perhibent: prudentia patrum

Non satis aduertit, dicunt quid ferre recuset,
 Quid ualeat natura pati. Cervicibus aiunt
 Hoc insuauē iugum nostris imponere Christus
 Noluit. Istud onus, quod adhuc quamplurima monstra
 Fecit, ab audaci dicunt pietate repertum.
 Tutius esse uolunt, quā lex diuina sinebat
 Iffe uia, ueterumq; sequi uestigia patrum.
 Quorum uita fuit melior cum coniuge, quā nunc
 Nostra sit, exclusis thalamis, & coniugis usu.

Saluianus quoq; episcopus Malsiliensis, ostēdit matrimoniū esse licitū presbyteris, sic de hac interdictione loquens lib. 5. de Prouidentia Dei: Nouū prorsus est cōuersionis genus. Licita nō faciūt, illicita cōmittūt. Tēperant à coniugio, & nō tēperant à rapina. Quid agis stulta persuasio? peccata interdixit Deus, nō matrimonia. Non conueniunt studijs uestris facta uestra. Nō debetis esse amici criminum, qui dicitis uos esse effectores uirtutum. Præposterū est quod agitis. Non est conuersio, sed auersio. Qui iampridem, ut fama est, opus honesti matrimoni; reliquistis, tandē à scelere cessate. Ad hæc Polydorus Virgilius Urbinas, de cœlibatu presbyterorum scribens, lib. de Inuentoribus rerū 5. cap. 4. sic inquit: Illud dixerim, tantū abfuisse ut ista coacta castitas illā coniugalem uicerit, ut etiam nullius delicti crimen, maius ordini dedecus, plus mali religioni, plus doloris omnibus bonis impresserit, inusserit, attulerit, quā sacerdotum libidinis labes. Proinde forsitan tamē Repub. Christiana, quā ex ordinis usu esset, ut tandem aliquando ius publici matrimoni; sacerdotibus restitueretur: quod illi sine infamia sanctē potius colerent, quā se spurcissimē eiusmodi naturæ uitio turpificarent. Non ne igitur à Papa, Cardinali, Abbate, episcopis, monachis, theologis & iurisperitis, hoc est, Ecclesiæ CHRISTI proceribus, quorum nonnulli in diuos relati sunt, omnes uerò amplissimis monimentis consecrarunt nomina sua immortalitati, planissimē confirmatur sententiā nostra? Eant nunc critici, & tot tantasq; authoritates de ecclesia exterminent: lectione earum omnes arceant. Sin eas patiuntur, cur nodum in scirpo quærentes, studia turbant nostra?

IO *De hæresi* Causam matrimoni; satis, ut opinor, defendimus. Nunc ad Pighianos ueniamus. *qui differunt* nemo, quod sciam, ueterum scriptorum, qui de uoti sanctitate pie *leuiora ducit adulterantem* differunt, tam absurdam, atque à Christiana religione alienam uocem emisit, ut sacerdotem uxorem ducentem, grauius peccare diceret, quā scorantem, aut adulterantem. Nostra primum tempestate exorti sunt catholici, si dijs placet, qui id omni asseueratione affirmant. Cumq; testimonijs literarum sanctarum & rationibus causæ proprijs deficiantur, assumptis extrinsecus auxilijs, rem per se improbabilem tueri conantur, ad hunc ferè modum magistri sui uerba referentes: Tu, inquit, uide quis peior seruus: an qui grauatus seruitio, & fortasse negligentius & incautius agens, cadit sub onere, an qui iugum in totum proijcit? Ad hoc sic propositum, responsum dare non est difficile. Potest enim onus esse eius generis, ut minore aut etiam nulla culpa teneatur seruus, conscientia infirmitatis suæ illud à se reiiciens: quā qui temerè illud recipiens, cadat sub illo, atque inde & sibi & suo hero magnum det malum. Rogant amplius Pighiani: Quis peior discipulus, an qui ex præscripto ediscit, non quidem uniuersum quod fortè potuisset, nisi crapulæ & somno securius indulsisset, tamen partem: an qui scholam prorsus deserit? Ad id quoque responderi potest, & discipulum negligentem uituperari, & scholæ desertorem multo magis. Neque tamen illum laude sua indignum, qui ingenio suo perspecto, ad artes ingenuas parum apto, potius relinquat scholam, quā in ea perdat operam

peram & oleum, ut aiunt. Positis illis interrogationibus, concludunt, peior rem esse sacerdotem uoto continentiae alligatum, si ducat uxorem, quam si scortetur, aut adulteret. Hoc uero ego nego. Nam qui scortatur, adulteraturq;, & uotum uiolat, & re nunquam licita utitur: qui matrimonium contrahit, est quidem uoti uiolator: sed re per se licita utitur, etiam si illicita sit ex accidente. At matrimonium contrahens, ab unitate ecclesiae discedit. Esto: at multo magis discedit adulter, & fornicator, qui à regno Dei prorsus excluduntur. At Paulus damnat uoto obligatos, uolentes nubere. Putas uero tu, non eum damnare, uolentem scortari aut adulterare? At matrimonia presbyterorum à Cypriano, Ambrosio, Hieronymo, Basilio, uocantur incesta adulteria. Fac ita esse: Augustinus tamen uitae sanctitate & doctrina illis minime inferior, nec adulteros uocari uult, qui post uotum nupserunt. Et qui tales diuidant, grauiter peccare asserit: quod uerbis ipsius in Libro ostendimus. Gratianus quoque ex autoritate Martini Papae, 27. d. Diaconus: dicit quidem primum, nec diaconos nec presbyteros fieri posse, nisi qui continentiam profiteantur. mox tamen subdit his uerbis: Si diaconus à ministerio cessare uoluerit, contracto matrimonio licite potest uti. Nam etsi in ordinatione sua castitatis uotum obtulerit: tamen tanta uis est in sacramento coniugij, quod nec ex uiolatione uoti potest dissolui ipsum coniugium. Quoniam autem Pighiani pugnant Socraticis inductionibus, imitemur eos ad hunc modum. Duo serui erant domini unius: uterque pro se fidem domino obligauit suam, ad onera iustae magnitudinis & ponderis ferenda, longissimo intervallo. Et alter quidem onus ferre strenue aggressus, tandem fessus sub illo cecidit, ad locum destinatum illud non attulit: ita & sibi malum dedit: & dominum frustratus est promissis, quod euentus ostendit, futilibus. Alter cum se oneri imparem cerneret, consilio mutato, fidem obligatam eiurat: atque sibi à domino onus aliud, cui ferundo esset, deposcit. Vter horum seruorum prudentior? Vter domino suo gratior? Non ne qui uiribus suis expensis, consilium prius repudiat: mauultq; minore sumpto munere, bene & integre in illo uersari, quam maiore nequam & nihili esse ac uideri, cum suo quidem & domini sui damno, probro ac dedecore? Addamus de discipulis. Duo erant discipuli magistri unius. Vtrique magister suus praemia ampla pollicitus est, si spacio mensis unius poema Homeri ediscerent. Quibus praemijs inuitati illi, fidem obstrinxerunt se ita facturos. Et alter quidem in fide dum stare conatur, uigilijs fractus, uiribus debilitatus, animo deiecto, in phrenesim incidit. Ita nec fidem praestitit, nec praemia tulit. Alter naturae suae imbecillitate melius perspecta, susceptum onus deponere, stultitiam promissi sui confiteri, & leuius aliquid quod ediscendum esset poscere. Vtrius horum duorum ingenium magis probabimus? Vtrius sensus, mens, ratio, ad boni discipuli conditionem magis accedet? Equidem si qua pietas in fide data, si sanctitas, si religio in amplis promissis ponenda est, phrenetico laudem tribuemus. Sin promissa leuia & futilia interpretabimur, quibus euentus non respondet: consilijq; mutationem in re quam praestare non queas, si optimam esse putabimus: in promptu iam erit, quod de istis discipulis iudicium faciendum erit. Has interrogationes opponimus Pighianis: aptiores quidem, quam quae à magistro illorum excogitatae sunt. In quaestione enim de uoto, & serui & discipuli uoto obstricti inducendi erant, quod nos fecimus: non nude proponendi, quod illi. Nisi forte cum in seruitutem aut disciplinam aliquis se tradit, iam quasi uoto quodam & promisso teneatur. Quod si ita est, tum & discipulo & seruo uoluntario, illud initio in mentem uenire deberet, suae quid ualeant uires, quid humeri ferre recusent. Melius enim est

omnino, onus prorsus detrectare, cui sis impar, quam suscipere, ac sub illo cadere, cū tuo & domini tui dāno. Sin quā fiat ut fide obligata, onus suscipias uiribus impar, quid tandē prodest te illud ferre conari, ac tandē uī ponderis turpiter opprimī? Omnino mutatio cōsiliij in rebus poenitēdis plus semper à prudentibus laudata est, quā in eadē sentētia permansio. In rebus autē quæ abs te fieri nō possint, quid aliud est promissum uelle efficere, quā stultitiā proderet? In hīs itē promissis, quorū cōtraria efficias cū turpitudine cōiuncta, quid promissa sunt aliud, q̄ irrisiones eius cui sunt factae? *Præclare Beda presbyter scripsit, & Gratianus in canones retulit his uerbis: Si aliquid forte nos incautus iurare cōtigerit, quod obseruatū in peiorē uergat exitū, liberē illud salubri orī cōsilio mutandū nouerimus: ac magis instāte necessitate peierandū nobis quā uitādo periurio in aliud crimē grauius esse diuertendū. Et paulo pōst: Nō solū in iurādo, sed in omni quod agimus, hęc est moderatio sollicitus obseruāda, ut si in talē fortē lapsum, uersuti hostis inciderimus insidijs, ex quo sine aliquo peccati cōtagio surgere nō possimus, illū potius euadēdi aditū petamus, in quo minus periculi nos perpeffuros esse cernimus.* Hęc ad Pighianos seruos & discipulos respōsa sint. Post hęc scripturæ obijciūt, quæ palam indicāt, Bonū malū fieri, si nō bene fiat. Ita Oza arcā Dei, bonū agitatōe nutantē sustentās, à Deo occisus est. Et Ozias suffire Deo uolēs, lepra percussus est, leprosusq; ad mortē usq; permāsit. Sedenim isti partes alieni officij sibi deposcebāt. Quod de hīs qui scortatiōis uitādaē causā, matrimonij thoro immaculato cōscientijs suis mederi uolūt, dici non potest. Videamus Pighianorū postremū argumentū, quod illi fortissimū causæ suę putāt esse propugnaculū: atq; illud, Deo duce, deicere aggrediamur. *Primum ex libro Numerorū, magnitudinē peccati ostendūt à Cora, Dathane & Abiramo commissi: cū se à populo Dei seiuixerunt, sacrificiaq; sibi propria cōstituerūt. Nam à terra, hiātu patefacta, operti & deuorati sunt, in orcūq; delati: atq; ita ex Israelitarū rep. sublati perierūt. Hęc tanta, tamq; tristis poena ostendit, peccatū Coræ & eius gregaliū grauius fuisse multo, q̄ peccatū Dauidis, cū Bersebeā adulterauit, eiusq; uiro Vriæ cēdem procurauit. Nam etsi Deus Dauidē quoq; grauius castigauit: tamen castigatio illa nullo modo est cōparanda cum poena illa crudelissima, cui illos tres cum turba eorū omni subiecit. Mihi uerō oratio hęc uerissima esse uidetur. Nec est, mea sententia, in quo uel leuissimē reprehēdi debeat. Quod uerō inde concludere nituntur, à reprehensione abesse nō potest. Aiūt presbyterū uxore ducta, à populo Dei se seiuigere: unitatēq; ecclesiæ, quantū in ipso est, rumpere, & sacra sibi propria facere. Quod quia in scortante adulteranteq; non est, quātum ex infirmitate peccet, grauius peccatum illius quā istius faciunt. Verumenimvero argumenta à nobis in Libro allata, manifestē indicant contrarium. Nam & poena leuior à legibus imposita est presbyteris maritis, quā scortatoribus aut adulteris: & matrimonij contrahendū presbytero potestatem fieri posse ab ecclesia, scortandi adulterandiq; nullo modo posse, ostensum est. Nec uerō matrimonium presbyteri cum facto Coræ ullo modo est cōparandū. Nō unum erat delictū Coræ, cū sua caterua. Primum cōiurarant in Mosen & Aharonē, quorū imperio subesse nolebant: eorumq; autoritatē & obedientiam, in rebus à Deo præceptis, abicere ac relinquare conabātur. Hinc uox eorū seditiosa: Cur uos supra populū Dei efferitis? Dathan quoq; & Abiramus à Mose uocati, se ad eum uenturos negarūt. deinde in sacerdotiū, arbitrio suo uenire uolebant. Itaq; Moses sic cum eis expostulat: Audite Leuitæ, parū ne habetis, quod uos Deus à reliqua multitudine secreuit? quodq; te Cora, omnesq; tuos simul Leuitas destinauit, qui tabernaculi munus gereretis: nisi etiā sacerdotiū affectetis? Hęc plurib. uerbis in libris Numerorū. Recētia erāt Dei beneficia per Mosen Iudeis affatim præstata:*

non

non ea ex literarum monumentis repetere, non ex aliorum narratione discere opus erat. Memoria tantorum beneficiorum animis, & ferè oculis omnium adhuc inhærebant: omniq; die alia beneficia coelo eis demittebantur. Cū igitur Cora, Dathā, Abiramus, cū omni sua turba, tot, tāta, & tam recētia Dei beneficia ingrātē ferrent: magistratū à Deo datū abolere conarentur: officia aliena inuaderent: nec admoniti, ad frugem bonam se reciperent: pœna prodigiosa affecit eos Deus, & in omni memoria inaudita. Dauid uerò nec in magistratū, nec in personā publicā peccauit: nec in societate sui peccati alios pertraxit: & à Nathane propheta correptus, peccatū suū agnouit, & ex animo cōfessus est. Itaq; cōfessim audiuit sibi à Deo peccatū remissum esse: pœnisq; multo leuiorib. castigatus est. Cōferamus itā ad hoc exēplū presbyterū maritū cū presbytero adultero. Maritus, si modò est Dei reuerēs, nec matrimonii aliam ob causam iniuit, tantū ut ne uitā suā cōtaminaret illicito coitu, causam honestissimā sequutus est sui instituti: nec in aliud peccauit, q̄ in legē ecclesiæ: quæ si nō esset, peccatū nullū esset ducēda uxore. Adulter cubilia aliena uiolat, Dei metū abijcit, pudoris fores perfringit, furore suo prosternt pudicitia. Sed dicēs, nō esse uoti uiolatorē, manereq; eū in unitate ecclesiæ catholicæ cum suo adulterio. O' pulcherrimā mālione, o uotū Deo gratissimū: de quo quoniam explicatē & copiosē in Libro à nobis disputatū est, legat cui placet. Nos piget in reb. tā ineptis atq; absurdis diūtius cōmorari. Sūt qui presbyterorū eiusmodi matrimonia ad arrogantia referāt: & qui de eis differāt, eos arrogantiē dā nēt. Verūm arrogantia per se peccatū est. Ceterū alia est causa eorū, qui arrogantia semota, ostēdūt quid à cōcilio statui possit de tātis rebus. Melius quidē id, q̄ si per omnia matrimoniū presbyterorū dānantes, adiungerēt se istis qui & auctoritatibus & rationibus cōtendūt, sacerdotibus minimē licere esse uxoris: aut si mariti sint, oportere illos ea quæ mariti solēt, desinere facere: delabūturq; tandē ad scortatorū & adulterorū causas tuēdas, tantū ut statū præsente semper obtineāt. Hoc si nō ab arrogantia proficiscit, fieri tamē nō potest sine quadā puerilitate, & odio generis humani. Sed quid opus uerbis? Si matrimonii presbytero cōcedi potest, honestis aliquib. ex causis: adulteriū autē & scortatio nequaq;: quos colores addemus adulteris & scortatoribus, ut ne turpiores appareāt q̄ mariti? Oraculū est diuinū: Honorabile cōiugiū in omnibus, & thorū immaculatus: Scortatores autē & adulteros iudicabit Deus. Quib. uerbis an nō opponūt cōiugio scortatores & adulteri? & ita quidē ut istos Dei iudiciū maneat: illud sit honore dignū in omnibus? Addit enim, In omnibus: ut ostēdat, neminē illud nō decere. Scortationē uerò iusto Dei iudicio exitiale fore omnibus, qui se illa obstrinxissēt. Sint illi cōsecrati, sint professione quāuis insignes & religiosi: si scortatores, si adulteri fuerint, nō eos iudiciū & cōdēnationē Dei fugituros. Sed itā finis huic tractatōi est imponēdus. II. Quod quidē fiet, si uulgaribus & peruulgatis declamatiōibus prius respōderimus. 1. Aut nō modò nō impossibile, uerū etia facile, iucundū & suaue esse cōtinere, Deo adiuuante. De hac uerò facilitate loquāt uiri sancti: & ipsi qui de pradi gratia Dei. quorū de numero sunt, Euagrius presbyter & Bernardus Abbas. Nam ille in puteū hybernis noctibus, iste in lacū descēdere solitū sunt, ut gelascentiū aquarū frigore calorē corporis tēperarēt, castitati infestū. Loquātur etiā Audomarus Tamenēsis episcopus, & Franciscus monachus, quorū ille in uepribus, iste in niuib. uolutabāt corpus, ut ea castigatione uoluptatē carni insitā edomarēt. Neq; uerò dubito, multos Christianorū, nōnullos etiā gētiū à CHRISTO alienarū, facile à uenere abstinuisse: uerū hoc erat peculiari quodā naturæ sensu. quēadmodū Christus dicit de eunuchis, qui sic ab utero matris nati essēt. Verū tamē in ijs qui seipsos castrarūt propter regnū coeleste, uix illa facilitas præstādi, & huic adiūcta suauitas adesse potest, propter

Argumentum, quæ in facilitatē castitatis afferuntur, examen.

pter pugna perpetua carnis cum spiritu: qua in sanctis uiris adesse multa scripturarum testimonia ostendunt. Sed ponamus, & facile & iucundum esse continere: id tamen in his reperiret, qui continentiam prestaret, non qui titulo tantum profiteretur. 2. Afferunt multa similia, eorum qui difficultates innumeras absorbuerunt, quere dis reb. quas concupiscunt. Verum hec nihil ad nostrum institutum, qui de his loquimur, qui uel nolunt uel non possunt continere. 3. Proponunt exempla Andree, Laurentij, Pauli, & aliorum qui non tantum uenerunt, sed suam ipsorum uitam contempserunt pro nomine IESU. Quod ut uerum est, & indubitatum: ita illud, utrum horum facilius sit, non immerito quis ambigat. Certum hostem cum quo perpetuo uiuas, domare, difficilius est, quam eundem occidere. Habemus carnem spiritui perpetuo reluctantem. Cum illius lenocinijs continenter bellum gerere, nec ei unquam succumbere, ne putemus facile, admonent nos multorum exempla: qui ad mortis terrores intrepidi ac semper inuicti fuerunt, uoluptatum illecebris saepe irretiti sunt.

Cyprian. de sing. clericorum. Nolo mihi, inquit Cyprianus, de martyrio quisquam moueat actionem. Quia saepius & moechi, & sanguinarij, & ebriosi, & omnium scelerum rei, reperta pugnae occasione, conuersi meruerunt ad martyrij palmam peruenire. Idem paulo post obiurgat eos, qui licetius fornicentur, & alia peccata committant: spe illa, peccata sua in martyrio dimissum iri: eosque non secus facere, quam illos qui dicebant, Faciamus mala ut eueniebant bona. 4. Proferunt multa, ut matrimonium, baptismum, legem Moysi, praeceptum de non concupiscendo, & alia, quae cum per se bona sint, tolli non debeant, nec propter abusum, nec propter transgressionem. Nonnulli etiam sententiae illi Paulinae, Ad uitandam fornicationem unusquisque uxorem habeat suam, ita resistunt, ut quosdam proferant uxores legitimas habentes, qui adulterijs minime abstinere. Hinc concludunt, ne adulterijs quidem presbyterorum hac ratione finem impositum iri, si uxores illis concederentur. Enimvero non tantum presbyteris matrimonium petentibus, hoc modo resistitur, sed Apostolica sententia oppugnat. Certum eadem ratione omni hominum generi matrimonium dissuadeas licebit. Non minus enim alij mariti sacris non initiati, adulterio obnoxij esse possunt, atque presbyteri. Aut igitur in uniuersum matrimonium interdiciamus omnibus: aut quod rectius fuerit, res per se bonas & frugiferas propter abusum minime interdiciamus. Sed dices, eadem ratione uotum castitatis non esse tollendum. Non tollimus, uir amice, nec castitatem, nec uotum castitatis: sed dicimus magis conuenire, ut matrimonium quis ineat, quam scortetur aut adulteret castitatis praetextu. Hunc praetextum detrahi licere, uotaque rei minime respondentia Deo improbari, iam ostendimus: praesertim si sint rei non necessariae, & cuius oppositum non sit in uniuersum malum, qualis est castitas. Secus est de rebus necessarijs, quibus quod ex aduerso sit oppositum, est omnino malum: qualis est baptismus, lex, praeceptum de non concupiscendo, & similia. Tolluntur etiam matrimonia, licet Dei ore consecrata & confirmata, & mutua si de coniugum roborata, ob certas causas: ut ob adulterium, ob coeundi impotentiam. Cur igitur uotum eorum tolli non possit, qui scortentur aut adulterent: qua de re in Libro copiose. 5. Volunt insuper qui ex aduerso differunt, ut confidenter quilibet dicat, claraque uoce pronunciet: Omnia possum in eo qui me confortat.

Phil. 4. Agnosco Pauli uerbum, ex epistola ad Philippenses scripta: quo ille utitur, ne quid uiribus suis adscribere uideatur. Dicit ibi, se ita ad res praesentes accommodare solere, ut nec secundis insolescat, nec aduersis deiciatur: seu sit esuriendum, seu ad saturitatem edendum: seu carendum, seu rebus necessarijs abundandum: omnia se posse, per eum qui illum confortaret, CHRISTVM. Quod igitur dicit omnia, non ne, ad ea refert quae prius enumerauit: Prudentiae est certe, ut quisque dispiciat qua in re confortetur a Deo, qua non. Nam non isdem donis omnes praeditos esse, & Paulus multis in locis testatur, & res ipsa indicat. Et quauis gratia Dei omnibus praesto esset ad salutem consequendam: ad continentiam tamen an omnibus praesto sit, uiderint isti huius facilitatis doctores. Certum ipsi uidimus nonnullos hoc ge

hoc genere cursuq; uiuēdi implicatos: quos carnis uolentia à proposito trās-
uersos egerit. Itaq; CHRISTVS ipse nō quēlibet uocat ad uotū cōtinentiē, sed
inquit: Qui potest capere, capiat. Paulus quoq; clara uoce pronūciat, unum.
quenq; propriū donū ex Deo habere, aliū quidē sic, aliū autē sic. Nihil dicit de
facilitate cōtinentiē eorū, quibus prāstō sit gratia Dei: sed tutius esse pronun-
ciat matrimoniū cōtrahere, q̄ uri. Neq; enim satis habuit dixisse, Si se nō cōti-
nēt, cōtrahāt matrimoniū: sed adiecit, Satiū est matrimoniū cōtrahere, quā
ardere: hoc est, libidine estuare, & in fœda libidinis titillatione uersari. Virgini-
tatē enim cōtineri, non tantū corpus à Venereis uoluptatibus, sed & animū
ab impuris affectionibus ac uisionib. arcēdo, ipse Paulus testatur, dū uult uirgi-
nē sanctā esse debere & animo & spiritu. Atq; hīc est obiter annotandum, ni-
hil incommodi esse, si uerba CHRISTI (Non omnes capiunt uerbū hoc) sic
interpretēris: Non omnes possunt capere. Nam & Erasmus sic interpretatur:
Non omnes sunt capaces huius dicti, sed quibus datum est. Castalio autē sic:
Nō omnes hanc rem prāstare possunt, sed quibus datum est. Futile est quod
quidam putant, CHRISTVM ideo non dixisse, Non omnes possunt capere:
ne quis rem fati esse putaret. nam & CHRISTVS ipse, quod prius dixit, Nō o-
mnes capiunt, infrā dicit, Qui potest capere, capiat: planē significans, non om-
nes capere posse. Et ne ex interpretatione illa, (Non omnes possunt capere)
aliquis inferat, continentiam rem fati esse, ipse CHRISTVS excepit sequēti par-
ticula, qua significat eos tantū continere posse, quibus diuinitus datum sit.
Ad eum modum si quis uerba Pauli (si se non continent, contrahant matri-
monium) sic interpretetur, Si se continere non possunt: nihil, opinor à sensu
Pauli aberrauerit. Qui non tantum concionatur non continentibus, sed & ijs
qui continere non possint: & his quidem maximē, ut illi prius matrimonio co-
pulentur, quā in actum incontinentiē erumpant. Profecto & uolūtas &
potestas continendi non minus à Deo est, quā ipsum continere. Nihil horū
à fato est: omnia supernē sunt, descendentiā à patre cœlesti. Igitur cui hāc dos
à Deo non contigit, ne tentet Deum, temerē suscipiendo rem maximē arduā,
& quæ quodāmodo sit supra uires humanas. Contineat se potius intra can-
cellos thori immaculati, quā se irretiat laqueis cœlibatus impurissimi. Quo
uirtus est prāstantior, hoc difficilior, ac ideo minus temerē amplectenda: si-
quidem uoluntatis est, non necessitatis. Melius enim est rem non suscipe-
re, quā susceptam non prāstare. Et hoc quidem ijs dictum esto, qui pietatis
euangelicæ studio castum uellent colere cœlibatum: ne facilitatis spe eam ui-
tæ rationem suscipiant, quā piē tueri non possint. Cæterū illi uinculis ac
uerberibus, omniq; supplicio castigandi essent, qui hoc uitæ genus amplectā-
tur non sanctimonix ac pietatis causa, sed ut hoc titulo uenientur res longē di-
uersissimas: ut puta, otium, uictum & amictum, peccandi licentiā, prāben-
das & honores, abbatias & episcopatus. At dices: Dei, qui scrutetur cor-
da & renes, hoc esse iudiciū, quo quisq; animo uoueat. Imò nostrum quo-
que iudiciū est: qui ex fructibus de arbore iudicemus. Nec enim de rebus
occultis loquimur, sed de manifestissimis, oculisq; omnium subiectis. At
nō est ex antea cōto tempore iudicandum de moribus futuris: propterea quod
Deus uno momento facit ex publicano euangelistam, ex persecutore apo-
stolum, ex meretrice uas electum. Rarissima sunt ista exempla, bone uir: quē-
admodum & illud de latrone dextro, qui extremo spiritu factus sit CHRISTI
confessor. Hæc exempla nullo modo transferenda sunt ad hanc infinitā mul-
titudinem uouentium cœlibatum. Et facit hoc quidem Deus, ut aliquem re-
pentē transformet ex malo in bonum: sed hoc non apparet in istis qui cœliba-
tum profitentur non ad colendam pudicitiam, sed ad auaritiā & ambitionē:
qui quam uitam prius duxerunt, eam ferē ducunt ad extremam horam. Ad

R quos

Iere. 13. quos uerba Ieremiae uatis pertinere uidentur: Si mutabit Aethiops suam cutem, aut pardus maculas: & uos recte facere poteritis, edocti male facere.

Sed quid opus multis? Tantus est numerus eorum qui coelibatum suum Deo consecrarunt, non ad opportunitates ministerio ecclesiae comparandas, sed ad licentiam suarum cupiditatum consequendam: ut uel caecitatis sit extrema, uel nimiae indulgentiae, bonam de his opinionem concipere, qui antea, acto uitae tempore nec continenter uixerunt, nec partem ullam uirtutis ac doctrinae sacerdotio necessariae attigerunt. Quam autem curam ac diligentiam adhibeant episcopi hominibus huiusmodi initiandis, quis nescit? Certè si eam adhiberent, quā deberent: si sententiam Christi non ignorarent, non omnes capaces esse uirginitatis, sed quib. diuinitus id datum esset: si omnia quae Paulus his praescribit, qui sint ad munera ecclesiastica accersendi, obseruarent: nullo modo committerent, siquidem Dei metuentes essent, ut tantam turbam iureiurando ad coelibatum obstringerent, tantaeque multitudini rerum diuinarum curationem permitterent: cum probro ac dedecore ordinis sanctissimi, rei que Christianae iniuria graui, & (si populus Christi intelligeret) minimè ferenda.

Sed ut finem faciamus, illud in primis necessarium est uirginitatis laudatoribus, ut fines legitimos ostendant, quamobrem ea seruanda sit. Neque enim CHRISTVS simpliciter de eunuchis, qui se castratis, loquitur: sed addit, Propter regnum Dei. Hoc est, ut in eo uitae genere sanctius uiuant: utque fructum copiosorem ferant, quam si coniuges essent. Sine quo fructu Christus stultas uirgines uocat, quae lampades quidem habeant, sed oleo uacuas: itaque & sponso dicit esse ignotas, & nuptiis quibus intersint indignas. Non igitur uirginitas per se uirtus est: & nisi ad Christum referatur, tam infra matrimonium collocabitur, quam arbor sterilis foecundae posthabetur. Est enim matrimonium ad naturae propagationem institutum: uirginitas sine debito carens stulta est, sine oleo, sine re, & ferè in probris habetur. Omnis homo sanus & perfectus, ut memoriam nominis sui conseruet, libenter quaerit certam sociam, ex qua prolem post se relinquat: quae pro illo has terras colat, illiusque Dei rerum dominatoris numen adoret. Qui id negligunt, si coelestium & diuinarum rerum amore capti id faciant, uiri diuini putandi sunt: si ut titulo coelibatus commoda aliqua ueniantur, simulatores, qui (ut Satyricus inquit) Curios simulant, & Bacchanalia uiuunt. Sin ob animi aut corporis uitium, stupidi certè & sensus expertes sunt: & in eorum numero habendi, qui morbo aliquo & sensus stupore, odorum & saporum suauitate nulla capiantur. Qui cum rarissimi sint, uixque humani generis haec putetur esse stupiditas: sunt & apud Graecos & apud Latinos, ut philosophi testantur, anonymi. Ac ne plura, coelibatum donum Dei rarum & singulare esse dicimus, Deoque gratissimum, si pie & caste obseruetur: atque ad eos fines, quos Christus uoluit, referatur. Vota pia, sanctè seruanda esse docemus: eorumque uiolatores danamus. Scortatores & adulteros, coelibatus praetextu in ecclesia minimè ferendos dicimus: hisque non aptius remedium putamus, quam si coelibatus persona detracta, matrimonio copulentur: utque id rectè & ordine fiat, ecclesiae eius rei potestatem esse contendimus. Blasphemias, quibus scortatio ac adulteria presbyterorum extenuantur praeter matrimonium, ab ecclesia exterminandas putamus: eorumque authoribus silentium de eo publica autoritate imponendum censemus. Et haec uel in defensionem, uel interpretationem correctionemque eorum quae à me scripta erant, dicta sunt. Spero enim ad omnia, de quibus negotium nobis exhibebat, & quae nobis ipsis postea uenerunt in mentem, aut etiam quae apud alios contra nostram sententiam

legimus, copiose responsum esse.

APOLOGIAE FINIS.

LIBER

LIBER.

CAPUT XXI.

*In quo est epilogus de concilij necessitate, & auctoritate. deinde causæ
hæresium explicantur.*



Vcuscq; controuersia quædam à nobis, quantum facultas ferebat nostra, expositæ sunt, Diximus autem, nullam commodiorē esse rationē illas componendi, quàm concilij legitima & cōstanti celebratione. Diximus itē, in ea ipsa his rationibus utendum esse, ut primæ partes tribuantur canonicis Biblijs: posteriores, cōciliorum, interpretum, pontificū decretis. Hoc enim nisi foret, peiora essent posteriora prioribus. Narrat Augustinus lib. 2. contra Donatistas, cap. 3. plenaria concilia sæpe priora à posterioribus emendata esse. Intelligit autē nomine plenariorum, ea quæ Vniuersalia uocamus. Ea enim ibidem distinguit ab illis, quæ per singulas prouincias celebrantur. Quod si credimus Augustino, quā causam putamus, quod priora emendata sint, nisi quia præter uerbū Dei aliquid sanxerint? Sic igitur agendum, ut uerbū diuinitus traditum lumen sit gressibus nostris: ut sermo propheticus, euangelicus, & apostolicus lucerna sit apparens in obscuro loco. Omnis hominū conuentus, qui ad hanc lucernā uigilauerit, oculosq; suos ad eam intenderit, errare non poterit: maximi erunt momenti omnia quæ decreuerit, ac iusserit. Qui hūc conuentū audiet, Deum audiet: qui spernet, Deū spernet. Profectò nihil in rebus humanis certū esset, si eiusmodi cōuentus decreta incerta essent. Quæ igitur causa est, dicat quis, cur tot talibusq; decretis extantibus, hæreses subinde suscitentur? Ego uerò puto multa decreta conciliorū sanctissima esse, quibus tanquā diuinis oraculis parendū sit: at quædam etiā non ea in scripturis fundamenta habere, quin eis contradici fas sit. Hæresium uerò causæ uariæ sunt: quas in præsentia, cum huc quasi continuato cursu perducti simus, inuestigare operæ precium fuerit: remedia etiam quærere, quibus hisce malis obuiam iri possit, non inutile. Sunt igitur uel præcipuæ hæresium causæ (ut à uiris eruditis accepimus) partim error quidam mentis, & iudicij prauitas: partim indignatio & superbia: quibus accedit æmulationis studium, ac ambitionis furor. Nam ut imperitia nihil detestabilius est, præsertim in eo homine qui eruditione excellere deberet: ita doctrina alium ad finē quàm necesse sit relata, causa solet esse multorum, eorumq; foedissimorū errorum. Quod in illis apparuit, qui uel ex philosophorū decretis de religione statuerunt, uel scripta diuina aliter quàm oportuit interpretati sunt. Gloriæ etiam & honoris ambientes, uirtutisq; alienæ æmulatores permulti extitere, qui

cum cedere & assentiri ijs nollēt, quorū splendore uirtutis ac claritate nominis obscurarentur, ingentes turbas in religione excitauerunt: ac ut in suam sententiam ab alijs iretur, multis rationibus euerunt. Quorum conatibus cum uel pauci, uel nulli presbyterorū, quorum id munus praeipuum erat, pro eo ac res postularet, obstitissent: fiebat tanta secessio, quanta hæresi & factioni constitutendæ satis esset. Negligentiā igitur presbyterorum magna ex parte factum est, quod hæreses subortæ, nec in tempore auersæ, & indies tanquam pestes quædam magis ac magis serpere sitæ sunt. Neglectionem porro, aut magis supinam illam oscitantiam, cui potius tribuimus, quàm aut ignauia, aut ambitioni, aut rerū necessariarū inscitia: Sic em̄ sunt presbyteri plerique omnes, ut doctrina neglecta, sacerdotijs ambiendis finem faciant nullum: rarissimusque sit, qui pro dignitate suam tueatur locum. Agamus igitur deinceps de presbyteris eligendis, qui refellere possint errores exorientes, hæresibusque occurrere: atque adeo de legibus quibusdam ecclesiæ ritè administrandæ necessarijs: quod nos secundo in loco huius tractatus dicturos esse polliciti sumus.

CAPUT XXII.

Neminem ordinandum in presbyterum, qui uirtute & doctrina necessaria sit destitutus.



Malach. 2.

IN primis igitur efficiendū, ut ne quis in ordinem sacerdotum asciscatur, qui à doctrina & cultu uirtutum sanctissimo ordini necessariarum fuerit auersus. Veniat nobis in mentem pacti, quod fecit Deus olim cum sacerdotibus: cum eis regimen traderet ueteris ecclesiæ, ijs uerbis quæ refert Malachias: Pactum mihi intercessit cum Leui, uitæ atque pacis: quæ ei dedi, ut me timeret, meumque nomē paueret. Habuit itaque legem ueritatis in ore suo: nec apparuit iniquitas in labijs eius. Ipse se erga me bene & rectè gessit, & multos auertit ab iniquitate. Labia enim sacerdotis custodiunt scientiam, & legem petent ab ore eius: quippe qui sit legatus Domini exercituum. Hoc pactum cum non seruabant sacerdotes, increpabat eos Deus, ac etiam meritis poenis affligebat. Sic enim ibidē ad eos dicit: Vos autem deflexistis de uia, fecistisque ut plurimi impingerent in legem, pactum Leuiticū corrumpentes. Itaque & ego reddam uos contemptos, & abiectos omni populo. Tempora quidem nostra testantur, pactum hoc à sacerdotibus multis modis rumpi. Itaque ordo sanctissimus infamatur, de eius autoritate plurimū detrahitur, ordinaria potestas parui ducitur. Omnino igitur electiones usitatae in ecclesia, moderandæ & emendandæ sunt. Cur enim plura sacerdotia uni: cur non ex doctrina & uirtute? Da mihi hominem doctrina & uirtute præditum: iube eū con-

contentū esse uno sacerdotio, munusq; debitū explere: an nō speras rectius religioni cōsultū iri, q̄ animo presbyteri, nec ex uirtute electi, nec unico contenti, in plures, easq; profanas res distractos?

CAPUT XXIII.

Nullus presbyter duabus ecclesijs præficiatur: & hic de ministrorum uarijs officijs in ecclesia Dei.



PEXPLICEMVS hæc quæ diximus: primumq; constituamus, minimè in ecclesia Dei ferendum esse, ut aliquis presbyter unus plura sacerdotia possideat. Omne enim sacerdotium muneri alicui destinatum est. Necq; maiores nostri aliā fundis & prouentibus, sacerdotibus attribuēdis, rationē habuerunt, q̄ ut illi curationem & dispensationem rerum sacrarum sustinerent. Quis quæso unus populos locis seiunctos docere ipse potest: eisq; operā monēdo, cōfirmando, peruersos terrendo, afflictos consolando præstare? Vetus est uerbū, Pectora nostra duas nō admittere curas: quāto minus admittent, locorū procul à se distantiū? Quamobrem lege Chalcedonēsi & Septimæ synodi prohibet, ut ne quis presbyter à suo populo abesse, ne ue pluribus populis præesse audeat. Quod si cōsilijs eū honorē haberi necesse est, ut eorum auctoritas præferenda sit authoritati pontifici: certè nescio, an pontifices eiusmodi legem soluētes, rectè officio fungantur suo. Nisi forte inopia pastorū tanta est, ut aliquē unū pluribus ecclesijs præesse oporteat. Etenim si episcopi munus rectè ad plures ecclesias extenditur, quibus pastores idoneos curare, earūq; regimē inspicere debeat, non ineptè etiam unus aliquibus præficētur ecclesijs, quibus doctores fideles ordinaret, ministros probos constitueret, ac ipse etiam per uices in ijsdem ecclesijs officiū sui munera adimpleret. Hoc quidem excepto, sacerdotia lege conciliorum uetita, nullo modo alicui unī tribuenda esse uidentur: illi que omnes damnandi, qui alium ad finem hæc beneficia congerere audent. Itaque lex quam dixi Septimæ synodi, mauult clericum artificio sibi parare ea quæ sint uitæ necessaria, quàm in duabus ecclesijs collocari: Pauliq; exemplum proponit, qui & sibi & suis comitibus parabat necessaria manibus suis. Multæ & lectæ & auditæ sunt à me laudatiōes ueterū presbyterorū: nunquā alicuius laudes ex possessionū amplitudine audiui celebrari. Nā plura sacerdotia ambire ac possidere, hominis est cuiusuis: laudē uerò in laborib. positā quærere, operamq; debitam ecclesijs docēdis præstare, magnorū est uirorū, & qui ex altari uiuant (ut inquit Paulus) dignorū. Sunt qui amicos locupletandi causa, alij ut splendidè & magnificè uiuant, pluribus se sacerdotijs onerent: genus hominum amicis, & ijs quos ditant, & quorum suo sumptu negotia obeunt pergratū, ecclesijs prorsus inutile.

*Chalced. conc.
canon. 10. Et
synodi Septi-
mæ can. 15. quē
est 21. q. 3. Cle-
ricus.*

Acto. 20.

Paucissimi sunt hodie in tanta presbyterorū multitudine, qui serio cogitent quid in ecclesia sustinere, quid ue efficere possint: neq; adeo multi, qui quod possint, hoc etiam uelint. Plerique uerò omnes, rebus alijs neglectis, in fructus colligendos toti incumbunt: ac, ut inquit poeta,

Reditus iam quisq; suos amat, & sibi quid sit

Utile, sollicitis computat articulis.

Ambro. lib. 5.
ep. 27. ad Valentinianum imperatorem.

Ideo mirum non est, quod laudes sacrificarū ex solis latifundijs petantur: his uerò carentes, nullo numero habeantur. Adeo hoc malum inualuit, ut etiā in epitaphijs quisq; numerari uelit sua sacerdotia. qua quidem re quid significant aliud, quā se auarissimos & ambitiosissimos fuisse? Quod autē diximus, oportere quencq; sacerdotio suo adesse: nō ita existimandū est, ut nefas sit pastori, uel Reipub. uel religionis causa à sua ecclesia abesse. Ambrosius, etsi erat Mediolani episcopus: tamē legationis munus bis in Gallia obiit, pacis inter Maximū & Valentinianum imperatorem cōciliandæ causa. Lites etiam & controuersias sedauit inter multos, & consopiuuit. Præclarum est, paci inter homines constituendæ, firmandæ & corroborandæ operam dare. Quod si tempus quod in res ecclesiæ conferendum esset, licet pastori tribuere controuersijs inter ciues suos componendis, quæ scilicet exortæ & gliscētes turbam & confusionem excitarent cum in ciuitate, tum in ecclesia: licebit etiam tantum temporis Reip. dare, quantū sat erit simultatibus inter uiros principes tollendis, bellorumq; seminibus eruendis & eradicandis. Dauid, Ezechias, Constantinus, etsi reges erant, rebusq; politicis implicati: tamen ecclesiarum etiam curam habebāt, & negotia religionis procurabant. Quid igitur impedit, quo minus pastores ecclesiarū dona Dei, quibus præditi sunt, conferant interdum cum ad reconciliationem gratiæ hominū inter ipsos, tū ad conseruationē pacis publicæ, tum etiam ad expeditionem causarū & negotiorū sine quibus Resp. diu stare nequeant? Sed tamē caueāt pastores, ne ambitiose se in id ingerant ipsi: uocati autem, ne officijs eiusmodi faciendis uel extra modum prodeant: uel munus illud docendi, cui sunt in primis destinati, prorsus deferant. atq; ita pro certo habeant, se non aliter in ecclesiæ præsidibus numerari posse, quā doctrinæ Christi professione: per quam & populus hæreditatem gloriæ filij Dei possit cernere, & ipsi professores ius ordinariæ successionis continuata serie uindicare. Neq; em̄ imaginanda est alia successio uel opum uel locorū in ecclesia Dei, præter doctrinæ successionē. Quis enim succedit Christo, uel Apostolis, in eas res quas illi non possidebant? Erant illi in doctrinæ cœlestis possessione. Quisquis hanc doctrinam non profitetur, frustra se iactat uel Christi uel Apostolorum successorem. Itaq; & Paulus, cum se ad munus apostolicum uoca-

uocatū dixisset, addidit, se nō ad amplas possessiōes, sed ad euāgeliū Dei segregatū esse. Sūt tamē sacris cōtib. nō tātūm doctores & pastores necessarij, sed & ministri alij, qui ecclesijs pdesse possint, partim dijudicādis obscuris cōtrouersijs, partim iudicijs exercēdis, partim examinādis ijs qui sint futuri presbyteri, partim scribēdo & legatiōes obeūdo. Quēadmodū Ambrosij, Cypriani, Athanasij, & aliorū ecclesie, multos eiusmodi ministros habebāt: quorū opera uiri illi utebāt, munerib. officiij sui exequēdis. Horū causa collegia ecclesiarū instituta esse uidentur, quod alio loco ostēdemus. Neq̃ uerō impediendum puto, quo minus aliqui ex hoc numero collegiorū, regibus, principibus, proceribus adsint, salutē publicā procurando: quos tantūm abest ut uituperem, ut etiā sua laude dignos existimem: modō ne aliqui ambitionis aut rei dilatandæ studio sequantur aulas, quibus nec ipsis prosint, nec suis sacerdotijs satisfaciāt, & multis hoc uite genere sint offendiculo. Satis igit̃ demonstrauimus, homines ociosos ex facultatib. ecclesie alēdos nō esse: unūquēq̃ sacerdotio unico contentū esse debere: ministros ecclesie, quēq̃ pro sua parte, ecclesie ac Reip. operā nauare oportere.

CAPUT XXIIII.

Ex uirtute & doctrina ad munus sacerdotij & collegia quisq̃ uocandus: 1. nō ex consanguinitate, nec ex ullis obsequijs, muneribusq̃, quibus Simonia committitur. 2. non deniq̃ ex genere, aut diuitijs.



Ita ostensis, constituamus & illud, ex uirtute & doctrina unumquemque ad sacerdotij munus eligendum esse. Et quāuis nemo hodie accusetur sacerdotij per ambitū acquisiti, nisi qui ex empto adeptus est: tamē si rectē rem perpendamus, non minus in uitio uidentur esse, qui quauis alia, quā uirtutis & doctrinæ commendatione, ad alicuius sacerdotij possessionē peruenerunt. Quid enim refert, obrepas ad has honores precio numerato, an sanguine, affinitate, obsequijs, parentū auctoritate? Certē qui uocantur collatores beneficiorū, plus aliquando mouentur causis istis, quā pecunia numerata, quæ quidē causæ omnes ex æquo profanæ sunt: nec ad illum finem destinantur, ut aluti ecclesiarum, sed ut uentri & ambitioni eorum quibus dantur sacerdotia, consulatur. CHRISTVS quidem ipse non tantum uenientes & euentes ex templo eicit: sed omnes pronūciat fures esse, & latrones, qui aliunde quā per ipsum in ouile ingrediantur. Et Paulus nō alijs iubet curā ecclesiarū demādari, nisi qui sint illis uirtutibus instructi, quas ipse copiosē describit in epistolis ad Titū & Timotheū: omniūq̃ summa est illa, ut & uite & doctrine sanctitate sint conspicui, qui ecclesie præficiantur: & ne sint sordibus uitiorū eorū notati, quæ illorū imminuant existimationē, & officiū dedecorent,

rēt. Nulla hīc est mētio affinitatis, nulla cōsanguinitatis, nulla obse-
 quiorū. Qui igitur (inquit Hieronymus Stridonēsis) ecclesiasticū
 gradū nō merito alicui deferūt, sed gratiē, cōtra Christū faciūt. Moī
 ses amicus Dei, cui faciē ad faciē Deus loquutus est, potuit utiq; suc-
 cessores principatus filios suos facere: sed extraneus de aliena tribu
 eligitur Iesus, ut sciremus, principatū in populos nō sanguini defe-
 rendū esse, sed uite. At nūc cernimus plurimos hāc rē beneficiū face-
 re, ut nō quærāt eos qui possint ecclesiē plus prodesse, & in ecclesia
 erigere colūnas: sed quos uel ipsi amāt, uel quorū sunt obsequiis de-
 liniti, uel pro quib. aliorū quispiā rogauerit, & (ut deteriora taceā)
 qui ut clerici fierēt, munerib. impetrarūt. Eiusdē est sentētiē Vrba-
 nus Papa, sic inquiēs: Quisquis res ecclesiasticas nō ad quod institu-
 tae sunt, sed ad propria lucra munere lingūe, uel indebiti obsequij,
 uel pecuniæ largit, uel adipiscit, Simoniacus est. Quod Thomas
 Aquinas interpretās ait, amicitia, fauore, actione corporaliter exer-
 cita, munere omni q̄ numismate potest estimari, Simonia cōmitti:
 quā & ad largiētē, & ad accipiētē, tā Thomas q̄ Urbanus referūt.
 Leo etiā Ro. imperator, tā in eū qui cōferat ordinet, ue, q̄ qui acci-
 piat sacerdotiū, pecunię aut aliquorū munerū interuētū, instar pu-
 blici criminis ac lēse maiestatis accusationē proponi iubet, ac eos p̄-
 petua infamia plectēdos cēset. Iā Moses ille, Deo & hominib. dile-
 ctus, Leuitis boues & plaustra à principib. Israeliticis oblata distri-
 buēs, nihil de eis filiis Caath, tametsi sanguine propinquieribus, de-
 dit: nec unq; ut Hieronymus mēmorat, ad aliquē filiorū suorū ali-
 quod suę Reip. munus detulit, tametsi esset apud omnē populū gra-
 tiosissimū. Nec aliquē suorū propinquorū, qui sibi in magistratū
 à morte succederet, nominauit: sed dominū, ut populo suo ducē cu-
 raret, rogauit. Quid quod Christus ipse, nō eos cognatorū loco du-
 cit, qui ipsum necessitudine attingant: sed qui iussis patris cōlestis
 sint audiētēs, eos fratres, sorores, ac parētes suos appellat. Contrā
 multi nō solū profani, sed & sacris Christianis præfecti, quos mune-
 rib. ecclesiasticis ineptos sciūt, alios ferē pueros, alios omnis pieta-
 tis & eruditōis expertes, alios multis uitiorū maculis pollutos: ta-
 mē quia cōsanguinei sunt, obtrudūt ecclesijs Dei: & alios ad dexte-
 rā, alios ad sinistrā assidere sibi faciūt. Quo quidē manifestē osten-
 dūt, se admodū carnales esse. ideo carnē & sanguinē primis in eccle-
 siæ locis collocāt, cōmodis augēt, honorib. efferūt. Hoc loco quid
 aliud boni uiri optēt, q̄ ut Deus ecclesię suę misertus, tales illi pa-
 tronos, collatores, episcopos det, qui neglecta carne, sanguine, a-
 micitia, fauoribus, & omnibus obsequiis, ministros idoneos præfi-
 ciant populo Dei: qui ministri uita & doctrina salubri, salutem
 animarum procurare & possint, & uelint. Et hæc quidem quæ
 diximus de sanguine, obsequiis, & id genus rebus, talia sunt, quæ
 moribus

moribus tantum usurpatur: Ambitus tantum (quā Simoniā uocant) legibus uindicatur. Illud uerò lege cautū est, ne quis ad primarum ecclesiarū honores, paucis exceptis, euocetur, nisi stēmatīs gētilitīs ornatus. De quo nobis deinceps disputandū est. Velim autē, ut ne quis ex pręiudicatis opinionib. de eo ferat iudiciū: sed potius rationes cōsideret oēs, quę nos cogūt diuersam sequi sentētiā. Sic igitur, ut cōperamus, pergamus dicere: maximū respectū sacerdotīs cōfē rēdis habendū esse uirtutis, & doctrinę ad tantā functionē idoneę. Etenim si uerum est, quod primo libro ualidis (ut uidemur) rationibus confirmauimus, in Repub. & in ciuili hominū societate uirtutem generi & diuitīs pręferendam esse: quanto magis in ecclesia, in qua illa ipsa uirtus cum doctrina & honestis actionibus cōiuncta, principatum iure suo tenere debet? Cur enim loca Apostolorum & discipulorum Christi æstimentur stēmatum nobilitate, cum principes illi religionis nostrę nulla stēmatū cōmendatione fuerint insignes: quorum opera usus est S E R V A T O R noster, imperium sibi in hoc orbe constituendo? Non ille habuit deligendis apostolis rationem generis, non imaginum. imō piscatores erant magna ex parte, qui in summis honorum gradibus ab ipso sunt collocati: in quorum tandem scholam & qui genere clari, & qui humana eruditione pręditi, & qui iuxta hominum æstimationem erant potentes, sunt recepti. Cur igitur nos non putamus retinendū esse Christi imperium h̄isdem modis, quibus partum est? Cur res profanas tanti facimus, ut earū primam rationē in rebus sacris habendam putemus? An non manifestē declaramus, à Christi nos descuiisse institutis, hoc personarum delectu in ecclesias admissō, ac pro uirtute & doctrina introductis maiorum imaginibus? id quę non sine magna morum perniciē. Multo enim maxima nobilium pars censibus & fundis contenti, & doctrinam contemnunt, nec artis bonę famam quærunt: plebeiū putant esse, artē profiteri: docere, seruire. hanc enim omnem prouinciā hominibus contemptoribus delegant: ipsi & prima loca occupant, & pręcipuos maximosq; fructus percipiunt. Neq; ego sum nescius, quid uulgō nobiles prætēxant huic sacerdotiorū occupationi. Aiunt em̄, hęc ecclesiarū cōmoda, tanquā ptochodoxia, iure optimo ad se pertinere, quę maiores sui ecclesijs donassent. Verū huic sententię Canonici nomē, quo collegiorū clerici plurimi appellātur, prorsus aduersat: munerū quoq; quę sustinere debeāt, ratio, nihil illi suffragatur. Ac de muneribus ipsis, & de ista donatiōe, alio loco dicemus. nūc instituta persequamur. Etiā si fundi multi à uiris nobilib. ecclesijs donati sunt, num propterea ferendū est, potissimū nobiles ecclesijs pręficiēdos esse? Nō est, ut ait Paulus, in regno cōlorū Græcus & Iudeus, circūcisio & pręputiū, Barbarus, Scythā, seruus, liber: sed omnia in omnibus

S

Christus.

Gal. 3.
Col. 3.
"

Christus. Quare igit nobilitati regnū cōstituitur in ecclesia: in qua nullū discriminē esse personarū, nationū, cōditionū, quinimo oēs ho-
 Eph. 4. mines pares esse affirmat Paulus? atq; idē ille inter dona ecclesiae di-
 uinitus data numerat prophetas, apostolos, pastores, & doctores. Hos em̄ fructū ecclesie magnū proferre certū est: nobilitatē generis per seipsā nihil cōferre, certo certius est. Quare igitur, malū, stultitia est, de generis nobilitate testes citare, iurare: de uirtutis & doctrine nobilitate nullā mētionem facere? Quasi hac illā cōsequat necessa-
 riō: nullūq; unquā extiterint, q̄ illius participes, huius prorsus exper-
 tes fuerint. Audiebat apud nōnullos populos, in ecclesia quādā nu-
 mero Canonīcorū quispiā allectus esse, qui parū p̄fecerat latinis li-
 teris legēdis: quīq; p̄ter nomē nobilitatis nihil haberet additamē-
 ti. Quo errore? nō alio certē, nisi quia de stēmatīs gētilitīs rogabat, testes p̄ducebat, iurabat: de doctrīna nulla ratio ab eo exigebat. Si soli nobiles uolūt esse domini fūdorū ecclesijs donatorū, cur soli nō occupāt p̄fessionē docēdi, p̄phetādi, oues Christi pascēdi? Si prin-
 cipatū in fundis ecclesiarū obtinēt, cur nō principatū obtineāt in re-
 bus quę ecclesijs maximē proprię sunt? Certē iniquissimē cōparatū est, eos cōmoda p̄cipere, q̄ onus sustineāt legitimū nullū. Leuissima em̄ sunt onera illa, & quę ab omni uel inertissimo homine facilē fer-
 ri possint: lineis uestibus indutū sacrā aedē ingredi, pellibus ornatū tēplū aut altaria circūire, dieb. sextis cōuētīcula agitare, solēnibus ec-
 clesiae supplicationib. adesse, phylacteria dilatāre, fimbrias magnifi-
 care. Quod si fundos aliquos donarēt uiri nobiles arcī alicui, uerbi gratia, Barēsi, uel Camenecēsi, ex qua fines prouincię ab hostib. fini-
 timis defenderent: an æquius esset, ut eos fructus ij p̄ciperēt, qui sta-
 tis tēporib. certas uestes induerēt, arcē circūirent, cōuētīcula age-
 rent: an potius ij, qui & arcem ipsam reficere, & manu ualida hostes propulsare ualerēt? Nihil refert, qui id p̄stare possent, nobiles ge-
 nere essent, an sola uirtute. Virtute em̄, firmis corporis lateribus, a-
 nīmi magnitudine & fortitudine res cum hoste gerēda est: nō ima-
 ginibus. Neq; tamē prohibendū putarem, quominus nobiles ge-
 nere p̄cipuē illis commodis fruerentur, modō non solis stēmma-
 tis niterentur: sed ijs uirtutibus ornati essent, quibus inuaderē, pro-
 pulsare, & uincere hostem possent. Quid igitur, an non idem de
 arce ecclesiae dicemus? Qui fundos dederunt huic arcī, an non id
 uolebant, ut qui fructus ex eis percepturi essent, & aedificare pos-
 sent hanc arcem, & defendere? Aedificate igitur uiuas ecclesias
 Christi, o presbyteri nobiles genere: defēdite eas gladio uerbi Dei
 ab hæreticis, à mundo, à diabolo. Si hoc p̄stare nec uultis, nec
 potestis, an iure uos facere putatis, cōmoda tātū percipiēdo: one-
 ra legitima ne dīgito quidē attingēdo? Paulus quidē, cū de gladio
 & armis militiæ ecclesiasticæ differit, dicit illa nō carnalia esse, non
 humano

humano more ferro aut cohortibus stipatorum munita: sed facultatem esse, Dei afflatu & uirtute constantē: quæ non ad demolitionem oppidorum, arcium, nō ad defensionem fundorum & reddituū destinata sit: sed ad demoliendum & subuertendū omne id, quod se aduersus Dei cognitionē erigat & extollat: qua quidem facultate & callida consilia, & impiorum omnes conatus euertantur: neq̃ euertantur modò, sed captiuæ etiam ducantur cogitationes omnes humanæ: non ad lucrum aliquod ex eis percipiendum, sed ad obediendum CHRISTO. His armis Christus Iudaicam potentiam contriuit: apostoli orbem terrarum ad ueram religionē adduxerunt: Petrus Ananiam & Saphiram spiritui sancto mētientes occidit: Paulus incestum ex coetu Corinthiorum eiecit: Ambrosius Theodosiū ad publicam poenitentia coegit, Valētinianum basilica prohibuit, Stiliconis scribā furore corripuit: Stanislaus Scepanæus Boleslaū regē Poloniae ob tyrannidē rebus diuinis & sacris ritibus arcuit. Deniq̃ ui horum armorū, & scelera omnia impiorum puniuntur, & prudentia omnis quæ Dei prudentiæ sit rebellis & cōtraria, expugnatur, ac ueritate cōuicta in officio retinetur. Hi sunt gladij, hæc arma uerè Apostolica: hæc stemmata successoribus apostolorū digna: hæc bella, hi triumphus ecclesijs CHRISTI congruentes. Qui his uti nec possunt, nec uolunt, quid armis gentilitijs efficient in ecclesia Dei? Iam ex alijs quoq̃ rebus magis uirtutis & artis rationē habendam esse, quàm nobilitatis, facile perspicitur. Etenim si quis esset, qui arte sagittandi aliquos maximè superaret, longè autē ab illis superaretur nobilitate & diuitijs, non dubium est quin prudens Respublica sagittario illi optimas & acutissimas sagittas esset decretura: siquidē res esset cu hoste futura, qui eiusmodi sagittis celeriter confici posset. Quid igitur, contemneret illa Resp. nobilitatem & diuitias? Nequaquam: sed & rebus suis, & saluti & dignitati consuleret: cumq̃ nec nobilitas nec diuitiæ conducant quicquam ad munus sagittandi, illi potius insignes sagittas daret, qui melius iaculari posset, quàm qui deterius. Imitentur ergo ecclesiastici proceres, Reip. hoc præclarum iudicium: eos rebus necessarijs tanquā sagittis magis ornent & augeant, qui eis melius sint in hostes religionis usuri, quàm qui nullare præter generis nobilitatem sint commēdabiles. Atq̃ etiam in mentē eis ueniat Iuliani illius, qui ex re apostata cognominatus est. qui cum successibus bellorum foelix esset, atq̃ ob eā causam suffragijs militum imperator factus: summo odio religionē Christianā persequebat, eamq̃ & scriptis & cōuicijs proscindebat. Et quamuis à sanguine abstinebat, publicè tamen edixit, ne Christianis scholas philosophorū adire, neu inter Romanos milites esse liceret: ex illis enim homines doctos fieri, ex his Romanos imperatores creari, atq̃ hoc modo adempta Christianis & erudi-

tionis facultate, & imperij adipiscendi potestate, putabat religionē eorum sponte sua occasuram. Sed & Iulianū spes sua fefellit, & ego edictū illius nolo cum bullis nostris cōparare. Nihil enī absurdius, quā religionis præfectos aliquid cōtra religionē uelle machinari. Quod etsi ita mihi persuasum est: tamē haud scio an ex bulla nostra, & edicto Iuliano, euentus similes existere possint. Adempta est potestas plebeijs ad summos ecclesiæ honores perueniendi: ea uerò solis nobilium stemmatis concessa. Nullum adhuc naufragium ex huiusmodi bullis res Christiana fecisse uidetur, quemadmodū nec ex illis Iulianis edictis fecerat: sed negari tamen non potest, magna solertia & ignauia oppressos esse homines utriusq; ordinis, dum nobiles permulti contenti suis stemmatis, religionis doctrinæ ualedixerunt: plebeijs honorum negatione curā illius magna ex parte abiecerunt. Quid aliud hostes Christiani nominis magis optent, quā talia in ecclesiā decreta recipi, quibus studia omniū religiōis tuēdæ debilitentur? Quid homines societate religionis nobis cōiuncti ita doleant, quā neminē quarundam nationū apparuisse, cū de doctrina religionis his annis bis conuentū fuisset? Non ausim dicere, hos quasi gradus esse, quibus ad interitum eatur: sed tamen uelim hæc ab omnibus, qui tantas res gubernant, considerari. Quod si ita moribus receptum esset, neminem nobilium sine eruditione ad eos honorum gradus aspirare posse, eosq; quasi in statione religionis excubare oportere: quis non pugnaret pro his priuilegijs nobilitatis? Certē nobis eodem loco, quo olim Leuitæ erant, haberentur: quibus solis potestas erat sacerdotiorū. Sed Leuitæ non contenti erāt, se ex ordine Leui prognatos esse, erāt perpetui circa Moysis tabernaculū, ut fungendis sacerdotijs digni haberent. Nūc cū omni discrimine sublato, dignitatēq; omni neglecta, exæquati sunt nobiles oēs, probi q; & improbi, docti & indocti, modò stemmata numerēt, eodē numero habeant: quis probus & intelligēs æquo ferat animo hāc cōfusionē? Libet nūc Pauli argumētū adferre, quo ille in re nō dissimili utit̃, aduersus Iudæos paternū genus iactantes. Non satis ille putat esse Iudæo, ut uel Abrahamo p̃gignat̃, uel circumcidatur: sed ita tātū prodesse illi & genus & circūcisionē, si re id præstet, cuius causa circūcisio instituta est: sin minus, tū quidē circūcisionē nō alio loco esse, q̃ præputiū, imò uerò præputiū circūcisionis loco habitū iri, si incircūcisus ea faciat quæ lex iubet: tantūq; abesse ut minoris fiat circūcisio iussa legū negligentī, ut & præferat̃ illi, & iudex tādē in illū cōstituāt. Et hæc quidē argumētatio est Pauli. Cui si causa quā tractamus agēda esset, an nō eodē modo argumētaret̃? Nequaquā satis tibi esse ut nobilis & sis, et dicaris, sanguine patrisq; matrisq; nisi etiā te nobiles nobilib. factis: sine quib. nobilitatē tuā in ignobilitatē & dedecus uerti, contraq; qui ignobilis sit sanguine, minimeq;

minimèq; clarus factis aut inclytus et ueneradus, eius quidē generis ignobilitatē nullo modo ingloriā esse, sed & summa laude dignā, & omnib. stēmatīs imaginibusq; præferēdā. Et hanc quidē argumē-
tationē si quis est qui refellere uelit, hic eadē opera Paulinā refellet: sin Paulinā assentiūt, assentiatur etiam huic necesse est. omnia enim quæ proposuimus, similia sunt, atque huc tendunt, rebus ac ritibus externis confidendum non esse: nobilitatemq; omnē in excellentia actionum ponendā, nullo aut modo uel in otio uel stēmmatis solis. Hinc aut consequit, neminē ornādum esse nec ecclesiasticis nec alijs honorib. præmijsq; solo imaginū respectu. Hæc em̄ erat mens, hoc cōsiliū eorū qui agros aut fundos aliquos donarūt ecclesijs, ut ij fructus perciperēt ex illis, qui ecclesie prodesse, qui orare, purā doctrinā & tradere, & ad posteritatē ppagare, & ab hæreticis defendere possent. Hoc principiō ecclesiarū obseruatū fuisse, testimonio sunt mores ueteres, quibus nō tantū in canonicos, sed & in episcopos cooptabant filij agriculturalū: genere quidem ignobiles, sed doctrina & uirtute nobilissimi. nō numerabant tū stēmata paterna & materna, nō testes audiebant de nobilitate: sed inspiciebantur mores eius, qui in collegiū sacerdotū aut pōtificū cooptabatur: inquirebatur in doctrinā, modestiā, uitam antea actam, easq; uirtutes quæ tāto uiro, qui alijs doctrina & exemplo præluceret, dignæ essent. Quam uerō hac tēpestate ab illis morib. discessum sit, uidemus. nihil em̄ magis hodie requirit ad honores ecclesiæ primos adipiscēdos, q̄ stēmata, & generis nobilitas. de hac primū quæritur, iuratur, testes proferunt. & deinde qui hac uia in hoc ouile ingressi sunt, & ipsi nihil putant sua interesse, curā habere ouīū: & oues ipsæ non alio eos numero putant habendos, q̄ quo Christus eos uoluit qui aliunde quā per hostiū intrauerunt. Ergo & istis rebus occurrēdū esset, & alia lex cōstituenda. Iste enim mos de stēmmatis gentilitijs iurandi, nouus est, ante annos circiter cētum natus, à pontifice nescio quo excogitatus, & à nescio quo Papa confirmatus: bonis fortasse uiris illis: sed non satis intelligentibus, quibus in rebus uera ecclesiarum dignitas consisteret. Fuisse enim tum munus docēdi uerbi Dei neglectui, satis declarant omniū ferē ecclesiarū mores ad hæc usq; tempora durātes. Nā hoc munus nō ad eos defertur qui prima in ecclesijs loca teneāt, sed qui inter postremos numerētur. Itaq; in multis ecclesijs ne domicilia quidē propria uerbi Dei præcones habent: & prouētibus præ reliquis sacerdotibus malignioribus gaudēt: & longè minoris æstimātur personatis istis, qui titulo tenus munerib. ecclesiarū fungūtur. Nō est itaq; mirū, cū his morib. illā peruersitatē in ecclesia Dei regnare cōpisse, ut p uera doctrina & uirtute quæri cōeptū sit de stēmatīs: uersaq; sit res omnis in ambitionē, luxū, & rerum sacrarū immodicam quādam & importunam profanationem.

Videamus, si placet, deinceps, quàm acutè definita sunt ea, quæ ad legē illam de nobilitate pertineant. Videbimur fortasse alicui, cornicum (quod aiunt) oculos configere; aut mysteria detegere. Sed in re necessaria uelim mihi hanc ueniam dari. neq̃ enim aliter uitia eius legis ostendi possunt. Definiunt nobilē, qui ex utroq̃ parente nobili natus sit, non qui ex altero tantummodo, ut uel ex patre, uel ex matre. Addunt etiam quarundā nationū leges: nisi quis ab atauis, uel tritauis nobilitatem ducat, eum in ecclesijs nō debere esse in eorum nobilium numero, qui maioribus illis ipsdē nobilibus sint orti. Hoc si ita est, quo tandem modo in societate nobilitatis uenire possent primi nobilitatis authores? neq̃ enim in infinitum progredi, dandis unicuiq̃ nobili utrisq̃ parentibus nobilibus, licet. Necesse est in omnibus familijs ad unum ueniri, qui neutro parente nobili natus sit: qui ipse primus nobilitatis author, & quasi conditor fuerit: quam filijs, & per eos nepotibus, & qui nati sunt ab illis, cunctaq̃ posteritati, quasi per manus dederit. Ille igitur author nobilitatis, qui ex neutro nobili natus sit, nobiliū nostri temporis numero excludetur: non excludetur infans, à cunis ipsis nobilitatem secū adferens: nō erit ille nobilis, qui præclaris facinoribus id meruerit: erunt isti, qui eius rei causa nihil unquam gesserint, præterquam q̃ ex semine nobilium hominū nati sunt. Iam illud quoq̃ hanc opinionem nobilitatis natiuæ consequitur, ut consimili ratione, qui ex fabris nascentur, fabri fiant: & qui ex gladiatoribus, gladiatores: & qui ex doctoribus, doctores, plusq̃ faciēde sint uirtutum nobis ingenitarum persuasiones, quàm uirtutes ipsæ labore nostro partæ. Quod si hæc & à uulgari intelligentia sunt remota, & sensu ipso falsa deprehenduntur: profectò consequi necesse est, ut uel hæc nobilitas ex parentibus profecta non sit uerè nobilitas: uel si nomen nobilitatis utcunq̃ obtinet, necesse sit primos illos, quorum uirtute, auspicijs & ductu omnis posteritas in possessionem nobilitatis uenerit, uerè & propriè nobiles fuisse, quantumuis parentibus nobilibus prognati non fuerint. Hoc uerò ita constituto, consequēs est ut dicamus, omnes qui nostris temporibus uirtute nobilitatem & stēmata consequuti sint, quāuis ignobilibus parentibus ortos, uerè & propriè nobiles esse: quēadmodum qui palæstris se multū diuq̃ exercuerunt, eamq̃ artem didicerunt, & sunt & uocātur palæstrite, quamuis parentibus apalæstris nati sint. Consequitur & illud, omnes qui uirtute insignes sint, quicq̃ Rempub. præclaro aliquo facinore honestarint, uel si parentibus agricolis nati sint, prorsus nobiles esse, ac omnibus nobilitatis honoribus dignos: eos enim in se habere, cuius causa nobilium numero censeantur. At inquires, hoc à moribus patriæ uetustis alienum esse. Quasi uerò mores cum rerum natura, ac ratione illa rerum humanarum exploratrice pugnātes,

tes, quāuis inueterati, reprehendēdi nō sint. Quid est, quæso te, quod ueteres illos Scipiones, Cæsares, Pompeios nobilitauit, nisi uirtus? Quis nostris Tarnouijs, Kmitis, Tancinjs, Lascijs, Gorcēsibus clara nomina fecit, nisi uirtus? Quæ igit, malū, iudicij peruersitas est, in quo uirtus adsit, ei nobilitatē auferre? An nō eadē uis, nō idē splendor uirtutis est nūc qui olim fuit? Eorū omniū quos nominaui nobilitas sumpsit initiū ab aliquibus, qui in eius possessionē quasi pedes primi posuerūt. quorū quidē primorū nobilitatis cōditorū maiores quid aliud fuerunt, quā uel aratores, uel pastores, uel opifices, uel cuiuslibet artis homines? Cur igit & hodie, qui uirtute in nobilitatē uenerūt, nō cēseant uerē nobiles, qualibuscunq; parētib. orti sint? Vulgus nobiliū ita de plebeijs loquunt, quasi nihil præclari facinoris ab illis edi possit. Hoc uerō si ita est, ob quā tādē causam fieri putandū est, nisi quia uia oēs præclusæ sunt eis ad res gerendas? Natura em̄ esse plerōsq; optima, & ad nobiles actiones perapposita, ne mo opinor negabit. Sed cū & uirtuti eorum nō obscure inuideatur, & in cœtus honoratorū ingressus eis tanquā abiectis denegentur, & honoribus præcipuis legum seueritate arceantur: deinde si quid alicuius momenti, ab aliquo illorum existat, illud mirabiliter deturpetur: sit, ut in tantis rerum angustijs & asperitatibus fiducia excidant, spiritu angantur, animis consternentur: neque in hac desperatione, de rebus arduis cogitationem queant suscipere. Frigent enim ingenia, artes, & actiones in ijs, quibus aditus omnes præclusi sint ad uirtutis laudem & honorem. Non sic erat in Rebus publicis illis, in quibus idem cursus, eadem que uia omnibus ad uirtutem proposita fuerat. Celebrantur à scriptoribus Romanis principes duo, M. Marius, & M. Cicero: quorum

Hic nouus Arpinas ignobilis. — Sed postea municipalis Romæ, honoribus functus est maximis. atque idem ignobilis in suo consulatu, Catilinam hominem nobilem, patrię excidium molientem, oppressit. Quamobrem Roma Ciceronem patrem patriæ libera dixit. Ille uerō alter Arpinas, & ipse humili loco natus, qui solebat

Poscere mercedes, alieno lassus aratro,

Qui tamen & Cimbros, & summa pericula rerum

Excipit, & solus trepidantem protegit urbem.

Cumq; uictorijs & triumphis esset illustris, honoribus fungendis ad septimum usque consulatum processit. Quid de alijs dicemus Romanæ urbis ciuibus?

Plebeia Deciorum animæ, plebeia fuerunt

Nomina: — Horum tamen qui pater erat, cum Latinis: qui filius, cū Gallis: qui nepos, cū Pyrrho decertātes, pro exercitibus suis sese deuouerunt, telisq; hostiū corpora sua spōte obiecerūt. Tanta erat charitas patriæ in plebeijs, tātus amor uirtutis, tanta cupiditas laudis.

dis. Sed id tempore illo minimè nouum aut inauditū erat, quo plebeijs patebat accessus ad res bellicas & togatas, & ad omnes honores, non minus quàm patricijs. Quod cū scriptores testantur, tū consul ipse Romanus M. Valerius Coruinus, in ea oratione qua exercitum ad praeliū strenuè ineundum hortatur, cū inquit: Nunc
Liu. ab vrbe con. lib. 7. nobis patricijs, uobisq; plebeijs promiscuus consulatus patet: nec generis, ut antè, sed uirtutis est præmiū. Proinde summum quodq; spectate milites decus. Semper ego plebem Romanā militie domique, priuatus in magistratibus, paruis magnisq; æquè tribunus ac cōsul, eodē tenore per oēs deinceps cōsulatus colo atq; colui. Nūc quod instat, dñs bene iuuantibus nouum atq; integrum de Samnitibus triumphum mecum petite. Talis erat oratio consulis, hominis patricij, ad militum turbā: tales mores illius Reip. quæ maximæ orbis parti imperabat. Nunc quis ferat nobiliū, nō iam dico in Senatu, aut coetibus pfanis, sed in ipsa ecclesia, in ipsis sedibus Apostolorum, hanc uocē, ut episcopatus & sacerdotia non generis, sed uirtutis sint præmia? Quis æquo animo patiaturs dici, promiscuos honores esse patricijs & plebeijs? Quid em̄ hodie? Bardi quidā & stupidi propter generis auctoritatem plurijs fiunt ijs, qui ipsi authores sunt nominis sui: maioribus cōmoditatibus gaudent qui in cunabulis nati, q̄ qui in cāpo facti nobiles sunt: digniores habentur qui maiorum suorum, q̄ qui suis ipsorū factis sunt cōmendati: in altiore dignitatis gradu collocantur, qui spōsores tantum pro se habeant imagines uetustas, q̄ qui rebus ipsis, hoc est spiritu magno & uirtute præstati fidem fecerunt nobilitatis suæ. Ita factum est, ut summi ecclesiarum ferè omniū honores ab imaginibus & umbris sint occupati. Non nego, permultos esse uiros uirtute & doctrina insignes, qui ecclesiarum honoribus fungantur: sed nego, quenquā uenisse indignationē summā, nisi imaginū cōmendatione: sine quibus, cui hominum ex uirtute & doctrinæ solius fontibus, ad dignitatem & amplitudinem profluere fas fuit? oēs aditus præclusi sunt, partim moribus, partim opinionibus peruersis, partim cæca inuidia: quibus non pridem accessere incredibiles calumniæ. His uerò quæ coniuncta sint mala, & exposuimus, & magis alio loco exponemus.

CAPUT XXV.

De electione episcoporū, & aliorū sacerdotū, atq; adeo magistratuum omnis generis.
 1. Ratio eligendi episcopos præscribitur. 2. Conditiones & officia boni episcopi recitantur. 3. Ratio eligendi continuatur. 4. Conditiones boni episcopi latius explicantur. 5. Multas & grauissimas causas esse, quamobrem electiones usitatae tolli, nouæ institui debeant. 6. Additur correctio de sortibus, de quibus in electione scriptū est. 7. Hæc ratio eligendi ad alios magistratus transfertur. 8. Postulatio ad reges & principes, ut eiusmodi rationem eligendi ratam esse uelint.

Satis



Atis, ut opinor, à nobis demonstratū est, minimā stemmatum, doctrinæ uerò & uirtutis maximam, eligendis presbyteris & episcopis, rationem habendam esse. Dicamus iam, à quibus eligendi sint tum episcopi, tum reliqui presbyteri. Sæpe enim & palàm, id quæ impunè, erratum esse in eligendis illis, ad quem modum hac tempestate in magna Christiani orbis parte eliguntur, nemo ignorat. In multis electorū ambitiones intolerabiles uisæ sunt. Electiones etiam ipsas à multis honestis & prudentibus uiris improbari audiuius. Differit Ambrosius *Specul. hereticorum cōsi. 2.* Ca-
tharinus de speculatoribus uineæ Domini, & gregis pastoribus indoctis & negligentibus: qui nihil curent de doctrina religionis, qui uenientē lupum & oues mactantē non abigant: qui non existimēt episcopatum onus esse, sed honorem, pompam, lac, lanam, & quæcūq; ad eos ueniunt ab ouibus commoda: qui episcopatū tum bene gestum & administratū putent, si cōmoda sua salua maneāt. Hos negat electos esse prouidentia Dei: qui per apostolū pronūciauerit, oportere episcopū esse doctorem, amplectentē eū qui secundū doctrinā est sermonem: ut sit potens exhortari in doctrina sana, & eos qui cōtradidunt redarguere. Quod si talis non sit, uitio hominum id accidisse, qui indoctos uel eligant, uel confirmant. Nos igitur hoc in sermone de prouidentia Dei (ne quis nos calumniatur) nihil dicemus. De uitis tum pastorum eiusmodi, tū eorum qui illos eligant, confirmant uel differemus. Cur etiā exactiorē eligendi rationem quæramus, palàm faciemus. In primis autē quæso uos oēs qui hæc legeris, audietis uel ne quid huc præiudicati afferatis. Etenim si ita cū animis uestris statutū habetis recta esse omnia quæ fiūt, quæq; tot seculorum interuallis usurpantur, frustra me audietis disputantē, quem iam condēnastis: sin rationes ac maximorū uirorū authoritates, imò Dei ipsius oracula considerare uoletis, spero operam meam minimè perituram apud uos, qui omnia quæ dicam accurate expendetis, postremaq; cum primis contexueritis. Vt igitur multis malis medeamur, sic mihi electio episcopi instituenda esse uidetur. Mortuo episcopo, indicat rex aut princeps populi comitia eius diocesis, quæ episcopo eget, ad quæ comitia liberū sit cuilibet uenire ex ea diocesi, cuiuscūq; ordinis existat. Faciamus aut ordines quatuor hominū, qui ibi futuri sint. Primus sit Palatinorū, Castellatorū, Capitaneorū, Iudicū, Subiudicū, Notariorū, Tribunorū, Succamerariorū, Gladiatorū, Dapiferorū, Incisorū, Percussorū, eorūq; omnium q̄ partes aliquas uel in Rep. uel in Regis ministerijs obtinent. ex horū omniū numero tres sorte eligant. Secundus ordo sit hominū equitū, qui quoniā sunt numero lōgè maiore, diuidantur primū in decurias: temerè qdē, nullo ordine, nulloq; delectu

delectu habito: sed ut quisque sit in ea decuria, in qua casus eum collocauerit. Si qui equites sint reliqui, quod denarium numerum non efficiant, eorum singuli, singulis quibuslibet decuriis adiungantur. Tum autem sortibus ductis, tres primum decuriarum, deinde ex singulis earum trium singuli deligantur. Ita ex ordine equitum tres habebimus electores futuri episcopi. Tertius ordo sit ciuium & oppidanorum, qui & ipsi ad eundem modum in classes diuidantur: ac sorte tribus classibus designatis, ex singulis illarum singuli eligantur. Addamus quartum ordinem colonorum: quod nomine intelligo omnes in pagis habitantes, seu cmetrones, seu hortulani, seu alijs nominibus uocentur, exceptis ipsis equitibus, quibus secundum ordinem assignauimus. Sed stultum me fortasse quispiam dixerit, qui ad eiusmodi deliberationes accersam homines ab aula ac consuetudine hominum illustrium remotos, ac penes sensum communi carentes. Quos igitur, o bone, putas potissimum accersendos: an istos tuos purpuratos, qui in lautis conuiujs, ueste preciosa, suppellectili splendida, equis & familia numerosa dignitatem omnem episcopi collocent? Faceffe hinc quaeso cum tuis istis ineptijs. alius enim nobis querit episcopus: alijs rebus (quod postea palam fiet) definit, quam tuus iste. Non igitur coloni, si ueniunt, a comitijs excludendi sunt, potest spiritum suum adspirare illis Deus, qui absconderit multa a sapientibus, quae reuelauit paruulis. Et certe iucundius erit huic hominum generi, dicto episcopi obedire, ad cuius electionem se admitti uiderit. Igitur & ipsi sortiantur de suo numero tres, eodem modo ut de equitibus & oppidanis diximus. Ita ex omni populo eius dioecesis, cuius episcopum quaerimus, duodecim electores habebimus. Consimile in modum ex omni ecclesiastico ordine duodecim sunt eligendi, quatuor in primis ordinibus constitutis. Primus sit praetorum & canonicorum omnium, tam cathedralis quam collegiatarum ecclesiarum. Secundus plebanorum, altaristarum, & ruralium praetorum. Tertius mansionariorum, uicariorum, gratialistarum, & omnium reliquorum presbyterorum. Quartus diaconorum, subdiaconorum, & acolitorum. in ijs uero ordinandis iidem ritus obseruentur, quos supra describendis populi ordinibus diximus. Sic ex omnibus ordinibus erunt electores quatuor & uiginti. Quod si ad modum praescriptum tantus numerus effici non queat (fieri enim potest, ut nulli ex colonis adsint) tum supplementum addatur ex equitum ordine (hi enim numero maiore solent conuenire) uel decuriis, ut iam dictum est, constitutis, uel sorte uiritem ducta, usque dum electores fiant numero 24. Quibus Rex ipse, seu eius uicarius (uolumus enim Regem per uicarium curare id posse: alijs puto id concedi nihil necesse esse, absentiumque nullam rationem electione celebranda habendam) itaque Rex ipse, seu uicarius eius, cum administratore, qui ipse quoque est tanquam interrex, electoribus praerunt: iusiurandum a singulis exigent, ut ne gratia, fauore, ira, odio ducantur suffragio ferendo: sed eum eligant,

eligant, qui dignus eis tanto munere uideatur. Pernecessariū fue-
 rit, ut prius quā suffragia ineant, recitentur eis de scripto, boni e-
 piscopi rationes, à diuo Paulo traditæ: ut ad eas animū & cogitatio-
 nes suas episcopo eligendo, tanquā nautæ cursum suum ad cynosu-
 ram dirigant. Non est ociosa dignitas, nec sine re inane nomen epi-
 scopi: sed est functio, & quemadmodum Paulus ait, opus: & opus
 quidem arduum, laboriosum, periculosa aleæ plenum: ut non im-
 merito idem Paulus dixerit, præclarum opus ab eo appeti, qui epi-
 scopatum appetat. ferè enim, quæ ardua & difficilia sunt, eadē præ-
 clara iudicantur. Ad quod quidem opus obeundum qui uocentur,
 eos CHRISTI personam sustinere oporteat: curamq; omnem, labo-
 rem, & sollicitudinem cōferre ad salutem animarum, quas Christus
 sanguine suo mercatus est, procurandam: ad ecclesiam, quæ est co-
 lumna ueritatis, ædificandam & restaurandam: ad regnum Dei, in
 quo est salus & uita æterna, stabiliendum, confirmandum, & ampli-
 ficandum. Hæc nullo modo præstari possunt sine uirtutibus sum-
 mis, sine doctrina & prudentia summa. Itaq; idē Paulus multas &
 singulares uirtutes cōmemorat episcopo describendo: ac inter cæ-
 teras, uult eū tenacem esse eius sermonis quo docere imperitos ua-
 leat, cohortari cessantes, conuincere contradicentes. Non enim sa-
 tis esse putat, interioribus ac reconditis literis ornatū esse: ut sibi sci-
 licet tantum (quod aiunt) caneret, & Musis. Nisi & ad docendū
 appositus, & ad exhortandū idoneus, & ad hostes ueræ doctrinæ
 refellendos quā maximè instructus erit, nā illum ab episcopi di-
 gnitate tam procul abesse pronuntiabit, quā à uero & solido cor-
 pore abest tenuis & sine uiribus umbra. Cum autē nefas sit, noui-
 tios fieri episcopos, acerrimè inspiciendū est in uitā ante actam, eius
 qui sit eligendus. Ipse quidem Paulus inter reliquas episcopi notas
 prodidit: Qui domui suæ bene præsit: qui liberos habeat in subie-
 ctione, cum omni reuerentia. Omnino igitur uidendū, quomodo
 se in munere suo prius gesserit. Si scholaster fuit, an debitam operā
 nauauerit scholis instituendis. Si canonicus, an canonicis Biblijs di-
 scendis, docendis uel diligens fuerit. Si pastor, qualē se præstiterit
 docendo populo, ac mysterijs diuinis explicandis. Profecto qui in
 rebus minoribus ignauus ac iners fuit, non est spes, ut in maioribus
 ab eo expectare aliquid præclari possis. Nisi fortè obstabit aliquid,
 quo minus opera debita obire posset: quod ex multis rebus depre-
 hendendum est. Oportet etiam non tantum doctrina excellenti, iu-
 dicio acri, & uirtute singulari episcopū ornatum esse, sed & illis le-
 uioribus uirtutibus: ne sit propensus ad iram: ne fastus ei domine-
 tur: ne sit contemptor præ se aliorum: ut moderatè de se sentiat: ut mu-
 nerū Dei in alios collatorum sit æquus censor. Ipse Paulus talē uult
 esse pastorem, ut cæteri (quod Hieronymus scripsit) ad eius com-
 paratio-

parationem rectè grex nuncupentur. Vult eum irreprehensibilem esse, & testimonium bonum habere etiā ab eis qui foris sunt. Quæ Paulus, uirtutes episcopi numerando, ita posuit, ut ab altero ordiatur, in altero desinat: scilicet ut quale principiū, talis esset & clausula. Qui irreprehensibilis est, inquit ille idē Hieronymus, nō solū a domesticis, sed & ab alienis consono ore laudatur. Alieni & extra ecclesiā sunt, Iudæi, hæretici, & gentiles. Talis ergo sit pontifex Christi, ut qui religioni detrahunt, uitæ eius detrahere non audeant. At nunc plerosq; cernimus uel fauorē episcopi, in aurigarū certaminū equestriū morē precio redimere: uel tāto hominū odio uiuere, ut nō extorqueāt pecunia, q̃ mimi impetrāt gestibus. Quo est detestabilius istorū impudētia q̃ cū uirtute nulla excellāt, eruditione etiā uel nulla præditi sint, uel nō ea quā episcopi, p̃fessio requirat, deniq; quibus uile uideat ac sordidū fungi officio docēdi, episcopatū tamē ambire nō uerent. Quamobrē mos ille episcopū ex genere ac diuitijs eligēdi, omnino explodēdus est. Vulgō quidē existimat aliter ecclesiā seruari nō posse. q̃ si illi præ sint homines opib. & genere insignes. Sed nō est uerū. Ipsemet Deus inquit, ut testat̃ Oseas propheta, se seruaturū suos in nomine suo: & nō se seruaturū eos in arcu & gladio. Quibus uerbis præsidia intelligit humana. Atq; idē propheta refert, Deum dixisse ad sacerdotes scientiā auersantes, his uerbis: Quia tu scientiam repulisti, repellam te, ne sacerdotio fungaris mihi. Iam & in rebus humanis, ubi opus alicuius requiritur, uidemus paruā haberi rationē generis. Nec enim uenatores canib. nec equites equis eligēdis, tā de genere solliciti sūt, atq; de agilitate, uelocitate, ferocitate, alijsq; uirtutib. illorū animatiū, quib. uti uelint, neque itē nauigatiōe transmissuri, gubernatorē quærūt genere ac opibus clarū: sed scientissimū, peritiā nauigādi ac fide illustrissimū. Ita custodib. ac gubernatorib. tā Reip. q̃ ecclesiæ eligēdis, nō tā natalia aut opes spectandæ sunt, q̃ prudētia, iustitia, animi moderatio, fortitudo, aliæq; uirtutes: quib. tāte rerū moles sustineri, tanti fluctus sedari, tāti cursus teneri gubernari, & ad tutū portum perduciqueāt.

3 Sed ad electores redeamus, quorū singulis singula cōclauia disponant. nemo ad eos admittat. Tēpus certū eis cōstituāt, intra qd singuli ferāt sua suffragia: quæ tabellaria sint oportet. Si quis eorū scribere nescit, adiungat ei aliquis qui scribat suffragiū. caueat autem a singulis eligētū iureiurādo, ne quis pro se ipse suffragiū ferat. Conferant tandē in unū suffragia omniū: ad regem, uel eius uicariū et ad ministratorem afferantur. Ibi audientibus omnibus, a scriba ad id delecto, iurato illo quidē, relegantur. Tum uerō reiectis ijs omnib. de quib. pauciora: is unus episcopus renunciēt, de quo plura suffragia lata sint. Sin plures fuerint plurib. præ cæteris & parib. suffragijs gaudentes, sorte ducta, is cui ea fauerit, sit episcopus. Atq; idē faciun-

faciundum censeo, si à singulis electoribus singuli eligant, ut fortis arbitrio episcopū habeamus. Existimo ego CHRISTVM IESVM fortē illā gubernaturū, qui eandē, legendo Matthia in apostolatū gubernarit: præsertim si ecclesia precibus & ieiunijs rem totam ipsi Christo cōmendauerit. Quod cū aliās, tum in designando Paulo & Barnaba ad munus Apostolicū, factū fuisse, Lucas narrat. Nō *Act. 13.* deerit certē ille piorū uotis, qui se medium promissit futurum inter duos uel tres qui in ipsius nomine congregentur. Non aspernabit fortēs piorū, qui fortēs & calculos suos esse testatus sit: qui in renūciando Saule Iudæorū rege, fortē suæ designationi respondere fecerit. Mihi quidē talis electio ac uocatio maximē omnīū legitima *1. Reg. 10.* esse uideret: qualem nimirū esse debere, uel titulis ipsis p̄fitetur, qui *4* summis ecclesiæ honoribus fungunt, cū se episcopos uocant gratia Dei, qui titulus cū non nōstra tempestate natus, sed ex ueterū moribus ad nos deductus sit, certē nō ad humanum arbitrium, sed ad Dei beneficentiam, omnem episcoporum electionē referendam esse docet. Magnū est munus, profiteri se speculatorē ecclesiæ Christi: hoc est, filiorū & hæredū Dei pastore & inspectore: uitæ eorum institutorem: actionū moderatorē: itineris rectorē & gubernatorē, ut ne qua aberrent, sed omnes in regnum patris p̄ducant. Non igitur sacrilegij crimine uacare potest, si qui se Dei gratia episcopū iactat, nō Dei uocatione, sed uel hominū inuentis, uel sua temeritate, uel artib. nō dicēdis ad sacros ordines cōscenderit: atq; res episcopo proprias cōtemnens, opimorū tantū censuū & fastus munda-
ni sit episcopus: huiusq; tituli prætextu, iurisdictionē in ecclesias usurpet. Rectē em̄ Leo imperator Rom. ad Armaū de eligēdis episcopis scribēs: Cesset, inquit, altarib. imminere p̄phanus ardor auaritię & à sacris adytis repellat piaculare flagitiū. Ita castus & humilis nō *C. de episcopis, & clericis. L. Si quenquam.* stris tēporib. eligat episcopus, ut locorū quocūq; p̄fuerit, oīa uite p̄priæ integritate purificet: nō precio, sed precib. ordinet. Antistes tātū ab ambitu debet esse sepositus, ut querat cogēdus, rogatus recedat, inuitatus effugiat, sola illi suffraget necessitas excusādī: p̄fecto em̄ indignus est sacerdotio, nisi fuerit ordinatus inuitus. Scitū est & illud, q̄ Hieronymus ille Stridonēsis scribit, & Gratianus in *2. q. 7. non omnes.* ter Decreta refert his uerbis: nō oēs episcopi sunt episcopi. Attēdis Petrum, sed & Iudam considera: Stephanum suspicis, sed & Nicolaum respice: non facit ecclesiastica dignitas Christianum. Non est facile, stare loco Pauli, tenere Petri gradum, iam cū Christo regnantū. Verē id qdē Hieronymus. Qui mirat suo tēpore, id tātū de ordinandis in primis quesitū, an nō fuerint pluriū uxorū mariti: cetera neglecta fuisse. At em̄, inq̄t ille, q̄ dixit, Vnius uxoris maritū, ipse mādauit irreprehensibilē, sobriū, prudētē, ornatū, hospitālē, doctore modestū, nō uinolētū, nō percussorē, non litigiosum, non auarum,

non neophytum, ad hæc omnia claudimus oculos, solas uidemus uxores. Idem quoque probat multis scripturarum testimonijs, olim presbyterum & episcopum fuisse eundem. Sed postea ad schismata tollenda factum esse, ut episcopus unus cuilibet ecclesie præficeretur: ideoque episcopos magis consuetudine, quam dispositionis Dominicæ ueritate maiores esse. Igitur si uerbis Hieronymi de tollendis schismatibus ab episcopo credimus, maxima scientia præditum esse episcopum oportet. Qua enim ratione alia tolletur schisma? Orto inter medicos schismate de morbi alicuius curatione, puta sudoris quem uocant Anglicum, aut cuiusuis alius, an putas sufficere submouendæ dissensionis, ut aliquis in cathedra Galeni sedens, cõuocet medicos, ac pro imperio iubeat illos stare iudicio suo? Nihil profecto hac ratione efficiet occupator ille cathedræ. imò quisque medicorum, cõtempto illo discedet, ac rationes suas medendi sequetur, fortasse cum periculo ægrotantiũ: quorũ multi, ut sit, priusquam recta curandi ratio inueniatur, pereant oportet. Non satis est sedere in cathedra Galeni, opus est doctrinam habere, qua sedentur medicorum opiniones. Ad eundem modum non satis esse schismati religionis auferendo, ut episcopus pro autoritate imperet, decreta scribat, anathemata iaciat & denunciaret, tẽpora nostra liquidò ostenderunt. Oportet adesse episcopo cum uirtutes alias, tum doctrinam quam requirit Paulus, qua possit & docere ignaros, & exhortari cessantes, & conuincere cõtradicẽtes. Non facit dignitas episcopi, ut ex Hieronymo retulimus, Christianum: quanto minus faciet uerè episcopum cum quidem non omnes qui loco & ordine episcopi censentur, officio sint episcopi. Multa & maxima cõmoda ab episcopo bono ad oēs suæ diocesis homines perueniunt. Præterquã em̃ quod ipse est, populũ docere, debet etiam pastores doctoresque fideles & idoneos ecclesijs præficere, causas ad suũ forum pertinẽtes cognoscere & dñjudicare: Reip. statijs tẽporibus seruire, & res alias magni momenti exercere: in primis autẽ turbas in ecclesia fortẽ exortas sedare, hæreses compescere, atque etiam (si res poscat) uitam pro ouibus exponere. Hæc qui præstare nec scit, nec uult, quomodo eũ in amplissimo honoris nomine ueram episcopi dignitatem obtinere putabimus? Et quamuis multa præstari possunt per uicarios: tamen pulchrũ est, episcopum esse talẽ, qui, cum opus est, idoneus sit ipse rebus omnibus obeundis: ut nõ semper quasi alienis oculis utatur, sed uidere & cognoscere ualeat, quæ necessaria sint, oculis suis. Quemadmodum & imperatori necessarium est, ut ipse sciat per se & exercitus instruere, & bellica munia obire. Ridiculus enim imperator est, qui rerum imperitus, utatur semper uicarijs in bello. Ridiculus medicus, qui per alios curet omnia ægrotis curandis: ipse omnis artis expertus. Cum igitur talem tantumque uirum episcopatu gerendo

gerēdo requiramus, mirari nemo debet, nos eo inquirēdo talē diligētiā requirere. Vidimus annis retroactis, Deū cādelabris quorū dā pontificū de loco celeriter motis, palām mundo fecisse, q̄ & episcopi ipsi & electiones eorū sibi displicuerint: audiuius querelas hominū, multa in illis episcopis desideratiū: nō erāt obscurae ambitiones multorū, honores & diuitias episcoporū mirē ardētiū. Visae sunt cōcursationes illorū tū ad principū aulas, tum ad eorū limina, quos gratiosos esse apud illos putabāt. Hēserunt in multis largitiōnū suspiciones, uix unquā hoc rerū statu eluēde. Quis igit nō uidet, alia electiōe opus esse in ecclesia? Et illā quidē quē in canonicorū & praelatorum ecclesiae potestate olim erat, ideo in praesenti repudiamus, q̄ ambitione multorū nō uacaret, dū unusquisq̄ ambitiosorū multos sibi suffragatores uel munerib. uel multis pollicitationib. acquirere studeret: hac autē, quā diximus, omnis uia praecluderet ambitionis, ignoratib. qui electores futuri essent, quorū suffragia uel gratia uel munere eblādirent. Video quidē ueterib. decretis sancitum esse, ut ne quis pro episcopo habeat, nisi & à plebe expetitus sit, & à clero electus. Verū, ut existimo, tum locus erat illi electioni, dum homines erant minimē ambiciosi: dūq̄ episcopatus onus esse magis putabatur, q̄ honos. At hodie, & in plebe multa seditio timenda esset, unoquoq̄ pro eo pugnante qui magis sibi placeret, eiq̄ suffragatores alios ordināte: & in clero immodicis studijs ad honores cōtēdente, uarię contentiones existerēt. Ideo cōmodius fuerit, & illas plebis postulationes, & cleri electiones, ad hāc unam quā diximus rationē eligēdi referri. Tametsi nihil prorsus uideo, quid uel illi decreto qd diximus, uel Leonis Papae sententiae, qua uult ab omnibus eligi eum qui omnibus praeesse debet, derogari possit, cū pari numero (etiā si illū quem praescripsimus, augeri, minui ue, nihil impediat) populus cū uiris ecclesiasticis ad electionē uocaret. Quod si q̄ sint, quibus nimij fortē uideamur, sortib. toties usurpādis: & iccirco electionē, in suffragiorū pluriū equalitate, uiri boni prudentiē potius, q̄ sortiū temeritati cōmittēdā putet: haud sanē scio, cuius nā iudicio id magis pmittēdū uelint, praeter Regem: qui & in Rep. sit summus, & ab Esaia diuino uate nutritius ecclesiae uocetur. Qui rex, etsi ipse quoq̄ humanis uitijs exēptus nō sit: neq̄ minus errorib. implicari possit, atq̄ ceteri homines: tamē magnā partē ab errationib. se liberaret, si ad eos tantū animū aduerteret, qui ab electorib. iureiurādo delecti essent. Caueret modò, ne, si electionē in lōgū traheret, ueniret in sermonē hominū et uituperationē. Dies unus et alter sufficiat delectu habēdo, eorū qui in mediū ppositi essent. Deus autē, in cuius manu cor Regis est, suppliciter rogādus fuerit, ut eā electionē ecclesiae suae bene & foeliciter euenire uelit: animūq̄ Regis in talē uirū inclinet, qualē religiōis salus & dignitas postulet: q̄ Reip. cōsulere, maiorem

62. d. electio
clericorum.

maiorē honestatis in omni uita, q̄ cōmodi rationē ducere & sciat
& ualeat. Aut igitur his eligendī rationibus, aut nulla alia, & largi-
7 tio & ambitus omnis silebit. Ad hunc autem modū de electioni-
bus aliorū magistratuū, aliorūq̄ officiorū fortē cōstitui posset: nō
nihilq̄ eius obseruat hodie in nostra Polonia, iudicibus & notarijs
municipiorū eligēdis. Quatuor em̄ in locū demortui ab omni eque-
stri ordine deligunt: quorū ueluti designatorū nomina ita ad regē
mittunt, ut cuius ex illis uirtutē & prudentiā magis cōmodo, hono-
8 ri, & dignitati Reip. fore putet, eum illo munere afficiat. In primis
autē à regibus & principibus populorū postulandum est, ut hoc ge-
nus electiōis probatū sibi esse uelint: illud in omnib. ecclesijs ditio-
nū suarū usurpari iubeāt: cōsulātq̄ magis necessitatib. & Reip. & re-
ligionis, q̄ suis aliquib. cōmoditatibus. Satis, nimirūq̄ satis indultū
est nominationib. istis usitatis: quæ fortasse aliquando utiles erant
Reip. Sed certē necesse est & hoc fateri, multos persepe malos & in-
doctos, per solā ambitionē ad honorū titulos & opulentiā episcopo-
rū aspirasse: res ipsas quæ episcopis dignæ essent, fortiter contēplis-
se: & alios qdē pietatis & omnis doctrinæ expertes fuisse, alios in sci-
tia munerū episcopi ualde laborasse: paucissimos multis seculis, qui
cathedræ affixi essent, uisos esse: nōnullos quasi possessionis tātū
adeūdæ gratia, aliquoties tota uita in suggestu apparuisse: innume-
ros uerō docere populū dignitate sua indignū putasse, munus hoc
totū ad abiectiores quosdā ablegasse. Hos an successores apostolo-
rū fuisse putamus? Scilicet quia beneficio regis aliquis uocat episco-
pus, etiā gratia Dei est quod uocat? Res quidē ipsa, uel tacentib. ho-
minib. loquit, q̄ hæc inter se aptē cōgruant. Habeant igit Reges, si
placet, sacerdotia minora, quibus suos ministros ornent. Hæc uerō
summa sacerdotia, quib. Reip. & religionis dignitas cōtinet, permit-
tant suffragijs delectorū: qui quidē ad modū iā expositū ex omni ec-
clesia deligerent. Cuius quidē ecclesiæ ipsi reges & principes mem-
bra esse putādi sunt: quēadmodū Paulus inquit, nō esse in regno cor-
lorū nec dominū, nec seruū. Omnino regia excellentia in iustitia ac
prudentia maximè debet resplendere: nō in extrema hac licentia eli-
gendi ac præficiendi quoscūq̄ uelint ecclesijs Dei. Neq̄ em̄ popu-
lus, nec ecclesia, regis episcopi ue causa: sed contrā, rex & episcopus
populi ecclesiæ ue gratia cōstituunt. Seruiāt igit reges honestati &
utilitati filiorū Dei, nō suę ipsorū libidini: ambitū te prensationes sa-
crilegas ex aulis suis exterminent: electionē uirtutis & uerę doctri-
næ ecclesiæ restituāt. At dicet quis, multū regię amplitudini hoc mo-
do ademptū iri: q̄ aulā magnus sacrificorū numerus sequat, qui &
sumptu suo uiuūt, & frequentia ministrorū ornāt aulā, & legationi-
bus obeundis sunt percōmodi: eaq̄ omnia episcopatus aut ampli a-
licuius sacerdotij spe, studiose persequunt. Eorum studia & officia
aulæ

aulæ deessent, si spes eis adimeretur episcopatus, aut nobilis alicuius sacerdotij consequendi. Ego uerò ut negare non possum, studia huiusmodi sacrificorū debilitatū iri, si à spe illa sacerdotiorū abessent: sic cōtrā affirmare ausim, maximas orbi Christiano inuectas pestes esse ex sacrificorū aulicis operis. Primum, à paroccijs continua illa & perpetua eorū absentia, quid nō mali adfert: uix in anno semel inuisunt suas ecclesias: idē non docendi (à quo abhorrent) sed redditū colligendorū causa. Deinde sacerdotiorū multitudo, eorū præsertim quæ legibus uni interdicta sunt, quid? Videntur pontifices aulæ potissimū causa soluisse legem illam Chalcedonensem: atq; usq; eò processisse (quod ex ore cuiusdam aulici presbyteri audiui) ut quatuor sacerdotia lege uetita aulico uni permiserint. Taceo artes illas tum unionum, tum beneficiorū curatorū in non curata transformationū, à furentibus hominibus excogitatas. Quid igitur nō malorum consequatur & absentiam illā, & beneficiorū multitudinē, quis satis exprimere queat? Inscitia presbyterorum doctrinæ religionis summa: populi tanquā ouium sine pastore errores innumeri: luporum grassatio: hæreticorū impetus & incursiones, nemine scilicet eos prohibente à caulis Dominicis. Quid illa commemorē leuiora quidē, sed tamen & ecclesijs Christi permolesta, & ipsi Christo odiosa? Qui ad summos ecclesiæ honores ex aulicis spacijs peruenere, suis & suorū rebus magis consulere consueuerunt, quàm ecclesiæ. præmium enim aulicorū operum episcopatus esse statuunt. Itaq; & ipsi sacerdotia conferunt præmij loco cum ministris suis, tum consanguineis & amicis. Etsi autem ipsi negent id in præmij loco se ponere: tamen res ipsa loquitur aliud. Nemo enim potior est apud eos ad ampla sacerdotia, quàm ministri & amici: quorum nonnullos ornant ferè ab ipsis incubulis. Eos pomposè uestiunt, ditant, illustant ex bonis ecclesiæ. Deinde quod uel pauperibus uel doctoribus tribuendū esset, suis assecclis largiuntur. Nullam interea, uel minimam curam eorū habent, qui populum rectè instituunt. De moribus eorū alijs, non est necesse dicere: de luxu, auaricia, fastu, insolentia. adeò omnia sunt in oculis & ore hominum, ut non immeritò diuus Bernardus queratur, officia ecclesiasticæ dignitatis in turpem quæstum & negotiū tenebrarum transisse: nec in his salutē animarum, sed luxū quæri diuitiarū: ecclesiarum redditus in superfluitatis & uanitatis usum dissipari. Iam mihi considera, utrū magis conueniat principi Christiano, an tot religionis ruinas & calamitates ex sacrificorū aulicis ministerijs ferre, an potius eis uia usitatā ad sacerdotia perueniēdi præcludere? Quod si episcopi (de quib. potissimū nobis coeptus est sermo) ad modū iā dictū deligerentur, uix tamen ostendi posset, quid inde regie potestati decederet. non minus enim episcopus eiusmodi obstrictus esset & Regi & Reipublicæ, religioni autem multo magis. Sed etiam si quid

demeret cōmodis regijs: tamen & episcoporū dignitati multū adde-
retur, ambitione nimirum & suffragijs largitione deuinctis cessan-
tibus: & ecclesiarum ac Reipublicę saluti magis cōsulereur, Ambro-
sius scilicet & Stanislaus forte diuina quasi ē cōelo ad nos deuoca-
tis: & obseruantię populorum omnium in Regem suum cumulus
omnibus quidē & diuitijs & commoditatibus maior & gratior ac-
cederet, dum omnes eum Reipub. & religionis magis quā suorum
ipsius cōmodorū rationem ducere cognoscerent: eiusq; hoc post na-
tos homines singulare & incredibile factum ad immortalitatem con-
secrarent, & memoriā hominum sempiternam.

CAPUT XXVI.

De electione Papę.

VOD de episcopis diximus, idem de Papę electio-
ne sentiendū est: quem summum episcoporum om-
nium, omnes intelligunt. Cū autem multi docue-
rint argumētis & rationibus, nullum presentius es-
se remedium dissidijs ex Reipub. Christiana tollen-
dis, & unitati retinendę, quā si unus pręsit: om-
nino iustissimum est, ut ab omnibus eligatur, cuius dicto sint om-
nes audientes. Non igitur solis cardinalibus, nec solis Italis ea pote-
stas permittenda: sed ex omnibus Christianis prouincijs aliqui ad
certum locum conueniant, eligendi causa eius hominis, cuius iussis
se obsequentes prębeant. Intolerandum multis uideretur, si Impe-
rator Romanus, quem sola natio Germanica eligit, alijs nationibus
imperaret. Non igitur, qui debet pascere totum orbem, ab unica na-
tione eligendus est. Omnes Papę ferē in ore habent Petri successio-
nem, & Christi uices. Tales itaq; eligendi sunt, qui his titulis respon-
dere possint. Illud enim absurdum, & ab omni ratione alienum est,
qualis qualis sit Romanus episcopus, eum uniuersę per orbē ecclesię
pręfici debere. In uita Bonifacij octauī scriptum est, quā ambitioe,
& quibus fraudibus peruenerit ad pontificatum: & quanta insolē-
tia eundem gesserit. In quem illud extat elogium: Intrauit ut uulpes,
regnavit ut lupo, mortuus ut latro. Sed multos Bonifacios fuisse
cum Papali potestate, facilē uident qui legunt res ab illis gestas. Nec
Paulus Tertius culpa uacat multarum rerum non dicendarum, quę
& à Pasquilis notatę sunt, & ab ijs qui eo pontifice Romę erant, nar-
rantur. Omnino in hac licentia potestatis immensę, difficile factū
est, quin tyrannis existat. Quo diligentius sanciendū, & qualis eligi
debeat, et à quibus. Ratio etiā & modus administrandę eius prouincię pre-
scribenda est. Satis diu hūc magistratū, Italia claustris imperij sui con-
tinebat. Eū pollui putabat, si quis extraneus eo fungeretur. Verū
qd pfectū sit hac ppetuitate imperādi gētis unius, uidemus. Profana
hec putat ab illis administratio, & qd est longē scelestissimū, indignū
existi-

existimāt hac dignitate euāgeliū docere, et sacramēta administrare. Itaq; eligūt nō eos qui didicissent doctrinā sanctā, longoq; usu & exercitijs in docēdo & res cōlestes pcurādo uersati fuissent: sed qui sciant rationes imperij mundani, & artes belli in primis calleāt. Hac ratione Christo ne & Apostolis succēssores quērūt, an C. Iulio Cēsari. Elegerāt Clementē septimū, hominē (ut ferunt) illiteratū: & q̄ primū cardinalis factus, literas Latinas cōperat discere. Tales uolunt ut emineāt orbi Christiano: iudicent de moribus & doctrina Christiana. Lutherus iam inde à tēporibus Leonis decimi scribere & docere cōepit. Post Leonē tres aut quatuor pontifices fuerunt. Quis credat, tanto tēpore controuersijs finē imponi nō potuisse, si id pontifices ex animo curassent. Sed res ipsa docuit, nihil illos curare religionē: solā dominationē illis cordi esse. Conciliū indixerūt Vincentiæ, Mantuæ, Tridenti: fortē precibus importunis monarcharum uicti. Cōciliū Tridentinū Bononiā traducere conati sunt. Quod cur ab illis factū sit, uidimus in ea expostulatiōe quę CAROLI Cēsaris nomine cum Paulo Tertio facta est. Cū igit tot secula nec sciuerint nec uoluerint Cardinales eligere Christi uicarios, omnino ab hac natione remouēda hęc puincia: & alijs cōmittēda, quisciāt & uelint Christi regno cōsulere. Paulus, nō iste Tertius, sed ille Tharsensis, dicit Deū naturalib. ramis nō pepercisse, quo minus illos fructus debitos nō ferētes, ē radice oleæ auelleret, ac in locū eorū oleastrū insereret. Profecto & ecclesia si uolet pfecta esse, quēadmodum suus pater q̄ in cōlis est, perfectus est, nō parcat cuiquā uel iustissima prerogatiua gaudēti, quo minus eū procuratiōe, cui satisfacere nec sciat nec uelit, moueat, aliumq; in eius locum sufficiat. Hoc si in omnib. ministris pręstandum, quāto magis in ipso Papa. Nā qualis hic est, tales ferē episcopi: quales episcopi, tales reliqui pastores. A Papa igit exordiū faciendū huius operis. Neq; magno pere curādū, ubi hic resideat: Romæ, an alibi. Nā ut dicit Hieronymus, ubicūq; fuerit episcopus, siue Romę, siue Eugubij, siue Alexādrīæ, siue Tanis, eiusdē meriti, eiusdē est & sacerdotij. A Ioue igit, hoc est à Papa, exordiū. pōst sequant episcopi, deinde reliqui ecclesię ministri. Haud scio, an qui munerib. ecclesiasticis uacare ipsi nō queāt, ab ecclesiasticis honorib. repelli nō debeāt. Ait quidē Canō, ut qui sacerdotia habēt theologis destinata, doceant uel per se: uel si minus idonei erūt, per alios. Sed hoc nō satis canonicē dictū uidet. Melius Paulus, dignū esse ait operariū mercede. Qui autē operari nollet, eū ne comedere quidē debere. Igit qui per alios tātū munerib. fungi uelint, ij per alios & comedāt & bibāt: ipsi facultates alijs destinatas ne deuorēt. Istę dispensatiōes de laborādo per alios, multos Epicuros & Sardanapalos pepererūt in ecclesia Dei: qui hominib. ad docēdū idoneis suū uictū eripuerūt. Hęc igit emendāda, & à

Papa initiū faciendū: quo tanquam capite prætermisso, frustra de membris alijs cura suscipiet. Quoniā aut̃ quę diximus de episcoporū electione omnia ad Papā transferri possunt, de eo amplius loqui supersedeamus. Profecto nisi ratio eligendi papæ mutata erit, nunquā ista libido dominandi prodigiosa, nunquā tyrannis, nunquam audacia plusquam Cyclopica exterminabitur ex ecclesia Dei.

CAPUT XXVII.

De disciplina ecclesiastica uniuersæ.



¹ *Scopus uitæ
Deus.* E rationibus eligendi episcopos, & alios magistratus, satis, ut opinor. Iam de moribus cunctæ ecclesiæ generatim dicendū erat, nisi primo libro hoc argumentū à nobis ita tractatū erat, ut quibus moribus bonū ciuē, iisdē & Christianū præditū esse debere significaremus: ac quātū etiā res poscebat, ac nostra ferebat facultas, diuina oracula cū philosophorū ac hominū prudentū sententijs cōiungeremus. Ne tamen hic locus intactus nobis transeat, quædā ad ea quæ prius diximus, adiicienda sunt. Primum igit̃ homini Christiano cōstituendū est, quod actiones oēs suas dirigat. Vt em̃ iaculatores scopū sibi proponūt, quē iaculando intueant̃: & uiatores terminū, ad quē tendant: ita nisi quis uitam suā ad finem aliquē retulerit, cuius causa faciat omnia, in errores sæpe multos & uarios ruat necesse est. Estq̃ hoc non tantū à religionis nostræ magistris, sed & à philosophis & omnib. prudētibus proditū, Deū esse quē intueri, & in quo defixos esse oēs oporteat, qui uitā uirtuti ac naturæ congruenter agere uelint, neq̃ munera uirtutū constanter ab eo obiri posse, qui nullū Dei respectū habeat. Hic igitur sit scopus, in quē tendant studia nostra: hæc meta, ad quā cursum uitæ & actionū nostrarū dirigamus. Quæ uerò sint quæ ad finē illū ferant, deducantq̃, ea ex sanctis literis potissimū cognoscenda sunt, de quib. nos in præsentia loqui supersedeamus: sed uiam illorum assequendorū hāc indicemus. ² *Puerorū confessio publica
fidei.* Puer in lucē editus, more institutoq̃ diuino ad fontē ecclesię defertur, ac ibi sacra lauatiōe initiatur: ignarus tū qdē quid secū agat. omnia em̃ arbitri initiatiōis (quos cōpatres uocamus) agūt: pueri uice respōdent, ac spōdēt baptistæ roganti, & quasi stipulanti Christi nomine. Posteaq̃ igit̃ puer adoleuerit, ac eā ætatē ingressus fuerit, ut fari, iudiciumq̃ boni & mali habere possit, instituendus est atq̃ erudiendus à parentibus ad religionis instituta & ecclesiæ disciplinā: à baptista etiam & arbitris docendus, omniāq̃ illi exponenda quę in baptismo gesta fuere. atq̃ ad eā professionē hortāndus publicē edendā in ecclesia, quā prius alijs spōdentib. & p̃ eo respōdentibus ediderat. Huius rei sit mentio in eo libro, qui à CAROLO Cæsare ordinibus imperij Romani oblati est in cōuentu Ratisponensi, anno Christi 1541. & in eo qui titulo Interim circunfert̃, 1548 editus.

editus. Fit & ab Erasmo Roterodamo, qui multis antè annis in præfatiõe paraphrasi in Matthæũ addita sic scripsit: Pueri baptizati cū ad pubertatē puenerint, iubeant cōcionib. adesse, in qbus illis dilucidē declaret, qd in se cōtineat professio baptismi. Deinde priuatim examinent, satis ne teneant ac meminerint ea quę docuit sacerdos. Si cōperient satis tenere, interrogent, ratū ne habeant q̄ susceptores illorū nomine polliciti sunt in baptismo? Si respōderint, se ratū habere: tū publicē renouet ea professio, simul cōgregatis æqualib. idēq̄ ceremonijs grauib. aptis, castis, serijs ac magnificis: quęq̄ decet eā pfessionē, qua nulla sanctior esse potest. Et reprehēsus est qdē Erasmus à nōnullis theologis, q̄ hanc ceremoniā, renouationē baptismi uocet. Verū ipsa cōmemoratio eorū quę in baptismo gesta sunt, & cōfessio publica in ecclesia, minimē reprehēdi debet. Posset aut uel dextris (ut fit) iūctis, benedicendo baptizato, fieri, uel manus impositionē. Hac em̄ usi sunt Apostoli, cū aliquē uel sacrę functioni initiabāt, uel peccatis soluebāt, uel in sua pfessione cōfirmabāt. Ritus q̄, dē eiusmodi & honestus esset, & multas baptizatis utilitates adferret: nimirū q̄ pueri rationē suę fidei in cōtū uniuersorū exponerēt, in eaq̄ uel cōfirmarent à seniorib. uel si quid minus assequuti essent, rectius instituerent. Quā ad rē nō inutile esset, ecclesię cōsensu formulā cōstitui cuius ad præscriptū pueri et rogarent, & respōderent, & q̄ modo se per totā uitā gerere deberēt, edocerent. Quām magnificū, inquit Erasmus, hoc esset spectaculū, audire uocē tot iuuenū se se Iesu Christo dedicātū: tot tyronū, in illius uerba iurātū: abrenūciātū huic mūdo, abiurātū & exhibātū sathanā cū omnib. pōpis, uoluptatib. & operib. ipsius. Videre Christos nouos, imperatoris sui signū gestātes in frōtib. uidere gregē candidatorū publicē prodūtiū: audire uocē reliquę multitudinis acclamātis, benēq̄ ominātis Christi tyronib. Mos qdē iste in nostris ecclesijs nūquā, memoria nostra, seruatus est: de q̄ tñ Erasmus abhinc annos amplius triginta admonuit. Mirū uerō, cū tot Erasmi librorū diligentes lectores essent, totq̄ admiratores illius & doctriņę & eloquentię, neminem apud nos ad hūc diem extitisse, qui hunc morem nostras in ecclesias recipi hortaretur. Explicantur quidem magnificē à uiris doctis baptismi utilitates: sed de quibus dubitat nemo in ecclesijs nostris. quomodo uerō dona baptismi tum in pueris, in quibus se usus rationis exerit, tum in alijs ætatibus uel excitentur, uel augeantur, uel perficiantur ab illis ipsis doctoribus, ratio non ostenditur. itaq̄ & qui ad populum in templis uerba faciunt, sunt in hoc piscibus magis muti: & in ipsis baptizatis iam ratione utentibus est summa ruditas, summaq̄ tū renouationis illius in baptismo donatæ, tum reliquarum gratiarum ignorantia. Ipse Deus, hominis

Gen. 9.

At qualis est adolescentia, tales sunt cōsequētes ætates, atq; adeo se
 Pro. 22. nectus ipsa. Adolescēs em̄, inquit Salomō, quā uia ingressus fuerit,
 22 ab ea cū senuerit, nō recedet. Dū igit̄ ætas mollis est, & apta regi, a-
 nimus adolescētis in mores & habitus optimos formādus est, cū
 discenda sapiētia cōlesti, tū exercitatiōe sanctissimarū legū diuina-
 rū. Quod si mos ille edendæ cōfessionis publicē in ecclesiā induce-
 ret, primū parentes excitaret cū ad puerorū rectā institutionē,
 quā alioqui sine probro publico omittere eis non liceret: tum ad re-
 ctius discenda & percipiēda religiōis mysteria, quæ scilicet alijs tra-
 dituri essent. Nā & hæc est humani ingenij pernicies magna, q̄ ple-
 riq; oēs, nisi fortē docēdi alios necessitate sunt astricti, curā abijciūt
 religiōis cognoscēdę. Deinde pueri ipsi unā cū ætate, sapientia cō-
 lesti & gratia tū apud Deū proficerēt, tū apud homines: nec se dein-
 ceptim a doctrina, quā cū usu ratiōis simul arripuissēt, nouis doctrinis
 abduci paterent: idoneiq; redderent cū ad corporis & sanguinis
 Domini, tū reliquorū ecclesię sacramētorū participatiōē. Nec uerō
 puer huiusmodi cōfessiōe facta, in reliquū tēpus cessare debet. Imō
 minimū quater in anno coetus puerorū a pastorib. cōuocādi essent,
 summaq; religionis Christianæ eis exponenda. rogarent, & respon-
 derēt, publicē de capitibus omnib. Hoc modo cognoscere, quantū
 quisq; pfecisset in Christi religiōe: negligētes uerō castigarent. Reli-

3 qua de puerorū institutiōe primo libro dicta sunt. Hęc qdē de pue-
 ris diximus. Verū nō minor totius ecclesię cura habenda esset. A-
 iūt in primæua ecclesia anniuersarios anni quadrātes eo fuisse insti-
 tutos, ut tūc homines ieiunio & precationi uacātes, frequētiore in
 tēplis adessent, doctrināq; religiōis exactius studerent cognoscere.
 Tūc em̄ capita oīa ordine & enucleatē eis exponebant: idq; tū rogā-
 do, tū respōsa ab eis exigēdo: id qd uoce Græca catechesin uocabāt.
 Aptum in primis docendi discendiq; genus. Maiore em̄ cum atten-
 tione animi discunt oīa, tenaciusq; mentib. inherēt, quę respondē-
 do ac sermones cōmunicādo, q̄ quę audiēdo tātū discunt. Hic mos,
 ut pleraq; alia optima, nostris in ecclesijs iā pridē obsoleuit. Quo fit,
 ut incredibilis inscitia religiōis uulgō appareat: maximaq; pars ho-
 minū uitā trāsigāt nō secus quā brutā, uerę pietatis in Deū ignari.
 Hęc igit̄ cōcionaliū cura esse deberet, ut morē ueterem renouaret, i-
 4 p̄sēq; primū ad eū morē tradendę religiōis sese exercerent. Ordī-
 narię quoq; cōciōes, quę tēporib. accōmodari debent, summa fide,
 summaq; animi intentiōe habendę sunt: Viuendi pręcepta tradenda:
 Gratia & misericordia Dei prędicāda: Gloria beatorū, & poenę dā-
 natorū proponendæ. In primis autē uis poenitentiaē ueræ subinde
 explicāda est: ut homines peccati agnitione terreant: ueros pauores
 ob peccatū cōcipere discāt: cōsolationē etiā misericordia Dei p̄posi-
 ta, pcipiāt. Hac ratiōe a peccato abducēt: ad faciendū officiū excita-
 buntur:

Catechismus
 toti ecclesię
 tradendus.

Ordinarię cō-
 ciōes in tēplis.

bunt: & à morib. pueris ad rectam uiuendi rationē uocabuntur.

CAPUT XXVIII.

De uita Christiana, & de censura ecclesiæ, seu excommunicatione.



Vitā, qui Christi nomine baptizati sumus, sentiamus uerē nos ad mortē eius baptizatos esse: Christoq; in hac uita commori discamus, qui cum illo uitā immortalē uiuere uolumus. Id si uerē & cum sensu à nobis agnosceretur, non permetteremus in nobis regnare, uiolentissimis cupiditatibus superbix, ambitionis, æmulationis, iracundiæ, inuidiæ, litium, inimicitiarum, salacitatis, stuprorum, auaritiæ, & reliquarum pestiū Christianismi. Quæ ita passim atq; licenter dominant, ut nullus in nobis sensus baptismi, nulla religionis ratio esse uideatur. Sunt populi in Bohemia cognomēto fratres: quos alij Picardos, alij Waldenses uocant, horum instituta ferunt multa & uaria, alia probanda, alia minimè. quæ nos non recensemus: sed tamē quid impedit, quo minus quod rectum sit, id recenseamus? Ferunt igitur, apud eos omnibus interdictū esse comessationibus ac ebrietatibus, choreis, ludis chartarū & talorū, impudicis tactib. cōplexib. & osculis illicitis mulierū, amorib. turpibus, & id genus facinoribus alijs, unde infinita pueniant mala. Violatores huiusmodi interdicti, post unā & alterā admonitiōnē ex coetu ejci, cōmunionē omniū rerū priuari: nec prius coetui restitui, nisi poenitentiæ signa publicè dederint. Cū igitur natura sit cōparatū, ut homines in ppetuū ocio nō hebescere & lāguere non possint: nec fratrib. ob huiusmodi interdictiōnē fas sit, animū ad ludū & res ludicras adiungere: ex hac re fieri, ut diebus negotiosis in laborib. operū sese exerceāt: sacris aut, in ædes alicuius cōfluāt, et alij legāt (habēt em̄ libros sacros sua lingua cōscriptos, multiq; illorū norūt literas) alij audiāt. Ac ppterea inter eos esse & artifices rerū multarū optimos: & permultos in literis sacris eruditiores, q̄ sint apud nos multi sacerdotū. Neq; illud est reticēdū, esse in eorū ecclesijs institutū, ut ministri peculiāres creent, q̄ infirmos inuisāt: eisq; operā tribuant uel docēdo, uel cōsolando, uel alia officia prestādo. Hec ex Picardorū hæresi. Quid simile apud nos? Multi homines palām impurē & flagitiosē uiuētes, accedūt statis tēporib. ad presbyteros, tū cōfessionis, tū sacrę cōnē causa. Cūq; id annis recurrētib. faciāt, nec ulla in eis uitæ emēdatio appareat: tñ nullo negotio & absolutionē à peccatis obtinēt, & in cōmunionē cōnē Domini admittuntur. Verū ministrorū ecclesiæ esset, tales admonere ad uerā poenitentiā: nec eis sacramēti participādi potestatem facere, nisi ad mentem meliorē rediissent: non obtemperantiū autē nomina ad ecclesiæ iudices deferre. Quod tamen ferē intermittitur: & nō tantum in ebriosos, scortatores, lusores non animaduertitur, sed & adulteris & homicidis parcitur. Non iam dico de magistratus ciuilis negligentia:

de uere non possunt

tia: non de contemptu legis diuinæ, quæ tam in homicidas quam in adulteros uoce Dei posita est: sed de ecclesiastica censura, quæ prorsus neglecta iacet. Adulteri per ora hominū incedunt, in locis tū sacris tum profanis inter honoratos habentur. Homicidæ uel candida ueste, uel serica, pleriq; torquati, in luce hominū uersant. O mores, ô disciplinā. Mitto quærere, uerè an falsè ea crimina in eos cōferant. Illud dico, qui horū uel similiū criminum suspicione ac infamia sunt aspersi, eo quo prius loco habendos nō esse, nisi prius se expurgent. Illud em̄ qd de uxore sua Iulius Cēsar dixisse fert, omni homini, sed in primis ei qui gerat personā ciuitatis, est quàm maximè necessariū: ut non tantum crimine, sed criminis suspicione sit uacuuus. Igit̄ cessante magistratu ciuili interest ecclesiastici ordinis, notatis publicè aliquo scelere diem dicere: purgationem imperare: locorū & personarū, ob quas & suspicio & sermo eos insequit̄, consuetudinē interdicere. Ni imperata faciāt, ē tēplis & hominū cōtib. en̄cere. Verūm tñ pagendis rebus istis, ordo à Christo institutus seruāduus est: ut pastor ecclesiæ, aut quis alius, frat̄e crimini obnoxiiū primū sine arbitris, deinde cū arbitris admoneat: nō parētē admonitioni ad iudicē ecclesiā ue de ferat. Quod si criminū capitaliū suspecti ab ecclesia sunt exterminādi: quāto magis ij, quorū scelera nō cōiectura, sed oculis ac manib. tenent̄, ut in causa dubitatio nulla possit esse? Quāobrē & Stanislaus Scepanæus, Cracouiēsis episcopus, regē Poloniæ Boleslaū ob tyrannidem: & Ambrosius, episcopus Mediolani, Stiliconis scribā ob falsi crimē, Theodosiūq; Cēsarē Rom. ob cedes eius imperio patratas, sacris ritib. arcebāt. Quod si hæc et alia multorū episcoporū exēpla nos

1. Cor. 6. deficerēt, tñ uerbū Dei est manifestum: Necq; scortatores regnū Dei
 „ possessuros, nec idololatrias, nec adulteros, nec molles, nec cinædos,
 „ nec fures, nec auaros, nec ebriosos, nec cōuiciatores, nec rapaces. No
 mine aut̄ rapaciū nō tātū q per uim aliena eripiūt, sunt intelligēdi: sed
 oēs q intēti sint aucupijs pecunię, cū sūma tenuiū iniuria, quæstibus
 que ac lucris pudēdis & inhonestis: ut pleriq; decumani, ppolæ, Si
 moniaci, & oīs qui frat̄e suū in aliquo circūuenit. Cur igit̄ ex hoc re
 gno Dei, q est Ecclesia, nō sint exterminādi, illorū criminū rei? An

1. Tim. 5. regnū huius ecclesię nō debet regno cōlesti subseruire? Cū em̄ q
 rundā hominū peccata perspicua sint, & iudiciū anteueniāt, pœna
 quoq; illorū toti ecclesiæ perspicua esse debet, tū deterrēdi alios cau
 sa, tum ne propter impunitatem scelerū innocentes quoq; dent pœ
 nas nocentium causa. Hodie solis raptoribus decumarum ecclesia
 sticarum sacris interdicitur. Verūm Pauli uerbū uniuerse de rapto
 ribus rerum alienarum intelligendum est. Tam igitur raptores, q a
 liorum quæ Paulus enumerat, ac similiū criminū rei, personarum ra
 tione habita nulla, sed tum plebei, tum nobiles, tum patricij, ecclesia
 stici iuxta ac seculares, ex præscripto uerbi Dei puniendi sunt, proq;
 ethnicis

ethnicis ac publicanis habendi: nec ullæ cū illis cōsuetudines, res, rationesq; iūgendæ, quēadmodū Paulus p̄cipit his uerbis: Si quis, qui ^{1. Cor. 5.} frater nomine, fuerit scortator, aut auarus, aut simulacrorū cultor, aut cōuiciator, aut ebriosus, aut rapax, cū eiusmodi homine ne cibū quidē capiat. Ioannes q̄q; de hostib. Christiani nominis loquēs, ^{Ioan. canon.} iubet, ut ne uel in domos nostras recipiant, uel aue dicto à nobis saluent. Periculū em̄ est, ne hospitio excepti, nos ac domesticos nostros cōuictu suo inficiāt: aut in uia blādus salutati, insinuēt se in nostrū sermonē, suoq; prauo colloquio mores nostros corrūpant. Ergo & cōsortia eorū omnino fugiēda sunt: nec prius in ecclesiā ac ad sacra admittēdi, q̄ pœnitētiæ signis editis publ. testent, se uitā in melius cōmutare uelle. Non sine causa aut̄ à multis postulat, ut ne potestas excōmunicādi permittat alicui uni, sed sit tota ecclesiā. Nā & Christus uult dici ecclesiā: & Paulus iubet, ut Corinthiis cōgregatis, cū eius spiritu, & potentia Christi, dedat Sathan, is qui parētis uxorē incestasset. Intelligēda est aut̄ ecclesia eius loci, ubi res agit. ubi em̄ aliqui in Christi nomine cōgregant, ibi Christū cū potētia sua adesse credendū est. Quod si ne unius quidē loci ecclesia commodē cogi posse uideat, tamē id curandū, ut plures aliqui, qui ecclesiā representent, officio excōmunicādi fungant. Facilius unus p̄ errorē labi potest, q̄ plures. Errat aut̄ nō ignorātia tantū, sed odio, & alijs prauis affectionibus. Presint itaq; huic iudicio plures uiri honesti, graues & experiētes: & quidē nō tantū sacri, sed etiā profani ordinis. Cū em̄ cūcta ecclesia cōstet ex laicis & sacerdotib. iudices huiusmodi, qui grauissimā ecclesiā personā induere debent, ex utroq; ordine sumendi sunt. Dāda est aut̄ opera, ut iudicia ecclesiā ex toto sint q̄optimē cōstituta. Hodie haud scio an quid in iudiciū ecclesiasticū ueniat, prēter causas diuortiorū, sacerdotiorū aucupia, numorū & decumarū retētionē. De cōcubinato uel adulterio si quis adducat in iudiciū, leui pœna p̄soluta absoluit. Pœnas iḡ graues & delictis decentes decerni, easq; de fontib. seriō exigī par est. Quod si in collegiis sacerdotū essent uiri periti & docti, ex eis tales iudices sumerent: adiūctis illis ex ordine profano aliquib. uiris. Quorum officium esset, non tantū facere iudicia criminū: sed & mores tum sacerdotū tum populi regere, exercitia honesta omnib. proponere, licentiā cohibere. Vt aut̄ hunc locū cōcludamus, nulla mihi grauior & cōstātor disciplina uitæ Christianæ esse uidet, q̄ si lex euāgelica ex equo seruet, inter omnes qui corporis Christi mēbra esse cupiunt: nimirū ut quisq; fratrē de eo qd̄ in illo desideret, priuatim admoneat: nō parentem monitioni, duob. aut tribus fratrib. adhibitis idē faciat: reluctātē adhuc, ad ecclesiā, ut iam diximus, deferat. Cū aut̄ ecclesiā gubernatio cōstet tum uerbi Dei ac sacramentorū, tum gladij ministerio, ut eorū qui p̄sunt, quisq; qd̄ sit sui muneris face-

re non negligat. Atq; ad hunc modū inter membra huius corporis Christi, qd est ecclesia, correctiōes ultro citroq; cōmeare deberent. Quib. intermissis, uidemus, cū cōpagem corporis huius multū dissolui, tū membra ipsa malis morib. tanq; morbis quotidie magis infici: dum quisq; securus ab accusatorib. & delatorib. liberius peccat, ecclesiae censurā & iudiciū cōtemnit: nō cōtempturus haud dubiē, si seriō huiusmodi iudiciū exerceret, ac quisq; sceleratē uiuentiū ex coetu piorū pro merito ejiceret, nec in eum coetū restitueret nisi scelerib. expiatis. Grauis est illa poena, qua Stiliconis scriba, diuo Ambrosio crimē eius execrāte, diuinitus affectus erat. stupor em̄ & uertigo capitis subitō inuaserat hominē. Sed iusta causa erat, quā poena huiusmodi subsecuta est. Quāobrem, ut iudiciū & animaduersionis huiusmodi Deo probe, grauē & iustā causā subesse necesse est.

CAPUT XXIX, ET ULTIMUM, DE MINISTRIS ecclesiae: estq; Libri conclusio.



V' M aut salus ecclesiae, ac totius religionis recta administratio potissimū à bonis ministris pendeat, curandū ante omnia, quod iam sepe dictū est, ut pastores, doctores, episcopi, & reliq; ministri, idonei ecclesijs praeficiant. Hodie arbitriū totius rei est penes patronos: qui pleriq; omnes nō id curant ut cōsulant ecclesiae Dei, sed ut uitae & commoditatib. prospiciant eius quem cōmendent. Itaq; cōmendant quemlibet, doctrinae & uirtutis habita ratione nulla: saepe indoctis. & impuros homines, propter consanguinitatē, aut priuā tam beneuolentiā: alij propter lucrū, aut causas alias nō probādas. Neq; tātū patroni laici id faciūt, sed ecclesiastici quoq;, atq; adeo ipsi episcopi: quorū nonnulli in eam impudentiā progressi sunt, ut partim idiotas, partim pueros sacerdotijs amplissimis ornauerint, alios ecclesijs parochialib. praefecerint. Quod si episcopi in hoc pudēiores essent, ius haberent resistendi laicis in ijs repudiādis, quos ab illis cōmendatos, Dei ecclesie inutiles cognoscerent. Verūm erubere ex oculis fratrum, ut Christus loquit, festucam nō possunt: qui in suo trabem nō cernant. Commendationes tamen patronorū ualere debent, si idoneos cōmendent: sin minus, repudiandę sunt: seriō que admonendi, ut iure, quod habent, utantur ad instruendā, non destruendā ecclesiā Dei: ne illis inuitis praeficiant episcopi pro suo officio, quos aptos putauerint ecclesiasticae administrationi. Verūm in hoc summo abusu patronorum ordinis utriusque, optandum esset, ut electiones ecclesijs permitterentur, si non ad eam rationem quae Cypriani & Augustini temporibus uigebat (uix enim in hac opulentia sacerdotiorum sine turbis & seditione perfici posset) saltem ad eam quam suprà monstrauius. Atque huiusmodi electio

electiones ad morem ueteris ecclesiæ publicè in ecclesia fieri conueniret: ubi cuiq; liberū esset, cōtra electū ea proponere, quæ in illo de siderarentur. Electo etiā potestas dare, uel purgādi se: uel si minus posset, officium recusandi. Præclarus mos, & si unquā aliās, hoc tempore apprimè necessarius, ut cūm patroni impunè faciāt, quēlibet commendando: ne saltem ambitiosi impunè ferant, ea quibus indigni sint improbè petendo. Tamen si ne patronis quidem in rep. ac ecclesia bene cōstituta, impunè esse debere, & iam diximus, & supra de electionibus copiosè disseruimus: ostendimusq; nihil beneficijs conferendis spectandū esse, præter doctrinam & mores probatos. Christus ipse dicit, scribas & pharisæos in cathedra Mo^{sis} *Matth. 23.* sedere debere. Qui igitur nec Mosen nec scripturas norunt, quo iure ad cathedram Mo^{sis} uocandi sunt? Idem Christus, uitandos es^{se} *Matth. 7.* se præcipit falsos prophetas, uenientes ad nos in uestimentis ouiu, cum intus sint lupi rapaces: eosq; è suis fructibus cognosci iubet. Quantūuis igitur hypocritæ ac simulatores fallant nostros ac ecclesie oculos, an uerò eos quos ex fructibus cognoscimus, non uitabimus? An tibi fructus digni uidentur futuri pastoris, ambire sacerdotia? ingerere se uel precibus, uel profanis operis, uel auctoritate rebus alienis constituta, in ecclesiam Christi? nundinationum & litium quærendis sacerdotijs finem facere nullū? Vidimus plerosq; ludis, uenationi, comessationibus totos uacare: totos ambitioni & mundi fastui seruire: cogitationem de rebus ecclesiæ nullā suscipere. De solis seruientibus altari dicitur, eos ex altari uiuere debere. Hodie à presbyteris in primis spectantur redditus ecclesiarū: officij ratio nulla, uel perexigua habetur. Illud uerò quod toties diximus, quid? Sanguinis, amicitiarū, fauoris, clientelarum Simoniæ, irreperunt & intrusæ sunt in sanctuariū summi Dei: in monachos mundi contemptores, triumpho cum ambitione inuecti sunt: nihilq; prorsus in Ecclesia tuti est à superbia, & fastu insolenti. Sacerdotes relictā doctrina, satrapissant: cuculli monachales nobilissant, humilitas superbissat: uulgi contemptui habetur: pauperes scandalisantur. Et querimur de inscitia presbyterorum, de peruersitate monachorum, de uulgi contumacia, de aliorum ordinum negligentia in muneribus suis fungendis? Atqui nos ipsi sumus, qui causas damus tot malorum. Nos in locis doctorum & apostolorū collocamus nobilitatem: nihil pensi habentes, digna sit, an indigna locis illis, modò stemmata numeret omnia. Nos in monasteria, hoc est in collegia humilitatis & modestiæ, superbiam, æmulationem, inuidiam, quasi curru triumphali inuehimus: monachos non religionis, sed abbatig ergo, hoc est uentris & ambitionis causa, de cœnobio in cœnobiū transferimus: audemusq; præferre nobilem genere, uel nondum presbyterum, sed fortè presbyterandum, doctri-

naq; ac uirtute prorsus ignobilem, monacho plebeio quauis sacerdoti uirtute & doctrina prædito. Et interea uolumus religioni probè constituendæ operam dare, qui de ministris uerisq; doctoribus nullam curam habeamus: qui dignitates & commoditates ecclesiarum ad solas imagines transferamus: qui res sacras prophanemus, idolâq; ista erigamus in ecclesia Dei. O grauem conuentû. Nullæ causæ sunt istæ: Nostri fratres sunt: Sint prius Bernardorum & Benedictorum, quorum loca appetunt: Ex nostris fundis monasteria sunt dotata. Isti autem fundi, ô bone, unde? Nescis, cum natura rerum hæc simul ferè nata esse, ut bona & fundi alij sacras res tractantibus, alij profanas, sint attributi? Age uerò, cesset hæc in orbe opinio, sanguine nobilitatē propagari. Erat enim tempus, cum nihil de ea existimarent homines. At quod factum est aliquando, natura fert ut accidere queat. In sola igitur deinceps uirtute nobilitas ponatur, in sanguine nulla. An propterea homines defuturos putares, qui eandem curam sacerdotum haberent, quam olim habebant, priusquam hæc opinio nobilitatis peruasisset per animos hominum? Est certè hominibus de cultu & religione Dei immortalis insita opinio: quam non à magistro, non ab humanis doctrinis, sed à natura, à mundi huius fabrica & gubernatione hauserunt & imbibebunt. Hac opinione durante (durabit autem, quandiu hæc natura rerum manebit) non est quod metuas, ministros religionis rebus necessarijs destitutum iri. Ut olim, ante exortas opiniones nobilitatis sanguinis: ita in posterum temporibus perpetuis erūt, qui sacerdotibus non minus quàm reliquo populo fundos certos assignabunt. Vide lege & perlege historias temporum omnium, sacras & profanas: collige ex rebus præteritis futuras: cognosces rem ita se habere, ut dicimus. Multi hominum nobilium multa ecclesijs donarunt. Fateor: sed multi etiam ecclesiastici ordinis, suis popularibus multa ex thesauris ecclesiæ coemerunt, rectè, an secus, aliàs uidero. Illud constat, non tantum ex nobilitatis, sed plebeiorum etiam agris, laboribus, sudoribus, magnam partem bonis presbyterorum accessisse, & quotidie accedere. Multo helleboro opus habet, qui totum hunc mūdum, eorum qui præfunt tantum causa conditum putet. Error uerò ille, omnia eorum qui dominationem & potestatem, quamuis legitimam, gerūt, esse, quæ ab hominibus subiectis coluntur & possidentur, primo libro à nobis confutatus est. Fieri non potest, quin cui religio sit cordi, suspiret in tanta rerum profanatione: ac etiam congemiscat, liberationem expectans ab hac seruitute corruptionis, in libertatem gloriæ filiorum Dei. A M E N.

Quæ Reipub. & Ecclesiæ, ad electionem episcoporum & aliorū magistratuum pertinentia, honesta & utilia: quæ item religioni in unita-

nitatem restituendę, ac eidem cōseruandę necessaria mihi uisa sunt: ea pro ingenij mei facultate, multorum consilijs quasi in suffragium adhibitis, ostendi. Alia, quę huc pertinere possint, concilio (quod paucis his annis bis celebratum, & toties intermissum, tertio coactū iri, utinam maiore constantia, nonnulli sperant) coacto, si uita suppetet, siq; uidebitur, more arbitrioq; meo, cum Dei uoluntate pertractabo. Quod superest, Deū opt. max. precor, inspiret Regi, Senatui & cūcti populo, mentē ea curandi & faciēdi, quę salutaria sint.

FINIS LIBRI DE ECCLESIA.

ANDREAE FRICII MODREVII

LIBER VNVS, QVI EST
de Schola.

PRAEFATIO.



VAE partes Reipub. quas principio posueramus, si non pro dignitate, pro nostra tamē facultate, à nobis expositę sunt. Nam primum de ciuili societate, & moribus legibusq; domi continenda, & foris ab hoste armis tuenda, differui. Post de ordinis ecclesiastici quibusdam legibus, ac ecclesijs in unitatem reducendis disputauī. Restat ultima pars instituti nostri, de Schola, in qua artes sapientię doceantur, & exerceantur.

non quod uias & rationes docendi ac instituendi persequi uelimus, quas à uiris doctis, nostrę & superioris memorię uberrimē tractatas uidemus: sed ut Reipub. interesse ostēdamus, ordinem scholasticum tueri, & modis omnibus conseruare. Primum igitur dicemus, quę à uiris eruditissimis accepimus de scholę utilitate ac necessitate. Deinde de pręmijs, quibus iuuentus ad studia literarum sit inuitanda, hominesq; literati in eisdem retinendi. Post attingemus quędam de ratione iuuentutis instituendę.

CAPUT I.

Scholę encomia, & uarię utilitates.

ST autem hic peruetustus & à prima rerum origine receptus mos, ut ludī literarij sint curatiōis Reipub. in quorum recta institutione sita sint uitę hominum & religionis maxima ornamenta: in neglectiōe uerō, turpitudine & deformitas. Ac mihi quidem antiquitatis monimenta reuoluenti, nulla natio uisa est neq; humanitate polita, neq; eius expers, quę non singularem habuerit curam iuuentutis rectē instituendę. Itaq; & loca cō-

stituerunt singularia, quæ studiorum causa iuuentus celebraret: & magistros præfecerunt, qui optimas artes traderent, atq; ætatē maximè lubricam salubribus præceptis ad humanitatem & ad omnes uitæ partes informarent. Præclarus mos, & prouincia summis laboribus plena. Itaq; qui in hoc uitæ genere uersarentur, eos legibus & institutis ab omni munere Reipub. liberos & solutos esse uoluerunt. Vnde & nomen scholarum factum uidetur, quasi uacationum: dat enim schola suis cultoribus uacationem & sumptuum, & militiæ, & munerum omnium. Et de scholis quidem ueterū per multa multorū scriptis mandata sunt. Multæ ueteris Græciæ scholæ numerantur, cum discipulis & magistris, tum artium ferè omnium inuentione insignes. Floruerunt ante has, apud Ægyptios mathematicis disciplinis in primis claræ. Omnium uerò antiquissimæ apud Hebræos memorantur, quæ ad tabernaculum Moysi primum, deinde ad templum Salomonis uigebant. Quibus successit schola IESU CHRISTI: qui & ipse magister appellatus est, & discipulos habuit selectos, quos extra frequentiam hominum familiariter erudiebat. Neque dubitandum est, quin singuli Apostoli suos habuerint discipulos, quemadmodū de Paulo memoriæ proditum est, ab illo Titum & Timotheum & Lucam Antiochenum peculiariter extra cœtus hominum institutos esse: ut & ipsi exemplo magistri alios instituerent, doctrinam cœlestem conseruarent, ecclesijs traderent, literarum monumentis mandarent, & ad posteritatem omnium seculorū propagarent. Et illis quidē scholis, scholas Christianorum successisse existimandum est: easdemq; illas res commissas eis esse, nempe ut ibi adolescentes instituantur ad muneræ & religionis & cœtus hominum obeunda. Quomodo enim ecclesia Dei immortalis doceretur, quomodo societates hominum gubernarent, nisi homines essent in scholis, qui uias & rationes traderent optimarum artium & disciplinarum, legum & religionū? Quamuis enim aliqui præstantes uiri, sola uir naturæ, sine literis, magna cum laude in reb. agendis uersati sunt: tamen & illud fateamur necesse est, nullam naturā tam præclarā esse, quæ lumine literarū & doctrinæ cōformatione accedente, nō magis præclara magisq; eximia futura esset. Et certè de rebus obscuris & incertis ad neminem magis, quàm ad homines, de scholis referri solet: quos nimirum & literis interioribus imbutos esse, & acriori magisq; sincero iudicio perpendere omnia certum sit. Apud ueteres quidem uidemus & leges à philosophis cōscriptas esse, & multa ostensa, quæ homines in omni uita, atq; in omnibus actionibus de multis rebus admonebant. Quare suo iure Socrates, ille omnibus philosophiæ laudib. cumulatus, ait, & philosophos & reges à loue esse: nō quin alij quoque homines à loue, hoc est à summo Deo sint, qui rerum omnium causa

causa est, & fons: sed Socrates duo hominū genera coniunxit, quæ ut sunt in terris summa, & uitæ hominum summè necessaria, ita nemo in eis rectè & feliciter absq; singulari ope diuina uersari possit. Quamobrem in Repub. hominibus philosophis suum quoddam regnum esse debere, putandum est: eosq; in custodia ueritatis, tanquam salutis publicæ, præcipuè positos esse. Et quemadmodum Regum est, inferre uim & manus ijs qui sponte nolint uirtuti parè re: ita philosophi uiuida ui animi utuntur, hominibus ad honestatem inducendis. Præeat igitur oportet philosophicum imperium regio in Repub. & ubi illud hominum malitiā negligitur, tum primum exerat se regia potestas. Sed de regibus alius erat dicendi locus: nunc de philosophis & hominib. scholasticis loquimur, qui certè tanquam in specula rerum omnium diuinarum & humanarum positi sunt. Et quamuis reges & episcopi altiore rerum humanarum gradum obtinere putantur, uitæq; splendore & opibus tanquā radijs alios gradus obscurent & obruant: tamen uerè si uolumus iudicare, scholasticus ordo contentione meritorū in Remp. iure cū summis ordinibus decertare potest. Primum enim scholæ sunt, quæ fontes & causas aperuerunt uirtutum omnium: in quibus tandem tanquam fundamentis leges extructæ sunt eæ, quibus Respublice administrantur. Itaq; ipsimet philosophi, Plato, Aristoteles, & plerique alij multa de Rebus pub. & de legibus scripsere. Ante hos etiam Solon & Lycurgus legislatores, quid aliud quàm homines è scholis politi fuere? Nam de Solone literis proditū est, eum in Ægypto operam sapientiæ dedisse: & postea in septem Græciæ sapientibus esse numeratum. Neq; ego negauerim, legislatores illos usu quoq; rerum maximè adiutos esse legibus ferendis: sed tamen è fontibus philosophiæ hauustum esse succum, & ipsas legum quasi medullas, certissimum est. Quæ enim leges ab illis fontib. diiunctæ sunt, illæ certè legum nomine dignæ non sunt: à ratione enim ipsa discesserunt, quæ legum anima, ut alicubi à nobis disputatum est, uerissimè dicitur. Fateamur igitur, procreatricem, & quasi parentem legum optimarum esse scholam. De religione etiam illud quoq; constat, omnia prius in scholis examinari, quàm ad aures populi efferantur. Neq; enim tam exactè omnia dici possunt in concionibus, quæ ad aures multitudinis accommodantur, ut in disputationibus scholasticis, in frequentia hominum eruditorum, ubi omnia tãquam aurificis statera examinātur. Scholæ igitur sunt, quæ concionatores dant ecclesijs idoneos, quæ docendi formulas præscribunt, quæ de rebus omnib. dubijs cōsulunt. Quid illa cōmemorem, quæ certè non in postremis sunt numeranda? Schola dat nobis oratores facundos: dat principibus consiliarios disertos: dat Reip. gubernatores prudentes. Non utar exemplis nostrorū
tem.

temporū: quæ tamen sunt sanè quàm multa. Veteres inspiciamus scholasticos, qui ipsi quoque in Repub. floruerūt. Fatetur M. Cicerō se oratorem, quantuscunque esset, ex spatijs Academię extitisse: atque etiam, quicquid ad Remp. attulisset, id à doctōribus & magistris se attulisse. Idem etiā narrat de Demosthene, quàm frequens fuerit Platonis auditor. At illi iīdem oratores, qui & quanti in Repub. fuere? Nota est coniuratio Catilinę, in urbe Roma: quam coniurationem homo ille Academicus, & idem consul Romanus, inuestigauit, patefecit, oppressit, remque illam publicam à tyrānide & interitione liberauit: palamque ostendit, sæpe consilia plus quàm arma in homines pestilentes ualere. Extant & Demosthenis saluberrima consilia, quib. Respub. Atheniensium administrabatur. Sed hoc in illis Rebuspub. minimè nouum erat, quæ non tantum se ab hominibus è scholis administrari libenter ferebant: sed eorum quoque opera qui professores erant in scholis, neque Reipub. ullam partem attigerant, rebus agendis utebantur. quemadmodum de Carneade, Critolao & Diogene, philosophis nobilissimis, accepimus: quos Athenienses de suis maximis rebus Romam miserant legatos, principibus Romanis multis nominibus gratissimos. Magnū certe argumentum est, Romanos & Athenienses multū tribuisse scholasticis magistris, quorum cōsuetudine delectarent, eorumque opera magnis rebus tractandis uterent. Magna scholæ laus est, quod & religionis doctrinam, & legum decreta, & omnes humanas actiones non quadam populari trutina examinet: sed exactissimè, quantum humano ingenio fas est, causas & fontes omnium inuestigare, progressus omnium animaduertere, fines prospicere possit. Etenim sine literis, multarum rerum complicatę rationes nequaquam euoluī possunt. Tenent enim artifices uias ad res obscuras perueniēdi, multa animaduersione prudentum collectas & traditas: quæ uia ab alijs quantumuis usu excultis, uel non satis cognoscuntur, uel penitus ignorantur. Itaque quoties uel in religione, uel in iure existunt aliquæ controuersię, nemo magis consulitur quàm scholæ: penes illas est publica censendi potestas: illæ de rebus omnibus pronunciant: ex illarum præscripto & concionatores docere, & iudices debent iudicare. Iam & monarcharum, & eorum qui Resp. gubernant, improbe cupiditati hunc ordinē apud ueteres sæpe restitisse, res gestę temporum illorum ostendunt. Cum enim reges se felices esse putent, quod & nemini seruiant, & copia rerum omnium abundant: ferè fit, ut à familiaribus non libenter se patiantur admoneri. Quod tamen sæpe accidit non tam regum culpa, quàm uel ambitione, uel metu eorum qui familiarius cum illis uiuunt, qui cū uel honores appetāt, uel principem offendere uereant, non libenter aliud loquuntur quod illi putant esse gratū. Quamobrem perma
gni

*In Oratorum pfectu.
Et fatetur m. Oratorem, si
modo sim, aut etiam quicunque
sim non ex Rebuspub. effugit
sed ex Academicis spatijs
extitisse.*

gni refert Reip. aliquos esse ab omni ambitione alienos, atq; à potē-
tum familiaritate seiunctos, qui illorū cupiditati uoce & scripto cō-
tradicare, liberisq; hominib. (ut Diogenes Sinopeus dixisse fert)
imperare audeant. quales erant apud ueteres homines philosophi,
& quicunq; in scholis uersarent. Vigebat priscis temporib. decla-
mandi exercitatio in scholis, eò potissimū instituta, ut scholastici,
quoties postularet necessitas, instructi essent ad actiones omnes ui-
tæ humane uel probandas, si à uirtute profectæ; uel improbandas,
si cum uitio coniunctæ essent. Et id quidem scholasticis cōcessu om-
nium mortaliū licebat. Tantus honos literis habebat. Sed deflexit
nescio quo modo de spacio curriculoq; ueterū consuetudo horum
temporū: quib. & scholæ literariæ uulgò parui ducunt: & qui artes
profitentur, putant hæc quæ dixi nihil ad se pertinere. Itaq; reno-
uanda esset uetus scholarū consuetudo: & mores pristini reuocan-
di: ut nos quoq; ex bonis literis eos perciperemus fructus, quos cul-
tores illarū percipere merentur. Neq; uerò homines literati n̄ tan-
tum, qui accessere ad Rēp. sed qui etiā in scholis profitent, profunt
Rebusp. Multos enim erudiunt: & ad res gerendas utilissimis præ-
ceptis informant. Itaq; multi ueteres duces à philosophis & rheto-
ribus instituti memorant. Ex Isocratis schola, tanq; ex equo Troia
no, prodierunt multi principes: q̄rū alij in toga, alij in acie illustres
fuere. E' schola q; Aristotelis præter alios innumeros Alexander
Macedonū rex, qui & ipse honori sibi ducebat se alumnū discipli-
næ Aristot. fuisse: & pater eius Philippus nūciando per literas Ari-
stoteli, sibi natū esse filiū, addidit se gaudere, nō tam illū sibi natum,
q̄ quod Aristotelis temporib. natus esset: à quo nimirū eductus &
eruditus, tāto, quod eū maneret, imperio dignus existeret. Sed infi-
nita sunt exēpla clarissimorū uirorū, ab hominib. ē schola erudito-
rū: q; Reip. & domi administrabāt, & foris defendebāt. Iā uerò, ho-
mines doctos nō uiuos tantū, sed mortuos q; monumētis litera-
rū post se relictis, prodesse & Rebusp. & religiōi uniuersæ, literato-
rum cohortes testant: imò, qd magis mirere, bellis quoq; gerendis,
& uictorijs ab hoste reportadis, non mediocriter. Quēadmodū de
L. Lucullo Cicero scriptū reliquit: eum rei militaris rudē, Roma ad
bellū Mithridaticū profectū esse: cumq; totū iter partim percōtan-
do à peritis, partim reb. gestis legendis cōsumpsisset, uenisse in Asiā
factū imperatorē tantū, ut ille Mithridates rex post Alexandrū ma-
ximus, hunc à se maiorē ducem cognitū, q̄ quenq; eorū quos legis-
set, fateret. Sic ergo existimemus, pulcherrimū esse, & reb. mortali-
um saluberrimū, scholasticū ordinē: qui nobis tot magistros opti-
marū artū pepererit: & ex quo tot cōmoditates reliq; omnes ordi-
nes percipere cōsueuerint. Et hæc qdē de eius præstantia & dignita-
te eò dicta sunt à nobis, ut putemus hūc ordinē modis omnib. tuen-
Y dum

dum & defendendū esse, cōtra iudiciorū prauitatē, & insolentiā hominū seculi nostri, nihil ambiētū p̄ter uitę splendorē, & amplitudinē opū ac potētig: quib. solis reb. hodie passim studet, literę & tota hęc discēdi ac docēdi officina hominib. cōtempriorib. relinquit.

CAPUT II.

Qui debeant scholasticis hominibus consulere, & unde. & hic de beneficijs ecclesiasticis.



Tq̄ his expeditis, dicamus quib. præmijs ac honoribus tam magistri q̄ discipuli in literarū studijs sint retinendi. Interest enim episcoporū & gubernatorū rerum humanarū, ordinē scholasticū omnib. uirib. tueri, ac sartū tectūq̄, ut aiunt, reddere. Quod q̄dē factū erit facile, si & studiosis literarū, qui studia sua unde alant nō habēt, sumptus necessarios, & professorib. iusta præmia curauerint. Maximos quotidie sumptus fieri uidemus in supellectilem uariā, tecta magnifica, epulas exquisitas, & in res alias nō necessarias. Cur igit̄ ratio aliqua iniri nō potest sumptuū legitimorū, qui uix alibi melius poni queant q̄ in scholis restaurandis & cōseruandis? Nam si querit̄ utilitas, nulla est profectō maior, q̄ quæ ex scholis peruenit ad religiones & Resp. Si perficiendi facultas, ea certē in ijs est maxima, qui copijs & opib. ecclesiarū abūdant. Multū studijs adolescentiū cōsuli posset ex prouentib. monasteriorū: in quib. cum sepe pauci uiuāt monachi, redditus aut̄ sint amplissimi, reip. interest, æstimatedis prouentib. cōstitui, quot unūquodq̄ monasteriū studiosos alere debeat. Qui quidē studiosi uel mitterent̄ ad academias, uel in ipsis monasterijs à magistris ad id cōductis instituerentur. Possent etiā per uices psalmos in templis cantare, uel alia munera obire. Tales aut̄ ecclesijs aut reip. operas suas cōdicere, ac deinceps præstare deberent. Idem constitueretur de ijs, qui maximos habent redditus ecclesiarū, ut & ipsi aliquid impertiantur studiosæ iuuentuti. Sed uix melius cōsulere quisq̄ posset rationib. studiosorū, atq̄ ij q̄ ius apud nos sacerdotiorū habēt. Quæ quidē sacerdotia literatis à maiorib. nostris destinata potissimū esse, facile unusquisq̄ cognosceret, qui nomina sacerdotiorū in collegijs secū expenderit. Vocant̄ em̄ prepositi, scholastici, cantores, canonici. Hi omnes morib. nostris à cura animarū soluti sunt, & liberi. Quod igit̄ est officiū illorum? quæ muneris functio? Neq̄ em̄ uerisimile est, qui fundauerunt hęc sacerdotia, id animi habuisse, ut tot prouentus hominib. otiosis attribuerent: aut hęc nomina sacerdotib. nulla causa inderēt: aut hos honores ludos & inanes uoces esse uellent. Quid enim hoc est, uocare aliquem scholasticū, qui nihil scholastici muneris exequatur? an non perinde est, atq̄ si Æthiopem, albū, & eum qui cæcus est, uidentem dixeris? Neq̄ uerō sacra facere, neq̄ horis statis, quas

Cano.

Canonicas uocant, precari, canonicorū aut scholasticorum munus proprium dici potest. Quod enim cōmune est sacerdotum omniū, hoc aliquorum propriū esse nequit. Quo igitur modo illi honores definiendi sunt: aut qua ratione à reb. cæteris secernendi? Ego uerò etsi nihil ex antiquitatis memoria de hac re habeo: tamen dicam meam coniecturā, haud equidem absurdā, cuius tamen iudiciū penes alios esto. Ipsa enim nominū ratio me admonet, ut canonicos eos esse existimem, qui canonicis Biblijs in primis studeant: atq; ex illis & cōtrouersias de religione explicent, & hæreses compescant. Cum enim, ut Euripidis uetus dictū fertur, unus uir nō uideat omnia: satisq; sit curæ, solitudinis & laboris, pastorib. animarū, in hominib. docendis, & sacramentis diuinis administrandis: putauerūt maiores nostri, è rep. & ex dignitate religionis esse, ordinem instituere, cui potissima cura esset libris canonicis ediscēdis, omnib. cōtrouersijs cognoscēdis & dījudicādis, ac religionib. uerbo Dei tanquā gladio tuendis & defendendis. Deinde cum ecclesię haberent adiūctas scholas adolescentū causa, uoluerunt canonicorū ordini addere scholasteres: nō qui leui illo munere, ludimagistros deligendi, de functi, deinceps cessarēt, & laborē fugerent (quis enim uel ignauissimus id nō faceret?) sed qui studia adolescentū statis tēporib. ipsi inspicerent: ludimagistros uel profitendo, uel disputando, uel stylū formando iuuarent. Adiūcti sunt Cantores, qui & ipsi iuuentutem in studio musices, & illi adiūctis artib. mathematicis exercerent: atque inter sacra & laudes Dei immortalis & summorū hominū preclara facta cantari curarent, atq; ita uocū inflexiōe animos hominū quasi inflarent ad imitandū. Sic enim religionem nobis uolebāt cōmendatā maiores: nō tantū uerbis docentium ceremonijs & ritibus externis, sed etiā numeris & uocū flexionib. in quib. aures, quasi serijs reb. audiendis defessæ, cōquiescerent. Archidiaconorū officium præclarū est, & ad nostra usq; tempora usurpatū. sunt enim illi censores morū, inspectores doctrinæ ac ritū omniū. Itaq; etiam legib. cauet, ut ne quis hoc munere fungatur, nisi publicū scholarū testimoniū habeat doctrinæ & probitatis. Sed uidendū est, nec aliqui precio emptis titulis, nec ulla doctrina p̄diti, aucupent̄ uel hoc uel aliud sacerdotiū. Certē nemini hoc munus cōmittat̄, nisi qui grauitate, doctrina, experientia & autoritate præ cæteris ualeat. Decani (quod morib. nostris uideo obseruari) sunt pastorum uice, ac in quibusdā ecclesijs curā sustinent animarū. Præpositos puto fuisse œconomos, & earum rerum curatores, quæ animos canonicorū à studijs possent auocare. Custodes uocabulo ipso significant, qui thesauros ecclesię, hoc est eas res quę in usum uel pauperū, uel presbyterorū, uel reliquę ecclesię destinatæ sunt, custodiant, seruent & dispēsent. Dixi sententiā de honorib. collegiorū ecclesiasticorū, nō

eqdē (ut uideor) absurdā, neq̃ a reb. & nominib. ipsis alienā. Nemo mihi certē psuadebit, maiores nostros, qui hęc collegia in ecclesijs instituerūt, quicq̃ hūc ordinē & p̃m̃is & honorib. amplissimis decorarūt, id uoluisse, ut qui in eum cooptarent, otiosi & negotijs uacui essent: sed potius & actiuosi, & præter cæteros presbyteros doctrina & uirtute insignes. Cū ergo omnes qui canonico ordini ascribunt, & eius muneris q̃d pastorib. animarū propriū est (exceptis fortasse decanis) expertes sint, & a cæteris presbyteris precib. usitatis & sacrificijs nō separent, & otiosis illis esse tanq̃ fucis nō liceat, qui cedit a nobis aliter definiēt: quę officio illorū sunt, si hęc quę dixi nō sunt? Qui igit̃ in sacerdotiorū hęc collegia, sanctissimis & rei Christianę saluberrimis usib. destinata, cooptādi sunt magis, q̃ uiri literati, qui & uelint & possint totū illud docendi, res ambiguas explicandi, & hæreses extirpādi, munus cum dignitate sustinere? Erāt superiore ætate, qui sacerdotia primi nominis, soli nobilitati, priuilegijs & authoritatib. inde usq̃ ab Roma petitis, cōsignarent. Nec defuerūt, qui apud nos, hoc est in mediā Polonia, cœnobīa hominib. exterarū nationū adscriberent. Factū est & memoria nostra, ut Abbatie opulentę in ius & potestātē nobilitatis uenirēt. Interea qui literatorū curā singulārē susciperet, erat nemo. Erāt, ni fallor, Pōtīfices nostri legib. adstricti, ut in omnia hęc cōtubernia sacerdotū, binos literarū doctores allegerēt. Et reperti sunt, qui synodo coacta eosdem illa lege solutos uoluerūt: & pro binis doctorib. unos scribi iusserūt. O rem odiosam: neminē in eo cœtu sedisse, qui hominū doctorū causam agere, decretoq̃ illi intercedere uellet. Quid faciebatis tūc literarū alūni, qui authoritatē habetis: quā referebatis gratiā præceptorib. de q̃rū dignitate detrahebat, cū dualis, ille omniū numerorū minimus, in nihilū redigeret? Vos tacebatis: cū tamē nec in uulgo desint, q̃ literarū dignitatē tueant: nec in seruorū numero, qui iratis dominis liberē obloquātur. An forte talia tum tempora erāt, ut omnia ad arbitriū unius fuerint cōferenda, cui impunē nemo cōtradicare posset? Bene est, iam præterierūt. Quare agite o cultores literarū, qui authoritate polletis: uos ipsos respicite: dignitati literarū cum pōtīficib. consulite: uitiū decreti illius corrigite: & ut pro unis doctorib. nō iam bini, sed integræ literatorū turmæ reponātur, in id uerō toto pectore incūbite. Quod si qui sint, qui hęc uelint nō tangi, ne reb. mutādis tumultus excitent: hi uelim cum animis suis cōsiderēt, magis ne id metuendū, an uerō multorū præclara ingenia, desperatiōe quadā, ac potius rerū necessariarū inopia, perire dolendū? Ad hęc recogitēt, in tanto numero hominū ecclesię beneficis ornatorū, neminē apud nos fuisse, qui cū ad religionis Christianæ negotia totus ferē orbis proximē cōueniret, uoluerit in concilio adesse. Quid aut̃ in causa putamus fuisse?

isse. Quid, nisi alios illi prouinciæ minimè aptos fuisse: alios honoribus, ociosis uti maluisse, quàm operosis negotiis implicari. Quem autem illud non excruciet, quorundam excellentium uirorum ex collegiis, doctrinam qua præditi sunt, otiosæ huius libertatis obtentu, fructus debitos non ferre. Res igitur hæc, si quando aliàs, hac certè tempestate maximè necessaria uidetur, ut & literatorum maior ratio habeatur, & sacerdotalia beneficia deinceps dentur propter legitima officia. Non metuo, ne quis existimet me uel cupiditate rerum nouarum, uel odio aliquorum hominum hæc suadere. Etenim si de reb. obscuris & dubiis dicerem, meritò criminum illorum alicui suspectus esse uiderer: cum uerò oratio mea in reb. peruulgatis & nemini ignotis uersetur, quid est quod me aliquis arguat. Abusus Ecclesiæ manifestos ob oculos omnium subiicio: rationem in uiam redeundi ostendo. Quæ si cui non probatur, mirum est, quæ ei probabitur. Ego quidem nullam, nec sperando nec optando, excogitare meliorem potui. Noui quosdam, qui studia optimarum artium pleno gradu ingressi, è cursu ipsorum, ad negotia aliena, unde rem facerent, se auocari passi sunt. Qui si præclare eruditionis rationem dignam in ecclesiis haberi uidisset: certè & coeptum cursum tenuissent, & ad aliquam eruditionis gradum ascendere potuissent. Quis est igitur, qui non uideat rem ipsam postulare, ut ecclesiis reddantur ornamenta sua. Satis est uanis istis & ridiculis absque ulla re nominibus, indultum: satis Respublicæ & ecclesiæ ludibrio habita. Tempus est, ut res suis nominibus, tandem restituantur: temporis præteriti errata corrigantur: honores ecclesiæ ipsi qui uicissim sint illis honori mandent. Sic enim res habet, sic ueritas, quam mihi uel contradicentibus omnibus, extorqueri non sinam: literatorum esse fundos & possessiones illas omnes. Quas si quis præter eos occupet, sciat se rem alienam iniuste occupare. In lege quidem ueteri Romæ scriptum extat, ut qui sacrum sacroue commendatum clepserit, rapseritque, parricida sit. Clepuit & rapuit omnes, qui alia quam uirtutis & doctrine uia ingressi, bona sacra inuadunt: qui ad alios quam ad sacros usus conuertunt. Non opus habent literati ad eas possessiones priuilegiis: non autoritatibus Romæ. Officia ipsa quæ sacerdotum nominibus designantur, quæque nisi à literatis dextræ obiri non possunt, sunt instar priuilegiorum omnium. Quæ adeo ipsis sacerdotibus infixæ adhærent, ut simulatque sacerdotum aliquod nominasti, mox in animo hominis cogitantis intelligentiam & notionem eius impressisti. Mira uerò incogitantia eorum, qui priuilegiis eiusmodi uiolatis, nomina manere passi sunt. profecto aut ipsi iniustitiæ dandam, qui res à nominibus, distraxerint: aut imperitiae maiores nostri, qui reb. nomina parum apta imposuerint. Sed erat tempus illud, cum & nomina hæc rebus congruebant, & hæc beneficia literatis dabantur, propter legitima officia. Postea secuta sunt tempora, cum episcopi, & qui patroni beneficiorum uocantur, eos magis amplexi sunt, qui ad

uoluptatem loquerentur: qui cōpranfores, cōpotores, collusores, lenones, libidinū ministri essent: qui artes tenerēt augendarū opū, aut potentiae amplificandae: qui cōsanguinei: qui uel in amoribus, uel in quauis re alia socij & obsequentes essent. Ita factum est, ut de possessionib. uetustis, & quasi auitis, homines literati deiectioni sint: in eorum aut locum homines, quos dixi, religioni minus cōmodi, sed rebus suis & patronorū suorum percōmodi, subrogati. Et quemadmodum locustae aduolāt pratis & frugib. iam maturis: eaq̃ quae hominum usui destinata erant sceleratē depascunt: sic isti inuolarūt in prata & fruges ecclesiae, atq̃ ea quae ueteribus institutis sanctissimae religioni docendae & administrandae cōsecrata sunt, libidinum suarum seruituti addixerūt. Sed haec tamen seruitus perpetua nō erit. Ioannes enim, ille diuinorū mysteriorum interpret & enunciator, praedixit fore, ut locustae non nisi quinque menses (quo nomine uel aliqua iusta tempora, uel insignes mutationes intellexit) noceāt humano generi. Deus igit opt. max. rogādus est, ut ille misertus ecclesiae suae, ac rerum humanarū, menses hos quinque abire iubeat: sextumq̃ illum, quo regnum locustarū intereat, bonis omnib. optatissimū, cōelo demittat alto: Pōtiffices, & eos q̃ sedent ad gubernacula, in eam mentē impellat, ut homines literatos in suas possessiones uenire permittant: nō binos quidē, ut est lege cōstitutū: sed eos omnes, qui doctrina sua reb. humanis ac religioni prodesse possint. Ita scholae restituent: ingenia adolescentū excitabunt: quisq̃ studiosorū reb. omisis alienis, ad uerā eruditiōis laudē contendet: nominatq̃ uetera noua rebus faciē adferent. Erunt qui iuuentuti instituendae, qui historiae conscribendae, qui legib. emendandis & ad artem redigendis, qui religioni docendae & defendendae, egregiam operam nauare possint. Eritq̃ quod poēta olim credebat fore, cum ita cecinit,

Ultima Cumaei uenit iam carminis aetas:

Magnus ab integro seclorum nascitur ordo:

Iam redit & uirgo, redeunt Saturnia regna:

Iam noua progenies cōelo demittitur alto.

Vos modo, qui res humanas gubernatis, fauete honorib. literarū: fauete ingenijs & industriae: hoc est, gloriae religionis, & cōmodis Reipublicae. Vestrū est hoc munus propriū, ut ita scholae instituantur, ita iuuenes erudiantur, ut parentū & amicorum uotis Reip. & religionis expectationi plenius uberiusq̃ respondeant. Vobis huius muneris ratio ad summum iudicem reddenda est, poenae etiam, si rem negligitis, merita subeundae. Curandum est igitur, ut magistris iusta praemia cōstituant: ita quidem, ut ne illi alijs artib. quae animos illorum a literis abstrahant, uitae necessaria quærere cogantur. Deinde ut & ipsi magistri, & discipuli, honorib. ad literarū studia prouocent. Fit enim omnino, ut nisi qui uel cōmoda aliqua sentiant,

tiant, uel spe honorum ac præmiorum alantur, raro ad res præclaras excitentur. ipsi itaq; honores ecclesiarum, ut deinceps solis literatis mandentur, efficiendum est.

CAPUT III.

Ratio instituendi scholas.

Am de scholis rectè instituendis multa præclare à uiris doctis tradita sunt: quæ nō est necesse ut nos hīc multis persequamur. Prima quidē cura debet esse de docentib. & discipulis: ut & illi publica authoritate ad docendū idonei, & isti ad discendū apti deligant: ne qui ad utrunq; inepti sint, tanq; asini ad lyrā adhibeant. Quod quidem his accidere uidemus, qui inuita minerva ad scholas mittunt: unde seges illa inertissimorū hominum prouenit, qui tandē sacris initiati, ecclesijs sunt & oneri & dedecori. Habito delectu ingeniorū, illud sit curę, ut artib. triuialib. perceptis, quisq; dedat se ei arti, quā potissimū discat & exercent. Nā in schola, & philosophia & omnes artes tradēde sunt: & linguę in primis, sine quib. nec Christiana doctrina, nec discipline alię humano generi necessarię foeliciter disci possunt. Stylus quoq; disputatiōes & declamatiōes exercēde, de quibus rebus uiri docti multa præceperūt. Nuper etiā SIMON MARICIVS Pilsnensis nostras, prudenter & elegāter duob. editis libris disseruit: omnēq; scholarū originem, statū, & rationē diligenter inuestigauit & persecutus est. Ad cæteras exercitationes scholasticas, iudicia quoq; uidentē esse adiungenda: de quib. nos in Philalethe nonnihil diximus. In primis aut danda opera est, ut sordida barbaries, scriptores leuium rerum & nullius ponderis, disputationes inanes & ad nihil profuturæ, ex scholis explodantur. Sunt qui in nugis illis & argutijs inutilibus, multum temporis consumpserunt, atque ideo iuuentutem ad eundem modum instituendā esse contendunt:

Vel quia nil rectum, quod nisi placuit sibi, ducunt:

Vel quia turpe putant parēre minoribus, & quæ

Imberbes didicere, senes perdenda fateri.

Verū tales æquum est maiorem Reipublice rationem habere, quā suę existimationis. Videmus sermonem proximē in scholis usurpatum, impurum & inquinatū fuisse: ornatu & acumine eo caruisse, ut ad negotia conferri posset. resq; ibi magna ex parte eas traditas, quæ non nobis, sed orbi alicui incognito seruirent. Quoniam autem multi uiri prudentes uias & rationes ostenderunt iuuentutis rectè instituendę, opere preciiū fuerit consilia eorum

audire: quæ nos quidem nunc recitare
omittamus.

Caput

Adhortatio ad homines scholasticos, & ad gubernatores rerum humanarum.



Obis uerò in præsentia illud propositū fuit, ut ad tā tæ rei restitutionem eos, penes quos est potestas, cohortaremur: atq; etiā interea homines literatos moneamus, ut ordinē in quo uersant, studeant tueri cū dignitate: nec speciosis titulis hominib. imponāt, honorū adipiscendorum causā. Vetus est uerbum, honore alii artes. Quod quidē de morib. hominū expressum uidet: qui in ea facultate studeant excellere, qua ad honorū gradus peruenire queant. At bono uiro finis ille proponendus est studiorum, ut doctrina sua uti possit, reb. diuinis & humanis inseruiendo. Quod si qui student artib. bonis, ut honoribus cumulent: certē illis opera dāda est, ut honorib. digni sint, utq; magis uelint docti esse q̃ uideri. Nihil enim quod fucatū est, diuturnū esse potest. Et mirabiliter se prebent omnibus deridēdos, qui tanquā asini Cumani (ut narrat fabula) aliena detracta, in sua ipsorū pelle conspiciunt. Itaq; ē Rep. fuerit, ne quibus honores literatis debiti mandent, nisi qui documentū aliquod studiorū suorū dederint, seq; ipsos & sua studia hominib. eruditis probauerint: quos certē eligi necesse est, ut sint tanq; critici, & publici literatorū censores. Sic enim nec Cumani asini facilē nobis imponent: nec homines uerē studiosi, debitis honorib. fraudabuntur. Quib. tamē ipsis honoribus, etiā si nullis cōtingat uti: tamen ad ueros uirtutis cultores pertinet, non debilitari, nec frangi temporū iniquitate: magisq; uirtutis pulchritudine & laboribus, q̃ ullis premijs delectari: meminisse etiā ueterū clarissimorū uiroꝝ, qui & de religiōe, & de Rep. mereri nō cessabāt: etiā si nec se honore affici, & uulgū crudeliter ingratū ac beneficij immemorē agnoscebant. Tulerūt nimirū ingrati populi inuidiā: hancq; charitati, quā patrię debebāt, postponendā ducebāt. Itaq; amātes literarū, uel si nullis honorib. augeant, sciāt se Deo rem gratissimā facere: cū uel de religiōe, uel de coetib. hominū merent. Nihil profectō optatius esse debet homini Christiano, q̃ talem habere spectatōrē & approbatōrē suarū actionū, qui sit tandē unicuiq; meritā gratiā relaturus: atq; ea quæ ingratitudo hominū neglexit, abūdē pensaturus: id quod omnib. premijs & honoribus, quicūq; in uita mortaliū cōtingere possint lōgē antefereḍū est. Interea cogitēt episcopi et gubernatores, se Deo rationē sacerdotiorū malē dispēsatorū reddituros esse. Res em̄ sacris usib. destinatas, in usus profanos cōuerterūt, easq; suis cōmodis & cupiditatib. subiecerūt. Largitiōes, dispēsationes, gratiæ, uñiones, sanguis & stēmata, in honores sacerdotales irrepsērūt: qui religioni nihil cōsulunt, ij prima loca occuparūt: docentib. nō satis digna

digna præmia, discentib. nulla sunt proposita. Itaq; studia literarū frigent: ingenia, quæ ad frugem bonā (ut dicūt) euadere possent, desperatione quadā ad artes quæstuosas se applicāt: homines sine literis, honorib. literarū gaudent: *Immunesq; sedent* (ut ille ait) *aliena ad pabula fuci.* Ita fit, ut dū nec literatis sui reddūtur honores, nec homines honorati student literati fieri, multa, & ferè præcipua ab utrisq; desiderēt: officia & Respublica & religio. Leges emendatiōe multa opus habent: quæ certè dignitati & splēdori suo restitui nō possunt, nisi ab hominib. qui habent illam scientiā, ut ex reb. nondū ad artem redactis, artem efficere possint. Nam de religione, si quis est qui putet eam sine plurimarū artū cognitione defendi posse, is certè sciat se in maximo & pernicioso errore uersari: ex quo quàm facilis casus sit in multorum flagitiorum quasi scopulos, multi experientia ipsa rerum magistra didicerunt.

PERORATIO OPERIS.

Hęc habuimus de schola quę scriberemus, atq; adeo de tota Rep. hoc est, de hominū cōsociatione inter ipsos: quæ quidem, ut à summis philosophis proditū est, beneuolentia maximè conciliat, fouet, & continetur. Ea enim norma est, & ueluti lex, prauis affectionib. frænum iniiciens. neq; enim quisquam irascit ei, cui ex animo bene uult: neq; res eius ite reptū: neq; quicquā indignū in illum cōmittit. Beneuolentia porro ut firma sit & stabilis, radicib. cognitionis & consuetudinis rerū honestarū nitatur necesse est. Fluctuant enim humana omnia, quæ non sunt in fundamentis illis constituta. Sed quoniā tanta est imbecillitas naturæ humanæ, ut uerā illam beneuolentiam leuissīma sepe de causa eripi, aut certè imminui in nobis patiamur, ideo leges sunt positę, quib. tumultuātes affectus sedarētur: beneuolentiāq; illa, societatis humane uinculum sarciret: fontes punirent, boni præmijs afficerent. Cū populis etiā externis, cū quibus nec leges habeamus cōmunes, nec iudices, si aliter gratia recōciliari nō possit, bella sunt instituta: quæ iusta esse nō possunt, nisi rebus repetitis legitimè indicant. Expositis igit̃ ijs quę tum ad mores cognitione & exercitatione honestorū constantes, tum ad leges ciuiles ecclesiasticasq; tum etiam ad bella legitimè gerenda pertinerent, finem imponimus Operi. In quo si quib. seu longiores seu breuiores uidebimur, sciant tantam ingeniorū esse diuersitatem, ut ne mo unus omnib. satisfaciāt. Ipsius quidem rei, quam tractauimus, magnitudo, & ingenij nostri imbecillitas, & ualetudo aduersa, etiā curæ & negotia uaria, magnam uoluntati ac diligentię nostræ attulerunt difficultatem, ut non pro eo ac necesse esset, singula explicaremus. Omnia tamen ita tractauimus, ut maximam uirtutis rationem omni in re habendā ostenderemus. In hoc si quid à nobis peccatum est, admiratione uirtutis illius peccatū est. Quæ quidem uir

tus scio quàm nō pro dignitate sit à nobis laudata: & certè ipsa talis per se est, ut si planè cerneret, ac vires exereret suas, mirabiliter animos hominū commoueret ad se amandam, non opus esset legibus, non Senatuscōsultis, nō ullo labore iubendi ac uetādi. Nullus esset locus inuidiæ, odio, auaritiæ, immoderatis libidinib. nullus ambitioni, nullus effrænatis cupiditatibus. Virtus ipsa, tanquā diuinus quidam spiritus affectionib. peruersis modū imponeret, actionesq; omnes ad rectæ rationis imperiū dirigeret: cupiditates infandas cōprimeret, nemini dolos meditari, nemini insidias struere, suo quāuis paruo contentum esse potius quàm aliena appetere, neminē uiolare, sanguini humano parcere, decus & fauorem bonis artib. quærere, laudem & auram popularem contemnere, uera, simplicia & aperta cōsectari, falsa autem speciosa & fucata odio habere, dignitatem & utilitatem reipub. priuatis tum honorib. tum cōmodis anteponere, dolorem despectū & inimicitias pro iustitia ac ueritate tolerare, mortemq; ipsam & intentatā pro salute patriæ ac religionis dignitate non timere, & illatā magno animo obire iuberet. Hac uirtute proximè ad summum & præpotentem Deū accedit: qui eius est iuuentor, author & propagator. Fieri nō potest, quin author ille, quicūq; sit tandem rerum humanarū status, uelit hoc summum opus suū maximi fieri: omniaq; alia si in eius certamē uenerint, pro nihilo duci. Huic operi diuino nec Rex, nec Senatus, nec ullus populus honestè obsistere potest. Huic qui uolens prudensq; non paruērit, authori eius Deo immortalī non parebit: naturā hominis exuēt, ac se grauissimō scelere obstringet. Valeant sanè quantum possunt opes, genus, robur, potentia: uerū in contentione uirtutis hæc omnia pro nihilo æstimanda sunt. Hoc recta ratio uult: hoc natura in omnia diffusa, constans & perpetua: hoc melior natura Deus, ille magister, imperator, uindex, & remunerator. Cuius diem supremum expectamus: quo tubæ clāgore ad suum tribunal euocabit uiuos & mortuos, rationem actionū ab omnib. exacturus, ac uirtutis suæ desertionem ad calculum reuocaturus. Non ibi comitatu clientū, non applausu multitudinis, non secundis admurmurationibus fautorū res peragetur. Iudex ille, cuius oculis omnia cōspicua sunt, nullo personarū habito respectu sententiā actionib. uniuscuiusq; dignā feret. Et bonos quidem, pios, & qui uitā conuenienter congruenterq; uirtuti uixissent, gaudio immortalī donabit: malos autem, ex libidine omnia agentes, ac peruersis cupiditatibus obtēperantes, manu infesta premet, atq; in eum carcerē cōijciēt, ubi erit fletus & stridor dentiū. Deum igit̃ precor, incēdat ille nos iusto uirtutis amore, suggeratq; nobis uires ea faciendi, quæ sint è reipub. & è religionis dignitate: nosq; tandem donet per IE-

SVM CHRISTVM, uita sempiterna.

FINIS.

ANDREAE FRICII

MODREVII, DE VTRAQUE SPECIE COENAE

Domini, DIALOGVS primus.

IO ANNI HASEMBERGII, illustrissimorum archiducū Austriae magistro, And. Fricius Modrevius, Polonus Bohemo, S. D. Mittitq; Dialogum, de utraq; specie sacramenti Eucharistiae à laicis sumenda, primum: non affirmandi, sed disputandi & discendi causa conscriptum, Anno CHRISTI 1549, mense Maio, Praga.



EMINISTI HASEMBERGI, cum proximis ferijs Paschae oratoris Regis mei cōiuiua-
ras, defensam esse cōmunionē laicam nostrarū
ecclesiarum, Calixtinorumq; improbatā, à ui-
ro quodam clariss. & in sacris literis exercita-
tissimo. Cui quidem disputationi occasionem
præbuerant, cum colloquiā mutua nostra con-
uiuariū, tum historia Evangelica de coena Ema-
untana, quæ in templis iisdē illis ferijs solet re-
citari. Scis enim, mēsas nostras huiuscemodi
colloquijs tanquam cibis delicatissimis reple-
ri solere. Quo quidem tempore etsi inferiorem

me multo sciebā, quā qui cū uiro illo sermones cōferrem: tamē ut materiam
sermoni maiore darem, uolebā ostendere, quid in oratione hominis doctissi-
mi desiderarem: siquidem tu homo Bohemus populares tuos, si nō ex animo,
at saltē gratiæ causa iuuare uoluisses, mihiq; causam eorū tuēti præstō fuisses.
Sed cum tu negotijs Principis tui auocatus, nostro sermoni longius adesse
nō posses, ipse quoq; repudiāui cōsiliū, quod primum intēderā, ita cōuiuuium
omne tuo discessu solutū erat. Quoniā uerō semel periclitari uolui, quid in ra-
tionibus, quib. uulgō laica cōmuniō cōfirmat, insit uiriū: cœpi cogitatiōes no-
stras stylo, qui optimus est discēdi atq; dicēdi magister, persequi: ac Dialogo,
quantū potui, rem expediui. Neq; tamē argumēta omnia, quæ in cōuiuuiō illo
grauiter sanē recensēbātur, exposui: neq; ordinē seruauī: sed cœconomīā ora-
tionis, quæ mihi uisa est, institui. Partes laicæ communionis Harpago, Bohe-
micæ Aratori dedi: hominibus eruditissimis, & utrisq; de ecclesia catholica no-
stra benemeritis. Sed ille acerrimus est dogmatum ab ecclesia receptorū de-
fensor: hūc ita in castris nostris uersari accepiimus, ut à moderatiōe nō abhorre-
at, ac nonnulla in ecclesijs nostris emendari optet. atq; hūc ipsū uehemētio-
rem multo facimus, ut & Bohemis tuis, ac potius nostris aliquid demus: & in
defensionibus laicæ communionis uulgaribus multa desiderari ostendamus.
Tu igitur hæc & ipse leges, meq; tui studiosissimum esse cognosces: & cum a-
micis, quibus uoles, communicabis. Audies me, Calixtinorum gentis tuæ
defensorem, non prorsus, ut existimo, frigidum. Quod si me laicæ communi-
onis uelis esse acriorem, argumenta mihi suppedites oportet: quibus, quæ cō-
tra eam adduxi, refellam. Nam ego nec cogitando, nec legendo, nec cum alijs
differendo, aliquid discere potui, quo eam probabilius tueri possem. Tu igi-
tur animum à me abducito: Harpagum & Aratorem contemplator. Qui cum
in æde sacra, sacris adfuissent: ac de profectione Emauntana, cuius historia tū
legebatur, multa inter se uerba fecissēt, delapsi, tandē sunt ad fractionē illā pa-
nis mirificā, in qua CHRISTVS se discipulis suis cognoscendū dederit. Dubi

tandumq; minimè esse pronunciarunt, quin panis ille mysticus fuerit: & quidam ille idem, de quo CHRISTVS in ultima coena dixisset, esse corpus suum: cuius scilicet esu & oculi discipulorū aperti, & magister ab eis agnitus fuerit. Cūq; in illo cōiuiuo populi mētio facta sit nulla, nō sine causa in ecclesia cōstitutū uideri dixerūt, ut corpus CHRISTI absq; uini specie sumere. Quod tamen cū Aratori instituto Christi alienū uideret, quærit ab Harpago, Cur populus sacrā cenā sumēdo, parte una cōtentus esse debeat: cū quidē coena illa duab. sit à CHRISTO partib. instituta? Tū HARPAGVS: In hoc uerò, inquit, laici & præcepto ecclesiæ obtemperant: neq; à ratiōe discrepant: nec Christi instituto sunt aduersi: certè etiā exēpla multorū q; Christi tēporib. sic sumebāt, imitāt. ARATOR. Nos uerò, si placet, præceptū ecclesiæ in præsentia omittamus: ne quæstionē illā lōgè difficillimā, de potestate ecclesiæ ingrediamur. Et certè ecclesiæ præceptū eius momētū esse cēset, ut hoc posito, uia omni disputationi præcludat. Cū enim ecclesia erroris uacua esse dicat, quæstiones omnes de reb. cōtrouersis cessant, titulo illius & autoritate obiecta. Sed quia nos disputationē instituimus, nō sit præter rē, ut hoc loco cōmuni prætermisso, ea in quib. causa propriè cōtineat pertractemus. Ac de Christi instituto & exēplis post uiderimus: nūc ordinē à te, ppositū sequētes, à ratiōe ordiamur. Dic igit, quā ratiōē affers, cur populi, nullo suo incōmodo, panis specie cōtēti esse debeāt? HARP. Etenim sub pane corpus uiuū sumētes, sanguinē quoq; sumāt necesse est. Nec enim corpus, siquidē uiuū est, sine sanguine esse potest. Viuū autē esse corpus, quod sumit, testis est ecclesia omnis. quā docuit Paulus, Christū ex mortuis semel excitatū, amplius nō mori: mortē ei ultra nō dominari. AR. Hæc uerò ratio si uera est, presbyteri quoq; ab altera specie nō immeritō abstinebūt. HARP. Certè extra missā sumētes, abstinent: cōtenti & ipsi, more populi, panis specie. ARAT. De missā facientib. loquor: atq; sic ex tua ratiōe colligo. Si laici cōtenti sunt panis specie, quia in corpore sit sanguis: missātes quoq; & sacrificātes cōtēti esse debēt corpore, quia in eo sit sanguis. Cū autē sacrificātes cōtenti nō sint, certè laicos cōtētos esse debere absurdū est. Cōsecratio hæc ualet, & firma est, à cōditione: cuius cōsequētis negatiōe, tollit antecedēs. Assumptio etiā huius argumētationis nota est. Propositio uerò à causa ad effectū procedit. Etenim posita causa, ponit effectus: aliter causa nō cēset, q̃ effectus nō sequat suus. Quod si ueritas corporis satis est laicis ad sanguinē quoq; sumēdū: quin presbyteris etiā eadē satis sit, causa nulla est. HARP. Et si corporis ueritas apud utrosq; est, tā sacrificātes q̃ sumētes: tamen cū illi soli passionē Christi representēt, hi uerò tātūm animas pascāt, fit, ut illi utrāq; speciem sumāt, quod representēt in cruce sanguinē fūsum fuisse ex corpore: hi uerò unius speciei sumptiōe cōtenti sint, in qua scilicet totus cib. cōtineat. ARAT. Eò uideris rē perducere, ut laicę cōmunicatiōis statuas causam esse quādā aliā q̃ ueritatem corporis. Hac enim cū pares sint sacrificātes cū laicis, effectus quoq; par & idē esse deberet. Cūq; effectus nō sit idē, nō igit illa causa est, sed alia quādā. & illam quidē tu dicis, q; sacrificātes passionē Christi representēt: laici minimè. Dic igitur, an hæc est propria causa, ne frustra uerba (ut nūc fecimus) profundamus ea expēdenda. Dic inq; an hæc causa propria est, & quærem, qua de agimus, cōtineat? HARP. Aio. ARAT. Expendamus igitur & hāc: cuius summa hæc esse uideēt, illis tātūm speciem utranq; sumendā esse, qui Christi passionē representent: cæteris uerò nō itē. Quod si tu hāc representationē in actione illa ponēdā putes, qua sacerdos, uestibus certis indutus, ceremonias ministerij publici ad altare peragat, cōsecrādo, gratias agendo, preces pro cūcto populo fundēdo, offerēdo, ac ecclesiæ distribuēdo, & quæcūq; necessaria sint faciendo, haud equidem inficias iuerim, talem representationem solis presbyteris competere. Nec enim cuiuslibet ministerio ac officio hoc fungilicet,

gilicet, nisi qui uocatus sit, & legitimè electus. Caterū solis ad eū modū Chri-
 sti passionē representātibus, speciē utrāq; dari, alijs omnib. adimī, cōtra Chri-
 sti ipsius mentē esse uidet, qui corpus & poculū sumi uelit in sui cōmemora-
 tionē. Sic enim ille, Paulo 1. Cor. 11. referēte, inquit: Accipite, edite, hoc est cor-
 pus quod pro uobis frangit, hoc facite in mei cōmemorationē. Deinde, Hoc
 poculū nouū testamentū est in meo sanguine. Hoc facite, quotiescūq; biberi-
 tis, in mei cōmemorationē. Vt igitur repræsentatio à cōmemoratione distin-
 guatur: tamē nō solis repræsentantibus, sed etiā cōmemorantib. & corpus &
 poculū dandū esse, uerba CHRISTI testantur. Quid enim hoc est quod dicit,
 In mei cōmemorationē? An soli actiones illas & ceremonias ad altare peragē-
 tes, cōmemorāt? Omnino & mēte licet recolere, & ore annūciare ac prædica-
 re actiōes Christi omnes, beneficia, atq; adeo mortē ipsam. Esū uerō ac poti-
 onē sacramētī ad annūciationē mortis referēda esse, docet Paulus eodē in loco
 inquit: Quotiescūq; comederitis panē hūc, & biberitis de poculo, mortē Do-
 mini annūciabitis, donec ueniat. Cū igit laicis recordationē mortis Christi adi-
 mere nō possimus: cūq; & sacrificiū laudis, quod fit Deū laudādo, orādo, gra-
 tias agēdo, eis cōpetat: & illud etiā unicū in cruce peractū cū eis à Christo cō-
 municet, nequaquā sunt, ob defectū repræsentādi, ab utrāq; specie arcēdi: ad q̄
 in primitiua ecclesia (quod testatur historia & scripta ueterū) admittebāt.
 Papa, ni fallor, Gelasius mādat, ne diuidatur sacramentū. Et Prosper: Cū, in-
 quit, frāgitur hostia, cū sanguis de calice in ora fidelīū funditur, quid aliud q̄
 Dominici corporis in cruce immolatio, eiusq; sanguinis de latere effusio deli-
 gnatur? His uerbis & sanguinē in ora fidelīū, nō tantū presbyterorū fundi, &
 immolationē in cruce factā designari dicit. Certē nec Christus, nec ecclesia pri-
 mitiua ignorabat, in carne sanguinē cōtineri: nihilominus iussit, aut, ut uos lo-
 qui cōsueuistis, permisit, nō tantū comedi, sed etiā bibi. dū enim species sunt
 institute, altera ad comedēdū, altera ad bibendū: neutra quidē reb. & mysterijs
 uacua. Et quēadmodū poterat, si uoluisset, Christus genus humanū redimere,
 patiēdo in corpore, sine sanguinis effusioe: nihilominus uoluit effundere san-
 guinē, ad abluēda peccata mūdi: ita sacramētū instituit, ut & caro comederet,
 & sanguis separatim biberet. Certē sanguis bibi nō potest, nisi effundatur: nec
 abluere potest quenq; nisi sit effusus: ut nō immeritō dixerit Apostolus, absq;
 effusioe sanguinis nō fieri remissionē. Et clamat quidē fortiter nostris in eccle-
 sijs, nequaquā adimī laicis Christi sanguinē, quē sumāt in corpore illius uiuo: etiā
 si adimat eis species uini. At homines acuti nō uidēt, adimī illis sanguinē effu-
 sum: ut etiā si sumāt sanguinē, nequaquā tamē bibāt sanguinē effusum: illū inq;
 quo Christus & peccata purgauit, in perpetuūq; cōsummauit sanctificatos, &
 eūdē bibi iussit, præclaro quidē elogio addito hisce uerbis: BIBITE ex hoc om-
 nes: hic est sanguis noui testamētī, qui pro multis effundit, in remissionē pec-
 catorū. Vides & uerba cōsolationis plena: & hūc sanguinē uocari noui testa-
 menti. Quod si testamentū hominis uiolari non licet, quanto minus hoc Dei
 & seruatoris nostri: quo adire possimus hæreditatē regni cœlestis? Deus con-
 iunxit utrāq; speciē: sed quæ Deus cōiunxit, homini separare nō licet. Nō
 igitur fas est diuidere, quæ diuinitus cōiuncta sunt. Multo minus fas est dāna-
 re eos, qui Christi institutū sectando, utroq; pascunt animas suas, & carne, &
 sanguine: nō tantū comedendo, sed etiam bibendo. Hæc præferenda sunt
 omni rationi humanæ. Nec enim disputatur hīc ad physicā normam, carnem
 uiuam exanguem esse non posse: sed quaritur de Christi institutione, quæ est
 supra omnem naturæ captum. Quæ institutio cū in se habeat & comeden-
 dum & bibendum esse, sanguis autem inclusus in corpore bibi non possit ni-
 si effundatur, sequitur, ut ea præferenda sit omni humanæ rationi. Hæ-
 bes rationes nostras tuis oppositas: quibus si accedis, pergamus ad alia: sin-

De conse-
 cratione d.
 2. c. cōperit
 mus. et c.
 cum frangi
 tur.

minus, affer adhuc quod ad rationes facere uideat. HARPA. Ecclesia pia fidelium mater sollicita semper fuit, ut heresi omniquaque occurreret. Cum autem heretici exorti essent, qui dicerent, in panis specie dari corpus mortuum, non uiuum, propter eos adempta est uini species laicis: ut perspicuum omnibus fieret, cum corpore uiuo sumi sanguinem. ARAT. Hæc uero causa eadem est cum illa, abs te primo loco adducto: nisi quod hæc addit prætextum hæresis tollendæ. Quod si in populi communione tollitur causa huius hæresis, cur etiam non in presbyterorum? Certè hæretici idem cauillabuntur in sacrificantibus, uesci eos mortuo corpore, quod sit sanguinis expers: quandoquidem illi corpore non contenti, seorsim bibant sanguinem. Non prodest hinc cauillatio illa de sacrificantibus, & non sacrificantibus. quid enim impedit, quo minus sacrificantium communio obnoxia sit calumnijs hæreticorum, eadem ratione qua non sacrificantium communio sumentium speciem utranque? Quod si qua uia tolli possunt caluniæ in sacrificantibus, sine subtractione partis alterius sacramenti, cur non idem fit in laicis? Nam si nobis hanc licentiam permittimus, ut propter hæreticos mutemus institutionem CHRISTI, quis tandem modus erit huius licentiæ? Surgat hæreticus quispiam, qui quod uidet templa extructa, ut eò homines conueniant ad orandum & laudandum Deum, dicat Deum non omni in loco laudandum & orandum: an propter illum templa deferemus? an potius docebimus usum legitimum templorum? Surgat item hæreticus, ut olim Arius, qui dicat Christum non esse parem patri, nec potentia, nec ullare: propter uerba illa, Pater maior me est: an uerba illa expungemus? Quid enim refert, expungi, aut, quod non expungas, id non usurpari? An potius commodam interpretationem addemus? Neque inficias eo, nonnunquam dissimulatam esse ad tempus ueritatem: ut cum CHRISTVM uocant Apostoli uirum, nomē Dei reticentes. Sed aliud est dissimulare, aliud lege uetare aliquid. Dissimulant Apostoli CHRISTVM esse Deum: sed tamen non damnant eos, qui id palam faterentur. Nunc uidemus, non iam conniuere ecclesiā, sed damnare hæreseos, omnes qui extra sacrificium sumant utranque. Videas multos abhorrere ab eorum ecclesijs, eorum sacra detestari, non aliam ob causam nisi quod sumant utranque speciem: hæc re ab obediētia ecclesiæ, ac unitate sumentium unam, discedant. Quasi uero hæc unitas, quæ institutionem CHRISTI euertat, sit tanti facienda, ut deferenda non sit propter uerbum Dei. Quod auctori suo tanti est, ut cælum & terram, hoc est omnia humana constituta, omnes rationes à ratione excogitatas dicat citius transituras, quam uerbum suum.

De Christi institutione sacramenti Eucharistia, quod erat tertium ex argumentis propositis. Sed de obedientia ecclesiæ non est nunc dicendi locus. Quoniam autem tu dixisti, nihil contra institutionem CHRISTI fieri à sumentibus unam: demonstra id, si placet, ut quod tibi adducendis rationibus non successit, succedat hac ipsa institutione explicanda. HARPA. Ipsa cœnæ Domini institutio manifestè indicat, laicos ad speciem utranque uel minimè obstrictos esse, uel prorsus non esse admittendos. Etenim plures erant in ædibus illis, in quibus agnū paschalem manducabat Christus cum Apostolis. nemo tamen admissus legitur, præter illos duodecim. Quibus quidem ideo species utraque data, quod presbyteri essent, illisque potestas data sit similis cœnæ celebrandæ. Dicit enim Christus ad eos, Hoc facite: hoc est, consecrate, offerre, ac distribuite. Hoc non ad alios pertinet, quam ad presbyteros. solis itaque illis congruit utraque species. ARAT. Tu uero præter rem mihi loqui ista uideris. Nam fac, neminem cœnæ Domini, præter duodecim, interfuisse: id quod est uerisimile, quod nemo tum in comitatu fuerit CHRISTI, præter illos. Quo tamen argumento euinces, neminē ad eandem cœnam adhibendum præter illos duodecim, quicquid in loca eorum successere? Quæro enim, an illa CHRISTI institutio cœnæ suæ pertinet ad laicos, an non? Si pertinet, ad utranque igitur speciem necessario admittendū sunt: Sin

Sin minus, arcēdi igitur sunt à cœna illa: aut quo iure arcētur à sanguine, eodē à carne arcebunt. Certē nullā cœnē aliā institutionē habemus, prēter hāc. Quā ad laicos pertinere, Paulus locuples est testis, tradēs eā uniuersæ Corinthiorū ecclesiæ, nō solis eorū presbyteris. Scribit enim, q̄ à Christo accepisset, id se illis tradidisse. **HARP.** Ex usu Corinthiorū, aut alicuius aliū ecclesiæ particularis, statui nō potest lex uniuersæ ecclesiæ. Quid quod nō desunt magni uiri, qui aiūt, Paulū mysteriū eucharistiæ & Christi institutionē Corinthijs proposuisse, ut eos ad uenerationē tāti sacramēti excitaret: nō eū præscripsisse modū cōmuniōis. **ARAT.** Ego uerò haud intelligo, cur hęc nō sint præscribētis uerba, usumq̄ huius sacramēti docētis, cū Corinthios sic alloquit: Quoties edebitis panē hūc, & calicē biberitis, mortē Domini annūciabitis. Quib. igitur uerbis modus utēdi præscribi debuit, si his præsriptus nō est: Primū Christi institutionē narrat: quæ in se cōtinet, comedendū & bibēdū esse: uerbaq̄ à Christo ad Apostolos facta recēset. Quæ ne putarent ad solos apostolos pertinere, mox uerbis ad Corinthios directis inquit: Quoties uos quoq̄ comederitis & biberitis, in Christi memoriā id facite. Ac ne id Corinthij sibi tātū licere existimarēt, uniuersæ ecclesiæ cōcionat, inquit: Quisquis ederit panē hūc, aut de poculo biberit indignē, reus erit corporis & sanguinis Domini. Iā nō tantū in ecclesiā Corinthiorū, sed in alijs quoq̄, laicos etiā uini specie usos esse, suprà ex Gelasij & Prosperi pōtificū Romanorū uerbis ostensum est: & multorū auctoritatib. ostēdi posset. **HARP.** Nōnulli uiri doctissimi prodiderūt, nullū in Euāgelij de eucharistia inueniri præceptū, præterq̄ apud Lucā: idq̄ post specie panis, cū refert Christū dixisse, Hoc facite in mei cōmemorationē. **AR.** Quasi uerò nō satis sit ad ueritatē inuestigandā, si apud unū reperiāt eiusmodi præceptū. Et tamē apud Matthēū cōstat reperiri uerba hęc: Accipite, comedite, bibite. Quæ certē sunt præcipiētis, nō minus q̄ illa, Hoc facite. **HARP.** De bibēdo tamē nullū est apud Euāgelistas præceptū. **AR.** Nō ne iā dixi, Matthæū sic scriptū reliquisse: Comedite, Bibite? **HARP.** Verūtamē qd dicit de bibendo, nō simpliciter præceptū esse, sed ex suppositiōe, Paulus docet: qui illud limitat ad uices bibendi, uidelicet si biberimus, aut quoties biberimus, in Christi memoriā faciamus, hoc quod ille fecit, Hoc est, quoties utemur calice eucharistiæ, sacrificemus hoc. Nā ut bibere significat usum calicis: ita facere hoc, quatenus distinguūt à bibere, significat cōsecrare hoc. Docet enim Paulus, ut associet usum calicis, sacrificio calicis. Cūq̄ similis associatio nō præcipiat circa usum eucharistiæ sub specie panis, inde significat, usum calicis illicitū esse seorsum à sacrificio: usum uerò sub specie panis, licitū. quod patet in eorū cōmuniōne, qui extra missarū solennia cōmunicāt, ut sunt ægroti & alijs: quorū causa, eucharistia sub specie panis seruatur, sub uini uerò specie minimē. **AR.** Ac utē mihī hęc, magis q̄ aptē, dicta esse abs te uident, Harpage: rēq̄ eò deduxisti, usum calicis sine sacrificio illicitū esse. Quod si ita intelligis, nemini de calice bibere licere, nisi qui sacrificet, aut cōsecret ipse: cōtra te est usus primæ ecclesiæ, in qua bibebāt etiā qui nō cōsecrabant. Imò ipsi apostoli in cœna nō cōsecrāt, & tamē bibūt, teste Marco: Bibebāt ex eo omnes. Sin ita, nō esse præbendū calicē, nisi dū cōsecratur: nihil est absurdū, quin idē de panis specie dicatur. Certē parū prodest fumentī hāc cœnā, nisi admoneatur ille quē ex ea fructū petere debeat. quod cōmodē fit, recitādīs uerbis cōsecrationis: quæ pauca sunt, ac in ipsa porrectiōe sacramenti proferri possent. Quod si usu recipere, & difficultates uitaretur quæ accidunt tum seruādo sacramento, tū ad ægrotos perferēdo: & qui cōmunicarētur hac mēsa, cōsolationē perciperēt audiendis uerbis Domini & seruatoris sui. Iam uerbis illis, Hoc facite, admonent cōsecrātes, ut omnia faciāt quæ Christus in illa cœna fecisse cōmemoratur: quæ quia nō ab omnibus eodem modo referri uidentur, age quod ab uno Euāgelistarū ommissum est, id

Beresius Aiala, in libro traditionū ecclesiasticarum.

Caetanus libro de cōmuniōe sub utraq̄ specie.

Caetanus ubi suprà.

est, id ex alijs faciamus. Mattheus narrat sic Christū dixisse: Accipite, comedite, bibite ex hoc omnes. Marcus sic: Sumite, comedite: accepto etiam poculo, dedit eis, & biberūt ex eo omnes. Lucas sic: Accepto pane dedit eis dicens, hoc est corpus meum: hoc facite in mei cōmemorationē. Similiter & poculo, dixit, illud esse testamentū nouū in suo sanguine. Paulus sic: Accepto pane, dixit: Accipite, comedite, hoc est corpus meū, hoc facite in mei recordationē. Similiter & poculo, peracta cōna, dixit: Hoc poculū nouū est testamētū in meo sanguine. hoc facite, quoties biberitis, in mei cōmemorationē. Nōne hi quatuor nōnihil mutatis uerbis, idē narrāt? Nimirū Christū praecepisse Apostolis, ut sumerēt, comederēt, biberēt, idē facerēt in eius cōmemorationē? Nō est apud Marcū, Lucā, Paulū, Bibite: at est apud Matthaeū. Succinit Marcus, Et biberunt ex eo omnes. Manducationi panis additū esse à Christo, Hoc facite, Lucas & Paulus authores sunt. Dicis, bibitioni à nemine id simpliciter additū esse: sed uicibus bibendi à Paulo additū, cū dixit, Quoties biberitis, hoc facite: Mihi uerò nihilo secius ad bibitionē, q̃ ad uices bibēdi referenda uidentur uerba illa, Hoc facite in mei recordationē. Quid enim prohibet, quominus ex Mathaei, Lucae, Pauli & Marci uerbis hāc cōtexamus orationē? Accepto poculo Iesus dixit: Bibite ex hoc omnes, hoc poculū nouū testamentū est in meo sanguine, qui pro uobis effundit: Hoc facite, quotiescūq; biberitis, in mei cōmemorationē. Et biberunt ex eo omnes. Quid hac collatione clarius? Nōne igitur quibus dicitur Bibite, idē, Quoties biberitis, hoc facite in Christi memoriā? nihil enim alicui prodesse potest ex hoc poculo bibere, nisi hoc faciat in Christi memoriā. Tu dicis, bibētib; tantū praeceptū, ut quoties biberint, id faciāt in Christi memoriā Ego dico, de comedentibus idē intelligi debere. Nā & Paulus, quod prius de bibēdo dixit, mox idē de utroq; subiungit: idēq; particula Quoties (quando & in hac emphasi quæritis) addita, his uerbis: Quoties panem hunc manducabitis, & hoc poculū bibetis, mortē Domini annūciabitis, donec ueniat. Igitur utrunq; faciendum in Christi memoriā. Qui secus faciant, eos indignē sumere: reos esse ob corpus Domini damnationem sibi edere, qui de Domini corpore non rectē iudicent. Tu uerbum Faciendi in oratione Paulina, à uerbo bibendi ita distinguis, ut illud esse affirmes sacramentum consecrantis, hoc eodem utentis. Quid si ego hanc distinctionem negem, quomodo tandem probabis? Certē nec Matthaeus, nec Marcus, uerbi Facite, mentionem ullam fecerunt: facturi haud dubiē, si in eo tanta essent mysteria. Narrant tantū CHRISTVM dixisse, Accipite, comedite, bibite. Non addunt, Hoc facite. Id enim in uerbis, Comedite, Bibite, satis comprehensum est: quemadmodum in specie genus intelligitur. Et tamen illud, Hoc facite, circa corporis mentionem, à Luca & Paulo separatim est additum: circa sanguinis mentionem, à solo Paulo: non ut adderent aliquid ad naturam & substantiam sacramenti pertinens, quod ab alijs omīssum esset: sed ut finem exponerent, quamobrem sacramento hoc uti debeamus: nimirum hoc faciendum, hoc est, comedendum & bibendum esse in CHRISTI memoriā. Sic igitur simplicissimē dixerim, uerbum Faciendi, quemadmodum & uerbum agendi, generalissimum esse, actionesq; uerborum omnium sub se comprehendere. Quod cū authorum omnium infinitis exemplis ostendi potest, tum illud est in primis illustre apud Lucam, qui narrat CHRISTVM dixisse ad legisperitum: Hoc fac, & uiues. Ipseq; uerborum illorum textus clarē indicat illud, Hoc fac, relatum esse ad decalogi praecepta, ab illo eodem legisperito hoc modo enumerata: Deum toto corde ama, proximum perinde ac teipsum. Cū igitur uerbū Facio, omniū uerborū actiones sub se cōprehēdat, quid absurdi est, si ad totā illā actionē cōnē Domini referat: aut certe ad ea quę prius in illa actiōe praecepta sunt? Cōna Domini talis fuit: unus conui-

conuiuator erat, qui conuiuium parabat, ac suis conuiuiis cibum & potum dabat, dicens: Accipite, comedite, bibite: hoc facite in mei commemorati-
onem. Igitur & coena Domini quæ à nobis fit, talis esse debet, in qua aliquis Christi uice conuiuias excipiat: quibus corpus Christi comedendum, san-
guinem bibendum offerat. Ad summam sic opinor: ex serie uerborum hi-
storiæ quam tractamus, licet tuam sententiam improbare. Apostoli in coe-
na Domini sumebant utranq; speciem, qui tamen sumendo sacris non ope-
rabantur: non soli igitur sacris operantes utranq; speciem sumere debent, sed
omnes quicunq; discipuli Christi censerì uolunt. In hac quidem argumen-
tatione quid desideres, non uideo. Si enim illi non quæ sacrifici, sed quæ di-
scipuli erant, id faciebant: opinor idē licere omnibus qui sint discipuli. An-
tecedentis priorem partem historia testatur. Secundam partem sic ostendo:
Quia tunc nullus Apostolorum sacrificabat. solus enim Christus tunc offi-
cio functus est sacerdotis sacrificantis: apostoli discipulorum tantum, non
sacrificantium. nam prius sumebant, quam eis potestas facta esset sacrifican-
di. Sic enim narrat historia: Accipite, comedite: deinde, Hoc facite. sic, Bi-
bite: deinde, Hoc facite. Prius ergo sumebant, quam potestas eis facta esset
consecrandi, & sacrificandi. Quid enim illud ualeat, Hoc facite: an non,
quod me facere uidistis? Sed Christus ad exemplum Melchisedeci, offe-
rendo panem & uinum, utranq; dedit discipulis suis. Ergo qui sacrificant
more Melchisedeci, atq; adeo Christi, debent dare illorum exemplo & pa-
nem & uinū discipulis Christi: aliter discedere censebuntur ab ipsius Chri-
sti institutis, & à sacerdotio Melchisedeci. Neq; est dubium, sic in prima ec-
clesia, citra ullam reprehensionem obseruatum fuisse, ex multis sanctorum
patrum scriptis. H A R P A. At mihi certissimum est (quod postremum e-
rat ex argumentis à me propositis) tempore etiam Christi à discipulis sum-
ptam esse speciem unicam. quod Lucas testatur in historia de duobus in ca-
stellum quod uocabatur Emaus profectis. Factum est, inquit, dum accū-
berent, accepit Iesus panem, & benedixit, ac fregit, & porrigebat illis: & a-
perti sunt oculi eorum, & agnouerunt eum. Hic uides Christum panem ac-
cipientem, benedicientem, frangentem, porrigentem: oculosq; discipulorū
apertos esse, ut Christum cognoscerent. Vides inquam, panis hic mentio-
nem fieri, uini non fieri. Ad eundē modum in Actibus apostolicis legitur
de Christi discipulis, quorum numerus ad tria millia ad Petri concionem au-
ctus erat: Erant autem, inquit Lucas, perseverantes in doctrina Apostolo-
rū, & cōmunicatione, & fractione panis, & precationibus. Hic quoq; nulla
fit mētio uini. Habemus igitur, iam inde à Christi & Apostolorū tēporib.
multos discipulos ita cōmunicasse cū Christi corpore, ut panis specie cōten-
ti essent. A R A T. Mihi uerò cōtradicare huic nō libet, quod tu illa loca de
sacramēto Eucharistiæ accipi uelis. Velim tamē dicas, quid prohibet, quo-
minus partis appellatione totā coenā Domini intelligamus? Est em̄ ea sy-
necdoche scripturis usitata: ut cū legit̄ in ueteris legis libris, Frāge esurien-
ti panē: & in nouā, Rogauit phariseus Christū, ut māducaret secū panē: an
nō dedit ei potū? Certe dedit. nā & nos, cū inuitamus ad nostrū panē, ho-
spitē, totū cōuiuiū intelligimus: atq; adeo & potū. Et in eodē illo loco, quē
ex Actibus apostolicis citasti, legit̄: Perdurabāt discipuli unanimiter in tē-
plo, frangētes per singulas domos panē, inuicē sumebāt cibū. An putas hic
panis & cibi nomīne nō cōprehendi potū? Omnino, si uolumus æqui esse
interpretes scripturarū, rē, qua de agitur, ex ijs in primis locis & scrutari &
constituere debemus, in quibus ex professo de illa agatur: nec illis ea præ-
ferre, in quibus uel obiter, uel aliud quid agendo, eiusdem rei fit mentio. Si
quæstio incidat de forma baptisandi, an non ille locus, Baptizate in no-

De exem-
plis eorum
qui Chri-
sti tēpore
unam spe-
ciem sume-
bant, de hi-
storia Ema-
us, et
locis alijs
ex Actis a-
postolicis:
quod erat
quartū ar-
gumento-
rum propo-
sitorum.

mine patris & filij & spiritus sancti, præferendus est omnibus, in quibus fit quidē mētio baptismi: sed nō ut tradatur forma eius, sed ut narretur aliquos baptisatos esse. Ad hunc modū si quis dubitet in sacramēto altaris esse corpus Christi, an nō eū ducemus ad locū institutionis eius sacramēti, ubi dicit, Hoc est corpus meū: potius quā ad loca alia, in quibus constet nō de ea agi in institutione, quāuis etiā fiat mētio manducādi & bibēdi. Ita in hac materia de qua loquimur, an nō uideamus in hīstoria cōenæ illius Emauntanæ nō agi de institutione eucharistiæ: sed narrari, in fractione panis Dominū à discipulis cognitū esse: deinde in Actis apostolicis, nō etiā institui à Christo sacramētū: sed narrari, illos qui Christo credidissent, cōmunicasse inter se omnia, ac in panis cōmunicatiōe perseverasse. Cur igit in definiēda quēstione de utraq; specie, nō potius sequimur locū, ubi nō in trāscursu fit mētio cōmunicationis: sed dedita opera recitat cōiuiuiū illud in q̄ primū Christus instituerit cōenā sacrā. Quod si id placet, an ineptū fuerit loca omnia ad analogiam huius unius accommodari, atque alia ita exponi ut cum hoc congruant. Sed fac unam tantū partem sacramenti, nempe panis speciem, intelligi & in Actibus apostolicis, & in cōena Emauntana: quid autem hoc ad interdictionem huius temporis speciei uini. Putas ne tu laicos illos una parte sacramēti utentes, eo fuisse animo, ut dānarent laicos sumētes utrāq; Afferamus similia, demusq; & hoc tibi (uideo em̄ sic uos similitudine rerū aliarū probare, ecclesiam pleraq; Christi instituta mutare posse) Apostolos forma alia quā à Christo instituta usos esse baptisando: num propterea illi damnarint alios, utentes forma illa à Christo tradita, In nomine patris & filij & spiritus sancti. Non opinor. nam id nec ulla hominū memoria probari potest, nec literis proditum extat, nec est uerisimile. quemadmodum qui Christū Deum dissimulantes, uirum appellabant, uerisimile non est ut eos damnarent, qui palām eundē filium Dei uiuī, & Deū ipsū confiterentur. Quæ igitur audacia est horū tēporū, dānare laicos speciem utranq; sumētes. Afferatis uos quidem similia exempla, quibus hāc ecclesiæ autoritatem asseratis. Sed dñj boni, quā similia illa sunt dissimilima. Quod dum ostēdo, uelim me audias attentē. neq; uerò, quod principiō testatus sum, ingrediar disputationem de autoritate ecclesiæ: sed quod satis erit ad propositū, locorum, quibus prohibitio poculi comprobari solet, dissimilitudinem demonstrabo. Aiunt Dauidem panes propositionis comedisse, solis sacerdotibus ex lege datos. Esto. sed fecit ille necessitate, ne fame moreretur. Legem interea concedentem panes illos solis sacerdotibus, non abrogauit. Patres uerò uel nulla iusta causa abrogarunt speciem alterā: uel si qua iusta erat, tamen illa pro tempore ualere debebat. Nunc tempus illud præterit, cum maxima laicorū pars speciem ademptam restitui sibi optat: cum etiam pleriq; non expectato iussu uestro, eam usurpent. Vos uerò omnes illos hæreseos insimulatis, ac à Christi ecclesia excluditis. Pergunt de cōcilio Hierosolymitano, quod decreuit ut abstinerent gentes ab idolothyto, sanguine, suffocato. Non est huius instituti, exactius de causis illius decreti disputare. Illud tamen res ipsa docet, neminem hodie damnari, qui decreto illi non obtēperet. nā & spiritus sanctus per os Pauli docuit, neminē iudicandū esse in cibo aut potu: & antea Christus, nō qd in os intret coīquinare hominem. Vos cum conuiuere possētis in causa tā fauorabili, ac temporis præteriti excusationē aliquā asserre, insultare pergitis Christi sanguinē bibere appetentibus. ac cum erroribus fortiter resistitis, id quoq; inter errores numeratis: qd ecclesia semper, uel uobis autoribus, arbitrato suo usurpabat, adusq; tēpora cōcilij Basiliēsis. Hoc uerò an est cōfirmare autoritatē ecclesiæ, simulq; uestrā, an eleuare. Sed persequamur cetera. Mutauit ecclesia diē sabbati in diem

Cōfutatio
quarundā
obiectionum.

diem Dominicum. Mutauit: sed non abrogauit diei festiuitatē. uos prorsus abrogastis poculū sanguinis. At circuncisionem abrogauit mox à Christi morte. Certē, sed non sine uerbo Dei. Extant enim in libris ueteris legis, promissiones de nouo fœdere, spectante in Christū. At ubi nouū uenit, ibi prius antiquat. Sic em̄ Apostolus ex uerbis Ieremię ratiocinat: Quod si fœdus antiquū abrogatū est, certē & circūcisio, quæ caput illius est, abroganda fuerat. Iā em̄ Christo nato, semē illud benedictū, cuius admonebātur Iudei preputij circūcisione, in mundū aduenerat. Itaq; qui nunc circuncisionē seruandā doceret, hic dubitare uideretur de aduētū seminis. Sūt qui ita scripserūt, sabbatū & circuncisionem abrogata esse, non quod utrunq; obseruare malū esset: sed quod ecclesia nihil nobis cum Iudæis commune esse uoluit. Verū nō est ista causa. cōmunia enim sunt nobis multa cum Iudæis. & circuncisionem hodie nemo obseruandā docet, nisi qui adhuc expectet aduētum Christi. Quamobrem Paulus sic Galatas alloquitur: Ecce ego Paulus dico uobis, quoniā si circuncidamini, Christus uobis nihil proderit. Et tamen in locum circuncisionis baptismus successit: qui & circuncisionis nomine, quēadmodū circūcisio baptismi nomine, appellatur. Apud uos quid simile de adempta potione sanguinis? De baptismo illud obijcitur, Apostolos baptisasse in Christi nomine. Hoc uerō in libro Actorū apostolicorū à Luca scriptum esse cōstat: eoq; significari, multos baptisatos esse ut essent Christiani, non autē formam à Christo institutam mutatam esse. Sed sit mutata: non tamen ideo apostoli baptismum sustulerunt: nec eos qui in nomine patris & filij & spiritus sancti baptizarent, dānarunt: quod uos facitis, adimendo potionē laicis, & omnes damnando qui ea utantur. Largiamur & illud, Apostolos olim Christū, Dei nomine suppresso, uirū appellasse: sed legē tñ nullā posuerunt, nefas esse Christū dici Deū. Vos uerō uestra interdictione significatis, nefas esse homini laico bibere sanguinē Christi. Ad dūt de infantib. qui in primitiua ecclesia nō tantū baptisati, sed & cœna Domini cibati sint: idēq; postea ecclesiæ authoritate abrogatū esse. Verū Christus ipse abrogasse id uidet, qui cœnā in sui memoriā celebrari præcepit: ut qui memoriā Christi celebrare nō queāt, ab ea cœna excludi debeāt. Hoc tñ argumētū facultatē magnā, si qd aliud, præbet tollēdæ interdictionis de laica cōmunionē. Innocētius quidē tertius & Augustinus docēt, piū & necessariū esse dare eucharistiā paruulis: ut uerisimile sit, nō tantū in Africa, qd Augustinus docuerit, sed in toto occidente, qd Innocētius Papa, obseruatū esse. Et tñ à posteriorib. re expensā diligētius, cōsuetudo illa penitus sublata est, sine ulla ecclesiasticę authoritatis imminutione. Cur igit idē nō fit in tollenda ista interdictione? Amplius addūt, ecclesiā tēpus sumendi eucharistiā uespertinū mutasse in matutinū, & lotionē pedū à Christo factā omisisse, & baptismi mersionē cōmutasse in tinctionē. Licuisse igitur illi & hoc facere, ut speciē uini laicis adimeret. O' acutā argumētationē. Age sit ita factū, ut ecclesia mutauerit mersionē in tinctionē: sed tñ nō sustulit aquā baptismi. à uestris altera species sublata est. Tamen si & primitiua ecclesiā tinctione aspersioneq; usam fuisse, constare potest uel ex eo loco, ubi ter mille homines simul baptisati sunt, eo quidem die quo ad Petri exhortationem nomen Christo dedere. nec enim fieri, ut existimo, potuit, ut omnes illi mersi fuissent breui tempore: præsertim in illa sacerdotum paucitate. Et quamuis uocabulum Baptisandi mersionem significaret: tamen uis omnis baptismi in ablutione peccatorum existit, cuius symbolum fuerit seu mergas, seu ringas accōspergas aqua, eū qui iniet. Latio uerō pedū à nemine opinor improbat. sed nec ita exigitur, ut ante perceptionē sacramenti necessariò fiat: nec si quis ea utatur, dānari ob hoc poterit. De tēpore etiā percipiendi

huius sacramenti, nihil præceptum est. Christus enim dicit, Accipite, comedite, bibite: non dicit, Comedite mane aut uesper. Quod autem Christus ipse uesper id fecerit, non est ea causa, quod tempore hanc coenam alligatam uellet: sed cum agnus paschalis uesper ex lege sumendus erat, ipseque se agnum peccata mundi tollentem breui post tempore immolare uellet, selegit tempus eiusmodi, quo & ueteri ritui finem imponeret, & nouum inciperet: & paucas post horas sponte se offerret, ad aram crucis instar agni mactandum. Hodie quia coena a nobis non noua instituitur: sed quae olim instituta est, ea peragitur: nihil necesse est tempus illud uespertinum obseruari. imò cum homines ieiunii aptiores sint recolendis mysterijs diuinis quam saturi, recte obseruatur, ut hoc mortis Christi memoraculum prius ageretur, quam nostra inirentur conuiuia. Iam hæc ratiocinatio est minime probanda: Ecclesia potuit tempus mutare coenae Domini, potuit igitur & partem eius auferre. Primum enim, ex mutatione ablationem concludere non licet. Neque enim qui res mutat rebus, idem eas citra reprehensionem auferre potest. Deinde non idem est de parte alicuius rei iudicium, quod de tempore quo illam rem fieri oporteat. Partes sunt, ex quibus totum componitur: ita ut si illae non sint, ne totum quidem erit, quod ex earum compositione existit. Tempus inter accidentia rei numeratur: Accidētia inquam, quae, ut Dialectici loquuntur, adsunt & absunt præter rei corruptionem: ut sunt non tantum tempus, sed locus, occasio, instrumentum, & alia eius generis. Si quis igitur urgeat, tempus uespertinum coenae obseruandum esse: eadem ratione urgere potest, & agnum paschalem, & coenaculum illud ingens patrisfamilias Hierosolymitani requirendum. Sin hæc obseruata minime necessaria sunt, ne illud quidem. Sunt enim eiusdem generis. Certè Christus ipse locorum obseruatione nos liberat, cum inquit ad mulierem Samaritanam, tempus aduentare, cum nec in monte Samaria, nec Hierosolymis Deus colendus esset. Paulus etiam de temporum & umbrarum cessatione interdum loquitur. Duplici igitur uicio laborat illa argumentatio, nam & a mutatione in ablationem, & ab accidente ad partem rei transitum facit. Vos uero Harpage, aut potius nos omnes qui in istis tecum castris uersamur, non tantum auferimus poculum Domini laicis: sed eos etiam qui illo utantur, tanquam impios, ab ecclesia & regno Christi exterminamus. **H A R P A.** Non ob poculi potionem exterminamus, o bone: sed propterea quod ab unitate ecclesiae ipsi sese segregant, dum mandata eius transgrediuntur. Hoc enim ecclesiae mandatum est, ut laici abstineant calice. Christus uero ipse dicit, qui ecclesiam non audierit, eum pro ethnico habendum esse. **A R A T.** Difficile est non delabi ad disputationem illam de authoritate ecclesiae, superius a nobis detrectatam: cum quidem tu iam eius titulum nobis præendas. sed eam tamen fugiemus, quantum licebit. Illud igitur quero, quis ecclesiae authoritatem dedit id adimendi laicis, quod uel eis a Christo præceptum est: uel certè eorum arbitrio permissum? Audiui enim ex multis, tuam sententiam defendentibus, cum dicerent, speciem uini a Christo mandatam non esse laicis, sed potestati uniuscuiusque permissam: ideo principio liberum fuisse semper laicis, sumere uel alteram uel utramque. Quod etsi mihi sine ratione & scriptura dici uidetur: sed tamen in gratiam ita loquentium, usus sum disunctione illa, laicis speciem utramque uel mandatam esse a Christo, uel potestati eorum concessam. **H A R P.** Hoc uero in potestate ecclesiae est, ut pro locis, temporibus, & causis alijs, mutet ea quae prius usurpabatur. **A R A T.** Dic igitur causas istas, modò ne repetas quas confutauimus. Quid enim hoc esset, quam actum agere, circuloque illo disputantibus ab Aristotele uetito uti? Quod si causam asserre nullam potes, quin temerè factum esse dicamus quod sine causa

causa factū est, causa nulla est. Potest igitur hoc decretū induci, quod nulla iusta causa introductū est. Sed ut toties dixi, nihil nunc loquamur de auctoritate ecclesiæ. Disputare enim tecū volui de causis interdicti calicis, non auctoritate ecclesiæ niti: quā quidē scis tu me maximi facere, meq; illi in omnibus parere: sed distinctæ sunt rationes disputandi, & ad auctoritatem aliquius se conferendi. Et quoniam uterq; sumus earundem partiū, demus operam, ut isti qui sub umbra ecclesiæ dormiunt in utramq; aurem, audiant aliquando, quod Dominus dicit: Nolite, inquit, confidere verbis mendacibus, dicentes templū Domini, templū Domini, templū Domini. Quale enim templū est Domini, quod ultra præscriptionē uerbi eius progreditur? Qualis sponsa Christi, quæ à spōsi præscriptis discedit, ac ex reb. liberis necessarias cōdit? Etenim si (ut multi loquuntur) liberū fuit olim laicis, uel utraq; uel altera specie uti: qua insolētia quā ue audacia factū est, ut hæc libertas eis adimeretur? ac deinde ea adempta, omnes qui parere nollēt, cōdemnarent? Paruus error (inquit ille) in principio, maximus fit in fine. Ita apud nos errorem illum calicis adempti (sic enim necesse est ut loquamur, qui Calixtinorū personā sustinere cœpimus) multi errores intolerandi consequuntur. Et iactatur quidē uulgō, spiritū sanctū authorem esse illius decreti. Sed nos admonemur, spiritus probādos esse an ex Deo sint: sæpe enim Sathanā transfigurare se in angelū lucis. Vnde autē probabimus spiritū decreti huius, q̄ ex uerbo Dei: quēadmodū Christus præcepit, Scrutamini scripturas. Addamus, si placet, uniuersitatem, antiquitatē, & consensionem. Nam ultra scripturā hæ tres rationes sunt, quibus ueritatem catholicam inuestiganda docet uir insignis eruditionis Vincentius Lirinensis. Quid igitur antiquius uideri debet, q̄ quod ab ipsis ecclesiæ incunabulis seruātū est ad tēpora cōcilij Basiliensis? Nihil iam moror, necessario ne sumebat calix à laicis, an uerò arbitrio cuiusq; relinquebatur: una ne uellet specie uti, an utraq;. Illud satis est huic proposito, amplius mille trecentis annis nō interdictum fuisse laicis calice Domini. Quod si uniuersitatem requiras, certē & Græcorū & Latinarum ecclesiarum laicis, usitatam fuisse calicis communionem, scripta ueterum tam Græcorum quā Latinorum testantur: quæ multa à Gratiano in decreta, multa etiam in historiam ecclesiasticam relata sunt. Hodie quoq; ni fallor, apud Græcos laicis non interdictum est calice. Consensionem quoq; in hac ipsa cœnæ Domini perceptione non defuisse uetustati, definitiones & sententiæ illorū testantur. Omnes enim quasi uno ore in hoc sequuntur Christi institutionē, corpus dari in sacramento quod pro nobis traditum: sanguinem, qui in remissionem peccatorum nostrorū effusus sit: utrunq; autem accipiendum esse in Christi commemorationem. Hæc cum cōmunia sint laicis cū presbyteris, certē causa nulla est, cur res eis subtrahat, ad quos pertineat promissio. Horū uerò tēporū cōsensiōi de laica cōmunionē, deest uetustas simul & uniuersitas. Nō enim catholicū est, quod aliquot tantū seculis, sed quod inde ab ecclesiæ primordijs seruātū est à sanctis. Deest itaq; uniuersitas interdicto & consensioni horum temporū: quæ nimirū nata sit abhinc annis ferē centū quadraginta, causis propē nullis. Nā & illas quas principiō narraſti, nihil ualere ostēdi minus: & quæ præterea cōmemorant, leuiiores sunt q̄ ut propter eas CHRISTI ordinatio mutetur. Certē periculo effusionis nō minus presbyteri obnoxij sunt, atq; laici. Aciditas aut si arū cōſutatio. obest seruādo uino, mucor quoq; nō minus obest seruādo panī. Cur aut nō potius, cū necesse est, sacramētū cōsecrat, q̄ aciditati obuiādo, altera sacramēti pars in totū auferat? Preclarē Paulus suū Timotheū hortat, ut depositū custodiat. Quæ uerba tāti facit Lirinēſis, ut eis noua dogmata omnia cōfodiat. Custodi, inq̄t ille, depositū: hoc est, id quod tibi creditū est, nō quod à te inuentum;

inuentum: quod accepisti, non quod excogitasti: rem nō ingenij, sed doctrinae: nō usurpationis priuatae, sed publicae traditionis: rem ad te perductā, nō à te prolata: in qua nō author debes esse, sed custos: nō institutor, sed sectator: non ducens, sed sequens. Quid tu, o Lirinensis, nunc diceres, si audires tot excogitatas & inuētas rationes: quibus uerbū & institutio CHRISTI apud apostolos olim deposita, deinde per manus posteris tradita, atq; ad annos plus minus mille trecentos à Christo nato obseruata, cōtemnit & cōculcatur? Deus hoc uoluisset, o Vincētī, ut uel ante ducētos annos nascereris: uel perdurasses ad cōciliū illud Basiliēse, quo ecclesia tantū uulnus accepit: illaq; antiquitas abs te decātata, dogmatū exploratrix, antiquata est & pefundata. Ego quidē multis rationibus abs te traditis maximē confirmor, ut cū omnia noua suspecta habeā, tū hāc calicis adēptionē per iniuriā ecclesiae laicorū factā existimē: sed in primis illa formula, q̄ tradidisti piē uerē & doctē cōcilijs omniū tēporū ac ecclesiae cūctē. Sic enim ais: Ecclesia Christi sedula ac cauta depositorū apud se dogmatū custos, nihil in his unq; permutat, nihil minuit, nihil addit: nō amputat necessaria, nō apponit superflua: nō amittit sua, nō usurpat aliena. Sed omni industria hoc unū studet, ut uetera sapienter fideliterq; tractet. Et reliqua, quē tu doctissimē persequeris. Quod igit horū tuorū uerborū nō pugnat cū laica ista cōmunionē? Depositū Christi, apostolorū, uetustatis, uniuerſitatis, & sanctae cōsensionis pelsimē custoditū: uerbū Dei permutatū, & imminutū: quod est necessariū, id amputatum: quod minimē, id rationib. cōfictis iniectū: sua amissa, usurpata aliena. Quid igit hęc aliena, noua, & ueteri ecclesiae inaudita cōsequutū sit uideamus. Omnes quicunq; uel appetūt uel bibūt poculū Domini, pro hereticis habentur: ex ecclesijs nostris eijciuntur: diris omnibus deuouētur. Siccine agit in ecclesia Dei, in regno ueritatis, in hāreditate quā Christus sanguine suo cōparauit, ut bibentes preciū illud sui, memoriāq; beneficij tantī piē celebrātes, eijciantur ex hac ipsa hāreditate? At quā ob causam? propter eandē illā, quae illos in hac hāreditate collocauit, sortisq; diuinę participes fecit. Quid uerō hoc mōstri, quē teres in gradu aliquo uel sanitatis uel dignitatis collocauit, eadē te de gradu eodē deiecit? Quid deniq; illud, inobedientiae prætēxtū in ea re cōstituere, in qua Christus filius Dei patri suo obediētia maximē declarauit: quā tantī fieri à suis omnibus uoluit, ut in ea pretiū mundi propitiatio nēq; peccatorū cōstituerit: q̄ & grati animi recordatiōe percipiendā & ore bibendā suis omnib. propinauit? Ne mihi obganniat quisq; laicis uini specie tantūm ademptā, nō sanguinis cōmunionē. Christus est, qui utranq; specie instituit: neutrā igitur spōsa eius adimere debuit. Et difficile est nō credere, cū specie rem ademptā esse: hoc est, sanguinē effusum. Sanguinē inq; illū, qui est preciū mundi: qui abluīt peccata hominū: qui nisi effusus esset, peccatorū remissio nūq; fuisset. uerē enim dixit apostolus, Absq; sanguinis effusione nō fieri remissionē peccatorū. Etenim si mūdi redēptio absq; sanguinis effusione fieri potuisset, nūq; filius Dei sanguinē suum effudisset. Poterat corpus uarijs tormētis exponere: sanguinē retinere. Sed & sanguinē effudit & sanguinē effusum bibi iussit. nā ut corpus uoluit edendū, ita sanguinē effusum bibendū. De hac igit iniuria querūtur filij Dei, quod à sanguine effuso prohibentur: quod à poculo, quod CHRISTVS bibi iussit, edictis nostris arcentur: quod qui illud bibunt, ij ab unitate ecclesiae eijciuntur. O beatas ecclesias, quae à nobis eiectos ad se receperint. O nos miseros, qui eos coetibus nostris non dignemur. Qui ex illis sunt ingenijs mitioribus, quid aliud quā bona omnia, CHRISTI exemplo, nobis precari possint? Agnoscunt enim patrem sibi nobiscum communem esse, idem baptisma, eandem regni coelestis hāreditatem. Qui acrioribus, an non illi iure quodam

DIALOGVS SECVNDVS.

377

dam suo mentem nobis meliorem precentur: seq̃ Hieremiã uatis exemplo consolentur, qui turba eorum qui dicebant non perituram legem à sacerdote, nec consiliũ à prudente, nec uerbum à propheta, ualere iussa: cōsciẽtia recte factorum, ac optimã in Deum uoluntatis sese sustentauit. An deniq̃ nobis dicere non possint illud eiusdẽ uatis? Nolite fiduciã ponere in uerbis mēdacibus, dicentes, Templũ Domini, templũ Domini, templũ Domini: Cauete, ne si præfractius sanguinẽ filiorũ Dei oppugnaueritis, faciat uobis Deus quod olim Silunte fecit, domui suã. Sed fessus sum dicendo. itaq̃ si uidetur, finẽ faciamus. Quod si tu uel contradicere nostrã sententiã adhuc uoles, uel quid aliud tractare, alio die facias licebit. Mihi quidẽ uehemẽter placebit, si neruos omnes intenderis sententiã nostra impugnãda. Magis enim & in hac & in omni materia studendũ esse puto ueritati, q̃ nostrã existimatiõni. Itaq̃ ne parcas labori Harpage, ut tãdẽ uel me pertrahas in tuã sententiã, uel cãdidẽ fatearis te accedere meã. Profectò mihi mores istorũ displicent, qui cùm magno supercilio, omnia quã quouis modo in ecclesiã irrepsert, confirmant, leuiter de ijs quibus causã propriẽ contineatur, agunt: ac uel in loco communi de ecclesiã auctoritate cõquiescunt: uel illud in primis iactant, in hac arena Hussum uel nescio quem alium uictum esse ante annos amplius centum, igniq̃ crematum: omnesq̃ qui similiter uel hiscere quid contra ea quã in ecclesiã recepta sunt, audeant, uel non audientos, uel cremandos esse. Quod si te huius generis argumentationibus delectari putarem, nullo modo facerem, ut tecum in arenam descenderem. Sed quia alijs moribus te noui præditum, ideo liberius tecum de omnibus quã ad propositum pertinere uisa sunt, differui. Fac igitur & tu, ut meo more, seposita ecclesiã auctoritate, uiolentisq̃ igniũ probationibus tortoribus relictis, mecum ex proprijs causis conferas: ac uel improbes, uel assentiaris nostris. Quod, ut dixi, alio tempore tibi licebit. Nunc ualeas. HARP. Et tu quoque. aliã tecum conueniam, & uel impugnabo sententiã tuã, uel confirmabo, uel noui aliquid adferam.

FINIS PRIMI DIALOGI.

SECVNDVS DIALOGVS.

ANDREAS FRICIUS MODREVIUS IO.

ANNI HASEMBERGIO, POLONVS BOHEMO S. D. MIT-
titq̃ Dialogum, de utraque specie Eucharistiã à laicis sumenda, Secundum:
non affirmandi, sed disputandi & discendi causã conscriptum, Anno

CHRISTI 1549, mense Iunio, Praga.



HERCVLES quidem, ut est in ueteri prouerbio, contra duos. Mihi uerò non cum duobus, sed cum quatuor concertandum fuit. Cum quibus uerò illis, & quantis? Tres erant episcopi, quartus tu: honore illis inferior, dignitate & auctoritate propẽ par. Omnes linguarum periti, omnes omni doctrinã genere exculti: in diuinis literis, ac sanctorum patrum scriptis multum uersati: in theologia disceptatrice exercitatissimi. Cum his mihi, (ut tenes memoriã Hasebergi: eras enim unus illorum quatuor) cum his inquam simul mihi erat disputandum: homini cãtera illis longẽ

longè inferiori: causæ bonitate, ut puto, minimè inferiori. Quæ quidem res animos mihi faciebat, utin certamen hoc descendere non dubitarem. Quod si quid desideratum est in meis responsionibus, cogitare debes, difficile esse uel fortissimo uiro, tela multorum, etiam uiribus & animis longè imparium, simul repellere. Quanto magis mihi, tot & tantorum heroum: cum quibus nulla re ingenij, doctrinæ, aut exercitationis eram comparandus. Quod igitur mihi superesse uisum est, disputationem omnem scriptura persequutus sum: ut si quid fortè subitæ disputationis celeritate parum à nobis explicatum sit, id cogitatæ scriptiōis maturitate melius exprimat. Omnium igitur, qui tum mecum disputabant, obiectiones, in quarum quidam memoriā redire potui, conscripsi, easq; uni Harpago tribui: nostram responsionem, Aratori: quos in priore Dialogo loquentes feceram. Mitto igitur & hunc Dialogum, prioris defensorem. Quem uelim legas, tuamq; de eo sententiam pronuncies. Vale.

HARPA G. Expendi quæ contra laicam communionem proximè dixisti. Nunc quid in illis desiderem, aperiundum tibi duxi. Primum non rectè mihi facere uideris, qui auctoritatem ecclesiæ segreges ab hac disputatione. ARATOR. Rectè an secus faciam, aliàs uidero. Nunc dico, qui auctoritate ecclesiæ uelit niti, ei mecum nihil esse rei: qui tantum tribuam ecclesiæ Christianæ, quantum qui plurimum. Certè aliæ sunt rationes disputandi, aliæ conferendi se ad auctoritatem & arbitrium alicuius. Itaque si tu ea auctoritate semota, uelis de re proposita adhuc dispicere, me tibi socium adiungam libenter: sin minus, alium tibi quæras collocatorem oportet. HARP. Fiat quod uis. Tu uerò mihi confundere uideris quæstiones illas, Cur ecclesia laicam communionem instituerit? & Cur laici una specie, nullo incommodo, contenti esse possint? Etenim illius causa est, ut tollatur hæresis: huius, quod in corpore sit sanguis.

Ad rationē pro laica cōmuniōe quæ superiore dialogo primo loco tractata est, addendum. ARATOR. Non confundo Harpage. itaque tu diligentius uelim tecum recorderis, quæ proximè luculenter exposuerim. HARP. Dixisti inter cætera, sanguinem effusum ademptum esse laicis. Hoc enim quasi synechon quoddam, bis urgebas multis uerbis in tua disputatione. Dic igitur, Apostoli in cœna bibebant ne sanguinem effusum, an in corpore CHRISTI existentem? Certè effusum bibere non poterant: necdum enim effusio illa facta fuerat. Biberunt igitur in corpore existentem. Igitur & hodie bibitur sanguis in corpore existens. Eundem enim, & eodem modo bibere nos oportet, quem & quo modo bibebant Apostoli. ARATOR. Arduam moues quæstionem Harpage, non inutilem quam in præsentia pertractemus: nec minus partibus, quas tueris, quàm meis pernecessariam. Ad eam priusquam respondem, dogma repetendum est in ecclesijs receptum. Omnes enim concorditer affirmant, sub panis specie corpus principaliter contineri, sanguinem ex consequenti: quod sanguis corpori uiuò insit, nec corpus sine eo uiuere possit. Contra in poculo principaliter esse sanguinem, ex consequenti corpus: quod sanguis uiuus esse non queat, nisi in corpore: absque corpore autem non sanguinem, sed cruorem esse. Hoc dogma esse ecclesiæ, tu ipse probè nosti. Nam & literis est mandatum, & in concionatorum ore fere uersatur. Vt igitur quasi clauum clatio extrudamus, occurro tuæ quæstioni: abs teq; uicissim peto, Cum sanguini in poculo principalitas ista essendi attribuitur, an sanguini in corpore attribuitur, an uerò extra corpus existentis? Si dederis, extra existentis: in eandem difficultatem tanquam foueam incidēs, in quam me præcipitatum uoluisti. Sin sanguini intra corpus, omnino nec rei nec sermonis natura fert, ut quod inclu datur, principaliter alicubi esse dicatur: quod

quod contineat, ex consequenti. Est enim res continens quasi subiectum & fulcrum rei contentæ: ac in liquoribus rebusq; fluidilibus contentum, formam induit sui continentis: a quo arcetur, ne diffuat. Itaq; etiam hoc dilabente, & illud dilabi necesse est. Difficile est talem unionem inter res alias inuenire, qualis est inter corpus & sanguinem. Vtrumq; enim uel uiuit simul, uel uita deficitur simul: nec unum sine altero uiuere potest. non quidem quod alterum alteri influat uitam, eam enim utrumq; ab anima habet: sed quod anima corpus nisi per sanguinem, sanguinẽ uerò nisi in corpore uiuificare non queat. Cum igitur sanguis poculi nõ sit extra corpus, sed in corpore, utiq; continetur in corpore, nõ continet ipsum. Potius igitur principalitas essendi etiam in poculo tribuenda est corpori, tanquam continenti: consequentia sanguini, tanquam rei contentæ. Corpus enim est, quod ualis instar comprehendit sanguinem: ipsumq; coercet, ne extrã abeat. Vides iisdem difficultatibus teneri uos, cum principalitatem illam & consequentiam essendi comminiscimini: quã me, cum dixi sanguinem effusum bibi, non in corpore conclusum. Si dissolueris hunc nõdum Harpage, non minus pro te ipso, quã pro me responsum esse putabõ: sin mihi rem permittis, dicam hoc in intelligentiam humanam cadere nõ posse, ut aliquid bibi putemus, quod ex re ipsum continente non effundatur in os bibentis. Neq; igitur sanguinem bibi, nisi ex corpore in quo est inclusus, effundatur. Cum ergo audimus Christum iussisse sanguinem suum bibire ipsa inquam bibi, non ullis metaphoris: deniq; bibi & eo ore quo res bibimus alias, & eum sanguinem quo abluuit peccata mundi, quis non mox animum refert ad effusionem ex corpore continente, in os bibiturus?

Quid igitur prohibet, quo minus dicamus bibi sanguinẽ effusum: cumq; laicis adimitur poculum, adimi etiam eis sanguinem effusum? Ipsa enim bibitionis notio non potest non offerre cogitationem alicuius effusionis.

Quod & Christus testatur, cum dicit: Bibite sanguinem, qui pro multis effunditur. At dices, nondum sanguinem, cum illud loqueretur, effusum fuisse. Audio. Verũtamen Christum quoq; audiendum puto, dicentem: Bibite sanguinem, qui pro multis effunditur. At dices, nondum sanguinem, cum illud loqueretur, effusum fuisse. Audio. Verũtamen Christum quoq; audiendum puto, dicentem: Bibite sanguinem qui effunditur.

Omnino uult, ut bibentes referant animum ad sanguinem effusum. Aut igitur nusquam bibitur sanguis effusus, aut ex hoc poculo bibitur. Vides sudare me laborantem, ut & hanc sanguinis effusi bibitionem defendam: & illas essendi principalitates consequentiasq; non offendam. Quod si hæc tibi argutiora magis quã ueriora uideantur, per me licet omittamus hæc omnia: simplicissimeq;, & ad intelligentiam magis (ut opinor) appositẽ dicamus, Christum uoluissẽ non tantum sumi sanguinem in carne comedẽdo, sed etiam ex poculo bibendo: cum diceret, Comedite, bibite. Vos utcunq; causẽmini non adimi sanguinem laicis, quem in corpore sumant comedendo: certẽ tamen res ipsa indicat, adimi eis bibitionem sanguinis ex poculo, quam Christus seorsim fieri uoluit, dicendo, Comedite, bibite. Atq; utinam Christi institutum discipulis suis seruare liberum esset: non ueniretur ad illas subtilitates. Nõ ignorauit Christus, se uiuum corpus dare discipulis suis, sanguinem quoq; uiuum præbere. Neq; tamen permittẽ hæc sumi uoluit: sed discretẽ tum corpus comedĩ, tum sanguinẽ bibi. Includatur quantumuis et sanguis in corpore, & corpus in sanguine: Christus tamen est qui separatim comedĩ iussit, separatim bibi. Hæc & admiranda sunt, et adoranda: in his pacatissimo animo conquiescendum, potius quã disputationes ex mediã philosophiã de corporis & sanguinis

*Institutio
sacramenti
eucharistiae
secundo lo-
co adducta,
trahatur.*

nīs uiuī inseparabilitate ac perpetua mīstione introducendae. quantum tan-
dem obtentu Christi institutio lege lata uel mutetur, uel ex parte abroge-
tur. atque ex eadem illa lege, non obediētes quidem schismatici hāretici
ue pronuncientur: obediētes autem tanquam filij Dei commendentur.
deinde illa eadem lege, alij ob cordis sui duriciam soluantur: alij in obedi-
entiā catholicā ecclesiā contineantur. Egregiam uerō obediētiā eius
rei, quē cōtra scripturas sancita sit, ratiōe uel nulla, uel leuissīma, et quē o-
lim ē mediō sublata sit. nullus est enim Christianorū, qui hodie putet mor-
tuū corpus in eucharistia dari. HARP. Christus apostolis tantūm praece-
pit separatim bibi, non alijs. Itaq; abrogatione illa nihil laicis ademptum
est, ad quos institutio illa non pertineat. ARAT. Nō igitur pertinet cōna
Domini ad alios Christi discipulos? HARP. Nō prorsus. Etenim in cō-
na data est apostolis potestas consecrandi, offerendi, distribuendi: quod
non pertinet ad laicos. ARAT. De eo quēro quod Christus dicit, Come-
dite, bibite. Pertinet hoc ad laicos, an non? Si pertinet, debent & co-
medere & bibere separatim: sin minus, ut arcentur à bibēdo, ita arcebun-
tur à comedendo. Deinde si illa institutio ad laicos non pertinet, an nulla
est alia, an uerō aliqua quā pertineat? Nullam quidem esse, opinor nemī-
nem dicturum, nisi qui sentit, omnibus qui laico censeantur nomīne, libe-
rum esse illa prorsus abstinere. Quā igitur est, quā laico imponat neces-
sitate sumendi? non cōna Emauntana, in qua nulla sit praecepti ratiō,
sed sola narratiō. Et certē quo nomīne hāc ad institutionem laicā commu-
nionis traheretur, eodem & illa ad mare Tiberianis, in qua Christus porri-
gebat apostolis et panem et piscem. Et si autem ad Tiberiadem benedictio
nis nulla est mentio: tamen benedictionem à Christo omīssam unquam
fuisse, adduci non possum ut credam. Nam solenne Christo erat, ut man-
ducando gratias ageret, benediceret, hymnum recitaret. Sed ne plura.
Vides; ad Tiberiadem panis tantūm mentionem fieri: an deerat potus?
Quod si ibi panis est corpus Christi, certē apostoli tūc unam tantūm spe-
ciem sumpserunt: siquidem poculum deerat. Sed fortē dices, tūc eos non
sacrificasse. Ne in cōna quidem Hierosolymitana sacrificabant: solo scilicet
Christo tunc sacerdotis officio fungente. Si uerō ad Tiberiadem pa-
nem porrigendo, poculum quoq; eum porrexisse putandum est, cur non
Emaunti etiā? Si illic panis nō est corpus Christi, cur hīc est? Et hīc quidē
ex fractione cognoscunt discipuli Christum: at et ad Tiberiadem ex indi-
catione dexterā partis nauigij, ubi copia esset piscium ingens, nihilomi-
nus eundem cognoscunt. Quorsum igitur tam multa? Quia cōna istae
& ad Tiberiadem & Emauntana, obscuriores sunt, quā ut ex eis institu-
tio laicā communionis elici possit: quamuis communiō ipsa eliciatur.
Deinde quocunque te conuertas, uel nullam institutionem cōnae mysti-
cae ad laicos pertinentem inuenias, uel eam solam inuenias quā in cōna
Hierosolymitana fuit: cū Christus diceret, Comedite, bibite. Quod si
hāc est, tam igitur bibendi potestas laicis faciēda est, quā comedendi.
HARP. Illud est ab omnibus decantatum, comestione bibitionemq;
necessariam esse Christi passionem representantibus: non etiam sumentibus.
ARAT. Sed hāc à uobis decantatur modis parum conuenienti-
bus scripturis. Nō enim Christus dicit, Comedite bibite, in representatiō-
nem mortis meae: sed, In memoriā mei. Memoriam porrō mortis Christi
praestant non soli representantes, sed sumentes etiā. Certē nō sine summa
uanitate (grauius enim non libet loqui) solis representantibus comestio
& bibitio attribuitur. HARP. Tu tamen praeter rem facere uideris,
ūm panē cōnae Emauntanae synecdochicē interpretaris, partē scilicet pro
toto

*Represen-
tatio.*

*Ad exem-
pla tertio
loco addu-
cta, adden-
dum.*

toto. Nam & Augustinus huic reclamationi: et Lucas dicit, post fractionem panis Christum STATIM euanuisse: & in articulo fidei figuris non est locus.

ARAT. Quasi & ego dicere non possim, præter rem à uobis fieri, dum panis nomine corpus ibi intelligendum dicitis. Hoc enim si negem, quibus rationibus conuincens? An quia Christus benedixit? Illum uero benedixisse semper, gratias egisse, hymnum recitasse quoties manducabat, etiam cum cœnam mysticā non daret, uerisimile est, et historia euangelica sæpe testatur. An quia oculi aperti sunt discipulorum, ut Christum cognoscerent? certè eum cognoscebant ex alijs quoque signis & miraculis: ut iam dixi de indicatione illa piscium, ad mare Tiberiadis. Sed mittamus id: fateamurq̃, Emaunti eucharistiā esse administratam. Reprehensio tamen tua interpretationis synecdochicæ parum ualeat. Primum de Augustino, quem ut concedam loca illa de eucharistiā (tamen si id non habeam compertum) esse interpretatum: tamen synecdochen eum ibi negasse, adduci non possum ut credam. Puto etiam, quòd de quodam hæreticæ prauitatis magistro audiui, cum diceret non in omnibus se auctoritatem Augustini sequi, idem mihi nouitio licere: resq̃ eiusmodi ex scripturis demonstrari debere potius, quàm ex interpretibus: more scilicet illius magistri. Quòd addis, Lucā dixisse STATIM: hoc ibi nō legitur, sed tantum, Et ipse euanuit ex oculis eorum: hoc est, illis non animaduertentibus, et nihil tale cogitantibus, disparuit. quemadmodum si quis dicat: Sumpto cibo subduximus nos ex oculis omnium. Hoc an tantæ celeritatis erat, quo minus potus sumi posset? Frequentes sunt eiusmodi locutiones in hominum sermonibus: à quibus sæpe scriptura non abhorret. Vos fingitis illud STATIM, quasi tanta fuerit discedendi festinatio, ut comedentes à bibendo abstraheretur: aut quasi conuiuantium distincta sint tempora comedendi & bibendi. Deinde dicitis, In articulis fidei locum non esse ullis figuris. Ego uero spiritui sancto loquendi formam præscribere non possum, quando ille figuris uti uelit, quando non. Illud planum est, in locis de quibus loquimur, nullum fidei articulum nouum tradi, sed rem prius institutam celebrari & iterari. Quòd si tu uniuersè uelis loqui, nullis figuris uti spiritum sanctum in rebus fidei, id ex multis locis falsum potest demonstrari. Ioannes dicit, Verbum caro factū est: an non caro ibi pro homine? & tamen hoc est fidei nostræ fundamentum, filium Dei factum esse hominem. Idem dicit, Spiritum qui credat Iesum Christum uenisse in carne, ex Deo esse. Sed quid opus pluribus? cum quidem in loco Lucæ nihil noui instituitur, sed res prius instituta usurpetur. Tibi uero quid placet, illud quod dixi res controuersas magis ex ijs locis definien-
das esse, ubi ex instituto de illis agatur: non ex ijs, ubi obiter & quasi in transcurso? HARP. Nunc hòc missum faciamus. ARAT. Quid autem illud, meliorem esse rationem hæreticis occurrendi interpretando, quàm interdicens? HARP. Res quidem necessarias ecclesia interdicere non potest. ARAT. Tu uero petis principium: quodq̃ probandum est, id sumis, disputatur inter nos, an uel cōtra Christi præceptum de bibendo, uel contra libertatem bibendi, olim Christi discipulis permiffam, licuit cuiquam: ut poculum laicis adimeret? HARP. Imò quæ sunt libera, de ijs potest ecclesia constituere, uel adimendo, uel præcipiendo. ARAT. Quibus rationibus id dicitis? Meministi enim similia quæ ad id probandum adduxeras, à me confutata esse. HARP. Non in hoc à me producta fuere, ut uellem illa prorsus similia esse: sed ut ecclesiæ auctoritatem confirmarem. ARAT. Tu igitur dissimilitudine confirmas aliquid? Quasi dissimilitudo non destruat rem potius, quàm

Bb 2 construat.

Similitudines priore dialogo confutatae, adhuc exagitantur.

construat. HARP. Ignorās ne tu, similitudinem esse nullam, quæ quatuor pedibus currat. ARAT. Esto: sed tamen eo pede currat necesse est, quo procedat ad metam. Sin quo debeat pede non curret, nunquam eò perueniet, quò intendit. Vestra similia currere debebant ad confirmandam interdictionem speciei alterius. Quæ autem in illis significatio est uel interdictionis, uel abrogationis? Dauid edit panes propositionis, solis presbyteris lege destinatos. Apostoli in nomine patris & filij & Spiritus sancti baptizare iussi, in Christi nomine baptisant. Sabbatum lege institutum in diem Dominicū mutatū est. Licet igitur, ut ecclesia interdicit laicis poculo sacramenti. Agnoscis argumentationes usitatas, ex similibus uestris ductas. Vtrum uerò hoc est confirmare ecclesiæ auctoritatem, an eandem infirmare: animosq; hominum, qui prius in illa conquiescebant, debilitare? Ego quidem scio nonnullos esse, qui ex eiusmodi assumptionibus dubitent de conclusione: quos tamen ecclesiæ nomen in officio contineat. Hoc qui hodie non uidet, parum uidet: qui, cum uidet, defendit, parum pius mihi esse uidetur. HARP. Omnino mihi uidetur esse hominis superbissimi, ea uelle conuellere, quæ sunt seu de laica cōmunione, seu de quauis re alia sancita in cōcilijs, cōsensu totius orbis Christiani. HARP. Ego uerò nō conuello, sed disputo: nec legislatorē ago, sed disputatorem. HARP. Qualis uerò disputator iste, qui auctoritatem ecclesiæ diuellat ab eo, à quo non sit diuellenda? Omnino qui pertinaces sunt tuenda hac sententia, digni sunt in quos scribant inquisitores sententiam.

ARAT. Tibi, ut uideo, pertinaces sunt, qui non eant in tuam sententiam: quamuis nec scripturis uicti, nec rationibus. Mihi contrā loqui quidlibet, nullo delectu, tantum ut uictor uidearis, auctoritatemq; uendites tuam, temeritatis & arrogantiae esse uidetur, minimè ferendæ. Aegrè fers, in ecclesiæ auctoritate me conuiuere. Quasi ulla disputatio esset, si ita ecclesiam faceres loquentem,

Hoc uolo, sic iubeo, sit pro ratione uoluntas.

Ego uerò de causis & rationibus interdicti, disputare tecum uolui. Quas quidem iam in orbe Christiano non existere, planum est. Quis enim est Christianorum hodie, qui corpus mortuum dari in sacramento existimet? Quantus autem numerus eorum, qui hac interdictione à Christi instituto discessum esse affirmant: apud quos nullæ istæ defensiones sunt. Concilium iussit. Iubeat: modò cathedræ, in qua debet sedere, ambitu & complexu se contineat. Sin extrā prodeat, & ad cathedram pestilentiae defleat, ab eius fermento abstinendum. Ab unitate ecclesiæ non est discedendum. An potest iucundior ac solidior esse, appetiq; unitas, quam ecclesiæ: non quidem temporis unius, sed illius ueræ catholicæ, quæ iam inde ab initijs sumit exordium: in qua uel necesse erat comedentes bibere, uel ut uos dicitis, cuiusq; arbitrio permissum? In ecclesia cui præest Rom. pontifex, manendum est, in qua sit summa consensio. Hoc ne Pighius quidem dicere auderet: qui catholicæ ecclesiæ dogmata defensurus, mox in ipso religionis summo capite, ex quo pendet cognitio nostri, uiriumq; & facultatum nostrarū omnium, ab omnibus ferè disiunxit se, qui ante illum de peccato originis scripsere. Videmus etiam Hieremiam se ab illo cœtu segregasse, qui ordinariam habuerit successionem: qui confidentissime dixerit, non perituram legem à sacerdote, consilium à prudente, uerbum à propheta: cui pontifex ille præfuerit, apud quem summū iudicium erat. Iam quid agatur istis defensionibus ab ecclesiæ auctoritate ductis, uelim ab omnibus intelligi. Agitur de decretis ecclesiæ, & sententijs sacris literis mandatis, utræ alteris sint præferendæ. committuntur traditiones omnes,

omnes, quæ titulo ecclesiæ commendantur, cum ipsæ quæ à Christo uel instituta, uel arbitrio cuiusque permissæ esse dicantur, præfertur authoritas ecclesiæ uerbo Dei: hoc est, structura suo fundamēto, palmes uitæ. Et adduntur expositiones bellæ: litera occidit, spiritus uiuificat: hoc est, quod in libro scriptum est, id occidit: uox quæ in ecclesia auditur, ea uiuificat. Si qui uel disputandi causa contradicant, mox audiunt quod Helias ab Achab audiuit, Tu es qui cōturbas Israel: aut expectare iubentur, dum de re omni, quantum uis perspectissima, ad concilium referatur: quemadmodum nescio quis imperator Romanus ad senatum retulerat de eo, an Christus inter deos esset referendus. Vides quæ difficultates subeundæ, qui labores exhauriendi, quot & quāti labyrinthi superādi essent, prius quam ad rem ueniretur, si ex ecclesiæ authoritate disputandum foret. Feci igitur si parum, ut tibi uideor, seuerè, non tamen omnino dissolutè, qui ecclesiæ authoritatem ab hac disputatione se iunxerim. Hoc si tibi paradoxon uideatur: non est tamen usque adeo absurdum, quin inter petita aut postulata (ut dialectici loquuntur) numeretur. faciunt enim hoc mathematici, ut non omnia mox doceant: sed quædam sibi concedi postulent, quod maiore compendio eò perueniant, quod proposuerunt. Hac ego lege in hoc cer tamen tecum descēderam. cuius tu oblitus, inquisitorū mihi sententias de nunciare audes. Vale igitur cum magistralibus istis sententijs, & sententijs tuis. Ego non committā, ut ad eundem lapidem deinceps impingam.

FINIS SECVNDI DIALOGI.

*Si quid desideratur in hisce Dialogis, legantur ea quæ scripsit
author in libro de Ecclesia.*

ANDREÆ FRICII MODREVII DISPVTATIO

DE VERBIS DIVI PAULI I. CORIN. VII.

Bonum est homini uxorem non tangere, &c.

FRICIVS LECTORI S. D.



Nimaduerti uiros quosdam doctos in ea opinione esse, ut putent Pauli uerba, BONVM EST HOMINI UXOREM non tangere, sed propter fornicationem unusquisque habeat uxorem suam, de solis coniugibus accipienda esse. quasi bonum illis sit, ab usu coniugij omnino abstinere: & tamen si fornicationem uitare non queant, cuique cum coniuge sua consuetudinem licere habere. Contrā alios diuersam sequi sententiam, prioremque uerborum illorum partem cœlibus attribuire, bonum scilicet illis esse, uxorem commercio in totum temperare, qui ab illecebris ueneriis nihil sibi metuant: alteram ipsi, qui libidini æstanti resistere nequeant, ut hi uel uxorem ducant: uel si iam duxerunt, utantur ea quemadmodum ius coniugij poscit. Qui priorem sequuntur sententiam, se theologos uocant: quos secundam uident tueri, eos per contemptum rhetores appellant, magnamque eorum in hoc cecitatem destantur. Verum cum nobis secunda hæc sententia magis probaretur, periculum facere uoluimus, num eam probabiliter possemus tueri: comminationemque nostram scripto mandauimus, si qui fortè eam cognoscere uellent. Prodest autem hominibus studiosis, in eiusmodi argumentis uersari: ut quid propriè dicatur, quid uic minus, intelligi possit. Multas enim uul

Bb 3 gus.

gus quasi extriuio arripit interpretationes, parum quidem explicatas, sed quæ ab authore alicuius nominis profectæ sunt. In cuius tandem sententiam à multis itum est: non satis expensis causis & circumstantijs, quam obrem ita dictum sit.

Valerius
lib. 2. cap.
4. & Tri-
part. hist.
lib. 1. ca. 9.

Vt autem commodius à nobis tractetur quod instituiamus, argumentum loci illius primùm explicandum est: quod ex Pauli responsione loci illius colligamus. Videntur inter Corinthios, ut nouitios, qui primùm Christi religionem amplexi erant, cum de rebus alijs, tum de cœlibatu & matrimonio controuersia quædã fuisse. Audiebant cœlibatum multis laudibus extolli: beatosq; eos pronunciarî, qui se propter regnum cœlorum castrassent. Contrà uidebant, hoc uitæ genus cum magnis periculis cōiunctum esse: paucissimos semper extitisse, qui se illi addixissent: atque eos ob id male audisse: in rebus etiam publicis Ethnicorum poenam in eos constitutam fuisse, qui ad senectam cœlibes peruenissent: cōseruando generi humano seruire noluisse: eamq; alijs producendis operam nō præstarent, quam illis parentes sui præstissent. Denique in Rep. Mosis cœlibatum uix ferendum, steriles turpes & propè infames, munera & oblationes eorum in templis execrandas fuisse. Querunt igitur Corinthij de utroq; uitæ genere, utrum tutius, & utrum alteri præferendum, aut certè, an utrunque sit Deo ex æquo gratum? Paulus ita respondet, ut cœlibatum quidem præferat: sed tamen matrimonium minime uituperet. Ex hac responsione Pauli colligo, quæstionem fuisse de utroque. Quid enim cœlibatum attinebat laudare, si non hæc fuisset quæstio, quam dixi? Nostram sententiam confirmare uidetur frater Ambrosius Catharinus Politus, episcopus Minoritensis, his uerbis: Consuluerunt Corinthij apostolum circa iura matrimonij, quomodo illis implicari deberet, aut ab eo abstinere. Ad quod responderet, primò proponens fundamentum & radicem, unde elicitur penè resolutio omnium quæstionum. Dicit ergo indefinite seu uniuersaliter, Bonum est homini mulierem non tangere. hæc ille. Nos priorem responsionis partem ad cœlibes: alteram ad uxoratos pertinere dicimus. Sic enim Paulus: Bonum quidem est homini mulierem non tangere: uerum tamen propter fornicationem, quisq; uxorem habeat suam. Priorem igitur partem ad eos qui careant uxoribus, pertinere, inde patet, quòd de uxoratis parum uerè, parumq; aptè diceretur, bonum esse illis uxorem nō attingere. Quis est enim qui de re aliqua bona ita concionetur, ut finem illi contrarium ostendat, suadeatq;? Finis matrimonij est, ut uir tangat uxorem, uel proles educendæ, uel fornicationis uitandæ causa. Qui igitur ad uxoratum habeat sermonem, non rectè dicat, bonum esse illi finem non consequi, nec ijs medijs uti quæ ad finem perducant. Non igitur hæc uerba ad uxoratum pertinere possunt. Ad quem igitur alium, quàm ad cœlibem? Sed dicat quis, Paulum permittere coniugibus, ut ne precum tempore sese attingant. Permittit, sed non præcipit: neque est dubium, quin hoc idem eis permetteret in id tempus, quod necessitatibus Reip. impendendum esset. Certè præferenda est charitas patriæ rebus omnibus: atq; ita & congressui thori. Sed aliud est, loqui de re ad aliquam circumstantiã contracta: aliud, de eadem uniuersa. Bonum est homini uxorato, ab uxore abstinere, dū uacat orationi: sed nō est bonum in uniuersum. cœlibi uerò bonum est omnino. Cum igitur Paulus uniuersè loquatur, bonum esse homini mulierem non tangere: certè hæc uerba ad cœlibes referenda sunt: quibus bonum est, omnino mulierem nō tangere. Profectò rectè dicitur finem esse præclarissimam causarū omnium, quæ moueat efficien-tem ad opus, et sine qua efficiens cesset ab agendo. Quis unquā sanus & bonus

bonus uir duxit sibi uxorem, nisi uel prolis procreandæ, uel stupri uitandæ causâ. Huic, si quis concionetur, bonum esse ut non tangat uxorem, perinde fecerit, ac si quis hominî, opes honestis artibus partas habentî, diceret, Bonum esse ei non uti diuitijs, miserorû inopiam non leuare, non esse munificum in amicos et propinquos, sumptus nō facere necessarios, neminî quicquā de suo liberaliter impartire: aut si quis imperatori cōcionaretur, Bonū esse nō pugnare pro patriâ: aut oratori, Bonum esse foro abstinere, causas iustas non tueri. Quid magis absurdū tali oratione, qua hominibus, genus aliquod uitę professis, finē nō quē requirat illud, sed uel cōtrarium, uel aliū quendā prædicare pergas? Neq; ego ignoro, sæpe multa temporibus cōmutari, quemadmodū philosophum nescio quē ferūt, ex urbe ab hostibus capta abeuntem, auro non uoluisse uti, sed illud in mare abieciſſe: metuentem fortasse, ne, si auferre secū illud non posset, hostis eo positiretur. Oratori quoq; & imperatori bono nōnunquā à suo munere abstinere non incommodū fuerit: occasionem nimirū expectantibus aliam, quā quæ sit in præſenti, officio suo fungēdi. At quid ineptius, quā imperatori, oratori, hominîq; locupletî uniuersē laudare fines contrarios suę professioni? Et quāuis rei natura ferat, ut dehorteris aliquem à uitæ aliquo instituto, laudesq; contrarium: quod & Paulum hoc capite aliquoties facere constat, dum cœlibatui quasi arcem dat & principatum: tamen ei qui iam amplexus sit certum genus uitæ, honestum quidem illud, Deoq; gratum, effectus alios eosq; diuersos ostendere, ad eosq; hortari, hominis est temporî & rebus, ut ne quid aliud dicam, minimē seruiētis. Quod si utriusque coniugum consensu fieret, ut perpetuò continerent, nō equidem id esset, ut existimo, cum aliqua eorum iniuriâ. Scitum est enim illud, Volenti non fieri iniuriâ. Multa enim fiunt citra iniuriâ partium, inter quas res agitur, consentientibus illis: quæ cum summa uel utriusque uel alterutrius iniuriâ fierent, iisdem dissentientibus. Quamobrem, si apostoli, alijsq; homines, ex maritis, sua uxorūq; uoluntate, facti sunt cœlibes, equidē illos minimē peccasse existimandum est. Sed de huiusmodi continentia Paulum hîc non loqui, primū inde perspicuum est, quod dicit, Ne se coniuges mutuò defraudent, nisi ad tempus, precum causa. Deinde, quia studio eorū nimîæ castimonîæ modum uult adhibendum esse, dicens: Et iterum congregiamini, ne tentet uos satanas. Ad hæc, quia paulo post subdit: Alligatus es uxori? noli quærere solutionem. Solutus es ab uxore? noli quærere uxorem. Quod si marito Paulus diceret, bonum esse illi non tangere uxorem, quid aliud quā solutionem illi suaderet: non suadet autem solutionem: non igitur marito dicit.

Sed quemadmodum cœlibi dicit, cui fornicationem non metuenti, bonum sit non attingere mulierē, ut ne quærat eam: ita marito, ut ne quærat solutionem. Quomodo igitur constaret hoc cum eo, si diceret, bonum esse marito non tangere uxorem? Posset enim quicquam esse tam absurdum, quā ut, qui matrimōio implicato suadeat non quærere solutionem, iisdem eidem suadeat solutionem? Quæ enim solutio, quæ dirēptio matrimōij fingi possit maior thori dirēptione, qua facta tollatur status ipse, finesq; matrimōio constituti auferantur? Quod si tibi absurdum non uideatur, uxorato suadere diuortium, certē eadem ratione cœlibi suadebis quærere uxorem. Quo quid tandem magis confusum fieret? quid in Christianam Rempub. introduci posset magis perniciosum? Huic confusione, huic pernicipi, imò huic pesti Paulus occurrît, seu præcipiendo, seu consulendo: coniugato quidem, ne quærat diuortium: cœlibi autem, ne quærat uxorem. Sic enim natura rerum conserua-

tur,

tur, sic ueritas, sic æternitas, sic claritas status utriusque: cum quisque contentus statu præsentis, bono, & Deo probato, non ambit aliud: cum fines & terminos sibi constitutos non excedit: cum tuetur sua, non inuadit aliena.

Nō iam disputo in præsentis, uter status alteri præstet: nec illud impugno, consensu utriusque coniugum fieri posse, ut in perpetuum abstineant: sed Paulum id non agere hoc loco, ubi & coelibem & maritum cōtentum esse uult statu præsentis: ac utrunque ius suum & integritatem retinere, id uerò contendo. Nec enim de uniuersis attributis coelibatus matrimonijque sermo nobis est institutus: sed de loco Pauli 1. Cor. 7. Recte igitur dicimus, illa uerba ad coelibes pertinere: qui cum carere possint mulierum consortio, bonum illis sit, si eas nunquam ducant, nunquam attingant.

Restat altera antithesis pars, quæ ad eos pertinet, qui mulieribus carere nequeant. Hos Paulus docet, ut uitandi stupri causa unusquisque uxorem suam habeat. Sunt qui uocem SVAM ita interpretentur, ut absurdum putent, aliquem habere uxorem suam, nisi qui prius eam duxisset. Verbum autem Habere, accipiunt pro Vti: quod ex uerbis sequentibus ostendunt, cum ibidem dicit, Vir uxori debitum reddat, uxor uiro. Sed ea expositio confutatur locutionibus uulgaribus. Sic enim imitemur Paulinam locutionem: Bonum est hominī non indigere opera aliorum, impedimentisque multis. Veruntamen propter rixas, & multas difficultates fugiendas, unusquisque habeat & uestitū suum, & seruum suum, & equum suum.

An qui sic loquitur, tantum illis loquitur qui prius habuissent et seruū, & uestitū & equū: an nō illis quoque qui nō habent, ut curet habere, & deinde utantur re sua: sic enim et rixas fugient, & multis difficultatibus liberabuntur. Cum igitur Spiritus sanctus sermone usitato cum hominibus loquatur, cur non liceat ad eundem modum Pauli locum sic interpretari, ut propter fornicationē quisque suam habeat: hoc est, ut utatur ea quā habet: si nō habet, curet habendā, & deinde utatur? Ad utrosque igitur pertinet hæc Pauli sententia, & ad eos qui iam habent uxores, & ad eos qui debent habere. Ad eos qui iam habent, pertinent uerba quæ mox sequuntur, ut uir uxori debitum reddat, & uxor uiro: nec alter alterū fraudet, rem debitam subtrahendo, nisi forte ex consensu, tempore precationis. Ad eos qui non habent, sed debent habere, pertinent uerba paulo post sequentia, Melius esse nubere quā urī. Tota hæc orationis pars partim ad coelibes pertinet, quos præfert: partim ad eos qui continere se non possunt: ut si uxores habent, eis utantur: sin minus, curent habere, atque ita utantur. Atque addit de his ipsis matrimonio iunctis, ut ne alter ab altero discedere audeat. At Hieronymus, & quidam alij magni nominis theologi, authores sunt interpretationis illius, ex uocibus HABEAT & SVAM ductæ. Mihi uerò nō libet consecretari omnium expositiones, quæ sæpe de multis rebus & uariæ sunt, & propter uarietatem incertæ. Fateor quidem Hieronymi esse illā interpretationem, quam cum multi alij, tum Stephanus Vintoniēsis, Anglorum episcopus doctissimus, & multi alij sequuntur. Sed quemadmodum Vintoniēsis discedit eodem in loco a sententia Hieronymi, cum uocabulum Bonum (in illa sententia, Bonū est hominī, &c.) interpretatur: ita puto alijs idem cum causa facere licere. Nam & locutiones uulgares quibus Spiritus sanctus nobiscū agens libenter utatur, & antithesis continentium & non cōtinentium, ostendit, interpretationem quam dixi, non abhorre a ueritate. Iam Vintoniēsis ipse antinomiā sententiarum illarum (Bonum est mulierem non tangere: & Non bonum est hominī esse soli) explicando sic inquit: Mulierem non tangere, coelibī bonum: marito autem non bonum, qui debitum debeat. Quid apertius pro nobis dici potu-

potuit, qui illa Pauli uerba ad cœlibes pertinere affirmemus? Erasmus etiā Roterodamus in Paraphrasi, multa eiusmodi dicit, unde sententia nostra cōprobetur. Sic enim ille: Multis de causis commodum erat, in totum ab uxorū commercio temperare: quarum usus crassum quiddam habeat, ac hominem curis mundanis inuoluat. Verū quia indomitus & uiolētus est hic affectus, tutius arbitror, ut sua cuiusque sit uxor, & suus cuiq; maritus, ut uterq; alterius intemperantiæ medeatur. Hæc in summa habet Erasmus, licet uerbis pluribus. Non ne in priore parte dicit, Bonū esse cœlibem agere uitam: cum matrimonium & ipsum, & usus eius, à sacris studijs abstrahat hominem? Et quemadmodum hic & à statu ipso matrimoni, & ab usu optat temperandū esse: ita in parte altera, & de ordine matrimoni & de usu loquit. Quod si hæc obscurius dicta uideantur, audiamus uerba quibus in Annotationibus utitur, inquit: *μη ἀφ' ὧν γυναικός*, nihil aliud sonat, quā si dicas, bonum est abstinerere ab uxore: hoc est, non ducere uxorem. Paulo post (omittimus enim ea quæ non seruiant proposito) Quæ, inquit, sequuntur uerba Pauli, indicāt hunc esse sensum, Propter fornic. autem, &c. Optimum erat non ducere uxorem: ceterū qui metuit ne labatur in stuprum, ducat potius: & suam habeat citius, quā alienam. Et infra in uerbis Pauli, Vnusquisq; habeat suā: His, inquit, qui sibi permissuri essent scortationem, aut fœdius aliquod libidinis genus, imperat, ut potius ducant uxorem. Sed quia autoritas Erasmi à quibusdam eleuatur, qui eum non nisi Grammatici nomīne dignantur: audiamus itaque sententiā præclari theologi Ioannis Hoffmeysteri. Votum, inquit, Pauli est, Bonum est homini mulierem non tangere. Verū cum hoc optare possit, dare non possit, addit præceptum, ut qui continere non possit, matrimonium ineat: ne parum fœliciter quod est optimum affectans, in deteriora prolatur. Ambrosius quoque Catharinus in uerbis, quæ suprā citauimus, planē dicit, illud indefinitē seu uniuersaliter esse dictum, Bonum est homini mulierem non tangere. Postea interpretando secundam partē antithetis, sic inquit: Nota etiam, esse præceptum, cum dicatur *ἐξέτω*, imperatiuo modo. Imperat enim apostolus non ualentibus continere, ut ducant uxorem, ne fornicentur. Quod præceptum utinam seruaretur: non autem illud admitteretur, ut qui semel professi sunt, uoto propter CHRISTVM castrati, rursus hæreticorum autoritate atque potestate detestanda aptarentur ad nuptias. Hæc ille. Nihil iam uideo aliud quod nostræ aduersetur sententiæ, quā quod à multis iactetur, hunc esse ab omnibus ferē interpretibus, atq; adeo Erasmo ipso ordinem Paulinæ orationis constitutum: primo loco eum de ijs, loqui, qui sint matrimonio implicati, itaque nefas esse, eodem in loco mentionem facere uirginum. Quasi uerò illud non sit scriptoribus omnibus usitatissimum, cum rem aliquam tractare instituerunt, ut uel interferant, uel præponant quædam, seu obiter incidentia, seu ad propositum nonnihil pertinentia: qualia sunt affinia, qualia item contraria: quorum comparatione res proposita illustretur. Quid igitur causæ est, cur Paulus de irretitis matrimonio loquēs, non aliquid de cœlibibus, deq; ijs qui coniuges fieri uelint, præfari possit? Multi interpretum, qui oeconomiam illam orationis Paulinæ constituerunt, eum, quem diximus, sensum uerborum esse affirmant: neque tamen de rationis splendore & amplitudine quicquam circūcidunt. Sic enim antithesis interpretantur, ut primam eius partem uirginibus dent, quæ sine metu fornicationis, castitatem seruare possint: secundam ijs, qui ad uitandam fornicationem, uel iam duxerint uxorem, uel ducturi sint. Itaq; bifariam distribuunt hanc secundam partem. Primum dicunt loqui Paulum de ijs, qui iam matrimonio sint coniuncti, cum præcipit, uterq; coniugum alteri debitum reddat: deinde de ijs, qui coniungi uelint, cum ait, melius esse nubere quā uri. Et

quemadmodum principio de coniugibus incipiens loqui, præfatus erat, Bonum esse mulierem non tangere: ita hic, cum uiduas & uirgines alloquitur, præfatur, Bonum esse utrisque, si sic permaneant ut ipse. Quid igitur absurdi est, si utramque hanc sententiam de cœlibibus intelligamus? Primum hac interpretatione sermoni uis nulla est allata: quā ab illis adhibitā ostēdimus, qui in uerbis HABEAT S.V.A.M., quærunt mysteria, hoc est, in scirpo nodum. Deinde tum uirginibus, tum coniugibus, tum etiam matrimonio copulandis, sua orationis pars data. Quis igitur nos hac in parte reprehendat? Absurdas interpretationes, quantum possumus, uitamus: de maiestate orationis nihil detrahimus: cœlibatui primas tribuimus: matrimonio suum locū damus: utrisque, & coniunctis & coniungendis matrimonio, satisfacimus. Quid igitur desideratur in interpretatione, quam diximus? quid in ea est noui? quid inauditi? quid non ē re ipsa petitur? quid rationi non consentiens? quid scripturis sacris parum consentaneum? Neque uideo, quid nobis uitio uerti possit, nisi quod præiudicatis quorundam opinionibus contradicamus. Verum quia nullius in uerba iurauimus magistri, puto nobis hanc ueniam concedi oportere: ut momenta rationum pluris faciamus in disputando, quā auctoritates: præsertim cum nihil à nobis, quod quidem sciamus, in religionem peccetur, nihil in sententias Dei immortalis. Vale lector, & tuo iudicio frui.

TOTIVS OPERIS FINIS.

RERVM ET VERBORVM IN AND.

FRICII DE REPVB. EMENDANDA ET

reliquis libris præcipuè memorandarum

I N D E X.



Aron idolola-	luit	85	mini interdicunt	296
tra	214	Alexātri Seueri Imp. mos	28.	Augustini ad Hieronymum li
Abbatiss Panor-	in eligendis rectoribus atq;		teræ	227
mitani sentē-	procuratoribus prouincia-		Augustini lapsus	ibid.
tia de coniu-	rum	68	Augustini sententia de cœnā	
gio clericorum	308	Alfonsi Viruesij de pœnitentię	mystica infantū reiecta.	226
Abrahę iustificatio explicatur.	operibus sententia	238.	Augustini uerba de iustitia	
249	eiusdem interpretatio Pau-		Dei 245. item de miseri-	
Absolutio	lini loci de coniugio	294	cordia Dei	244
Accidentium ratio	374	Ananias Pontifex à Paulo in-	Aulæ mores & utilitates	23
Accusatoris officium	138	crustatus paries uocatus.	Aulico uni Polono quatuor sa-	
de Accusatoribus & defensori-	Ambitio, honorumq; conten-	214	cerdotia permissa	339
bus, tum suas causas agenti-	tio miserrima	64	Aulicorum operum premium	
bus, tum publicas	136	D. Ambrosij facta	episcopatus	ibid.
Achabi regis pœna	72.	dem uerba de figura panis	Auxentius episcopus Medio-	
eiusdem pœnitentia	240	& uini in cœna Domini.	lanensis, pro heretico habi-	
Adolescentū studia cuiusmo-	Amedeus Dux Sabaudię à cō-	272	tus	214
di	cilio in Papæ locum suffe-			
Adolescētię studia consequen-	ctus, &c.	215	B	
tes atates sequuntur	344	Amphictyones	Baptismus	265
Adoratio Christi in sacramen-	Ancyritanum cōcilium sacer-	131	Baptismi & cœnæ Domini	
to cœnæ	dotibus matrimoniū con-		iusta de causa neglectio, an	
Adrianus Pontifex, theologię	cessit	289	hominem damnet	236
peritissimus	216	Animi uera magnitudo	Baptismi uis in quo consistat.	
Adriani Sexti Pontificis de or-	Andreas Fricius ad cōcilium à	89	373. quantum sese exten-	
dine ecclesiastico iudiciū.	rege Polonorū delectus.	193	dat	255
Adulatorum cōsuetudo omni	Andræ Fricij modestia	192	Baptistæ Mantuani de lege cœ-	
homini, & max. uiro princi-	Andreas Lubelius	199	libatus querela	309
pi fugienda	30	Annulorum usus quibus Car-	Bartholomæi Latomi compa-	
Adulatorib. cur delectemur.	thagini concessus	74	ratio, inter Bucer uxorem	
ibid.	Apostoli an in cœna biberint		& Eccij scortillum	297
Aedes ex lapide cur construē-	sanguinē effusum, an in cor-		Beatitudo uera quæ	248
da	pore Christi existentē	378	à Bellatoribus quæ obseruan-	
Aedilium munera	54	Apostolorum concilia	da	160
Aegyptiorū regum studiū	29	Apostolorum uxores	Bellum ad uindicandas iniu-	
Aequalitas inter ciues consti-	Apostolos baptizasse in nomi-	303	rias, quæ aliter sarciri ne-	
tuenda	ne Christi	373	queunt, gerendum	157
Aetas prima qualiter educan-	Archidiaconi cur presbyteris		Bellū modis omnibus ut auer-	
da & instituenda	præfecti	51	tatur studendum	149
Affectus an omnes ex homi-	Archidiaconorū officium.	357	Bellum per facialem legitimę	
ne tollendi	17	Areopagitæ	indicendum	152
Agamēnonis ad Diomedem	131. cur in tene-		Bellum si auerti nequeat, quid	
oratio	bris causas cognoscere so-		agendum	151
Agefilai Laconum regis præ-	liti	126	Bellum sit legitimum	168
clarè dictum	30	Aristocratia	Bellum ut sit fœlix, ab homini-	
Alexander Imperator crimen	Aristotelis dictum	210	bus Deo reconciliatis ge-	
Isę maiestatis restrinxit.	Arrius ab episcopis trecentis		rendum	158
Alexander Magnus Aristote-	exilio multatus	222	Belli causarum iustitia decla-	
lis discipulus	Arrij hæresis	223. 368	ratur	154
Alexander Magnus cur unam	Artifices tantum ad opera ma-		Belli finis uictoria	166
tantum alteri parti aurē ac-	gna tractanda adhibendos		Belli iusti causarum repetitio.	
commodarit	esse	190	186	
Alexandri Macedonum regis	Artium utilitas	5	Belli iustitia & honestas	132
præclarè dictum	Auaritia	53	Belli sanctitas, & inter opera	
Alexandri Magni studium	29	Augustinus contra Maximi-	humana præstantia, multis	
Alexander Seuerus non aliter	num	233	modis ostenditur	158
ad se epistolas, quàm ad pri-	Augustinus, & multi alij, licet		Bellorum calamitates infini-	
uatum aliquem scribi uo-	uotum commendent, ma-		ta	156. 157
	trimonium tamen ideo ne-		Bellorum causa	363

INDEX

Beneuolentia 186. quibus niti debeat 363	suscipit 170	ibid. 186	ma 186
Beneuolentia uis 363	Castellani, uel tribuni	170	Cmethones coloni 179.
Boleslaus Poloniae rex a Sta- nislao Scepaneo Cracouiē si episcopo excommunica- tus 346	argumentorum quae in facili- tatem Castitatis afferuntur, examen 313		eorundem seruitus miserri- ma 184
Bonifacii Papae ambitio, fraus, ac insolentia 340	Catechismus toti Ecclesiae tra- dendus 344		Celibatus in Repub. Moſis ignominiosus 384
Bonifacii Octauii sententia de uoto 291	Catonis iunioris accusatio. 138. in petendo tribunatu impulsio 64		Celibatus uotum unde uiole- tur 291
in Bonifacii Papae elogium. 340	Cauponum licentia 32		in Celibatu sacerdotum duo consideranda 287
Bonorum morum & malorum ortus 15	Causa posita, necessario sequi effectum 366		Celibem agere uitam, bonum esse, Erasmi sententia 387
Bonis moribus rempub. opt. gubernari 14	Celestinus tertius, Constantiam e monasterioeductam, Henri- co Sexto Federici Barba- rossae filio in uxorem collo- cat 307		Celibes ad senectam usque ethni- cos punisse 384
Brachium regale 140	Ceſores uel uisigoti in Re- pub. necessarii 49. 138		Celibes ex alterius coniugum uoluntate factos, non pec- casse 385
C	Censores quot in municipiis constituendi 51		Cena Domini qualis olim fuerit 370
C. Caesaris adulterium 81	Chalcedonensis lex uoto casti- tatis obstrictis nuptias pro- hibet 293		Cena Domini sub utraque spe- cie 280
Caina haeresis Hieronymo im- probata, ab Ecclesia recipi- tur 226	Chalcedonensis synodus pres- byterum a suo populo ab- esse uoluit 319. 339		Cenae Domini causae finis 282. ibid.
Caimi poenam septuplam, fu- isse capitalem 115	Choiennus 66		Cenam Domini etiam laicis integre, non dimidiatim ex- hibendam esse 281. 282. 283
Calicis interdicti causa 375	Christiana uita 345		Cenam Dominicam nulli tem- pori esse alligatam 374.
Calicis usus uetustiss. 375	Christianae uitae disciplina quae grauior atque constantior. 347		in Cena Domini, rationibus humanis amotis, Christi uoluntas amplectenda, qui cibo addidit potum 283
Calicis usus, sine sacrificio aut consecratione, an sit licitus. 369	Christianorum uetus mos in electionibus ministrorum. 68		in Colonos impuris, hominum uoces 128
Callimachi Experientis confi- lium Ioanni Alberto regi datum 36	Christianos non debere parti- cipare sacris gentium 279		Communione laicorum confirma- tio 366. ratio 366. ibid.
Cambyſes in Siſamnem male indicantem, quale genus sup- plicij statuerit 128	Christus ad redemptionem ge- neris humani cur sanguinem suum effundere uoluerit. 367		Confessio auricularis 236
Canonici qui proprie uocari debeant 357	Christi corporis modus ser- uandi in sacrijs 276		Confessio qualis esse debeat 221
Canonis Aliter intellectus de- fenditur 304	Christi institutio sacramenti eucharistiae 368		Concilium Ecclesiam uniuersam representare 200
Canones ex Gratiano citati, presbyteris coniugium con- cedunt 305. 306	Christus utraque speciem insti- tuit 376		Concilium generale ex quibus nationibus praeter alias co- stare debeat 199
Cantores 357	Christi institutionem omnem naturae captum excedere. 367		Concilium oecumenicum. 190
Carcerem non informare, sed crimen 123	Christi mortem ad salutem ater- nam sufficere 238		Concilium qua uia & ratione procedet 191
Carnifices 139	eorum qui Christi tempore unam speciem eucharistiae sume- bant, exempla 371		Concilij errores quibus argu- mentis tollendi 220
Caroli V. Rom. Imp. & Ferdi- nandi cum prudentiss. & for- tiss. uiris consuetudo 28	M. Cicero 61. ob uirtutem pater patriae a Romanis ap- pellatus 329		Concilij necessitas & autori- tas 198. 317
Caroli Caesaris expostulatio cum Paulo tertio, concilij Tridentini causa 341	Circumlatio corporis Christi in sacramento cenae 276		Concilij Tridentini mentio. 199. 218
Caroli V. Imp. studium 29	Clemens Septimus illiteratus, in Papam electus 341		Concilio imminente, quae po- te sint aperiendae 191
Caroli prudentia in bello Ger- manico 168	Clementiae sit locus inter ar- -		Concilia episcoporum non esse generalia 203
Carthaginenses militibus suis uini usum interdixerunt 165			Concilia quid requirant 213
Casimirus regis Poloniae fi- lius, professione monachus, a Benedicto Papa e mona- sterio dimissus 307			Cocilia uniuersalia & oecume- nica cur uocentur 201
Casimirus rex Polonorum ex Maria uxore liberos quinque			Conciliorum concertationes quae requirant 208
			Conciones ordinariae in tem- plis 344.
			Concubitus

INDEX.

Concubitus uterq; aduersus celibatum pugnat	292	Defensoris officium	137.138	poris, cum ijs qui primitiue præfuerunt, cōparatio	195
Confirmatio	265	Delationibus non temerè cre dendum	35	Ecclesiæ potestas	223
Confederationes an cum na tionibus diuersæ religionis sint licitæ	149	Delicta hominū unde nascan tur	95	Ecclesiæ nomine quid signifi cetur	229
Concilia principum ante tem pus non temerè diuulgan da	40	Democratia	11	Ecclesiæ uerè catholicæ unitas conseruanda	382
Constantinus Cæs.	66	Deus uitæ scopus	342	Ecclesiam Christi quæ nam e uertant	197
Constantinus concilio Nicæ no à se conuocato præfuit.	203	Dei lenitas diuturna nos ad pœnitentiam, non impuni tatis fiduciam excitare de bet	6	in Ecclesia ordinaria successio qualis fieri debeat	215
Constantini Imperatoris Ro mani commendatio	191	Dei sermo	222	Ecclesiæ occidentales sacerdo tibus cur matrimonij usum interdicant	291
Constantinus Iuani filius	61	Dialectica discenda	209	Ecclesiarum abusus	359
Consuetudinē honesti in mo derandis affectibus prauis positam esse	15	Dictatoris apud Romanos summa potestas	40	Ecclesiarum locustæ	360
Contritio prima pœnitentiæ pars	236	Diomedes cur socium sibi ad bellum Troianum Vlysem eligat	208	Ecclesiarū patroni quales.	348
Controuersiarum rationes di uersæ	235	Discipulorū Christi arma	222	Ecclesiastica beneficia	356
de Conuentib. uniuerforū.	135	Discordiæ inter ciues tollendæ, concordia constituenda	36	Ecclesiastica dignitatis officia in quæ uitia transierint	339
Corinthiorum quæstioni de utroq; uitæ genere Paulus respondet	384	Dispensationes de laborando in Ecclesia per alios, quid incommodi pepererit	341	Ecclesiastica disciplina	342
corporis Christi modus essen di & manducandi in sacra mento cœnæ Domini.	267.	Diuerforia unde nomen ha beant	56	de Educatione filiorum uiro rum heroum	68
268. 269. 270		Diuitum uoces	72	Eleemosyna	237
Criticorum censura	298	Domini appellatione quis in dignus	31	Elias Constantini filius	61
de Curatoribus rerum uena lium & nummorum	51	Domino num liceat, ut aliqd adimat subdito suo	70. 71	Emaunthana historia	371
Custodes	357	Drabonum licetia uulgò men dicandi minimè ferenda	56	Episcopatū appetere, bonum opus	64
Cyaxaris luxuria	165	C. Duellius	173	Episcopus cur unus cui libet ecclesiæ præfectus	336
Cypriani locus de operibus. 237. Eiusdem opinio de non baptizandis & absol uendis, spiritu sancto caren tibus, dānata	226.	Durandus argumenta quibus negatur præsentia panis, & quib. affirmatur, soluit.	274	Episcopus ex genere & diui tjjs minimè eligendus	334
Eiusdem sententia de uirginibus Deo dicatis	292	Duronius cur numero senato rum exemptus	51	Episcopus sit unius uxoris uir	288
Cyrus milites suos in cōtinen tia coercuit	165	E		Episcopi electionē in multos dies non esse protrahendā.	337
Cyrus puer 33. eiusdem ad Assyrios uictos oratio	71	Brietas apud Turcos capi talis	55	de Episcopi electione ueterū decretum	ibid.
Cyri responsio falsa & uera, Astyagi percunctanti data.	76	Ecclesia	223	Episcopi munera	336
		Ecclesia præter spiritum inter pretandi uerbi Dei, etiā do num curationis habet	225	Episcopi boni conditiones & officia, ante electionem re citantur	333
		Ecclesiæ arma non esse carna lia	324	Episcopi & presbyteri à quj bus eligendi	331
		Ecclesiæ authoritas	374.	Episcopi quid cogitare potiss. debeant	362
		ex uerbo	230	Episcoporum arrogantia.	206
		Ecclesiæ bonorū raptores qui.	359	Episcopos eligendi ratio præ scribitur	331.
		Ecclesiæ censura, seu excōmu nicatio	345.	tur	334
		hodie pror sus negligitur	346	Erasmus cur à nonnullis theo logis reprehensus	342
		Ecclesiæ Christi speculator	335	Erasmi sententia, de Christi ado ratione in sacramento cœ næ	275
		quis	335	Error paruus in principio, sit maximus in fine	375
		Ecclesiæ honores atq; redditus, quibus hominibus hodie decernantur	327	Erroris causæ	347
		Ecclesiæ ministri	348	Euangelij quid significet.	230
		Ecclesiæ ministrorū huius tem poris, cum ijs qui primitiue præfuerunt, cōparatio	195	Euangelium an sit uox tradi tionis, non scripturæ	ibid.
				Eucharistia	265
				Cc 3 Eucharistia	

INDEX.

Eucharistia: usus an in Euan- gelio præcipiatur 369	uero pratorio datum 107	decernenda 173
confutatio quarundam obie- ctionum, cōtra usum sacra- menti Eucharistia sub utraq; specie 372	Hæresium causa 317	Imperare recte & ordine, diffi- cillimum 3
Eugenius Quartus, à synodo Basilienſi pro hæretico de- claratus, & pontificatu suo motus, &c. 214	Hæretici quibus scripturis op- pugnandi 222	Imperatoris officia 167. 336
Eustachius 66	Hercules cur ab Argonautis relictus 184	Imperatores à synodis eccle- ſiarū nō esse excludendos. 201
Excommunicandi modus. 346	Herculis rapina 81	Imperatorum & iudicum mu- nera 48
Excommunicandi potestas to- ti Ecclesiæ permittenda 347	Hieronymi Lascij Siradia Pa- latini in re militari peritia. 168	Imperium amplum 154
Excommunicationis præfides qui constitui debeant. ibid.	D. Hieronymi testimoniū de scripturæ dignitate 234	Imperiorum translatio & ui- cissitudo 353
Excommunicatione qui sint di- gni 346	Hieronymiani argumenti exa- men, & ad autoritatē eius- dem aliorumq; magnorum uirorum responsio 299	Inæqualitatis inter ciues cau- sa 32
Executores sententiæ à iudice latæ 139	Hispanicus mos in electiōe iu- dicis municipij alicuius. 108	Infantes ab Herode occisi, sine circūcissione saluati credun- tur 236
Exercitus in agros hostiū pri- mo q̄q; tēpore educēdi 169	Historia de nobili à nobili in- terfecto 49. item de sa- tellite ab equite uulnerato, & postea occiso 48	Insolētia militum sub tempus belli 149
F	Historia nuncia uetustatis 231	I N T E R I M libri uerba de pœnitentia 238
Facio uerbum 370	Hoffmeysteri & Coruini de Augustini locis quibusdam in Ecclesia receptis dissen- sio 226	Inuidentia 17
Fama & existimatio in bello magni momenti 172	Homicidium an pœna capita- li, seu pecuniaria sit iudi- candum 43	Ioannis Baptistæ de pœniten- tia concio 244. eiusdem responsum, militibus inter- rogantibus datum 170
Fides 236. 243	Homicidij quatuor genera. 113	Ioannis Caluini de satisfactio- nibus sententia 239
Fides sola iustificat, an citra pie- tatis offensionem ferri pos- sit 247	Homicidio pœna capitalis cō- uenientis. ibid.	Ioannes Lascius 177
Fidei Christianæ aduersarij ar- ma non tradenda 212	Homicidiaria iniquis. lex 39	Ioan. Picus Miradulanus 205
Fidei ne soli, an etiā spei & cha- ritati, & alijs bonis operib. remissio peccatorum com- perat 242	Hominis literarū studiosi offi- cium 8	Ioannes presbyter monarcha 200
Fidem ex auditu esse 224	Hominem renouari per bap- tismum ad imaginem Dei, quid 235	Ioannis Tarnouij dictum illu- stre 70
Fisci præfecti q̄t esse debeāt 180	Hominib. naturaliter Dei cul- tus insitus 350	Iosua terram hereditariā inter tribus uniuersas partiti à Domino iussus ibid.
in Feneratores à Romanis se uerius quā in fures ani- maduersum 119	Honor uerus 58	Iracundiā esse temperandā. 17
Fortitudo 18. 37	Honores an petere, uel emere, siue uni plures gerere lice- at 58. 59. 63. 66	Irati 16
Fridericus Tertius Imp. fures primus suspēdio puniit 113	de Honoribus, in quos paren- tibus filij, uel alij heredes le- gitimē succedant 68	Iratorū uultus atq; gestus 117
Frugū caritas, sæpe caritatem aliarum rerum efficit 51	Honoribus mandandis quid in primis spectandum 57	Isidorus Clarius Brixianus, monachus Casinensis 249
exportationes Frugum nimia moderanda 52	Hostib. aditus unde pateſiat de Humanitate subditis præ- ſtanda 70	Iſocratis schola principes mul- tos produxit 355
Funerarium orationū mos an improbandus 88	ut Humiles quamminimē iniu- rijs exponantur, curandū. 111	Iudicis officium 136
G	Hufsi interitus 377	Iudicis præcipuæ partes 125
Allorum mos in eligendo rege à stirpe regia alie- no 109	Hypatianus orator 203	Iudicem esse neminem causæ suæ debere 128
Gangrenſis concilij de presby- terorū cōiugio decretū. 300	I	Iudices concilij quales eligen- di 213
Gelasius Papa sacramenti diuini fionem uetuit 367	Iacobus Hierosolymitarum episcopus 92	Iudices & notarios municipio- rū in Polonia eligēdi mos. 338
uera Gloria quæ 156	Ianizarorum mentio 172	Iudicum centuriæ Spiræ & Lu- tetia constitutæ 131
de Gratia reconcilianda 91	Ieiunium 237	Iudicum genera an plura, pro qualitate causarum & per- sonarum constituenda 129
H	Ignauis & malis uiris pœnæ	Iudicum rerum ecclesiastica- rum consuetudo 126
Abitare pro uti 386		à Iudicum subsellijs omnes ca- teruæ, omnia arma remo- uenda 137
Hadriani Imp. responsum,		de Iudicibus & iudicijs in Iudicio

INDEX

in Iudicio omni quot personę requirantur	128.218	Leges in luxum omnis gene- ris	120	Magistratum unum uni muni- cipio sufficere	108
Iudiciorum necessitas	13	Leges in ociosos	ibid.	in Magistratum municipij ali- cuius quis eligendus	107
Iudiciorum rarius exercendo rū an mos improbādus	130	Leges in uiolentos, adulteros, fures	112.	de Magistratu, qui ociosos ex ciuitatibus expellat, & in e- brios animaduertat	55
Iulij Cæsaris studium	29.	113. in reos maiestatis	118.	Magistratus domi constituen- di, qui militum in bellū pro- ficiscentiū licentiam & præ- dam comprimant	170
de uxore sua dictum	346	in fœneratores, auaros, & ambitiosos	119	Mahometes Turcis uini usum cur interdixerit	120.165
Iusiurandum	123	Leges plus ualeāt, quā man- data principis	146	Maestas	119
Iusiurādum arētis. ad officiū debitum præstandum esse uinculum	127	Leges quibus de causis ualeāt.	100	Maledictio	217
ad Iurandum & testimonium dandū qui nam requiri de- beant	124	Leges uerbis perspicuis & ra- tionibus additis scribātur.	142.	Manuum impositio	266
Iustificatio	241	142. & de rebus similibus similes	144.	M. Marius ob uirtutē septies consul creatus	329
Iustificationis & bonorū ope- rum controuersia explica- ta	247	populis unæ	145	Martialis scomma	137
Iustitia	31.146	Legum cautiones	101.106	Martianus Imperator synodo Chalcedonēsi interfuit.	203
Iustitia Christiana	249.	Legū collatio cū medicina.	102	Martianus Theodosius	191
duplex	245	Legum & morū discriminē	100	Martinus Beresius Aiala.	286.
Iustitia uirtutum clarissima	18	Legū methodus unde sumen- da	142	cœlibatum presbyteris ser- uandum esse cōtendit	287
Iustitia Christiani in remissio- ne peccatorum sita	248	Legum officium	105	Matrimonium	265
Inuentus ad bellandi studium quomodo exercenda	161	Legum uarietas ac distinctio.	106	Matrimonium cum sacerdo- tio quomodo pugnet	291
L		Leuitę quales olim fuerint.	326	Matrimonium quid	287
Laici cur ab utraq; specie cœ- nę Dominicę nō sint ar- cendi	367	Liberalitas	36.	Matrimonij finis	289
Laici an ad cōcilium adhiben- di	201	uera & ger- mana	57.	Matrimonium non esse sacra- mentum	263
Lancicorunius	66	in quo con- sistat	103	Matthias Miechonita	76
Lapsus faciles in rebus ma- gnis	4	Litera occidentis	224	Q. Maximus	61
Lascius	66	Literarū studia cur frigeāt.	363	Mazouia tetrarchiæ oratorū petitio	108
Legati ad conciliū quales mit- tendi	207.219	Litigantiū certamē de sentētia iudicis sine scripto dicta, in causa propē criminosa	127	meda ywande	387
Leonis Imp. Rom. ad Armañ de eligendis episcopis lite- ra	335	Liuius Salinator Cl. Neronem collegam cēforia nota per- sequutus	51	Medicina	225
Lepšyryczerniz Panoffa	110	Lucas Aquilinus, Petricouia presbyteros nō esse debere uxoratos, cōcionatus	295	Mendacię turpitudine	86
Legislatoris cura	101	C. Lucilij dictum	8	Mercatores quales D. Chryso- stomus taxet	53
Lex contra cōniciatorem	143	L. Lucullus ad bellum Mithri- daticum profectus	355	Meritum quid	252
Lex, homicidam ante 24. hora rum spaciū morte mulctari iubens, improbata	116	Ludouicus, Sigismundi secun- di Polonorum regis patrue- lis frater	187	Metus	186
Legem iniustus esse positā	99	Ludouici Hungarorum regis interitus	159.	Midæ auriculæ à ministro in- mo proditæ	60
Leges à quibus emendandæ. 140. cur positæ	363	eiufdem ui- tæ exitus cur fuerit calami- tosus	38	Militaris profectiois mos à ueterib. Polonis sanctē ob- seruatus	171
Leges de actionū & probatio- num generibus, de diebus legitimis, de ferijs	121	Ludouici Viuis præclare dicta.	81	de Militari arte & exercitatio- ne	159
Leges de contractib. & obliga- tionibus	111.	Lupanaria an in Repub. tole- randa	78	Militiæ Christianæ arma non esse corporalia	221
Leges de iniurijs quæ uerbis fiunt, aut re	111	Lutheranos principes ad con- cilia ritē uocari	202	Militis officia	163
Leges de magistratibus	107	Lutherana secta Euāgelica di- cta	220	Milites in statuiis ne sint ocio- si, ludos instituant, & præ- mia proponant	171
Leges de personarum priuata rum discrimine	110	Lutherus quando scribere & docere cœperit	341	Milites domesticos potius q̃ externos esse eligendos.	161
Leges in conuiciatores & per- cussores	112	M		Militibus cum incolarum inui- ria nihil omnino conceden- dum	189
		Magistratibus iusta præmia constituenda	361	Monachiorum studia.	307.349
				Monarchia	11
				Cc 4. Monasteria	

INDEX.

Monasteria	349	O	Occasiones facere fures	150	daos, paternum genus ia-	
in re Monetaria quid confide-		O	Octauio cur Augusti no-		ctantes	326
randum	53		men inditum	5	Pauli & Barnabæ dissensio.	
Monomachia quatenus con-			Odium	17	220. item eiusdem & Pe-	
cessa	90		Officia, quæ à nobis debentur		tri	ibid.
Monopolarum nundinatio ta-			sanctis	259	Pauli factum	325
xata	52		Oligarchia	11	Pauli locus, Bonum est homi-	
de Monte pietatis extruendo,			Operû merita & dignitas, quæ		ni uxorem non tangere, ex-	
& utilitatib. eiusdē. 176. 177			fiunt à regeneratis	251	plicatur	383. 384. 388
Montis pietatis locus qualis			Operum nostrorum imperfe-		Pauli locus de deposito expli-	
esse debeat, & ubi	180		ctio	255	catus	375
Mores	13. 14		inter Optimates inimicitie nō		Pauli locus, Melius est nubere	
Morum bonorū pestes, igno-			serendæ	36	quàm uri	386
rantia, & rerum malarum			Orator optimus quis	30	Pauli uerborum, Oportet epi-	
consuetudo	26		Ordinē sacrum matrimonio		scopū unius uxoris esse ui-	
Morum uim maximā esse	14		non repugnare	298	rū, fusior interpretatio	302
de Moribus & disciplina mili-			Origenis sententia de sacrificio		Iulij Pauli Iuriscōsulti lex	143
tum	165		indefinienti	ibid.	Pauli Tertij Papæ tyrānis	340
Moribus bonis regendā esse			Orij incommoda	343	Pauperum curatores	56
Rempub.	14		Ouidius cur in exilium mis-		quibus de causis Pax turbe-	
Moses diuinorū oraculorum			sus	78	tur	147
primus scriptor	230				Pacis tēpore quid agendū.	150
Mosen consilio Iethronis mul-		P			ad Pacem, placabilitatē & con-	
tos uiros principes ad suā		P	Alatini	167. 170	cordiā quæ nos incitare de-	
administrationē elegisse	38		Panis cœnæ Dominicæ cur		beant	95. 96
Mulierem non tangere, quate-			post benedictionem trans-		Peccatum originis	241
nus homini bonum	383.		mutatus dicatur	272	Peccatorum remissionē absq̃	
384. 388			Panis cœnæ Emaunthanæ, sy-		sanguinis effusione fieri nō	
Mulieres à publicis munerib.			necdochiç intelligendus,		posse	376
se abstineant	72		pars scilicet pro toto	381	de Pecunia, neruo belli, cogen-	
N			Panis Emaunthanus an de		da	174
Abuchodonosor seruus			Christi corpore intelligen-		Persarum imperiū nimia serui	
Dei uocatus	187		dus	284	tute, ut Atheniensiu immo-	
Nabuchodonosoris historia			Panis & uinum in cœna Do-		dica libertate, interijt	104
de eleemosynis dandis.	240		mini consecrantur & porri		Petitoris officium	137
Natura humana an sit propa-			guntur	285	Petrus Gamratus archiepiscō	
gatione uitata	226		Panis & cibi nomine etiā com-		pus	199
Naturæ bonitatē atq; præstan-			prehendi potum	371	Petrus Roysius Maurus	108
tiam ocio facile corrumpi	19		Panormitani sententia	47	Petri factum	325
Nemrothus	148		Papa an Romæ uel alibi resi-		Petri Lombardi definitio sa-	
L. Neratij factum	115		deat, nō magnopere refer-		cramenti	263
Nicanum concilium, plurimo			re	341	Phaeton	33
rum sententijs reiectis, se-			Papa qualis eligendus	340.	Phariscorum fermentum.	204
cundū Paphnutium decre-			& qualis hodie eligatur.	341	Philippi Melächt. locus de pœ-	
tum tulit	47		Papæ electio	340	nitentia	239
Nicolaus Papa matrimonij u-			Papæ studium	341	Philosophus an errare non	
sum presbyteris non inter-			Papistę cur corpus Christi abs-		possit	92
dixit	290		que uini specie sumi à laicis		Phœnix Achillis præceptor.	25
Nicolai Papę ad Michaelē Im-			debere statuerint	366	Picardorum seu Valdensium	
peratorem literæ	203		Paphnutij autoritas	294	instituta	345
Niniuitarum pœnitentia	240		Parentum in liberorū institu-		Pighius Lutheranorū dogma	
Nobilis definitio	328		tione negligentia taxata.	22	tum strenuus impugnator.	
Nobilibus cur munera publi-			Partium in Ecclesia appella-		249	
ca & summi honores defe-			tio.	219	Pighij de operibus pœniten-	
rantur	60		Paterfamiliās	10	tia sententia	238. item de
Nobilitas unde ortum traxe-			rit	31	peccato originis	220. 241
rit	329		D. Paulus cur mysterium Eu-		Pighij hæresis refutatur, quæ	
Nobilitatis abusus	62		charistiæ & Christi institu-		leuiora statuit adulteria &	
Noha Canaan filium seruitu-			tionem Corinthijs propo-		scortationes presbyterorū,	
ti addicit	71		suerit	369	quàm matrimonia	310
Noscat seipsum quilibet	80		Paulus quæ in episcopo requi-		Pistorum coctorumq; peruer-	
Nouemuirale collegiū quo-			rat	334	sitas	52
modo constituendum	133		Pauli argumentum contra Iu-		Pittaci lex in ebrios	120
					Pius	

I-N-D-E-X.

Pius Papa sacerdotib. nuptias concessit 287
 Plato seuerius in ciues, quàm seruos animaduerti cur iusserit 105
 Platonis de uenditore & emptore lex 52
 Poculum Domini sumentes, cur pro hæreticis habeantur 376
 Poenæ exigendæ à condemnatis 139
 Poenitentia partes 236
 Poenitentiam agere quid 240
 ad Poenitentiam scelerum exhortatio 187
 de Poenitentia cõtrouersia. 236
 Politia 11
 Politia Mosis 12
 Polonorum lex de furibus & homicidis 16. item de prætore inutili 144
 Polonicos reges omnes, præter Boleslaum homicidam, dignitatem suam obtinuissent 28
 Polonia regum electio, & imperij ratio 27
 Polonorum regum laus 4
 Polonorum sacerdotũ cur nullus concilio adesse uoluerit 359
 Polonis duplex belli gerendi ratio 174
 Polydori Virgilij Vrbinatis de cõlibatu presbyterorũ sententia 310
 Populos omnes legibus aut moribus regi 13
 Pontifex an Christi uicarius. 210
 Pontifici quatenus obediendum 211
 Præfectorum municipalium licentia 35
 in Præfectis rerum militariũ, quarum rerum ratio in primis habenda 167
 Præmia bene meritis constituenda 173
 Præpositi 357
 Præsidum arcium & oppidorum officia 48
 Prætoris boni officium 144
 Precatio 237. 364
 Presbyter nullus duabus ecclesijs præficiatur 319. 339
 Presbyterorum intentio 349
 Principis boni officium 157
 Principum peccata exemplo Shem & Iaphet regeda 218
 Promissionis apprehensio per fidem 235

Prophetas cum munere docendi, uxoriæ quoq; rei uacasse 288
 Propolarum decumarum aurtoria 53
 Propugnacula in finibus extruenda 150
 Prosper Pontifex Romanus, sacramenti diuisionem uertit 367
 Prouentuum æstimatio qualis fieri debeat 175
 Prouinciæ omnes uni principi subiectæ, eodem modo uel contribuant, uel militent 184
 Prudentia unde comparetur. 28
 Prudentiæ laus 31
 Prusici imperium quale olim fuerit 108
 Prutenica causa inter Polonos & Germanos 154
 Puer ab Areopagitis, quod oculos coturnicum erueret, damnatus 24
 Pueri ac iuuenes quomodo recte instituantur 20
 Puerorum cõfessio publica fidei 342
 Pulcheria Augusta 200. 202
 Q Vadantenus satisfacere. 238
 Quæstores 180
 Qualis quisque est, tales alios esse suspicatur 94
 R Atio cur hominibus data. 100
 Ratio optimi regiminis unde constet 33
 Regestra 178
 Regia excellentia in quibus resplendere potissimum debeat 338
 Regia potestas cur max. diuina 27
 Regnandi cupiditas in impotente sui, insatiabilis 5
 Regnum Dei 96
 sine Religione pura & syncretæ, nihil in Repub. constare posse 6
 Remulus Numanus 160
 Repræsentatio 381
 Res cur maiores quàm sint, appareant 17
 Repetendarũ rerum modus acratio 152. 153
 Respublica 146. quibus rebus conseruetur 12
 Reipublicæ definitio 10.

diuifio 11. finis ibid.
 præcipuum fundamentũ
 Reipublicæ membra omnia curanda, nec ullum neglegendum 32
 Reipub. pestes maximæ quæ sint 166
 Reipublicæ salutem & dignitatem in tribus potiss. rebus consistere 13
 Reipub. status quis omnium optimus 12
 omnẽ de Repub. quaestionem tribus potiss. partibus contineri ibid.
 Rerumpub. secundum philosophos tres formæ 11
 Rex non solum edictis & decretis, sed & exemplo regere debet 37
 Regis cõsiliarij, qui illi adsint perpetuò 40
 Regis est, presentẽ adesse cõsilijs senatorum de Repub. 41
 Regis est, uirtuti & dignitati omnium ex æquo consulere 34. nullam Reipub. partem deferere 35
 Regis Polonorũ prudens dictum 155
 Regem esse quid sit 33
 Regem negocia sua Deo opt. max. sedulo commendare debere 38
 Regi cur summa potestas data in Repub. 39
 Reges boni quibus uirtutibus instructi esse debeant. 28
 Regum constitutorũ causa. 27
 Regum officia 156
 Regum apud ueteres tituli 32
 Regibus ac principibus quid in primis cognoscendũ 29
 à Regibus qui nam libri euoluendi 28
 Romanorum aduersus Antiochum exercitus 164
 Romanorum felicitas in uincendis hostibus unde. ibid.
 Romanorum mos 25. de iudicibus, qui post depositam administrationẽ, quinquaginta dies residere cogebantur 108
 Romanorum mos in puniendis militum flagitijs 173.
 in senatusconsultis 212
 Rosomagi animatis uorandi cupiditas 76
 Cor. Ruffinus cur senatu motus 51
 Ruteni

INDEX

Ruteni & Boemi utraq; sacra-	Sbigneus Cracouiensis episco-	pub. ferenda	89
menti parte utuntur 286	pus 215	Socratis dictum	68
S	Scholæ encomiū, & uariæ uti-	Socratis & Stilponis uehemēs	
Abbatum & circuncisio cur	litates 351	studium, naturæ feritatem	
sint abrogata 373	Scholarū restitutio quomodo	emendasse 19	
Sacerdotis officio nullus, do-	fieri possit 360	Solonis Salaminij prudens di-	
ctrina & uirtute destitutus,	Scholas instituendi ratio 361	ctum 111	
fungatur 318	Scholarum nomen unde 352	Solonis legum ratio 32	
Sacerdotes ex uirtute & do-	Scholasteres 357	Spiritus sancti dona 209.212	
ctrina esse eligendos 321	Scholastici ordinis commen-	Stanislaus Orichouius 199	
Sacerdotes non ex consangui-	datio 355	Stanislai Scepanei factum 325	
nitate, uel ex ullis obsequijs	Scholastici honores quib. de-	S T A T I M 381	
muneribusq; uel deniq; ex	beantur 362	Status tam uiri quàm mulie-	
genere aut diuitijs, uocan-	Scholasticis hominib. qui con-	ris quomodo consecratur.	
dos esse 322	fulere debeant, & unde. 356	386	
Sacerdotes orientalium eccle-	ad Scholasticos & gubernato-	Stephanus Vintoniensis An-	
siarum uxoribus cohabita-	res rerum humanarum ad-	glorum episcopus doctiss.	
re 288	hortatio 361	386	
Sacerdotum studia 197	P. Scipio 61. eiusdē laus 63	Stiliconis scriba ab Ambrosio	
Sacerdotium quid 287	Scoti argumenta de transub-	excommunicatus 346.	
Sacerdotij naturā minimē re-	stantiatione friuola & infir-	eiusdem pœna 348	
pugnare matrimonio. ibid.	ma 273	Stipendia ad tempus soluē-	
Sacerdotiorum aucupia 347	Scripta diuina firmiter esse te-	da 172	
Sacerdotiorum tribuēdorum	nenda 229	Strylus 365	
abusus 339	Scriptorum consuetudo 388	de Subditorum officio 73	
Sacerdotiorum fundatorum	Scriptura 231	Superbiæ definitio 83	
scopus 356	Scripturæ & uocis idem offi-	de Superbia, & gloriæ appeti-	
Sacramentum quid 262.264	cium ibid.	tione 79	
Sacramentum cœnæ Domini	Scripturarum autoritas 232	T	
quale symbolum 286	Scripturis ne an Ecclesię testi-	Emeritas 166	
Sacramenti eucharistiæ institu-	monio magis sit credendū.	Temperantia 18.31	
tio 380	231	Tertiariæ summæ 182	
Sacramenti tres partes 264	Schultetus inutilis quis 145	Theodosius & Valentinianus	
Sacramēti usus sub utraq; spe-	Secretarij regis quomodo eli-	cur synodis episcoporū in-	
cie ante tēpora cōcilij Con-	gendi 41	teresse noluerint 206	
stantiensis nulli ademptus.	Senatus dicendis sentētijs om-	Theodosius Cæsar ab Ambro-	
286	nia circumspectat ibid.	sio excommunicatus 346	
Sacrificare quid apud ueteres.	extemporalitatē uitet 42.	Theodosius Imperator impul-	
278	perturbationibus animi nō	su Ambrosij supplicia faci-	
Sacrificium quid 277	obtemperet ibid. confi-	norosorum in triginta dies	
Sacrificium an sit missa ibid.	lia sua omnia ad honestatē	extraxit 116	
Sacrificium expiationis ibid.	componat 43. aliorum	Theodosius synodo Constan-	
laudis, seu gratiarum actio	honestis sententijs assentia	tinopolitanæ interfuit. 206	
nis ibid.	tur 45. quod rectum esse	Theodosij Imperatoris ad sy-	
Sacrificium missæ ibid.	sentiat, id loqui audeat. 46.	nodū Ephesinā literæ 202	
Sacrificium salutare ibid.	plus ponderare sententias,	Theodosiū in obtrectatores	
Sacrificij duo genera ibid.	quàm numerare studeat.	suos nullam pœnam statu-	
Sacrificia iustitiæ ibid.	ibid.	isse 118	
Salomonis iudicium de uiuo	Senatus & equestris ordinis le-	Thersites 59	
puero, inter mulieres duas,	gati, cur in consultatione	Thomæ Aquinatis sententia,	
memorable 129	Reip. regibus addantur 39	melius esse presbytero ma-	
Saluianus episcopus Mafsilicē	Senatus definitio ab officio.	trimonio uti, quàm scorta-	
sis, matrimonium presbyte-	41	ri 309	
rorum approbavit 310	Senatus officium 40	Thomicius 66	
Sancti an inuocandi 260.261	Senatū quid deceat, atq; adeo	Transubstantiandi panis & ui-	
Sanguis noui Testamenti. 367	omnes consiliarios 41	ni in corpus & sanguinem	
ad Sapientiam perueniēdi uia.	Sententiarum, si numerentur,	Christi modus 271	
30.	& non ponderentur, perni-	Transubstantiationis nomine	
Satisfactio 236	cies 46	an panis desitio intelligen-	
Satisfactionē operibus detra-	Sigismundus rex Pol. Augusti	da 272	
hentes, quid respiciant 236	nomen primus adeptus 5	Tributum & uectigal à princi-	
Satisfactionum opera 237	Simoniam 323	pibus sine causa non impe-	
Saulis historia 38	Singularia certamina an in re-	randum 183	
		Tributum	



I N D E X.

Tributū & uestigal Reipub.	Verbum caro factum est	381	Virtute, non imaginibus, cum	
causa imperatum, ab uno-	cōtra Verbi Dei principatum,		hoste agendum	324
quolibet soluendum	183	obiectionum quarundam	Virtute potius quā auro de-	
Troianum excidium, ac Dido	explicatio	229	cus quærendum	75
nis interitus, fabulosa	152	de Verborum uanitate in ap-	Vitia tria max. pestifera, ambi-	
Tu pronomini usum prorsus		pellando, assentando, & for-	tio, luxus, & auaritia, inter	
amissimus	85	males epistolas scribēdo. 85	se comparantur	78
Turca cum Christianis bella-	Veritatis catholicæ inuestigan-		Vladislaus Sigismundi Polo-	
turus, discordiā inter ipsos	dæ rationes	375	norum regis primi germa-	
quā maxime oprat	166	Veritatis odium	nus	187
Turca scelerum nostrorum ul-	Veritatem quæ præcipue impe-		Vladislaus secundus	155
tor & punitor	diant	210	Vlpiani sententia, qua scripsit	
Turcarum & Scytharum stra-	Vespasiani auaritia	78	principem legibus solutum	
tagema	163	de Vestium luxu emendando.	esse, an approbanda	141
Turcarum in Hungaria insti-	74. itē in cibis ac potioni-		Vlysses	61
tutum	bus 75. & reuenera	77	Vnctio	261
Turcorum mos	Victoria parta quid agēdum.		Vocationi suæ quisq; seruiat.	
Turcas habere scholas, in qui-	184		98	
bus iuuentus ad bella eru-	Viduas sexaginta annorū tan-		Volenti non fieri iniuriam. 385	
diatur	tum ad ministerium Eccle-		Vota pia necessariō Deo per-	
Turnus Troianis mollitiē ex-	sia admitti	292	soluenda	290
probrat	Vincentius Lirinensis	375	eorum qui Voris implicantur	
V	Vini natura	75	scopus	291
VAdia	140	Virginitas quibus continea-	Vox quid	231
Valentiniani mentio	203	tur	315	
M. Valerius Coruinus milites	Virginitatis laudatorib. quid		Vrias Pōrifex iussu Achas ido-	
pugnatueros ad uirtutē hor-	in primis ostendendum	316	lis sacrificat	214
tatur	330	Virtus	Vxorem non tangere, quate-	
Veneris pictura testudinē cal-	Virtutis cultores ueros quid	364	nus bonum homini, ex Pau-	
cantis quid designet	deceat	362	li sententia	383, 384, 388
Veneris usus homini Christia-	Virtutis inuidia, Reipub. & ue-		X	
no extra matrimoniū om-	ræ religionis extrema pe-		XEnocratis & Platonis in i-	
nino illicitus	ftis	209	ra moderatio	17
Venatorum mos in Ducis ele-	Virtutis ueræ officium	156	Z	
ctione	ad Virtutem comparandam,		ZAchariæ cum Elizabetha	
Verbum	223, 224, 225, 229	18	coniugium quale	300
	assuefactione opus		Zagorij à Parnicio cæsi causa.	5


F I N I S.

BASILEAE, EX OFFICINA IOANNIS

Oporini, Anno Salutis humane M. D. LIIII.

Mense Augusto.





Fly 103

